

R71
512


92
206

Elisav Aaron Stent fugg.
Bat: sup: preb: 2

1645/

Ans longa, vita brevis.

Henry Hasling



C. Plinij
LIBER SECVN-
DVS, DE MVNDI HISTO-
RIA, CVM ERVDITO COMMENTA-
RIO V. CL. IACOBI MILICHII, DILI-
genter conscripto: & nunc denno ex prælectionibus publ. in Aca-
demia Vitzbergensi recognito, pluribusq; in locis aucto & a-
mendis repurgato: opera & studio

BARTHOL. SCHONBORNII.

EPIGRAMMA.

Astrorum cursus, formamq; micantis Olympi,
Et rerum causas, multiplicesq; vices:
Vtq; regant totum caelestia corpora mundum
Viribus occultis, continet iste liber.
Quisquis amas igitur, quod machina totius orbis
Sustinet, exigua perdidicisse mora:
Huc ades, & Latio scriptum sermone libellum
Perlege: namq; breui, quod cupis, inde feres.



CVM PRIVILEGIO CAESAREO
AD ANNOS X.



AD LECTOREM

Elegia Georgij Emily Mansfeld.

Quicquid astrorum varios cognoscere motus,
 Quasq; ferant mundo sidera clara vices:
 Perlege Romana scriptum gravitate libellum,
 Talia qui mira simplicitate docet.
 Namq; refert primum, nitido fulgentia cælo
 Sidera quo surgant tempore, quoq; loco.
 Atq; quid obscuro designet Cynthia cornu,
 Quid sibi, cum nitido cingitur orbe, velit.
 Quid moneat triplici conspectus imagine Phæbus,
 Quidq; notet fuscis cum moderatur equos.
 Hinc varias rerum deducit ab æthere causas,
 Et docet à cælo corpora nostra regi.
 Naturaq; vices, diversaq; semina monstrat,
 Inq; vicem rebus cedere prisca novis.
 Inde velut longo conscendit in æra cursu,
 Quem docet abscissum partibus esse tribus.
 Explicat hic pauidas terrentia fulmina mentes,
 Quasq; micant rutilo fulgura missa polo
 Unde cadant imbres, gelida qua causa pruina,
 Unde trahat liquidas discolor arcus aquas.
 Quid faciat rutilos canda flammante Cometas,
 Quidq; boni signent Chasmata, quidq; mali,
 Quis furor indomitos, qua vis agat effera ventos,
 Cur modo tempestas, cur modo clara dies.
 Mobile cur nitido cælum volutur ab ortu,
 Et rapiat cursu sidera cuncta suo.
 Frigida cur nunquam custodis plaustra Bootæ
 Oceani liquidis excipiantur aquis.



*Quid faciat gelidis ut non eat orta quadrigis ,
Cynthia & clara sidera luce fuget.
Mare nouo gelidis veniens cur Lucifer undis,
Arguat auricomum non procul esse Deum.
Cur modo longa dies rapiat sua tempora nocti,
Cur modo proluxa sidera nocte micent.
Dinidit inde tribus terrarum partibus orbem,
Quem maris immenso circuit vnda sinu.
Enumerat varijs errantes cursibus amnes,
Multaq; seu terra cognita sine mari.
Hac quicunq; negat tenera discenda iuuenta,
Ille nihil cerebri, nil rationis habet.
Nescit & athercis homines è sedibus ortos,
Parte sui cælum dexteriore sequi.
Magna viris igitur debetur gratia doctis,
Qui teneros iuvenes hac Elementa docent.
In quorum numero non est postremus habendus,
Milibius nostra fama decusq; schola.
Talia qui primùm vigili monumenta labore,
Reddidit eloquio lucidiora suo.
Illius auspicio totum liber iste per orbem
Purior, & vera tersus ab arte volat.
Et quia posterior superat meditatio primam,
Nullaq; non aliquid, quæ venit hora, docet:
Est autore iterum quoniam correctus ab ipso,
Omnibus hoc debet charior esse liber.
Quare sic cupies totum cognoscere mundum,
Hoc eme præclarum candide lector opus.
Crede mihi hîc disces, quod te didicisse iuuabit,
Vtq; diu possis discere, vine, vale.*

NOBILISSIMO
PRINCIPI AC DOMINO
D. GEORGIO PRINCIPI IN AN-
HALT, COMITI ASCANIAE, &c.
Præposito Ecclesiæ Magdeburgensis,
IACOBVS MILICHIVS

S. D.

Q VOD Platon inquit, Philosophos iu-
stos esse, quod in inquirenda & pa-
tefacienda rerum natura studiū po-
nant, omisis alijs vitæ ac ciuitatum
negocijs, etsi id Cicero suo quodam
consilio reprehendit, tamen si verè
iudicare volumus, præclare & sapi-
enter dictum est. Nam si iusticia est, suo quenq; loco
benemereri de genere humano, non minus iusti cen-
sendi sunt philosophi, cum suum manus tuentur, &
ad salutem publicam referunt, quam cæteri viri bo-
ni, qui in administratione ciuitatum aliqua cum lau-
de versantur. Cum enim singuli ordines, sua quæ-
dam beneficia, ad cōmunem vitam conferant, Ma-
gistratus pacis defensionem, agricolæ victum, opifi-
ces pleraq; alia vitæ præsidia, quod tandem munus
anteferendum est cognitioni maximarum rerum,
quam philosophi ad iuuandam & ornandam homi-
num vitam afferunt? Etenim non tantum priuata
oblectatio his studijs quæri putanda est: sed cum na-
turæ vim patefaciant, traducunt homines ad huma-
nitatem: legum fontes, & omnium officiorum cau-
sas monstrant, valetudinem tuentur, ostendunt mor-
borum

borum remedia, inuitant animos veris rationibus ad religionem, & firmis præfidijs religionem muniunt. Cùm autem ingens sit harum maximarum rerum vis atq; vtilitas, satis intelligi potest, philosophos, qui diuinitus abstrusas in natura causas & perspiciunt & patefaciunt, de hominum vita præclare mereri. Quæ fuerit ingratitudo, summorum hominum studia vituperare, qui cùm mirabiles stellarum ac varios motus obseruassent, constituerunt certa anni spacia, & monstrârunt causas plurimarum rerum, quæ in vita accidunt. Non est leuiter meritis Thales de vniuersa Græcia, qui primus & ostendit certum solis cursum, æquinoctiorum articulos & interualla: & intulit hæc studia cœlestium rerum in patriam, quæ si prorsus ignorentur, quantulum distabit hominum vita à belluina? nullus enim temporum ordo, nulla series rerum gestarû constare posset. omitto iam alia multa. Quid quòd idem Thales cœlestibus causis monitus, patriæ suasisit, ne cum Cræso contra Cyrum arma sumeret, quo consilio patriam, quæ alioqui peritura fuerat, seruauit. An ædilem aliquem aut pragmaticum de Rep. benemereri fatebimur, hunc talein virum dicemus nihil meritum, sed tantum animi causa ludere existimandus erit? Mihi verò non solum ingrati, sed etiam amentes videntur, si qui hæc summa beneficia non intelligunt. Num exiguum manus reliquit Ptolemæus vitæ hominum, qui vniuersam doctrinam de rebus cœlestibus in methodum atque artem contraxit, quæ si non extaret, res in natura pulcherriamæ & maximè dignæ admiratione prorsus iacerent obrutæ tenebris. Non conditæ vrbes, non
propu-

propugnacula extructa, aut huius generis opera vlla : ne victoriæ quidem plæræq; quamlibet egregiæ, plus vtilitatis ad omnē posteritatem afferunt, quàm hæc doctrina. Longū esset omnes enumerare. Quid Hippocrates & cæteri, qui hominis naturam mirabili solertia scrutati sunt, qui tot herbarum, fruticum & aliarum rerum vires animaduerterunt, & in summis periculis opem planè diuinam vitæ hominum afferunt? Ab his si quis flagitaret, vt omiſſis studijs suis accederent ad forenses causas, nonne iniuria genus humanum afficeret, cum ab earum rerum inquisitione illos abduceret, quæ ad vitam tuendam necessaria sunt? Rectè igitur Plato inquit, Philosophos iustos esse, quod in optimis studijs versentur, quæ præcipua sunt huius vitæ ornamenta. Tam vt de cæteris vtilitatibus non dicam longius, quanta dignitas est, si quis consideret, homines ad hoc nasci, vt naturam rerum inquirent, eamq; sequantur ducem ad agnitionem Dei? Nam vt ingenuè dicam quod res est, valdè dissentio & à veteribus Epicureis, & ab ineruditis quibusdam nostræ ætatis hominibus, qui cum inditia diuinitatis impressa naturæ obruant insulsis cauillationibus, à Physices studijs ingenia abducunt. Nec verò obscure refutat hos Pauli auctoritas, qui grauissimè inquit, tam prope adesse Deum, penè vt manibus prehendi & contrectari possit. Significat enim expressa vestigia atq; inditia diuinitatis in natura extare, quæ conuincunt animos, hunc mundum non casu extitisse, sed ab aliqua æterna mente conditum esse & gubernari. Non est huius loci colligere eius rei argumenta, quæ sunt innumerabilia.

Hæc enim mihi vna quædam consentiens vniuersæ naturæ quasi vox videtur. Ideo Paulus eruditissimè philosophatur, cum ait: vel manibus prehendi Deum posse, propterea quòd in naturam rerum intuens animus, fateri reipsa cogatur, autorem & gubernatorem esse Deum. Itaq; meo quidem iudicio, plurimum prodest, ad Physicæ & naturæ cognitionem ingenia à teneris assuefacere. Maximam enim vim habet id studium, cum ad alia, tum ad alendam & confirmandam in animis religionem. Neque enim Paulus diceret, inueniri & contrectari Deum posse, non diceret Deum conspici in natura, si hæc Philosophia inutilis aut commenticia esset. Quare valeat apud bonos ac studiosos Pauli autoritas. Hunc sequantur hortatorem ad huius doctrinæ studium, quæ ad agnitionem Dei plurimum conducit, quæ animos ad pietatem & virtutem exuscitat. Cum igitur hæc Philosophia tantas ad vitam utilitates afferat, cum deducat ad Dei cognitionem, magnopere probanda est Platonis sententia, qui deditos huic studio iustos esse censuit, quòd naturam sequerentur ducem ad doctrinam expetendam, & inquirendum Deum, & res in vita utilissimas patefacerent. Delectemur itaq; his studijs, eaq; ornare conemur, siquidem iusticia est ea colere atque illustrare. Vtilis autem cum primis est adolescentiæ Plinij secundus liber: quia elementa atque initia vtriusq; partis Physicæ tradit. Nam & Astronomica multa complectitur, & ea quæ vocantur *μετέωρα* aptissimè collegit, & in his hoc præstat cæteris autoribus, quòd ex historijs multos recenseteuentus, quod ipsum inuitat adolescentes
ad

ad admirationem harum rerum atq; artium. Quare cum studia Physices commouere, & pro virili inuare cuperem, & adolescentiæ opus sit initio quibusdam talibus compendijs, duxi hunc Plinij librum enarrandum esse, vt in scholis, & in manibus adolescentium frequentius versaretur, idque feci multis bonis viris hanc meam operam flagitantibus. Nihil autem opus est me de Plinij laudibus dicere, qui non tam librum, quàm bibliothecam, nobis reliquit, complexus vno volumine ferè totam rerum naturam, vt ne apud Græcos quidem extet vnus aliquis locupletior autor. Ad hæc, conseruauit multis de rebus lectissimas doctorum sententias: item Latinas appellationes plantarum. Quare semper & studium & consilium omnium valde probaui, qui in Plinio ornando operam collocauerunt. Meum autem hoc consilium fuit, & vt Plinium facerem magis familiarem studiosis: & vt hæc initia Physices inuitarent eos, qui perfectam doctrinam expetunt, & ab his elementis ad alios auctores gradum facturi sunt. Itaq; enarrationem meam ad communem scholarum consuetudinem accommodaui, quod in docendo mihi quidem videtur esse vtilissimum. Extant in hunc librum Cigleri, hominis docti, Commentarij, eruditè & subtiliter scripti, sed neq; integrum librum interpretantur, & à scholarum consuetudine nonnihil recedunt. Quare spero cum boni consulturum esse, quod amicis morem gessi, qui mihi autores fuerunt, vt hæc ad vtilitatem iuuentutis collecta æderem. Adeo enim nihil de ipsius existimatione detraho, vt libenter profitear, me ab ipso sæpe adiutum esse.

Tibi autem Clariss. Princeps hanc lucubrationem dedico, nec profecto veritus sum, ut hæc scholasticæ disputationes munus satis aptū tibi viderentur. Nam & decet à summo ordine scholas defendi & iuvari: & hæc philosophia de rerum natura, propter multas causas dignissima est studio bonorum Principum. Quamobrem multos principes verè heroicis ingenijs præditos singulis ætatibus magnopere amasse & coluisse has artes videmus. Deinde quid magis conuenit, quàm summos viros, præstantissimas res in natura & mirari & intelligere, præsertim cū earum cognitio ad Reipub. administrationem plurimum conducatur. Spero autem eo tibi munus nostrum fore gratius, quia cum ad natalium splendorem, est enim vetustissima nobilitas Anhaldinorum Principum, eximiam doctrinam adiunxeris, non dubitabam te de omnium honestarum artium studijs præclarè sentire. Sic igitur hoc tibi munus offero, simul ut me ac studia mea tibi commendem: qua in re illud etiam cogitabis, quòd ut in alijs rebus decet Principes iusticiam tueri, ita hi defendendi sint, quibus hoc nomine vir sapientissimus Plato iusticiæ laudem tribuit, quòd artes vitæ utiles conseruare & propagare ad posteros student. Vale foeliciter.

A R G V M E N T V M I N S E C V N D V M P L I N I I.

L O N G E plus conduit ad comparandam solidam eruditionem, ordine artes ipsas discere, quàm temere per varios scriptores vagari, nec prospicere inente certum aliquem studij finem, nec in artes certas curam atq; animum intendere. Ideo enim distributæ sunt artes, vt ordine docerentur homines de ijs rebus, quarum cognitio vitæ inprimis necessaria est. Et ob has causas prodest nosse artium distributionem, cum vt intelligamus quarum rerum cognitione in vita opus sit: tum vt ordine per singulas ducamur. Qui spreta hac via errant per varios autores, horum studia ipsis fortasse puerilem oblectationem pariunt, sed Reip. nullam possunt asferre vtilitatem. Nullius enim generis artifices fieri student: nullas res integrè & perfectè discunt: quæ res plurimum officit iudicijs: Ideo sapienter in scholis institutum est, vt artes proponantur.

Artes ordine discendæ sunt.

Quo ordine artes tradantur.

Hæ autem bifariam tradendæ sunt. Initio enim in quolibet genere traditur res in compendium contracta, vt quasi summam negocij ad subtiliorem tractationem asseramus, propemodum vt in poëmatis fit. Prius enim argumentum breuiter narratur, quàm tota res exponitur: atq; hoc fit prorsus in omnibus artibus.

Est autem artium omnium longè princeps hæc pars Physica, quæ naturas corporum cœlestium atq; elementorum, motus siderum, variarum rerum causas, quæ in aëre gignuntur, magnitudinem ac figuram terræ & aquæ inquirat: atq; harum rerum cognitio magnam habet vtilitatem in vita: tum verò nulla res est naturæ hominū conuenientior, quàm hæc inquisitio naturæ. Quare poëta Virgilius rectè prædicat fœlicem esse eum, qui potuit rerum cognoscere causas. Et in eandem sententiam multa dicuntur passim à summis scriptoribus, qui quidem nos hortantur omnes, vt in hac doctrina

Physica naturalis.

doctrinæ parte præcipuè elaborandum putemus, quorum auctoritatem contemnere amentia est.

Argumen-
tum Iulius
2. lib. Plin.

Sed ut in alijs artibus initio res summatim comprehensæ proponuntur, ut postea quasi euolutæ considerentur diligentius: ita & in hoc genere faciendum est. Quare elegimus hunc librum Plinij, qui quasi in compendium contraxit præcipuos locos vniuersæ Physices. Inclusit enim breuiter in hunc vnum libellum multa Aristotelis volumina, librum de Cælo, *περί οὐρανόφαι*, de Mundo. Addit & pleraq; Astronomica, necessaria in tali opere, quæ tamen non attingit Aristoteles, credo quòd Græcis nondum satis noti essent planetarum motus.

Proinde hoc consilio legendus erit hic liber, ut sciamus enim ad rerum scientiam pertinere, & summam quandam Physicæ complecti, quæ nos de primis ac pulcherrimis corporibus in hac tota re etiam vniuersitate docet, de cœli, siderum, & elementorum natura, de motibus siderum, de his quæ in aëte gignuntur, de figura ac magnitudine terræ. Hæc atq; alia multa breuiter collegit, ut velut vno aspectu naturam rerum in hoc opere propositam intueri vniuersam possemus. Et quod in compendio fieri debet, prudenter præstitit: elegit ex longissimis aliorum disputationib. præcipuos locos, velut gemmas, ut prolati atq; eruti ex illis immensis aliorum operibus clarius conspici possent. Et sententias Græcorum scriptorum mira proprietate atq; elegantia sæpè ad verbum Latine reddit. Interdum breuitas reddit obscuram orationem, cum subtilissimas demonstrationes paucis verbis velut punctis designat tantum, nec pertexit, quas explicare muus est interpretis.

Ac pleraq; per se non valde obscura ac difficilia, parum commodi interpretes corrumpunt, qui næ intelligendo faciunt ut nihil intelligant. Neq; verò dissimulari potest, alicubi Plinium in annotando hallucinatum esse. Sed inciuile est reliquis eius beneficijs nolle pauca quædam errata condonare. Isti verò egregiè inepti sunt, qui dum errata tueri

conantur, incidunt in labyrinthos prorsus inexplicabiles. Illud magis decebat interpretem, dilucidè ac simpliciter enarrare sententiam auctoris, & prudenter & bona fide indicare quid probandum, quid repudiandum sit. Nam profectò illud verum est, quod ait Plato, Posse has res faciliè percipi, si contingat doctor idoneus. Et quidem addit, Ne docere quidem posse quenquam, nisi Deo ducente :

Αλλ' οὐδὲν ἂν διδάσκειν, εἰμὲν θεὸς ὡφελόντος.

Si cum voluptate spectamus pictas tabulas, aut sphæras corporum cœlestium, aut terræ, multò magis hunc librum iuuabit considerare, in quo pulcherrima illa corpora multò clarius conspici possunt. Quare sciamus huius operis finem & scopum esse, ut compendium præcipuæ partis Physices tradat, quod præparet studiosos ad longiores & subtiliores disputationes, quæ iisdem de rebus extant apud Physicos & Astronomos.

C. P L I -



C. Plinii Secundi

NATURALIS HISTORIAE

LIBER SECVNDVS.

An finitus sit Mundus, & an vnus.

C A P. I.

MVNDVM, & hoc quod nomine alio coelum appellare libuit, cuius circumflexu teguntur cuncta, numen esse credi par est, æternum, immensum, neq; genitum, neq; interitum vnquam. Huius extera indagare, nec interest hominum, nec capit humanæ coniectura mentis. Sacer est, æternus, immensus, totus in toto, imo verò ipse totum. Finitus, & infinito similis: omnium rerum certus, & similis incerto: extra, intra, cuncta complexus in se, idemq; rerum naturæ opus, & rerum ipsa natura.

Furor est mensuram eius animo quosdam agitare atq; proderere ausos: alios rursus occasione hinc sumpta, aut his data, innumerabiles tradidisse mundos, vt totidem rerum naturas credi oporteret: aut, si vna omnes incubaret, totidem tamen Soles, totidemq; lunas, & cætera etiam in vno, & immensa & innumerabilia sidera: quasi non eadem quæstione semper in termino cogitationis occursura, desiderio finis alicuius: aut, si hæc infinitas naturæ omnium artificii possit assignari, non illud idem in vno facilius sit intelligi, tanto præsertim opere.

Furor est, profectò furor, egredi ex eo, & tanquam interna eius cuncta planè iam sint nota, ita scrutari extera: quasi verò mensuram vllius rei possit agere,

¹
Mundus
quid.²
Tempus &
duratio
mundi.³
Quantitas⁴
Numerus.⁵
ἐν φούρῳ
μα.

agere, qui sui nesciat: aut mens hominis videre, quæ mundus ipse non capiat.

Mundus
quid.

PRIMVS locus huius capituli est definitio mundi, quam hic tantum nominis ponit, nō rei, cum inquit: Mundus est cuius circumflexu teguntur cuncta. Aristoteles in libello *περὶ κόσμου*, qui existimatur esse Damasceni, duas ponit, alteram ex partibus, alteram verò causalem. Prior est cum inquit: *κόσμος μὲν οὗτος ἐστὶ σίστημα ἐξ οὐρανοῦ καὶ γῆς καὶ ἐν ταύταις περιεχόμενον φύσιν*, hoc est, Mundus est compages, constans ex cælo, terra, & cæteris naturis, quæ in his continentur. Systema propriè significat aptam distributionem cuiuscunque multitudinis. Posterior est: *κόσμος ἡ τῶν ἑλκων τάξις τε καὶ διακρίσεις*, *ὅθεν διώτεται καὶ διὰ διὰ φυλακῆς*, hoc est: Mundus est omnium corporum ordo ac distributio, quæ à Deo & propter Deum conseruatur. Causa itaq; efficiens Mundi est Deus, quam exponit cum ait: à Deo conseruatur. Finalis verò, propter Deum, ut intelligamus non temerè nasci res, sed regi à prima causa, & ad aliquem finem tendere. Materia ea est, ex quibus ipsa corpora constant. Formam intelligit cum ait: *διακρίσεις*. Sunt enim certæ species miro ordine in natura distinctæ. Potest itaq; mundus definiri definitione Ecclesiæ, quæ non ex philosophia, sed ex sacra scriptura sumpta est, hoc modo: Mundus est structura seu ædificium à Deo ante quingentos quinq; mille & 23. annos, ex nihilo, hoc est, solo Verbo condita, continens cælum, sidera & elementa optimo ordine collocata & distributa, ut sit domicilium creaturarum rationalium, & testimonium immensæ sapientiæ, potentiæ & bonitatis Dei, hoc modo se primùm patefacientis, & sua bona communicantis, præcipuè cum creatura rationali.

Mundus
num æter-
nus, & cur
Aristoteli
sic visum.

SECUNDVS locus huius capituli est, quòd Mundus sit æternus, qui etiam est in octavo Physicorum agitata ab Aristotele. Sciendum tamen est, rationem humanam non posse certò statuere de æternitate mundi, sed tantum hoc indi-

iudicat, mundum ab aliqua causa pendere : quomodo vero ab illa causa ortus sit, non potest pernitere. Offensa enim hoc principio : Ex nihilo nihil fit, statuit mundum esse æternum. Ideo etiam Aristoteles ne cogatur largiri, mundum ex nihilo factum esse, maluit disputare mundum æternum esse : & tamen interim largitur primum motorem causam esse primam, & infinitæ potentie. Ipsa enim ratio huc eum deducit, ut unam quandam infinitam causam constituat, sed illi infinitæ causæ postea addit mundum æternum, quod non habet demonstrationem, & tantum sit eo, ut vi-
 tet illud absurdum : Ex nihilo aliquid factum esse. At cum ratio conuincat unam primam causam, concedere debuit Aristoteles, mundum etiam habere ortum, atque esse ab illa prima causa. Plato & cæteri cum viderent deesse demonstrationes de æternitate mundi, maluerunt retinere traditam à maioribus sententiam, quod mundus cœperit, & à prima & infinita mente conditus sit. Tutissimum enim visum est auctoritatem sequi maiorum, cum deessent demonstrationes. Nam ut ipse Plato ait : Credibile est maiores melius scisse res diuinas : Quia cum essent à Deo orti, cognati ei & propiores fuerunt quam nos. Et Cic. in 1. Tuscul. Antiquitas, quo propius aberat ab ortu, & diuina propagatione, hoc melius ea fortasse, quæ erant vera, cernebat.

Platoni
mundi cœ-
pit.

Rationes Aristotelis, quibus probat mundum esse æternum.

I. Ante omnem motum est motus, Ergo motus est æternus : quare sequitur & mundum æternum esse. Antecedens probat, Quia si motus cœpit, necesse est tamen mobile præcessisse : si præcessit, aut fuit æternum, aut cœpit per alium motum : iam si cœpit per alium motum, fuit motus ante mobile, quod est impossibile. Relinquitur igitur fuisse mobile æternum : quod si quieuit, etiam moueri po-
 B tuit,

Aristotelis
rationes.

tuit, nam quies est tantum priuatio motus.

D I L V T I O. Neganda est consequentia postrema, si cœpit per alium motum, fuit igitur morus ante mobile, quod est impossibile. Neganda est consequentia, quia Aristoteles physicum principium malè accommodat ad mundi ortum, videlicet in omni ortu existere subiectum mobile: ut in generatione materia subiecta est, id principium ad naturam conditam pertinet: sed in ortu mundi producitur mobile ex nihilo: nec est motus præcedens, sed voluntas creans: nam mouens primum, mouet sine sui mutatione.

II. Propria & perfectissima causa nō est in infinitū ociosa. Prima causa est perfectissima, Ergo nō est ociosa. Fuisset autem ociosa inde vsque ab æterno, nisi mundus exstitisset.

D I L V T I O. Maior est vera de efficientibus naturalibus, non de voluntarijs: Ut ignis non potest non agere: at faber potest suspendere actionem. Porrò prima causa mens est, quæ consultò ac volens agit.

III. Tempus est æternum, Ergo motus est æternus. Valet consequentia, quia tempus est mensura motus. Antecedens confirmat, Quia aut cœpit tempus in tempore, aut in aliquo nunc seu instanti: si in tempore, sequitur fuisse antea tempus: fuit igitur æternum. Sin autem in aliquo nunc, idem sequetur. non enim potest intelligi nunc, nisi continuans tempus. Semper igitur fuit tempus: intelligitur enim aliquod ante illud nunc: ante autem tempus est.

D I L V T I O. Negandum est antecedens, & ad confirmationem respondendum, quod tempus propriè dictum, quod est mensura motus, cœperit cum primo mobili in aliquo nunc. Nam ut in linea est punctum initians, continuans, & terminans, sic in tempore intelligi debet nunc initians, continuans, ac terminans. Facile igitur apparet hanc rationem non esse demonstrationem, quia necesse est omnem durationem esse mensuram motus corporum. Sed illud verum est, humana mens non potest videre discrimen temporis & æternitatis, seu qualis sit duratio æternitas, ideo

ideo cū retro respicit, perpetuitatem huius noti temporis cogitat.

III. Nullum in circulo potest assignari punctum inchoans motum, Ergo motus cœli sempiternus est.

DILV TIO. Non est necessaria consequentia à figura ad durationem.

V. Quod non habet alterationes, non est subiectum generationi & corruptioni, Cœlum non habet alterationes, Ergo nec generationi nec corruptioni obnoxium est. Maior est manifesta, quia tot seculis nulla deprehensa est vel exigua alteratio.

DILV TIO. Et hoc argumentum tantum est *cogitatio*, non est demonstratio. Sed opponendæ sunt *argūta* aliæ rationes, scilicet, quod non possint esse plura infinita atque æterna. Item quod mundi partes obnoxie sint alterationibus, aër, aqua, terra. Porro & hæc ad perpetuitatem mundi requirebantur.

(Huius extera indagare.)

Expolitione eandem sententiam de mundi æternitate repetit. Ludita autem suo more figuris grandioribus, propter rei magnitudinem, & materiæ dignitatem. Vocat eum sacrum, æternum, immensum, &c. ut assuefaciat animos studiosorum, ut se contineant intra mundum, nec vagentur extra, & inanibus atq; ociosis disputationibus indulgeant, præsertim cū abunde hic vnicus mundus dignas summo studio & cognitione res contineat. Colligit autem ab absurdo, extra mundum nihil esse. Si circumflexu mundi cuncta teguntur, Ergo extra ipsum nihil existit, & per consequens, stultum est huius extera indagare, & inanem operam in res nullas & nusquam existentes collocare. Reliquæ figuræ quæ in textu sequuntur sunt planæ. Vocat eum immensum, quia vniuersam naturam rerum continet, & est velut totum, reliqua cuncta sunt partes tantum. Vocat etiā totum in toto, hoc est, cuncta, imo vniuersam naturam

Quid extra mundum.

hic mundus complectitur, extra quem nihil est nec motus, nec tempus, nec æuum, nec vlla res aut corpus, &c.

De magnitudine mundi.

TERTIVS locus huius capituli continet etiam vtilem physicam sententiam, de quantitate Mundi, quod sit finitus. Dixit enim iam, Mundum esse æternū, immensum, &c. ibi statim homini studioso venit in mentem, Ergo est infinitus, si infinitus, ergo nulla certa spacia motus neq; temporis in illo existere possunt.

Respondet Plinius: finitus quidem est, sed infinito similis, hoc est, si hæc tanta ac tam vasta moles mundi conferratur cum alijs corporibus, imo cum animorum nostrorum imbecillitate, est planè infinitus: constat enim certis demonstrationibus, terram vniuersam esse instar puncti ad cælum, nec eius diametrum vllam ad cælum proportionem continere, Ergo reuera hic mundus est infinito similis. Sic etiam est omnium rerum cæcus, & similis incerto, hoc est, haber certos motus, qui finito temporis spacio reuoluuntur. habet certos limites ortus & occasus: item certas vices apparitionum ac occultationum siderum, ramen est incerto similis, propter motuum dissimilitudinem, & apparentiarum diuersas vices. Videmus enim mirabiles vices non tam in motibus Planetarum, quàm etiam fixarum stellarum, quæ iam secundum, iam contra signorum ordinem feruntur: iam stare videntur, idq; non eodem modo, neq; vniiformiter, quemadmodum Deo volente infra copiose exponemus. Non autem illa inter se pugnant, quod supra mundum æternum atq; immensum vocauit, nunc autem cum finitum esse dicit, alterum enim ad durationem seu tempus pertinet, alterum ad formam seu figuram tantum. Potest enim aliquid æternum esse secundum Philosophos, cuius quantitas certa forma ac certis limitibus est circumscripta.

Natura quid sit, ac quotuplex.

Cur autem mundum opus naturæ, ac ipsam quoq; naturam vocet, intelligi potest ex explicatione vocabuli naturæ. Alia enim est rerum natura vniuersalis, quæ nihil aliud est,

est, nisi ipsa vis mundi & gubernatrix & construatrix, quæ cauer ne alicubi in motu impingat aut erret, & quæ in formatione & conseruatione omnium formarum ac specierum in hac vniuersitate semina subministrat ac fouet. Et quam Epicurus neget hæc diuinitus, aut ab aliqua mente seu intelligente natura fieri; neminem tamen sanum mouere potest, cum in physicis tractationibus non tantum deliramenta & scurrilia dicat, sed planè cum communi sensu pugnat, cum mundi casu ex atomis confluere dicit, & omnia ferri incerto ac vago motu, &c. Itaq; quid ipse naturam vocet non curabimus, sed exponemus sententiam sanorum philosophorum, qui ipsam naturam ducem secuti, expressa Dei vestigia atque diuinitatis indicia in mundo extare viderunt, vnde hanc vniuersalem naturam rectè & sanctè Deū esse dixerunt, seu, vt ipsi vocant, mentem æternam & infinitam. Nota est sententia poetæ:

Ex ipso & per ipsum sunt omnia. Item in VI. Aeneid.

Totamq; insusa per artus

Mens agitat molem, & magno se corpore miscet, &c.

Est & alia natura particularis, quæ nihil aliud est nisi temperamentum corporum, quod ex elementis & illorum qualitibus gignitur, quo omnes facultates reguntur ac gubernantur: hanc medici calorem naturalem vocant. Est itaq; sententia Plinij, Mundum esse rerum naturæ opus, hoc est, mundum à mente aliqua cæpisse & gubernari, quemadmodum & Cicero in 2. de natura Deorum inquit: Omnium rerum quæ Natura administrantur, seminator & sator & parens atq; educator & altor est Mundus. Sed statim subiicit Plinius correctionem, secutus Epicurum magistrum suum: Imo hæc mens nihil aliud est nisi mundus.

Natura
particularis.

Mundum esse finitum, his rationibus ostenditur.

Prima. Infinitum corpus non potest moueri circulariter, Mundus est finitus.

ter, Cælum mouetur circulariter, Igitur cælum non est infinitum. Maior probatur: Si enim esset infinitum, tum lineæ protractæ à centro in infinitum distarent. Cum autem motus circularis sit, reditus ab eodem in idem punctum, horum autem punctorum infinita est distantia, non est possibile finito tempore infinitum spacium confici, & per consequens neq; circumuolui potest.

Secunda. Finito tempore infinitum corpus non reuoluitur, Cælum autem finito tempore suum motum conficit, Ergo est finitum.

Tertia. In infinita magnitudine non est principium nec medium nec finis, Sed in mundo est quoddam punctum medium, ad quod naturali & immutabili lege graui corpora tendunt, & à quo lenia corpora sursum feruntur, Ergo mundus non est infinitus.

Mundus
vñs, & nō
plures.

Q V A R T V S locus huius capitis est de Mundi numero, non esse plures mundos, sed vnum tantum. Est enim inter philosophos & hæc quæstio agitata, an sint plures mundi. Et quidem Epicurei, qui vniuersam physicam corruperunt, multa plausibiliter de hac re colligunt, quæ propter absurditatem Plinius non approbat, sed sanio rem sententiam sequitur, vnum videlicet esse mundum, idq; probat dilemmate. Aut enim sunt innumerabiles mundi, cum totidem naturis rerum vniuersalium. Cum autem rerum natura sit æterna & infinita, à qua reliquæ naturæ initium habentes & particulares oriuntur, sequeretur plura esse æterna & infinita, quod est impossibile: non enim possunt esse plura æterna non aliunde orta: si autem sunt orta, non sunt æterna. Est Aristotelis ratio, sic enim ille colligit: Vnumquodq; quod ab aliqua causa in lucem prodit, semper illius causæ, à qua prodit speciem & imaginem refert. Mundus autem hic vniuersus suum esse accipit à primo rerum principio, quod maximè est vnum, ideo & mundus vnus est. Sequitur altera dilemmatis pars. Aut vna natura innumtabiles mundos excubat, atqui sic necesse esset infinitos

Soles

Soles, Lunas, & rerum species seu formas existere. Cum autem supra dictum sit mundum finitum esse, ergo necesse est illi in termino alicuius finis subsistere. Non autem potest certus finis vel numerus existere, si infiniti mundi fingantur. Sequitur, Quasi non eadem questione, scilicet de finitate, semper in termino cogitationis occurrere, videlicet cupientis scire certum numerum. Cum autem hic vnicus mundus & magnitudine & forma satis capax sit omnium specierum in natura rerum existentium, ociosæ & vanæ mentis est querere per plura, quod commodè per pauciora fieri potest.

Aliæ rationes, non esse plures, sed vnum tantum mundum.

Prima. Omne corpus simplex mouetur certo & à natura determinato motu: si autem plures mundi extiterint, hic certus ac regularis motus confunderetur, tetra enim vnus mundi moueretur ad terram alterius mundi, vnde sequeretur confusio corporum simplicium.

Secunda. Vnus est primus motus sempiternus & regularis, Igitur est tantum vnus mundus.

Tertia. Frustra sit per plura, quod potest fieri per pauciora, Vnus mundus omnium specierum & naturarum intra extracipsum capax est, Ergo frustra finguntur plures mundi.

Addir in fine *ἀνθρώπων*: Infania, inquit, & furor est, ex hoc mundo egredi, exteracq; scrutari, quasi cuncta, quæ in hoc mundo continentur sint nobis planè nota atq; cognita. Quotusquisq; est, qui vires herbarum, naturas animalium, commixtiones elementorum, astrotum & corporum celestium motus, naturas & vires bene cognitas teneat? Ergo signum est ociosæ & vanæ mentis externa perquirere, pluresq; mundos confingere, quarum rerum in hac vita prorsus nullus vsus existit: interim verò necessariarum rerum studium abijcere, quod & ad formandam vitam, & alen-

dum atq; confirmandum ingenium infinitas utilitates continet. Est itaq; addita pulcherrima reprehensio istius inanis atq; ociosæ curiositatis, quæ sectamur ea quæ aliena à natura & falsa existunt, neglecta vera philosophia, quæ habet certas demonstrationes, neque dissentit à communi sensu seu naturali iudicio rationis. Sic autem inquit: Quasi verò mensuram ullius rei possit agere, qui sui nesciat, aut mens hominis videre quæ mundus ipse non capiat, quasi dicar, non est verisimile aliquem intellecturum res quæ extra mundum sunt, hoc est, quæ nihil sunt, qui eas res quæ intra mundum sunt & ob oculos versantur, non cernit neq; intelligit: imò qui seipsum non assuefacit, ut res utiles ac necessarias in vita discat. Et quemadmodum Demosthenes ait, Nunquā publicè bonum ciuem futurum, qui priuatim domi suæ malus sit. Ita nunquam magnarum rerum doctrina comparari potest absq; hac animi assuefactione ad virtutem & veritatem. Galenus libro nono de placitis Hippocratis & Platonis ait, esse duplices philosophos, Alij sunt practici, qui versantur in doctrina de administratione laudabili vitæ æconomicæ & politicæ, & ut bene negocijs publicis consulatur, & cum ciuibz & peregrinis *διεπλετ, καὶ κοινῶς* viuamus. Alij verò philosophi sunt *διεσπῳστοί*, qui circa virtutis ac causarum ipsius inquisitionem versantur. Solis itaque, inquit, illis philosophis, qui speculatiuam philosophiam profitentur, licet huiusmodi quæstiones indagare, sicut sunt, Vtrum aliquid sit extra mundum necne, & si sit, quale id habeatur: Vtrum idem hic mundus in seipso contineatur: Vtrum plures vno. Hæ quæstiones omnes nihil faciunt ut bene priuatam vitam instituas beneq; negocijs publicis consulas. Et subiungit: Quemadmodum enim quæstiones illæ de mundo, an cœperit, an æternus, ad vitam & mores regendos inutiles sunt. Sic nequaquam est inutile de Deo & de prouidentia firmum assensum habere. Vtilissimum enim est cognoscere vini quandam esse in mundo, hominib. & potentia & sapientia meliorem, de natura Mundi. Vide plura apud Cice. de nat. deo.

De

De forma Mundi. C A P. I L

Formam eius in speciem orbis absoluti globatam esse, nomen inprimis & consensus in eo mortalium orbem appellantium, sed & argumenta rerum doceant: non solum quia talis figura omnibus sui partibus vergit in sese, ac sibi ipsa toleranda est, seq; includit & continet, nullarum egens compaginum, nec finem aut initium ullis sui partibus sentiens: nec quia ad motum quo subinde verti debeat (vt mox apparebit) talis aptissima est: sed oculorum quoq; probatione, quod conuexus mediusq; quacunq; cernatur, quum id accidere in alia non possit figura.

Figura
mundi est
sphærica.

1

2

Ouid. &
Manil. cō-
pagum vo-
cant.

3

4

A P P E N D I X.

Propositio huius capitis est, Cælum est figuræ sphæricæ seu circularis. Probationes seu demonstrationes sunt.

Prima. Perfectissimæ corpori debetur prima & perfectissima figura: Cælum est omnium corporum perfectissimum atque absolutissimum, sicut in præcedenti capite dictum est. Ergo cælum est sphæricum. Quemadmodum enim circulus planarum figurarum prima & perfectissima existit, vna enim tantum linea continetur, ita quoq; sphæra solidarum prima est, quia tantum vna superficie circumscribitur, seq; ipsam vndiquaq; sustinet.

Secunda. Motus cœli est circularis, mouetur enim ita vt omnes partes pariter a centro distent, Igitur est figuræ quoq; circularis. Motus enim proportionatur figuræ corporis mobilis, & sic circularis motus tantum figuræ sphæricæ congruit.

Tertia. Videmus stellas semper apparentes moueri in orbem, circa vnum centrum, videlicet polum mundi, ita vt stellæ polo propiores angustiores, reliquæ verò amplio-

rem orbem circumferibant, Ergo cœlum mouetur in orbem, & per consequens figura quoq; respondet motui.

Quarta. Ex omni parte cœlum æqualiter à terra, velut suo centro, recessit: omnes enim lineæ in circumferentiam cœli eductæ sunt æquales, id quod per apparentias cœlestes probatur. Nullæ enim stellæ vna parte cœli propiores terræ sunt, quàm reliquis, Ergo ex definitione sphaeræ cœlum est sphaericum.

Quinta. Si cœlum esset rectilineum, aut triangulare, vel omnino alterius angularis figuræ, tunc accideret vt aliquæ eius partes in vna reuolutione ferrentur per vacuum.

Sexta. Horizontes vbiq; sunt eiusdem magnitudinis: in omni enim loco tempore oppositionis luminariû vtrunq; luminare mane vel vesperi horizontem contingit, igitur necesse est cœlum esse sphaericum. Ratio consequentiæ est: aliæ enim figuræ non recipiunt has intersectiones æquales.

Quatuor rationes huius propositionis in textu ponuntur. Prima est à nomine, Vocatur orbis, Ergo est figuræ sphaericæ. Secunda, Quia hæc figura est prima & perfectissima: omnibus enim sui partibus vergit in sese, seq; includit ac continet, hoc est, omnes partes superficiæ globosæ quasi fulciunt & sustentant singulæ proximæ, & rursus ab iisdem fulciuntur & sustentantur. Tertia sumpta est à motu: Nam corpori quod perpetuo motu circumagitur, necesse est attribui figuram ad motum aptam, Talis autem est sphaerica, Igitur mundus est figuræ sphaericæ. Quarta à sensu & experientia: Vndiq; à terra eadem est in cœlum distantia, Ergo ex definitione sphaeræ est sphaericum. Vbiq; enim à centro per semidiametrum æquidistat.

C A P. I I I. De motu Mundi.

Motus mundi est sphaericus.

HAnc ergo formam eius, æterno & irrequieto ambitu incenarrabili celeritate, viginti quatuor horarum

rum spacio circumagi, Solis exortus & occasus haud dubium reliquere.

An sit immensus, & ideo sensum aurium facile excedens, tantæ molis rotatæ vertigine assidua sonitus, non equidem facile dixerim, non hercule magis quàm circumactorum simul tinnitus siderum, suosq; Harmonia mundi. voluentium orbes: an dulci quidem & incredibili suauitate concentus, nobis qui intus agimus, iuxta diebus noctibusq; tacitus labitur mundus.

Esse innumeras ei effigies animalium rerumq; cunctarum impressas, nec (vt in volucrum notamus ouis) leuitate continua lubricum corpus, quod clarissimi autores dixere tenerum, argumentis indicatur: quoniam inde deciduis rerum omnium seminibus, innumeræ, in mari præcipuè, ac plerunq; confusis monstrificæ gignantur effigies. Præterea visus probatione, alibi plaustrum, alibi vrsi, tauri alibi, alibi literæ figura, candidiore medio super verticem circulo.

Materia & ornatus cæli.
(alii) clarissimi quidem autores dixerunt, verum & argumentis indicatur.

A P P E N D I X.

Propositio est: Cælum mouetur circulariter.

Prima ratio, & est Ptolemæi in primo magnæ compositionis. Videmus stellas oriri paulatimq; à terra eleuari, donec ad medium cæli tanquam ad fastigium sui itineris peruenerint: deinde iterum sensim descendere vsq; ad horizontis superficiem, quem vbi contingunt, mox euanescent, atq; aliquandiu sub terra latent, denuoq; oriuntur, & cursum pristinum repetunt. Magnitudines autem stellarum hoc pacto motarum in nullo loco variant, Sequitur itaq; æquales in motu suo conseruare distantias, & per consequens circulariter moueri.

Secunda, & est etiam Ptolemæi. Stellæ circa polum circum-

circumaguntur in orbem, & quo longius distat stella à polo, eò laxiorem circulum conficit. Igitur necesse est totum cœlum circa illum axem verti ac volui circulariter.

(Aeterno & irrequieto ambitu, &c.)

Materia
cœli.

De motu mundi ætherei iam dictum est, de essentia verò & materia ipsius hîc quæritur, quæ tam celeres raptus & circumuolutiones sustinere potest. Respondetur, materiam cœli esse expertem & immunem qualitatum elementarium. Vnde huiusmodi motus sunt naturæ ipsorum conuenientissimi; quia tali perfectione à Deo absolutum est, & in tot orbis distinctum, vt variatis motibus circumagere- tur admirabili & inenarrabili modo, donec suas periodos à Deo præscriptas confecerit: tunc enim vnâ cum vniuerso mundo desinet hoc modo circumagi, &, vt inquit scriptura, renouabitur.

Ambitus
cœli.

De spacio verò motus quod circumactu suo primum cœlum quod primum mobile vocatur, conficit, non certò sciri potest propter immensum cœli ambitum, sed aliquo modo ex motu Solis & Lunæ æstimari potest. Lunæ enim humillima distantia à terra continet terræ semidiametrum ter & tricies. Igitur sexaginta sex semidiametri terræ sunt diameter eius circuli, quem Luna vno die motu mundi describit tunc quando est humillima. Quærat ergo ambitus huius circuli per proportionem diametri ad circumferentiam, Vt sicut se habent 7 ad 22, ita 66 ad ignotum ambitum, proueniunt autem 207 semidiametri terræ cum dimidia, quæ continent miliaria germanica 178450, quæ vno die Luna conficit violento mundi motu. Ergo vna hora percurrit septem milia quadringenta & triginta quinque miliaria, & vno minuto horæ 124 ferme miliaria.

Solis di-
stantia à
terra.

Sol verò cum est altissimus in apogæo, distat à terra iuxta Ptolemæum semidiametris terræ 1210, huius duplum 2420 est tota diameter eius circuli, in quo Sol fertur
motu

motu violento mundi. Ambitus verò eius paraleli continet terræ semidiámetros 7606, quæ faciunt miliaria germanica 6541160 quæ currit sol vno die raptu primi cæli, vna verò hora 272548 miliaria, vno minuto horæ 4542. Fertur igitur sol propemodum decies nouies velocius quam Luna. Sed in eodem circulo, quem sol diebus 365 & quadrante diei contrario & proprio motu percurrit, idem vna hora aduersus illam violentam raptationem mundi obnitens peragrat miliaria 746, vno verò minuto horæ 12 & semis. Ex his aliquo modo æstimari potest, quam immensum spaciū stellæ fixæ in vna diurna reuolutione conficiant.

Quod verò hæc à Plinio de mundi harmonia disputatur, est à Pythagora ortum, qui figurato sermone vsus longè aliud discipulis suis tradere voluit, quam illi qui imperiti ipsius sermonis sunt censent. Cicero in libello de somnio Scipionis, cum inquit: Quis est qui complet aures meas tantus & tam dulcis sonus? Hic est, inquit ille, qui interuallis coniunctus imparibus; sed tamen pro rata portione distinctis, impulsu ac motu ipsorum orbium efficitur, qui acuta cum grauib; temperans æqualiter concentus efficit, &c. Pythagoras his figuris lustrat, quando discipulis suis proportionum vocum & concentuum harmoniam tradere voluit. Comparauit enim numerum fidium in veteri heptachordo ad septem planetas, & quia videbat certis proportionibus omnes voces & confici & distare, itaq; leges motuum cælestium & interualla orbium ad proportionem illas applicabat. Vt cum inquit, spacio *ἡλικίας* abest Luna à Sole, sicut *ἡλικία* *ἡδὲ* *ἡλικία*. Item quadrat *ἡλικία* ad solem: sicut enim *ἡλικία* cæteras voces gubernat, ita sol reliquos planetas: omnes enim in motu suo ad solem respiciunt, illumq; in motu suo velut regē obseruant. Quòd verò aures hominū ad hunc concentū obsurduerunt, id significauit, quod magna pars hominū neglectis veris studijs sectatur alias res nugaces: talium hominū stulticiam his figuris notare voluit, sicut Apollo notauit Midam, cū ei aures asinas adderet.

De concentu orbium cæli.

De materia & ornatu cœli.

TERTIVS locus huius capituli est de materia & ornatu cœli, qui consideratione est dignissimus. Sacre literæ dicunt, firmamentū ex aquis factū. sic enim inquit Moyses: Fiat firmamentum in medio aquarum, Ergo materia cœli est aqua, cuius subtiliores & puriores partes attenuantur in aërem, Aër verò vltiore defecatione & attenuatione expansus in immensum, cœlum seu firmamentum constituit. Materia itaque cœli est aqua in aërem, aër verò in summam distentus & fusus tenuitatem, & à Deo opifice immensa sapientia in nitidissimā expurgatus perspicuitatē.

Hæc itaq; moles hoc modo fabrefacta, & in orbem circumducta, luce perfusa, vocatur cœlum, quod est in plurimos orbes distinctum, propter motus cœlestium corporum, & præcipuè duorum magnorum luminarium, quæ in istis orbibus circumaguntur.

Sic & de stellis indicandum est, quod sint corpora globosa, perspicua & lucida, condita ex eadem cœli materia simplicissima & purissima, densata primum atq; contracta ad certas orbium partes, cum certo demenso lucis, vt illam spargant quoquo versum in subiectum orbem elementarem. Et quanquam cœlum etiam sit lucidum, tamen propter summam tenuitatem visui est peruium. Sed stellarum corpora, quia sunt partes densiores sui orbis, ideo propter lucem complicatam visui non sunt peruia. Hæc corpora non eadem mole vbique conspiciuntur, neque eadem lucis forma, sed aliàs lucidiore, aliàs obtusiore, vt contineant veluti certum demensum lucis. Vnde non eodem modo singula spargunt lucem in orbem subiectum. Sed Sol ex his est veluti rex, imo fons quidam collectæ lucis primæ, à quo reliquæ suum lumen mutuare dicuntur, quemadmodum infra copiosius dicetur.

Aristoteles de materia cœli aliter loquitur. Cum enim intueretur statos & regulares orbium motus, perpetuumq; luminis defluxum, nullo modo hanc materiam, quæ sic esset perpurgata, vt prorsus omni labe careret, assequi potuit,

tuit, itaq; ad æternitatem mundi decurrit, & finxit esse, vel naturæ diuinæ, aut saltem diuinitatis participem: atq; hoc modo existimauit se has disputationes, quæ longè captum humanæ naturæ, sicut omnia creationis opera, superant, posse eludere. Homerus propius ad veritatem accessit, cum inquit ex Oceano omnia condita esse:

Διὸς ἑὸς ἔσπερον ὠκεῖον τέτυκται.

Plinius deliramenta Epicuri secutus ait, cœli materiam esse elementarem, quia alicubi est leuius, alicubi asperius: leuius vbi nullæ stellæ: asperius vbi plures stellæ, quæ animalium aut aliarum rerum effigies siue, figuras referunt. Sic ait clarissimos autores locutos esse, & insuper id argumentis conuinci posse, quia ex parte teneriorē siue lubrica decidunt prolifica quædam semina, ex quibus confusis pleræq; monstruæ formæ gignuntur, sicut in mari videmus talia monstra gigni, vt sunt pisces, qui conspiciuntur habitu Monachi, habitu Episcopi, quales sunt Tritones, Nereides & homines marini, de quibus multa extant in historijs non fabulosis. Deinde idem probatur probatione visus: alibi enim conspiciuntur planstra, vrſi, &c. Ergo necesse est cœlum alicubi esse asperius & densius, alicubi verò tenerius & leuius. Hoc argumentum prorsus est puerile, neq; opus habet vlla explicatione. De candido supra verticem circulo, qui Via lactea vocatur, infra in Meteoris dicetur.

CAPVT QVARTVM.

Cur Mundus dicatur.

EQuidem & consensu gentium moueor. Nam quem *κόσμος* Græci nomine ornamenti appellauerunt, eum & nos à perfectâ absolutaq; elegantia mundum. Cœlum quidem haud dubiè cœlati argumento diximus, vt interpretatur M. Varro. Adiuuat rerum ordo, descripto circulo, qui signifer vocatur, in duo-

Vnde dicitur mundus.

Mundus.

in duodecim animalium effigies : & per illas solis cursus, congruens tot seculis, ratio.

APPENDIX.

κόσμος.

Exponit etymologiam vocabuli *κόσμος*, atq; ait : Quem admodum Græci *κόσμος* ab ornamento appellauerunt, ita Latini mundum ab ornatu atq; elegantia partium, quæ in illo continentur : sicut inquit Aristoteles : *ὀρέσασθαι τὸν κόσμον ὡς ὃ τὸ αὐτὸ τάξιον*. Proprie enim *κόσμος* concinnum ordinem significat, sicut inquit Hero. *κόσμος τὴν διὰ δυνάμιν ἀρῶντες ἐνὶ κατασκευαίῃς*. Et Cicero : Deus mundum ita ornauit, ut vel nihil vel parum vitij aut offensionis contineret. Item Plato in Gorgia : *Θεὸς δὲ ὁ σοφὸς, καὶ εὐρατὴς, καὶ γῆν, καὶ θινὸς, καὶ ἀνθρώπων πᾶσι κακοῖς ἐπιείχων, καὶ φίλος, καὶ κοσμιώτατος, καὶ σωφροσύνης, καὶ δικαιοσύνης, καὶ τῶν ἄλλων ὅτι διὰ ταῦτα κόσμος καλεῖται, ὡς ἀνοσμία*

Cælum.

οὐδὲ ἀκαλεῖται. Cælum autem dicitur ἁ καὶ ἄλλοις, hoc est, cauum. Eius enim circumflexu reguntur cuncta. Varro ait vocari ἁ cælando, quia est cælatum atq; ornatum varijs stellarum configurationibus, quia est signis & diuersis animalium formis cælatum & velut pictum.

(Aduuat rerum ordo.)

Hanc interpretationem vocabuli, videlicet mundum ab ornatu dici, adiuuat & confirmat tum hic certus & perpetuus rerum ordo, quem cuncta suis statis vicibus ac motibus in cœlo retinent : tum etiam adiuuat hæc insignis & illustris pictura Zodiaci, qui in duodecim animalium formas descriptus est, & est certa ac regularis via tum motus Solis, tum reliquarum stellarum.

CAPVT QVINTVM.

De quatuor Elementis.

Non vnū,
sed plura,
videlicet
quatuor ele-
menta.

NEc de elementis video dubitari, quatuor ea esse. Ignium summum, inde tot stellarum collucentium illos

illos oculos. Proximum spiritus, quem Græci nostrîq; eodê vocabulo aëra appellant. Vitalem hunc, & per cuncta rerum meabilem, totoq; confertum.

Huius vi suspensam cum quarto aquarum elemento librari medio spacio tellurem. Ita mutuo complexu diuersitatis effici nexum, & leuia ponderibus inhiberi, quo minus euolent: contraq; grauiæ ne ruant, suspendi leuib; in sublime tendentibus. Sic pari in diuersa nisu, vi sua quæq; consistere, irrequeto mundi ipsius constricta circuitu: quo semper in se currente, imam atq; mediam in toto esse terram, eademq; vniuersi cardine stare pendentem, librantem per quæ pendeat: ita solam immobilem circa eam volubili vniuersitate, eandem ex omnibus neci, eideinq; omnia inniti.

Terra est
centrum
vniuersi.

A P P E N D I X.

Vniuersus mundus, vt dictum est, diuiditur in æthereum & elementarem, eodem modo vterque ex nihilo solo verbo Dei conditus: sed forma distinctus, quia materiæ elementari addita est priuatio, quæ dissoluit formarû vincula: subinde enim materia nouam formam appetit: itaq; subiectus est vagis & incertis motibus mutationum & alterationum, quibus agitat; priores formas exiit, & subinde nouas assumit. Aethereus verò mundus nullas vices generationum & corruptionû sustinet, sed eandem formam, quam materia ipsorum naçta est semper retinet, donec Deus qui ipsum initio sic creauit mutauerit. In mundo itaque æthereo materia & forma arctissimo nexu inter sese deuincta absq; priuatione, ita vt nunquam separentur ac diuellantur. Addita autem est forma materiæ, quia materia absq; forma nusquam comparet: est enim sua natura ἄμορφος, itaq; magis existit δυνάμει, quàm ἐνεργείᾳ. Quamquam

Dux regio
nes mun-
di.

autem ætherea corpora sint incorruptibilia & inalterabilia, tamen alia alijs sunt crassiora, item alia alijs lucidiora, propter materiæ ipsorum maiorem vel raritatem vel crassiciem. Elementaria verò per sese non sunt lucida, sed quædam ex ijs luce cœlesti illustrari possunt.

Orditur autem in hoc capite Plinius tractationem de Elementis, quæ sunt corpora simplicia & principia, ex quibus mixta corpora in hoc inferiore mundo gignuntur. Nam ex Elementorum coalitu inter se, & conimoderatione analogica temperatis, & in vnam massam coacta vera mixtione, quæ ἡ ἀπὸ τῶν στοιχείων substantia & qualitatibus miscetur & subiguntur, mixtorum corporum distincta genera certa & conueniente ipsis qualitatibus temperie prædita, gignuntur & existunt. Fit autem mixtio ex coalitu materiæ cognatæ, quæ ad minima frangitur, vt sic fracta & domita nouam formam suscipere possit.

Sunt autem corpora simplicia quatuor, distincta tum formis & qualitatibus suis, tum etiam substantiæ totius tenuitate & crassicie, Ignis, Aër, Aqua & Terra, quæ quidem propter utilitatem animantium & res nascentes non sunt omnino pura, sed sibi inuicem propter communem materiam omnium mixta, sicut videmus in flamma multum esse aëris, item aquis multum terræ, & terræ multum aquæ admixtum. Ex his elementis quatuor, duo sunt quæ habent sese in generatione mixti vt materia, videlicet terra & aqua, reliqua verò duo vt forma, videlicet ignis & aër.

Ignis.

IGNIS est calidus & siccus in summo, perspicuus & lucidus, & differt à nostra flamma, quæ nihil aliud est quam incensio seu feruor spiritus sicci & fumi æstuantis. Proprium enim flammæ subiectum est fumus vel fuligo. Incenditur autem & ardet talis fumus, quando calor feruidus diuellit separatq; partes heterogeneas, & perspicuas aëreas ex opacis terreis euolutas & explicatas colligit, quæ sua natura post separationem sese diffundit ad circumfuentiam terreis in imo residentibus. Lucet autem talis flamma &

ma & fumus ardens non ex sola perspicui ab opaco separatione & collectione, sed quia inest in omni mixto aliquid lucis, quam lumen cœlestē subactæ à sese & temperatæ materiæ elementari imprimit. Subiectum verò ignis est materia prima, quæ commune subiectum est omnium elementorum. Habet autem talem formam ex motu corporum cœlestium, quæ circumactu suo materiam calefaciunt & extenuant. Quanto enim propius illa appropinquat motui & lumini cœlesti, tanto fit calidior, leuior, rarior & lucidior. Nota est sententia vulgaris in physicis, quod motus & lumen calorem excitent: ambo enim hæc sua natura ærē subtiliorem & rariorem reddunt, donec prorsus in ignem mutetur, sicut cum ingrossatur, & inspissatur, in aquam mutatur: vnde sua natura sursum fertur, velut ad suum locum proprium, quem ubi contingit, consistit ibi: ulterius enim ascendere nequit propter naturarum dissimilitudinem.

Talis ignis elementaris differt à flamma, splendore & raritate. Flamma enim ut dictum est, habet materiam densiorem, ideo & plus lucet, & ex sese lumen emittit, quod prius propter summam sui corporis raritatem facere non potuit: elementum habet materiam rariorem, lucet autem suapte natura, & non aliunde, sed exiguo lumine. Unde nec noctu eius lumen conspicitur, nec eo tenebræ illustrantur, habet enim materiæ minimum, ideo etiam lucis minimum.

Ignis proprium officium est in mixto congregare homogenea, & disgregare heterogenea: non enim vrit nec torret ut noster materialis ignis, sed tantum humorem excicando depascitur. Ut in semine plus est ignis atq; ærē substantiæ, in sanguine verò aqueæ & terreæ, tamen etiam in semine ignis hæret in substantia humida, quæ non tantum ipsius acumen corrigit, sed etiam illud ita excitat ac veluti vivificat, ut non sit sterile, sed fecundum & prolificū. Cum autem hæc tanta beneficia semen ab igne consequatur, tamen etiam illi adiuncta est privatio, qua humiditas

substantifica subinde depascitur, donec prorsus fuerit exicata & arefacta, quam corruptio & interitus excipit : in corporibus animalium senium, in stirpibus *ἀλκαυσις* vocatur.

Aër.

AËR calidus & humidissimas à spirando dictus, igni proximus leuitate, loco & natura. Eadem enim omnium elementorum communis materia, quæ formarum diuersitate differt. Ignis fit quando summè calefcit, & tenuatur propter propinquitatem ad sphaeras cœlestes & lumen & motum ipsarum. Aër verò minus est calidus, quia magis recessit à sphaëris cœlestibus, & magis est humidus, quia aquas contingit. Eius plurimus vsus est in generatione, reliqua enim elementa non vniuntur mixtione physica, nisi accesserit aër qui ea subigat : per vniuersam enim mixti substantiam penetrat, & veluti fermentum ipsam subigit & ad generationemabilem reddit : Crassas enim & terreas partes reddit subtiliores & rariores, aqueas verò inflat, ac dilatando eas prohibet, ne concidant aut collabantur. Calorem ventilando fouet, & spiritibus propter naturam cognatam alimentum præbet.

Aqua.

AQVA frigidissima & humida est : longissimè enim ab igne recessit, quæ fusa fluensq; terream substantiam diluit, acabilem ad nouam formam suscipiendam reddit.

Terra.

TERRA est frigida & siccissima, quæ reliqua elementa figit ac sistit, ne diffluant. ipsa enim veluti excauata alueis aquam complectitur, & cum ea vnum globum efficit, mirabili prorsus modo : terra enim absque aqua collabitur, aqua absq; terra nusquam consistit, sed diffluit.

De mixtione.

In mixtione igitur coeunt elementa, & vniuntur per complexum & consensum materiæ cognatæ, & fractarum & temperatarum qualitatum, quæ certa & commodata lege formarum sociantur & commodantur, ita vt nouam formam producant. Efficiens causa remota est motus & efficacia cœlestium corporum, quæ excitant variantq; in orbe elementari primas qualitates, & ipsam elementorum substantiam contrafactam subigunt & miscent, vt nouæ formæ cor-

ma corporum prodeant. Propinqua verò causa mixtionis est calor, qui certa ἀμελὸς humidum cum sicco temperat, & prout humidum cum sicco exactius & perfectius miscetur & temperatur, ita diuersæ formæ mixtorum & distincta ipsorum genera certa & conueniente ipsi qualitatis temperie prædita gignuntur.

Quomodo verò Elementa in mixto maneant quaeritur, an ἐκγεῖται tantum vel διακρίνεται. Certum est vt in Elementis qualitates existere puriores & simpliciores, ita etiam ipsorum formas minus fractas. In mixto verò formæ Elementorum plurimum à natura suæ substantiæ recedunt, ita vt illic sint non in actu perfectio, hoc est, ἐκγεῖται tantum, nec in actu corruptio, hoc est, διακρίνεται, siue tantum qualitibus, sed in actu refractis, ita vt formæ ipsorum magis vicem accidentium quàm substantiarum referant. Omnino enim ita franguntur, vt prior forma nusquam postea compareat.

Gignuntur autem mixta ex Elementis non prima ipsorum Elementorum mixtione, sed per aliquod tertium, vt semen, quod primo & immediatè ex Elementis prodijt, ipsorum formis refractis sicut qualitates Elementorum ita contemperentur & miscantur, vt tamen vestigia priorum formarum extarent, id quod non fit, quando ex seminibus formæ aliæ gignuntur; tunc enim semen non refrangitur, sed prorsus corrumpitur. Est autem generatio hoc modo diuinitus ordinata, vt non immediatè ex elementorum mixtione fieret, sed per multa & varia media imperfecta duceretur, donec tandem perfectionem ordinatam consequeretur.

De Qualitatibus verò Elementorum disputatur, quomodo diuersæ sint, cum eadem sit materia communis ipsorum. Sed ex ijs quæ supra dicta sunt hæc disputatio aliquo modo intelligi potest. In Elementis & simplicibus corporibus existunt simplices & puræ qualitates, quæ à qualitatibus corporum coelestium alterantur. Ignis quanto est vicinior cælo, tanto recipit efficaciorē impressionem caloris.

Elementa
quomodo
sint in mix-
tis.

Qualitates
Elemento-
rum.

Tetra & aqua quanto sunt remotiores, tanto minorem impressionem recipiunt, & per consequens crassiora & frigidiora existunt. Sunt autem qualitates Elementorum duplices. Primæ, quæ & elementis & mixtis ex elementis corporibus sunt communes, nisi quod in elementis sunt intensiores, propter ipsorum essentiam simpliciore & puriorem. Secundæ vetò mixtis propriæ sunt, nisi fortasse in gravitate & leuitate cum simplicibus communicant: gignuntur autem ex primis, quarum aliæ respondent analogiæ humidi & sicci, ex calore qui dissimiliter humidum cum sicco miscet & temperat, ut sunt, rarum, densum, graue, leue, durum, molle, leue, asperum, tenue, crassum, &c. Aliæ verò respondent calido & frigido, & sunt magis propriæ formis & qualitatibus actiuis, ut sunt qualitates odorabiles, gustabiles. Sed studiosi harum rerum vbetiorem tractationem ex physicis libellis petant.

Elementorum
proportio.

Hic etiam disputatur de Elementorum proportione, de qua alij aliter locuti sunt: neque certa ratio iniri potest, propter fluxam & vagam ipsorum consistentiam. Quod verò quidam dixerunt, decuplam ipsorum esse proportionem, eò quod Aristoteles dixit, Ex vno pugillo terræ decem aquæ fieri, centum aëris, & mille ignis, hi non rectè Aristotelem accipiunt: facit enim collationem qualitatum elementorum ex modo substantiæ ipsorum, quæ in alijs est rarior, in alijs densior. Posset autem aliqua ratio constitui, si numerus distantia terræ à sphaera Lunæ divideretur in duos proportionales numeros, quorū vnus aëri, alter igni attribueretur: nam terra & aqua iuncta vnum globum efficiunt. Semidiameter autem quæ à terræ centro ad sphaeram Lunæ protenditur, continet secundū Ptolemæum tet & tricies semidiametrū terræ, & adhuc triginta tria eius minuta. Vnde terræ semidiametro subducta à toto numero, tunc spissitudo reliquorum duorum elementorum telinquetur.

Expositio textus.

Ignium

Ignium summum, scilicet locum existere, inde tot illos oculos existere collucentium stellarum: hoc est, inde patet ignem supremum mundi locum tenere, quia incendit tot igniculos stellarum collucentium. Epicurus enim censet stellas nihil esse nisi igniculos incensos, quorum materia ita sit habilis, ut possit ad perpetuum incendium sufficere. Ad hanc sententiam alludit Virgilius cum inquit:

Quem Venus ante alios astrorum diligit ignes.

Sequitur, Vitalem hunc, quia vitam cunctorum alit & conseruat. Sequitur, Huius vi suspensam cum quarto aquarum elemento, librari medio spacio tellurem: hoc est, aer terram vniuersam cum aquis ita librat & gestat, ut in medio vniuersi pendeat, ita ut in nullum latus inclinare possit: sic enim mutuo complexu diuersitatis, scilicet rerum dissimilimarum & diuersissimarum fieri nexum, hoc est, connexionem & vinculum, quo vincitur ne vsquam inclinare possit: nam leuia inhibentur ponderibus, quo minus euolent, & rursus grauia suspenduntur leuibus, quæ sua natura in sublimē tendunt neruant, hoc est, terra est in medio vniuersi collocata, & ita contrarijs vinculis innexa, ut neq; sursum neq; deorsum neque ad latus vllum inclinare possit. Nam sicut vter in aquam iniectus non potest mergi, quantumuis magna superingesta pondera gestet: nam pondus quidem deprimit ipsum, sed aer inclusus illum rursus subleuat. Ita terra sua natura quia grauis est, deorsum fertur, sed aer qui continuo sursum fertur, circundans eam prohibet ne ruat: itaq; hi duo contrarij motus in medio vniuersi sibi inuicem occurrentes hanc ruinam prohibent. Secunda ratio Plinij est, cum inquit, Sic pari in diuersa nisu, hoc est, motu, vi sua quæq; consistere, hoc est, ad hos contrarios motus, quibus terra deorsum & aer sursum nititur, accedit motus primi mobilis, cuius irrequieto circuitu terra constricta & veluti ligata: nam cum hic motus perpetuò in se recurrat, omnia intra suas metas constringuntur & continentur, neq; vsquā extra hæc septa prodire possunt, constricta & ligata irre-

Terra in medio quiescit.

quieto mundi ipsius circuitu, quo semper in se corrente scilicet per gyrationem, quæ à Græcis vocatur *δίνσις*, qui motus ab ortu in occasum agitur *ἀπὸ ἀνατολῆς καὶ ἑσπέρης καὶ ἰουστῆρας*: Talis motus reddit terram imam atq; mediam: quia enim ipsa est centrum huius gyrationis, & simul etiam eandem stare pendentem cardine vniuersi, hoc est, existere centrum mundi, librantem per quæ pendeat, hoc est, sustententem vel gestantem ea per quæ pendet, ita solam immobilem circa eam volubili vniuersitate, hoc est, ipsa sola existit immobilis, reliquis omnibus corporibus mobilibus, cælestibus, motu circumgyrationis & circulari: elementis quæ partim à medio sursum efferuntur, vt aër & ignis, partim ad medium deorsum secundum rectam lineam tendunt, vt aqua & terra. Sequitur ergo eandem ex omnibus neçti, hoc est, constringi & vinciri, eidemq; omnia inniti, videlicet vt circulus suo centro.

Eadem sententia longe illustrioribus verbis exponitur à Cicerone lib. 2. de natura deorum, cum inquit: Nec verò hæc solum admirabilia, sed nihil maius, quàm quod ita stabilis est mundus, atq; ita coheret ad permanendum, vt nihil ne excogitari quidem possit aptius: omnes enim partes eius vndiq; medium locum capeffentes nituntur æqualiter, maximè autem corpora inter se iuncta permanent, cum quodam quasi vinculo circumdato colligantur, quod facit ea natura, quæ per omnem mundum omnia mente & ratione conficiens funditur, & ad medium rapit, & conuertit extrema. Quocirca si mundus globosus est, ob eamq; causam omnes eius partes vndiq; æquabiles ipsæ per se atq; inter se continentur, contingere idem terræ necesse est, vt omnibus eius partibus in medium vergentibus (id autem medium infimum in sphæra est) nihil interrumpat, quo labefactari possit tanta contentio grauitatis & ponderis, &c. Eadem sententia & à Manilio illustribus versiculis describitur:

Imaq; de cunctis mediam tenet vndiq; sedem,

Iccir-

*Iecircòq; manet stabilis, quia totus ab illo
Tantundem refugit mundus, fecitq; cadendo
Undiq; ne caderet. Sequitur apud Manilium:
Nec verò tibi natura admiranda videri
Pendentis terra debet, cum pendeat ipse
Mundus, & in nullo ponat vestigia fundo.*

Macrobius eandem sententiam exponit libro 1. cap. 22. Commentariorum in somnium Scipionis cum inquit: Nam ea quæ est media tellus neque mouetur, & infima est, & in eam feruntur omnia nutu suo pondera. illæ verò insolubiles causæ sunt, quæ mutuis inuicem nexibus vinciuntur, & dum altera alteram facit, ita vicissim de se nascuntur, vt nunquam à naturalis societatis amplexibus separentur: talia sunt vincula, quibus terram natura constrinxit. nam ideo in eam feruntur omnia, quia vt media non mouetur, ideo non mouetur quia infima est, nec poterat infima non esse, in quam omnia feruntur. Non mouetur, est enim centrum: in sphaera autem solum centrum diximus non moueri, quia necesse est vt circa aliquid immobile sphaera moueatur. Paulò post sequitur: Terram spissus aër & terreno frigori propior quàm Solis calori, stupore spiraminis densioris vndiq; versum fulcit & continet: nec in recessum aut accessum moueri eam patitur, vel vis circumuallantis & ex omni parte vigore simili librantis auræ, vel ipsa sphaeræ extremitas, quæ si paululum à medio declinauerit, sit cuiusq; vertici propior, & in eam relinquit, quod ideo in solo medio est, quia ipsa sola pars à quouis sphaeræ vertice pari spacio recedit. In hanc igitur quæ & ima est & quasi media, & non mouetur quia centrum est, omnia pondera ferri necesse est, &c.

CAPVT SEXTVM.

De septem Planetis.

INter hanc cœlumq; eodem spiritu pendent, certis

Septē ſci-
li erranti-
cæ.

tis discreta ſpacijs, ſeptem ſidera, quæ ab inceſſu vo-
camus errantia, quum errent nulla minus illis: eo-
rum medius Sol fertur ampliffima magnitudine ac
potestate: nec temporum modo terrarumq; ſed ſi-
derum etiam ipſorum cœliq; rector.

Solis En-
conſultis.

Hunc mundi eſſe totius animū, ac planius men-
tem, hunc principale naturæ regimen, ac numen
credere decet opera eius æſtimantes. Hic lucem re-
bus miniſtrat, aufertq; tenebras: hic reliqua ſidera
occultat: hic vices temporum annumq; ſemper re-
naſcentem ex uſu naturæ temperat: hic cœli triſtici-
am diſcutit, atque etiam humani nubila animi ſere-
nat: hic ſuum lumen cæteris quoq; ſideribus ſcœne-
rat, præclarus, eximius, omnia intuens, omnia etiā
exaudiens, vt principi literarum Homero placuiſſe
in vno eo video,

A P P E N D I X.

Aether.

Orditur alteram mundi partem, quæ ætherea vocatur,
& expers eſt alienæ iniuriæ, & peregrinæ impreſſionis: Alij
putant ſic dictam *ἀὴρ τῷ αἰθέρι*: alij verò *ἀὴρ τῷ ἀσὶ διῷ*, & di-
uiditur in oſto partes ſeu ſphæras. Primam & ſummam ait
eſſe ſtellarum fixarum: proxima eſt Saturni: deinde Iouis:
poſtea Martis, Solis, Veneris, Mercurij & Lunæ. Verūm
ſemper fuit controuerſia de ordine Planetarum. Vetuſtio-
res hoc modo collocarunt, quo modo iam numerauimus,
niſi quod addiderunt nonam ſphæram, quæ reliquas om-
nes complecteretur. Poſteriores vero, quia animaduerte-
runt crebras coniunctiones Solis cum Venere & Mercurio,
tamen inde nullam Eclipſin Solis animaduertere potue-
runt, ita illos duos ſupra Solem locandos cenſuerunt. Atq;
hoc ordine enumerant eos Plato & Ariſtoteles. Ariſtotelis
verba ſunt: *Συνεχὴ ἔχει ἀπὸ τοῦτον τοῦ διῶν, ὁ τῷ quatuordecim αἶμα καὶ*
πεντεῖς

Sphærarū
ordo.

In Sole
quæ sint
consideran-
da potissi-
mum.

um, qui velut rex in vniuerso mundo consistens in media se-
de vniuersis vitam impartiens.

Primò consideranda est substantia corporis solaris, quæ
qualis sit non est cognitum, nisi quod ex effectibus ratioci-
namur eam esse longè purissimam & lucidissimam quæ est
ἐνέργεια διαφανής, in qua initio lux à Deo incensa, à quo cæ-
tera corpora tam ætherea quàm elementaria velut ex fonte
illam petunt, idèq; tantisper donec ad autoris & conditoris
Dei iussu iterum colliquescet: atq; inde Sol dicitur, quia
solus in mundo lucet.

Secundò, ipsius figura quæ in orbem & sphaeram est
globata, talis enim figura motui diurno rapidissimo, &
tantæ lucis copię, quæ in vniuersum mundum effundenda
est, conuenientissima est.

Tertiò, Magnitudo ipsius, quæ ab artificibus est depre-
hensa ad terram tantam esse, vt si diameter terræ diuidatur
in duas æquas partes, tunc talium partium diameter cor-
poris Solaris habet vndecim. Vnde cum diametrorum ra-
tio triplicata ostendat globorum proportionem, colligitur
corpus Solare esse centies sexagies sexies maius terreno glo-
bo, & Solaris corporis diametrum continere miliarium
germanicorum nouem milia quadringenta & quadraginta
nonem.

Quartò, distantia à terra, & hæc ex eclipsium obser-
uationibus deprehensa est esse, cum Sol existit in Apogæo
interuallo 1210 semidiametrorum terræ, quæ faciunt mi-
liaria germanica 540600. hoc tam ingens interuallum
reddit ipsius corpus tam paruum nostro visui, cum reuera
sit amplissimum & vastissimum, sicut antea dictum est.

Quintò, Motus, qui in Sole vt in cæteris planetis du-
plex est: priorem habet à primo cælo, quo spacio 24 ho-
rarum semel hoc ingens spaciū conficit, & circa mundum
circumvoluitur, quo motu in vno scrupulo horæ raptatur
per spaciū 4542 miliarium germanicorum, & in vna
hora raptatur per arcum continentem centies & decies se-

pties

pties terræ semidiametros, & hoc motu lucem & tenebras terris affert, oriens lucem, occidens noctem. Alter motus est Soli proprius, quo aduersus motum primi mobilis nititur in aduersam mundi partem, & suum orbem circuit in anno, quo motu in vno scrupulo horæ 12 $\frac{1}{2}$ miliaria germanica contra cœli violentum raptum percurrit, Fertur autē in suo orbe, qui est eccentricus perpetuò sub Ecliptica. Vnde aliàs cum est in apogæo, à terra longius recedit, & tardius fertur siue mouetur. In perigæo verò ad terram propius accedit, & celerius mouetur. Et inde etiam vices temporum, vt veris, æstatis, autumnī & hyemis existunt, & spacia dierum & noctium dissimilia, sicut infra copiosius exponetur.

Sextò, Radius siue lumen ipsius. Qualis autem sit essentia radiorum, non satis constat: alij dicunt qualitatem eam aëri impressam: alij verò æthereum quendam spiritum intra corpus Solis genitum, qui inde emissus lucem, calorem, & vitalem vim cunctis nascentibus affert. Sicut enim ex corde humano vita per arterias in vniuersum corpus humanū funditur, & calor naturalis qui tantum est potentia, in particulis excitatur & in actum deducitur, ita Solem dicunt æthereum spiritum in omnes mundi partes diffundere, quo cuncta ad generationem & vitam excitantur. Certum enim est cum radio diffundi lucem, calorem & viuificam virtutem, qua cuncta gignuntur, nutriuntur, crescunt, appetunt, sentiunt & mouentur. Circa hanc doctrinam radiorum corporis solaris discendum est quis sit motus & quæ figura ipsorum: cum enim de essentia certò nihil statui possit, saltē effectus ipsorum aliquo modo cognoscendi sunt. Radius cum corpore solari semper circumfertur: deinde habent & proprium motum rectilineum, quo deorsum ad medium mundi feruntur, partim ad terræ & aquarum superficiem, quam cum contingunt, resiliunt, & rursus sursum feruntur: partim qui eam non contingunt, iterum circa mundi latera versus cœlum excurrunt, & illuminant
corpo-

Corpora diaphona : sic Luna Soli opposita illuminatur illa luce, quam aduersi radij Solis eò aduexerunt.

Septimò, non tantum aërem nos circumstantem Sol suis radijs multis modis variè afficit, quando ex reflexione lucem gignit & cuncta vegetat & viuificat, sed etiam reliquas stellas erraticas moderatur : perpetuò enim Luna eam legem seruat, vt quoties Soli iungitur, aut è regione illi opponitur, semper in apogæo sui eccentrici existit : quando verò abest à Sole per quadrati latus, in imam partem sui eccentrici descendit, & terræ est proxima. Sic etiam duas proximas errantes stellas moderatur Sol, vt Mercurius nunquam ultra integri signi spacium ab eo discedat, Venus non ultra duo signa. Tres verò superiores ita sibi deuinctas tenet, vt quoties Sol ad ipsas accedit, semper teneant fastigium suorum epicyclorum, ita vt aduenienti quasi loco cedant, & rursus abeuntem comitentur demittentes se ex arce epicyclorum, ita vt quoties Sol eis opponitur, semper in finim partem suorum epicyclorum teneant.

Octauò. Homerus omnia ista vno versiculo complexus Iliad. γ. quem hoc loco citat Plinius :

Ἥλιος δ' ἵε πάντα ἐφορᾷ καὶ πάντα ἐπαυόηκε.

Pontanus eadem etiam optimis versiculis tradidit :

*At medios cæli tractus, medij ætheris oram
Fons lucis Sol auricomus Sol igneus ambit,
Sol qui terrarum flammis opera omnia lustrat.
Ipse quidem superius princeps ductorq; choræ,
Ad cuius numeros & dñj moueantur, & orbis
Accipiat leges, præscriptaq; fœdera seruet.
Agnoscent austræ imperium, maria alta tremiscunt.
Audiet & longè tellus fatalia iussa.
Atq; hunc ne qua opere in tanto decor vllus abesset,
Præfecit luci rerum pater, ipse nitentes
Spargeret vt radios, ipse vt lustraret olympum
Et terras simul, & magnas liquidi ævis oras.
Vnde dies, quiq; in sua terga reuoluitur annus,*

Atq;

Atq; æui simulachra fluunt, & tempus & atas, &c.

Verùm de his omnibus plura petat lector ex comment.
cap. octauo.

C A P V T O C T A V V M.

De Deo.

QVapropter effigiem Dei formamq; quærere, imbecillitatis humanæ reor. Quisquis est Deus (si modo est alius) & quacunq; in parte, totus est sensus, totus visus, totus auditus, totus animæ, totus animi, totus sui. Innumeros quidem credere, atq; etiam ex virtutibus vitijsq; hominum, vt pudicitiam, concordiam, mentem, spem, honorem, clementiam, fidem, aut (vt Democrito placuit) duos omnino, poenam & beneficium, maiorem ad socordiam accedit. Fragilis & laboriosa mortalitas in partes ista digessit, infirmitatis suæ memor, vt portionibus coleret quisq;, quo maximè indigeret. Itaque nomina alia alijs gentibus, & numina in ijsdem innumerabilia reperimus, inferis quoque in genera descriptis, morbisq; & multis etiam pestibus, dum esse placatas trepido metu cupimus. Ideoq; etiam publicè Febris fanum in palatio dicatum est, Orbonæ ad ædem Lariarum ara, & Malæ Fortunæ Exquilij. Quamobrem maior cœlitum populus etiam quàm hominum intelligi potest, cum singuli quoq; ex semetipsis totidem deos faciant Iunones Geniosq; adoptando sibi. Gentes verò quædam animalia etiam, aliqua & obscœna, pro dijs habent, ac multa dictu magis pudenda, per foetidos cibos & alia similia iurantes. Matrimonia quidem inter deos credi tantoq; æuo ex his

nemine

neminem nasci, & alios esse grandæuos semperq; canos, alios iuuenes atq; pueros, atricolores, aligeros, claudos, ouo editos, & alternis diebus viuentes morientesq; , puerilium propè deliramentorum est. Sed super omnem impudentiam, adulteria inter ipsos fingi, mox iurgia & odia, atque etiam furtorum esse & scelerum numina. Deus est mortali iuuare mortalem, & hæc ad æternam gloriam via: Hac proceres iære Romani: hac nunc cœlesti passu cum liberis suis vadit maximus omnis æui rector Vespasianus Augustus, fessis rebus subueniens. Hic est vetustissimus referendi bene merentibus gratiam mos, vt tales numinibus ascribantur. Quippe & omnium aliorum nomina deorum, & quæ supra retuli fiderum, ex hominum nata sunt meritis. Iouem quidem aut Mercurium, aliterue alios inter se vocari, & esse cœlestem nomenclaturam, quis non interpretationem naturæ fateatur?

De pro-
uidentia
pro & cō-
tra.

Irridendum verò, agere curam rerū humanarū, illud, quicquid est, summum. An ne tam tristi atque multiplici ministerio non pollui credamus dubitemusue? Vix prope est iudicare, vtrum magis conducat generi humano, quando alijs nullus est deorum respectus, alijs pudendus. Externis famulantur sacris, ac digitis deos gestant, & monstra quoq; colunt: damnant, & excogitant cibos: Imperia dira in ipsos, ne somno quidem quieto, irrogant. Non matrimonia, non liberos, non denique quicquam aliud, nisi iubentibus sacris deligunt. Alij in ipso capitolio fallunt, ac fulminantem peierant Iouem: & hos iuuant scelera, illos sacra sua pcenis agunt. Inuenit

uenit tamen inter has vtrasq; sententias medium sibi ipsa mortalitas numen, quo minus etiam plana de Deo coniectatio esset. Toto quippe mundo, & locis omnibus, omnibusq; horis, omnium vocibus Fortuna sola inuocatur: vna nominatur, vna accusatur, Fortuna. vna agitur rea, vna cogitatur: sola laudatur, sola arguitur, & cum conuicijs colitur, volubilis, à plerisq; verò & cæca etiam existimata, vaga, inconstans, incerta, varia, indignorum faulrix. Huic omnia expensa, huic omnia feruntur accepta: & in tota ratione mortalium, sola vtranq; paginam facit. Adeoq; obnoxia sumus fortis, vt fors ipsa pro Deo sit, qua Deus probatur incertus. Pars alia & hanc pellit, astroq; suo euentus assignat, & nascendi legibus: semelq; in omnes futuros vnquam deo decretum, in reliquum verò ocium datum: Sedere cœpit sententia hæc, pariterq; & eruditum vulgus & rude in eam cursu vadit. Ecce fulgurum monitus, oraculorum præscita, aruspicum prædicta, atq; etiam parua dictu in augurijs sternutamenta, & offensiones pedum. Diuus Augustus læuum prodidit sibi calceum præposterè inductum, quo die seditione militari propè afflictus est. Quæ singula improuidam mortalitatem inuoluunt, solum vt inter ista certum sit, nihil esse certi, nec miserius quicquam homine aut superbius. Cæteris quippe animantium sola victus cura est, in quo sponte naturæ benignitas sufficit. Vno quidem vel præferenda cunctis bonis, quod de gloria, de pecunia, ambitione, superq; de morte non cogitant. Verùm in his deos agere curam rerum humanarum credi, ex vsu vitæ est: pœnasq; maleficijs aliquando

feras, occupato Deo in tanta mole, nunquam autem irritas esse. Nec ideo proximum illi genitum hominem, ut vilitate iuxta beluas esset. Imperfectæ verò in homine naturæ præcipua solatia, ne Deum quidem posse omnia. Namq; nec sibi potest mortem consciscere, si velit, quod homini dedit optimum in tantis vitæ pœnis: nec mortales æternitate donare, aut reuocare defunctos: nec facere, ut qui vixit, nō vixerit: qui honores gessit, non gesserit: nullumq; habere in præterita ius, præterquam obliuionis: atque (ut facitis quoq; argumentis societas hæc cum Deo copuletur) ut bis dena viginti non sint, ac multa similiter efficere non posse: per quæ declaratur haud dubiè naturæ potentia, idq; esse, quod Deum vocamus. In hæc diuertisse non fuerit alienum, vulgata propter assiduam quæstionem de Deo.

A P P E N D I X.

Haftenus summam argumenti definitione, diuisione, & circumstantiarum explicatione complexus est Plinius. Quia verò in hac tractatione de Mundo & Natura sæpe quæstio de Deo incidit, & Dei natura & officio, ne itaque aliquid inexplicatum relinqueret, hanc quæstionem de Deo in hoc capite suscepit explicandam. Sic enim inquit in fine capitis: In hæc diuertisse non fuerit alienum, vulgata propter assiduam quæstionem de Deo.

Quid autem de Dei natura & voluntate sentiendum sit, ex sacris literis petendum est: & quousq; ratio progrediat, intelligi potest ex lege naturæ, quam Paulus citat Roman. i. Sed Plinius Epicuri potius, quam rectæ rationis aut veterum philosophorum sententiam secutus est. Breuiter autem distribuemus contextum orationis apud Plinium, postea quædam addemus honestiora ex vera philosophia.



PRIMA pars huius capituli continet explicationem De^a quid. de Natura Dei, cuius hæc est propositio: Deus est mens incorporea, videns, intelligens, sine organis, præsens toti naturæ, sicut Virgilius ait:

Mens agitat molem, & magno se corpore miscet.

Plinius addit correctionem, Si modo est alius. Significat enim Epicureos sensisse, Deum esse ipsum mundum, id est, ipsam naturalem inclinationem, in tota natura mouentem & agitantem cuncta.

Deinde sequitur reprehensio illorum, qui distraxerunt Dii diuersi vnum numen in multas formas: Nam ratio naturalis docet, vnum esse immensum numen, sed animi hominum occupati affectibus, diuersos deos excogitauerunt, qui diuersis affectibus inferirent, & dissimilia beneficia largirentur. Bellatores Martem coluerunt, vt belli pericula regeret: amantes Venerem: agricolæ Cererem, &c. Deinde superstitio innumerabiles & prodigiosos deos, vt Vitia & Morbos excogitauit. Reprehendit igitur Plinius illas ineptas opiniones, quæ & plures Deos, & in his etiam prodigiosos finxerunt. Recenset autem prodigiosorum quatuor genera, inferos, morbos, pecudes, vt apud Aegyptios, & deorum connubia & adulteria.

Deinde addit aliam ciuilem opinionem, qua crescit deorum numerus, quia scilicet referantur inter deos magni viri propter merita, Hoc sentit cum ait: Deus est mortali, iuuare mortalem, id est, homines iudicant Deum ac diuinum esse, quicquid est à quo hæc vita seruetur, iuuatur & defenditur. Ita inter Deos relati sunt summi Principes, Hercules, Romulus & Augustus, & alij. Hinc addit, discerni appellationes Iouis & Mercurij, & similes, propter diuersa stellarum beneficia. *Scdr à 5^{to}* est, quia stella Iouis vitæ conducit. *igitur ab 4^{to}*, ab eloquentia. Mercurius à mercibus, &c.

ALTERA pars huius capituli est de officio Dei. Prius enim disputauit de Natura, & constituit vnum aliquid esse,

quicquid est, Deum. Nunc de officio dicit, de quo ipso quæstio est præcipua inter philosophos: nam de priore magis conuenit, uidelicet quod sit vna quædam mens æterna. Sed hoc habet magnam quæstionem, vtrum Deus curet humana, an ordinet nascentia, an puniat malos, an exaudiat homines. Hic Plinius simpliciter est Epicureus: prorsus enim negat prouidentiam. Et argumenta addit.

Plinii argu-
menta,
quibus p-
bat prouidentiam.

Primum, ab indignitate, Quia indignum esset, Deum affici curis inferiorum naturarum.

Secundum, ab ipso exemplo: quia si curæ essent Deo res inferiores, meliore ordine gubernarentur, nec Deus permetteret indigna ipso. Nunc permittit impias opiniones, periuria, &c.

Tertium à fortuna. Si homines verè statuerent diuinitus res gubernari, nihil tribuerent fortunæ. Intelligunt autem fortunam, quod eueniunt res sine vlllo consilio Dei aut hominum, nemine gubernante.

Quartum ab astris. Euentus tribuuntur astris, Ergo non reguntur diuinitus. Etsi autem hoc argumentum magis confirmat prouidentiam, quia consentaneum est astrorum motus à mente aliqua ordinatos esse, præsertim si ita sunt ordinati, vt certos motus in inferioribus efficiant. Sed Plinius abuitur hoc argumento ad tollendâ prouidentiam.

Quinto refutat quod de prodigijs obijcitur. Nam hæc videntur testari, quod Mundus regatur prouidentia, & certè in argumentis solet hoc quoq; recenseri: Sed Plinius respondet, prodigia etiam incertas significationes habere, imo tantum inania terribamenta esse. Hic obiter addit querelam de calamitatibus humanis, per collationem. q. d. cætera animantia sunt beatiora, tantum habent vnâ victus curam, & hunc facillè inueniunt, cum natura facillè suppeditet. Homines verò exercentur infinitis curis & sollicitudinibus, hæc sollicitudines pariunt stultas & supersticiosas opiniones.

Sextò additur correctio ciuilis, Prodest tamen moribus

bus persuasio de prouidentia, ut homines metu Dei coherceantur: Sera tamen tacitis pœna venit pedibus. Prodest etiam credi, quod homines non pereant velut beluæ, sed sint immortales, & boni habeant præmia, mali pœnas.

Septimò addit argumenta de potentia Dei, quod scilicet coniuncta sit cum ordine naturæ, quia Deus non potest reddere vitam extinctis, efficere ut factum sit insectum, ut bis quatuor non sint octo, &c. Hinc rursus delabitur in illam Democriti opinionem, quæ Deum non statuit mentem esse, sed ipsam naturæ inclinationem. Quia enim potentia Dei sic ordinata est, ideo videtur Deus tantum ipse naturæ ordo ac vis seu inclinatio esse.

Hæc ita recensui, ut Plinius intelligi possit, etsi Plinii sententia plena est deliramentorum. Rectè enim de his Cicero inquit in 2. de Nat. Hæc & dicuntur & creduntur stultissimè: & plena sunt futilitatis, summæque leuitatis. Pugnans enim non solum cum doctrina Religionis, sed etiam cum vera philosophia. Nam verà philosophia testatur esse Deum, & esse aliquam prouidentiam. Nam satis perspicua & euidentia argumenta sunt, naturam non existere casu, sed ab aliqua æterna mente ortam esse ac regi. Ac verò prodest moribus rationes illas in conspectu habere: alunt enim & confirmant in animis honestas & vtilis opiniones, & illustrant quosdam insignes locos physices, de serie causarum. Epicurei enim tollunt ex natura duas primas causas, efficientem & finalem. Vera autem physica conuincit has causas non esse tollendas. Mirum est autem tantam caliginem, tantas tenebras in animos hominum cadere posse, ut prorsus amittant noticiam Dei, & cum propria natura pugnent. Nam homines propriè ac principaliter ad hunc vnum finem conditi sunt, ut Deum agnoscant. Ideoque diuinitus inditum est animis hominum lumen quoddam, hoc est, noticia quædam de Deo, quod sit Deus, quod sit sapiens, bonus, iustus, conditor & gubernator rerum. Nec aliud in animis hominum præstantius lumen est. Mirum est igitur,

adeo homines sui obliuisci posse, vt pugnent nihil esse Deum, aut certè nullam esse prouidentiam. Sunt igitur studiosi admonendi, vt intelligant illa deliramenta Epicureorum non esse philosophiam, sed Cyclopicam quandam barbariem, cum ipsa philosophia & naturali ratione pugnantem. Nam Homerus in descriptione Cyclopi, vbi fingit scilicet immane portentum cum natura pugnantem, Cyclopes, inquit, non curant Deos.

Rationes
è natura
sumptæ,
quib. probatur
esse
Deum.

Est autem liberalis ingenij, colligere rationes naturales, quæ testantur esse Deum, præsertim cum & plenæ eruditionis sint, & confirment honestas opiniones in animis. Et quidem minimè obscura vestigia diuinitatis impressa sunt naturæ. Ideo enim tota rerum natura condita est, vt Deus innotescat. Itaq; & Paulus iubet nos aspicere rerum naturam, & querere testimonia de Deo, Et quidem addit: adeo prope adesse Deum, vt penè contrectari possit manibus, hoc est, valde expressa & clara vestigia Dei in natura cerni. Atq; hæc magis cernuntur ab eruditis, vt ipsæ rationes ostendent. Iam cū & Paulus & ipsi physici has rationes comprobent, laudandum est studium colligendi has rationes. Collegi autem nouem:

Prima à serie causarum efficientium.

Secunda ab ordine ipsarum rerum, hoc est, ab ipsis effectibus.

Tertia à causis finalibus.

Quarta à natura mentis humanæ.

Quinta ab impressa noticia humanæ menti.

Sexta à discrimine honestorum & turpium in mente hominis.

Septima à terroribus conscientię.

Octaua à politica societate, à pœnis homicidarum & tyrannorum.

Nona à significationibus rerum futurarum.

Prima est sumpta à serie causarum efficientium. Non est pro-

est processus in infinitum, in causis efficientib. Ergo necesse est resistere in vna prima causâ, infinita. Hanc rationem satis dilucidè explicant & confirmant physici: quia si esset progressus in infinitum, nullus esset ordo causarum, nullæ causæ necessario cohererent. Sed relinquo nunc eam physici illustrandam.

Secunda ab effectuum ordine. Tota natura mirabili & certissimo ordine constat, sicut testantur leges motuum cœlestium, consensus superiorum & inferiorum corporum, conseruatio specierum. Ergo natura non solum non extitit casu, sed à mente aliqua orta est, quæ intelligit ordinem.

Tertia sumitur à causis finalibus, & est suauissima. Omnes res in natura destinatæ sunt ad certas vtilitates, Sol non tantum ad lucem præbendam, sed etiam ad efficiendas vices æstatis & hyemis: terra ad gignendas fruges, ad alenda animantia: minutissimæ herbæ ad mirificas curationes morborum: minutissimæ particule in corpore hominis, singulæ ad singula officia. Ergo res sunt ortæ à mente aliqua prospiciente & ordinante causas finales: quia impossibile esset hunc ordinem aut extitisse aut durare, si casu ferretur & misceretur materia. Et in his considerandis hoc quidem pulcherrimum est, quod animaduertit Xenophon: Cum omnia ad vtilitatem condita sint, sequitur Deo præcipuè curæ esse homines, & à Deo præcipuè homines amari. Quare non tantum hoc docet natura, quod Deus sit, sed etiam quod sit sapiens, bonus, quod curet humana, quod sit *φιλάνθρωπος*: Nam hunc suauissimum titulū etiam Paulus tribuit Deo. Iam vide quā turpe sit nobis, cum tota natura clamitet Deum esse *φιλάνθρωπον*, curare humana, cumq; hoc animaduernerint Ethnici, tamen & hanc philosophiam, quæ nos ad agnitionem Dei deducit, negligere & contemnere Deum, quasi Deus non respiciat bene aut secus facta. Sequitur & illud: Cum omnia propter homines condita sint, quærendum est ad quæm finem præcipuè homines conditi sint, videlicet ad intelligendum & or-

nandum Deum, idēq; postea sequentes rationes declarabunt. Ideo honestissimē dixerunt Stoici, Omnia propter homines condita esse, homines verò propter Deum.

Quarta à natura mentis humanæ. Bruta res non est causa naturæ intelligentis: nam oportet causam præstantiorem esse effectui, aut certè non ex deteriore aliquo genere rerum esse. Mentēs hominū habent aliquam causam: nam homines non habent esse per sese. Igitur necesse est aliquam intelligentem naturam causam esse mentis humanæ. Necesse est igitur esse Deum. Hæc ratio extat apud Xenophontem, & est eruditissimē excogitata, & ex media philosophia sumpta, & adeo firma est, ut non possit euerti. Ac profectò dignum est consideratione, quod humana mens præcipuum testimonium est, quod sit Deus: deinde etiam imago est Dei, & monet de providentia, qualis sit Deus, scilicet sapiens, bonus, iustus, &c.

Extat à
pud Xenophontem
libro 3.
et ad 115.

Quinta à noticia naturali: noticiæ naturales omnib. hominibus vniuersaliter inditæ sunt veræ. In omnium animis naturaliter inest quædam noticia, quod sit Deus. Ergo hæc sententia vera est. Minor esset magis perspicua, si natura hominis incorrupta esset, sed tamen constat omnes sanos fateri, quod iudicent esse Deum: & conscientię terrores in singulis hominibus restantur esse aliquod numen, cui placeant rectè facta, & displiceant secus facta, expauescunt homines, etsi nihil à legibus aut iudicijs periculi sit, & ob hanc causam homines ad similitudinem Dei conditi dicuntur, quia solis hominibus impressa est Dei noticia.

Sexta à discrimine honestorum & turpium. Discrimen honestorum & turpium non est casuale, sed certa quædam & æterna regula discernens bona à malis. Ergo mentes humanæ non sunt casu ortæ, nec habent casu hanc perpetuam & firmam regulam, sed acceperunt eam ab aliqua certa causa intelligente. Præterea cum humana mens teneat hoc discrimen, ergo multò magis tenet hoc discrimen illa æterna mens, à qua homines orti sunt. Sequitur igitur
Deum

Deum esse mentem, bonam, iustam: Ita expressissima effigies Dei, & testimonium de Deo in natura est mens humana, & discrimen honestorum & turpium in nobis, quod impossibile est esse casuale. Idem testatur etiam qualis sit Deus, scilicet sapiens, bonus iustus, &c.

Septima etiam apud Xenophontem est de terroribus conscientiae. Constat homicidas, & alios perpetratis magnis sceleribus horribiles animorum cruciatus sustinere, etiam si nulla humana iudicia metuant. Ergo est aliqua mens, quae ordinavit hoc iudicium in animis, quae probat recte facta, & improbat secus facta. Imo in his terroribus ipsa iudicat, esse aliquod numen, cui displiceant turpiter facta.

Octava à politica societate, à poenis homicidarum & tyrannorum. Politica societas non est casu coniuncta multitudo, sed certo ordine, ac iure consociata. Nec posset humana ope tantum retineri, sed experientia testatur; aliquo numine eos, qui violant hunc ordinem, ut homicidas & tyrannos, rapi ad poenam, ut conservari societas possit. Ergo est aliqua mens aeterna, quae hominibus indidit intellectum huius ordinis, ut politicam societatem colerent. Item, quae sua ope conservat & defendit societatem: Idque etiam in imperiorum tum conservatione, tum poenis, omnes sani iudicaverunt imperia non tantum humanis viribus aut consilijs constitui vel everti, quemadmodum inquit Cic. in orat. pro Rabirio: Deorum ope & auxilio multò magis haec Respublica ratione hominum & consilio gubernatur.

Nona est admodum illustris. Multiplices sunt significationes rerum futurarum, & maximorum eventuum, partim ordinatae in motibus caelestibus, partim quae de novo ostendi solent, cum impendent eventus, ut Prodigia, Cometae, Traiectiones, vera vaticinia, & alia multa signa. Ergo necesse est aliquam aeternam mentem esse, quae prospiciens eventus, & in caelo pinxit minificas & certas significationes futurarum rerum, & prodigia illa ac vaticinia ad

significandas res maximas singulis temporibus ostendit hominibus. Hæ significationes partim ordinatæ perpetuò, partim subinde exhibitæ, satis clarum testimonium sunt, quod necesse sit mentem aliquam esse, quæ illas sic ordinaverit & exhibeat. Impossibile est enim casu existere vel perpetuas significationes, ut consensum inferiorum ad illas significationes, vel casu, & sine aliqua mente, rata & vera vaticinia edî.

De providentia.

Hæ rationes sanis ingenijs satis testantur esse Deum: simul autem confirmant etiam providentiam esse, hoc est, Deo curæ esse res humanas, Deum bonum & iustum esse, & conservare ac gubernare naturam, & quædam hominum atq; imperiorum negotia regere.

Argumenta quæ confirmantur a te p. uigentia.

Prima. Sicut non potuit existere mundus, nisi prima causa esset efficax, non ociosa: ita non potest consistere, nisi conservante prima causa. Ergo Deus non est ociosus, sed prospicit & regit naturam. Antecedens ex serie causarum manifestum est: quia nulla natura finita potest durare perpetuò, nisi conservetur ab infinita, Nec secundæ causæ possunt movere, nisi impellente prima.

Secunda. Ordo rerum & finales causæ testantur, quod Deus prospiciat & curet naturam, ac præsertim homines, cum omnia ad hominum utilitatem condiderit.

Tertia. Mens humana est bona ac iusta, prospicit ac curat res, tenet discrimina honestorum & turpium. Est autem humana mens vera imago Dei. Ergo & Deus est bonus, prospicit & curat res.

Quarta. Terrores conscientie testantur, quod puniet Deus fontes, quia terrores illi diuinitus incutiuntur humanis animis, sicut res ipsa testatur. Non enim accersuntur sponte, & existunt etiam in his, qui nulla humana iudicia metuent. Et poetæ finxerunt ideo furias vltices scelerum, ut significet diuinitus hos pavores in animis hominum existere.

Quinta. Pœnæ homicidarum testantur, quod Deus curet

ret humana. Regulariter enim rapiuntur ad supplicia homicidæ, etiam si aliquandiu euaferunt. Nec regula ideo contemnenda est, quia rarissime aliquid fit extra regulam, ut prudentissime inquit Isocrates.

Sexta. In imperijs testantur præsentiam Dei, Heroës, quorum virtutem & fortunam planè constat esse diuinos motus. Et quidem confessione omnium sapientum, imperia constitui aut retineri non possunt, nisi diuinitus existant Hetoës.

Septima. Significationes rerum futurarum, vaticinia & prodigia manifestè testantur, quod Deus curet res humanas, quod pœnas malis pponat, quod mutationes rerû efficiat.

Octaua. Quæ casu & sine mente fiunt, incertis ac vagis morib. feruntur, nec sunt aptè distributa ad vtilitates certas. In natura sunt certissimæ vices temporum ac motuum cœlestium, & certæ leges procreationis animantium & aliarum rerum. Adhæc motus cœlestes aptissimè distributi sunt ad vtilitates humanas, & quemadmodum in aliqua diligenti œconomia omnia ad certos vsus & sunt disposita & fiunt, eodem modo in hoc mundo cuncta ad certos vsus destinata sunt. Igitur necesse est hanc certam œkonomiam mente aliqua, non casu, & conditam esse & gubernari.

Hæc argumenta prodest habere in conspectu, ut confirmetur animi vera & honesta opinio de providentia. Nam hæ rationes verius sunt Philosophicæ, quàm Epicureorum insulsæ & ineruditæ cauillationes. Præclare autem monet apud Platonem Socrates Philebum de hac ipsa disputatione, ita confirmandum esse animum, non solum ut sentiat Deo curæ esse res humanas, sed etiam ut non sinamus nos ab ijs perturbari, qui derident hanc sententiam. Hæc addenda esse duxi ad locum Plinij, ut adolescentes admonerem, ne absurdis sententijs quorumlibet applaudant, sed adhibeant iudicium, & considerent, ex quibus fontibus ortæ sint opiniones, an habeant probatos autores, ac verè Philosophicas ac firmas rationes.

Expo-

Expositio textus.

Breuius percurramus quasdam obscuriores sententias textus. (Quisquis est Deus, si modo est alius) scilicet quàm Sol vel Mundus. (& quacumq; in parte totus est sensus) hoc est totus est sensatio, quasi dicat, totus sentit, videt, audit. & apparet hunc locum desumptum esse ex proœmio questionum Naturalium Senecæ, vbi sic inquit: Quid est Deus? mens Vniuersi. Quid est Deus? quod vides totum, & quem non vides totum. Sic demum magnitudo sua illi redditur, quia nihil maius excogitari potest. Si solus est omnia, opus suum & extra & intra tenet. Quid ergo interest inter naturam Dei & nostram? Nostri melior pars animus est, in illo nulla pars extra animum, totus ratio est, &c. Sequitur in textu (duos omnino, pœnam & beneficium) hoc est, qui metuunt pœnam & iram principis, illi colunt pœnam velut numen vt placetur. Sic qui inhiant ad honores & opes, illi colunt Beneficium, vt numen benefaciens illis: (Ideoq; etiam publicè Febris sanum in palatio dictum est) Notus est locus Valerij Maximi, qui ait: Febrim ad minus nocendum templis cultam esse, quorum vnum adhuc in palatio, alterum in arce Marianorum: tertium in summa parte Vici longi, in eaq; remedia, quæ corporibus ægrotorum innexa fuerant, deferrebantur. (Ara Orbonæ ad ædem Larium) Orbona culta ad arcendam orbitat. (Gentes verò quasdam animalia etiam) Noti sunt versiculi Iuena. in Sat. 15.

Oppida tota canem venerantur, nemo Dianam:

Porrum & cepe nefas violare ac frangere morfu:

O sanctas gentes quibus hæc nascuntur in hortis

Numina, &c.

(Iunones Geniosq; adoptando sibi) Hoc est, singulis nascentibus attribuuntur duo numina tutelaria, alterum Iunonis à iuuando, alterum Genij ab exhilarando, Vnde inquit Virgilius:

Nec deus hunc mensa, dea nec dignata cubili est.

Hoc est, illi infantes qui non habent propicios deos tutelares,

res, Innonem, & Genium, illi non sunt superstites. (Sola vtranq; paginam facit) scilicet accepti & expensi: si enim aliquid boni accidit, illa laudatur, quasi id ab ipsa sit profectum: si aliquid aduersi, vituperatur tanquam auctor huius mali. Metaphora sumpta est à codicillis rationum. (Adeoq; obnoxia fortis) hoc est, miseræ, caducæ, & imbecillis conditionis sumus, vt hoc ipsum nos constituamus Deum, quod Deum maximè tollit, & prudentiam euercit.

CAPVT OCTAVVM.

De natura siderum errantium, & eorum ambitu.

HInc redeamus ad reliqua naturæ. Sidera, quæ affixa diximus mundo, non illa (vt existimat vulgus) singulis attributa nobis, & clara diuitibus, minora pauperibus, obscura defectis, ac pro sorte cuiusque lucentia, annumerata mortalibus, nec cum suo quæq; homine orta moriuntur, nec aliquem extinguere decidua significant. Non tanta cœlo societas nobiscum est, vt nostro fato mortalis sit ille quoq; siderum fulgor. Illa nimio alimento tracti humoris igneam vim abundantia reddunt, cum decidere creduntur, vt apud nos quoq; id luminibus accensis liquore olei notamus accidere. Cæterum æterna est cœlestibus natura, intextentibus mundum, intextuq; concretis: potentia autem ad terram magnopere eorum pertinens, quæ propter effectus claritatemq; & magnitudinem, in tanta subtilitate nosci potuerunt, sicut suo demonstrabimus loco. Circulorum quoq; cœli ratio in terræ mentione aptius dicetur, quando ad eam tota pertinet, signiferi modo inuentionibus non dilatis. Obliquitatem eius intellexisse, hoc est,

Alii, inuentorib.

rerum

rerum fores aperuisse, Anaximander Milefius traditur primus Olympiade quinquagesimaoctaua. Signa deinde in eo Cleostratus, & prima Arietis & Sagittarij. Sphæram ipsam ante multò Atlas. Nunc relicto mundi ipsius corpore, reliqua inter cælum terrasq; tractentur.

Saturnus. Summū esse quod vocant Saturni sidus, ideoq; minimum videri, & maximo ambire circulo, ac trigésimo anno ad breuissima sedis suæ principia regredi certum est. Omnium autem errantium siderum meatus, interq; ea Solis & Lunæ contrarium mundo agere cursum, id est, læuum, illo semper in dexteram præcipiti. Et quamuis assidua conuersione immensæ celeritatis attollantur ab eo, rapianturq; in occasum, aduerso tamen ire motu per suos quæq; passus: ita fieri ne conuolutus aër, eandem in partem, æterna mundi vertigine, ignauo globo torpeat, sed findatur aduerso siderum verbere discretus & digestus. Saturni autem sidus gelidæ ac rigentis esse naturæ.

De duplici
motu cor-
porū cœ-
lestium, &
causis hu-
ius motus.

Iupiter. Multoq; ex eo inferiorem Iouis circulum, & ideo motu celeriori duodenis circumagi annis.

Mars. Tertium Martis, quod quidem Herculis vocant, ignei, ardentis à Solis vicinitate, binis ferè annis conuerti. Ideo huius ardore nimio, & rigore Saturni, interiectum ambobus, vt ex vtroque temperari Iouem salutaremq; fieri.

Sol. Deinde Solis meatum esse partium quidem trecentarum sexaginta: sed vt observatio umbrarum eius redeat ad notas, quinos annis dies adijci, superq; quartam partem dici. Quam ob causam quin-
to an-

to anno vnus intercalaris dies additur, vt temporū ratio Solis itineri congruat.

Infra Solem ambit ingens fidus appellatum Veneris, alterno meatu vagum, ipsisq; cognominibus æmulum Solis ac Lunæ. Præueniens quippe & antematutinum exoriens, Luciferi nomen accipit, vt Sol alter, diem maturans: contrā ab occasu refulgens nuncupatur Vesper, vt prorogans lucem, vicemq; Lunæ reddens. Quam naturam eius Pythagoras Samius primus deprehendit, Olympiade circiter quadragesima secunda, qui fuit vr̄bis Romæ annus centesimus quadragesimus secundus. Iam magnitudine extra cuncta alia sidera est: claritatis quidem tantæ, vt vnus huius stellæ radijs vmbre reddantur. Itaq; & in magno nominum ambitu est. Alij enim Iunonis, alij Isidis, alij Matris deum appellauere. Huius natura cuncta generantur in terris. Namq; in alterutro exortu genitali rore conspergens, non terræ modo conceptus implet, verum animantium quoque omnium stimulat. Signiferi autem ambitum peragit trecentis & duodequinguenis diebus, ab Sole nunquam ab sistens partibus sex atque quadraginta longius, vt Timæo placet.

Simili ratione, sed nequaquam magnitudine aut vi, proximum illi Mercurij fidus, a quibusdam appellatum Apollinis, inferiore circulo fertur nouem diebus oc̄yore ambitu, modo ante Solis exortum, modo post occasum splendens, nunquam ab eo viginti tribus partibus remotior, vt hic idem & Sossigenes docent. Ideo & peculiaris horum siderum ratio est, neq; communis cum supradictis. Namq; e2 & quar-

& quarta parte cœli à Sole abesse & tertia, & aduersa Soli sæpè cernuntur: maioresq; alios habent cuncta plenæ conuersionis ambitus, in magni anni ratione dicendos.

A P P E N D I X.

Stellas nō
ali vaporibus.

PRIMVS locus huius capitis continet confutationem sententiæ Epicureorum, qui singulis hominibus singulas stellas attribuebant, quemadmodum in præcedenti capite dictum est. Negat autem Aristoteles in *meteo.* stellas decidere, sed tantum in aëre inflammari fumos, quos terra exhalat. Negat etiam Aristoteles, sidera nutriri seu ali vapore, quem terra exhalat. Epicurei enim hoc modo collegerunt: Quia stellæ sunt naturæ flammæ, ideo necesse est illas ali vaporibus velut nutrimento, quibus alitæ & renouatæ, expuere veluti flammam, quando creduntur decidere, sicut videmus in nostris luminibus incensis aliquando eiaculari aliquid superflui liquoris. Aristoteles autem contrarium probat, hoc modo: Partes sequuntur naturam totius, Cœli autem materia non est elementaris, Ergo nec stellarum materia elementaris esse potest. Si non elementaris, Ergo nec elementis alitur: omne enim quod alitur, suo simili ali necesse est. Et quia cœli materia est purissima, cui omnino nulla elementaris natura admixta est: nullas enim alterationes, nec mutationes, neq; peregrinas qualitates recipit, necesse est & eandem materiam stellarum esse. Stella itaq; nihil aliud est, nisi densior pars sui orbis, in quam multum luminis coactū est, vnde etiam magis lucet. Quod verò ait: siderum potentiam ad terram pertingere, idq; se suo loco demonstraturum, intelligit ea quæ infra lib. 18 cap. 25, dicturus est.

Zodiaci
vtilitas.

SECVNDVS locus huius capitis de circulis cœlestibus, quorum tamen explicationem ad reliquos libros, in quibus terram in zonas, in climata partitur, reijcit. Quod
verò

verò ait, Obliquitatem Zodiaci intelligere, est rerum fores aperire, non intelligendum est tantum de huius circuli declinatione à polis mundi, sed magis de vera declinatione Zodiaci ab æquinoctiali, & de ascensionibus partium ipsius, hoc est, de proportionem singularum partium Zodiaci ad singulas æquinoctialis partes, quæ vnâ ascendunt vel descendunt. Hæc enim doctrina verè aperit rerum fores, hoc est, patefacit aditum ad cognoscendos & inueniendos motus planetarum, ascensiones & descensiones signorum in diuersis locis & temporibus, item causas inæqualitatis dierum & noctium. Hic Anaximander Milesius prædixit Lacedæmonijs futurum terræmotum, & vixit temporibus Cyri & Seruij Tullij.

Quod verò ait Cleostratū signa in co. constituisse Arietem & Sagittarium, forrasse intelligit, cum primum obseruasse imagines signorum non esse amplius in locis proprijs, sed suo peculiari motu egressos esse ad latera mundi, vnde præcipuè signum æquinoctiale & solstitiale hîc à Plinio enumeratur, & profecto hæc inuentio magnam laudem meretur, quemadmodum hi sciunt, qui in his artibus versantur.

TERTIUS locus huius capitis continet enumerationem Planetarum. Principio autem hîc obseruandum est, corpora cœlestia bifariam diuidi, in stellas fixas, de quibus iam diximus, & in stellas erraticas, seu planetas, quæ sic dicuntur, non quod incerto cursu vagentur & errent, sed propter diuersitatem & dissimilitudinem vniformis & regularis motus ipsarum: occultantur enim aliquando & rursus aperiantur, tum accedunt tum recedunt à Sole. Aliquando etiam antecedunt, & aliquando subsequuntur, tum mouentur celerius, tum tardius, tum omnino ne mouentur quidem, sed ad quoddam tempus subsistunt. Circumferuntur autem corpora cœlestia duplici motu, vno quidem suo proprio, & altero externo, qui illis inhaeret per accidens. Prima & extrema sphaera, quæ reliquas omnes cir-

Disiunctio
stellarum.

Corporum
cœlestium
duplex
motus.

Motus di-
urnus.

cundat atque complectitur, citissimo motu circumfertur. Conficit enim revolutionem integram in 24 horis, ab oriente in occidentem, seu ut Plinius inquit, à læua in dextrā, quo motu secum omnes interiores sphæras rapit, qui motus quia mundo diem affert, appellatur diurnus. Hoc enim motu singulis diebus Sol & omnia corpora cœlestia oriuntur atq; occidunt. Reliquæ verò sphæræ contra hunc motum nituntur in diuersam mundi partem motibus proprijs, & quò quælibet à terra est distantissima, eò tardiores incessus habet. Hic motus superiore aliquanto est obscurior, tum propter tardas reuolutiones quorundam corporum, tum etiam quia non tam simpliciter atq; æquabiliter super polis mundi circumfertur, quemadmodum alter, sed habet proprios polos, axes, & circulos, super quibus spacia sua ab occidente in orientem, seu à dextra in læuam conficit, scilicet quando facies in meridiem vertitur. Vocat autem in dextram præcipiti, quasi per præceps labenti. Plinius suo more ludit, ait hos motus in aduersam mundi partem fieri, ne mundus ignauo globo torpeat, hoc est, ne firum contrahat. Vocat autem aduerso verberare, in contrariam mundi partem motum.

Saturni
cursum.

SATVRNVS quia longissimè à terris recessit, ideo longiore ambitu cursum suum conficit, triginta enim annis ad breuissima sedis suæ principia regreditur, hoc est, qui confecto suo cursu iterum in 30 annis redit ad illud principium vnde antea egressus est: absoluit enim Zodiacum mora suo æquali annis 29. dieb. 162. horis 7. minutis 36. Atq; tum propter tarditatem eius incessus, tum etiam propter temperaturam frigidam & siccam poëtæ finxerunt eum senem baculo se sustentantem. Plato vocat *φαινόμενα*, Græci *αἰθέρας* illum vocant, hoc est, spacium temporis, qui & Larinè Saturnus appellatur, quod annis saturetur, vel longi temporis senex, efficit enim tardas & segnes naturas. Præterea dominatur etiam segnioribus & crassioribus humoribus, qualis est nigra bilis.

Ptole-

Ptolemæus quærit causam naturæ ipsius, & inquit : διὰ τὸ πλεονεξῶν ὡς ἔσκεν, ἅμα τῆς τε τοῦ ἡλίου θερμότητος, καὶ τῆς ἐκ τῆς γῆς ὑγρῆς ἀναθυμιάσεως ἀποστάσει. quia à Solis calore & terræ humiditate longissimè distat. Generaliter autem hæc stella nocet vitæ omnium animalium frigore suo, quo congelat & constringit corpora quibus dominatur. Excitat etiam in aëre frigora, densas ac pestíferas nebulas, illumq̃, si male dispositus fuerit, vniuersaliter inficit. Pontanus illum describit :

*Ultima sorte senex loca possidet, vltimus anras
Ambit, & aeterno contristat frigore terras,
Nigra seni facies, tardus gradus, horrida barba,
Et cani crines, & membra effæta senectæ.
Ingenio tamen ipse bonus, nec inutile pectus
Consilij, constansq̃; animi, prudensq̃; futuri.*

IUPITER illi proximus, qui propter breuiorem circulum annis 11. diebus 315. hor. 17. min. 14. periodum suam absoluit. Cuius complexio est valde temperata, & amica humano generi. Inde & nomen habet à viuendo, quia est benefica stella, & præest optimis humoribus corporis. Vnde & largiri vitam dicitur. Latini à iuuando, vocant Iouem, incrementa enim & successus prosperos rebus confert: ab Astrologis fortuna maior vocatur, quod auctor felicitatis ac bonæ fortunæ existat. Iupiter inde pater cunctorum auctorq̃ bonorum. Cur autem hæc stella sit εὐχράδης, exponit Plinius, cum inquit, in vtroq̃ temperari Iouem salutaremq̃ fieri, quæ sententia totidē ferè verbis apud Ptol. extat: μεταξὺ θερμότητος τῆς κρύσεως αὐτῆς ὅστις καὶ τὸ κρύον φασκτικόν, καὶ τὸ καὶ ἄλλω καυστικῷ, θερμότητι τ. ἅμα καὶ ὑγρασίῃ. διὰ δὲ τὸ μέλλον εἶναι θερμαντικῆς γούμης συνεισφέρειν γίνεσθαι συνεισφέρει.

MARS anno vno, diebus 321. hor. 22. min. 24. conficit orbem suum, cuius complexio est valde calida & sicca, propter ardentis Solis vicinitatē: sic enim inquit Ptolemæus: καί μιν μάλιστα καὶ καυστικῷ ἔχει φύσιν τοῦτι συμβαίνει χυμῶσι ἐκίον, καὶ τῇ ἀπὸ τοῦ ἡλίου ἐγγύτητι ὑπερκεντρίσεως αὐτῆς τῆς ἑλιακῆς σφαίρας.

E 2 Red-

Reddit autem naturas rapidas ac vehementes, vnde fertur
 scire in humanum genus bellis, seditionibus, carcere, po-
 pulationibus, tumultibus, iracundijs principum, &c. &
 Astrologi eum vocant Infortunam maiorem. Nomen *æne*
 est à tollendo factum, & Latine Mauors, quia magna ver-
 tit, Plato *ægleus* vocat, quia fulget rubore ignis, non luce
 splendente aut candicante sicut Iupiter. Hunc Pontanus
 describit cum inquit:

*Ciet hic turbato in pectore versans
 Sanguinis ingenteis aestus, & colligit iras.
 Unde avidus belli furor, atq; insania ferri
 Precipitant, &c.*

Solis mo-
 tus.

S O L quasi solus lucens. *HAEC* verò quasi ignis Dei, siue
 lumen maximum, trecentas sexaginta partes Zodiaci con-
 ficit diebus 365. hor. 5. min. 49. & sec. 16. ferè, idq; ex no-
 tis vmbrarum deprehensum est, hoc modo. Quantitas vm-
 bræ alicuius corporis collecta est Sole existente in puncto
 aliquo solstitiali vel æquinoctiali. Certum autem est vm-
 bram in priores notas non redire, nisi quando Sol iterum
 in idem punctum redijt, ex quo ante egressus est: & quia
 deprehensum est id nunquam fieri, nisi post 365 dies, &
 quartam dici partem ferè, sequitur Solem integram & com-
 pletam reuolutione conficere in trecentis sexaginta quinque
 diebus, & quarta dici parte. Tunc enim observatio vmbra-
 rum rursus redit ad priores notas, & cogit supra trecentos
 & sexaginta dies quinos addere, & insuper quartam dici
 partem. Vocat autem ad notas redire, quia per intercala-
 tionem initia mensum, æquinoctia, solstitia, & festa ad ea-
 dem rursus vestigia reuertuntur, alioquin enim vagarentur
 per omnes anni partes, si intercalatio negligeretur. An au-
 tem hæc præcisio quantitatis anni ex his vmbrarum notis
 deprehensa sit, non satis intelligo. Sunt enim illa vmbrarum
 discrimina sic angusta & concisa, vt vix aliquot dierum spa-
 cio disertè discerni possint etiam in maximis corporibus:
 tantum abest vt hanc præcisionem dierum ac horarum con-
 stituere

stitueret possint. Proinde existimo Plinium in hoc loco magis secutum esse hanc speciosam ac verisimilem rationem quam veram. Hipparchus & Ptolemæus definiunt annum esse reditum Solis in aliquod punctum æquinoctij aut solstitij. Thebith verò, esse reuersionem Solis ab aliqua stella fixa rursus ad eandem. Vnde etiam factum est, vt observationes à diuersis & dissimilibus temporibus ac locis factæ, non omnino inter se consentirent, cuius dissimilitudinis meminit Albategni cap. 52. Annus enim secundum veteres Aegyptiacos continet vltra 365 dies, vnā quartā, & 12. min. in quo tempore mouetur Sol 359. grad. 44. min. & 48. sec. Secundum obseruationem Abrachis continet vltra integros dies præcise vnā quartā, quo tempore Sol mouetur 359. grad. 45. min. ac 35. sec. Ex Ptolemæi verò obseruatione aliquanto minus vna quarta continet, quo tempore Sol mouetur vltra integros gradus 45. min. & 25. secun. Secundum Alphonsi verò obseruationes annus continet vltra 365 dies, 5 horas, min. 49, sec. 16. Neq; etiamdum hodie certa ac præcisa anni quantitas constat, cuius incertitudinis causas aliquantulum intelligent studiosi ex libello de motu octauæ sphaeræ Peurbachij. Cum enim puncta, ad quæ necesse est fieri obseruationes, sicut sunt vel æquinoctialia vel solstitialia, vel etiam stellæ fixæ, moueantur motu inæquali & irregulari, sequitur obseruationes inter se existere dissimiles, præsertim diuersis temporibus factæ ad hæc puncta. Sed nos illam tractationem iam relinquemus.

Duplex est annus, alius vocatur communis, qui præcise continet 365 dies. Alius est bisextilis, in quo quia vnus dies intercalatur in mense Februario, continet dies 366. nam 5 horæ & reliquæ partes quater sumptæ, efficiunt ferè vnum diem. Hic annus vocatur *ἐμβολιαστος*, vulgo Embolismalem vocant, propter vnus diei adiectionem, quæ fit singulis quatuor annis. Plinius dixit quinto anno diem adijci, quia quarto anno confecto adijcitur. Vocatur etiam

Annus duplex, Communis & Bisextilis.

Mensis du-
plex.

annus Embolismalis, quando ad numerum communem dierum anni adjicitur vna lunatio. Cum enim in anno solari 12 lunationes regulariter existant, quæ faciunt dies 354. quia verò hic dierum numerus non explet numerum dierum anni vel duodecim mensium solarium, itaq; tertio quoq; anno, vel etiam aliquando altero, adjicitur vna integra lunatio. Et vt adolescentes intelligant hanc diuersitatem, subiiciam exemplum. Mensis Solaris, hoc est, talis mensis qui est præcise duodecima pars veræ quantitatis anni solaris, continet dies 30, horas 10, min. 29, secun. 6. Mensis verò Lunaris, quem Synodicum vocant, continet 29 dies, 12 horas, 44 min. quod si subtrahitur minor numerus à maiori, prodibit differentia 2 horarum, 43 min. quæ differentia multiplicata per 12, efficit 10 dies, 21 horas, &c. tot diebus annus solaris vincit lunarem, vel illud tempus, quo 12 integræ lunationes faciuntur. Quando itaq; horum dierum numerus excrevit in 20 dies, adjicitur decimatertia lunatio anno solari, qui annus tunc Embolismalis vocatur.

*In Sole hæc sunt maximè admiratione
& consideratione digna.*

- I. Substantia non satis cognita ex qua materia constet, ignea ne an alia. Et quæ sit forma seu perfectio Solis, sensus ne & mens, vt Stoici dixerunt, an aliud quiddam.
- II. Figura, haud dubiè spherica, motui tam diuturno, rapido & assiduo convenientissima, & tantæ copię Incis, quæ effundenda est in vniuersum mundum capacissimè.
- III. Partes Solis duæ sunt, Corpus globosum & inbar radiorum. Corpus cum radijs in orbem circumfertur, sed radij per se & sua natura rectilineo motu exiliunt in omnes partes mundi.

DE CORPORE.

Vnicus

Vnicus Sol sufficit ad illustrandum mundum propter magnitudinem, ppter efficaciam luminis, & propter motum in longitudinem & latitudinem mundi. Vnde etiam nomen à Latinis sortitus existimatur, quod solus luceat & ad lucendum sufficiat. Illustrat autem ita efficaciter, vt totius hemisphærij stellas occultet. Magnitudo ea est deprehensa eiusmodi respectu terræ, vt si diameter terræ diuidatur in duas æquas partes, raliū partium diameter solaris corporis habet vndecim. Vnde cum diametrorum ratio triplicata, ostendat globorum proportionem, colligimus Solis corpus esse 166 maius terreno globo. Et solaris globi diametrum continere miliarium germanicorum nouem millia, & præterea quadringenta, quadraginta nouem.

De substantia Solis, magnitudine, & distantia.

D I S T A N T I A A T E R R A.

Hoc tam crassum corpus, exigui, hoc est, pedalis disci magnitudinem ostendit nobis in medio mundi habitantibus, à quibus Sol apogæus abest intervallo 1210 semidiametrorū terræ, quæ faciunt miliaria germa. 540600, hoc tantum intervallum a deo minuit nostro visui illam tantam vastitatem Solis.

M O T V S.

Primum in motu admiratione digna est perfectio, hoc est, circularitas, perpetuitas, ὡς τὸ ἀγέῃον, rapiditas, immensa celeritas, copulatio contrariorum motuum, quæ adhuc omnia tamen sunt Soli cum cæteris errantibus sideribus communia. Sed hoc Sol habet proprium in motu violento, quod ortu suo lucem, hoc est, diem terris affert, & occasu tenebras relinquit, hoc est, noctem. Easq; vices gratissimas & necessarias animantib. & rebus nascentibus, variat inæqualibus spacijs, ratione proprii motus.

D E M O T V P R O P R I O S O L I S.

In motu proprio primum admirationem meretur ad-

1 versatio lationis in tanta extremi cœli rapiditate, qua dictum est, Solem vno scrupulo horæ raptari per spaciū 4542 miliarium germanicorum, in qua celeritate tamen visus noster iudicat stare Solem, & non animaduertit progredientem, sed progressam tantum.

2 In ipsa aduersatione adinirandus est Solis impetus & celeritas, qui vno horæ scrupulo 12 $\frac{1}{2}$ miliaria contra violentiam cœli percurrit, perinde ac si nulla eum aduersantis motus occurratio impediret.

3 **SIMPLICITAS** motus proprii, quod vniformiter Sol perpetuò fertur sub Eccliptica, nusquā ab ea digrediens in latitudinem vt ceteri planetæ omnes, nusquam subsistens, nusquam remeans, vt quinq; erraticæ stellæ faciunt: hoc ramen habet cum ceteris omnibus errantibus stellis commune, quod fertur in circulo Eccentro, qua de causâ duo accidunt soli: Primum, vt alicubi à terra vniuersa abeat longius in sublime, vt cum tener sui Eccentri apogæum, qui locus hoc tempore est in nona parte cancri paululum vltra punctum solstitiale, alibi ad terram accedat propius, quod fit in perigæo, qui locus nunc est in nona parte Capricorni paululum vltra punctum brumale. Deinde propter eundem Eccentrum fit, vt circa locum apogæi sui tardius feratur Sol, circa perigæum velocius. Has duas variationes solas recipit Sol in illa motus simplicitate, facta propter singulares causas duas, quarum prior est: Cum circa solstitium Sol efficacissimè calefaciat propter radiorum in terra propiorem copulationem, vt dicetur, & supra terram commoretur diutius propter dierum longitudinem, natura corpus Solis in sublime abduxit, ne vicinitas eius æstus etiam augetet, sed ramen cum prosit res terra nascentes bene percoqui & maturari, vt diutius Sol in illo fastigio commoretur, vnde rectiores radios ac efficaciores deijcit in terram, natura Soli tardiozem incesum attribuit, ita vt signa æstiuæ serius peragret quàm hyberna. Secunda causa. Cum Sol circa brumale signum, valde obli-

quos

quos in terram spargat radios, ideoq; imbecilles, ne tunc terra prorsus effœta reddatur, & vitalis in ea spiritus prorsus extinguatur frigore immodico, corpus Solis propius terræ admouetur, vt ex vicinia illam foueat, vegetet & foucundet.

Præterea vt illud acre gelu brumale generationi rerum inimicum, citius pellatur, & Sol quamprimum ad altiora signa ascendat, vnde radij efficaciores in terram effundi possint, addidit natura Soli circa brumam in motu celeritatem & festinationem, vt brumale signum & vicina breuiori temporis spacio absoluat. Ne quis autem existimet exigua illa altitudinis & humilitatis spacia esse, quæ Sol ratione eccentrici ascendendo versus cœlum, & descendendo versus terram alternatim permutat, scitote Solem perigæum terræ propiorem esse circa brumam, spacio miliarium germanicorum 83248. Circa solstitium verò eundem apogæum totidem miliaribus altius à terra remoueri.

OBLIQUITAS. Quarto loco meretur admirationē in motu proprio Solis Obliquitas, quæ mirifica sapientia excogitata est. Primum vt occurratio contrariorū motuum minus offēdat & tardet Solis motum, non recto tramite aduersantis cœlo, quod futurum erat illi & difficilimum & periculosissimum, sed oblique obnitentis, & quasi cedentis rapiditati extremi cœli, vt suum cursum tutius tenere & facilius possit, cum deinde quasi ducem suam reliquus errantium siderum chorus per eandem semitam obliquam subsequitur. Deinde non contingeret illa æquabilis communicatio caloris vitalis omnibus regionibus terræ, tam australibus quàm Borealibus, nisi in obliquo circulo ferretur, alternatim nunc Australes terras viuifico radio lustrans, nunc Boreales accedens. Postremò si illa Solis aduersatio fieret sub æquinoctiali circulo, aut quouis alio paralelo, nullæ essent vlli regioni vices æstatis & hyemis, nulla dierum & noctium inæqualitas, sed aliæ regiones subiectæ aut vicinæ solari semitæ, essent habituræ perpetuum, eumq; intolerabi-

lem & exitiosum æstum. Aliæ remotiores ætatem temperatam & commodam rerum generationem. Aliæ perpetuum ver vel Autumnum, hoc est, languidum & nihil maturantem calorem. Aliæ perpetuam hyemem & cœli inclementiam, & ob eam soli sterilitatem, qualem nunc habent terræ subiectæ polis. Ita minima quædam terræ particula erat futura producendis frugibus, & alendis animantibus idonea, reliqua parte terræ aut æstu torrefacta, aut longè lateq; rigante exitiali vere. Vt igitur hæ grauissimæ & necessariæ vices existerent, Veris, Aestatis, Autumni & hyemis, quæ tempora singula suas causas habent, cur diuinitus ita temperata sint, Soli obliquus orbis est attributus. Deinde conueniebat in ætate dierum spacia productiora esse. Primum, vt res nascentes diutius Solem feruentem & maturantem fruges super terram haberent: Deinde vt animantia ad necessarios labores æstiuos diutius lucem haberent, Rursus in hyeme, quia nec præsentia Solis nec luce diurna longiore opus erat, dierum spacia breuia & noctium longiora facta sunt, vt longius tempus ad quietem animantia habere possint, lassata ferme assidue in Vere, Aestate, & Autumno laboribus, ob has causas Deus Solis orbem obliquum fecit, vna parte versus Boream ad $33\frac{1}{2}$ ab æquatore declinante, altera parte totidem gradus ad austrum abeunte, quas metas Sol constanter seruat, nec egreditur ultra.

Annus.

Hoc motu suo proprio Sol describit anni spacium, quo vtimur pro communissima mensura durationis omnium rerum. Vocamus autem annum illud tempus, quo Sol vnũ integrum in suo orbe circuitum absoluit & totum Zodiacũ percurrit, quod tempus continet dies 365 & $\frac{1}{4}$ ferme. Hac mensura definiuntur hominum ætates, rerum gestarum monumenta, Monarchiarum initia, missionem filij Dei in hunc mundum, atque etiam ipsius mundi ac Solis durationem: ab huius creatione scimus Solem 5518 suum circum motu proprio confecisse. Sic dicimus Solem circuisse suum

suum orbem 1556 à natiuitate Christi. Ita quotiescunq; annum nominare auditis, intelligite vnā integram circuitionem Solis in suo orbe motu proprio. Eodem motu proprio accedit ad stellas tam errantes quàm fixas, easq; aliquandiu occultat: Deinde discessu suo reteggit, & mane ante ortum suum denuo conspiciendas præbet, atq; ita semper pingit quasi & ostendit nobis aliam atq; aliam faciem cœli stellati, vt subinde aliæ atq; aliæ stellæ, in ortu, in medio cœli, in occasu, conspiciantur. Vnde non docti solum, sed & nautæ & agricolæ & pastores & viatores discernunt tempora anni, obseruatione stellarū iam orientium, iam occidentium cum Sole, aut è regione eiusdem. Et ex ijs ortibus & occasibus etiam tempestates aut serenitates prædicunt. Nam luminis Solaris efficacia quasi extimulatæ stellæ, quæ cum Sole oriuntur aut occidunt, aëris mutationes insignes efficiunt.

LOCVS SEV ARX SOLIS.

Admiratione digna est etiam amplitudo spaciū, quod Solis corpus sibi definiuit, quasi circum quendam, in quo perficere geminos illos cursus suos posset, quorum vnum habet ab extremi cœli violentissimo motu, quo singulis diebus vniuersam longitudinem suæ arcis percurrit, quæ continet semidiametros terræ 7606. Alterum motum ex sese habet, obliquum, vt dictum est, inclusum metis tropicis, quæ puncta in cœlo à se invicem distant intervallo 47 graduum, quibus in orbe Solis respondent semidiametri terræ 993. Estq; id spaciū latitudo regię arcis Solis, quam singulis annis bis percurrit, semel à solstitiali puncto ad brumale descendens, mox inde ad Borealem limitem recurrens, vt iam altitudo domicilij Solis, in quo, vt dictum est, fertur sursum versus apogæum circa solstitium, & rursus demittit se in perigæum circa brumam, continet semidiametros terræ 208 propemodum.

Amplitudo Sphæræ in qua Sol voluitur.

Ex his trium dimensionum numeris æstimate amplitudinem

dinem arcis solaris, quam Sol occupat, & vt singuloseius angulos perlustret, non patitur vllum vicinum sidus posse limites sui imperij ingredi, sed ad illos terminos aut viciniam accedentibus, mandata dat, & quasi operas certas præstabit.

DE RADIORVM NATVRA.

PRÆCIPVE verò omnem eloquentiam, atq; adeo captum hominum superat verè admiranda radiorum solarium vis & natura, quos diximus alteram partem Solis esse. Neq; enim illis assentior, qui fulgorem Solis, qui ad nos perfertur, tantum esse qualitatem, hoc est, lucem aëri impressam & per aërem ad nos demissam sentiant, sicut rerum aliarum, quæ visum mouent, species, vi lucis, per aërem in oculos nostros se ingerunt, nec sunt partes de substantia corporum visionum effluentes, tale quiddam inane non est radius Solis.

Sed moueor aliquot rationibus, vt credam radios esse æthereum quendam spiritum intra corpus Solis genitum vel temperatum saltem, & fulgore ac viuifica virtute indutum, vt extra corpus Solis propulsum, lucem, calorem & vitalem vim rebus afferat. Et eos existimo rectè dixisse, qui Solem appellarunt mundi cor, habet enim cum humano corde magnam cognationem & similitudinem, atque etiam *supradictam* singularem quandam: sicut enim cor ex aliunde attracto sanguine corpore purificato & subtiliato sua specifica virtute spiritus vitales gignit, quos auget deinde & temperat aëris in respiratione hausti addita parte purissima, ac ita genitos & auctos spiritus vitales & imbutos viuifico calore suo arteriarum ministerio in omnes corporis partes spargit, vt alijs membris tantum vitalem calorem, alijs verò lucidioris cuiusdam spiritus, quem animale vocant Medici, materiam impertiat. Ita Sol æthereum spiritum, quem ille rapidissimus mundi motus excitat, intra se haustum, ac iam ante natura sua fulgidum efficaciore luce perfun-

perfundens, ac vitali calore tingens ac temperans, in omnes mundi, præcipuè autem medias partes spargir.

Estq; hoc maxime admirabile, quod cum tantam vim radiorum Solis tam procul, tanto cum impetu & celeritate sine ulla intermissione ex sese effundat, unde ipsi suppetere materiam tam copiose ad illam largissimæ quasi scaturiginis perennitatem possit. Sed undecunque sit illa radiorum materia, credamus eos esse ætheræ, hoc est, lucidæ & purissimæ naturæ spiritus. Hic radius vehiculus est trium nobilissimarum rerum, Lucis, Caloris, & viuificæ cuiusdam virtutis.

Lux cœlestis fulgor tenebras discutiens & dies efficiens, resq; omnes monstrans & sua natura rectissimo eodemq; omnium celerrimo fluxu quacunq; potest, organum visus petens, ac secum colores, magnitudinem, multiplici-
tatem, figuram, motum & quietem, ac situm rei visæ ad oculum perferens, ac spiritibus cerebri cognatæ prorsus rei nuncians: Solius hominis causa radio solis a deo largiter infusa est lux, ideoq; eum præcipuè delectat ac hilaritate cor dilatat, & spiritus in eo vitales excitat & diffundit, sicut eius diuturnior absentia, mœsticia cor contrahit & languore totum corpus replet. Hæc præcipua est rerum, quæ discendæ sunt, magistra, & eruditionis ac sapienciæ effectrix. Hæc ad omnes actiones humanas, ad effectiones operum necessariorum, ad electionem rerum convenientium, ad effugienda pericula est manu ductrix, amorisq; conciliatrix, hæc omnia Dei opera nobis ostendit, & monstrata eorum elegantia & perfectione, nos in agnitionem, admirationem, amorem & celebrationem opificis rerum deducit. Hæc quod maximè mirū est, nobiliora corpora transiens, Ignobilissima & planè aduersantis naturæ corpora suo fulgore illustrat, ea videlicet quæ sua natura obscura & tenebris immerfa lucem excipiunt, & luce delectantur. Sic ærē puriorem & cetera densiora corpora penetrat lux, nec illuminat. Terram perfundit splendore, quæ ita firmiter ex-

ter excipit radium Solis, vt cum penetrare non sinat, sed ibi moram facere & efficacem esse quasi cogat.

Calor autem non tantum vt lux, hominis gratia, sed rerum omnium mixtarum causa ex Sole ad nos perfertur, vt eas suauiter foueat, & frigus arceat, quod perpetuo exhalatum à terra & aqua, motui omni ac præcipue generationi atque vitæ rerum hostiliter aduersatur. Deinde vt res omnes nascentes terra percoquat, & ad iustam maturitatem perducatur absumpta humiditate immodica, qua prius diffluebat. Animantium autem corporib. peculiariter gratus est, quia fouet & auget internum & natium calorem, & aperit poros, vt inclusos noxios halitus excerpere, & puriorem ac viuificum spiritum ex aëre circumstante haurire possit. Purgat aërem dispergens ac consumens ibi collectas humiditates, nimis flaccida reddituras corpora animantium, & oneraturas vitiosis humoribus. Aquas late stagnantes & maria omnia calor ille Solis resoluit in subtilem vaporem, cuius magnam & impuriorem partem relinquit in aëre, vt ibi collectus vapor in nubes, vagetur, donec superueniente frigore condensatus & in aquæ guttulas, aut niuis stellatos floccos mutatus, in terram defluat, eamq; exuctam & exhaustam alat quasi & irriget.

Stellas ali Sed partem illius vaporis purissimam verisimile est vi
vaporibus. radiorum subleuari, & motu celerrimo mundi paulatim attenuatam cum æthereo spiritu commisceri, vt haustus ille spiritus, cum ab alijs stellis terræ propioribus, tum præcipue à Sole, intra corpus eius fulgentior reddatur & viuifico calore perfusus & temperatus, illi perennitati effluentium vbertimè radiorum materiam suppeditet. Hoc vt opiner, mouet me immensa vis aquarum pluuiarum, quæ assidue in maria deuoluuntur, neque illa vnquam ita adangunt, vt redundantia ultra littora sua excurrant. Cum autem ex parua aquæ parte immensam halitum ac vaporum copiam existere solere, ollæ ad focum seruentes nos doceant, quo alias peruenire dicemus illam tantam vim aquæ, quam tot
& tam

& tam grandia flumina assidue, sine vlla intermissione labentia, & sæpe niuium liquefactarum aut imbrum aquis aucta in mare infundunt, si non eam calore Solis attenuatam in vapores primum, mox in aërem conuerti credimus?

Cum autem aëris regio finita & nunquam vacua sed plena semper sit, & hæc conuersio aquæ in maximam multitudinem vaporum assidue fiat, nullo modo etiam illa amplissima regio inter Lunæ spheram & terram, etiamsi prorsus aëre vacua esset, tantæ copię vaporum capiendæ satis ampla foret. Ideo oportet hæc rectè considerantem fateri, aliquam huius recentis aëris partem motu mundi perpurgatam & subtiliatam ætheris spiritui misceri, & inde à Sole (vt de cæteris stellis hîc nihil dicam) hauriri, vt scaturiginem illam suam vberissimam radiorum perennare possit. Nam si quis contendet illos vapores vniuersos ex aqua marina factos reseruari in aëre aliquandiu collectos in nubes, & tandem per pluuias & similes causas decidere rursus in terram & mare, nimis tenuiter rerum naturas aspicit, ac non cogitat, sæpe vnum, alterum, tertium, plures etiam aliquando menses etiam in his locis septentrionalibus, vbi radius Solis imbecillior est, abire sine vlla pluuiâ, quid dicemus in illis calidissimis locis fieri, vbi aut nullæ, vt in Aegypto, aut rarissimæ prorsus toto anno sunt pluuiæ, & tamen præ caloris vehementia in illis locis mutatio aquarum in aëreos vapores multò est validior & copiosior, vbi colligillam tantam sine vlla intermissione auctam vim vaporum aut asseruari dicemus?

Experimur grandes vtres nimis copioso aëre per violentiam infuso difrumpi, imò aneas bombardarum machinas in multa sæpe frustra dissipari, eò quod exigua pulueris tormentarij particula ignis calore resoluta in maximam vaporis ac fumi multitudinem, satis amplum spaciū pro sua corporis quantitate non inuenit. Eadem est causa cur ipsius terræ sæpe latus tractus cum superiniectis montibus & ædificijs contremiscat & alicubi perumpatur, quando va-
por

por terræ inclusus & in caloris resoluētis aëreas partes auctus, spaciū iustum pro sua magnitudine nō inuenit, cum natura singulis corporibus pro sua magnitudine certa loca immutabiliter assignarit, & nequaquam ferat diametrorū penetrationem, seu plurium corporum in vnum & eundem locum inuersionem. Omnino igitur credamus ruptam ac dissolutam iri vniuersi quoque mundi machinam, si hic recens ex aquis factus aër, aut non denuo vniuersus in terram & mare repelleretur, quod non fieri experientia testatur, aut in ætheream regionem halitus partes nō reciperentur.

Primum enim, vt dictum est, cogitetur elementorum diuersitas, quo ad loci rationem. Ex sextario aquæ igni admoræ tanta fit vaporum multitudo, vt multò amplius spaciū impleant. Deinde æstimemus multitudinem immensam omnis in toto orbe terrarum fluentis aquæ, quæ si tantum triduo in vno vase aut loco colligi posset, vnde nihil efflueret aut decideret, haud dubiè molem aquæ effectura esset tantam, quæ terreno globo non multo minor, si non maior futura esset. Sed hæc tanta vis aquæ fluentis non diem vnum & alterū & aliquor postea menses interquiescentis, vt pluiæ sua inuervalla habent, sed labentis perenni cursu cum tota in amplo mari absumatur vi caloris solaris, & conuertatur in multò maiorem vaporum & aëris molem, quàm aquarum fuit, idēq; assidue à Sole fiat: Credemus ne hoc spaciū quod inter terram & Lunæ sphæram continetur, & aëris regio vocatur, eam molem vaporum singulis momentis auctorum capere & retinere posse. Imò verò cum hoc existimare sit absurdum, potius fateamur aliquam illius recentis aëris partem in ætheream regionem hauriri & ibi subtiliatam & persusam luce ac calore vitali, refundi per radios in terram, vt quod terræ ac mari impurum ac crassum ablatum est, reddatur eidem iuxta legem iusticiæ seruandam de communicatione beneficiorum cum scœnore maximè, hoc est, ornatum cœlestibus bonis, luce & calore viuifico, hoc si ita est, vt omnino arbitror, poterit etiam

etiam aliquo modo æstimari utilitas præcipuatantorū fluminum & causa, cur eorū influxu perennitatem esse oportuerit. Nam cum terra propter hominem perpetua luce per vices illustranda & calore viuifico fouenda & ad generationem excitanda sit, & calor ac lux cœlestis sine radio, hoc est, æthereo quodam spiritu deferri ad terram non possit, eos autem spiritus Sol ex sese gignere & effundere perpetuo sine succedente assiduè materia non queat, elementaris moles in subsidium vocata est, ut perenni fonti solarium radiorum aliquam materiæ pattem suppeditaret. Nec quis absurdum existimet dicere, aliquid elementaris naturæ, quæ est infinitis mutationibus obnoxia, misceri æthereæ illi nobilissimæ & constantissimæ substantiæ, cum simile quid in corpore humano fieri experiamur. Ex sanguine enim quem coxit epar ex varietate ciborum vilissimorum, sæpe etiam sordidorum, cor intra dextrum ventriculum aliquam purissimam partem sorbet, reliquam maximam relinquens in venis, ad nutriendas omnes totius corporis partes. Eius sanguinis partem, quæ minus puta fuit, ad pulmonis necessarij sui ministri nutritionem percoquit & effundit, sed purissimam partem in sinistram cellulam segregat, & ex ea spiritum illum nobilem gignit, qui totum corpus fouet & vegetat, & vitæ quasi vehiculum est, cuius purissimam partem cerebro impertit, ut ibi rectius purgatus & lucidior redditus sensibus omnibus, atq; adeo etiam menti ipsi ministret. Si igitur in homine, qui etiam hanc ob causam *μικροσμος* dicitur, videmus ex elementaribus & vilissimis corporibus, varia purgatione, & coctione transmutatis, tandem spiritum talem effici, qui non vitæ tantum, sed etiam sensibus ac menti instrumentum idoneū præbeat: An absurdum dicemus credere etiam ex terrestri & aquea mole aliquid decetpi, quod facta multiplici attenuatione & purgatione, intra ætheream regionem recipiatur, & à corde mundi, hoc est, Sole haustum, cum æthereo spiritu misceatur, & perfusum vitali calore ac luce cœlesti,

rufus effundatur in terram maximarum utilitatum causa, quas animantib. & rebus nascentib. radius solaris confert.

Dictum est hætenus de lucis & caloris, quem radius solaris ad terras perferit, effectibus præcipuis. Restat alia longè maxima utilitas, quòd idem calor, non fouendi tantum & vegetandi vim habet, sed etiam facultatem viuificandi, seu animandi materiam elementarem, ut quod prius vita carebat, nunc viuere, hoc est, nutriri, crescere, gignere, sentire, moueri, appetere, & alias functiones animati corporis obire incipiat. Hoc viuifico spiritu Solis impulsæ terra & quasi grauidata, post victam hyemis asperitatem, concipere, ac noua germina protrudere incipit, quæ eodem spiritu largius afficiente, copiosius nutrimentum attrahunt, & sese extendunt & dilatant, flores deinde mox semina proferunt, quæ tandem caloris intensio percoquit, & ad maturitatem perducit.

Arbores penè emortuæ frigore, persusæ spiritu Solis propius accedentis, attrahere ex terra in medullam suam, succum conuenientem incipiunt, ex quo cocto & digesto folia primum enascuntur: mox flores, & ex ijs fructus sese effundunt, qui calore Solis maturati, semina sua, & aliquid præterea, quod vsum animantib. in cibo præbeat, cōtinent.

Animantia eodem solari radio extimulata mox post brumam lasciuire & ad generationis opus cum imperu ruerre incipiunt. Imò etiam simus & puluis terræ rigatus rore & solari spiritu persusus, varia animalium & insectorum genera producit.

Eodem radio Solis semina piscium deiecta in aquas & destituta à parentibus, animantur solo radiotū solarium contactu in infinitam illam piscium multitudinem.

Eodem solari spiritu cadauer Tauri putrefactū, in apum examina, equi in crabronum seu agmina, Asini in scarabæorum pigram & fædam cateruam dissoluitur.

Eodem spiritu cœlesti per Solis radios effuso hirundines & aliæ multæ volucrum species, quæ per hyemem in riparum

pârûm cauitatibus aut palustrib. arundinetis mortuæ prorsus iacuerunt, reuiuiscunt & subuolant, cum ex longinquis regionibus ad nos reuerti creduntur.

Ita solaris radij natura admiratione longè dignissima est, propter rerum, quas continet & ad nos de cœlesti regione defert, præstantiam & nobilitatem, quas diximus esse lucem, calorem, & cum illo coniunctam vitalem quandam vim, quarum rerum vtilitates, quas præstant animantibus & cæteris rebus, aliquas æstimare prodest, enumerare omnes nemo potest.

Pergamus igitur ad cæteras radij solaris proprietates, quæ nouas causas, easq; iustissimas præbebunt, cur conditoris in huius vnus sideris perfectione sapientiam admiremur & celebremus. Primum autem dicemus de motu radij, vbi considerari primum debet celeritas seu impetus, Deinde figura motionis, Postremo ea, quæ illum radij fluxum comitantur.

Dictum est supra, corporis solaris esse isti motu utroq; celeritatem vix æstimabilem, magis tamen in motu violento, quò constat Solem rapi vnus horæ spacio per arcum longitudinae suæ continentem 317 semidiametros terræ. At hunc ipsum rapidissimum motum corporis solaris, longè vincit radiorum celeritas, qui vbi primum Sol aliquam partem sui corporis supra terram extulit, eodem momento temporis præcipites ex corpore Solis in terram desiliunt, eiusq; loci horizontem vniuersum illustrant, cum tamen Sol in apogæo à terra absit interuallo 1210 semidiametrorum terræ, quod spaciū, dum in suo orbe, motu rapidissimo mundi conficit Sol, ferè quatuor horas consumit. Hunc momentaneum, vt sic dicam, defluxum lucis cœlestis in radio imitatur lux in alijs quoq; corporibus, quæ ipsa quoq; puncto temporis se in longissima spacia diffundit, & oculis ingerit, cum sonus tardius in aëre crassiore puoluatur, quā obrem fit, vt cum eodem momento flamma pulueris tormentarij accensa cum globo, ex

machina erumpat, & fragor ille horrendus ex ipsa globi violenta extrusione existat, tamen citius flammæ fulgor procul conspiciatur, quàm sonus audiat.

Eandem celeritatem lucis cœlestis imitatur decursus spirituum animalium per nervos, qui eodem momento, quo membrum quodcunque nervo vicinum re lædente tangitur in cerebrum aduolantes læsionem membri nunciant, sic eodem momento, quo oculi auresque aliquid triste aut lætum cerebro nunciarunt, spiritus animalis per nervos decurrens, cor ferit, ut illico vel ad depulsionem mali, aut vindictæ sese armet, vel ad amplectendum bonum monstratum sese dilatat.

De figura
motus ra-
dii.

Figura autem motus radiorum primum cum ipso corpore Solis est circularis. Neque enim à suo corpore auelluntur, ut sagittæ ex arcu emissæ procul auolant, sed solari globo adhærent, & continuato defluxu ac perenni, semper novi spiritus effunduntur. Idcirco cum suo fonte circumferuntur circulari motu primum. Deinde habent ipsi peculiarem motum rectilineum quo feruntur maximo cum impetu, ut dictum est, pariter ad medium mundi, hoc est, deorsum, & à medio, hoc est sursum. Nam eos, qui terram attigerunt, procul ultra eam, versus cælum excurrere, experientia probat, cum certum sit lunam soli oppositam fulgere aliena luce, quam aduersi radij solis eò aduexerunt.

De his quæ
motu radij
comitantur.

Cum autem per amplissimam ætheris & aëris profunditatem ferantur radij per illam rapidissimam mundi gyrationem, est hoc omnino admirandum, quod in tanta sua longitudine & motus mundi celeritate, nusquam curuantur, non helicè obluçantur, aut incertis flexibus torquentur, sed rectissimæ lineæ ductum omnes constanter sequuntur, donec per medium liquidum & non resistens decurrunt. Vbi verò medium aliquod crassius & difficulter cedens attigerunt, quod tamen perspicuitate sua adhuc lucitrantissimum præber, parum infringuntur radij singuli in binos, qui angulum in superficie crassioris medij efficiunt, ultra quem angu-

angulum radius rectitudinem suam retinet, sed ut crassius medium penetrare facilius possit, nonnihil introrsum versus perpendiculararem radium declinat, ut à vicinis radijs aliquid opis & roboris quasi assumat.

Deinde ubi radius fractus per crassius corpus pellucidum eluctatus est, iterum frangitur & angulum constituit, post quem radius extrorsum versus, à perpendiculari deflectit, quasi iam transiturus per corpus purius, ubi minore conatu opus sit, ideo fretus suis viribus, non expetit amplius vicinorum radiorum opem, sed ad primò institutum rectissimæ lineæ cursum reuertitur, eumque constanter tenet, donec in solidum terrestre corpus, non amplius pellucidum incidit, ibi demum insigniter frangitur, ita ut ex puncto contactus resiliat sursum pars radij versus fontem suum, ut pilam videmus violenter impactam duriori solo aut parieti recta linea inde resilire.

Hic duo se offerunt admiratione dignissima. Primum, quod per illam prope immensam profunditatem ætheris & aeris delapsus radius quamdiu non impeditur & rectilineæ regulam servat, nullam corpori pellucido, per quod fertur, lucem aut calorem impertit, hac ipsa parsimonia sua quasi testans, se hæc bona soli homini & rebus hominis causa fouendis & viuificandis integra referuare, sed ubi primum in aliquod crassius corpus resistens incidit, ubi eum frangi necesse sit, locum anguli, quem fractio radij efficit, pariter luce & calore perfundit. Hæc fractio fit tantum in terræ pellucidis corporibus & in aëre terræ admodum vicino & densis vaporibus pleno. Nam homines eruditi firmis rationibus probarunt, vapores densiores & nubes non subleuari in aëre ultra quadringentorum stadiorum altitudinem, quæ faciunt duodecim miliaria nostratia. In illos igitur crassos vapores impingens radius, cum penetrare seruato rectissimo illo cursu suo non possit, frangitur, ut à vicinis medio radijs auxilium petat, ut dictum est, & in loco anguli lucis aliquid relinquit, quæ lux mixta vaporum

obscuræ profunditati, varias illas in nubibus species efficit, ut arcus cœlestis, iusticiæ & clementiæ Dei testis, parelia quæ impetiorum motus & mutationes significant, halones & vitgas tempestatum nuncias, auroræ item illum roseum & iucundissimum ruborem, & alios nubium variè pictarū colores & figuras. Reflexio autem radij fit tunc demum, quando is illiditur in corpus terrestre sua natura obscurum & luci minimè peruium. Ibi cum maximo impetu & celeritate illius radius sursum versus fontem suum resilit, & in angulo, quem in superficie solidi illius & obscuri corporis constituit, multum lucis & caloris relinquit.

Est autem hoc secundo loco dignissimum consideratione & admiratione, quod certissimas leges seruant radij, dum franguntur & reflectuntur. Nam ut de fractione prius dicam, radius medius, qui ad perpendicularum in subiectum crassius corpus pellucidum incidit, cum aliquot proximis radijs sine fractione rectissimo cursu pertrumpit, ideoque nullam in superficie crassi corporis lucem relinquit, sed longius ab illo medio radio distantes & oblique incidentes fracti sensibilem lucem in loco anguli relinquant, hac lege ut omnes radij æqualiter à medio distantes ad æquales angulos frangantur. In reflexione verò hanc perpetuò obseruant legem, ut quantum angulum in plano obscuri corporis efficit incidens radius, ei prorsus æqualem angulum alter resiliens radius in eodem plano constituit. Ea immutabili lege angularum æqualium fit, ut aliàs efficacius calefaciat radius, aliàs languidius. Quo enim obliquius in planum Horizontis radius solis incidit, eò & reflexus radius humilior est & ab incidente remotior: sed quo altius cum sole aecedente ad verticem nostrum radius decedens erigitur, eò resiliens quoque rectior assurgit & incidenti iungitur breuiori intervallo, ita ut cum sol super verticem alicuius loci incidens radius perpendiculari modò ad angulos rectos in tetram deijcit, radius reflexus cum decedente sine vllò intervallo copuletur, & ex vno radio geminatus efficiatur.

Cum

Cum autem natura generaliter omnium rerum similium conjunctioni maiores vires addiderit, & disunctas minus efficaces esse voluerit: Eandem etiam legem statuit radius solaris, ut quo propius iunguntur, eò plus roboris ad calefaciendum habeant, & longius distracti, remissiores calorem efficiant. Hinc est quod orientis Solis & occidentis, item incidentis per humiliorem, hoc est, borealem zodiaci partem ante & post brumam radij sint imbecilliores, quia longissimè disjunguntur, radius incidens & reflexus. Contra in æstate, ac maximè circa meridiem radij ad calefaciendum ideo sunt efficaciores, quo reflexi decidentibus propiore intervallo iunguntur.

Est autem huius legis naturæ, qua diximus, omnibus rebus æquius iunctis maius robur inesse, tanta vis, ut quando plures radij ex diuersis locis reflexi alicubi concurrunt in puncto vno, tantus calor excitetur, ut ad mota materia etiam ignescat, id quod plurimis modis experiri licet.

Est etiam hoc admiratione dignissimum, quod cum radius solaris tunc demum lucem & calorem imprimat, quando in corpora terrestria & sua natura obscura & minimè pellucida incidit: multò efficacius has ipsas res effundat in ea corpora, quæ durissimè & densissimè compacta sunt. Ideoque firmiter ac constanter excipiunt radium Solis, quàm cum in corpora incidit mollia, rara, & cessione sua quasi aspernancia aut fastidientia illisum radium. Deinde ea quoque corpora efficacius illustrantur, quæ continua leuitate complanatam superficiem habent, qualia sunt metallorum exactè limata & polita corpora, quæ constant vniiformi & ita tersa superficie, ut nullam maculam aut næuum in superficie contineant, ea non modo fulgorem Solis ita efficaciter excipiunt, ut is procul in alias partes sparsus effigiem quasi Solis exprimat: sed etiam quarumcunque rerum luce perfusarum imagines, colores, figuras exprimunt, & ostendunt. Vnde illa speculorum est admiranda varietas, quæ in doctrina catoptrica describitur.

D E V M B R A.

De Vm-
bra.

HÆC corpora omnia terrestria & luci inuia, quia sua densitate & innata obscuritate ita radium excipiunt, vt cum penetrare non sinant, sed cogant quasi, relictâ ibi efficaci luce & calore, aliò deflecti, hoc habent proprium, quod post se pro sua magnitudine spacium relinquunt obscurum & luce prorsus destitutum, quem lucis defectum & absentiam tenebras nominamus & vmbra, quæ cum sit res per se nihili & homini tam inuia & ingrata, quàm eidem iucundus est lucis conspectus, tamen vsus eidem homini tantos præstat ad cognitionem plurimarum & maximarum rerû, vt propemodum cum luce sibi inimica, vilitatum varietate, certare velle videatur. Nam quod nemo hominum cognoscere & explorare vllò modo potuit, vmbra monstrauit, quantus totius terræ globus sit, qua in parte mundi positus, qua figura ornatus sit, quàm nullius prorsus magnitudinis rationem habeat ad cœli amplitudinem collatus, has tantas res scitu dignissimas & alias imperuestigabiles docuit & confirmat quotidie tenuis vmbella, quam digiti longitudine aut minor gnomon erectus facit. Eadem singulis momentis ostendit Solis altitudinem, Horizontis cuiusq; obliquitatē, & poli arctoi altitudinem, quib. rebus cognitio plurima alia extrui & effici miranda & vtilia possunt.

Eiusdem vmbrae motu, augmento, decremento, horas diurnas discernimus, dierû longitudinem deprehendimus, ædificiorum & aliorum corporum, quæ sæpe adiri non possunt, magnitudines, altitudines & distantias metimur. Imò hanc ipsam radiorum naturam, motum, rectitudinem, ipsæ quoq; vmbrae nos docuerunt. Ad hæc cum magnitudinem suam nobis Sol fulgentissimus suo illo, quo omnia illustrat, splendore, ostendere non possit propter immensam penè à nobis distantiam, Vmbra terræ Soli semper aduersa nos eam docuit.

Postremò etiam Lunæ magnitudinem & vtriusq; luminis à

nis à terra & à seinuicem remotione, vt peruestigarent homines industrij, eadem vmbra occasionem & viam ostendit, quarum rerum inuentio admirabilis planè est & ad multa alia cognoscenda necessaria.

¶ Sed hæc tamen vtilissima inuenta, si rectè rem perpendimus, non vmbra, sed luci attribuere debemus. Neque enim ipsa per se obscuritas seu vmbra tantas res docuit, sed ea sunt munera radiorum solarium, & præcipuè illius admirandæ rectitudinis radiorum in defluxu. Nam quia radij tangentes quodlibet corpus opacum, rectissimo tramite vltra id excurrunt, & quacuncq; incidunt, luce affusa vmbra præcidunt & terminant: fit vt tanta vmbrae amplitudo relinquatur, quanta magnitudini, figuræ, & situi corporis opaci respondet. Vnde postea & opaci corporis & luminosi magnitudo & distantia æstimari & colligi potest. Quare etiam hinc æstimari dignitas lucis potest, quod ea non modo præsens illustrat omnia opaca corpora, & rerum imagines ad visum nostrum perfert, sed etiam absentia sua, qua vmbra efficit, corporum delineationes & effigies circumscribit & depingit.

Non possum hîc præterire alias quasdam vtilitates, quas animantibus, & rebus è terra nascentibus affert vmbra, dum illis torrefactis æstu Solis, suauem leuationem & refrigerationem aduentu suo affert, Vnde Virgilius ait:

Nunc etiam pecudes vmbra & frigora captant.

Sed vt de aliorum corporum vmbreis nihil aliud amplius dicam, conus amplissimus & longissimus vmbrae, quam terræ globus de se procul vltra Lunæ sphaeram vsq; perpetuo spargit, non ideo solum prodest, quod assiduo motu Solis cursum exactissimè ex aduerso imitans, aërem terræ vicinum longè lateq; verrit, refrigerat & tuetur, ne, quos accepit vapores ad rigandam terram, per Solis calorem omnes amittat, & adiuuat vt plures haurire ex terra possit, quem usum aëri etiam Lunarî globi vmbra præstare credibile est: Verum etiam animantia in hoc iuuat, quod ea

diurnis agitationibus defatigata ad captandum somnum vitæ necessarium inuitat, ereptis ex visu rerum speciebus, quæ ad laborandum diutius alliciebant. Deinde ut vigilantibus etiam alioqui ingrata & molesta, tædium sui pellat, utilitatem præbet maximam, quod nobis hoc cælum pulcherrimis distinctum facibus singulis noctibus reteggit, & quam Solis fulgor obscurauerat, quasi nouam mundi faciem ostendit, & hac ipsa quoque utilitate cum luce Solis certare videtur. Nam lux solaris tantum nobis ea, quæ in hac nostra sede sunt, huic corporali vitæ necessaria, cognoscenda exhibet, videlicet naturas has mortales & mutabiles, quæ ex elementorum mixtura constat, post breue tempus iterum dissoluuntur & pereunt: umbra verò præcipuam mundi partem, & in ea longè omnium pulcherrima & durabilissima & admirandis ornata motibus & viribus corpora conspicienda præbet, quorum consideratione mentes præcipuè in admirationem Dei conditoris adducuntur. *Pronaque cum spectent animantia cætera terram, Deus conditor os homini sublime dedit, cælumque videre*

iusit, & erectos ad sidera tollere vultus.

Nullum autem sidus nouissemus præter Solem, & aliquantulum etiam Lunam, nisi umbræ assiduo reditu, cæli quasi fores nobis aperirent, & illa grata varietas fulgentium tot stellarum cernenda exhiberetur. Sed hoc ipsum beneficium propriè non umbræ debemus, sed motui mundano, qui ut hæ grauissimæ vices perpetuo breuissimis minimeque molestis interuallis recurrerent, Solis fulgorem hebetantem cæterarum stellarum splendorem aliquantis per à certa parte terræ in aliam transmouet, ut per vices & hæ intima regio illustrari à Sole, & eo abducto summa pars domicilij nostri, hoc est, cælum stellis distinctum conspici possit.

Quarta utilitas radiorum.

Sed redeo ad alias radiorum solarium utilitates nequaquam prætereundas. Cum Sol, ut dictum est, terram magnitudine multipliciter vincat, sequitur plus quàm hemisphærium terreni globi semper illustrari, & viuifico illo spiritu

ritu radiorum quasi afflari, qui non tantum summam terram fecundat, sed intra viscera terræ etiam receptus pauca quidem animalia gignit, sed calorem ibi accendit & fouet, alias res mirandas efficientem. Nam is calor terram idoneam in halitus resoluit, ex quibus partim cum aqua & terra mixtis succi fiunt, qui deinde frigore rursus densati varia illa metallorum & concretorum liquorū genera producant: Partim siccioribus copiosius effusis extra terram aër mouetur & turbatur, qui venti nominantur: partim humidiorib. in montium cavitates illisis, ibique frigore densatis in aspergines & guttas primum, deinde ijs confluentibus in riuulos, scaturigines fontium & fluminū erumpunt, vnde illa est, de qua supra dicebatur, aquarum fluentium perennitas.

Aërem autem variè afficiunt radij, non modo ex reflectione calefacientes & seruantes, verum etiam perfundentes spiritu illo æthereo, quem ibi & postea plantæ imbibunt, quarum aliquæ peculiariter spiritu illo solari perfusæ, aut eius motum perpetuo circumactu florum comitantur, vt heliotropium, aut occidente Sole florum folia claudunt, aut demittunt tanquam flaccida, & rursus eodem oriente sese aperiant: aut folia erigit vt Lupini: & inprimis animalia cum aëre hauriunt in respiratione, vnde vegetantur non corpora solum, sed ipsi etiam spiritus vitales.

Nec verò, cum tantas res in terra & vicinis elementis efficiat radius solaris, in coelo nullas effectiones habet. Nam certissimum est, Lunam perfusam luce solari lucere, eamque legem seruare perpetuo, vt quoties Soli iungitur, aut è regione opponitur, fastigium sui eccentrici teneat, & à terra remoueatur longissimè. Quoties verò à Sole per quadrati latus abest & ἀχ' ἴσμεν cernitur, in imam partem sui eccentrici descendat & terræ sit proxima. Duas aurem proximas errantes stellas ita sibi obnoxias habet Sol, ab assiduo quasi ministerio, vt Mercurium nunquam ultra vnius signi, Venerem ultra duotum signorum longitudinem à

se excurrere patiatur. Tribus supremis stellis errantib. eam legem præscripsit, vt quoties ad ipsas accedit, suorum epicyclorum fastigium occupent, & aduenienti quasi locum cedant, Et rursus abeuntem comitentur, demittentes se ex arce epicyclorū, ita vt quoties Sol eis opponitur, infimam partem suorum epicyclorum teneant. Stellas autem fixas etiam vim radiorum solarium sentire, experientia multiplex testatur. Videmus enim æstus intendi tunc, cum Sol ad Siriū accedit, tempestates verò cieri, quando pleiades, hyades, arcturum, præsepe, asellos, & alias quasdam stellas secum ascensus sui comites ducit, aut oriens è regione positas, aduerso radio ferit. Ob has causas rectè dixit Plinius: Solem siderum cæliq; rectorem esse.

Sed cum multitudo vtilitatum, quas Sol radijs, motu, & alijs viribus suis confert omnibus fermè partibus mundi, sit innumerabilis, ex his maximè insignes exponere discen-
tibus volui, vt consideratione earum, Dei opificis infinitam sapientiam & bonitatē admirentur & celebrent, quotiescunq; Solis iubar intuentur, & hac augusta luce Solis ad pia & vtilia studia, & ad sanctas & castas operas vtantur, & orent assidue Deum fontem lucis, vt nos omnes sua diuina luce perfundat, & Dominus noster Iesus Christus patris æternus fulgor & ἀπαύρασμα faciat nos sua heliotropia, vt ad ipsum solum semper conuersi quocunq; euntem sequamur, cum occidente colligamur, cum ex oriente rursus excitemur. Hactenus de Sole diximus. Sequitur vt de reliquis errantibus sideribus agamus.

D E V E N E R E.

Venus. Infra Solem ambit ingens Sidus appellatum **V E N E R I S**, alterno meatu vagum, id est, quod aliquando antecedit & aliquando subsequitur Solem: quodq; cognominibus æmulum Solis existit: appellatur enim à Platone *ἡ ἑσπέρη* & *ἡ φώσφηρος*. Vnde fit corruptum vocabulum *ἡσπερος*, generaliter duos inferiores Plato vocat *συνδρόμιον* & *ἀνδρομέαν*. Perficit

ficit cursum suum regularem eodem tempore quo Sol, verum ratione ἀπικέλευ aliquanto citius in idem punctum redit, vnde inquit Plinius: Signiferi autem ambitum peragunt tricenis & duodequingenis diebus. Discedit autem tantum à Sole secundum quantitatem semidiametri ἀπικέλευ eius, illa autem ferè est 46 partium. Est autem in magno nominum ambitu, hoc est, ambitiosis & splendidis nominibus, ac titulis ornatur & prædicatur, vt Iunonis, Isis, &c. Eius complexio est temperare humida, vnde & genitalis & prolifica existit. A Græcis ἀφροδίτη, hoc est, à spuma: cuncta enim gignuntur & aluntur humoribus. Vnde inquit: Nam in alterutro exortu genitali rore conspergens, hoc est, quando vel mane vel vespere oritur, tum humore prolifico ac genitali perfundit ac rigat vniuersam naturam. Ptolemæus eius naturam describit cum inquit: ἀφροδίτη μὲν γὰρ ἔχεται, διὰ τὴν ἰσχυρότητα τὴν πρὸς τὸν ὕμνον, μέλαινα δὲ ὕδαίνυται καθάπερ ἡ σελήνη, διὰ τὸ μέγεθος τῆς ἰδίας φανερὰς τοῦ ὕδατος ὡς καὶ τῆς φαντασίας τῆς γυναικὸς ὡς ἀπὸ διαθεμιέων. Alterno meatu) hoc est, iam præcedens iam sequens Solem. Aemulum) hoc est, certans cum Sole & Luna cognominibus, appellatur enim Lucifer, vespèr, &c. Primus deprehendit) scilicet eandem esse stellam Luciferum & vespèrum.

Pontanus complexus est hunc locum his versibus:

*Hic Cytherea suum posuit fulgerrima Sydnæ,
Quo terræq; fretumq; & magnus concipit ætæ,
Et dulces in corde agitant animantia motus.
Ipsa resurgentes auro interplexa capillos
Aurora è thalamis, radiorumq; amula Solis
Lucem aperit, referatq; diem mortalibus alnum.
Interdum rapidis Phæbi deserta quadrigis
Euocat Oceano noctem surgentibus astris.
Admonet & placidi per amica silentia somni.
Verùm ita digressusq; hos, sua tempora pensat,
Et sinuosa means nūc necat æquora cygnis
Vt Solem petat, ad Solem vestigia stellas.*

Proxi-

Mercurii
cursus &
cōplexio.

Proximum ibi **MERCURI** sydus : cuius nomen est à mercibus, natura est versatilis, hoc est, pro configuratione aliarum stellarum, iam in has, iam in illas qualitates convertitur, sicut inquit Ptol. ταχίως δι' αὐτοῦ τὰ ἐπαμύνετα μεταβάλλει. Item alio loco : καὶ πολλὰ παρορμητικῶς ὡς ἐν τῇ ἄλλῃ περὶ τὴν αὐτὴν μένει. Generaliter enim in illius stellæ naturam se insinuat, cum qua fuerit configuratus. Excitat autem spiritus & reddit naturam ingeniosam atq; aptam disciplinis, vnde & sermoni & ingenijs præesse dicitur. Confi- cit cursum suum & inferiore circulo & ocyore ambitu no- uem dierum. Et quia hoc sidus non discedit à Sole 22. par- tibus longius, sequitur peculiarem horum siderum ratio- nem esse, hoc est, habere certos & præfinitos limites, quos ultra & citra nequeunt transire, atque à Sole longius dis- cedere.

Magnus
annus qui.

Vocat hic Plinius magnum annum, spacium quo supe- riores Planetæ suos cursus cōficiunt. Sic enim inquit, Cuncta maioresq; alios habent ambitus plenæ conuersionis, hoc est, tres superiores, (de illis tantum loquitur) maio- res habent ambitus seu circuitus in suis reuolutionibus, neq; sic ligati sunt ad Solem quemadmodum Venus & Mer- curius, vt videlicet nisi ad certam ac præfinitam metam ab illo discedere non possint, sed liberè circumferuntur, & ab- sunt ab illo quarta, tertia, & aduersa cœli parte, quæ disces- siones dicendæ sunt in magni anni ratione, id est, in eo loco vbi reuolutiones & motus trium superiorum dicentur, quæ quia ampliore circulo reuoluuntur, ideo etiam longiore tempore redeunt ad principia, vnde vocat magnum annū, ad differentiam anni, aut Solaris, aut etiam Lunar. Hunc locum præclare exponit Macrobius lib. 1. Satur. cap. 4. sic

Lunaris
annus.

autem inquit : Nam sicut Lunaris annus mensis est, quia Luna paulò minus quàm mensem in Zodiaci circuitione consumit : Ita Solis annus hoc dierum numero colligendus est, quem peragit, dum ad id signum se denudò vertit ex quo digressus est, vnde annus vertens vocatur & magnus, cum

Lunæ

Lunæ annus brevis putetur. Vnde Virgilius ad differentiam lunaris anni, annum qui cursu Solis efficitur, magnum vocat, cum inquit: *Interea magnum Sol circumuoluitur annum.* In hoc loco non loquitur Plinius de magno anno Platonico, cuius meminit Cicero lib. 2. de natura deorum, quem ex disparibus motionibus magnum annum Mathematici nominauerunt, qui tum efficitur, cum Solis & Lunæ, & quinque errantium ad eandem inter se comparisonem confectis omnium spacijs est facta conuersio, quæ quàm longa sit, magna quæstio est, esse verò certam & definitam necesse est, &c. Idem in alio loco: Namque ut olim deficere Sol hominibus extinguendique visus est, cum Romuli animus hæc ipsa in templa penetrant, ita quando ab eadem parte Sole eodemque tempore iterum defecerit, tum signis omnibus ad idem principium stellisque reuocatis expletum annum magnum habeto, &c. Sed loquitur in hoc loco Plinius de anno vertenti non quidem lunari aut solari tantum, verum reliquorum Planetarum, quorum circuitus, hoc est, tempus illud quo suum cursum peragunt & ad id signum redeunt ex quo digressi sunt, vocatur etiam annus magnus, ut annus magnus Saturni, Iouis, Martis, &c. Hanc puto esse simplicissimam & planissimam huius loci sententiam.

Est etiam hoc loco notandum, aliquando incidere mentionem Anni Lunaris apud autores, cum quidam falso per hunc Annumensem intelligant. Nam historiae vetustissimæ testantur omnium ætatum hunc morem fuisse, annum distribuendi in duodecim partes, quas menses vocarunt, illasque ad motum & cursum Solis accommodarunt, sed dissimiliter. Sic etiam vocarunt annum Lunarem præcise tempus duodecim luationum, quemadmodum sequenti capite clare inquit Plinius: In duodecim mensium spacia oportere diuidi annum; quando ipsa toties Solem redeuntem ad principia consequitur, &c. Continet autem hic annus dies 354. quemadmodum dictum est. Et hoc Lunari anno vsi sunt Græci, Iudæi, & veteres Romani, qui secundum cursum
Lunæ

Annus magnus Platonius.

Annus Lunaris.

Lunæ inceperunt ac finierunt suos menses. Vix autem sunt hæ gentes singulæ singulis intercalandi rationibus, vt hanc inæqualitatem ad cursum Solis aptarent, redderent suos annos consentientes cum motu Solis. Verum nimis longum esset hæc illa exponere, petant illam tractationem studiosi ex Macrobio, & ex libello Theodo. Gazæ de mensib.

CAPVT NONVM.

De Lunæ natura.

Lunæ The-
erica.

SED omnium admirationem vincit nouissimum sidus, terrisq; familiarissimum, & in tenebrarum remedium ab natura repertum, Lunæ. Multiformi hæc ambage torfit ingenia contemplantium, & proximū ignorari maxime sidus indignantium, crescens semper aut senescens. Et modo curuata in cornua, modo æqua portione diuisa, modo sinuata in orbem, maculosa, eademq; subito prænitens, immensa orbe pleno, ac repente nulla: aliàs pernox: aliàs sera, & parte dici Solis lucem adiuuans: deficiens, & in defectu tamen conspicua: quæ mensis exitu latet, cum laborare iam creditur. Iam verò humilis & excelsa, & ne id quidem vno modo, sed aliàs admota cælo, aliàs contigua montibus: nunc in Aquilonem elata, nunc in Austros deiecta: quæ singula in ea depræhendit hominum primus Endymion, & ob id amore eius captus fama traditur. Non sumus profectò grati erga eos, qui labore curaq; lucem nobis aperuere in hac luce: mira q; humani ingenij peste, sanguinem & cædes condere annalibus iuuat, vt scelera hominum noscantur mundi ipsius ignaris.

Endymion

Proxima ergo cardini, ideoq; minimo ambitu vicinis

vicenis diebus septenisq; , & tertia diei parte peragit spacia eadem, quæ Saturni sidus altissimum triginta (vt dictum est) annis. Dein affecuta Solem biduo, remoratur in coitu, & cum tardissimè, à tricesima luce rursus ad easdem vices exit: haud scio an omnium, quæ in cœlo pernosci potuerunt, magistra. In duodecim mensium spacia oportere diuidi annum: quando ipsa toties Solem, redeuntem ad principia consequitur.

Solis fulgore eam, vt reliqua sidera, tegi: Siquidem in totum mutuata ab eo luce fulgere, qualem in repercussu aquæ volitare conspiciamus. Ideo molliore & imperfecta vi soluere tantum humorem, atq; etiam augere, quem Solis radij absument. Ideo & inæquali lumine aspici: quia ex aduerso demum plena, reliquis diebus tantum ex se terris ostendat, quantum ex Sole ipsa concipiat. In coitu quidem non cerni, quoniam haustum omnem lucis auersa, illò regerat vnde acceperit.

Lumen.

Sidera verò haud dubiè humore terreno pasci, quia orbe dimidio nonnunquam maculosa cernatur: scilicet nondum suppetente ad hauriendum ultra iusta vi. Maculas enim non aliud esse, quàm terræ raptas cum humore sordes.

Maculæ.


A P P E N D I X.

LUNA postremam terrisq; proximam sphaeram tenet, quæ nomen habet à *σελας*, hoc est, splendore seu fulgore, cuius motus breuissimus est: integram enim circumuolutionem conficit in 27. diebus & 8. horis. Et quia Luna est terris proxima, ideo & notissima, vnde & cursus & illuminatio aliquanto melius in hac quàm in cæteris obseruari.

G

possunt,

possunt, & inprimis eius illuminatio mirabiliter torfit ingenia hominū, cum viderent eam tam varias vicissitudines referre, & in recipiendo & in amittendo lumine suo. Præterea fertur etiam dissimili cursu, non enim eodem modo à terris semper distat, sed iam humilis, iam verò excelsa existens, & ne id quidem vno modo, sed aliàs amota cælo, aliàs contigua montibus, nunc in aquilonem elata, nunc in austros deiecta, &c. Causa autem huius diuersitatis est (de illuminatione enim post dicemus) quòd sphaera Lunæ constat ex diuer-



diuersis circulis, qui neque super vno centro descripti sunt, neque eodem modo circumferuntur, sicut patet ex Theorica Lunæ, cuius exemplum hic posuimus. *¶*

Circulus exterior G H I K vocatur deferens auges. Interior C D E F vocatur deferens centrum epicycli. Paruus verò vocatur Epicyclus vel deferens corpus lunare. Ex habitudine autem horum circulorum textus hoc modo exponendus est. Iam verò humilis, scilicet in augis opposito existens, vt in E. Iam verò excelsa, videlicet in auge, vt in C. ne id quidem vno modo, sed aliàs amota cælo, scilicet, cum est & in auge deferentis, & in auge epicycli, vt in C. Linea enim ducta ex B, centro terræ in C, est longissima. Aliàs contigua montibus, scilicet quando est in augis opposito & deferentis & Epicycli, vt in E. Linea enim B, L, est omnium breuissima. Nunc in aquilonē elata, scilicet quando est in augis opposito & deferentis & Epicycli, vt in E. Linea enim B, L, est omnium breuissima. Nunc in aquilonem elata, scilicet quando est & in signis aquilonaribus, & in maxima latitudine aquilonari. Idem & de Austrina mundi parte intelligendum est. Addit in fine huius loci illustre *ἐπιτομή* de ingratitude nostra erga doctores harum artium, quia certam rationem ostenderunt hominibus motuum corporum cælestium, illa quoque scriptis posteris tradiderunt. Nostri verò, inquit, delectantur magis alijs curis & studijs, videlicet de bellis ac cædibus: studia enim, vt ille inquit, abeunt in mores.

(Proxima ergo cardini, &c.)

Hoc est, quia Lunæ circulus est breuissimus, breuissimo etiam ambitu circumuoluitur: nam in 27. diebus & tertia diei parte peragit eadem spacia, quæ Saturni sidus altissimum 30 annis. Hoc est, quemadmodum Saturnus integram reuolutionem in Zodiaco conficit in triginta annis, ita Luna eundem circulum peragrat in 27. diebus. Addit causam, quia, inquit, est cardini proxima, hoc est, centro

mundi. Proponatur aliqua coniunctio Solis & Lunæ in principio Arietis, Deinde Luna digressa à coniunctione iterum ad principium Arietis redit post 27. dies: quia verò hoc tempore Sol etiam digressus est suo motu à loco coniunctionis, nam interim dum Luna redit ad principium Arietis, ipse secundum ordinem signorum emensus est spacium 26. graduum & 56. minutorum, quem arcum donec iterum Luna excurrat & assequatur Solem, ferè absumentur dies duo, fiuntq; dies 29: cum tertia dici parte, quantum temporis est ab vna coniunctione ad aliam. Textus etiam hoc modo legi potest: Deinde affecta Solem biduo, remoratur in coitu, & cum tardissimè à tricesima luce rursus ad easdem vices exit.

Vocat autem eam magistram omnium quæ in cælo pernosci potuerunt, ppter velocitatem motus ipsius. Vnde etiam Ptolemæus per Lunæ locum inuestigauit loca stellarum fixarum, & rursus per illa Planetarum vera loca. Vnde rectè magistra appellari potest eorum quæ in cælo cognoscuntur. Ea quæ de Anni diuisione sequuntur, in præcedenti capite exposuimus. Plutarchus in vita Demetrii citat Sophoclis versus de varietate mutationis Lunæ valde elegantes:

Ὡς ἔξ ἀδύλου φῶτις ἔρχεται εἰς
 Πέλοπτα καλλήνουςα καὶ πλερομένη,
 Ἐ' ὅταν πρὶ αὐτῆς εὐχρηστέα φασὶ,
 Πάλιν διαζέει, καὶ πάλιν ἔρχεται.

(Solis fulgore eam vt reliqua, &c.)

De illumi-
 natione &
 phasibus
 Lunæ.

Hic locus est vnus ex præcipuis, qui in hac spherica translatione imprimis diligenter cognoscendus est, videlicet de schematismis Lunæ ad Solem, hoc est, quæ causæ lumen Lunæ tam diuersis vicibus varient. Plinius responder simpliciter, lumen Solis in ea lucere, quale in repercussu aquæ volitare conspiciamus, hoc est, quemadmodum in aqua & reliquis diaphanis corporibus, radij solares resplendent,
 eodem

eodem modo in Luna ex reflexione radiorum solatium lumen excitatur. Aggregati enim in hoc corpore sparguntur atq; diffunduntur veluti in denso medio, cuius tamen materia sic disposita est, vt radios recipiat, nō tamen transmittat. Lunare enim corpus sua natura est opacum, atque alieno tantum non proprio lucet lumine, si enim proprio luceret lumine, tum Eclipsium ratio non constaret, quæ ostendit Lunam eclipsari quando radius solaris ipsam contingere nequit, propter aliquod externum obstaculum. Itaque causæ diuersæ illuminationis Lunæ querendæ sunt, Primo ex habitudine Lunæ ad Solem, hoc est, corporis opaci ad luminosum: Deinde verò ex diuersa positione illorum qui ex terra intuentur in Lunam. Si enim Luna eodem modo se haberet ad Solem, & nos eodem modo eam intueremur, eodem quoq; modo illuminata conspiceretur. Quia verò accedit ad Solem, & rursus discedit ab illo, necesse est has varias vices accidere. Constat autem semper illuminari illam superficiem corporis lunaris, quæ Soli obuersa illius radiū ex aduerso recipit. Vnde patet quod semper medietas Lunæ est illuminata, quæ videlicet in Solem prospicitur, altera autem, quæ illi aduersa est, semper manet obscura. Propterea etiam in coniunctione nullum lumen cernitur: superior enim superficies nobis auersa tantum est illuminata: neque est tanta vis radij, vt vniuersum corpus lunare transire possit, quemadmodum euidentissimè ex eclipsiū causis demonstrari potest. Lunare enim corpus suppositum ex diametro Soli, tanta vi illius radium recipit, atq; intra sese conclusum retinet, vt nihil luminis ad nos demitti possit: ergo necesse est non totam lunam esse diaphanam, alioqui enim tanta vis radiorū illam transiret. Est itaq; materia lunaris globi à Deo architecto vniuersæ creaturæ hoc modo disposita, vt tantum dimidia pars globi illuminetur, quæ est ad Solem obuersa, & quæ radium recipit, reliqua medietas semper manet obscura atq; opaca.

Queritur iam quæ sit causa diuersitatis apparentiarum,


Causæ di-
versitatis
a Quæritur
r. dicitur Lu-
nar.

& diversarum figurarum Lunæ, quod videlicet aliquando corniculans seu falcata, aliquando dimidiata, aliquando verò plena conspicitur, cum tamen iam dictum sit semper dimidium globum in Solem conuersum illuminari: quare ergo non semper dimidius globus à nobis conspicitur? Semper autè minus medietate de corpore Lunæ intuemur, interstitium enim nostrorum oculorum minus sit dimeticiente corporis Lunaris, itaq; tantum nobis semper de Luna in plenilunio videtur, quantum basis pyramidis visualis de illa medietate abscindit, vel quantum basis pyramidis illuminationis commune habet cum basi pyramidis visionis? Respondco: Causam diversitatis apparentiarum esse radium visum oculi in Lunam incidentem, qui semper tantam partem illuminati orbis Lunæ complectitur, quantam radius incidentiæ contingere propter tumorem globi terræ potest. Eius rei exemplum in priore figura proposui, quam si quis rectè intelligere cupit, ille collocet dimidiatam sphaerulam ex cera factam supra Lunæ orbiculos, & eius dimidiam partem, quæ in Solem vergit, pingat colore albo, alteram medietatem nigro, quemadmodum hîc in figura videt depictos, illosq; collocet sicut in figura collocantur, ita ut alba seu illuminata pars semper versus Solem vertatur. Deinde ducat ex centro oculi B tria fila, quorum duo contingant à lateribus partem illuminatam, tertium verò superiorem partem stringat, quæ fila ostendunt quantum conspici possit, & pulcherrimè has vicces illuminationis oculis subijcient, quemadmodum etiam aliquo modo in plano idem ostendi potest, sicut lineæ B F, & B E ostendunt, quantum oculis de parte Lunæ illuminata in hoc situ sui circuli conspici possit; item B G, & B H in alio situ, & sic consequenter.

Quæritur, quare linea incidentiæ, hoc est, quæ determinat partem illuminatam Lunæ visam à parte illuminata Lunæ non visa, aliàs circumscribat lumen Lunæ linea incurua & arcuali, ut quando corniculans conspicitur: aliàs verò recta

recta linea, vt quando in quadraturis dichotoma conspicitur? Respondeo: Lumen in Luna semper à circulari linea terminatur versus Solem inclinantem, propter globi conuexitatem atq; propter angulum acutum, quem intersecctio axium constituit in illo arcu, qui ad Solem & ad nos vergit: sed quia sphaera procul conspecta videtur esse plana, & maximè illa parte quæ nobis est obuersa, vnde hæc linea non semper arcualis à nobis iudicatur, vt quando est in quadraturis vel prope, quando definit esse *mutuensis* siue falcata, atq; iam facta est *directus*. In hac enim habitudine nos hanc lineam arcualem separantem illuminatam partem ab opaca, iudicamus esse lineam rectam, non enim magis ad superiorem quàm ad inferiorem partem inclinat: æquidistat enim hæc linea ex omni parte lineæ perpendiculari, ex centro visus eductæ, id quod in alijs habitudinibus sui circuli nusquam accidit, vt quando est falcata seu corniculans, tum hæc linea obliquè incidit: oculus enim tantum extrema conspicit globi illuminati, quæ ex inferiore loco illuminatæ partis nobis obuersa sunt. Præterea axis illuminationis incidens in centrum Lunæ angulum rectum constituit, vnde & linea intersecans recta esse videtur. Idem ad oculum ostendi potest in opposita figura, si dimidiata sphaerula collocetur ad Lunæ orbiculos, quemadmodum dictum est, & fila educantur ex centro oculi, quæ lineas incidentiæ determinant. Quando verò distantia Lunæ à Sole quadrantem excessit, tum Luna tumida & vtrinq; gibbosa comparer: angulus enim intersecctonis est obtusus, hoc est, prius axis illuminationis orbem Lunæ secatur, quàm ad eius centrum perueniat. In oppositione verò, cum visus noster est quasi medius inter duo luminaria, tum Luna pleno orbe cernitur, quia medietas illustrata eadem & Soli & visui nostro simul obuersa est, & tota visionis pyramis incidit in totam pyramidem illuminationis, ita vt nulla communis sectio fiat. Simili modo postea decrescit. Albategni cap. 41. docet inuenire digitos illuminati orbis Lunæ, singulis dieb.

mensis, & variationem arcuum luminis in instrumento in hunc usum fabricato clarè ostendit, ex quo reliqua studiosi petant.



Dictum est de causis vniuersalibus atq; regularibus illuminationis Lunæ, quæ crescere dicitur à Sole discedens, propterea quod radij solares eam tunc ex inferiore parte, quæ ad nostrum conspectum obuersa est, contingere possunt : atq; hæc incrementa ac decrementa regulariter propter motum vtriusq; luminaris in suo circulo accidunt. Sed cum propter diuersas causas luminaria irregulariter moueantur super mundi centro in sphaeris proprijs, & etiam propter diuersitatem illorum, qui ex superficie terræ Lunam intuentur, necesse est ex hac dissimili habitudine maximam illuminationis varietatem existere. Cum enim causa illuminationis Lunæ sit, quemadmodum dictum est, radius solaris illam contingens non tamen transiens, & radius visus in globum Lunæ illuminatum incidens, sequitur propter diuersam habitudinem harum linearum contingentium & incidentium multipliciter variari lumen, & per consequens aliquando plus aliquando minus de illuminata & visibili parte globi conspici. Vt in quadraturis existens Luna non semper eodem modo conspicitur, sed pro ipsius diuersa habitudine aliquando magis aliquando verò minus dimidiata existit. Has autem causas particulares illuminationis breuiter annotare tantum volo, explicationem accuratorem requirant adolescentes ex Theoricis. Prima, Eccentricitas Lunæ, quæ eam & propinquiorem & remotiorem ad centrum terræ, & per consequens etiam ad centrum visus reddit. Secunda, Diuersus situs centri visus in superficie terræ, vt Orientales & Occidentales, qui amphiscij sunt, eandem partem Lunæ & in eodem cæli loco illuminatam diuersimodè contuentur : alijs enim maior alijs minor pars illuminatæ Lunæ conspicitur. Eadem diuersitas accidit habitantibus in diuersis climatibus, siue sub eodem siue sub diuersis meridianis constitutis. Tertia, Eccentricitas Solis & motus augis ipsius. Quarta, Diuersi motus orbium particularium Lunæ, vt deferentis centrum Epicycli, deferentis corpus lunare, & deferentis caput & caudam Draconis.

Causæ
particula-
res
illumina-
tionis Lu-
næ.

Quinta, latitudo Lunæ, & si quæ sunt aliæ ex his quæ diximus, facile intelligi ac colligi possunt.

Permuta-
tioneſ Lunæ nomi-
na.

Permutationes autem Lunæ, quas Græci *αἰρέσεις*, id est, apparitiones seu transitus vocant, his nominibus appellantur. Tertio die à coitu est *αἰρεσις*, id est, corniculans seu falcata, hoc est, in cornua cutuata. Vnde & Plinius vocat lunata conchylia, & lunatum calceum. Septimo & 11 die est *ἡξίτης*, id est, diuidua seu dimidiata. Vndecimo & 18. die est *ἀρπυξίτης*, hoc est, sinuata in orbem. Inde *παρακύβη*, id est, plena, vt die 14. & 15. Postea eodem ordine iterum decreſcit, donec ad coitum seu coniunctionem peruenerit, quem & interlunium, seu nouilunium, Virgilius & Plinius Silentia Lunæ appellant, Græcè *παύσις* vocatur.

Pontanus has Lunæ vicissitudines his versib. describit:

*Quantumcunq; ab Apollinis igne recedit
Hoc magis ipsa suum fundit mortalibus ignem.
Cornibus auratis primum, mox fronte resulget,
Iam media, medium caeli dimensa volumen.
Atq; hinc obliquos vultus, turgentiaq; ora
Noſte refert, tandemq; rago digressa meatu
Exurgit solum contra, plenoq; cornescam
Orbe comam, & fuluo totum caput explicat auro, &c.*

(Sidera verò haud dubiè, &c.)

De macu-
lis Lunæ.

Postremus locus in hoc capite est de Maculis Lunæ, quas Plinius ait esse notas terreni humoris attracti à Luna. Et quanquam graues veterum disputationes extent in vniuersum de hoc loco, an videlicet sidera afficiantur exhalationibus terrenis, atq; inde etiam naturæ & temperamenta ipsarum misceantur, tamen quia constat cælum esse diuersum quiddam ab elementari natura, non enim vices mutationū quæ in elementis existunt, recipit, sequitur etiam non ali ab elementis: Omne enim quod alitur, à suo simili alicut. Est autem materia cœli, siue sit aër siue aqua, sic per-

perpurgata & depurata, ut omnino nullum elementare alimentum desideret. Nihil tamen prohibet, quo minus vapores ex terra & aquis sublati etiam ad celestia corpora ferantur. An autem illa pro sua natura alterent aut mutent, non satis affirmare ausim, tametsi Prolemæus id affirmare videatur, sicut supra de Saturno dictum est, & de Luna sic inquit : *ἡ δὲ σελήνη τὸ μὲν πλεον ἔχει τὰς διασήμεν ἐν τῇ ὕψει, διὰ τῶν ἀεζυότατα διαλείπει, καὶ τῶν τῶν ὑγρῶν ἀναθυμιάται.*

Relinquamus itaque iudicium, veluti de re obscura & dubia, doctioribus, dicemus autem de maculis quæ in Luna conspiciuntur. Plinius in hac re, ut in plerisque alijs, Epicureorum dogmata secutus, ait stellas ignes esse flagrantes & ardentes in cælo, qui ignis quia requirit alimentum aut pabulum, pingues exhalationes è terra educit, ex quibus alitur. Quia autem Lunæ ignis est cæteris imbecillior atque languidior, ideo non semper omne alimentum attractum absumere potest, sed illud ut plurimum crudum & inconcoctum relinquit, quod deinde macularum notas efficit in Lunari corpore. Hæc autem sententia non est firma, sequeretur enim aliquando maiores, aliquando verò minores, interdum etiam nullas comparere in illa maculas. Item plurimas comparere maculas, quando exiguo igne arderet, & paucissimas quando plurimo, ut in oppositione : quia verò contrarium accidit, ideo alia ratio macularum querenda est.

Luna mutuatur lumen suum à Sole, id quod ex illuminationis varietate cernitur : quia verò Lunæ corpus non undiquaque æquabile existit, sed alia parte densius, alia verò rarius, ideo lumen in ipsam incidens non eodem modo diffunditur : partes enim rariores ac puriores integrum ac plenum lumen, partes verò densiores obtusius lumen recipiunt. Maculæ itaque nihil aliud sunt nisi accidens quoddam corporis lunaris propter lumen transfusum in corpus Maculæ quid. Lunæ non æquabiliter translucidum, nam partes densiores corporis lunatis minus transmittunt lumen, ideoque obscurio-

scuriore conspicuntur. Sed alia ratio est dissimilitudinis colorum, quæ in eclipsata luna conspicitur : tunc enim luna alienum lumen quod à Sole excipit, amittit, & natium suum & congenitum lumen retinet, quod pro situ ipsius non eodem modo comparet. Quando enim ipsa eclipsatur, vicina terræ existens, tum conspicitur veluti nigro colore deformata, quia in densam vmbra tunc fertur : quando verò in altiore parte sui circuli existit, tunc per vmbra rariorem & minus densam fertur, itaq; magis subrubet. Verisimile autem est illam colorum dissimilitudinem quæ in eclipsata luna conspicitur inde fieri, quod natium lunæ lumen misceretur cum alijs atq; alijs vmbrae partibus, quemadmodum infra in cap. de Eclipsibus dicitur. Cur autem non eodem modo in reliquis stellis maculae conspiciantur, causa est & magnitudo corporis lunaris, & quia terris est proxima. Reliquarum verò stellarum corpora sunt puriora & æquabiliora, quæ vniformiter lumen recipiunt, vnde nullæ maculae aut notæ in illis existere possunt, atq; etiam si quid inesset, tamen propter summam distantiam non clarè conspiceretur.

Hic de Via Lactea quaeritur, quam Aristoteles censuit esse meteoron ex constipato igne in regione clementari ignea : sed quia eius species est perpetua & immutabilis, etiam posteriores Peripatetici non secuti sunt Aristotelem, sed dixerunt esse accidens corporis ætherei ob innumeram multitudinem stellarum ibidem existentium, quæ adeo sunt minutæ, vt à nobis sigillatim perspicere nequeant, simul tamen conspiciuntur confusa omnia earum lumina, quæ nostris oculis candorem illum referunt. Vel fortasse ea pars cæli densior existit, in quibus lumen stellarum refractum lucet, &c.

C A P V T D E C I M V M.

De defectu Solis & Lunæ.

Defe-

Defectus autem suos & Solis, rem in tota contemplatione naturæ maximè miram, & ostento similem, eorum magnitudinum umbræq; indices existere. Quippe manifestum est Solem interuentu Lunæ occultari, lunamq; terræ obiectu, ac vices reddi, eosdem Solis radios Luna interpositu suo auferente terræ, terræq; Lunæ. Hac subeunte repentinas obduci tenebras, rursusq; illius umbra sidus hebetari. Neq; aliud esse noctem, quàm terræ umbram.

Causæ Eclipsium.

Figuram autem umbræ similem metæ ac turbini inuerso, quando mucrone tantum ingruat, neq; Lunæ excedat altitudinem, quoniam nullum aliud sidus eodem modo obscuretur, & talis figura semper in mucronem deficiat: Spacio quidem consumi umbras, indicio sunt volucrum præalti volatus. Ergo confinium illis est aëris terminus, initiumq; ætheris. Supra Lunam pura omnia, ac diurnæ lucis plena: A nobis autem per noctem cernuntur sidera, vt reliqua lumina è tenebris. Et propter has causas nocturno tempore deficit Luna.

Umbræ Eclipsium.

Alii, diurnæ.

Stati autem atq; menstrui non sunt vtriq; defectus, propter obliquitatem signiferi, lunæq; multiuagos (vt dictum est) flexus, non semper in scrupulis partium congruente siderum motu.

Cur non sint stata tempora Eclipsium.

A P P E N D I X.

Orditur in hoc capite doctrinam de Eclipsibus, quam suo more magis inchoat quàm absoluit. Est enim harum rerum longior doctrina quàm quæ in hac de mundo epitome comprehendi possit, sed tamen insigniores ac illustriores locos suo more decerpfit, in quorum explicatione sic commoratur, vt inde facillè tota Eclipsium ratio cognosci ac in-

ac intelligi possit. Extat apud Ptolemæum integra doctrina & iuxta Methodus de Eclipsibus. Hic enim autor artem integrè tradit, ad quam intelligendam hæc elementaris tractatio plurimum lucis ac utilitatis afferet. Proinde studiosi initio hæc elementa quæ sunt satis plana & locupletia discant, deinde totam artem à perfectò artifice petant. Cum autem tam certa harum artium doctrina existat, & res ipsa præter maximas utilitates suauissimam cognitionem ac certitudinem contineat, debent studiosi summis viribus tantarum rerum noticiam expetere, ac multum operæ ac laboris in hæc studia conferre, quæ reuera plus fructus in recessu continent, quam prima fronte pollicentur. Neque patientur se absterri clamoribus quorundam non tam indoctorum quam etiam improborum hominum, qui his artibus maledicunt, ac conuicijs aspergunt, propter nullam aliam causam, nisi quia ipsi cum sint imperiti ac ignari omnium disciplinarum, optarint omnes homines sui esse similes. Et profectò si vnquam aliàs opus fuit adhortatione ad veram doctrinam & virtutem, hoc inueniunt & *ἀποστολή* seculo inprimis opus est, & optarim doctores harum artium id & crebro & cum autoritate facere, vt adolescentes intelligerent suos errores, & utilitatem & fructum harum artium aliquanto accuratius perspicerent. Utilitas autem est maxima: tradit enim hæc doctrina rationem certam motus corporum cælestium, sine qua cognitione nulla certa discrimina annorum, mensum, æstatis atque hyemis, existere possunt, nullæ vices dierum atq; noctium, nullæ operarum leges, vt plantandi, ferendi atq; exercendæ terræ: præterea nulla certa descripta temporum ratio extare posset, nulla historia, nullæ annales, nullæ antiquitatis series, siquidem nullus esset certus annorum numerus. Si quis autem negat hæc ad publicam utilitatem, aut civilem statum pertinere, cum illo non admodum contenderim, sed medicis relinquam, pharmacis magis curandum quam rationibus docendum. Præterea si nulla esset alia utilitas horum

horum studiorum, tamen studiosi deberent tantarum rerum noticiam expetere tantum propter ipsas doctrinæ & veritatis suauitatem. Hæc summa certitudo, qua ad præscriptum & cærum diem, inò momentum temporis prædicuntur Eclipses, debebat magnum calcar esse studiosis ad discendum: est enim diuinis particula, futura certò prædicere. Euentus quoq; eodem modo non possunt esse obscuri, siquidem omnium sæculorum consensus id interpretatur, quo compertum est eclipses semper habuisse tristes euentus. Sed relinquam hæc monenda & docenda præceptoribus, qui has artes in scholis docent. Breuiter exponam causas eclipsium, postea textū ordine interpretabor.

DE ECLIPSI LVNAE.

In præcedenti capite dictum est lunam non lucere proprio lumine, sed alieno quod à Sole mutuatur. Cum enim ipsa constet corpore dissimiliori, partim videlicet raro & translucido, partim verò denso & opaco, sequitur eam non eodem modo illuminari à Sole: partes enim translucidæ plenum lumen excipiunt, reliquæ verò vix tinguntur tenui & obscuro lumine. In coniunctione itaq; nulla Eclipsis lunæ fieri potest, quia eius pars luminosa à terris auersa est. In oppositione verò pars rara ex aduerso Soli opponitur, itaque radium ex diametro excipit, quo tota ipsius pars nobis obuersa illuminatur, pleno itaq; lumine lucere conspicitur.

Est itaq; Eclipsis lunæ defectus seu priuatio sine prohibitione luminis alieni, quo illuminatur & lucet luna. Causa verò huius priuationis est diametralis oppositio luminarium, quæ efficit, vt luna mergatur in vmbra terræ, quæ semper & regulariter in oppositam soli partem secundum rectam lineam fertur. Ergo in superficie plana eclipticæ existit, nec vsquam ad latera mundi descedit, nisi secundum quantitatem sui semidiametri, quæ in alijs locis maior in alijs minor existit, est enim figura *curuata*, quemadmodum infra dicetur. Ergo deliquium lunæ tantum iuxta naturæ *cursum*

cursum ordinatum in oppositione ad Solem fieri potest. Non autem in omni oppositione fit Eclipsis, quia non in omni oppositione ex diametro Soli opponitur: fertur enim Luna in suo circulo, qui vtrinq; ab ecliptica ad latera mundi excurrit satis ampla latitudine. Nusquam igitur luna per diametrum Soli opponi potest, nisi in duobus punctis, in quibus se mutuo deferens lunæ & ecliptica interfecant, quæ puncta nodi, siue *subsideria* vocantur. Illorum punctorum alterum quando luna inde discedit & ad nostrum verticem accedit, vocatur nodus ascendens, vulgo caput draconis, alterum priori oppositum, nodus descendens, vulgo cauda draconis nominatur.

Quodcumque horum punctorum Luna in oppositione tenuerit, tum mergitur in umbram terræ, quæmersio Eclipsis lunæ vocatur. Quæ etiam fieri potest quando luna ultra vel citra nodos abfuerit, tanto videlicet spacio, quantum constituit semidiameter lunæ visibilis coniuncta semidiametro umbræ, hoc est, spacium serè 65 minutorum. Semidiameter enim apparens lunæ maxima est 18 minutorum & 4 secundorum. Umbræ verò semidiameter est 46 minutorum & 57 secundorum, qui numeri iuncti efficiunt 65 minut. tantum etiam termini ecliptici vtrinq; a nodis excurrunt, intra quos luna existens in oppositione eclipsatur, sed dissimiliter, aliquando tota cum mora, aliquando tota absq; mora, aliquando verò tantum particulæ ipsius. Vnde Luna singulis mensibus non eclipsatur, etiam si oppositio recurat, quia habet latitudinem ad latera mundi vtrique extra eclipticam, sed quando in oppositione latitudo minor est aggregato semidiametrorum Lunæ & umbræ, hoc est, quando intra terminos eclipticos opponuntur luminaria. Quando itaq; centrum Lunæ in oppositione habet latitudinem 29 minutorum, tunc quia totum lunare corpus intra umbram fertur, tota quidem luna obscurabitur, sed non manet obscurata: in altera enim parte statim extra umbram emergit, ac oculis se videndam exhibet. Quando
verò

verò centrum lunæ minorem latitudinem habuerit 19 minutorum, rum obscuratur tota, & aliquandiu obscurata latet, & vocatur Eclipsis cum mora. Nam quanto humilior fuerit, & quanto nodis in suo deferente propior, tanto diutius commoratur in vmbra. Et rursus quanto remotior ab alterutro nodorum, tanto minus obscuratur, donec egressa terminos eclipticos non amplius in vmbra terræ incurrere potest.

Hic autem imprimis discendum est, quæ sit proportio transitus lunæ ad ipsam vmbra: dictum enim est vmbra esse pyramidalem, ergo diameter ipsius secundum varios situs multipliciter alteratur: nam infra circa basim est latior, supra circa mactonem angustior. Et hic est præcipuus fructus huius doctrinæ, ex veris artis principijs diametros horum corporum inquirere, & ipsorum proportionem explorare: inde facile colligi potest quanta sit latitudo vmbrae in loco transitus lunæ, quæ apud Ptolemæum & Copernicum accuratè sunt demonstrata.

Reuertamur autem ad causas moræ, quam diximus esse, quando Luna velut in medium vmbrae incidens, aliquandiu obscurata permanet, & talis eclipsis cum mora fit, quando prorsus carens latitudine luna in ipsis nodis existit, Græci vocant *τέλειος ἔκλειψις*, quæ quanta esse possit, inde æstimari potest: diameter apparens lunæ secatur in duodecim partes, quæ puncta Ecliptica vocantur siue digiti, & tamen tanta est latitudo vmbrae in loco transitus, ut huiusmodi digitorum 12. possint obscurari: Ergo diameter vmbrae est ferè duplus ad diametrum lunæ: Non itaque est mirum, quando per mediam vmbrae transit, eam aliquandiu delitescere, donec rursus ex altera parte egrediatur.

Discendum etiam hic est, eam vmbrae ingredi ea parte, qua ortum spectat, & rursus, quando vmbrae egreditur ea parte, qua in occasum tendit, primo lumen recipere. Luna enim motu proprio in ortum fertur, & celeritate sui motus longè Solem superat: Vmbra verò ad motum

H

Solis

Solis mouetur, qui cum sit duplex, quemadmodum reliquorum Planetarum, alter proprius, sed tardior, alter per accidens, quia à primo mobili vnâ circumagitur, sed vmbra magis accidentatium quàm proprium motum Solis sequitur, ergo vmbra celerius ipsa Luna mouetur: has autem motuum vices ex tabulis studiosi petant, & nos infra exemplum subiungemus.

Quandocunq; igitur latitudo lunæ fuerit 65. minutorum, tum prorsus nulla sui parte lumine priuatur, sed tantum semidiameter lunæ stringit semidiametrum vmbrae absq; vlla obscuratione. Si verò latitudo centri lunæ in oppositione intra 65 minuta constiterit, tunc aliqua ipsius lunæ pars obscuratur, & vocatur Eclipsis particularis, Græci *ἐκλῖψις μερική* vocant. Hæc autem pars tanto est minor, quanto latitudo maior fuerit, & rursus tanto maior quanto latitudo minor fuerit. Vt si latitudinem tanto minorem habuerit semidiametro vmbrae, sicut est semidiameter lunæ apparens, tunc quidem tota luna obscuratur, sed absque mora. Si verò habuerit latitudinem parem semidiametro vmbrae, tunc dimidia tantum luna obscurabitur. Si verò latitudinem maiorem vmbrae semidiametro habuerit, particula aliqua dimidio orbe minor obscurabitur. Si verò latitudo præcise fuerit 65. minutorum, tum Lunæ corpus circumferentia sua vmbrae extremos limites attingit, & nulla pars lumine priuatur. Si verò latitudo maior fuerit, tum aliquo intervallo luna vmbra præteribit. Si verò latitudo maxima fuerit quinque integrorum graduum, tunc ab vmbrae circumferantia 4. graduum & quadrantis fere intervallo distabit.

Termini itaq; Ecliptici secundum Ptolemænm sunt 15 grad. min. 12. à nodis, intra quos consistens luna tempore oppositionis obscurari potest, quia in hoc intervallo potest habere latitudinem, de qua supra diximus.

DE ECLIPSI SOLIS.

Solis

Solis lumen est ipsius corpori nativum & congenitum, ἑκαταστή
 ergo illud nunquam amittere potest, sed impediri potest, ἁλίου.
 quo minus ad nos pertingar, sicut videmus illud impediri
 noctu, quo minus nostrum hemisphærium illuminet. Est
 itaq; eclipsis Solis, averſio siue derivatio luminis ipsius, quo
 minus ad nos pertingere possit. Fit autem hæc averſio per
 Lunam, quæ interposita inter aspectum nostrum & Solem,
 radios ipsius excipit ac prohibet eos ad nos vsq; pertinge-
 re. Dictum autem supra est, Lunæ corpus esse densum &
 compactum, nec vadiqua; translucentum: quando itaque
 in coniunctione, Luna in nodis vel circa ipsos fuerit, tunc
 ex diametro supponitur Soli, & ipsius pars translucida ver-
 sus Solem, altera verò pars opaca nobis obversa est, quæ
 non sinit radios Solis penetrare, sed illis sursum regerit,
 itaque quibnsdam terræ partibus lumen Solis illo tempore
 adimitur. Quanquam autem corpus lunæ minus multo sit
 corpore solari, tamen propinquitas lunæ ad terram huius
 rei causa est. Cum enim propior nobis sit, facillè potest to-
 tum Solem, etsi multo maior ipsa sit, nobis tegere, quem-
 admodum manus admota oculis res maximas aliquando
 ita occultat, vt prorsus conspici nequeant. Quanquam re-
 vera Solis corpus multo maius sit lunari: nam lunæ diame-
 ter continetur à solari diametro propemodum decies no-
 nies, tamen inæqualis vtriusq; luminis distantia diametros
 visuales alterat. Solis enim diameter apparens in Apogæo
 suo continet 31. minu. 20. secunda. In Perigæo verò 33. mi-
 nu. & 50. secunda. Sic lunæ diameter apparens cum est al-
 tissima, continet 29. minu. cum est terræ propinquissima
 36. min. & 8. secun. Ex his facillè intelligi potest, quod luna,
 cum est in eo loco, vbi superat diametrum apparentem So-
 lis, facillè potest suo interuentu totum Solem visui nostro
 adimere. Quia verò huiusmodi diametri tantum ad visum
 nostrum proportionantur, sequitur lunam adimere quidē
 lumen Solis posse vni parti terræ, sed non omnibus terris.
 Cum enim reuera Sol magnitudine sua multoties superet

lanam, non ita adimere lumen Solis Luna potest, ut omnes in eodem hemisphærio siti illud amittant : sed particulam tantum terræ, non integrum hemisphærium inuoluit.

Fiunt autem solares eclipses tantum in coniunctione : tunc enim Sol, Luna & visus noster in vna recta linea constitunt, & luna ex diametro inter Solem & nostrum aspectum media interponitur, Id quod non in omnibus coniunctionibus accidit, ppter declinationem lunæ, & quod luna plerumq; extra eclipticam fertur in declinatione, quæ res diametralem coniunctionem prohibet.

Et quemadmodum in Luna dictum est, aliàs fieri totalem, aliàs partialem obscurationem. Ita hîc quoq; discendum est aliàs fieri Eclipsin solarem totalem, quando diameter lunæ visualis maior fuerit diametro Solis visuali, & ambo luminaria in recta linea cum nostro visu collocata fuerint. Hæc autem eclipsis totalis semper est sine mora, quia etiamsi totum Solem eripere potest obiectu sui corporis, motu tamen proptio celerior progrediens ab occasu inortum, statim cum iterum retegît. Et quemadmodum lunæ defectus sit maximus, quando centra trium corporu, Solis, Terræ & Lunæ in vna recta linea constituuntur, sic etiam Sol maximè obscuratur, quando centra luminum & visus in vna recta linea existunt, quæ educitur ex oculis nostris ad centra luminum, & hæc coniunctio visibilis siue apparentis vocatur, quæ à vera differt. Fieri enim potest, ut Luna ex superficie terræ visa in alio cæli loco conspiciatur quàm reuera sit, inde sit, ut visibilis coniunctio aliquando veram præcedat, aliquando verò subsequatur : atque hæc differentia inter veram & visibilem coniunctionem vocatur diuersitas aspectus, hoc est, aberratio quam noster visus facit : in alio enim loco cæli luna ex superficie terræ visa conspicitur, & in alio loco ex centro terræ. Hæc aspectus differentia causa est, ut aliquando plurimum Solis obscuratur, aliquando verò minimum, & eadem causa est cur termini Ecliptici in Sole sint inæquales. Quando enim luna

• habet

habet latitudinem Borealem, tum potest obscurare Solis aliquam partem, etiam cum abest à nodis 20. gradibus, Quando verò habet latitudinem Australem, vix aliquam partem Solis obscurat, cum abest à nodis 11. gradibus, idq; accidit, quia nobis, quorum habitatio longius in septentrionem extenditur, locus lunæ apparens perpetuò à vero semper in meridiem declinat, ideo luna satis amplo intervallo à nodis & Ecliptica dissidens faciliè totum Solem, vel saltem aliquam eius partem obscurat, quod in latitudine meridiana non fit, spacio enim minore distans faciliè præcurrit Solem, ita vt vel nullam vel admodum exiguam partem ipsius obscuret.

Et vt Lunares Eclipses variat vera ipsius latitudo, sic Solares apparens latitudo. Si enim latitudo apparens maior fuerit 35. minutis, quæ constant ex semidiametris apparentibus vtriusq; luminaris, tunc luna Solem præteruehitur absq; vlla obscuracione: si verò latitudo apparens minor sit 35. minutis, tunc semper aliquam partem de Sole obscurat. Vt si fuerit æqualis apparenti semidiametro Solis, hæc est, 17. minutorum, tum centrum lunæ extremam oram Solis continget, atque ita dimidium Solem obscurabit: si verò nulla prorsus latitudo visibilis fuerit, Sol totus obscurabitur, sed non vniuersaliter, & sine mora, quemadmodū ex ijs quæ supra dicta sunt, & ex tabulâ, in fine commentariorum adiecta, intelligi potest.

(Eorum magnitudinum vmbraeq; indices existere.)

Primus & præcipuus locus huius capituli de magnitudine horum trium corporum, quæ prorsus non constaret, sicut reliquarum stellarum, nisi certa ratione ex eclipsibus esset deprehensa, ideo inquit, Magistra Luna docuit defectus suos etiam Solis, qui defectus sunt indices & commensuratores eorum magnitudinum, & etiam quantitatis Vm-

bræ. Quippe manifestum est, Solem interuentu Lunæ occultari, hoc est, fieri eclipsim Solarem, quando Luna interuenit inter aspectum nostrū & solare corpus, ac vices reddi, hoc est, vicissim fieri, vt sicut luna occultat Solem terris, ita vicissim vmbra terræ occultat & tegit Lunam.

DE VMBRA, ET QVOMODO EX

EA DEPRÆHENSAMAGNITVDO
corporum Solis, lunæ & terræ.

INITIO hic discendum est Vmbram vocari lucis defectum, quando corpus terrestre & luci non peruium sua densitate ita radium excipit, vt eum nequaquam penetrare sinat, sed cogit eum aliò deflecti, relicto in loco reflexionis efficaciori luce & calore: huiusmodi itaq; corpora post se pro sua magnitudine spacium relinquunt obscurum & luce destitutum, quod vocatur Vmbra, luci prorsus inimica & contraria. Eodē modo terra Vmbram proijcit, quæ ostendit quantus totius terræ sit globus, in qua parte mundi collocatus, qua figura & magnitudine existat. Præterea quanta Solaris & Lunariorum corporis sit magnitudo hæc eadem terræ vmbra ostendit, item ipsorum à terra distantiam & à seinuicem remotionem, has tantas res doctrina, Deo præeunte & viam monstrante, ex profundissimis tenebris eruit. Cum enim radij Solares ad globum terræ franguntur in ea parte qua ipsum attingunt, reliqui verò rectissimo tramite vterius excurrunt, ac vbi rursus coincidunt affusa luce ibi præcidunt vmbra & eam terminant, itaque tanta vmbrae amplitudo relinquitur, quanta magnitudini figuræ & situi corporis opaci respondere necesse est, ex qua & opaci corporis & luminosi magnitudo, etiam illorum distantia, æstimari potest.

Varia autem sunt figuræ vmbrae differentia secundum proportionem corporis luminosi & opaci, si enim corpus opacum luminoso maius est, fit Vmbra κατὰ σφαιρίδιον seu figura turbinis: si verò minus est, fit κατὰ σφαιρίδιον vmbra: si par sit vm-


fit umbra *καταρτίζουσα*, quæ differentię infra copiosius exponuntur. Colligit autē hoc loco Plinius, quod Luna maior sit terra, primò ex figurā vmbre terræ hoc modo: Terrarum umbra habet figuram metæ, quia terminat in apicem & demum prorsus evanescit, hæc autem umbra totaliter obscurat Lunam, ergo necesse est terram maiorem esse Luna. Probat consequentiam, quia nulla umbra *ναυοειδής* potest tegere aut obscurare corpus maius quàm sit corpus opacum; quod vmbra *πύκνι*cit. Secunda ratio, Luna non potest vniuersæ terræ occultare siue tegere totum Solem, posset autem si maior esset terra. Omnes enim homines in vno hemisphærio habitantes intra corpus Lunare consistere, quod ipsis in vniuersum conspectū Solis adimere posset, sicut Luna prorsus ijs qui in vno hemisphærio habitant obscuratur, & per consequens terra maior est quàm Luna.

Ptolemæus lib. 5. cap. 16. diametrorum proportionem ex eclipsibus colligit, & ait proportionem Solis ad terram esse quintuplam sesquialteram, hoc est, sicut 11. ad 2. Solis verò ad Lunam, octodecuplam superquadripartientem quintas, hoc est, sicut sunt 49 ad 5. Terræ verò diametrum ad Lunam triplam superbipartientem quintas, hoc est, sicut 17. ad 5. Quomodo autem hæc proportionem sint deprehensæ, ibidem copiose exponit Ptolemæus.


Diametro
rum pro-
portio.

Vnum exemplum ascribam, quod videtur aliquanto esse facilius & cæteris illustrius, quo bene cognito reliquæ proportionem eodem modo faciliè inquiri possunt. Proponam autem exemplum de proportionem Vmbre terræ ad Lunam in loco transitus ipsius. Ptolemæus observauit duas eclipses, in vtraque autem Luna pari ferè distantia discesserat ab auge epicycli: in priore distabat ab auge epicycli secundum signorum successione paucis gradibus, in posteriore totidem ferè gradibus aberat ab eadem auge contra signorum ordinem. De loco Eccentrici non est querendum, constat enim Lunam in omni coniunctione vel oppositione eadem eccentrici loca, hoc est, altissimas absidum sedes

tenete. In priore Eclipsi latitudo fuit septentrionalis 48. minutorum cum dimidio, & obsecutata est quarta pars corporis seu diametri Lunaris ea quæ versus meridiem spectat. In posteriori verò Luna defecit secundum semidiametrum ex parte septentrionis, cum latitudo esset meridionalis tantum 40. minutorum & 40. secundorum, unde centum corporis Lunatis attigit ipsam circumferentiam Vmbre. In priori autem eclipsi centum corporis Lunaris adhuc declinavit ab ingressu vmbre aliquot minutis. Hinc ergo colligitur semidiametrum vmbre in transitu Lunæ fuisse 40. min. & 40. secun. Ut describatur circulus super centro C, cuius differentia A, F, B, E, designet circumferentiam vmbre. Eclipticam verò representet linea A, C, B, in priori eclipsi Luna collocetur super centro D, ut F, G, pars obscurata sit quarta pars diametri lunaris. In posteriori Eclipsi centrum corporis Lunæ sit E, in circumferentia vmbre, ita ut E, K, sit medietas corporis lunaris vmbre ipsi immersa. Sed C, punctus centrum vmbre, qui diametraliter oppositus est centro corporis solaris, æquidistat necessario à punctis F, & E. sed C, E, est 40. minu. & 40. secun. ergo etiam C, F, erit totidem particularum. D, C, autem est 48. min. & 30. secun. Ergo si C, E, vel quod idem est C, F, subtrahatur à C, D, necessario remanebit F, D, hoc est 7. min. 50. secun. Sed F, D, est quarta pars lunaris diametri, sicut E, G, obscurata portio. Ergo si 7. min. & 50. secun. multiplicata fuerint per 4, colligetur quantitas diametri corporis lunaris in hoc loco epicycli, quæ est 31. min. & 20. secun. Nunc ut perveniamus ad proportionem vmbre & Lunæ, dupla semidiametrum vmbre C, E, quæ habet 40. min. & 40. secun. & efficies integram diametrum ipsius vmbre, videlicet 81. min. & 20. secun. Nunc si has quantitates inter se conferas, reperies proportionem proximam 13. ad 5. Ergo proportio lunæ ad vmbra in transitu est dupla supertripartiens quintas, quæ & à Peurbachio in Theoricis annotatur.



Similiter quoque Ptolemæus obseruauit altitudinem umbræ à terra, & depræhendit eius conum esse ducenties sexagies octies maiorem semidiametro terræ: cumque distantia sphaeræ Lunæ à terra sit triginta tribus vicibus, cum triginta tribus minutis maior semidiametro terræ, sequitur conum umbræ magis eleuari supra sphaeram lunæ, quam illa supra sphaeram terræ ferè per octoplum. Distantia verò terræ à Sole est 1079. vicibus maior semidiametro terræ. Et proportio semidiametri Solis ad semidiametrum terræ est quintupla sesquialtera ferè, ergo corpus Solare maius erit terra centies sexagies sexies cum tribus octauis ferè. Corpus verò Solis maius est lunari corpore 6539. vicibus. Nam diameter Solis ad diametrum Lunæ est octodecupla superpartiens septem decimas. Proportio verò diametri terræ ad diametrum lunæ est sicut proportio 17. ad 5 partes, quæ est tripla superbipartiens quintas.



(Figuram autem vmbrae similem.)

Figura vmbrae terrae
meta vocata.

SACRYNDVS locus huius capitis est de figura vmbrae terrae, quae est causa eclipsis lunaris, hanc autem vmbra esse figuræ metæ seu pyramidis, probat, quia desinit in conum, nam quando luna est in auge Epicycli aut prope, & est cursu tarda, tum eclipsatur minus de luna, quam quando est in longitudine media & est cursu mediocris. Item plurimum de luna eclipsatur quando est in angis opposito & velox cursu, & per consequens quanto longius vmbra à terra recedit, tantò eius diameter fit minor & breuior. Hæc autem figura à Latinis meta vocatur, sic enim inquit Liuius: Ipse collis est in modum metæ in acutum cacumen à fundo satis lato fastigatus, &c.

Quod autem ait, mucrone tantum ingruere in lunam, neque lunæ excedere magnitudinem, non satis intelligo quid sibi velit. Si enim aciem extremam intelligit, tum non magis uno puncto de lunari corpore obscurari posset, quantum videlicet acies seu mucro vmbrae contingeret, sed certum est hoc non voluisse Plinium, repugneret enim manifestæ experientiæ, sed fortasse intelligit per mucronem partem vmbrae minorem seu acuminatorem, quam est circa basim, atque ita vmbrae figuram non esse *καταλειπόμεν*, nec *απολειπόμεν*, sed tantum *κατασφαιόμεν*. An autem vmbra excedat

Cur reliqui planetæ non eclipsantur, de superioribus facilis est ratio, quia eorum vmbra non pertingit, circa enim sphaeram Veneris deficit. De Mercurio & Venere etiam planum est: non enim tantum à Sole discedunt ut illi ex aduerso fiant. Cur autem Venus

sphaeram Lunæ supra dictum est. Quod autem alij Planetæ non eclipsantur, de superioribus facilis est ratio, quia eorum vmbra non pertingit, circa enim sphaeram Veneris deficit. De Mercurio & Venere etiam planum est: non enim tantum à Sole discedunt ut illi ex aduerso fiant. Cur autem Venus

Venus & Mercurius nullam eclipsin Solis efficiant, cum infra eum etiam aliquando ex diametro siti sint, ratio est, etiamsi centrum Solis, Veneris, & oculi in vna recta linea existerent, tamen quia diameret visualis Veneris tantum est subcenrupla ad diametrum visualem Solis, sequitur nihil notabiliter de corpore Solari obscurari posse hac parua quantitate.

Quod ait, spacio quidem consumi umbras, intelligit de umbris quarum forma est *κατασθῆναι*, hoc est, quando corpora luminosa maiora sunt opacis: ait autem spacio, hoc est, longitudine consumi, hoc est, terminari umbras, id quod ostendunt volatus volucrum: nullam enim supra tertiam umbram projiciunt, sed umbræ ipsarum evanescent in aëre priusquam terram contingunt. Vnde limes umbræ est finis aëris, & initium ætheris: confinium enim vocat limitem.

Quod ait, supra Lunam esse pura omnia ac diurnæ lucis plena, verum est, istic enim est aër lucidissimus suapte natura & fulgore proprio lucens, non tantum Solari, quemadmodum aër elementaris. Quod autem inde colligit, etgo umbra supra Lunam excutrete non potest, est falsa consequentia. Umbra enim est res tantum privatiua nonpositiua, quæ splendorem Solis seu aduenticij luminis excludit, non tollit naturalem & congenitum. Quod autem a nobis tantum noctu cernuntur sidera, non probat in cælo esse tenebras aut umbram, quemadmodum apud nos in terris, sed probat maius lumen obscurare in oculis nostris minus lumen: nam lumen Solis est disgregatiuum, spargit enim ac diffundit radios oculorum, ne possint contueri minora in cælo lumina. Noctu autem propter tenebras coguntur seu coadunantur, ergo tum videntur stellæ æquè interdum lucentes ac noctu. Sequitur, & propter has causas nocturno tempore deficit Luna, scilicet visibiliter, item quia defectus Lunæ sunt in oppositione, & tunc Luna Sole occidente oritur, & rursus oriente Sole occidit, ergo vtplurimum noctu eclipses accidunt.

(Statim)

(Stati autem atq; menstrui, &c.)

De tem-
pore inter
duas Ecli-
pſes.

TERTIVS & postremus locus huius capituli est de tempore inter duas Eclipses, & de earum periodicatione. Dicit autem, non esse statos defectus, neq; etiam menstruos, hoc est, neq; singulis mensibus recurrunt eclipses, neq; aliàs æquale tempus existit inter duas eclipses Solares vel Lunares supra terram apparentes, propter obliquitatem Zodiaci & Lunæ multiagos flexus, hoc est, propter inæqualitatem motus Solis & lunæ: non enim singulis mensibus fieri possunt propter latitudinem lunæ, quæ prohibet diametralem oppositionem vel coniunctionem, atque hoc est, quod dicit, non semper in scrupulis partium congruente siderum motu, hoc est, non semper in oppositione convenit amborum luminarium motus in scrupulis partium, hoc est, in nodis, in quibus luna prorsus omni latitudine caret. Et quanquam lunares defectus determinatas habent periodos, ut singulis trecentis quadraginta tribus annis semper recurrat lunaris eclipsis, tamen de hac periodicatione hinc non loquitur Plinius, sed de tempore intermedio inter duas eclipses, quod est inæquale: in una enim periodicatione plures eclipses continentur: non autem propriè hoc modo locutus est Plinius, obliquitas enim zodiaci non est causa huius rei, sed magis declinatio orbis lunaris ab Ecliptica, sed id videtur intelligere per hoc, quod inquit, multiagos flexus, &c.

CAPVT VNDECIMVM.

De Siderum magnitudine.

Eclipses,
magnitudines
trium
maximorum
naturæ
eorum
partium
patefaciunt.

HAec ratio mortales animos subducit in cælum: ac velut inde contemplantibus trium maximarum rerum naturæ partium magnitudinem detegit.

Non posset quippe totus Sol adimi terris intercedente

cedente Luna, si terra maior esset quàm Luna. Certeior ex vtraq; vastitas Solis aperitur, vt non sit necesse amplitudinem eius oculorũ argumentis atq; Solis coniectura animi scrutari: immensum esse, quia arborum in limitibus porrectarum in quodibet passuum milia vmbras paribus iaceat interuallis, tanquàm toto spacio medius. Et quia per æquinoctium omnibus in meridiana plaga habitantibus, simul fiat à vertice: item quia citra solstitialem circulum habitantium meridie ad septentrionem vmbræ cadant, ortu verò ad occasum. Quæ fieri nullo modo possent, nisi multo quàm terra maior esset. Et quod montem Idam exoriens latitudine exuperet, dextra læuaq; largè amplectens, præsertim tanto discretus interuallo.

Defectus Lunæ magnitudinem eius haud dubia ratione declarat, sicut terræ paruitatem ipse deficient: Namq; cum sint tres vmbrarum figuræ, constetq; si par lumini sit materia, quæ iactat vmbram, columnæ effigie iaci, nec habere finem: si verò maior materia quàm lumen, turbinis recti, vt sitimum eius angustissimum, & simili modo infinita longitudo: si minor materia quàm lux, metæ existere effigiem in cacuminis finem desinentem, talemq; cerni vmbram deficiente Luna: palàm sit vt nulla amplius relinquatur dubitatio, superari magnitudine terram: Id quidem & tacitis ipsius naturæ indicijs. Cur enim partitis vicibus anni brumalis abscedit: vt noctium opacitate terras reficiat, exusturus haud dubiè, & sic quoque exurens quadam in parte, tanta magnitudo est.

Solis.

alii iaciat.

Lunæ & terræ.

Diuerſas
vmbrarum
facta a di-
uerſa ma-
gnitudine
corporum
lucidorum
& opaco-
rum.

APPENDIX.

De magni-
tudine tri-
um corpo-
rum pate-
facta per
Eclipses.

Accommodat hoc capite has eclipsium rationes ad alias utilitates, quas in natura continent: Hæc enim, inquit, ratio mortales animos subducit in cælum, ac velut inde contemplantibus trium maximarum rerum naturæ partiū magnitudinem detegit, hoc est, trium maximorum ac illustrissimorum corporū in natura magnitudinem, hæc eclipsium ratio patefecit, & profectò verum est, nulla certiore ratione magnitudines horum corporum deprehendi possunt quàm ex eclipsibus, quemadmodum in superiori capite dictum est. Vnde reliquorum cælestium corporum, quæ nullas eclipsium vices sustinent, magnitudines nulla certa ratione constant, neque potest aliqua exacta ac certa ratio iniri, quæ ipsorum magnitudines patefaceret, præter hanc unicam ac solam eclipsium. Vnde etiam hoc beneficiū debetur eclipsibus, quod horum corporum magnitudines nobis patefecit. Exponit autem Plinius ordine trium corporum proportionem inter sese, & primum statuit magnitudine Solem reliqua vincere, deinde proximè sequi Lunam, postremò vetò tertiam ab utriusque magnitudine superari, sic enim inquit: Non posset quippe totus Sol adimi terris intercedente luna, si terra maior esset quàm luna, &c. Planè in hoc loco Plinius videtur sentire, quod quantitas terræ minor sit quantitate lunaris corporis, idque colligit ex eclipsibus solaribus. Cum enim Sol non aliter deficiat quàm subter ipsum decurrente luna diametraliter, hoc est, ex recta linea inter ipsum & nostrum visum subiecta, & quia luna aliquando totalem tegit Solem, eiusque conspectum subiectis terris adimit, sequi inde necesse existimat, lunæ quantitatem terra maiorē esse, alioqui terris lumen Solis adimere nō posset. Atq; hæc videtur esse Plinij sententia ex his verbis manifestis collecta: infra enim in hoc capite etiam inquit: Sicut lunæ magnitudinem & terræ paruitatem ipse deficiens, &c. Vnde non arbitror in hoc loco esse mendum, diuersum-

uersimodè enim hic textus legitur: alij legunt, Nam posset, &c. Item, Nisi terra maior esset quàm luna. Hæ lectiones omnes veram sententiam & consentientem cum Ptole-
Terra maior Luna.
 mæi demonstrationibus continent, sed an Plinius id senserit, ambigitur: plerique de hoc loco acerrimè pugnant, quasi nunquam aliàs falsas sententias pro veris Plinius secutus sit. Breuiter colligemus hoc loco rationes quæ contrariam sententiam probant, videlicet quod terra maior luna sit, quarum Prima & præcipua est quam hic Plinius affert, detortam pro confirmatione suæ sententiæ. Si terra esset Inna minor, necesse esset non rantum totales, verumetiam vniuersales eclipses Solis accidere, siquidem ipsa posset vniuersæ terræ fulgorem Solis adimere, sed nunquam deprehensum est Solem vniuersaliter, hoc est, toti terræ simul defecisse, sed semper in vno tantum loco totalem defectum, absque tamen mora, comparuisse, in alijs autem locis minus, in alijs autem omnino nihil defecisse, Ergo necesse est lunæ diametrum minorem esse diametro terræ, alioqui totalis posset obscurari vniuersæ terræ.

Secunda, Vmbra terræ tegit Lunam in Eclipsi Lunari, & est *κρυπτή*, ergo terra maior est Luna. Omne enim corpus quod vmbra conoidalem projicit, maius est hoc corpore quod hac vmbra tegitur & continetur, & per consequens terra maior est luna, &c.

Tertia, Si diameter terræ minor est diametro lunæ, quomodo ergo diameter vmbra conoidalis non tantum circa basim, sed ferè circa conum teget totale corpus lunæ, necesse ergo est lunam esse minorem terra.

(Certior ex vtraq; vastitas Solis.)

Probat hoc loco Solem esse terra ac Luna maiorem, &
Sol terra maior.
 videtur hanc disputationem instituisse aduersus Epicureos, qui contendunt Solem esse tantillum quantus apparet, hoc est, bipedalem, aut paulò maiorem. Probat autem non solum non esse bipedalem, sed longè ipsa terra maiorem.

Omnes

Omnes autem rationes Plinij sunt generales, hoc est, probant in genere, Solare corpus esse maximum, sed accuratam ac præcisam quantitatem huius corporis nullo modo ostendunt.

Prima. Arbores in limitibus porrectæ in quolibet passuum millia, umbras paribus interuallis iaciunt, hoc est, arborum umbræ semper sunt parallelæ, quantumcunque etiam inter sese distiterint, Ergo radij solares velut ad rectam lineam & perpendicularum ad ipsas emittuntur, & per consequens vniuersa terra habet se ad Solem in parua quantitate: Sol enim ex vno puncto tanquam centralis cuncta corpora complectitur, velut in vna recta linea in quantacunque etiam distantia. Hæc ratio reuera non probat Solis magnitudinem, sed immensam ipsius à terra distantiam, qua sit ut radij nobis appareant paralleli, & per consequens etiam umbræ.

Secunda. In æquinoctio simul sit à vertice Sol omnibus habitantibus in meridiana plaga, hoc est, sub æquinoctiali circulo vel prope. Huius rationis hæc est consequentia: quia nullæ sunt umbræ omnibus hanc plagam meridianam inhabitantibus, sequitur diametrum solarem esse tam magnum, quam est spaciū illud quod umbris caret: at illud spaciū est secundum Possidonium trecentorum stadiorū, ergo in hac regione oportet Solis diametrum esse trecenties dena millia stadiorum. Si enim orbis Solis ad orbem terræ est decies milles plus, etiam segmentum solaris orbis, quod habet Solis magnitudo, decies millescuplum esse oportet, huius segmenti terræ, quod Sol ad verticem imminens umbræ expers facit: quia verò id trecentorum existit stadiorum, trecenties dena millia esse oportet, quod habet vnumquodque Solis spaciū ad suum orbem. Item Sole in æquinoctiali existente, nullæ sunt umbræ subiectis locis, ergo ipse est illis verticalis, & tamen totum hemisphærium tam secundum longitudinem quam latitudinem, æqualiter lumine solari illustratur, ergo necesse est Solem

toto

toto hemisphærio maiorem esse, siquidem totus hic tractus ad Solem se habet velut exiguum corpus, quod à quolibet puncto superficiei corporis luminosi radios secundum rectas lineas recipit.

Tertia. Illis qui citra solstitialem circulum habitant, meridie ad septentriones, ortu verò ad occasum umbræ cadunt, ergo Sol est maior terra, cum simul & semel tot umbrarum differentias, ac discrimina efficiat in superficie terræ. Quæret hic aliquis, cum terra ad Solem sit minima, quid sit quod non omnes umbræ in meridie sint verticales, cum tamen sua amplitudine solare corpus vniuersam terræ superficiem videatur tangere? Respondeo, Linæ à superficie terræ in cælum eductæ non omnes contingunt solare corpus, Sol enim de cælo tantum 31. minuta occupat, ergo tantum terræ præcise Soli supponitur, quantum 31. minutis in cælo respondet, hoc est, 31. partes de minutis partium 360. terræ, reliquæ partes terræ alijs coelestibus partibus supponuntur, vnde Sol videtur ascendere ac descendere, ac illas vires non tam umbrarum, quàm etiam dierum ac noctium efficere.

Quarta, Montem Idam exoriens latitudine exuperat, dextra læuâq; largè amplectens, &c. hoc est, Solis dimetiens maior est cuiusq; altissimi montis vertice. Plinius enim exemplum de Ida ascripsit pro quocunq; magno monte. Item dextra læuâq; hoc est, duo simul latera in maximam longitudinem extensa amplectitur Solis radius, ac vndique circumfundit lumen suum, Cumq; tam procul distet ab his verticibus, necesse est multò, imò infinities maiorem esse vnoquoq; altissimo ac vastissimo monte.

Accipiaturn aliud exemplum huius rationis: Cum de eminentiori loco spectatur insula aliqua magna in mari procul sita, tam brevis imagine concipitur, vt cum Sol circa eam oritur aut occidit, vtrinque ipsius appareat limes, hanc manifestum est Solis dimetientem maiorem esse maximarum insularum longitudine, si vtriusq; rei eadem esset

distantia : atqui quanto magis Solis diamerer insulæ aut montis diametrum superabit in tam inæquali distantia , insula parum distante à nobis, Sole verò infinities plus quàm nos absumus distante. Atq; hæ quatuor rationes probant tantum Solem maiorem esse terra. Eclipses autem patefaciunt veram quantiratem, quoties videlicet diametrum terræ contineat, id quod in superiori capite dictum est.

Vmbrarū
tres figu-
ræ.

Quinta. Defectus lunæ magnitudinem eius, id est, Solis, haud dubia ratione declarat, hoc est, forma vmbre in quam Luna tempore suæ obscurationis incurrit, & quæ est causa materialis defectus lunæ, probat solare corpus maius esse terra. Cum enim sint tres vmbrearum figuræ, una quando materia par est lumini, & vocatur *κολληθευειδής* : altera quando materia maior est lumine, & vocatur *καλαθευειδής* : tertia verò cum materia minor est luce, & vocatur *καρτειδής*. Cumq; umbra hæc hebetatrix non sit vel *κολληθευειδής* vel *καλαθευειδής*, quemadmodum postea dicetur, necesse est eam esse *καρτειδών*, & per consequens Sol maior erit terra, quia hæc umbra tantum causatur, quando materia luce minor existit. Quod aurem addit, sicut terræ paruitatem ipse deficiens, intelligendum est, sicut defectus lunæ ostendunt magnitudinem Solis propter causam quam iam diximus, ita etiam defectus Solis terræ paruitatem, propter causam quam supra dixi. Non posset quippe totus Sol adimi terris intercedente luna, si terra maior esset quàm luna. Sic enim videtur colligere Plinius: Non posset totus Sol adimi terris, si terra maior esset quàm luna. Sed terra maior est quàm luna. Ergo Solis eclipsis vniuersalis non potest accidere. Minor est manifesta ex præcedenti capite.


Dis-
simili-
tudinis
vmbrearum
causa.

Discenda est in hoc loco causa istius dissimilitudinis vmbrearum ex dissimilibus opacis corporibus ortæ. Primo, quando materia par est lumini, causatur umbra equalis materię in infinitum protensa, & vocatur *κολληθευειδής*, id est, columna, & sit, quia cum diametri amborū corpo-
rum

rum sunt æquales per hypothesin & æquidistant per 25. lib. 2. perspectiua, necesse est per 33. premi, & radios laterales æquidistare & esse æquales, Ergo protracti in infinitum nunquam concurrunt, Cumq; diametri amborum corporum sunt æquales, necesse est vmbra contineri his lineis collateralibus æqualem rei vmbrosæ, quæ cum æquidistanter

I 2

stanter



stanter in infinitum protenduntur, necesse est talem vmbra esse columnarem. Secundo, quando materia maior est lumine, efficitur vmbra καλαθονιδης, hoc est, inuersa pyramis seu turbo, cuius causa est, quoniam maior pars corporis opaci intra vmbra cadit, cumq; radios contingentes ad aliquam partem concurrere sit impossibile, subinde enim magis & magis discedunt propter maiorem diametri circuli corporis opaci, quæ in ipsa vmbra existit, sequitur ergo vmbra subinde in infinitum extendi. Tertiò, quando materia minor est lumine, efficitur vmbra καυρονιδης, hoc est, meta seu directæ pyramis: Cuius causa est, quia radij collaterales seu incidentes concurrunt in aliquo puncto, vltra corpus opacum, si enim non concurrerent, tum æquidistant: at si æquidistant, diametri essent æquales, quod est contra Hypothesin. Legant studiosi opticen Vitellionis lib. 2. propositio. 26. & duabus sequentibus.

Sexta, obliquitas zodiaci magnitudinem Solis indicat, fertur enim hac obliqua via, quia natura consuluit subiectis terris, ne si perpetuo ex eadem recta linea illis incideret, magnitudine caloris exureret, cum etiam sic in quadam parte exurat, hoc est, loca Zonæ torridæ, ideo etiam difficulter inhabitantur, quia Sol aliquoties illis fertur supra verticem. Est itaque hoc argumentum à motu Solis sumtum, Sol mouetur per obliquum circulum, ergo natura cauere voluit, ne si in recto circulo ferretur, subiectum exureret orbem, ergo necesse est eius corpus esse longè maximum.

CAPVT DVODECIMVM.

Quæ quis inuenerit in obseruatione
cælesti.

ET rationem quidem defectus vtriusque primus
Sulpitius Gallus. Romani generis in vulgus extulit Sulpitius Gallus,
qui

qui consul cum M. Marcello fuit : sed tum tribunus militū , sollicitudine exercitu liberato , pridie quā Perseus rex superatus à Paulo est, in concionem ab Imperatore productus ad prædicendam eclipsin , mox & composito volumine. Apud Græcos autem inuestigauit primus omnium Thales Milesius, Olympiadis XLVIII. anno quarto, prædicto Solis defectu , qui sub Astiage rege factus est , vrbis conditæ anno CLXX. Post eos vtriusq; sideris cursum in sexcentos annos præcinit Hipparchus, menses gentium diesq; & horas, ac situs locorum, & vicos populorum complexus, æuo teste, haud alio modo quā consiliorum naturæ particeps.

Thales Milesius.

Hipparchus.

Viri ingentes, supraq; mortalium naturam, tantorum numinum lege deprehensa , & misera hominum mente absoluta, in defectibus stellarum scelera aut mortem aliquam siderum pauente : quo in metu fuisse Stesichori & Pindari vatum sublimia ora palam est deliquio Solis, & in Luna veneficia arguentemortalitate, & ob id crepitu dissono auxiliante. Quo pauore ignarus causæ Nicias, Atheniensium Imperator, veritus classem portu educere, opes eorum afflixit.

Maſti ingenio este cœli interpretes, rerumq; naturæ capaces , argumenti repertores , quo deos hominesq; vicistis. Quis enim hæc cernens, & statos siderum (quoniam ita placuit appellare) labores, non suæ necessitati mortalis genitus ignoscat ? Nunc confessa de iisdem breuiter atq; capitulatim attingam, ratione admodum necessarijs locis strictimq; reddita. Nam neq; instituti operis talis argumenta-

tio est: neq; omnium rerum afferre posse causas minus mirum est, quàm constare in aliquibus.

A P P E N D I X.

(Et rationem quidem defectus.)

Anno urbis 588. alij 586. Vide Liniū lib. 4. decad. 5. Eadem historia integrè recitatur à Plutarcho in vitâ Pauli Aemilij, cuius hæc sunt verba: *ὅτι δὲ τότε ἐγγύνηι, καὶ οὐδὲν ἔσθ' ὅστις ἐπείσσαντο τοὺς ὕπνου, καὶ ἀνέπαυσιν, αἰφνίδιος ἡ σελήων πλείους οὖσα καὶ μετέωρος, ἡμελείηται, καὶ τὸ φῶς τὸς ὑποκρίντας αὐτῶν χέρας ἀμύνεσθαι κερταδαπὸς ἐφανείδη. τῶν δὲ ῥωμαίων ἀσπίς ὅτεν νιγαμισθῆναι, χαλκῶτε πατάγῳ ἀνακαλυφθῆναι τὸ φῶς οὐτὲς καὶ πικρὴ πορὰ δαλῶς, καὶ δακνὴν ἀπὸ τῶν οὐρανῶν, &c.* Hoc est, & nocte cum iam cœnassent, & quieti somnoq; indulgerent milites, Luna obscurari cœpit, ac deficiente lumine, multisq; coloribus mutata, tandem nusquam apparuit. Romanis ut consuetudo est timuit æris lumen eius reuocantibus & ignes multis facibus ad cœlum tollentibus, nihil simile à Macedonibus factum, sed metus & horror castra eorum habebat, ac sermo clam per multos ierat, defectum regis per id ostentum significari, &c. Composito volumine) scilicet de ratione computandi & prædicendi Eclipses.

Altera historia de Thalete extat apud Herodotum, in primo, qui tamen hæc sub rege Halyatte accidisse scribit. Vnde Hermo. indicat veterem lectionem rectius habere Halyatte, Herodoti verba sunt: *Συνίθεσσι ὅτε τῆς μάχης σωτηρίῳσι, πῶς ἡμέλειμ ἔξαπίνης ἦναι γενέσθαι. πῶς δὲ μεταλλαγῶ ταύτης ὁ ἡμέλειμ, Θαλῆς ὁ μάλιστα. τοῖσι ἱεροῖς ἀντιθέσθαι ἔσθαι, οὐδὲν ἀντιθέμενος ἀναιτὴν οὕτω, ἐν ᾧ δὲ καὶ ἐγένετο ἡ μεταβολή.*

De Hipparcho, qui primus ephemerides conscripsit, multa fit mentio apud Ptolemæum, & præcipuè in libris de geographia: vixit Rhodî circa annum 40. post mortem Alexandri, eo tempore, quando Romani bellum gesserunt cum Pyrrho rege.

Post

Post eos) scilicet Gallum & Thaletem , Hipparchus composuit tabulas sexcentorum annorum, in quibus motus luminarium calculauit, & tempora eclipsium indicauit, composuit etiam tabulas cosmographicas, & euentus comprobauit prædictiones fuisse veras, & hoc est quod dicit, æno teste, quasi dicat, tempus & euentus comprobauerunt ea quæ prædixerat, idèq; haud alio modo perfecit quàm quod fuit consiliorum naturæ particeps, hoc est, instinctu diuino.

(Viri ingentes, supraq; morta.)

ἄνθρωποι de præstantia harum artium, quale & illud est apud Ouidium :

*Felices anima quibus hæc cognoscere primum
Inq; domos superas scandere cura fuit. Item :
Credibile est illos pariter vicissq; iocissq;
Altius humanis exeuisse caput.*

Colligit autem dignitatem harum artium ab vrili : Liberauerunt enim homines ab infinitis erroribus atq; superstitionibus : quidam enim in Eclipsibus solliciti fuerunt ne lægnerent aut omnino hæc sidera interirent. Iudicauerunt enim Eclipses esse morbum aut vitium aliquod horum corporum. Vnde inquit : misera hominum mente absoluta, hi viri absoluerunt & liberauerunt mentes hominum ingenti & tristi sollicitudine, metuentium scelera, hoc est, veneficia aut mortem aliquam, hoc est, extinctionem sine interitum siderum, quo in metu fuerunt Poëtæ Lyrici, qui docuerunt carminibus & precibus incantamenta abigere. Et in Eclipsibus solebant pulsare æra, vt videlicet hoc sonitu & strepitu abigerent incantamenta. Recitatur causa ex cōment. Apollodori : τὸν γὰρ χυλὸν ἐπὶ δὲν ἐν ταῖς ἐκλείψει τῆς σελήνης, καὶ ἐν ταῖς καταιγίδεσσιν, ἐπειδὴ ἐνομιζέτε καθαρεῖς εἶναι καὶ ἀπικαταρτὸς τὴν μυσμᾶται. διότις ἀπὸς πᾶσαν ἀφίστασιν καὶ ἀνακάθασιν αὐτοὶ ἔχουσιν.

Exemplum huius rei supra est citatum ex Plutarcho ,

qui ait Romanos ex consuetudine tinnitu æris lumen eius renouasse. Meminit & Iuena. de garrula muliere, cum ait:

Verborum tanta cadit vis

Tot pariter pelues & tintinabula dicas

Pulsari, iam nemo tubas atq; æra fatiget :

Una laboranti poterit succurrere Luna.

Item Ovidius 4. Metamor.

Aut sub candore rubenti

Cum frustra resonant æra auxiliaria Luna.

Amplificat ab exemplo. Si Nicias, inquit, causas Eclipsium tenuisset, non continuisset classem portu, sed ante acceptam cladem eduxisset classem portu, hoc est, abduxisset classe exercitum priusquam hostes ei iter ad naues intercepissent. Historia est apud Plutarchum, ubi dicit etiam à Platone impulsus esse Dionem, ut nauigaret aduersus Dionysium, quanquam prohiberetur ab Eclipsi. Scribit etiam eodem loco Anaxagoram vix esse Periclis precibus apud populum Atheniensem seruatum, cum esset in carcerem coniectus, quia disputasset de motibus siderum. Verba Plutarchi asseribam : Εξέλιπεν ἡ σελήνη τῆς νυκτὸς, μέγα δῖος τῇ Νικίᾳ καὶ τῶν ἄλλων τῶν ὑπὲρ ἀπειρίας ἢ διανοιδαιμανίας ἐκπαλαι γυμνασίων τὰ τοιαῦτα. γὰρ μὴ γὰρ ἄλλω πῶς σφί τοις πριακάδαι ἐπιστάδισσι, ἑμμεγίστους ἔδει συναφείναι καὶ ἡ πολλή, γυμνασίω ὑπὲρ ἡ σελήνης. αὐτῶ δὲ πῶς σελήνῃ, ᾧ τὸν τυγχάνουσιν, καὶ πῶς αἰφνίδιος ἐκ παντολῶν τὸ φῶς ἐπὶ ἡμῶν ἐ, καὶ χρίας ἵνοι παντοδραπαί, οὐ γὰρ ἔδει ἡμῶν καταλαβείν, ἀλλ' ἀλλήκοτος ἡγεῖσθαι, καὶ πρὸς συμφορῶν τῶν μεγάλων, ἐκ διὰ γινώσκον σκρίβειν. ἡ γὰρ πρῶτος, σαφίσαις γε πάντων καὶ θαρξάσι δαστάτων σφί σελήνης καταυγαμῶν καὶ σκιά, λέγοντες χαφίῶν καταθέμερος ἀναξαρτίαις, οὐτ' αὐτὸς ἡμῶν παλαιός, οὐτὶ ὁ λόγος ἐδοξε, ἀλλ' ἐπὶ γένεσις ἐπὶ καὶ δι' ὁλόγῃ, καὶ μετ' οὐλομένης τινος ἢ αἰτίας βαδίζον. οὐ γὰρ ἡμῶν τὸν φυσικὸν καὶ μαθηματικὸν τίτι καλουμένους, ὡς εἰς αἰτίας ἄλλους, καὶ διωόμεν ἀπρωϊόντος, καὶ κατὶ μαθηματικῶν σάθην διασφίοντες ἐπὶ διόν. ἀλλὰ καὶ ἀποταγίαις ἐφίγει. καὶ ἀναξαρτίαν ἐγχερίτα μέλεις σφί πρῶτος σφελῶν. καὶ σφελῶν οὐδὲν αὐτῶ τῶν γε τῶν πρῶτων πρῶτον, ἡμῶν ἀπαιετο διὰ φιλοσοφίαν. Hoc est, noctu fortè Luna defecit, ex quo vehementius Nicias omnesq;

mili-

milites turbati sunt, cum propter causarum ignorationem malum aliquod sibi hoc defectu portendi arbitrarentur: Atqui singulis ferme triginta dierum spacijs completis, Solem ex opposito Lunæ constitutum, interuentu terræ adumbrari, atq; ex hoc fieri, vt Luna amittat lumen suum, & coloribus varijs infici videatur, hodie nemo fermè ex media plebe videtur ignorare: tunc verò ne peritis quidem talia conijcere facile erat. Itaq; magnæ alicuius impendentis calamitatis signum hoc à Deo missum interpretabantur. Primus autem qui lunaris luminis atq; umbræ causam deprehendit, ac literis mandare ausus est, Anaxagoras fuit, qui neq; multo ante ea tempora claruerat, neq; in vulgus adhuc opinionis eius famâ prodierat, sed inter paucos admodum versabatur, qui non sine metu talia proferre audebant. Neq; enim facile de rerum natura sermones populus admittebat, sed eiusmodi studijs deditos homines, inani labore tempus conterere arbitrabantur.

(Maçti ingenio este.)

Est epilogus cum acclamatione, quasi dicat, Vos cœli interpretes rerumq; naturæ capaces, hoc est, vos qui prædicis eclipses & alias mirandas configurationes cœlestes præmonstratis, este ingenio maçti, hoc est, vester conatus sit fœlix & faustus, subinde crescat & augeatur.

CAPVT DECIMVM TERT.

De Defectibus.

Defectus ducentis vigintiduobus mensibus redire in suos orbes certum est. Solisq; defectum non nisi nouissima primaue fieri Luna, quod vocant coitû. Prima regula.
Secunda.

Lunæ autem non nisi plena, semperq; citra quam proximè fuerit. Omnibus autem annis fieri vtriusq; fideris defectus statis diebus horisq; sub terra. Nec Tertia.

tamen cum fiant supernè, vbique cerni, aliquando propter nubila, sæpius globo terræ obstante conue-
xitatibus mundi.

De inter-
uallis ecl-
ipsium.
Alii Eun-
dum, scili-
cet Solem.
Intra ducentos annos Hipparchi sagacitate com-
pertum est, & Lunæ defectum aliquando quinto
mensē à priori fieri, Solis verò septimo. Eandem bis
in triginta diebus supra terras occultari, sed ab alijs
atq; alijs hoc cerni: quæq; sunt in hoc miraculo ma-
ximè mira, cum conueniat umbra terræ Lunam he-
betari, nunc ab occasus parte hoc ei accidere, nunc
ab exortus. Et quam ratione cum Solis exortu
umbra illa hebetatrix sub terra esse debeat, semel
iam acciderit, vt in occasu Luna deficeret, vtroque
super terram conspicuo fidere. Nam vt duodecim
diebus vtrunq; sidus quæreretur, & nostro æuo acci-
dit, Imperatoribus Vespasianis, patre 1111. filio
iterum consulibus.

alii, Quin-
decim.
alii, &

A P P E N D I X.

(Defectus ducentis vigintiduob.)

Hoc est, Eclipses non possunt iterum in eodem zodiaci
puncto accidere, nisi post ducentos viginti duos menses,
hoc est, annis 18. & sex mensibus: tanto enim tempore cir-
culus deferens nodos conficit suam reuolutionem, atque
iterum redit ad illud punctum, in quo antea Eclipsis facta
est. Alij aliter hunc locum legunt, quidam legunt 25. qui-
dam 28. mensibus. Martianus Capella, qui hunc locum de
verbo ex Plinio descripsit, legit 25. mensibus, alij, 23. men-
sibus: qui numeri tamen non omnino cum tabulis & Pro-
lemæo consentiant, tamen parum absunt. Principio enim
quærendus est motus circuli deferentis nodos in vno men-
se, qui secundum sententiam Plinij (si textus legitur viginti
quinq;

quinq; mensibus) erit vnus gra. & 36. minorum: Nam disido in circumfententiam zodiaci 225. menses, & prodibit iam dictus numerus, videlicet vnus gradus & 36. min. At secundum sententiam Ptolemæi mouetur circulus deferens nodos in vno mense 1. gra. 34. min. qui numerus valde parum abest à Plinij sententia: efficit enim menses 329. hoc est, annos 18. menses 6. quo spacio temporis Plinius ait defectus redire in suos orbes, hoc est, Eclipses non contingere iterum in eodem zodiaci puncto, nisi confecto prius hoc tempore. Ratio autem huius rei ex ijs quæ supra dicta sunt planissimè intelligi potest. Defectus enim non fiunt nisi in nodis, vel in terminis Eclipticis, qui non procul à nodis discedunt: nodi autem ad eadem puncta non redeunt, nisi post tantum temporis, ergo nec Eclipses in iisdem punctis accidere possunt, nisi confecto hoc temporis spacio. Quod autem ait: semperq; citra quàm proximè fuerit, intelligit progrediendo ad præcedentia non consequentia signorū: motus enim nodorum fit contra signorum ordinem non secundum. Vt si Eclipsis fuit in Tauro, post annum vnum atq; alterum non iterum fiet in Tauro, sed in Ariete vel Piscibus, propter motum nodorū in hanc partem. Hæ enim interfectiones quæ vocantur caput & cauda draconis, quotidie vltra motum diurnum mouentur versus Occidentem tribus minutis fere, &c.

(Omnibus autem annis fieri.)

Auttextus in hoc loco est mendosus, aut aliquem autorem secutus est Plinius, qui Eclipsium rationes non intellexit: nam horizontis diuersa positio nihil aut admodum parum ad eclipsium rationes pertinet. Variat enim tantum apparentias sphaeræ cœlestis, sed non est aliqua causa efficiens mutationis eclipsium, sed magis motus luminarium in proprijs sphaeris, quæ ad horizontem nullam vel admodum exiguam rationem habent. Præterea si singulis annis eclipses sub terra fiunt, sequeretur singulis quoq; annis supra ter-

pra terram per vices fieri. Cum enim nodi incidant in centrum terræ, tantumque est illorum per vices supra terram, quantum infra in revolutionibus diurnis, fieri non potest, quod infra sint frequentiores eclipses quàm supra, nisi quod fortasse concedit tot fieri superne quot infra, sed non cerni ubique propter nubila, aut propter conuexitatem globi terræ. Conuexitatem globi vocat tumorem terræ, qui in eclipsi Solari aliquando prohibet videre id, quod in concavo cœli sit. Verum quia hæc ratio nec cum experiētijs nec cum demonstrationibus consentit, ideo fides penes autorem maneat.

(Lunæ defectum aliquando quinto mense.)

Temporis
quantitas
inter duas
eclipses.

Haftenus in genere causas omnium Eclipsium exposuit Plinius, nunc in hoc loco exponit quantitatem temporis inter duas eclipses, vt intelligant studiosi, in quanto tempore possibile sit fieri Eclipsin: atque si quis hanc tractationem bene intelligit, ille sine dubio, quicquid in hac tota Eclipsium tractatione est obscuri, facillimè assequitur, etiā sine aliquo doctore. Et quia hæc exempla insignem doctrinam continent, ideo accuratissimè exposita sunt à præstantissimo artifice Ioanne de Regiomonte in sua Epitome in Almagestum, cuius verba ascribemus, quanquam eius interpretatio obscurior videbitur, quàm vt rudiores eam subito assequi possint, tamen non dubito, quin sæpius lecta possit intelligi. Iacobus Ziegler, qui in hunc librum commentaria scripsit, hunc ipsum locum doctè est interpretatus, & ea quæ apud Regiomontanum videntur propter breuitatem obscuriora, illa fusiore interpretatione & commodis figuris adhibitis planiora reddidit. Proinde hortor adolescentes vt vtrunque coniungant, & non dubito quin auctoris sententiam sint assecuturi.


Exempla
Eclipsium

Principio Lunam ait spacio quinque mensium posse bis deficere lumine, vt exempli causa, si Sol fertur à Libra secundum signorum ordinem, & Luna in alteram signiferi medic-

medietatem ab Ariete secundum signorum ordinem, potest fieri eclipsis prior in Ariete, posterior verò in Virgine, idq; spacio quinque mensium magnorum: quales autem illi sint, infra in expositione dicetur. Secundò ait Solem spacio septem mensium bis posse eclipsari, vt si fertur per Boreales signiferi partes, vbi eius motus est tardior, fieri potest, vt deficiat in Piscibus, postea rursus in Libra, idq; spacio septem mensium. Tertiò ait, ipsum bis in triginta diebus posse eclipsari, vt cum fertur per punctum tropicum, potest priore loco deficere cum accedit ad hoc punctum, & altero loco cum digreditur, atque ita vnam eclipsin videbunt climata Australiora, altera Borealia. Sed interpretationem Regiomontani ascribemus, & primam de primo exemplo, videlicet aliquando Lunæ defectum quinto mense contingere. Sit enim vt in his quinque mensibus Sol vadat à longitudine media sui eccentrici, per propiorem versus alteram longitudinem mediam, eritq; tunc motus Solis velox. Luna autem in Epicyclo, vltra integras reuolutiones perficiat motum per partem Epicycli superiorem, vbi tarda cursu existit: fient igitur hi quinque menses maiores, in quibus Sol mouetur motu suo maiori, & Luna minori. Medius motus Solis & Lunæ in quinque mensibus medijs abiectis reuolutionibus fiet 145. grad. 32. minu. & sumamus vt longitudo propior Solis diuidat hunc per æqua, addet igitur super medium cursum æquatio Solis hinc inde sumpta 4. grad. 38. min. Motus autem Lunæ in Epicyclo in quinque mensibus est 129. grad. 15. min. hunc quoq; per æqua diuidat longitudo longior Epicycli, minuet igitur ex medio cursu æquatio hinc inde sumpta 8. grad. 40. min. In tempore itaque quinque mensium illorum quod Sol sit velox, Luna autem tarda cursu, præcedet Sol Lunam in 13. grad. 18. min. hoc est; verus motus Solis maior est vero motu Lunæ in hac quantitate, sed dum Luna id perambulat, donec Solem consequatur, Sol duodecimam huius mouetur, quæ est 1. grad. 6. min. hæc duodecima

decima si addatur ad 4. grad. 38. min. quæ fuerunt differentia veri motus Solis & medij, prouenient quinque grad. 44. min. scilicet quantum quinque menses maiores addunt super quinque menses medios: oportet enim in talibus dispositionibus primam harum oppositionum verarum præcessisse mediam tanto tempore, quanto vltima harum mediam sequitur. Constat autem quod differentia locorum applicationum, veri quidem in vera, & medij in media, ferè æqualis est differentiæ argumentorum latitudinis veri in vera, & medij in media: quare differentia argumentorum latitudinis veri & medij in prædictis quinque mensibus erit ferè 5. grad. 44. min. Sed argumentum latitudinis in quinque mensibus medijs est 153. grad. 21. min. Ideoq; argumentum latitudinis verum in quinque mensibus veris lunaribus est 159. grad. 5. min. Termini denique ecliptici lunares Luna existente in longitudine media epicycli sunt 11. gra. 30. min. tunc enim aggregatum semidiametrorum Lunæ & vmbre est grad. 1. propterea quod Luna in auge epicycli existente in applicationibus tale aggregatum sit 56. min. 24. secun. sed in propiori longitudine *æquo* sit 1. grad. 3. min. 36. secun. Inspiciatur iam hæc figura, & fiet vterq; arcuum e f, & l k. 157. grad. ideo minor argumento vero latitud. in quinque mensibus maioribus per 2. grad. 5. min. Si igitur hic motus latitudinis a b e, per vnum gradum in arcu a e cœperit, & finierit in arcu f g per vnum gradum ferè a b f, possibile est vt in vtraque fiat eclipsis Lunæ. Sic etiam ostenditur per arcum l d k, & dum motus iste fuerit per arcum istum e b f, eclipsatur in vtraque eclipsi pars meridiana Lunæ, sed per arcum l d k, septentrionalis. Verùm tales obscurationes ferè sunt insensibiles,

Solis




(Solis verò) Hoc est, fieri potest, ut Sol in septem mensibus bis eclipsetur. Idem hoc modo demonstrat Ioannes de Regiomonte propo. 13. lib. 6. Sint septem menses minores, in quibus verum argumentum latitudinis Lunæ est 108. grad. 47. minu. sed arcus f d e ex præmissa est 192. gra. 24. min. qui est à termino ecliptico accedente ad caudam, ad terminum eclipticum recedentem à capite. Clarum est igitur, si Luna diuersitatem aspectus in latitudine non habeat, non est possibile, ut Sol bis eclipsetur in his septem mensibus, scilicet in prima harum coniunctionum & extrema, propterea quod 108. grad. 47. minu. excedant arcum f d e in 16. grad. 23. min. Arcus autem veri loci latitudinis dispositus ut punctum d, quod est maximæ latitudinis in meridie, diuidat ipsum per æqualia, distabit quilibet suorum terminorum à nodo 14. grad. 23. min. à latitudine his correspondente ablata quantitate: semidiametrorum luminarium excessus bis sumptus facit 1. grad. 25. min. ferè, & tanta est etiam latitudo argumenti latitud. 16. grad. 23. min. ut patet ex proportionem vnius ad vndecim & semis.

semis. Ita si incipias argumentum verum latitudinis computare à b f, procedendo per d, ipsum excedat arcum f d e in grad. dictis, qui sunt e n, quare tamen sui latitudo f n p excedet latitudinem puncti e, quæ est e, o, scilicet aggregatum semidiametrorum luminarium in parte proportionali ad 16. grad. 23. min. secundum proportionem vnus ad 11. & semis: & ipsa est n, m, vnus grad. 25. min. Liqueat igitur si in septimo mense eclipsis Solis redire debeat, quod oportet Lunam habere diuersitatem aspectus in vna harum coniunctionum, aut aggregatum ex eis in ambabus quæ sit maior vno gradu 25. min. Videndum est autem in quibus horis & quibus locis id fieri queat. Tempus septem mensium æqualium habet 206. dies, 17. horas ferè, in quo Sol tardiori cursu, Luna verò velociori mouetur, & medius Solis, minor verò Lunæ in grad. 14. min. 40. quem arcum cum sua duodecima, Luna medio cursu perambulat in die vna 5. horis. Septem igitur menses minores qui esse possunt, habent dies 205. & horas 12. quare tempus coniunctionis extremæ fiet post dies integros ab hora coniunctionis primæ horis 12. Ideoq; si prior sit iuxta Solis ortum, erit altera iuxta Solis occasum. Verus autem Solis motus in dictis septem mensibus minoribus est 198. grad. ferè, quos aux Solis per medium dinidit, quæ nostro tempore in principio Canceri fiet, locus primæ coniunctionis harum circa 12. grad. Piscium, & alterius circa 9. grad. Libræ. In plagis verò septentrionalibus à quarto climate incipiendo in prædictis locis & horis contingit vt diuersitas aspectus in latitudine, ablata diuersitate aspectus Solis, excrescant super 1. grad. 25. min. Ideoq; in illis climatibus possibile, vt Solis eclipsis in septem mensibus bis videatur, necesse est autem, vt id accadat Luna in prima coniunctione accedente versus nodum caudæ, in secunda verò ea à nodo capitis recedente.

(Eandem bis in triginta diebus.)

Alia



Alia exemplaria legunt eundem, ita vt de Sole intelligatur, & puto hoc modo etiam legisse Ioannem de Regiomonte, qui nullam expositionem de Luna sed de Sole adducit. Nam in prop. 14. probat esse impossibile eclipsin Solis in vno mense bis fieri apud homines vnus climatis, id quod etiam vult Plinius cum inquit: sed ab alijs atque alijs hoc cerni, quibus verbis clarè significat se de Sole loqui: defectus enim Lunæ vbiq; cernitur eodem modo ab omnibus quibus Luna conspici potest, sed Solis diuersimodè cernuntur, in triginta diebus, hoc est, in duabus proximis conjunctionibus. (Ab alijs) scilicet habitantibus citra æquatorem, (atq; alijs) hoc est, habitantibus vltra æquatorem. Sed audiamus interpretationem Regiomontani. Nam non est possibile vt Sol bis eclipsetur in mense vno, nisi vt Luna nullam habeat diuersitatem aspectus in latitudine in vna conjunctione, & in altera diuersitatem aspectus habeat maiorem 1. grad. 27. min. aut si ei in vtraque conjunctione diuersitas aspectus sit in eandē partem, & differentia ipsarum maior 1. grad. 27. min. aut si ei in vtraque conjunctione diuersitas aspectus sit in partes contrarias, &

K

aggre-

περὶ δὲ
ξίψ.

aggregatum ipsarum sit maius 1. grad. 27. min. Oportet enim in eclipsibus ut latitudo visa in vtraq; coniunctione sit minor aggregato semidiametrorum, quod fieri non potest in his coniunctionibus, nisi conditiones iam dictæ seruentur. Est etiam opus, ut latitudo Lunæ vera in prima, cum latitudine Lunæ vera in secunda simul perficiant 2. grad. 33. min. quæ est latitudo veri argumenti latitudinis in mense minori. Verum non est locus in terra, in quo diuersitas aspectus Lunæ ad Solem in latitudine sit maior 1. grad. 27. min. nec est locus in quo in vtraq; coniunctione differentia diuersitatum aspectus in latitudine in eandem partem sit maior 1. grad. 27. min. Si igitur debet in vno mense bis eclipsari Sol, oportet ut diuersitas aspectus in vtraq; coniunctione sit in partes contrarias, & aggregatum earum sit 1. grad. maius & 27. min. Sub æquinoctiali autem maxima diuersitas aspectus in latitudine maior non est 25. min. in quamcumq; partem. Neq; in aliquo septem climatum versus septentrionem procedendo diuersitas aspectus in latitudine maior est grad. 1. Quare non est possibile, ut vni plagæ terræ Sol bis in vno mense eclipsetur. Nihil tamen prohibet homines vnius habitabilis plagæ eclipsin Solis videre, & in sequenti coniunctione alterius plagæ homines etiam eclipsin habere, quod ambæ diuersitates aspectus eis contingentes in partes contrarias, simul maiores esse possunt 1. grad. 27. min. ut si vna plaga esset ad meridiem ab æquatore, ad septentrionem alia: patet igitur non esse possibile, quod in vno mense Sol bis eclipsetur apud homines vnius climatis aut diuersorum, dum ab eadem parte æquatoris sint. Contingens tamen est in locis contrariorum situm ab æquatore.

(Quæq; sunt in hoc miraculo.)

Hoc est, in hac tota Eclipsium ratione hoc maximè mirum est, quod in vtraq; cæli parte, hoc est, tam orientali quàm occidentali Luna eclipsatur, cum tamen umbra terræ, quæ

re, quæ reuera efficiens causa est Eclipsium, semper in oppositam partem corporis luminosi incidat, ita vt occidente Sole incidat versus mundi partem orientalem, & e contra: quomodo ergo eclipses fieri possunt in ea mundi parte in cuius contrariam vmbra hebetatrix incidit, vt vesperi in ortum incidit, mane in occasum, quomodo ergo mane potest deficere cum vmbre cornu in mundi partem occiduam vergit? Hæc est facilis quæstio, neq; habet aliquam obscuram tractationem: semper enim eclipsis Lunæ fit circa oppositionem, ergo vmbra terræ pertingit ad Lunam in quacunque cœli parte illa extirerit. Si enim ipsa est in oriente supra horizontem, Sol erit in occasu sub horizonte, vel e contra: ergo necesse est Lunam in vmbra incurrere propter diametralem oppositionem vbicunque demum illa fuerit: horizontis enim variatio, quemadmodum supra dictum est, eclipsis causas non variat, nisi quod non conspiciuntur si in inferiori hemisphærio accidunt. Sed existimo Plinium hic loqui non de partibus seu plagis mundi, sed de partibus corporis lunaris, quasi dicat, aliquando pars Lunæ quæ vergit versus ortum, aliquando alia quæ vergit versus occasum obscuratur, secundum dissimilitudinē vmbre in quam Lunæ corpus mergitur.

Sequitur alia quæstio, quæ in speciem obscura apparet, in vniuersum enim eclipsium causas rollere videtur, quæ videlicet fiat, quod in occasu Luna potest deficere vtroque super terram conspicuo sidere: supra enim dictum est eclipses fieri in diametrali oppositione. In nulla autem oppositione vtrunque sidus supra terram existit, ergo alia videtur esse causa eclipsium, quam quæ hætenus dicta est. Respondendum est, Possunt fieri eclipses Lunæ, vtroq; sidere in ipso horizonte existente, ita tamen vt statim alterum mergatur & alterum eleuetur supra horizontem. Præterea rotunditas terræ prohibet vtraq; luminaria contueri per rectam diametralem lineam: illa enim per centrum non per superficiem terræ educitur: Ergo cum eclipses tantum in visibili

An vtroq;
luminari
supra ho-
riz. consti-
tuto, defi-
cere alter-
rū possit.

oppositione, & non in vera fiant, nihil prohibet quo minus utrunq; luminare in terminis eclipticis supra horizontem aliquantulum conspiciatur. Citatur alicubi sententia ex Cleomede, qui aliam istius apparentiæ causam inquirere conatur, quàm quæ modo dicta est, cuius verba ascribemus. Aiunt siquidem nonnulli qui admirabiles ferunt eclipses, Lunæ defectus visos, ambobus luminaribus conspiciuis supra finitorem, quod planè ostenderit, Lunam non ideo deficere, quod terræ incurrat umbram, sed alio modo. Postea ipse addit causam huius apparentiæ, inquiring: cum multæ & variz in aëre affectiones vim agnatam consistendi habeant, impossibile non fuit, cum iam Sol occiderit, subq; finitore fuit, visionem nobis incidere tanquàm necdum occiderit, aut nube crassiore existente in occasu, & luce perfusa à solaribus radijs, Soleq; nobis remittente visionis imaginem, potest porro effusus ab oculis radius perfringi, nactus madidū & humidiorē aërem, Solemq; assequi iam sub finitore occulto, vel potest hæc sententia planius explicari hoc modo, q. d. paulò post occasum.

(Nam ut in duodecim diebus, &c.)

Alia exemplaria legunt quatuordecim diebus, quæ lectio magis cum tatione ac experientia convenit: non est enim impossibilis defectus utriusq; sideris intra spaciū dimidium temporis mensuri: nam arcus Zodiaci, quem Luna revolutione semicircumferentiæ Zodiaci detracta perficit, dimidio menstruo tempore addit arcum, quando interim Sol ferè motus est, graduum circiter 14. quando autè hunc arcum alteruter nodorum medium secat, sequitur, quod Luna siue coniuncta siue opposita Soli, infra vnum terminotum Eclipticorum digressa fuerit, ut ipsius motus semimestris intra subsequenter terminum Eclipticum finiatur. Exempla harum Eclipsium aliquot his proximis annis extiterunt. Anno Domini 1494. die 7. Martij Sol defecit in grad. 16. Piscis. Post 14. dies, hoc est, eiusdem mensis

mensis Luna defecit in grad. 10. Libræ. Item Anno Domini 1534. die 14. Ianuarij Sol defecit in 4. grad. Aquarij. Post dies 15. hoc est, 29. eiusdem mensis Luna defecit in 19 gradu Leonis. Anno 1544. die 10. Ianuarij Luna eclipsata est, die verò 24. eiusdem mensis Sol obscuratur. Inter ambas itaq; eclipses est interuallum dierum 14. Eodem anno die 28. Octobris Luna eclipsatur, Sol verò die 12. Nouembris, interuallum est 15. dierum.

CAPVT · XIII ·

De motu Lunæ.

LVnam semper, auersis à Sole cornibus, si crescat, ortus spectare, si minuat, occasus, haud dubium est. Lucere dodranteis semuncias horarum ab ^{alii, digi-} secunda adijcientem vsq; ad plenum orbem, detra-^{torum.} hentemq; in diminutionē. Intra quatuordecim autem partes Solis semper occultam esse. Quo argumento amplior errantium stellarū quàm Lunæ magnitudo colligitur, quando illæ à septenis interdum partibus emergant. Sed altitudo cogit minores videri, sicut affixas cœlo Solis fulgore interdum non cerni, cum æque diu ac noctu luceant: idq; manifestum fiat defectibus Solis, & præaltis puteis.

APPENDIX.

Quoniam supra cap. 9. satis de modo illuminationis Lunæ dictum sit, tamen vt textus intelligi possit, breuiter quædam repetemus. In coniunctione quia ambo luminaria & oculus aspicientis & terra sunt in vna recta linea, sequitur oculum nullum lumen lunæ contueri posse, Luna enim inter Solem & terram existit, ideo pars eius illuminata tota obuersa est cœlo, & altera opaca conuersa est ad

Luna quā-
do dicitur
crescere.

nos, & in rectam lineam ad oculum nostrum cadit. Quando autem à coniunctione digreditur ad partes mundi læuas, hoc est, versus ortum, tunc propter inflexionem eius ad nostrum visum pars illuminata paulatim prodire incipit, quæ quia conspicitur subinde magis ac magis ad nos obversa, dicitur crescere. Textus hoc ordine construendus est, haud dubiū in lunam spectare ortus si crescat, occasus verò si minuatur, auersis à Sole cornibus, idē potest intelligi ex schemate supra cap. 9. de modo illuminationis lunæ proposito. Crescens enim Luna semper præcedit Solem, & est vespertina, propter motum celeriores lunæ in suo deferente, & quia tunc lumen augetur versus aspectum nostrum, quia linæ incidentes magis conringunt partem luminosam quàm opacam, sequitur illam auersis à Sole cornibus crescere, hoc est, illa parte quæ est anterior & versus nos inclinata. Refleçitur enim lumen ad nos, & conspicitur figura similis arcui: hic autem arcus diuersificatur secundum varium Lunæ positum in Zodiaco, put signa magis rectè aut obliquè ascendunt. Eodem etiam modo quando minuitur tunc occasum spectat, matutina enim existens Solem sequitur, hoc est, ab occidentali parte versus orientalem ad Solem properat, vertiturq; eius tenebrosa medietas versus nos, & minuitur pars eius lucida versus occidentem, donec iterum cum Sole coniungatur ac obscuretur.

Quantitas
arcus, quo
luna supra
horizontē
lucet.

Quia dixit lucere crescentem lunam auersis à Sole cornibus, ideo iam exponit quantitatem arcus tum horū cornuum, tum præcipuè visionis, quo supra horizontem lucere conspiciuntur, & ait lucere dodrantes semuncias horarum ab secunda adijcientem vsque ad plenum orbem, hoc est, quando luna à Solis coniunctione digreditur, tum propter vicinitatem radiorum Solis, & quia oculus & duo luminaria in vnā rectam lineam incidunt, prima die non conspicitur. Altero autem die quo Luna motu proprio aliquantulum à Sole discessit, prodit, ac propter obliquitatem huius linæ exigua pars de illuminata parte conspici-
tur.



tur. Sunt etiam aliquæ causæ quæ illam usque in diem tertium occultant, de quibus dicetur in fine 17. capitis, sed quia regulariter & ut plurimum altero die prodit, ideo Plinius tempus quo supra horizontem lucet orditur metiri à secunda die. Lucet autem dodrantes ac semuncias horarum, hoc est, tres partes vnius horæ & insuper vnam quartam & vicesimam horæ. As enim vocatur integrum cuiuscunque rei, siue numeri siue mensuræ, & diuiditur in 12. partes, quæ singulæ vocantur vnciæ. Est itaque vncia pars assis duodecimæ, & semuncia siue dimidiata vncia pars assis 24. Vocatur itaque hoc loco Plinius horam integram, Assem, quæ cum in duodecim vncias diuiditur, erit dodrans novem vnciarum, hoc est, continet tres quartas vnius horæ, ad has tres quartas additur semuncia, hoc est, vna 24. vnius horæ. Colligatur idem exemplum in notis numeris. Apud nos hora diuiditur in 60. partes, quæ minuta vocantur. Dodrans autem de sexaginta, hoc est, tres quartæ sunt 45. min. semuncia, hoc est, vnum vicesimum quartum horæ continet 2. minuta & semis. Est itaque sententia Plinij, quod luna digressa à coniunctione conspicitur supra horizontem occiduum lucere non vnam integram horam, sed horæ dodrantem & semunciam, hoc est, 47. minuta & semis, atque tantum temporis adijcit à die secunda usque ad orbem plenum seu oppositionem, hoc est, singulis diebus addit ad arcum suæ visionis tot minuta, ut secunda die conspicitur post Solis occasum supra horizontem tribus horæ quartis, & duobus min. cum dimidio: tertia sesqui horis ferè: quarta duabus horis & viginti duobus minutis, cum dimidio, & sic consequenter usque in plenum orbem, à quo tantum in diminutionem detrahit, hoc est, hic arcus tot minutis decrescit regulariter, quot creuit. Itaque singulis diebus fit 47. minutis minor, donec luna iterum ad coniunctionem Solis redierit, ubi prorsus est nihil, ac luna tum non lucet. Supponendum tamen est, Plinium loqui de coniunctione quæ pridie illius diei accidit Sole in ipso occasu existente, ita ut

As quid?

Vncis.

Semuncia.

ad alterum occasum integer dies sit reliquus.

Hæc est simplex & germana sententia huius loci, sed quia Plinius admodum raro præcisionem & accuratiorem supputationem spectauit, ideo etiam in hoc loco opus habet aliqua interpretatione, ut cum experientia & ratione consentiat: nam videtur opinari motum lunæ per partes Zodiaci æqualem existere, id quod omnino falsum est, atque etiam si esset æqualis motus, tamen ascensionum dissimilitudo adhuc magnam varietatem temporis afferret. Itaque primo notandum est, eum loqui de horis inæqualibus, quæ ex ascensione partium Zodiaci colliguntur, & quæ vnumquodque diem iuxta ætate atque hinc duodecies metiuntur: sic etiam vnamquamlibet noctem, non de horis æqualibus, quæ ex vniiformi & æquabili ascensione æquinoctialis circuli computantur. Cum enim luna inæqualia spacia conficiat, fieri non potest ut ubique æquales arcus visionis existant, maximam autem diuersitatem efficit ascensionum dissimilitudo, quod alia signa rectè, alia oblique oriuntur vel occidunt: hanc tamen diuersitatem hæc horarum inæqualitas corrigit. Sicut enim dies inter sese sunt inæquales, & tamen 12. horæ illos metiuntur, ita quoque horarum spacia sunt inæqualia, & tamen 60. minutis metiuntur. Ergo verum est quod dicit Plinius lucere dodrantem horæ, scilicet illius horæ, quæ duodecies præsentem diem metitur, cuius quidem tempus pro dierum diuersitate est inæquale, numerus verò est æqualis: nam semper dies in 12. tales horas secatur, atque hæc ipsa Pliniana supputatio cum semestri tempore præcise conuenit. Cum enim dodrans horæ contineat 9. uncias, quæ faciunt 18. semuncias, ad quas si vna semuncia addatur, erunt decem & nouem semuncie horæ inæqualis in duodecim uncias diuisæ, quæ decem & nouem semuncie si multiplicentur per 15. tot enim dies sunt à conjunctione ad oppositionem, & productum per 24. diuidatur, quoties continebit 12. horas, tunc enim, in oppositione videlicet, lucet luna 12. horis inæqualibus, hoc est, vna integra no-

gra nocte. Atque hoc modo patet Plinium satis commodè locutum esse de hoc arcu visionis, quo Luna supra horizon-tem lucere conspicitur, quod attinet ad ascensionum diuer-
sitatem ac dissimilitudinem: quod autem attinet ad inæ-
qualitatem motus corporis lunaris tam in deferente quàm
in epicyclo, omnino huius differentię obseruationem ne-
glexit, quod iudicauit admodum esse exiguum, quæ pauxil-
lum ab his paribus ac æqualibus interuallis lunaris splen-
doris variaret.

Similis est locus infra in lib. 18. cap. 32. cum inquit: Quoties ab occidente Sole ceruetur, prioribusq; noctis horis lucebit, crescens erit, & oculis dinidiata iudicabitur. Cum verò occidente Sole orietur ex aduerso, ita vt pariter aspiciantur, tunc erit plenilunium. Quoties ab ortu So-
lis orietur, prioribusq; noctis horis detrahet lumen, & in diurnas extendet, decrescens erit, iterumq; dimidia. In coitu verò, quod interlunium vocant, erit, cum apparere desierit. Supra terras autem erit, quamdiu & Sol, interlu-
nio, & prima tota die. Secunda, horæ noctis vnus dextan-
te sicilico, ac deinde tertia vsq; ad quintamdecimam mul-
tiplicatis horarum iisdem portionibus: quintadecima, to-
ta supra terras uoctu erit, eademq; sub terris tota die: sex-
tadecima, ad primæ horæ nocturnæ dextantem sicilicum sub terra aget, easdemq; portiones horarum per singulos dies adijciat vsq; ad interlunium: & quantum primis parti-
bus noctis detraxerit, quod sub terris agat, tantundem no-
uissimis ex die adijciat super terram.


Ex hoc loco apparet, Plinium non eodem modo locu-
tum esse de hoc arcu. Hic enim numerus est longè maior
priori. Nam dextans sicilicus faciunt minuta 51. qualiū 60.
vnā integram horam seu assem faciunt. Dextans enim
decem continet horæ uncias, hoc est, minut. hor. 50. Sici-
licus verò, quarta uncie pars est, id est, min. 1. & minuti
quarta pars, quæ simul iuncta efficiunt minu. hor. 51. & 15.
sec. qui numerus priorem excedit 3. minut. & 45. sec. Hu-

ius autem diuersitatis hanc esse causam puto, quod Plinius in hoc 14. cap. loquitur de integro semimenstruo tempore, hoc est, de diebus 15. in quos hor. 12. diuise producant 48. minuta. In altero autem cap. loquitur de diebus 14. Nam prima tota die Lunam supra terras, altera quoque primum die à luce diurna detrahare eam ait dextantem scilicet. 12. igitur horæ diuise per 14. producant 51. min. & 26. sec. ferè, & hoc modo Plinij verba intellecta consentiunt. Quod additur, Quantū primis noctis partibus, vult dicere, quod quamdiu sub terra latet Luna noctu, tamdiu supra terram conspici interdū & post Solis ortum. Vterque autem Plinij locus intelligitur non solum de tempore, quo supra horizontem Luna post coniunctionem singulis diebus conspicitur, verumetiam de digitis, hoc est, de quantitate corporis Lunæ illuminata. Sicut enim post 15. dierum spaciū, Luna integram lucet noctem: ita tota eius medietas illuminata conspicitur. Cumque integra diameter corporis Lunaris, atque simul ipsum corpus lunare, in 12. partes æquales, quæ digiti vocantur, distribuuntur, hi digiti 12. per 15. dies aut 14. diuisi, producant istam quantitatem corporis Lunaris illuminatam, de qua Plinius in his duobus capitibus loquitur. Et quanquam statim post coniunctionem Luna non cernatur, tamen quoties à Sole 15. gradibus discedit, digitum vnum de medietate illuminata ad nos conuertit. Inde igitur possunt studiosi quocunque die post coniunctionem explorare, quantum de corpore Lunæ conspici possit, si videlicet distantiam Solis & Lunæ per 15. diuiserint. Vt autē in charta quocunque die figuram & quantitatem corporis Lunaris exprimere queant, in charta circulum describant, quem per duas lineas in centro se orthogonaliter secantes in quatuor quartas diuidant, ascriptis plagis mundi, ac singulas quartas in 90. gradus distribuunt. Quo facto inquirent veram Lunæ latitudinem, eamque numerent ab ortu & occasu circuli diuisi, versus eam partem, in quam latitudo declinat, & fines numeri latitud. re-

cta li-

διόχμου
μα.

Et a linea coniungant, quæ diametro circuli parallela erit. Deinde à Septen. & Merid. versus ortum iterum numerent distantiam Solis & Lunæ: & ubi finitur numerus, iterum trahant rectam lineam: Et ubi hæc priorem secat, constituent centrum, super quo ad prioris Circuli quantitatem, alium describant Circulum, & intersectio horum Circulorum ostendet quantitatem Lunæ illuminatam. Sicq; lineam eductam per utriusq; circuli centrum ad circumferentiam utriusq; Circuli, à centro unius usque ad circumferentiam eiusdem diuiseris in 12. partes æquales, & ijs lineam inter duas circumferentias Circulorum mediam metiaris, habes quot digiti de medietate corporis Lunæ illuminata appareant. Hæc omnia ostendit figura sequens.



Intra quatuordecim autem partes Solis, hoc est, quatuordecim gradibus distantem à Sole, Ptolemæus arcum visionis constituit esse arcum magni circuli transeuntis per polum horizontis & locum Solis interceptum inter stellam fixam in horizonte & Solem, quem deprehendit in ♄ esse graduū 11. in ♀ 10. in Marte 11 $\frac{1}{2}$. in Venere 5. in Merc. 10. In ♃ verò hic arcus variat propter tres causas, Prima est obliquitas zodiaci in horizonte obliquo. Secunda latitudo Lunæ. Tertia inæqualitas motus ipsius, aliàs enim celerius aliàs

De arcu visionis stellæ.

aliàs tardius mouetur, quemadmodum supra dictum. Ex his aliquo modo intelligi potest, cur Ptolemæus hunc visionis arcum in proprio circulo, & non in Ecliptica, quemadmodum cæteri, circumscripserit: nam iste arcus subinde variatur tum propter horizontis varietatem & diuersam Eclipticæ super diuersos horizontes inclinationem, quibus arcubus semper dissimiles & inæquales arcus æquinoctialis circuli respondent & cooriuntur, Ergo non potest aliqua certa quantitas huius arcus in Ecliptica assignari, sicut ex Elementis sphericis facillimè intelligi potest.

Quod autem ex hoc arcu visionis magnitudinem corporum cælestium metitur, non est satis firma ratio. Verum quidem est, quod stella maior in principio apparitionis suæ aut occultationis minus à Sole distare cognoscitur quàm stella minor, videlicet si in eadem distantia à terra recesserint, alioqui distantia tantum demitisti arcui quantum addit magnitudo corporis. Etiam non est simpliciter verum, quod reliquæ stellæ à septenis partibus emergant. Arcum visionis colligit Ptolem. lib. 13. magnæ compo. singulis, & ait Saturni esse 11. grad. Iouis 10. Martis 11. & semis. Veneris 5. Mercurij 10. Variantur autem isti arcus secundum Planetarum latitudines, & signa in quib. existunt.

Cur stellæ
interdum
non conspi-
ciantur.

Cur stellæ interdum ex præaltis & angustis puteis, aut specubus conspiciantur, planum est, altitudo enim absomit diem ac radios efficaces Solis, qui alioqui dispergunt visum, itaq; visus collectus ac in vnam aliquam partem cœli directus velut ex opaco intnetur stellas cœlo affixas: non enim potest diffundi, nec oculi præstringuntur fulgore Solis, id quod claro cœlo accidit. Gal. lib. 10. *ἡμεῖς καὶ οἱ τῶν βαρύνων ἀγρίατοι ἀστέρες ὁρῶνται μέλανδ' ὅταν μὴ κατὰ πλῆθος μισσημένην ὁ ἥλιος ὦνται, &c.*

C A P V T X V.

Errantium motus & luminum canonica.

Erran-

ERrantium autem tres, quas supra Solem dicimus
 fitas, occultantur meantes cum eo. Exoriuntur ve-
 rò matutino, discedentes partibus nunquam ampli-
 us vndenis. Postea radiorum eius contactu regun-
 tur, & in triquetrum à partibus centum viginti statio-
 nes matutinas faciunt, quæ & primæ vocantur: mox
 in aduerso à partibus centum octoginta, exortus
 vespertinos. Itemq; in centum viginti ab alio latere
 appropinquante, stationes vespertinas, quas & se-
 cundas vocant: donec affectus in partibus duode-
 nis occultet illas, qui vespertini occasus appellantur.
 Martis stella, ut propior, etiam ex quadrato sentit
 radios, ab nonaginta partibus: unde & nomen ac-
 cepit is motus, primus & secundus nonagenarius di-
 ctus ab utroq; exortu. Eadem stationalis senis men-
 sibus comoratur in signis, alioqui bimestris, cum cæ-
 teræ utraq; statione quaternos menses non impleant.

Inferiores autem duæ occultantur in coitu ve-
 spertino simili modo: relictoq; Sole, totidem in par-
 tibus faciunt exortus matutinos, atque à longissimis
 distantiae suæ metis Solem insequuntur, adeptæq;
 occasu matutino, conduntur ac prætereunt. Mox
 eodem intervallo vesperi exoriuntur usque ad quos
 diximus terminos. Ab his retrogradiuntur ad So-
 lem, & occasu vespertino delitescunt.

Veneris stella & stationes duas, matutinam ve-
 spertinaq; ab utroq; exortu facit, à longissimis
 distantiae suæ finibus: Mercurij stationes breviori
 momento, quam ut deprehendi possit.

Hæc est luminum occultationumq; ratio, per-
 plexiore motu, multisq; inuoluta miraculis. Siqui-
 dem

alii distan-
 tes.

Duorū in-
 feriorum
 apparitio-
 nes & oc-
 cultatio-
 nes.

Duorum
 inferiorū
 stationes.

Epilog⁹ ge-
 neralis &
 conclusio.

ad sequen-
tium loco-
rum, præ-
sertim illi-
us, qui con-
tinet expli-
cationem
latitudinis
Planeta-
rum.

dem magnitudines suas & colores mutant, & eadem ad septentrionem accedunt, abeuntq; ad austrum, terrisq; propiores aut cœlo repente cernuntur: in quibus aliter multa quàm priores tradituri, fatemur ea quoq; illorum esse muneris, qui primi quærendi vias demonstrauerint: modo ne quis desperet secula proficere semper.

Causæ ho-
rum acci-
dentium.

Pluribus de causis hæc omnia accidunt: prima circuloꝝ; quos Græci absidas in stellis vocant: etenim Græcis vtendum erit vocabulis. Sunt autem hi sui cuique earum, alijq; quàm mundo, quoniam terra à verticibus duobus, quos appellauerunt polos, centrum cœli est, necnon signiferi, oblique inter eos siti. Omnia autem hæc constantratione circini semper indubitata. Ergo ab alio cuique centro absides suæ exurgunt. Ideoq; diuersos habent orbes, motusq; dissimiles, quoniam interiores absidas necesse est breuiores esse.


A P P E N D I X.

Passiones
quinq; Pla-
netarum.

Ingreditur hîc Plinius in nouum locum de Passionibus quinq; Planetarum, hoc est, de quibusdam accidentibus, quæ eis contingunt, vel ratione Solis, vel propter diuersitatem orbium, in quibus feruntur. Sunt autem hæc accidentia, apparitiones, occultationes, stationes, directiones, retrogradationes, latitudines, &c. Atq; omnino hæc tractatio apparet obscurior, quia nullam epicyclorum mentionem facit, nisi sub obscure, sicut dicemus in 16. capite in expositione tertiæ altitudinis ratione. Nos tamen, vt sententia eius fiat illustrior, vtemur Epicyclis, & spero hanc rationem multum lucis Plinianæ sententiæ allaturam esse, quemadmodum studiosi in ipsa tractatione experientur.

In priore parte huius capituli exponit Plinius trium fu-
perio-

petiorum Planetarum ortus, occasus, & stationes, cum inquit: (Errantium autem tres, &c.) hoc est, tres superiores occultantur fulgore vicini Solis, ita ut non conspici possint, quando coniuncti sunt cum illo; hanc occultationem vocant occasum Heliacum. Et ut adolescentes hæc intelligant, repetam ex Theoricis hanc tractationem. Regula est, Quod tres superiores, quando coniunguntur cum Sole, sunt in supremo puncto sui Epicycli, scilicet in F. cum autem Soli opponuntur, sunt in puncto Epicycli terræ proximo, scilicet in G. Cum itaq; aliquis horum Planetarum extiterit in F, non conspici potest, quia radijs solaribus tectus latet. Postea verò quando Sol motu velociore discedit



ab eis,

ab eis, tum Planeta similiter mouetur ab auge sui Epicycli, in eam partem quæ respicit Solem, vnde tandem cum Sol aliquantisper præcessit, manè iterum conspicitur ante exitum Solis, vt in puncto H, quando videlicet distat ab auge sui Epicycli, vel potius à Sole ultra 11. grad. hic ortus matutinus vocatur, in sphæricis elementis Heliacus, quia propter discessum Solis stella iterum conspicitur. In puncto autem G Planeta existens, manè occidit Cosmicè, & vesperti oritur Chronicè, vsq; ad punctum I, vbi accidit stellæ vespertinus occasus, donec in puncto F lateat obscurata maiori lumine Solis.

Arcus visionis in singulis Planetis.

Quòd autem ait: (Discedentes partibus nunquā amplius vndenis, &c.) videndum est hoc loco quanti sint arcus visionis in singulis Planetis, hoc est, in qua distantia à Sole singulæ stellæ denuo prodeant in nostrum conspectum. Illos autem Ptolemæus lib. 13. magnæ compositionis ex obseruationibus apparentium stellarum colligit. Sunt autem huiusmodi arcus diuersi inter se propter diuersitatem tum corporum ipsorum inter sese, tum etiam luminis: maior enim & splendidior stella citius offert se nostro conspectui quàm obscurior & minor. Est autem arcus visionis distantia seu remotio stellæ à Sole non in ecliptica, sed in circulo magno, qui per polos horizontis transiit & locum Solis, videlicet à loco Solis vsq; ad horizontem computatus, & est in H 11. gra. in Z 10. grad. in C 11. graduum & dimidij ferè. Cæterum hic arcus visionis aliàs maiora spacia in ecliptica occupat, & aliàs minora, propter obliquitatem Zodiaci & horizontis.

Arcus visionis quid.

(Postea radiorum eius contactu reguntur, &c.) Alij hinc legunt teguntur, sed hæc altera lectio, videlicet reguntur, videtur habere commodiorem sententiam: potest enim accommodari ad proportionem, quam seruant Planetæ in motu suo ad Solis motum. Quantum enim distat linea medij motus Solis à linea medij motus Planetæ, tantum

tum ipse Planeta distat proportionaliter ab auge sui Epicy. quemadmodum in Theoricis exponitur.

Volo aurem hoc loco breuiter stationum rationem exponere, & postea redire ad textum, ac illum exemplis illustrare, sic enim facilius summam huius disputationis studiosi animo complecti possunt. Non est ubique æqualis motus Planetarum: aliàs enim celeriori aliàs tardiori motu feruntur, interdum etiam fixas stellas imitati in eodem cæli loco hærent. Atq; hæc diuersitas in motu ut plurimum ratione Epicycli accidit. Vt puncta stationum in priore typo sunt C D, videlicet puncta Epicycli, in quib. lineæ à centro mundi ductæ Epicy. contingunt. In his enim punctis duo contrarij motus concurrunt, quorum alter fert Planetam secundum ordinem signorum, alter verò fert e contra, vnde necesse est motum fieri tardissimum: quantum enim vnus progreditur, tantum alter regreditur. Dicitur autem Planeta directus, quando in Epicy. quoq; mouetur secundum signorum ordinem, vt in arcu D, F, C. Retrogradus verò quando in Epicy. contra signorum ordinem incedit, & motum regularem ac propriam in deferente remoratur ac impedit, vt in arcu D, G, C. Est etiam duplex statio, prima in puncto C, videlicet versus orientem, cum post eius velocem motum status ac quies ei accidit. Cum ipsa statione Planeta sit retrogradus, quoniam ad proxima loca retrocedere videtur. Et hætenus quidem Planeta matutinus dicitur, quia manè ante Solis ortum ascendit supra horizonem. In medio verò puncto inter duas stationes, seu in medio tempore retrogradationis incipit esse vespertinus, quia Sole occidente emergit supra horizontem ac conspicitur ab hominibus. Est autem is medius punctus in Epicy. G, in quem cum peruenierit Planeta, oppositus est tum Soli tum auge sui Epicy. In fine regressions Planeta iterum fit stationarius statione secunda in puncto D. lateris occidentalis epic. dum distat Planeta ab auge sui epicy. quatuor signis. Ad colligendum autem arcum regressions & sta-

Ratio stationum.

Planeta directus.

Planeta retrogradus.

Statio duplex.

L tionum

tionum limites sic operare, Dupla trigonum seu quatuor signa, quia & prima & secunda statio tot gradibus distant ab auge seu puncto F. Hoc duplatum si subtraxeris à toto circulo, id est, 12. signis, relinquuntur 4. signa secundum arcus regressions trium superiorum Planetarum.

(Et intriquetro à partibus.)

Punctum
primæ sta-
tionis.

Hoc est, Planetæ stationes primas seu matutinas faciunt, distantes à Sole per triquetrum, hoc est, 120. parribus. Plurimum autem refert in hac tractatione diligenter punctum stationis primæ cognoscere: nam ex cognito arcu primæ stationis, reliquæ passionis omnes ferè cognoscuntur, ut si stationem primam in secunda significatione vel arcum illi æqualem subtraxeris à toto circulo, relinquitur arcus stationis secundæ, ab hac statione secunda si subtraxeris stationis primæ arcum, innotescit arcus regressions, quem si ab integro circulo demseris, arcus directionis procreatur. Pater ergo quod multum refert habere cognitum verum arcum stationis primæ in singulis Planetis: atque etiam in eodem Planeta non semper est eiusdem quantitatis. Quanto enim centrum epic. tetra centro vicinius fuerit, eò minor est stationis primæ arcus regressioq; minor. Item ea sidera quæ habent maiorem epic. maiorem quoq; obtrinent stationem primam, sed arcum regressions minorem. Est itaque statio prima in ♄ in auge 3. sig. 2. gra. 45. min. In longitudine media 3. sig. 4. gra. 12. min. In opposito augis 3. sig. 25. grad. 30. min. In Ioue verò statio prima est in auge 4. sig. 4. gra. 5. min. In longitudine media 4. sig. 5. grad. 30. minu. In opposito augis 4. sig. 7. gra. 8. minu. In Marte statio prima est in auge 5. sig. 7. gra. 33. min. In longitudinib. medijs 5. sig. 13. gra. 25. min. In augis opposito 5. sig. 19. grad. 14. min. Demonstrationes quantitatis horum arcuum perant studiosi ex libro 12. Ptolemæi & 4. & 5. propo. epiromatis eiusdem libri.

Ex his exemplis conspici potest, quomodo stationum puncta

puncta varientur & ratione loci & quantitatis epicycli. In Saturno enim sunt stationes, non in trigono, sed in quadrato ferè, hoc est, distantia à Sole 93. gra. ferè. In Ioue autem sunt in trigono. In Marte verò ultra trigonum aliquot partibus, hoc est, in distantia 157. graduum.

(Itemq; in centum viginti ab alio latere, &c.) Hoc est, sicut primæ ac matutinæ stationes sunt quando distant Planetæ superiores à Sole 120. partibus: ita rursum secundæ ac vespertinæ stationes sunt, cum ex alio latere totidem partibus à Sole abfuerint. Quæritur autem hoc loco, an omnino verum sit in vtraque statione parem elongationem Planetæ à Sole existere? Respondeo. Medias elongationes Solis & Planetæ in vtrâq; statione planè similes existere, sed veras discrepare, propter duas causas, quarum prior est, diversitas æquationum Solis: in altera enim statione minus distat ab auge sua, in altera propior est augis opposito. Altera autè causâ est, quod talis æquatio circa primam stationem nunc additur nunc subtrahitur, in altera autem statione fit contrarium. Respondeo iam ad quæstionem, si omnimoda præcisio quæritur, non est in vtraque statione eadem elongatio Planetæ à Sole. Hanc autem præcisionem semper neglexit Plinius, ideo satis commodè & rectè locutus est.

(Donec assecutus eum, &c.) Eodem modo quo supra de apparitione matutina locutus est, ita hîc de occultatione vespertina loquitur. Tamen obseruandû est, quod etiam in sphæra docetur, signa non eodem modo occidere quo oriuntur: quæ enim rectè oriuntur, illa occidunt oblique, & econtra, vnde fit quod in eodem signo aliquando maior vel minor sit arcus occultationis quàm apparitionis, & econtra.

(Etiam ex quadrato, &c.) Id est, Mars de quadrato sentit radios Solis. Et apparet ex hoc loco quod Plinius discrimen facit, inter stationem, & sentire Solis radios.

Non enim hoc loco de puncto stationis loquitur, sed de sensibili diminutione motus Martis, quæ accidit post quadratum aspectum peculiariter huic Planetæ. Si enim Plinius de stationibus loqueretur, esset planè sententia absurda: supra enim ostensum est stationes aliquot gradibus post trigonum, imò in distantia 5. signorum à Sole occidere, & Plinius paulò post ait: Martis tidus stationem nunquam facere, ergo necesse est ut hoc loco stationes discernantur, à loco in quo Planeta sentit radios, & non tantum Marti, verumetià Saturno ac Ioui accidit maxima æquatio, quando à Sole quadrato distant. Estq; hoc loco maximè observandum, quod trium superiorum Planetarum post quadratum semper æquatio argumenti decrescit, quomodo-cunq; in suo epicyclo se habuerint, ut in quadrato Saturni argumentum verum in longitudine media est 97. grad. æquatio maxima 6. grad. 13. min. distantia Solis & Saturni 90. grad. 47. min. Sic etiam in quadrato Iouis, argumentum verum in eius longitudine media est 101. gra. æquatio eiusdè minuenda 11. gra. distantia Solis & Iouis 90. gradus.

Quæritur hoc loco, si maximæ æquationes in tribus superioribus tum accidunt, quando à Sole 90. gradibus remoti sunt, quare Plinius tantum ad Martem accommodavit, quod & reliquis commune existit? Respondeo, verum est, æquatio argumenti in tribus superioribus ex æquo decrescit post quadratum aspectum, tamen in Marte hæc duo specialiter consideranda sunt, quæ etiam illam diversitatem efficiunt, magnitudo epicycli, & velocitas eius motus in deferente. Hæc enim velocitas efficit, quod nec in quadrato, nec in trigono, sed multò post fiat retrogradus: sic etiam magnitudo Epicycli efficit, quod statim à quadrato eius motus in singulos dies sensibilibiter diminuatur, id quod in reliquis duobus non accidit, ideo etiam Plinius tantum in Marte hunc quadratum observare voluit. Et propter hanc causam hic motus vocatur primus & secundus **NON AGENARIUS**, hoc est, ab utroque latere augis hæc dissi-

dissimilitudo in motu accidit, tunc enim vtriusq; pariter à Sole 90. gradibus distat.

(Eadem stationalis senis mensibus, &c.)

Id est, accidit aliquando vt Mars ratione suæ stationis & retrogradationis commoretur in vno signo, in quo videlicet huiusmodi passionibus illi accidunt sex integris mensibus, cum tamen alioqui regulariter ratione motus deferentis in singulis signis tantum duobus commoretur mensibus. Proponatur exemplum, Argumento æquato ac duplicato & subtracto à circulo toto, relinquitur arcus retrogradationis 96. grad. cui respondent in tempore 107. dies, 56. minu: quando videlicet Planeta in suo epicyclo spacio vnius diei mouetur per 17. minu. & 42. secun. ferè. His diebus vicissim respondet motus centri secundum successionem 108. grad. 58. minu. inde demantur gradus duplicatæ æquationis maximæ, videlicet 82. grad. 20. minu. erunt residui ex motu deferentis 26. grad. 38. minu. Tot gradibus & minutis superat motus secundum successionem deferentis seu centri epicy. motum ipsius Martis contra successionem in suo epicyclo. Restant ergo de 30. gradibus, seu de integro signo 3. grad. 22. minu. quibus etiam ferè 6. dies respondent, quos si ad priorem summam dierum adieceris, efficies 213. dies, 56. minu. id est, circiter 7. menses, quibus commoratur Mars in gyro 30. graduum. Exemplum aliud colligant studiosi ex Ephemeride Anni Domini 1533. in quo Mars in mense Augusto ingressus est in signum Geminorum, in quo commoratur deinde vsque ad finem Martij sequentis anni. Item anni 44. & 48.

(Inferiores autem duæ occultantur.)

Duo inferiores Planetæ quoniam circa Solem inuoluuntur, neque ab eo citra præscriptos à natura terminos recessunt, diuersam à superiorib. rationem habent. Cum

enim eorum semper sit media cum Sole coniunctio, necesse est eos duplices ortus ac occasus incurrere, priusquam suos epicyclos perambulent: à Sole enim in orientem & occidentem epicycli motu recedunt. Occidunt autem occasu vespertino, quando à statione prima versus augis oppositum suorum epicyclorum mouentur. Accedunt enim tam prope ad Solem, vt ipsius radijs tegi ac obscurari eos contingat, vicina enim vis luminis maioris ipsorum lumen retundit ac obscurat, vt Sole existente in M. puncto, & Planeta in G, necesse est eum obscurari, est enim cum Sole coniunctus. Deinde verò relicto Sole in totidem partibus faciunt exortus matutinos, hoc est, digressi iterum à Sole & emensi arcum suum visionis, rursus conspiciuntur, vt in puncto L. ac tum dicuntur oriri exortu matutino, quia hic exortus in altera mundi parte accidit.

(Atq; à longissimis distantiae suae metis Solem insequuntur.)

Hoc est, Postquam attigerunt longissimas metas suae distantiae, vt punctum D, tunc reuertuntur ad Solem, quem adeptæ, vt in puncto F, iterum conduntur ac occidunt occasu matutino. Infra de terminis maximæ distantiae dicemus copiosius, item de arcu apparitionis, ex quibus spero hunc textum clariorem fore.

Summa itaq; huius loci hæc est:

P L A -

| | | | |
|----------------|--------------------|-----------------|---|
| P L A- netæ | Oriuntur ortu | Matutino | Tres superiores à puncto F, in H. |
| | | | Dux inferiores à puncto G in D. |
| | Occidunt occasu | Matutino | Luna in omnib. partibus Epicy. quia motu deferentis præ- currit Solem, & Epicy. nul- lam habet proportionem sui motus ad Solem. |
| | | Vesperti- no | Venus & Merc. à puncto F in H. Luna in omnibus partibus. |
| | | Matutino | Venus & Merc. à puncto I in F. Luna vbiq. |
| | | Vesperti- no | Tres superiores à puncto I, F. Venus & Merc. à puncto C in G. Luna vbiq. |

(Veneris stella & stationes , &c.)

Stationum puncta non est difficile in Venere demon-
strare, propter Epicycli magnitudinem, ac planetæ tardio-
rem motum in illo : quantitas enim semidiametri Epicycli
Veneris est 45. grad. & sextæ unius, illorum videlicet, quo-
rum medietas diametri deferentis in Sole est 60. atque cir-
cumvoluitur in 12. mensibus & 9. diebus. An autem verum
sit quod Venus stationes ab utroq; exortu à longissimis
distantiæ suæ finibus faciat, hoc est, an puncta stationum
sint etiam puncta longissimæ discessionis à Sole, dubitare
aliquis posset: stationes enim Veneris sunt, quando distat
à Sole 5. signis, 15. grad. 52. min. An autem semper in hoc
puncto sit eius maxima à Sole elongatio quaeritur: Re-
spondeo, quod non: differunt enim puncta stationum, ac
elongationis maximæ si omnimoda præcisio quaeritur,
quam tamen non curavit Plinius, sicut copiosius cap. 17.

dicemus. Mercurius verò stationes suas celerius superat, quam vt obseruatione aliqua deprehendi possint, tum propter epicy. paruitatem, tum etiam propter sui motus celeritatem. Semidiameter enim epicy. Mercurij est 22. graduū illorum, quorum semidiameter deferentis Solis est 60. & circumuoluitur in 3. mensibus, 26. diebus, 13. horis ferè.

(Hæc est luminum occultationumq; ratio.)

Epilogus est generalis, in quo excusat obscuritatem huius tractationis, quam inuolutam ait esse multis miraculis, propter perplexitatem motuum, scilicet directionis, retrogradationis, celeritatis, tarditatis, stationis, &c. Præterea & hos motus alia accidentia sequuntur, videlicet magnitudinum ac colorum ipsorum variatio, & latitudinum quoq; ac altitudinum diuersitas, qua eadem ad septentrionem accedunt abeuntq; ad austrum, terrisq; aut cælo propiores repente cernuntur, de quibus omnibus ordine iam se scripturum esse, ac harum obscurissimarum rerum causas, quantum omnino fieri potest, se patefacturum esse profitetur. Præfatur autem modestissimè, se quidem veterum vestigia, qui primi harum artium aditum hominibus patefecerunt, secuturum esse, tamen se non desperare quin & hac sua tractatione aliquid lucis veterum inuentis accessurum sit: non enim desperandum esse secula semper in melius proficere, hoc est, vsum ac assiduam exercitationem multa obscura in artib. eruere ac patefacere. Nota est sententia:

Solus & artifices qui facit vsus erit.

Orditur autem hanc tractationem à causa generali omnium harum accidentium, postea verò accedit ad accuratorem explicationem loci de latitudinibus Planetarum. Principio autem istius vagi ac velut incerti ac irregularis ^{maxime} motus causam ait esse, quod hæ stellæ feruntur in proprijs circulis, non super vniuersi centro descriptis, sed super alio ab illo nonnihil discedente. Vnde necesse est hos circulos in alia parte magis assurgere, in alia verò inflecti ac ad terram propius

propius accedere. Vocantur autem hi circuli absides, hoc Absides
quid?
est, curvaturæ, inæqualiter enim supra terram incuruan-
tur: aliàs enim accedunt ad illius centrum propius, aliàs
discedunt longius. Vulgo vocantur hi circuli Eccentrici vel
deferentes, quorum altera pars cœlis proxima vocatur ab-
sis altissima, Apogœon, Aux, longitudo longior: altera
autem pars terris proxima vocatur absis ima, *stelyon*, au-
gis oppositum, vel longitudo propior. Colligitur etiam ex
hoc loco, quia terra centrum est cœli ac signiferi, igitur
necesse est cœlum vnâ cum circulis maioribus descriptis in
eius superficie regulariter ac vniiformiter circa ipsam reuol-
ui, quemadmodum patet in reuolutione primi mobilis cir-
ca terram in 24. horis semel. Et quia Planetarum diuersum
est centrum discedens ab illo vniuersi centro, sequitur & il-
los diuersos habere orbes & morus dissimiles, quorû mo-
tum species partim in hoc capite, partim in sequenti ex-
plicauit.

CAPVT XVI.

Quare eadem aliàs altiora, aliàs inferiora
videantur.

Igitur à terræ centro absides altissimæ sunt, Sa-
turno in Scorpione, Ioui in virgine, Marti in Leo-
ne, Soli in geminis, Veneri in sagittario, Mercurio in
capricorno, medijs omnium partibus. Et contra-
rio ad terræ centrum humillimæ atque proximæ. Sic
fit, vt tardius mouere videantur cum altissimo am-
bitu feruntur: non quod accelerent tardentûe na-
turales motus, qui certi ac singuli sunt illis: sed quia
deductas ab summa abside lineas, coartari ad cen-
trum necesse est, sicut in rotis radios: idemq; motus
aliàs maior aliàs minor, centri propinquitate sen-
titur.

Prima al-
titudinum
ratio.

Secunda.

Altera sublimitatum causa, quoniam à suo centro absidas altissimas habent in alijs signis. Saturnus in Libræ parte vicesima, Iupiter Cancri quintadecima, Mars capricorni vicesima octava, Sol arietis vicesimanona, Venus piscium decima sexta, Mercurius virginis decima quinta, Luna tauri quarta.

Tertia.

Tertia altitudinum ratio, cœli mensura non circuli intelligitur, subire eas aut descendere per profundum aëris, oculis existimantibus.

De latitudinib. Planetarum.

Huic connexa latitudinum signiferi obliquitasq; causa est. Per hunc stellæ, quas diximus errantes, feruntur. Nec aliud habitatur in terris, quàm quod illi subiaceret. Reliqua à polis squalent. Veneris tantum stella excedit eum binis partibus. Quæ causa intelligitur efficere, vt quædam animalia & in desertis mundi nascantur. Luna quoq; per totam latitudinem eius vagatur, sed omnino non excedens eum. Ab his Mercurij stella laxissimè, vt tamen è duodenis partibus (tot enim sunt latitudinis) non amplius octonas percerret, neq; has æqualiter, sed duas medio eius, & supra quatuor, infra duas. Sol deinde medio fertur inter duas partes flexuoso draconum meatu inæqualis. Martis stella quatuor medias, Iouis mediam, & super eam duas, Saturni duas vt Sol. Hæc erit latitudinum ratio ad austrum descendendum, aut ad aquilonem subeuntium.

Discrimen
inter alti-
tudines ac
latitudi-
nes.

1

Hac constare & tertiam illam à terra subeuntium in cœlum, & pariter scandi eam quoq; existimauere pleriq; falso: qui vt coarguantur, aperienda est subtilitas immensa, & omnes eas complexa causas. Conuenit stellas in occasu vespertino proximas esse terræ & lati-

& latitudine & altitudine, exortusq; matutinos in initio cuiusq; fieri : stationes in medijs latitudinum articulis, quæ vocant ecliptica. Perinde confessum est motum augeri, quandiu in vicino sint terræ : cum abscedant in altitudinem, minui. Quæ ratio Lunæ maximè sublimitatibus approbatur. Aequè non est dubium, in exortibus matutinis etiam numerum augeri atq; à stationibus primis tres superiores diminui, vsq; ad stationes secundas.

Quæ cum ita sint, manifestum erit ab exortu matutino altitudines scândi, quoniam in eo primum abitu incipiant parcius adijci motus : in stationibus verò primis & latitudines subire, quoniam tum primum incipiant detrahi numeri, stellæq; retroire.

Accommo-
dato harū
erium sen-
tentiarū.

Cuius rei ratio priuatim reddenda est. Percussæ in qua diximus parte; & triangulo Solis radio inhibentur rectum agere cursum, & ignea vi lenantur in sublime. Hoc non protinus intelligi potest visu nostro, ideoq; existimantur stare, vnde & nomen accipit statio. Progreditur deinde eiusdem radij violentia, & retroire cogit vapor repercussas. Multo id magis in vespertino earum exortu, toto Sole aduerso, cum in summas absidas expelluntur, minimæq; cernuntur, quoniam altissimè absunt, & minimo feruntur motu, tanto minore, cum hoc in altissimis absidum evenit signis. Ab exortu vespertino latitudo descenditur, parcius iam se minuente motu, non tamen ante stationes secundas augente, cum & altitudo descenditur, superueniente ab alio latere radio, eademq; vi rursus ad terras deprimente, quæ sustulerit in cœlum ex priore triquetra. Tantum interest,

Rationes
stationum
ac altitu-
dinum.

terest, subeant radij, an superueniant. Multoq; eadem magis in vespertino occasu accidunt. Hæc est superiorum stellarum ratio, difficilior reliquarum, & à nullo ante nos reddita.

A P P E N D I X.

(Igitur à terræ centro, &c.)

Supra dixit, Sunt autem hi sui cuiq; earum aliq; quam mundo, in hoc loco exponit in qua parte Zodiaci singulorum Planetarum sint summæ absides, hoc est, loca apogæorum, cum inquit: Soli in Geminis, Veneri in Sagittario, &c. medijs omnium partibus, hoc est, in media parte sui signi, videlicet in grad. 15.

An in vno
loco fixa
consistant
absidæ pun-
cti.

Monendi hoc loco sunt lectores, hæc altissima absidum puncta non consistere in vno loco fixa aut esse immobilia, sed moueri ad motum octauæ sphaeræ & stellarum fixarum annis videlicet centum vno gradu ferè, secundum successiorem signorum. Quia verò fluxere ab imperio Titi, quibus temporibus vixit Plinius, vsque ad præsentem annum, anni 1452. quibus auges motæ sunt 14. grad. & 30. min. Verè, sunt ergo hi gradus addendi ad numerum Plinij: tunc enim eius supputatio cum ætate nostra conueniet. Conueniunt autem hæc omnia cum Ptolemæo, nisi quod Plinius diuersas absides Veneris & Solis ponit, cum tamen constet certa obseruatione horum duorum absides sub eodem signiferi puncto existere. Auges planetarum computatæ ad annum Domini 1537.

☿ in Sagittario grad. 13. min. 30.

♄ in Virgine grad. 23. min. 43.

Mars in Leone grad. 15. min. 18.

Sol & Venus in Cancro grad. 1. min. 31.

Mercurius in Scorp. grad. 0. min. 46.

Quemadmodum autem singuli Planetæ in his locis suas habent absides, ita in locis per diametrum oppositis habent

bent inas absides, ubi quàm proximè ad terram accedunt.


(Sic fit vt tardius moueri.)

Ex his quæ dicta sunt sequitur motum Planetæ super centro terræ inæqualem existere, non quod accelerent tardentue naturales motus, qui certi atq; æquales sunt singulis in suis orbibus, sed quod illorum motus collati ad nos qui terram incolimus aliàs accelerare aliàs verò tardare animaduertuntur. In omni enim motu ratio sumitur à termino à quo, ad terminum ad quem. Sic Planetæ in suis orbibus æquali ac regulari motu circumferuntur, relati verò ad alios orbes ac diuersa centra, fiunt irregulares ac inæquales, vnde & motus dicitur velocior, qui maius spacium conficit super terræ centro, tardior verò qui minus. Et vt hæc res possit intelligi ab adolescentibus, subiiciam aliquas rationes quæ hanc sententiam exponunt.

Prima, quo longius lineæ à centro ducuntur, eò magis inter se distant, Lineæ à terra ad auge perductæ sunt longiores, quàm quæ ad augis oppositum ducuntur, ergo magis distant spacia linearum in auge quàm in opposito, & per consequens etiam arcus erunt maiores, vnde & tempus erit maius: tempus enim maioris arcus superabit tempus minoris in conficiendo suo spacio, vt patet in figura, vbi duobus arcibus Zodiaci paribus, videlicet C G, & F, L, in eccentrico respondent duo impares, videlicet H, D, & E, K, quos necesse est stellam impari tempore conficere. Vnde & quando stella est in altissimo absidis ambitu, videtur ferri motu tardissimo: maiori enim tempore conficit arcum H, D, quàm arcum E, K, hic enim minor est, ille maior, vnde & in auge tardior est propter arcum maiorem, in augis opposito velocior, propter arcum minorem.

Secunda, Anguli, quos stellæ motu suo ad centrū mundi describunt, sunt in superiore parte minores, in inferiore versus augis oppositum maiores, ergo & in superiore parte necesse est motum esse tardiorē, in inferiore verò velociorem.

Demon-
stratio in-
æqualis
motus So-
lis.



rem. Angulus enim F, B, L , maior est angulo C, B, N . nam angulus D, A, M , maior est angulo D, B, M , per 16. primi: per eandem etiam E, A, K , minor est E, B, K . Sunt autem D, A, M , & E, A, K , æquales per ultimam sexti: descripti enim sunt super æquales arcus D, M , & E, K . ergo F, B, L , maior erit C, B, N , per communem regulam: quicquid est maius maiore, est etiam maius minore. Est enim D, A, M , æqualis E, A, K , sed D, B, M , est minor D, A, M . ergo erit etiam minor E, B, K , per dictam sententiam. Vnde patet quod motus stellæ super centro terræ inæqualis existit. Aequis enim temporibus, arcus inæquales in zodiaco conficit, ita tamen ut arcus versus angem minores sint, versus angis autem oppositum maiores.

Tertia. Plures sunt dies ab æquinoctio verno ad æquinoctium

noctium autumpnale. Ab initio enim Arietis usque ad Libram sunt dies 187. à Libra autem usque ad initium Arietis sunt dies 178. ergo motus Solis in superiore parte erit rardior. Si enim esset æqualis, tum æquali quoque tempore utramque medietatem conficeret. Plutarchus meminit huius diuersitatis cum ait: *Μημονεύειν τὸν ἥλιον τῷ ἀρχιστοί, ὅς ὅταν ὑψίστα λάβῃ μέγιστον, ἐξαρθεῖς ἐκ τῶν βορέων ἐλάττωται κινήσας, τῷ χαλαστέῳ τὸν δρόμον ἐν ἀσφαλίᾳ καθιστάμενος.* Hoc est, Imitetur princeps Solem, qui quando est altissimus ad mundi partem Borealem clatus, mouetur motu tardissimo, fertur enim securiore cursu propter obliquitatem.

(Altera sublimitatum causa.)

Hæc secunda ratio sublimitatum omnino ad hunc locum nihil pertinet: videtur autem Plinius deceptus esse cognitione vocabulorum exaltationis & altitudinis, quæ omnino re & natura in hac arte diuersa sunt. Vocatur enim eleuari Planeta, quando loco aut circulo reuera attollitur. Exaltari verò tantum vi & potestate, quando videlicet est in eo loco, in quo efficacissimè vires suas exercet. Astrologi enim singulis Planetis singulas Zodiaci partes assignarunt, in quibus efficaciores quàm in reliquis existerent. Illa verò loca vocarunt altitudines, seu exaltationes. Græci vocant *ὑψώματα*. Legant studiosi de hac re Iulium Firmicum libro secundo capite tertio, & Pontanum lib. primo de rebus cælestibus.

Exaltatio
& Altitudo sunt diuersa.

(Tertia altitudinum ratio, &c.)

Alij retulerunt hanc rationem ad zodiaci obliquitatem, in quo Planeta dicuntur ascendere vel descendere, prout sunt in diuersis signis, sed tamen verior ac illustrior erit sententia si ad epicyclum referatur. Et quanquam Plinius nusquam manifestis verbis epicyclorum mentionem faciat, tamen multa sæpe dicit, quæ sine epicyclis nec intelligi nec demonstrari possunt, qualis planè in hoc loco

hæc

hæc tertia altitudinum ratio existit, quæ nisi ad epicyclos referatur, planè confusa ac absurda huius loci erit sententia. Referenda itaq; hæc tertia altitudinum ratio est ad epicyclos in deferentium auge vel illorum opposito collocatos, idq; Plinius videtur velle cum inquit: Cæli mensura non circuli, scilicet proprii cuiusq; stellæ, id est, Planetæ aliquando eleuantur non mensura circuli, videlicet deferentis aut absidis, sed cæli, hoc est, vel virtute radiorum solarium, vel aliqua alia specifica virtute, subire eas, hoc est, ascendere supra absides suas versus cælum, aut descendere, hoc est, demitti infra imam absidem, etiam ad certos terminos, ita ut oculi existiment eos per profundum aëris descendere. Vocat autem hic profundum aëris partem alicuius orbis, quæ est inter convexum superioris orbis & concavum inferioris. Ergo ad hanc rationem regulandam ac oculis demonstrandam necesse fuit epicyclorum usum tradere, præsertim cum animadversum sit Planetam alio quodam motu sursum ac deorsum ferri quàm motu deferentium. Item sine epicyclis stationes, directiones, ac retrogradationes nulla iusta dimensione demonstrari ac doceri possunt.

(Huic connexa latitudinum, &c.)

SECUNDVS locus principalis huius capituli est de Planetarum latitudinibus, & quanquam Plinius non integram tractationem huius loci instituit, sed tantum obiter quædam attingit ac velut delibat, quæ insigniorem doctrinam continere videntur, tamen studiosi debent operam dare, ut integram cognitionem horum clementorum petant ex Theoricarum libellis ac tabulis. Est autem latitudo distantia stellæ ab ecliptica versus alterutrum polorum, & colligitur in circulo magno transeunte per polos Eclipticæ, & verum locum stellæ. Declinatio autem est distantia ab æquinoctiali. Cumq; Sol perpetuo cursu in superficie Eclipticæ feratur, sequitur illum prorsus carere latitudine, sed

Latitudo.

Declinatio.

sed tantum habere declinationem, reliquæ autem sex stellæ erraticæ & declinationem & latitudinem habent. Est apud Cleomedem lib. 1. Mete. cap. 4. pulchra sententia de hac re cum inquit: Huius Signiferi satis amplam habentis latitudinem, partes aliæ sunt septentrionales, aliæ australes, aliæ inter has mediæ, ideo etiam tribus scribuntur circulis, quorum medius Solaris nuncupatur, alij altrinsecus, quorū vnus septentrionalis, alijs australis, per hunc signiferum vagæ aliæ stellæ motu delecto modo ad septentrionem, modo ad austrum accedunt, solus Sol per medium duntaxat mouetur, &c. Quod hic Plinius ait tertiæ altitudinum rationi connexam esse latitudinum ac signiferi obliquitatis causam, intelligit quod Planetæ etiam dicantur ascendere vel descendere ratione signiferi. Sol enim ascendit in signis Borealibus, descendit verò in Australibus: eodem modo & reliqui Planetæ tum ratione ascensionis tum etiam loci. Planetæ enim existentes in signis Borealibus, habent arcum ascensionis maiorem quàm in australibus. Præterea hæc mundi pars, quæ in septentrionem vergit, altius assurgere iudicatur ratione horizontis, vnde rectè dicit Virgilius;

*Mundus vt ad Scythiam, Ripheasq; arduus arces
Confurgit, premitur Lybiæ denexus in Austros,
Hic vertex nobis semper sublimis, &c.*

(Nec aliud habitatur in terris, &c.)

Hæc sententia non intelligenda est de latitudine Zodiaci, cui satis angustum in terra spaciū respondet, sed de axe & polis eius, super quibus reuoluitur. Excurrit autem hæc axis vtrunque ad polares circulos, vltra quos non satis commoda animalium habitatio existit, propter intemperatum frigus. Potest etiam aliter hic locus exponi, Nulla pars terræ habitatur quæ non Zodiaco subiacet, hoc est, cui non oritur & occidit Zodiacus semel in die naturali, hoc est, in 24. horis: sunt enim aliqua loca quibus dies natura-

lis est vnus, duorum, trium, aut etiam plurium mensum, in quib. negat Plinius esse commodam habitationem, quia Zodiaco non subiacent, hoc est, non oritur & occidit determinato à natura tempore. Hæc loca descripsit Virgilius, cum inquit: *Iacet extra sidera tellus,*

Extra anni Solisq; vias, vbi cælifer Atlas

Axem humeris torquet stellis ardentibus aptum.

Hoc est, Augustus proferet Imperium Romanum ad loca extra viam Solis sita, hoc est, quibus Sol non oritur nec occidit vna integra reuolutione primi mobilis, etiam extra anni viam, hoc est, vbi in anno non sunt 365. dies, vt in reliquis locis. (Reliqua à polis.) hoc est, quæ sunt vltra polum signiferi vsq; ad polos mundi. (Squalent,) scilicet propter nimium frigus & nimiam copiam crassarum & stigidarum exhalationum.

(Veneris tantum stella excedit, &c.)

Veneris
latitudi-
nes.

Supra dictum est zodiacum habere latitudinem vtrinq; ab Ecliptica 6. graduum. Iam exponit quomodo stellæ erraticæ eam conficiant, & orditur à Venere, cuius maxima est latitudo. Excedere enim zodiacum binis partibus, hoc est, vltra vniuersam latitudinem zodiaci adhuc duob. gradibus versus latera mundi excurrit. Repetantur exempla ex Ephemetide Anni 1531. in quo à 10. die Martij vsq; ad eiusdem 20. diem, Venus habet latitudinem extra zodiacū. Item anno 1532. in Octobri. Item anno 1540. in Octobri, & anno 47. in Martio. Quomodo autem latitudines sint querendæ, petant studiosi ex libellis Theoricarum ac tabularum. Summa autem huius loci, ex sententia Ptolemæi ac aliorū qui latitudines peruestigarunt, hæc est, Deferens epicyclum Veneris, mouetur in latitudinem declinando videlicet ab Ecliptica, ita tamen vt medietas, in qua epicyclus est semper versus Aquilonem, reliqua autem versus austrum vergat, hic motus fit super proprijs polis, qui hodie sunt in secundo gradu Arietis & Libræ, & vocatur Deuia-

Deuiatio, quæ maxima est 10. minutorum, in principijs videlicet cancri & capricorni. Sic autem regulatur hæc deuiatio, vt quando centrū epic. est in nodis, sit nulla, hoc est, vmbræ superficies, videlicet signiferi ac eccentrici sunt simul. At hanc latitudinem habet Venus ratione deferentis, qui tantum spacijs ab ecliptica deuiat. Habet præterea alias latitudines ratione epicycli, quarum altera vocatur inclinatio seu declinatio, & fit quando epicyclus à superficie plana deferentis super axe transeunte per longitudines epicycli medias inclinat, ac Planetam ratione huius inclinationis vel in Austrum vel in Aquilonem ab Ecliptica deducit. Est autem nulla inclinatio cum centrum Epicy. in auge æquantis fuerit vel in eius opposito, maxima autem in nodis, qui ab æquantis ange 90. gradibus distant, nempe tum aux epicycli vno gradu & tribus minutis, oppositum autem augis 7. gradibus ac 12. minutis à differente distat. Planeta ergo in his locis existens tot partium latitudinem habere dicitur, & hæc est principalis quæ sensu & experientia percipi potest, quando etiam deuiatio deferentis est maxima, epicycli declinatio est nulla, & e contra. Tertia latitudo etiam epicycli ratione accidit, & vocatur reflexio, qua pars orientalis, vel occidentalis epicycli nunc ad Austrum nunc ad Aquilonem reflecitur, super axe transeunte per epicycli augem verani, eiusq; oppositum, & est maxima reflexio duorum graduum & 30. minutorum: & est obseruandum quod simul atque maxima deferentis deuiatio contingit, maxima etiam reflexio existit, sed tunc inclinatio nulla, & cum maxima est inclinatio, nulla contingit reflexio, nullaq; deuiatio. Quando verò extra prædicta loca constituitur epicyclus, tñm latitudo Planetæ colligenda est partim à deferente, partim ab inclinatione, partimq; à reflexione epicycli. Hæc ex elementis Theoricarū descripsi, vt aliquo modo saltem latitudinis differentiam intelligerent studiosi, vberiore tractationem ex ipsis tabulis ac instrumentis petant.

Venerein proximè sequitur *LVNA*, quæ ferè per vniuersam zodiaci latitudinem vagatur : vtrinque enim habet terminos quibus consistit distantes ab ecliptica quinq; gradibus. Eius itaq; maxima latitudo in vtrinq; mundi partem est quinq; graduû. Habet autem Luna latitudinem tantum ratione deferentis : epicyclus enim Lunæ nunquam à plana deferentis superficie egreditur , sicut patet ex Theoricis.

MERCURI latitudo sequitur, quæ est paululum perplexior, quemadmodum & reliqui huius stellæ motus. Latitudines Mercurij. Ait autem Plinius eum in latitudinem octonas zodiaci partes pererrare, non tamen illas æqualiter, duas enim in medio eius, & supra quatuor, & infra duas. Quanquam autem hæc satis commodè à Plinio sunt transcripta, tamen non dextrè applicata. Marti enim magis quàm Mercurio congruunt, hoc itaq; vult hoc loco dicere, quod totalis Latitudo Mercurij sit octo partium, hoc est, si latitudines quas excurrit vtrinque in Boream & in Austrum ab ecliptica coniungantur, hunc graduû numerum efficient, idq; ipse exponit, cum ait : duas medio eius, supra quatuor, & infra duas : vel si textus legatur, sed quatuor medio eius, & supra duas, & infra duas, erit planior & verior sententia, eius medium hîc non est intelligendû pro ecliptica, sicut reuera ecliptica est signiferi medium, sed de ambitu circulorum spheræ totalis Mercurij, & præsertim æquantis, est intelligendum, ita ut aux æquantis sit supra, oppositum eius infra nodi medium. Videamus iam Theoricam latitudinum Mercurij, & patebit Plinij sententiam veram esse si commodè interpretetur. Triplices sunt latitudinum differentiæ in Mercurio sicut in Venere, vna ratione deferentis, quam non credo animaduersam esse à Plinio, est enim tantum 45. min. & semper est meridionalis, reliquæ duæ sunt ratione epicycli, quarum prior vocatur declinatio, & fit super axe per longitudes medias transeunte. Altera vocatur reflexio super axe per augem epicycli veram ac eius oppositum transmissa : has latitudines omnes coniungit Plinius in hoc loco, cuius hæc est sen-

est sententia. Quando centrum epicycli est in auge æquantis, nulla est inclinatio epicycli, discedente autem ab hoc loco incipit aux vera epicy. inclinari in meridiem ac eius oppositum in aquilonem, crescitq; sensim hæc inclinatio ac efficitur continuo maior, donec peruenerit ad primum nodum, ubi maxima huiusmodi inclinationis latitudo contingit: nam aux epicycli vera declinat ab ecli. ad meridiem 1. grad. & 46. min. oppositum autem augis 4. gra. & 5. min. Ergo verum est quod dicit Plinius, In medio eius, hoc est, in nodis esse latitudinem Mercurij 4. graduum. In illis enim locis nulla est deuatiō nec reflexio. Quā autem fiat quod vna pars epicycli in hoc situ magis inclinet in hanc quā in alteram partem, legant studiosi Ptolemæum lib. 13. cap. 3. magnæ compositionis, & libr. 13. epitomatis. Supra autem sunt duo gradus latitudinis, hoc est, in auge æquantis, sic etiam infra sunt duo gradus, hoc est, in opposito augis æquantis: in tali enim situ centri Epicycli latitudo ratione deuatiōis & reflexionis est maxima ab ecliptica, videlicet duobus gradibus. Ex his patet Plinium non tantum loqui de vna sola latitudine, sed omnes tres coniunxit, verū ita obscure ac ambigūe, vt magis diuinandum quā aliud quicquam faciendum fuerit.

(S o l. deinde medio fertur inter duas partes, Sol.
&c.) Hoc est, Sol fertur in medio Zodiacæ semper in plana superficie eclipticæ existens, quæ propter hunc motum Solis via & orbita Solis vocatur, & tamen est inæqualis propter flexuosum meatum draconum, hoc est, propter obliquitatem zodiaci, quæ utrinque ab æquinoctiali ad latera mundi declinat. Vocat autem hanc in contrarias partes declinationem, meatum flexuosum draconum, similitudine quadam draconum, quorum venter laxior ac amplior est cauda ac capite, sicut in sphaera Lunæ vocatur draco intersectio deferentis cum superficie plana Eclipticæ. Ex his sequitur, Solem nullam habere latitudinem; semper enim

fertur in medio zodiaco, à quo omnes latitudines in circulo magno per polos Eclipticæ descripto colliguntur. Habet autem Sol declinationem, quæ colligitur ab æquinoctiali circulo in circulo magno per polos mundi descripto. Verùm hæc ratio latitudinū ac declinationum copiose traditur in sphericis libellis, ex quibus plura petant studiosi.

Mars la-
titudo.

MARS stella sequitur, quæ habet latitudinem quatuor mediarum partium, hoc est, Mars habet latitudinem quatuor partium, quas medias vocat, quia hæc latitudo accidit in meditullio vmbilici, hoc modo. Quando centrū epicycli fuerit in auge sui deferentis, hoc est, in gradu 16. Leonis, quæ aux ferè est in meditullio vmbilici septentrionalis, tum eius maxima latitudo deprehensa est esse 4 graduum & 20 minutorum, Planeta videlicet existente in opposito augis Epicycli, & cum fuerit in auge Epicycli ibidem centro epicycli existente, habet tantum latitudinem 10. minutorum. In augis verò opposito & in vmbilico meridiano, hoc est, in 16. gradu Aquarij centro epicycli existente, & cum Planeta in opposito Augis epicycli fuerit, habet latitudinem maximam 7. grad. & 30. min. Cum autem ibidem in auge epicycli fuerit, habet tantum latitudinem 6. minutorum. Hanc diuersitatem efficiunt eccentricitas & epicycli ad terram vicinitas, quemadmodum apud Ptolemaum demonstratur. Ex his patet, quod Marsetiam zodiacum egreditur, sed rarissimè. Eius rei petant studiosi exemplum ex Ephemeride anni 1529. vbi in mense Iulio habuit latitudinem 7. graduum ferè per 40. integros dies.

Iupiter.

IOVIS stella mediam partem & duas integras habet in latitudine. Habet autem Iupiter latitudinem ex deferentis flexione, & lineæ Augis veræ inclinatione hoc modo: Cum centrum epicycli peruenerit ad vmbilicum Borealem nodorum, habet latitudinem maximam duorum graduum & octo minutorum, idque tum quando Planeta est in opposito augis epicycli. Si autem fuerit in auge epicycli, erit maxima latitudo tantum vnius gradus, & sex minutorum.

Eadem

TABVLA DE LATITVDINIBVS

● 注意：本報廣告刊例，請向本報廣告部索取。

II. Duesus in
fuerit. caput
venerit dila-
tatione

DE DECLINATIONE SOLIS.

Distinguitur est diffinitio, sicut et appropinquatio. Nam
 dicitur autem in circulo magno, dicitur autem per se
 appropinquatio est verum locum habet, sicut talis
 autem locum habet, sicut et talis appropinquatio
 dicitur, sicut habet.

Nolle, cum in istis dicitur appropinquatio est et dicitur fuisse.
 Attende, cum ab istis dicitur appropinquatio est, quod habet diffinitio, hoc est, cum fuisse in posse diffinitio est et appropinquatio est appropinquatio fuisse dicitur de locum habet.

Eadem est latitudo meridionalis in umbilico opposito.¹

SATURNI stella habet duas : Centro enim Epicycli existente in umbilico, existunt latitudines maximæ, præsertim quando ipsa stella Planetæ in inferiori parte Epicycli fuerit, ibi enim latitudo Saturni septentrionalis est trium graduum, totidem etiam Meridionalis. Si autem stella ibidem fuerit in Auge Epicy. maxima latitudo septen. est 2. graduum & australis totidem. Quod autem ait eam habere latitudinem duarum partium sicut Sol, mendosum est, ac non dubito quin hoc mendum librariorum vicio inuictum sit : ipse enim paulò antè dixit Solē carere latitudine.

Proclus eodem modo Planetarum latitudines enumerat, cum inquit : Solus Sol per medium signiferum inuehitur, nunquam magis in septentrionem austrumue vergens. Venus plus cæteris Planetis utroq; versus secedere perhibetur : Post Venerem Luna utroq; versus ad partes quinque : Mercurius ad partes quatuor : Mars & Iupiter ad duas & dimidiam : Saturnus ad partem unam, &c. Sed ut hanc de latitudinibus Planetarum doctrinam facilius animo complecti studiosi possint, inspiciant tabulam hoc adiecto signo notatam, quæ vniuersam de latitudinibus doctrinam breuiter complectitur.



(Hac constare tertiam, &c.)

Sequitur alius locus qui continet explicationem & altitudinis ac latitudinis loci, in quo etiam exponit proprias differentias utriusq; : ait enim quosdam non intelligentes hanc tractationem coniunxisse latitudines cum altitudinibus, & simul utranq; fieri dixerunt, quos tamen magno errore deceptos esse se ostensurum esse pollicetur Plinius. Et quanquam natura inter se differunt altitudines & latitudines : tamen si quis rectè considerare velit, deprehendet maximam esse cognationem illarum inter sese. Supra de Marte dictum est, illum in opposito augis veræ epicycli habere latitudinem 7. graduum, & in auge tantum aliquot minu-

torum. Hæc diuersitas nulla alia ratione accidit, nisi propter altitudinum diuersitatem, quod in hoc situ vicinior terræ est, quàm in illo: ideo etiam arcus latitudinum efficietur maior. & profectò si Plinius hunc locum explicandum suscepisset, præclarè fecisset, & magnum lumen his studijs attulisset: nunc autem aliud illi consilium fuit, quod vt intelligatur, ordine sententiam verborum textus explicabimus. Sed si studiosi illam alteram tractationem requirunt, petant eam ex Ptolemæo lib. 13. magnæ compositionis.

(Conuenit stellas in occasu vespertino proximas esse terræ & latitudine & altitudine, &c.)
Hæc sententia si de Venere ac Mercurio intelligatur, vera est: hi enim Planetæ Soli in occasu vespertino, hoc est, heliaco, quando sunt in perigeo sui epicycli, & per cōsequens terræ proximi, etiam latitudinem in hoc situ habent maximam ratione deuiationis & reflexionis, quemadmodum supra in latitudinibus dictum est. Sequitur: Exortusq; matutinos in initio cuiusque fieri, hoc est, vbicunque centrum Epicycli fuerit, ortus matutinus harum duarum stellarum in punctis ferè secundæ stationis accidit, vbi iterum incipiunt dirigi. Vocat hic initium, principium directionis.

(Statione in medijs latitudinum articulis.)
Existimo rectius legi, in medijs altitudinum articulis, hoc est, punctis stationum, cum sunt in loco maximæ inclinationis, cum neque supra neq; infra maior latitudo accidere potest. vocantur etiam puncta ecliptica, hoc est, ostendentia defectum seu finem maximarum altitudinum.

(Perinde confessum est motum augeri quamdiu in vicinio sint terræ.) Hæc sententia simpliciter potest intelligi de omnibus Planetis Epicyclam habentibus: quo enim viciniore fuerint centro, ad quod eius motus refertur, cō breuiori tempore circa ipsum maiorem angulum describunt. Proinde accedente Planeta quacuncq; ratione ad centrum eius motus augetur: cumq; ipsorum motus ad
centrum

centrum terræ referantur, sequitur in terra hæc dissimilitudines existere ac obseruari. Quando ergo accedunt ad centrum terræ, prima aut tertia altitudinum ratione, vel utraque simul, necesse est eos maiorem angulum supra centrum terræ describere. Id quod commodissimè singulis mensib. in Lunæ cursu per instrumenta vel numeros animaduerti potest. Ut exempli gratia, centrum Lunæ sit in auge sui deferentis, distans ab auge epicyc. vno signo communi, erit æquatio argumenti, hoc est, spaciū zodiaci contentum inter augem veram & lineam veri motus 2. grad. 17. min. 29. secun. Sit rursus Luna in eodē situ Epicycli, sed distet ab opposito augis epicycli æquali arcu, hoc est, vno signo communi, & erit æquatio argu. 2. g. 39. min. 35. se. Ex his patet differentia orta ex accessione & discessione Lunæ ad centrum terræ. Patet idem etiam ex Eclipsibus: Lunæ enim diameter in apogæo sui Epicycli habet 29. min. in augis oppo. 36. Sic Sol in auge deferentis 31. min. in augis oppo. 34.

(Aequè non est dubium in exortib. matutinis.) hoc est, quando tres superiores exoriuntur post coniunctionem cum Sole. Tunc augent numerum, quia tres superiores post coniunctionem cum Sole ipso ab illis discedente oriuntur ortu matutino discedentes ab auge Epicycli, & feruntur secundum ordinem signorū vsq; ad punctum stationis primæ, vbi linea veri motus reflectitur, & contra signorum ordinem incipit ire. Vnde numerus minuitur vsq; ad punctum stationis secundæ, vbi rursus Planeta dirigitur ac augetur numero. Venus autem & Mercurius non ab exortibus matutinis, hoc est, post discessum ab augis opposito augentur, sed adhuc sunt retrogradi vsque ad punctum stationis secundæ, à quo diriguntur vsq; ad alteram stationem per augem. Atq; hætenus verborum Plinij sententiam bona fide retulimus. quid autem per illa velit concludere, iam sequitur.

(Quæ cū ita sint, &c.) Hæc est consequentia ex præ-

missis illata : Cumq; hæc quæ hætenus dicta sunt, sint vera, sequitur primò ex prima sententia stellas ab exortu matutino latitudines scandere, &c. Posito enim centro epicycli, ut supra, distante ab aliquo nodorum 90. gradibus, tum est reflexio maxima, Planetaq; existente in opposito augis sui epicycli, incipit oriri ortu matutino, atque accedere ad dextram partem sui epicy. & subinde latitudinem maiorem accipere, donec peruenierit ad stationem secundam, idq; est quod hic dicit latitudines scandi. Post secundam stationem latitudo paulatim minuitur, vsque ad augem ubi nulla est, atque in hoc motu ab augis opposito per stationem secundam versus augem constat motum augeri paulatim, hoc est quod ipse dicit, motus adijci, &c. Nam etsi adhuc corpus Planetæ eat contra signorū successionem, sitq; retrogradum, tamen subinde arcus diurnus descriptus contra ordinem à Planetæ centro in epicyclo minuitur, donec omnino nihil fiat, videlicet in puncto stationis secundæ, idque sit propter continuam eleuationem centri planetæ sursum per profundum aëris, sicut ex secunda sententia manifestum est, idq; ex tabulis facillimè animaduerti potest : differentia enim, hoc est, spaciū respondens vni gradui in epicy. ab opposito augis epicy. subinde versus stationem secundam minuitur, donec omnino fiat nihil, ubi linea veti motus Planetæ iterum incipit secundum signorum ordinem procedere. & quemadmodū in inferiori parte singulis diebus motui secundum ordinem signorum aliquid addiectum est, propter eleuationem planetæ in epicyclo, & per consequens diminutionem differentiæ addendæ : ita rursus hic motus augetur propter motum lineæ veri motus secundum successionem, licet ei aliquid detrahatur propter maiorem eleuationē centri Planetæ supra terram, & per consequens augmentationē differentiæ subtrahendæ. Rectè itaq; dixit Plinius : Quoniā in eo primum abitu incipiant parcius adijci motus, hoc est, ab exortu matutino parcius aliquid adijciunt suis motibus, quemadmodū iam ordine expofuim⁹.

In sta-

(In stationibus verò primis & altitudinem subire, &c. hoc est, Planeta existente in prima statione fit deinde retrogradus, & descendit non linea recta, neque in obliquum, sed conficit segmentum circuli, donec in tali centro epicycli situ fiat infimus, quod segmentum est semiarcus retrogradationis : cumq; hoc segmentum conficit Planeta, apparet velut subeat profundum aëris, vnde Plinius dixit eum in hoc loco subire altitudinem.

Tertia sententia exponit quomodo tres superiores ab exortu matutino adijciant suis motibus, sunt enim directi adhuc : cumq; ad stationem primam peruenerint, fiunt retrogradi, altitudinemq; subeunt, quia ratione epicycli centro terræ appropinquant.

Quomodo autem causæ latitudinis & ortus matutini in tribus superioribus sint coniunctæ, non facile dixerim : est enim obscura & perplexa ratio. sed dilucidioris doctrinæ causa, ponamus alicuius trium superiorum centrum epicy. in umbilico draconis existere, ipso Planeta ortu matutino oriente, in hoc situ declinatio erit maxima, eritq; Planeta descendens ab auge sui epicy. & subinde maiorem latitudinem acquirens, donec per stationem primam ad augis oppositi sui epicy. peruenerit. Si igitur Plinius dixit à tribus superioribus scandi latitudines ab exortu matutino propter istam continuam augmentationem latitudinum ab auge epicy. vel quod idem est, ab ortu matutino, tum est plana & clara sententia, & bona consequentia sequitur ad superiorem tertiam sententiam. Si verò aliud quiddam voluit, non satis intelligo, quidnam illud sit : non enim satis perspicue institutam oppositionem de diuersitate altitudinum ac latitudinum explicauit. Quanquam enim magna sit cognatio horum locorum, tamen singuli proprias causas ac demonstrationes in natura habent, quæ confunderentur, & aliarum rerum ruinam secum traherent, & ipsi quoq; non intelligerentur. Sed hæc hætenus.

(Cuius

(Cuius rei ratio priuatim, &c.)

De causa
apparentiarum,
regrediens
& rationis.

Hic locus continet expositionem diuersarum apparentiarum corporum cœlestium, hoc est, cur stellæ aliâs celerius aliâs tardius progrediantur, cur nonnunquam velut cœlo affixæ stare immobiles conspiciantur, cur aliquando relicto suo naturali cursu in contrariam mundi partem egrediantur: & quanquam hæc res magna obscuritate inuoluta esse videretur, tamen omnia ex epicycli ratione facilius intelligi possunt. Hi enim circuli, quia centrū terræ non ambiunt, hanc dissimilitudinem apparentiarum clarè oculis subiiciunt, & quia epicycli ratio veteribus ignota fuit, ideo variè ac obscurissimè harum apparentiarum causas aliunde petierunt: dixerunt enim Solem illarum causam existere, ipsum enim suis radijs Planetam ad certum aliquod spacium à se digressum, tanquam ab instituto itinere reuocari, retroq; ab illius radijs retrahi, & rursus deinde dimitti. Hanc sententiam secutus Plinius in hoc loco cum inquit, Percussæ in qua diximus parte, & triangulo Solis radio inhibentur. Hæc Plinij ratio multa absurda continet, sequeretur enim Solis radios non tantum virtute, sed etiam potentia esse tractrices non tam inferiorum ac mixtorum corporum quàm simplicium ac maximorum illorum cœlestium, qui velut vnco ac harpagine eos à solito naturaliq; munere vi distraheret. Præterea sequeretur, quod illa regularis æquabilitas ac vniformitas in motibus tam dissimilibus nullo modo existere posset. Proinde prudentissimè hæc epicyclorum ratio ab ingeniosissimis hominibus excogitata est, qua hæc dissimilitudo motuum sua cuiusque dimensione seruata non tantum intellectui, verum oculis subiiceretur. Rectè itaq; dixit Poëta:

*Felices animæ quibus hæc cognoscere primum,
Inq; domos superas scandere cura fuit.*

Est itaq; sententia Plinij, quando Sol post coniunctionem discedit ab aliquo trium superiorum, tum virtute radiorum

diorum suorum attrahit eum à superiorem partem cœli per profundum aëris versus terram, usque dum trigono ab illo discesserit, tunc enim fieri Planetam stationarium, quia in tali habitudine vis radiorum hoc modo incidit ut sistat Planetam. & hoc est quod dicit, *Leuantur*, hoc est, *sistuntur*, vel in uno loco continentur, *igneavi*, hoc est, *virtute radiorum Solarium*.

(Id non protinus,) scilicet hæc cursus mutatio non accedit subito. Sequitur: Multò id magis scilicet radius efficit, toto Sole aduerso, hoc est, in oppositione; quando in summas absides, hoc est, in apogæum eccentrici expelluntur, tunc enim minimè, scilicet propter altitudinem, cernuntur.

(Ab exortu vespertino,) hoc est, Chtonico, qui fit post oppositionem. S & Q V I T V R, alio latere, hoc est, ex hoc loco superiore incipit eum versus inferiorem partem deprimere, donec ad oppositionem peruenerit, ubi Planeta est centro tetra proximus. Deinde rursus vi radiorum eleuantur, donec Sol iterum peruenerit ad locum distantem à Planeta trigono, ubi in alia statione rursus virtute radiorum solarium retinetur. Paulatim autem appropinquante Sole subeunt radij ipsum Planetam, & velut impellunt ad superiorem cœli partem per profundum aëris usque ad coniunctionem, ubi est Planeta altissimus à terra iuxta tertiam altitudinum rationem, necq; conspici potest propter vicinitatem Solis. Vides hinc Plinium confundere altitudines ratione deferentis & epicycli: nam eam, quæ præcipuè deferentis ratione accedit, hic ad tertiam altitudinem, quæ fit ratione epicycli, transfert.

(Ab exortu vespertino latitudo scanditur, &c.) Hæc sententia vniuersaliter non est vera, sicut supra in latitudinum ratione dictum est, sed possunt particulatæ dispositiones accidere, in quibus vera est, ut ponamus centrum epicycli alicuius Planetæ in puncto maxime ab eclipti. declinante existere, ipso Planeta in Augis oppo. sui epicycli existen-

existente, & à Sole per sex signa discedente, tum Sole occidente oritur Planeta Chronicè, hoc est, ortu vespertino, cumq; planeta ab augis epicycli opposito digreditur, vbi tam à deferente quàm ab ecliptica erat maximè elongatus, paulatimq; versus secundam stationem ingreditur, tum decrefcit latitudo, & hoc est quod ipse vocat latitudinem descendere. Præterea & motus minuitur, est enim retrogradus, nec ante stationem secundam augetur, tunc enim iterum secundum signorum ordinem incipit progredi. Ex hoc loco etiam discendum est, motum corporis Planetæ in epicyclo variare altitudinem iuxta tertium modum, & hoc est, quod ipse dicit altitudinem descendere superueniente ab altero latere radio, eademq; vi planetam rursus ad terras deprimente, qua sustulit eum ex priore triquetra, quasi dicat, planeta existente in auge sui epicycli iterum incipit descendere, quemadmodum ex alia parte occidentis, ascendit per profundum aëris.

(Tantum interest subeant,) hoc est, an ab ima parte sursum mittantur, an superueniant, hoc est, à superiore parte deorsum mittantur. S E Q V I T V R, Multoq; eadem magis in vespertino occasu, hoc est, in occasu Heliæo circa coniunctionem, accidunt scilicet quod stellæ superiores deprimuntur. Atq; hæc est superiorum stellarum ratio, profectò obscura ac difficilis: sed si referatur ad habitudinem orbium multorum, videlicet epicycli ac deferentis, erit illustrior ac planior. Nos sumus interpretati *ἀποβλέπων*, & ni fallor etiam *αποβλέπων*. Possunt autem adhuc plura in hac tractatione vtiliter tradi, sed relinquimus ista iudicio ac curæ istorum qui hunc librum in scholis docent. nobis satis crit viam quandam præparasse, ac velut manu duxisse adolecentes ad lectionem huius libri: qui profectò hætenus à paucis non solum non intellectus, verum neglectus quidem est.

CAPUT XVII.

Catholica siderum errantium.

Primum igitur dicatur, cum sint diuersæ stellæ, cur Veneris stella nunquam longius xlv. partibus, Mercurius vigintitribus à Sole abscedant, sæpè citra eas ad Solem reciprocant. Conuersas habent utræq; absidas, vt infra Solem sitæ: tantumq; circulis earum subter est, quantum supernè prædictarū: & ideo non possunt abesse amplius, quoniam curuatura absidum ibi non habet longitudinem maiorem. Ergo utræq; simili ratione modum statuunt absidum suarum margines, ac spacia longitudinis latitudinū euagatione pensant.

At enim cur non semper ad quadragintasex & ad partes vigintitres perueniunt? Imò verò. Sed ratio canonica fallit. Namq; apparet absidas quoq; earum moueri, quod nunquam transeant Solem. Itaq; cum in partem ipsam eius incidere margines alterutro latere, tum & stellæ ad longissima sua intervalla peruenire intelliguntur: cum citra tuere margines, totidem partibus & ipsæ ocyus redire creduntur, cum sit illa semper utrîq; extremitas summa.

Hinc & ratio motuum conuersa intelligitur. Superiores enim celerimè feruntur in occasu vespertino, hæ tardissimè: illæ à terra altissimè absunt cum tardissimè mouentur, hæ cum ocyssimè. Quia sicut in illis propinquitas centri accelerat, Ita in his extremitas circuli. illæ ab exortu matutino minuere celeritatem incipiunt, hæ verò augere: illæ retrò cursum agunt à statione matutina vsq; ad vespertinam, Veneris

¹ Acciden-
tia duorū
inferiorū.
Primi ac-
cidēs, Cur
certis me-
tis alligati
sint ad So-
lem, ita vt
nunquam
illas egre-
diantur.

² Cur non
semper ad
extremas
absidū me-
tas perue-
niant, &
aliquando
vltra digre-
diantur, a-
liquando
verò citra
consistant.

³ Collatio
diffinitio-
nis motus
apparentia-
rum duorū
inferiorū,
cum xlv.
topo. i. i. b. s.

alii vespertini.

alii legunt triplicato, alii duplicato.

⁴
Peculiares
obserua-
tiones.

neris à vespertina vsq; ad matutinam. Incipit autem ab exortu matutino latitudinem scandere, altitudinem verò ac Solem insequi à statione matutina, occyffima in occasu matutino & altissima. Digredi autem latitudine, motumq; minuere ab exortu matutino: retro quidem ire, simulq; altitudine digredi, à statione vespertina. Mercurij rursus stella utroque modo scandere ab exortu matutino, digredi verò latitudine à vespertino, consecutoq; Sole ad quindecim partium intervallum, consistit quatrduo propè immobilis. Mox ab altitudine descendit, retroq; graditur ab occasu vespertino vsq; ad exortum matutinum. Tantumq; hæc & Luna, totidem diebus quot subiçre, descendunt. Veneris quindecim & pluribus subit. Rursus Saturni & Iouis duplicato digrediuntur. Martis etiam quadruplicato. Tanta est naturæ varietas, sed ratio euidens. Nam quæ in vaporem Solis nituntur, etiam descendunt agrè.

Multa promi amplius circa hæc possunt secreta naturæ legesq; quibus ipsa seruiat. Exempli gratia. In Martis sidere, cuius est maximè inobseruabilis cursus, nunquam id stationem facere, Iouis sidere triquetra, rarò admodum sexaginta partibus discreto, qui numerus sexangulas mundi efficit formas. Nec exortus, nisi in duobus signis tantum, Cancri & Leonis, simul ædere. Mercurij verò sidus in Piscib. exortus vespertinos raros facere, creberrimos in Virgine, in Libra matutinos. Item matutinos in Aquario, rarissimos in Leone. Retrogradum in Tauro & geminis non fieri: in Cancro verò citra vigesimam quintam partem.

Lunam

Lunam bis coitum cum Sole in nullo alio signo facere quàm geminis: non coire aliquando, in Sagittario tantum. Nouissimam verò primamq; eadem die vel nocte, nullo alio in signo quàm ariete conspici, id quoq; paucis mortalium contigit. Et inde fama cernendi Lynceo.

Non comparere in coelo Saturni sidus & Martis cum plurimum diebus centum septuaginta: Ionis triginta sex; aut cum minimum, denis detractis diebus: Veneris sexaginta nouem, aut cum minimum, quinquaginta duobus. Mercurij tredecim, aut cum plurimum, septendecim.

A P P E N D I X.

(Primum igitur dicatur, cum sint diuersæ, &c.)

PRIMVS locus huius capituli est explicatio tertiæ altitudinum rationis in duobus inferioribus, ac de reliquis quoq; passionibus & apparentijs, quas duo inferiores ratione epicycli ac motus eorum in epicyclo sustinent. Principio autem exponit causam, cur hi duo non aspiciant Solem, quadrato aut trigono aut aspectu opposito, quemadmodum superiores tres, sed tantum ad certos ac præscriptos limites circa Solem vagentur, ita ut Venus 47. grad. & Mercurius 23. à Sole tantum discedant elongatione suâ maxima, & tamen non semper hos limites attingant, sed aliquando intra eos ad Solem reciprocant, hoc est, recurrant. Accidunt autem hæc omnia, quod centrum Epicycli proportionabiliter mouetur super centro æquantis ipsi Soli, ita ut æquali tempore æquales angulos singuli super suis centris describant, Sol super centro sui deferentis, inferiores verò super centro sui æquantis, ita ut lineæ medij motus horum trium semper sint in eodem Zodiaci loco secundum longitudinem. Vnde potest intelligi causa, cur hi Planetæ

Cur Venus & Mercurius non discedant à Sole ut reliqui Planetæ.

neq; ad oppositionem, neq; ad reliquos aspectus digredi à Sole possint. Inuoluuntur autem tantum circa Solem, ac ad eum reciprocant propter motum ipsorum in Epicyclo, hoc est, quando existunt in Auge suorum Epicyclorū, coniuncti sunt cum Sole, à qua discedentes oriuntur ortu vespertino: vesperi enim post Solis occasum conspiciuntur: atq; hoc modo digrediuntur à Sole secundum arcū quantitatis Epicycli, donec ad primam stationem peruenerint, ubi iterum ad Solem reciprocant, vsq; ad Augis oppositum suorum Epicyclorum, ubi rursus cum Sole coniunguntur, à qua coniunctione quando manē ante ortum Solis ascendant supra horizontem, dicuntur Orientales seu orientes ortu matutino, donec linea veri motus ipsorum ad punctū Epicycli peruenerit, in quo iterum reflectitur, ac secundum signorum successionem incipit progredi, donec ad Solem peruenerint ac occasu matutino occidant. Ex his patet, quod tantum ratione Epicycli à Sole elongentur. Ergo ipsorum maxima elongatio erit, vt communiter semidiameter epicyclorum, quæ variatur secundum eius diuersum situm in eccentrico, Vt æquatio argumenti maxima, hoc est, gradus Zodiaci qui respondent semidiametro epicycli in eccentrici apogæo sunt in Venere 44. grad. & 17. min. In Mercurio 18. grad. & 50. min. Sed in eccentrici longitudine media in Venere sunt 45. grad. 59. min. In Mercurio 22. grad. & 2. min. In eccentrici verò perigæo in Venere sunt 47. grad. 51. min. In Mercurio 24. grad. 3. min.

Quod autem hic ait Plinius, Veneris stella nunquam longius partibus 46. intelligit de maxima elongatione quæ fit in perigæo eccentrici, & videtur esse menda in textu, legendum enim erat 48. Quod verò inquit, Conuersas habent vtræq; absidas, intelligit duos inferiores contrario vel dissimili modo se habere quàm superiores, nam id quod in tribus superioribus euenit in summitate absidum, hoc in inferiorib. duobus in ima parte absidum accidit. nihil enim aliud per conuersas absidas intelligit quàm dissimiliter se habent-

habentes circulos eccentricos. Non possunt autem ultra prædictos terminos abesse à Sole, quia curvatura absidum non habet ibi longitudinem maiorem, hoc est, quia semidiameter epicycli nusquam est maior prædicto termino. Ex his manifestè apparet Pliniū eccentricos cum epicyclijs confundere, & id probare in absidibus, quod erat probandum in epicyclijs.

(Et utræq; modum,) hoc est, finem seu terminum statuunt, margines suarum absidum, hoc est, extremitates suorum epicycliorum, videlicet quantitatem semidiametri ipsius. Sed spacia longitudinis pensant euagatione latitudinum, hoc est, quanto minus hæ inferiores à Sole secundum longitudinem discedunt, tanto magis in latitudinem euagantur, quantitate enim semidiametri epicycli tantum à Sole recedunt, & hunc recessum vocat euagationem latitudinum.


SEQUITUR altera pars huius primi loci, quæ fiat quod duo inferiores non semper ad extremas metas suarū absidum, hoc est, ad fines suæ maximæ elongationis à Sole perueniant. Dictum autem est supra, elongationem Planetæ à Sole nihil aliud esse, quàm arcum Zodiaci interceptum inter verum locum Solis & Planetæ qui dicitur elongari. Maximæ autem elongationes Veneris & Mercurij duplici ratione variantur. Primò, propter accessum centri Epicycli ad centrum mundi, unde & maximam æquationē argumenti variari necesse est, quæ est arcus zodiaci inter lineas veri loci epicycli, & veri loci Planetæ: cumq; epicycli Veneris verus locus semper cū vero Solis loco quasi in eodē Zodiaci puncto reperiatur (quod enim in rota reuolutione non semininnto differt, illud nihil in hac rractione differre iudicamus) necesse est vt maximæ æquationes argumenti maximas etiam Veneris elongationes ostendant: atq; sic in Venere est vna tanrum principalis causa huius variationis. Est autem maxima æquatio Veneris centro eius Epicy-

Cur Ven⁹ & Mercurius non semper assequantur maximam elongationē à Sole.

Venus.

di existente in Auge 44. 48. min. in opposito autē 47. 15. min. Accipiamus exemplū præsentis anni 1537. in quo erit vicina Augi ad diem 19. Maij, ad quē diem verus Solis motus est 2. sig. 7. grad. 28. min. Verus autem Epicycli locus 2. sig. 7. grad. 28. min. 2. secun. Aequatio argumenti vera est 44. grad. 54. min. quæ est maxima in hoc loco Veneris elongatio. Subtracto enim vero Solis loco à vero Veneris, qui est 3. sig. 22. gra. 22. min. relinquitur planè idem arcus. Repetamus idem exemplū in pposito schemate. Verum Solis locum ostendit linea A, G, H. Veneris verò A, D, M. maxima æquatio est arcus H, M. cuius gradus si numerentur præcise, erunt 44.

A. Cen-



- A. Centrum mundi.
- C. Centrum deferentis Epicyclum.
- B. Centrum deferentis corpus Solare.

In Mercurio verò sunt duæ causæ, vna propter diuersi- Mercuri⁹.
tatem maximarum æquationum argumentorū, quemad-
modum iam de Venere dictum est. Altera verò est, quod
linea veri loci Solis aliquando inuenitur in medio inter line-
am veri loci Planetæ & lineam veri loci epicycli: vnde fit vt
aliquando maxima elongatio Mercurij minor sit maxima
æquatione argumenti. Præterea quia linea veri loci Solis
aliquando præcedit & aliquando sequitur lineam veri loci
epicycli, ideo hic arcus additus vel subtractus maximæ
æquationi argumenti, verum arcum elongationis ostendit.

Sed hæc tractatio in exemplis clarius cernitur. Suppo- Exempl⁹.
natur centrum epicy. Mercurij existere in puncto tertæ pro-
pinquissimo, id quod ferè accidit die 13. Februarij præsen-
tis anni 1537. quo die verus locus Solis est 11. sig. 4. grad.
53. min. 19. secun. Verus autem Epicycli Mercurij locus 11.
sig. 0. grad. 20. min. 30. secun. Ergo differentia est 4. gra-
dum, 32. min. 59. secun. Ponamus iam centrum Planetæ
in tali situ centri epicycli esse prope punctum contactus ve-
spertinæ partis epicycli, vt argumentum verum sit 3. sig. 22.
grad. cuius æquatio erit 22. grad. 2. min. cumq; sit in pro-
pinquissima accessione ad centrum terræ, additur tota lon-
gitudo propior respondens huic argumento, videlicet 3.
grad. 21. minu. Est itaq; vera argumenti æquatio 23. grad.
53. min. addenda vero epicycli loco, vnde verus locus Pla-
netæ constituit 11. sig. 24. grad. 13. min. 30. secun. qui lo-
cus quia præcedit verum Solis locum secundum ordinem
signorum, eris hæc elongatio maxima vespertina Mercurij
minor æquatione argumenti, vnde subtracta distantia inter
verum epicycli locum & verum Solis locum ab æquatione
argumenti, relinquitur maxima Planetæ elongatio 19. gr.
20. minu. quæ etiam remanet, subtracto vero Solis loco à
vero Planetæ loco.

Collocetur idem exemplum ad præcedens schema & erit planius. Verum locum Solis indicat linea A, E, F, verum locum centri epicy. linea A, G, H, differunt ergo hæc duæ lineæ secundum arcum F, G. Sitq; centrum corporis Planetæ in D, & argumentum verum F, D, trium signorū, æquatio argumenti arcus zodiaci H, M. cumq; verus epicycli locus præcedat verum locum Solis secundum arcum F, G, sequitur quod æquatio argumenti maxima minor est maxima elongatione Solis secundum eundem arcum. Ergo elongatio à Sole non est secundum quantitatem semidia. epicy. etiam Planeta existente in puncto contactus, sed minor ea secundum arcum F, G. Eodem modo potest maior existere linea veri loci Solis sequente lineam veri loci Planetæ, id quod facilius ex iam dictis intelligi potest.

Ex his patet, primò, quod Plinij sententia non est vniuersaliter vera, cum dicit: Venerem nunquam longius 46. partibus à Sole discedere, & Mercurium tantum 23. Patet etiam secundò, quomodo propter vnicam tantum causam Veneris elongationes varientur, videlicet propter accessum centri epicy. ad centrum mundi. In Mercurio autem propter duas causas, propter discessum & accessum centri epicycli ad centrum mundi. Secundò, quia reperiuntur differentie inter vera Solis & epicycli loca. Et vt hæc res clarius intelligatur; addamus adhuc vnum exemplum de Mercurio:

Exemplū.

In præsentī anno, die 17. Iulij, erit verus locus Solis 4. sig. 3. grad. 35. min. 50. secun. Verus Mercurij locus 5. sig. 0. grad. 48. min. Elongatio igitur Mercurij à Sole est 27. grad. 12. min. estq; maxima in hoc situ centri epicycli. Cum enim Mercurius ferè sit in puncto contactus vespertinae epicycli Parris, habet Planeta elongationem à Soleratione semidiametri epicy. 23. grad. 4. min. 54. secun. & quia linea veri motus Solis sequitur in ordine signorum lineam veri loci epicycli interuallo 4. gra. & 7. min. qui arcus cum additur maximæ æquationi ad habendam elongationem à Sole, prodibit vera elongatio. Si rursus Mercurius collo-

catus

catus sit in altera sui epicy. parte, in matutina videlicet, non solum hanc maximam elongationem non attinget, sed duplo minor erit, &c.

Ex his sententia textus aliquo modo intelligi potest cum inquit: Perueniunt quidem ad has metas longissimæ elongationis, sed non in omni reuolutione, quia ratio canonica, hoc est, regularis, & ad calculum reuocata, fallit: apparet enim earum absides sic moueri vt nunquam Solem transeant, hoc est, apparet centra horum epicyclorū nunquam procul à Sole discedere, sed tantum exiguo spacio: quod cum ita sit, constat tum stellam longissimè à Sole abesse, cum Planeta est in illo puncto contactus, vbi centrū epicycli est inter Planetam & Solem. Cum autem in alio puncto contactus Planeta fuerit, vbi linea veri loci Solis est inter centrum epicycli & lineam veri loci Planetæ, tum Planeta non est in maxima elongatione à Sole quam habere potest, quare & cogitur ocius redire ad coniunctionem cum Sole, siquidem linea veri loci Solis etiam ad ipsum Planetam inclinatur, quam cum attigit, cum Sole dicitur esse coniunctus.

Sic autem inquit Plinius: itaq; cum in partem ipsam, hoc est, in lineam eductam per centrum mundi in Solem, si in hanc lineam margines epicycli alterutro latere incidere, tunc in illo margine Planeta existens est in sua longissima distantia. Si verò citra tales margines fuerit in quacūq; alia epicycli parte, tunc totidem partibus, scilicet, quot citra verum locum Solis sunt margines epicyclorum: nam illa, semper vtriq; extremitas summa, hoc est, quando hanc metam attingunt, tunc non possent vterius à Sole discedere, hæc enim est meta extrema discessionis à Sole.

TERTIVS locus huius capitis continet collationem dissimilitudinis quæ accidit in motu & reliquis accidentib. & passionibus duorum inferiorum Planetarum cum tribus superioribus. Ex his, inquit, intelligi potest has stellas inferiores dissimili ac velut conuerso motu à tribus superiorib.

Collatio
inferiorū
planetarū
cum superio-
ribus.

circumuolui : superiores enim celerrimè feruntur in occasu vespertino, inferiores verò tardissimè. Ratio huius dissimilitudinis est, quia in tali occasu vespertino tres superiores iunguntur Soli & occidunt occasu Heliaco, tunc etiam sunt directæ, quia secundum Plinium in ima parte sui epicycli existunt, ergo & velociores : inferiores verò duæ, in occasu vespertino sunt in augis opposito suorum epicyc. quare & tardissimæ : & quanquam ferantur secundum ordinem signorum ratione deferentis, tamen ratione epicycli retrahuntur. Item sequitur secundò : Illæ tres superiores à terra altissimè absunt cum tardissimè mouentur, hæ cum ocysimè.

Addit huius rei causam, cum inquit, quia sicut in illis tribus superioribus propinquitas centri accelerat, Ita in his extremitas circuli, hoc est, tres superiores altissimè absunt à centro terræ cum tardissimè mouentur, sunt enim in auge suorum epicyclorum, vbi quamuis sint directi & per consequens veloces, tamen etiam tardi vocantur, quia æquali tempore minorem angulum supra terræ centrum describunt, quàm si essent in alijs sui epicycli locis constituti, ergo etiam minor arcus zodiaci respondet huic angulo quàm vlli alteri : vnde rectè dicitur de Planetæ centro, quod eius propinquitas acceleret : æquali enim tempore maiorem angulum accedendo ad centrum terræ describit. Venus autem & Mercurius ocysimè feruntur cum à terra longissimè absunt : in superiore enim sui epicycli parte in eandem partem qua & deferens mouentur, igitur extremitas circuli, hoc est, superior pars epicycli accelerat, quia fertur secundum signorum ordinem & ratione deferentis & epicycli. Potest & huius rei alia esse ratio, vt altitudo in tribus superioribus conferatur ratione deferentis, quando est in auge, cum altitudine duorum inferiorum ratione epicycli. Centrum enim epicycli trium superiorum cum est in auge tardissimè mouetur, cumq; accedit propius ad centrum mundi, accelerat motum : æquali enim tempore maius spaci-
cium

cium secundum ordinem signorum conficiunt, duæ verò inferiores, ratione epicycli cum altissimè ab sunt celerrimè mouentur.

ITEM SEQUITUR TERTIÒ : Illi ab exortu matutino minuunt celeritatem, hæ verò augment. Ratio est, quia tres superiores ab exortu matutino versus stationem primam mouentur, vbi minuunt celeritatẽ, hoc est, ascendendo incipiunt fieri retrogradi. Inferiores verò duæ augere incipiunt celeritatem motus. Cum enim in tali exortu feruntur per superiorem medietatem sui epicycli, ascendere incipiunt versus stationem secundam, &c.

SEQUITUR QVARTÒ : Illæ retro cursum agunt à statione matutina vsq; ad vespertinam, &c. quia illis statione matutina in illo epicycli latere, vbi in ortum matutinũ incutunt, his verò vbi in ortum vespertinum, hoc est, dum feruntur per inferiorem partem sui epicycli.

SEQUITUR QVINTÒ : incipit autem ab exortu matutino latitudinem scandere, hoc est, Venus ab exortu matutino, hoc est, post coniunctionem transgressa perigæum epicycli, etiam ante stationem secundam incipit latitudinem scandere, hoc eius latitudo augetur, quemadmodũ supra decimosexto capite dictũ est. Altitudinem verò scandit à statione matutina, hoc est, postquam attigit metam longissimæ distantie, tum ad solem reuertitur, vnde insequitur Sõlem vsq; ad occultationem matutinam, in qua & ocysima & altissima existit, est enim directa, & propter extremitatem circuli celerrimè mouetur. De latitudinum ratione in hoc situ supra dictum est : quia verò in tali discessu exoritur ortu vespertino, & tendit versus inferiorem partem sui epicycli per profundum ætis, ideo minuit paulatim cursu, id est, incipit fieri retrograda, idẽq; accidit ab exortu vespertino, non enim legendum est matutino. Eadem serè ratione idem accidit Mercurio.

SEQUITUR SEXTÒ : Mercurium utroque modo scandere, scilicet & latitudine & altitudine ab exortu matutino,

tino, qui sequitur coniunctionem cum Sole in perigæo epicycli. Digredi verò latitudine à vespertino, scilicet, postquam à summitate Epicycli descendit, consecuroq; Sole, Vt fingamus in exemplo lineam veri motus Epicycli ferè coniunctam esse lineæ veri motus Solis secundum longitudinem, ac in tali situ sit statio prima in secunda signifi. 2. fig. 27. grad. huic tanquam, argumento medio respondet æquatio argumenti in zodiaco 15. ferè grad. Porro descendit ab hac statione satis celeri motu, siquidem in quatuor mensibus totum epicyclum perambulat, & arcus zodiaci respondens termino retrogradationis celerius conficitur à Planetæ centro, quàm cum mouetur ab auge ad stationem primam eundem arcum conficiendo. Quare & æquali ferè tempore quo descendit, iterum punctum stationis secundæ assequitur, id quod in Luna vel propter velocitatem motus centri Planetæ in epicyclo vel propter epicycli paruitatem etiam animaduerti solet: hæc enim à puncto contingentiæ citissimè ad oppositum augis sui epicycli peruenit, à qua non minus veloci motu subleuatur ad alrerum contingentiæ punctum. Er quauquam initia & articuli repporum & durationis harum passionum in moribus horum Planetarum animaduerti solent, tamen quia nos secuti Plinium, tradimus tantum generales obseruationes, satis est tenere ex hoc loco has genetales doctinas, reliqua ab artificibus petenda sunt.

Venus arcum suum retrogradationis 15. aut pluribus etiam diebus perambulat, vt supponatur quod statio prima in secunda signi sit. 2. fig. 48. graduum, erit descensus ab hoc puncto ad augis oppositum, hoc est, arcus semiretrogradationis 12. grad. Motus autem Veneris in Epicy. in die est 37. min. vnde Venus conficit hunc arcum 19. diebus & $\frac{1}{2}$ diei parte, ergo etiam pluribus quàm 15. diebus spacio. Saturnus verò & Iupiter, triplicato digrediuntur ab augis opposito ad stationem secundam, hoc est, 45. gradibus semiarcum retrogradationis perambulant, quem Saturnus

turnus metitur 37. diebus, Iupiter verò 47. Sed Mars subit profundum æris statione prima ad augis oppositum 23 $\frac{1}{2}$. quod ferè duplum est digressioni Veneris. Addit causam, quia quæ in vaporem Solis nituntur, hoc est, ascendunt, etiam ægrè descendunt, quia in vaporem Solis merguntur.

Non est autem difficile inuenire, quo temporis spacio singuli Planetæ conficiant arcus suos retrogradationis & directionis. Nam statio prima supra annotata, subtracta ab integro zodiaco, relinquit stationem secundam, à qua si subtraxeris stationem primam, habebis arcum Retrogradationis: Quo sublato ex integro Zodiaco, remanet arcus directionis. Vterq; autem arcus, retrogradationis videlicet & directionis, diuisus per motum argumenti eiusdem Planetæ in vno die, ostendit tempus retrogradationi & directioni respondens. Porro argumenta singulorum Planetarum in vno die, sequens tabula docet.

ARGUMENTA PLANETARVM

IN VNA DIE.

| | G | M | S | Redacta ad Sec. |
|---|---|----|----|-----------------|
| ♄ | 0 | 57 | 8 | 3428 |
| ♃ | 0 | 54 | 9 | 3249 |
| ♂ | 0 | 27 | 42 | 1662 |
| ♀ | 0 | 36 | 59 | 2219 |
| ♁ | 3 | 6 | 24 | 11184 |

QVARTVS locus huius capitis est de quibusdam peculiaribus obseruationibus in motibus ac apparentijs Planetarum, & primò recitat obseruationem de Marte, quem ait nunquam stationem facere, scilicet sensibilem aut diurnam, qualis in reliquis superioribus accidit. Supra in ca-

Peculiares
obseruatio-
nes de qui-
busdã pla-
netis.

pite

pite 15. dixit Martem stationalem senis mensibus commorari in signis, hâc ait, eum nunquam facere stationem. Proinde existimo mendosum esse textum, & addendum esse, ut
 Iupiter. nunquam ex quadrato, vel simile quiddam. Ita Iupiter fit stationarius, distans à Sole triquetto, hoc est, 4. signis, quemadmodum 15. cap. dictum est. An autem aliquando ex hexagono fiat stationarius, etiam nullum memini exemplum. Præterea Mars non oritur bis in eodem signo, nisi fortasse in Cancro & Leone: nam Apogæum Martis illo tempore fuit in Cancro, in quo tardissimè centrum eius Epicycli mouetur, fuit in his signis quando hæc obseruationes factæ sunt, unde fit ut priusquam conuexum Epicycli integrum signum perambulet, Sol faciliè eum iterum assequatur atq; prætereat.

Merc: rî°. (Mercurij verò sidus, &c.) Quia ut apparitio vespertina fiat, oportet addere distantiam maximam maiorem esse arcum visionis stellæ. Sed maxima distantia Mercurij vespertina à Sole in Piscibus habet 19. grad. sed in eodem signo arcus visionis continet etiam 19. grad. & quadrantem: ergo tunc raro conspicietur Mercurius, & non aliter nisi latitudo septentrionalis eum conspicium reddat.

(Creberrimæ in Virgine & Libra,) sic enim est legendû, quia maxima distantia Mercurij vespertina à Sole in Virgine continet 26. grad. & quadrantem. arcus autem visionis ibidem requirit tantum 10. grad. ut conspiciatur vesperti. Eadem ratio est apparitionis in Libra.

(Matutinos in Aquario.) Nam maxima distantia matutina Mercurij à Sole in Aquario potest excedere 28. grad. cum ibidem arcus visionis requirat tantum 11. grad. ad apparitionem matutinam. Sequitur: Rarissimos in Leone, quia maxima distantia matutina Mercurij à Sole habet 16. grad. cum apparitio matutina ibidem sit tantum 14. graduum. Sequitur: Retrogradum in Tauro, &c. hoc prorsus est analogû: nam hoc anno 1556. in Aprili Mercurius est retrogradus in tauro.

(Lu.

(Lunam verò bis coitum cum Sole in nullo alio signo facere quàm in Geminis.) Cum enim Solis apogæum sit in Geminis, ergo eius motus in illo est tardissimus, facillè igitur Luna relictum Solem in eodem signo iterum assequitur. Vnde etiam patet ratio quare in Sagittario nonnunquam ne cum Sole quidem coniungatur.

Quæ autem sit ratio, quare Luna aliquando tertio die post coitum, aliquando altero, atq; etiam aliquando eodem die vetus & nova conspiciatur, facillè ex Theoricis libellis intelligi potest. Cum enim sit velox motu, exiguo tempore longius à Sole elongari potest, atq; si in hoc casu fuerit in signo obliquè ascendente, & maxime in Ariete, nam illud signum obliquissimè ascendit, & rectissimè descendit, moveaturq; in latitudine Septentrionali, potest fieri vt eodè die vetus & nova Luna conspiciatur, & quamquam luceat exiguo ac perquam tenui lumine, tamen propter altitudinem illud in nostris regionibus conspici potest. Quando igitur omnes hæ causæ concurrunt, tunc eodem die conspicitur vetus & nova: quando duæ, tum altero die: quando verò vna sola, tum tertio primùm die videtur: quando verò omnium eorū oppositum accidit, tum quarto die conspicitur.

Cur Luna
aliàs citius
aliàs tar-
dius à So-
le
appareat.

(Non comparere in cœlo Saturni sidus & Martis cum plurimum diebus centum septuaginta, &c.) Loquitur hoc loco Plinius de Occultationibus stellarum, quando tectæ radijs solaribus non amplius conspiciuntur in cœlo: Poëtæ vocant occasum Heliacum. Quia verò hoc spacium occultationis nimis magnum est, neq; cum experientia consentit, itaque existimo redundare in textu, centum. Hesiodus ait Pleiades non conspici in cœlo 40. diebus.

Dicendum etiam hoc loco est de quantitate arcus apparitionis ac occultationis Planetarum, quanta videlicet requiratur distantia Planetarum à Sole, vt possint conspici, item rursus in quanta distantia Sol stellis appropinquans

Quantitas
arcus ap-
paritionis
& occultationis.

quans eas radijs suis contegat, ne possint conspici, ex hac enim tractatione sententia Plinij intelligi potest. Notandum tamen est hos arcus variari pro climatum diuersitate, & qui cupiant præcisionem habere, illos necesse est tabulam apparitionis & occultationis ad singula climata componere: sed quia planè nullam præcisionem in hac tota tractatione spectauit Plinius, & nobis satis erit hos arcus petere ex tabulis Alphonfinis, quæ conscriptæ sunt ad eleuationem poli 41. gra. Hoc autem modo ex his tabulis tempora occultationum inueniuntur. Pono coniunctionem Solis & Planetæ alicuius ex superioribus esse in Ariete, quod signum obliquissimè oritur, & arcum distantiae Solis à Planeta habet maximum, quem arcum descriptum ex tabula seruo. Deinde accipio arcum quem conficit Sol suo celeriori motu, quo superat Planetam interim dum occultatur, & priusquam sub nostrum aspectum veniat. Deinde accipio ex tabula occasus vespertini arcum ascriptum Arieti, quem Sol conficit superando motum Planetæ se insequentis à principio occultationis vsq; ad coniunctionem, hos duos arcus addo. Deinde considero diurnam Solis elongationem à Planeta. Posttemò per proportionum regulam sic colligo: Sol vno die conficit superando hunc Planetam tot minuta, quot ergo diebus tot gradus & minuta superius collecta, & quoties ostendet maximum tempus occultationis. Quod si minimum habere volueris, eodè modo in Libra operabere.

In fine capituli ait: Veneris sexagintanouem, qui numerus est nimis magnus, nunquā enim tot diebus occultatur Venus. Sic numerus Mercurio ascriptus est nimis exiguus, imò Mercurij stella cum est in longissimis suæ distantiae metis, tamen non comparet, quia, vt supra dictum est, arcus visionis aliquoties superat arcum longissimæ distantiae, vt in μ & π non conspicitur mane, sicut in γ & δ non conspicitur vesperti, sicut supra dictum est, ergo eius occultatio multo longiore tempore durat quàm hanc annotauit Plinius.

TABVLA OCCVLTATIONIS ET
APPARITIONIS. PLANETARVM.

| | Maxi. | Mini. | |
|---|------------|---------------------|-----------|
| ♄ | 49 | 40 | } dierum. |
| ♅ | 38 | 33 | |
| ♆ | 52 | 25 | |
| ♁ | In Apogæo | Ortu vespertino 37. | { dies. |
| | | Ortu matutino 45. | |
| | In Perigæo | Occa. vespertino 9. | |
| | | Ortu matu. 47. | |
| ♂ | | 1 | 11 |
| | | 2 | 11 |
| | | 3 | 11 |
| | | 4 | 12 |

Ex hac tabella potest æstimari quæ sit sententia Plinij, quæ non procul à veritate discedit, præsertim si latitudines, quæ hoc loco non considerantur, adijcerentur. Verùm satis sit hæc annotasse.

CAPV T XVIII.

Quæ ratio colores eorum mutet.

Colores ratio altitudinum temperat: siquidem earum similitudinem trahunt, in quarû aëra venire fubeundo, tingitq; appropinquantes vtralibet alieni meatus circulus. Frigidior in pallorem, ardentior in ruborem, ventosus in horrorem. Sol atq; cômiffuræ absidum, extremæq; orbitæ atram in obscuritatem.

Suus

Colores
cur æisdem
corperib.
variant.

alii palli-
dus.
Colores
proprii ac
peculiares
stellarum.

Suus quidem cuiq; color est, Saturno candidus, Ioui clarus, Marti igneus, Lucifero candens, Vespere refulgens, Mercurio radians, Lunæ blandus, Soli cum oritur ardens, postea radians : his causis connexo visu & earum quæ cœlo continentur. Namq; modo multitudo conferta inest circa dimidios orbes Lunæ, placida nocte leniter illustrante eas : modo raritas, ut fugisse miremur plenilunio abscondente, aut cum Solis, supra hæ dictarum radij visus perstrinxere nostros. Etipsa autem Luna ingruentium Solis radiorum haud dubiè differentias sentit, hebetante cætera inflexos mundi conuexitate eos, præterquã ubi recti angulorum competunt ictus. Itaq; in quadrato Solis diuidua est, in triquetro semiambitur orbe, impletur autem in aduerso : rursusq; minuens, easdem effigies paribus ædit interuallis, simili ratione qua supra Solem tria sidera.

A P P E N D I X.

Hoc totum caput magis est physicum quàm astrologicum : quærit enim causas diuersitatis colorum in stellis : alix enim claræ, alix pallidæ, alix subrutilæ, ipsarumq; cœlum est coloris cærulei.

An cœlum
sit colora-
tum.

Agitanda autem hoc loco est quæstio, num cœlum sit coloratum, quæ faciliè dijudicari poterit, si causæ generationis colorum intelligantur. Est autem color, ut inquit Plato in Timæo, *φλῶξ τὴν συνέκτασιν ἐκείσαν ἀποκρίνουσα. ὅψις σίμματα μέλα ἴχνησιν ὅψις αἰδῶσι* : hoc est, Color est veluti flammula quædam fulgoris à singulis corporibus emanans, partes habens visui ad sentiendum accommodatas. Vel ut alij dicunt, Color est lumen debile in extremo diaphani existens. Coloris autem natura diuersa est à natura luminis, quanquam originem & formam color à lumine habe-

Color
quid ?

at, ta-

at, tamen specie degenerat in speciem longè inferiorem lumine. Cælum itaq; est coloratum, non per se, sed tantum secundum apparentiam: cum enim propter nimiam distantiam visus deficiat, tunc aër ubi terminatur visus occurrit opacior, cui cum miscetur, lumen refert colorem cæruleū. Cæruleus enim color fit quando opacum rarum & diaphanum remisso lumine illustratur, sed talis color in aëre non est secundum existentiam, sed tantū secundum apparentiā.

Si autem aliquis hoc modo colligeret: Nihil potest videri nisi sit coloratum, Color enim proprium obiectum visus est, Cælum autē videtur, ergo necesse est esse coloratū. Respondendum est, differunt coloratum & lucidum: lumen enim etiam videtur, tamen non sit coloratum. Eodem modo & cælum videtur magis vt lumen vel luminosum, quā coloratum. Dissimiliter autem illud lumen afficitur, propterea quod fulgores ac splendores per aërem sese diffundentes non vno modo habent sese, tum pro natura corporis, ex quo lumen exilit, tum etiam pro natura aëris ipsius, aërisq; regionis, per quam lumen diffunditur.

Cælum itaq; non est coloratum, sed luminosum: Cæruleus autem color incurrit in oculos, non quidem vt reuera aut secundum existentiam, sed tantum apparenter: species enim luminis iam in opaco deficientis refertur & in cæruleo exprimitur.

Quare autem stellarum corpora diuersis colorib. conspiciantur, hîc quaeritur, Saturnus enim est pallidus, Iupiter clarus, Mars igneus, Venus lucida, Mercurius varius, Luna alba? Respondendum est, lumen seu splendorem stellarum augeri & minui prout paruo vel longo à Sole absunt intervallo, siue quia Sol infundit eis suum lumen, siue quia eorū proprium lumen hebetatur splendore Solis. Cur autem Sol cum sit lucidissimus conspiciatur flauus, respondeo id fieri à vaporibus quos lumen penetrat. Sic manē magis purpureus conspicitur, quia vapores sunt & humidiores & crassiores, in meridie verò exiliores & puriores, vnde lumen

Quare stellæ conspiciantur diuersis coloribus.

existit splendidus. Præterea tres superiores quo longius à Sole recedunt, tanto terris existunt propiores, ratione motus in Epicyclo, ut ζ in Leone est in Apogæo Eccen. & ante & post coniunctionem minimus cernitur, adeo ut vix agnosci possit. Tunc enim distat à terra 105 $\frac{1}{2}$ partibus talibus, qualium semidiameter est 60. In π verò & circa oppositi. Solis apparet longè maximus, quia terris est vicinior. Eodem modo etiam de reliquis Planetis indicandum est.

(Colores ratio altitudinum temperat, &c.)

Id est, luces & fulgores, quasi dicat, inde fit quod stellæ non semper iisdem coloribus conspiciuntur, quia non semper in eadem distantia ad terram manent: aliquando enim ascendunt altius in absides suas, & rursus postea descendunt: hæc autem inæqualis distantia eorum colores mutat. Quod autem ait: *SIC VIDEAM EARVM SIMILITVDINEM TRAHUNT*, in quarum aëra veniēte subeundo, scilicet suo motu, tingitq̃, id est, colorat, appropinquantēs vtrilibet, id est, supra & infra, alieni meatus circulus, id est, vicini astri regio, siue tractus, siue plaga. Quod autem ait, frigidior in pallorem, ardentior in ruborem, commisceet, ut plerumq̃ solet, qualitates & virtutes stellarum. Sicut enim in cœlo nulla est generatio, sic nullæ stellarum corporibus huiusmodi qualitates aut accidunt aut insunt, nulla inest illis ex alia in aliam qualitatem transitio. Proinde improprie dictum est, frigidam stellam viciniorē in pallorem conuertere. Ista enim sunt in aëre, & per aërem virtute radij seu luminis manantis ex corpore stellæ. Saturni enim stella actu non minus calida est quam Iouis aut alterius, sed ciet frigus in aëre & mixtis corporib. potentia tantum & virtute luminis sui: lumen enim cœleste gignit in aëre primas qualitates, videlicet calorem, frigus, humorem & siccitatem. Quia autem ex primis qualitatibus omnium secundarum temperamenta oriuntur, constat quare hæc virtutes movendorum corporum ipsis astris attribuantur.

(Sol

(Sol atq; commissuræ absidum, &c.)

Hunc locum intelligo de Luna, quasi dicat, puncta intersectionum circuli deferentis Lunam faciunt dissimilitudinem colorum in Luna: quando enim Luna opponitur Soli in nodis, tunc obscuratur, sicut in eclipsium ratione diximus: quando verò extra istas absidum commissuras Soli opponitur, tunc minus in atram obscuritatem vertitur, hoc est, parum vel prorsus nihil obscuratur. Extremas orbitas vocat summities tam deferentis quàm epicyclij, hoc est, apogæa.

(His causis connexo visu, &c.) Hæc est constructio, his causis scilicet adduntur aliæ causæ, quando videlicet videntur connexo visu, cum ijs causis quæ continentur cælo, id est, cum lumine seu radio efficaci: hæc enim est una ex ijs causis quæ cælo continentur. Vocat visum connexum, quando radij simul collecti, ac non distracti seu dissipati emittuntur. Dispersum verò, quando radij visui propter medium indispositum distrahuntur. Est itaq; sententia Plinij: stellæ clariore atq; etiam plures conspiciuntur visu connexo quàm disperso. Inde fit, quod interdum aliquando ex altis puteis stellæ conspiciantur. Radius enim altitudine putei cogitur ut rectus & collectus incurrat in cælum. Notu etiam plures stellæ cernuntur dimidiata Luna lucente, quàm plena existente: lumen enim copiosum & multum perstringit, hebetat & dissipat radium visuum. Quidam sic exponunt, connexo visu, q. d. sicut errantes à Sole obscurantur, ita quoq; fixarum species ab iisdem causis pendet, siue connexa his causis: modo enim videntur confertæ, modo raræ. Visus sæpe usurpatur pro specie, ut infra in cap. de Cometis, spiræ modo intorta, visu quoq; toruo, id est, specie.

(Namq; modo,) hoc est, aliquando magna copia stellarum conspicitur circa dimidios orbis, hoc est, circa quadraturas.

Visus connexus.

Visus dispersus.

(Et ipsa autem Luna, &c.)

Id est, quemadmodum Luna suo lumine reliquas obscurat stellas, ita ipsa vicissim radiorum Solis differentias sentit, hoc est, non eodē modo à Sole illuminatur. Prout enim ad ipsum accedit vel discedit, ita diuersas illuminationum vices sustinet, quemadmodum supra satis dictum est.

(Hebetante cætera inflexos, &c.)

Id est, Radij qui incident inflexi in Lunam sunt hebetiores ac minus efficaces : non possunt enim illustrare totam Lunam propter cæli connexitatem, sicut illi qui recti in eam incident. Vocat autem rectum radium, qui in Lunam oppositam ex diametro incidit : ille enim implet eam lumine, ac vndiquaq; plenam efficit, id quod ipse exponit in sequentibus, cum ait, Itaq; in quadrato Solis diuidua est, in triquetro semiambitur, hoc est, imperfectè ambitur, &c. Quod in fine ait, simili ratione qua supra Solem tria sidera, scilicet eadem habent interualla aspectuum, quæ habent tres inferiores, ita vt hic locus de aspectibus ad Solem, non de lumine intelligatur, constat enim tres superiores non has differentias luminis recipere, &c.

C A P V T X I X.

Solis motus & dierum inæqualitatis ratio

SOL autē ipse quatuor differentias habet, bis æquata nocte diei, Vere & autumno, & in centrum incidens terræ octauis in partibus Arietis ac Libræ : bis permutatis spacijs, in auctum diei, bruma octaua in parte Capricorni : noctis verò, solstitio totidem in partibus Cancri. Inæqualitatis causa obliquitas est signiferi, cum pars æqua mundi super subterq; terras omnib. fiat momentis. Sed quæ recta in exortu suo
con-

conferunt signa , longiore tractu tenent lucem :
quæ verò obliqua, ocyore transeunt spacio.

APPENDIX.

In hoc capite summam complexus est Plinius omnium
quæ solent tradi de causis inæqualitatis dierum & noctium,
& ut eò melius possit intelligi, repetemus ex libellis de sphæ-
ra hanc rem aliquanto copiosius. Sphæra diuiditur in re-
ctam & obliquam. Recta vocatur quæ habet vtrunq; po-
lumin horizonte, in qua æquinoctialis circulus cum hori-
zonte rectos angulos constituit. Obliqua, quæ habet alto-
rum eleuatum, alterum sub horizonte depressum. In recta
autem sphæra dies semper sunt æquales noctibus, in obli-
qua verò inæquales. Causa autem istius diuersitatis est in-
qualis signorum ascensio, quæ hoc modo est colligenda.
Motus primi cœli est vniformis & regularis, semper enim in
æquali tempore regulariter atq; vniformiter circumuolui-
tur, ergo hic motus est regularis mensura temporis. Aequi-
noctialis autem circulus, quia consistit ad rectos cum axe
mundi angulos, eodem etiam modo regulariter & vniformi-
ter in quavis sphære habitudine oritur atq; occidit, er-
go etiam & hic circulus erit mensura temporis. Tenipus
enim nihil aliud est quàm mensura motus æqualis & regula-
ris. Et per consequens, omnes reliqui circuli respectu æqui-
noctialis, oblique locati, inæqualiter oriuntur atque occi-
dunt. Zodiacus autē, quia est obliquus circulus, poli enim
eius a polis mundi pari distantia discedunt, ideo etiam in-
æqualiter oritur & occidit, hoc est, inæquali tempore in-
æquales ipsius arcus ascendunt atq; descendunt. Quia verò
Sol, qui producit mundo diem & noctem, perpetuo cursu
sub hoc circulo fertur, ideo dies aut produ. aut min. prout
parum aut multum æquino. circuli, cum ascensionib. diur-
nis signorum zodiaci ascendit: dictum enim est æquinoctia-
lem circulum mensurare tempus : singulis enim horis in

De causis
inæquali-
tatis dierū
& noctiū.

quacunque die regulariter de hoc circulo 15. gra. ascendunt. Ergo qui volunt causam inæqualitatis dierum ac noctium cognoscere, illi dent operam ut discant, quantum æquinoctialis circulus cum singulis partibus zodiaci ascendat, ex quibus facile arcus diurnus colligi potest, qui si diuidatur per 15. horæ & horarum partes exacte prodibunt. Exempli gratia, Volo scite quantus sit arcus diurnus Sole ingrediente in principium Cancrī in nostro horizonte, supra quem eleuatur polus 52. gradibus, colligo primum quot gradus æquinoctialis circuli cum Cancro ascendant in habitudine nostræ sphaeræ, & inuenio 37. grad. & 55. min. Item cum Leone 42. grad. & 54. min. cum Virgine 43. minutum nullum. cum Libra 43. & nullum min. cum Scorpione 42. & 54. min. cum Sagittario 37. & 55. min. Summam iam horum arcuum in vnum colligo (singulis enim diebus totius anni in quocunque horizonte semper sex signa de zodiaco oriuntur siue dies sint breues siue longi) & habeo arcum diurnum æquinoctialis circuli 247. graduum, & 38. minutorum, quem si diuisero per 15. quoties ostendet horas diurnas, & sunt 16. horæ, minuta 30. quantitas videlicet diei maximæ in nostra eleuatione: quem numerum si a 24 horis subtraxero, relinquetur quantitas noctis breuissimæ. Eodem modo faciendum est cum omnibus reliquis arcub. zodiaci: hoc enim constat singulis diebus sex signa de zodiaco oriri: quæro iam ascensiones horum sex signorum, & habeo arcum diurnum. Constat autem, quod singulis diebus artificialibus in omni habitudine sphaeræ tantum sex signa de zodiaco ascendant, quia in omni hemisphaerio abscinditur Zodiacus ab horizonte in duas æquales partes: nam quodocunque duo maiores circuli se secant, intersectio fit in duas æquales partes. Habent enim se ad sphaerā, ut diametri ad circulum: omnes autem diametri in circulo sese per æqualia secant, atque etiam ipsum circulum per defini. circuli & diametri: ergo etiam omnes maiores circuli sese secantes tam se quam sphaeram in duas æquales partes secant.

Cumq̃

Cumq; zodiacus in duas æquales partes secetur ab horizonte, necesse est semper sex signa supra horizontem & sex infra existere: & quia Sol in eodem signo & gradu quo oritur etiam occidit, necesse est tantum sex signorum arcum diurnum, siue sit longa siue brevis dies, existere. Eadem est ratio de nocte siue longa siue breui.

Sed hoc loco præcipuè interrogari solet: Quare igitur de æquinoctiali non eodem modo oriuntur sex signa, cum sit eadem ratio interfectionis æquinoctialis & horizontis: vterq; enim est maior circulus? Respondeo, etiam de æquinoctiali circulo perpetuò existunt sex signa in vtroq; hemisphærio: inde tamen non sequitur, quod necesse sit perpetuò oriri & occidere sex signa sicut de Zodiaco: arcus enim æquinoctialis circuli nō pariter oriuntur nec occidunt cum arcubus Zodiaci. Alter enim est circulus rectus, descriptus super polis mundi, super quibus fiunt reuolutiones diurnæ ac nocturnæ, qui eundem angulum perpetuò cum horizonte fixo describit: alter est obliquus, descriptus super proprijs polis, qui subinde in suis ascensionibus & descensionibus angulos cum horizonte obliquo variat. Ergo nullo modo pares ascensiones horum duorum circularum existere possunt: interim tamen hæc dissimilitudo non impedit, quo minus vterq; ab horizonte in duas æquales partes secetur, imò hoc necessariò sequitur ratione interfectionis magnorum in sphæra circularum, ex qua interfectione hoc tantum sequitur, quod vtriusq; circuli vna medietas semper est supra horizontem, & altera infra. Illud autē non sequitur, quod hæc medietates simul oriantur aut occidant, sunt enim hæc inter se dissimilia, simul oriri & simul interfecari.

Quæret aliquis, quare ergo tantum de Zodiaco in omni die naturali siue longa siue breui, sex signa oriuntur, & non de æquinoctiali, cum eadem sit ratio interfectionis, quemadmodum iam dictum est? Respondeo, hæc regularitas in Zodiaco fit ratione Solis. Sol enim mundo producit diem, cumq; horizon interfecet Zodiacum in partes æquales, ne-

cessè est quod semper transeat per gradum Solis manè ascendentem, & per gradum illi oppositum, cumq; hic oppositus gradus reuolutione cœli venit ad orientalem intersectionem horizontis, necesse est gradum in quo Sol est, existere in occidentali intersectione, per definitionem intersectionis duorum magnorum in sphaera circulari. Sic etiam in æquinoctiali circulo semper oppositus gradus gradui orienti, occidit illo ascendente, & rursus illo descendente oritur: sed hic ortus & occasus mundo non affert diem & noctem, propter Solem, qui non mouetur in hoc circulo. Vnde bene potest accidere, quod gradus simul orientes in his duobus circulis non simul occidant, & e contra, &c.

Quare dicitur
in sphaera
recta
sunt æquales.

Quæret iterum aliquis, quid igitur sit quod in sphaera recta, dies semper æquantur noctibus, cum tamen etiam istic zodiacus obliquè ascendat? Respondeo: Hanc habere zodiacum cum horizonte recto habitudinem, vt semper signis interdiu ascendentibus respondens æquatoris arcus æquetur, hoc est, tantum singulis diebus oriatur de æquinoctiali, quantum de Zodiaco. Præterea in sphaera recta quilibet gradus Zodiaci maiorem in horizonte amplitudinem non admittit, quàm sit declinatio ipsius: ergo etiam nec maius tempus consumit in ortu quàm in occasu, & e contra.

(Et in centrum incidens terræ.)

Quatuor
partes
scilicet

Id est, quatuor notabiles differentias anni Sol efficit, duo videlicet æquinoctia, & duo solstitia. Accidunt autem hæ differentie, quando Sol in centrum terræ incidens, hoc est, quando Sol describit maximum circulum situm in medio duorum polorum & secantem sphaeram rectam in duas partes æquales: quando enim extra æquatorem Sol motu primi mobilis describit paralelos, tum illi omnes sunt minores maximis circulis, itaq; non dicuntur incidere in centrum terræ, nec sphaeram in duas partes æquales secare.

Id autem ait accidere in octanis partibus Arietis & Libræ,

bræ, hoc est, dodecatemorij inchoati à prima stella Arietis, quæ Plinij tempore secuta est vernalem intersectionem Zodiaci & æquatoris septem partibus, & olim octo partibus præcessit eandem vernam intersectionem. Veteres initia sumpserunt diuisionis Zodiaci & signorum non ab intersectione vernali, sed à prima stella arietis, quæ tunc ferè octo gradibus præcedebat intersectionem vernalem, hanc veterum sententiam hoc loco secutus est Plinius. Séd sciendum est, quod ecliptica octauæ sphæræ pro diuersa sua habitudine, non semper in eodem puncto æquinoctialem primi mobilis interfecat, sed aliquando in ipso principio arietis fit intersectio, aliquando antè, aliquando verò post, propter motum octauæ sphæræ super paruis circulis. Vnde sequitur, quod puncta æquinoctialia non sunt fixa, sed variantur pro diuersa habitudine eclipticæ octauæ sphæræ ad æquinoctialem primi mobilis. Sol enim tunc efficit æquinoctium, quando suo cursu fertur in æquinoctiali primi mobilis. Orbis autem Solare corpus deferens nunquam superficiem octauæ sphæræ egreditur, ergo illas ipsas vicissitudines intersectionum, quas habet ecliptica octauæ, necesse est etiam Solem recipere, qui in ista superficie perpetuò mouetur, neq; illam vnquam egreditur. Vnde sequitur, Solem aliquando existere in circulo per polos eclipticæ primi mobilis & caput Arietis eiusdem transeunte, & tamen non esse in puncto æquinoctiali, quia nondum suo centro attingit æquinoctialem primi mobilis.

Plinius verò hoc loco vtitur vocabulis Arietis & Libræ pro asterismis ipsorum, & vult caput arietis præcessisse intersectionem vernam octo partibus, quod an verum sit ex Ptolemæo æstimari potest, quí ait, quod sua ætate prima stella Arietis præcesserit sectionem vernam 7. partib. Hodie verò istæ intersectiones ne quidem in signis istis sunt, sed in Piscibus & Virgine anticipant 4. gradus ferè, quemadmodum patet ex tabulis. Eodem modo iudicandum est, quod non sit necesse semper solstitium fieri, Sole existente

in capite cancri vel capricorni primi mobilis. Potest enim Sol existerre in circulo per polos Zodiaci primi mobilis & caput canci eiusdem transeunte, & tamen in isto loco non habere maximam declinationem, sed ante in ipsa fuisse, vel post in ea futurum esse. De hac tota tractatione legant adolescentes Peurbachij libellum de motu octauæ sphaeræ: nullum enim de hac re scio melius scriptum extare.

(Bis permutatis spacijs.) hoc est, binis factis vicib. incrementi dierum & noctium, ita videlicet vt dies incipiant augeri in solstitio brumali, quod fit Sole existente in octaua parte Capricorni, quod eodem modo intelligitur, sicut supra dictum est, de octaua parte Arietis & Libræ. Sic tursus noctes augeri incipiunt & decrefcere dies in solstitio æstiuo in octaua parte Cancti. Ex his potest intelligi quare dicat, Bis permutatis spacijs in auctum diei.

(Inæqualitatis, causa obliquitas, &c.)

Inæquali-
tatis die-
rum & no-
ctium cau-
sa.

Hic locus est præcipuus in hoc capite: complexus est autem velut compendio totam illam tractationem de causis inæqualitatis dierum & noctium, & ait causam inæqualitatis esse obliquitatem Zodiaci, hoc est, Zodiacus est magnus circulus, ideo necesse est semper eius æquas partes super subterq; terras esse. Verim quia est obliquus, rursus necesse est æquali tempore non æqualiter eum oriri: aliquæ enim eius partes rectè oriuntur & aliquæ obliquè. Rectè oriuntur quæ longius tempus in exortu suo occupant, ergo etiam longiore tractu tenent lucem. Obliquè oriuntur, quæ ocyore transeunt spacio, id est, celerius ascendunt: huius autem motus est velut norma ac regula æquinoctialis circulus, cuius partes semper æqualiter inæquali tempore ascendunt. Quæ autem signa rectè & quæ obliquè ascendant, & quomodo pro diuersitate regionum ascensiones varientur, legant studiosi librum tertium de sphaera, vbi hæc tota tractatio copiosius explicatur.

CAPVT XX.

Quare Ioui fulmina assignentur.

LAtet plerosq; , magna cœli affectatione comper-
tum à principib. doctrinæ viris, supernorū trium sîde-
rum ignes esse, qui decidui ad terras fulminū nomen
habeant: sed maximè ex ijs medio loco siti: fortas-
sis quoniam contagium nimij humoris ex superiore
circulo, atq; ardoris ex subiecto, per hunc modum
egerat. Ideoq; dictum Iouem fulmina iaculari. Er-
go vt è flagrante ligno carbo cum crepitu, sic à si-
dere cœlestis ignis expuitur, præscita secum affe-
rens, ne abdicata quidem sui parte in diuinis cessan-
tè operibus. Idq; maximè turbato sit aëre, quia col-
lectus humor abundantiam stimulat, aut quia tur-
batur quodam ceu grauidi sideris partu.

APPENDIX.

Hoc caput magis ad Meteorologicam tractationem
pertinet quàm ad astrologicam: verùm quia Epicureorum
philosophia hæc cum cœlo coniungit, & Plinius, qui illam
in plerisq; locis sectatur, has causas inter cœlestes collocat:
querit autem causam cur Ioui fulmina assignentur: Prin-
cipio autem præfatur se quædam arcana proditurum esse,
quæ plerosq; eruditos latent, hæc autem comperta acri stu-
dio à principibus doctrinæ viris, hoc est, qui ingenio & do-
ctrina excelluerunt, qui dicunt tres superiores Planetas
ignes esse, Sic etiam loquitur Lucretius cum ait:

Et ignes

*Passim per cœli volunt se inania templa.
Sive aliunde fluens alicunde extrinsecus aër
Versat agens ignes, sine ipsi serpere possunt,
Quò cuiusq; cibum vocat, atq; inuitat cuntes*

Flam-

Flammæ per cælum pascentes corpora passim.

Hunc ignem ait Plinius fulminis nomen habere, quando ad terram defluit, maximè tamen ait id accidere in Ioue, propter contagium nimium humoris ex superiore Saturni circulo, atq; ardore ex subiecto Martis. Contagium vocat excrementum collectum ex vicinis sideribus, ex superiore circulo; hoc est, ex Saturno, humorem: ex subiecto, hoc est, Marte, ardorem, quæ excrementa cum in Ioue conveniant, excitatur propter contrarias qualitates talis pugna, qualem videmus quando ex flagrante ligno humido carbo cum crepitu exilit.

Quia verò supra dictum est, nullas contrarias qualitates in cælestibus corporibus existere, necesse enim esset illa mutari ac altetari ex hac pugna pro diuersitate victricis qualitatis. Præterea, stellæ non sunt actu nec calidæ nec frigidæ, sed tales dicuntur potentia & effectiue. Vnde nullo humore tetreno ali nec nutriri possunt, alioqui ipsorum corpora alterationes & mutationes reciperent, sicut nostra, quod quia non fit, ideo ratio Plinij est satis infirma.

Cur Ioui
fulmina
assignen-
tur.

Cur autem Ioui præcipuè fulmina assignentur, existimo fieri, quia hæc stella fecunda est in ciendis flatibus, & vt inquit Ptolemæus, *ποσειδων ἀντιπνέει τῇ αἰέτι τῇ αὐτῆς*, & hoc modo materiam fulminum in aëre cogit atq; condensat. Eandem causam Pontanus complexus est, cum inquit:

*Aëris ipse etiam campos tenet, vnde per auras
Fulmineo inuehitur currus, quo maximus Atlas
Intremuit, tonitruæ poli, atq; exterrita pressit
Corda virum pauor exangui, &c.*

(Præscita secum afferens, &c.)

Id est, prænunciat futura: nam ex fulminibus prædici solent futura, vt ille ait:

*Has iras Iouis esse canit longævus Aruspex
Aduersi non aqua Dei portenta sacerdos
Terrificat, dira ingeminat per pectora curas
Religio, &c.*

(Ne

(Ne abdicata quidem sui parte, &c.)

Id est, ne excrementis quidem siderum carentibus diuina virtute, Quasi dicat, etiam hæc excrementa vim præmonendi & futura significandi habent. Cessante, hoc est, ociosa existente in diuinis operibus & sacrificijs.

(Idq; maximè turbato fit aëre.)

Si fulmina ex stellis velut parturientibus decidunt, cur non fiunt etiam sereno cælo? Quia, inquit, collectus humor abundantiam stimulat, id est, fiunt fulmina turbato aëre, hoc est, nubiloso, collectus enim humor abundantiam stimulat, hoc est, nubes augent, & prouocant humiditatem & calorem in Ioue: aut quia aër turbatur, hoc est, afficitur per *superabundantiam* cum Iouis sidere, quando videlicet sidus Iouis cum crepitu & violentia quadam concutitur, ut expuat ac egerat quod in ipso redundabat. Quam autem infirma sit hæc ratio, intelligi faciliè ex veris & firmis elementis physicæ potest.

C A P V T X X I.

Interualla siderum.

INTERUALLA quoque siderum à terra, multi indaga-
re tentauerunt: & Solem abesse à Luna vnde uigin-
ti partes, quantum Lunam ipsam à terra, prodide-
runt. Pythagoras verò vir sagacis animi, à terra ad
Lunam centum vigintisex millia stadiorum esse col-
legit. Ab ea vsque ad Solem duplum. Inde ad duo-
decim signa triplicatum. In qua sententia & Gallus
Sulpitius noster fuit.

De distan-
tia siderū
à terra.

Censorin⁹
esp. 13 ad-
dit viciis.

A P P E N D I X.

Tria sequentia capita coherent: continent autem utri-
lissi-

lissimum locum de distantia Lunæ & Solis & reliquarum stellarum à centro terræ, de qua re legant studiosi Alphragæ. cap. 21. & Albategni cap. 50.

(Et Solem abesse à Luna, &c.)

Recitat hoc loco Plinius sententias quorundam de hac distantia, atque ut solet, nihil constituit vtrā sit certior aut verior, sed ea de re iudicium lectori relinquit: ait autem Solem abesse à Luna vndeuginti partes, illarū videlicet quarum tantum una est à terra ad Lunam. Est autem hīc varia lectio, alij legunt, quarum unam Lunam ipsam à terra. Certum est textum esse mendosum si legatur, quantum Lunam ipsam à terra, nam statim subiungit, ab ea usque ad Solem duplum, ergo non tantum abest quantum Luna à terra. Est autem hæc sententia Plinij, decies novies mains esse illud spacium quod est à Luna ad Solem, quam illud quod est à terra ad Lunam. Ex Pythagoræ autem sententia Luna abest à terra 126. millibus stadiorum, hoc est, ter mille septingenta & octoginta miliaria nostratia. Ergo hæc distantia multiplicata per decem, novem producit stadia, quæ sunt à Sole ad Lunam. Quam autē rationem secutus sit Pythagoras in mensurandis his spacijs non constat, atque ideo existimo esse mendosam, constat enim Lunam humillimam distare à terra tricies tribus semidiamentris & semisse, quæ faciunt miliaria vicies octies milia & octoginta. Cum experientia autem consentit, quod distantia Solis à terra maxima est 2309. par. 45. min. 50. secun. à qua si auferatur Lunæ distantia à terra, scilicet 64. par. 10. min. remanet distantia Solis à Luna 1245. par. 35. min. 50. secun. quam diuide 64 $\frac{1}{2}$ proueniunt 19 $\frac{3}{4}$.

Distantiam itaque à terra ad Lunam Ptolemæus instrumentis & obseruationibus deprehendit, cuius sententiam legant studiosi lib. 5. magnæ compo. & propo. 17. quinti epitomatis. Sed quia plerique hunc laborem querendi fugiunt, arbitror me rem gratam studiosis facturum, si has quan-

quantitates in vnā tabellam conscriptas oculis spectandas proponerem, vt semper oculis obuersentur sine aliqua obscuritate, præsertim in numeris nobis notis. Initio tamen monendi sunt, vt quantitatem semidiametri terræ discant: ad hanc enim reliquarum omnium quantitatum fiet collatio. Continet autem semidiameter terræ miliaria 859 $\frac{1}{4}$ talium, qualium 4000 passus efficiunt vnum, hoc est, miliaria germanica communia. De inuentione autem semidiametri terræ dicetur in penultimo capite huius libri.

Distantia itaque centri epicycli Lunæ à terræ centro in apogæo, continet terræ semidiametrum quinquagies nouies, & est miliariorum germanicorum 50686 $\frac{4}{7}$. Semidiameter autem epicycli, continet semidiametri terræ quinque partes & decem minuta, hoc est, miliaria germanica 4439. Si iam Luna est in apogæo sui epicycli, addatur hæc distantia ad priorem, & relinquetur distantia Lunæ à centro terræ: si in augis sui epicycli opposito, subtrahatur. si in longitudinibus medijs, nulla additione aut subtractione opus est.

Distantia centri epicy. Lunæ à centro terræ in augis opposito continet semidiametrum terræ tricies octies, & est miliariorum germanicorum 32645 $\frac{8}{7}$. ad quam distantiam addatur vel subtrahatur quantitas semidia. epicycli, prout ipsa est in eius auge aut oppo. & relinquetur veræ eius distantia à terra.

Distantia autem Solis à centro terræ continet terræ semidiametrum millies ducenties decies, hoc est, miliaria germanica 1039500. distantia autem à conuexo Lunæ ad concauum Solis millies centies & quadragies quinquies semidiametrum terræ continet.

Eodem etiam modo diametros horum corporum certis obseruationibus deprehendit Ptolemæus, & tradit semidiametrum corporis Lunaris continere nullam integram partem semidiametri terræ, sed tantum 17. eius mi-

Semidia-
metri Solis,
Lunæ
& terræ.

nuta,

nuta, hoc est, miliaria germanica 265. Vnde ex ratione diametri ad circumferentiam, ambitus corporis Lunarisis erit miliariorum 1590. Itaq; Lunæ ad terram est proportio sicut vnum ad tria & duas quintas. Proportio verò corporis Lunæ ad corpus terræ est sicut proportio vnius ad 39. & quartam ferè, hoc est, terra est maior Luna trigesies nonies, & insuper continens quartam ferè.

Semidiameter autem corporis Solaris continet semidiametrum terræ quinquies & 30. minuta, hoc est, miliaria germanica 4724.57. Circumferentia autem corporis Solaris continet miliaria 28349.42. Est itaque proportio corporis Solis ad corpus terræ sicut 166. ad vnum, hoc est, Sol est maior terra centies sexagies sexies, & Solis diameter est quintuplus ad terræ diametrum, & insuper eius continens medietatem. Item proportio corporis Solaris ad corpus Lunæ est 6539. & medij, ad vnum: hoc est, Sol est maior Luna sexies millies quingenties & tricies nouies.

Vberriam harum rerum tractationem, & singulariū propositionum demonstrationes legant studiosi apud Ptolemæum lib. 5. & Becri librum 5. & in Optice Vitellio. lib. 10. propo. 59.

TABVLA CONTINENS DISTAN-
TIAS PLANETARVM A TERRA,
numeratas in Semidiame. terræ & eiusdem
miliaribus, ex capite 50. Al-
bategnij.

Cent.

Cent.
 Pla-
 netæ
 exi-
 stente
 in
 auge
 long. M.
 op. auge.
 auge
 long. M.
 op. auge.

LUNAE MERCURII VENERIS SOLIS

| Sc. | M. | Mill. | Sc. | M. | Mill. | Sem. | Milliar. | Sem. | Milliar. |
|-----|----|-------|-----|----|--------|------|----------|------|----------|
| 64 | 10 | 55058 | 165 | 46 | 142407 | 1079 | 926951 | 1176 | 1010282 |
| 48 | 51 | 41962 | 114 | 56 | 98737 | 622½ | 5347791 | 127½ | 968616 |
| 33 | 33 | 28822 | 64 | 10 | 55058 | 166 | 142407 | 1079 | 926951 |

MARTIS IOVIS SATURNI

| Sem. | Milliar. | Sem. | Milliar. | Sem. | Millia. |
|------|----------|-------|----------|-------|----------|
| 8232 | 7071974 | 13171 | 11314987 | 18441 | 15842356 |
| 4704 | 4041128 | 10701 | 9193051 | 15806 | 13578671 |
| 1176 | 1010282 | 8232 | 7071974 | 13171 | 11314987 |

Diffantia B in auge eadem est cum diffantia stellarum
 fixarum à terra.

CAPVT XXII.

De fiderum Musica.

Sed Pythagoras interdum ex musica ratione appellat tonum, quantum absit à terra Luna. Ab ea ad Mercurium, spacij eius dimidium: & ab eo ad Venerem ferè tantundem. A qua ad Solem sesquiplum. A Sole ad Martem tonum, id est, quantum ad Lunam à terra. Ab eo ad Iouem dimidium, & ab eo ad Saturnum dimidium, & inde sesquiplum ad signiferum: ita septem tonos effici, quam diapason harmoniam vocant, hoc est, vniversalitatem concentus. In ea Saturnum Dorio moueri, Martem phthongo, Iouem Phrygio, & in reliquis similia, iucunda magis quàm necessaria subtilitate.

APPENDIX.

(Sed Pythagoras interdum, &c.)

Pythagore
heptachor
dum.

Supra dictum est quæ sit distantia horum trium corporum ad se inuicem. In hoc loco eandem sententiam iterum repetit, diuersa tamen sermonis forma. Refert enim hanc totam rationem ad proportionem musicas, non puto alia causa, nisi exercendorum puerorum causa, quos hoc modo assuefacere voluit Pythagoras, vt harum artium cognitionem obseruarent. Pythagoras enim in schola sua tantum mathematicas disciplinas tradidit, in quibus diu multumq; adolescentes exercuit, & vt illos ad demonstrationes assuefaceret. Sic etiam heptachordum construxit, secundum numerum septem Planetarum, ex suppositis interuallis secundum musica interualla seu proportionem, non quod reuera hæc essent interualla sphaerarum, sed harmonicam rationem ita concinnauit ad orbem cœlestes, planè metapho-

metaphoricè, ad instar septem chordarum sui heptachordi. Ita ut diceret à terra ad Solem esse diapente, à Luna ad Solem diatessaron, à Sole ad cœlum diatessaron: à cœlo ergo ad terram erit diapason.

Si quis verò hæc ad proportionem arithmeticas transferre velit, ille plurimum errabit, id quod hoc loco Plinius fecit, qui colligit à Luna ad Mercurium esse semitonium, ergo etiam esse eius spacij dimidium, quod est falsum. Semitonium enim non est dimidiatus tonus, sed velut mancus ac imperfectus tonus. Semitonium. Diuiditur enim tonus in duas partes Toni diuisio. inæquales, videlicet, in semitonium minus, quod Græci die-sio. sin siue *ᾠή* vocant, & in semitonium maius, quod Græci *ᾠή* vocant, ac superat semitonium minus commate. Proinde etiam in musica quando tres toni secundum geometricam proportionalitatem disponuntur, ac medius ita collocatur, ut ambobus extremis æquis proportionibus correspondeat, tunc simul ducti disconueniunt ac discordant, ita etiam, si musica harmonia præcise in Arithmetica seu Geometrica proportionem secatur, discordat cum æqua numerorum ratione, nam vtriusque est diuersa ratio, ac alius etiam finis. Heptachordum autem constat ex septem chor-dis, quarum prima vocatur Hypate, quia est cæteris maior ac grauior, quæ Saturno est attributa, propter tarditatem motus & grauitatem sonus. Secunda vocatur Parhy-pate, quæ est attributa Ioui. Tertia vocatur Lychanos, quæ habet nomen ab illo digito quo pulsabatur, & est attributa Marti. Quarta vocatur Mese, quia est media, quemadmodum Sol mediū inter Planetas locum obtinet. Quinta vocatur Paramese, quasi iuxta mediam. Sexta vocatur Paranete. Septima verò Nete, quasi postrema ac vltima, quæ Lunæ attributa est. Hepta-chordum quib. constat.

(Ita septem tonos effici, &c.)

Ex hoc loco colligitur Plinium Pythagoræ sententiam non assecutum esse: diapason enim consonantia constat ex

quinq; tonis & duobus semitonijis minoribus, quæ tamen
 Diapason. vnum integrum non implent tonum. Diapason enim ex
 Diatessa- diapente & diatessaron constat, diatessaron autem conti-
 ron. net duos tonos & semitonium minus, diapente verò tres
 Diapente. tonos & semitonium minus, quæ iuncta simul efficiunt quinq;
 tonos & duo semitonia, & quoniam hæc duo semitonia non
 sunt integræ medietates, itaq; iuncta integrum tonum non
 constituunt. Cum itaq; in harmonia diapason tantum quin-
 que toni & duo semitonia minora contineantur, quæ non
 implent tonum sextum, ergo in harmonia diapason non
 sunt ultra sex, tantum abest vt septem efficiant tonos, &
 per consequens non est apta translatio tonorum ad nume-
 ros. Vberrimam huius loci explicationem petant studiosi
 ex libro secundo & reliquis Boëtij de Musica. Hanc sermo-
 nis formam multi à Pythagora mutuati sunt. Censorinus
 in libro de die natali ait: à terra ad Lunam Pythagoras
 putauit esse stadiorum circiter 125000. idq; esse tonorū
 interuallum dixit. Item Higinius in libro de imaginibus
 cœlestibus, &c.

(In ea Saturnum Dorio moueri, &c.)

Modi Musici. Septem sunt modi Musici, siue toni vsitati, qui septem
 species Diapason in systemate Musico constituunt: octauus
 enim, quem quidam adijciunt & Hypermixolydium vo-
 cant, à primo nihil aut parum differt. Primus consistit in-
 1. ter A & a, ac respondet tono, vt vsitatè Cantores vocant,
 11. Secundo, vocaturq; ab antiquis Musicis Hypodorius. Se-
 cundus versatur inter B & b, & respondet tono quarto,
 111. vocaturq; Hypophrygius. Tertius consistit inter C & c, &
 1111. respondet sexto tono, & dicitur Hypolydius. Quartus
 consistit inter D & d, & respondet primo tono, & vocatur
 v. Dorius. Quintus versatur inter E & e, ac respondet tertio,
 v1. vocaturq; Phrygius. Sextus versatur inter F & f, ac re-
 v11. spondet quinto tono, ac dicitur Lydius. Septimus ac vlti-
 mus consistit inter G & g, & respondet septimo, ac voca-
 tur

tur Mixolydius. Inter hos modos præcipui sunt Dorius, ^{Præcipui} Phrygius, & Lydius, vel quod ab his gentibus, à quibus ^{horum mo-} toni appellationem sortiuntur, tonorum ratio primum in-^{darum.} uenta sit, vel quod propemodum in systemate Musico medium sibi locum vendicant, suæq; suauitate reliquos longè vincunt, propterea etiam adhuc hodie præcipuè in vsu sunt apud eos, qui Musicam instrumentalem exercent.

His modis Musicis Plinius hoc in loco Planetarum motus assimilât, ac motû Saturni Dorio attribuit, quia sicut Saturnus inter Planetas vltimus est, & motum tardissimum habet, ita hic modus inter primarios primus est, & tono primo respondet, qui concentum requirit grauem, modestum ac suauem. Ioui verò Phrygium, quia & hic tonus secundus in primariorum ordine, sicut & Iupiter in Planetarum numero est, ac nostro tertio respondet, qui amat seueras melodias, quales naturæ Iouis conueniunt. Lydium attribuit Mercurio, quem phthongum, id est, auctum, suauem ac hilarem vocat. Talis enim est natura toni quinti, cui Lydius respondet.

Puto autem hæc à veteribus Philosophis excogitata, & ad Musicas harmonias Planetarum motus accommodatos esse, non quod reuera senserint tales concentus effici, sicut supra quoq; in capite tertio de harmonia mundi dictû est, sed vt suauitatem huius studij adolescentibus commendarent, & hac Musicæ collatione eos ad horum studiorum cognitionem allicerent. Sed de his satis. Ac qui plura de tonorum cognitione desiderat., legat de ea re Glareanî *Ῥητορικὴ* 11. lib. in quo omnem tonorum rationem veterum & recentiorum eruditè & copiose explicat. Lucianus in Armonide Tonorum meminit, cum inquit: *τὸ τῆς ἀρμονίας ἑκάστη διαφιλᾷται τὸ ἴδιον, ὃ φρυγίον τὸ ἑβραῖον, τῆς λυδίου τὸ βαρβάρου, ὃ δωρίον τὸ σιρην, ὃ ιωνικὸν τὸ γλαφυρὸν, &c.*

CAPUT XXIII.

De Mundi Geometria, hoc est, mensuratione.

aliā qua-
d. ingento
totū.

alii, in
quam.

Ratio geo-
metricæ
collectio-
nis per p-
portionem
diametri
ad circū-
lum.

STadium centum viginti quinque nostros efficit pas-
sus, hoc est, pedes sexcentos viginti quinque. Possido-
nius non minus quadraginta stadiorum à terra alti-
tudinem esse, in qua nubila ac venti nubesq; proue-
niant. Inde purum liquidumq; & imperturbatæ lucis
aërem. Sed à turbido ad Lunā vicies centum stadio-
rum. Inde ad Solē quinquies millies. Eo spacio fieri,
ut tam immensa eius magnitudo non exurat terras.
Plures autem nubes nongentis stadiis in altitudinem
subire prodiderunt. Incomperta hæc & inextricabi-
lia, sed tam prodenda, quam sunt prodita: in quibus
tamen vna ratio geometricæ collectionis nunquam
fallacis possit non repudiari, si cui libeat altius ista
persequi. Nec ut mensura (id enim velle penè de-
mentis ocij est) sed ut tantum æstimatio coniectan-
di, constet animo. Nam cum trecentis sexaginta &
ferè sex partibus orbis Solis ex circuitu eius patere
appareat circulum per quem meat, semperq; dime-
tiens tertiam partem ambitus, & tertiæ paulò minus
septimam colligat, apparet dempta eius dimidia
(quoniam terra centralis interueniat) sextam ferè
partem huius immensi spacij, quod circa terram cir-
culi solaris animo comprehenditur, inesse altitudinis
spacio: Lunæ verò duodecimam, quoniam tanto
breuiore quam Sol ambitu currit: ita ferri eam in
medio Solis ac terræ. Mirum quò procedat impro-
bitas cordis humani, paruulo aliquo inuitata succes-
su, sicut in supra dictis occasionem impudentiæ ra-
tio largitur: ausiq; diuinare Solis ad terram spacia,
eadem

eadem ad cœlum agunt, quoniam sit medius Sol, ut protinus mundi quoq; ipsius mensura veniat ad digitos. Quantas enim dimetiens habeat septimas, tantas habere circulum duo & vicesimas, tanquam plane à perpendiculo mensura cœli constet. Aegyptiarum ratio, quam Petosiris & Necepsos ostendêre, singulas partes, in lunari circulo (ut dictum est) minimo, triginta tribus stadiis paulò amplius patere colligit: in Saturni amplissimo duplum: in Solis, quem medium esse diximus, utriusq; mensuræ dimidium. Quæ computatio plurimum habet pudoris: quoniam ad Saturni circulum, addito signiferi ipsius interuallo, innumerabilis multiplicatio efficitur.

Ratio circuli ad suam diametrum.

A P P E N D I X.

In hoc capite frequens sit mentio mensurarum, quibus veteres in mensurandis spatijs ac locorum interuallis vsi sunt, ideo prodest ut adolescentes vsitata nomina mensurarum in conspectu habeant ac ediscant: sunt autem ista.

Digitus continet 4. grana ordei secundum latitudinē. *Mensurarum nomi-*

Palmus quatuor digitos, & est manus transuersa.

Palmus maior 12. digitos, Græci *αρδευλον* vocant, & Latini dodrantem.

Pes quatuor palmos.

Cubitus sesquipedes seu vnam, hoc est, palmos sex.

Passus simplex seu gressus, duos pedes & semissem.

Passus geometricus quinque pedes.

Pertica decem pedes.

Stadium centum viginti quinque passus.

Stadia octo miliare Italicū, quod & 1000 passus habet.

Germanicum commune 4. Italica, seu 4000. passus.

Germanicum magnum 5. Italica.

Noti sunt versiculi vulgares:

P 4

Ex gra-

*Ex gravis digitus quatuor formabitur unus, **
Et quater in palmo digitus, quater in pede palmus.
Quinq; pedes passum faciunt, passus quoq; centum
Viginti quinq; stadium dant, sed militare
Oscio dabunt stadia, at duplatum dat tibi Lincea.

Recitat in hoc loco sententias veterum quorundam de siderum interuallis, quas prodest tenere ac conferre quoq; illas cum demonstrationib. quæ de his dimensionib. extant.

De altitu-
dine nubi-
um à ter-
ra.

PRIMA sententia est Possidonij, de altitudine nubium à terra, &c. Et quanquam sit difficile certum interuallum horum vaporum ac incertorum corporum, quæ pro materiæ fluxibilitate ac loci diuersitate magis ac minus subleuantur, inuenire, tamen quidam bonam operam in hanc rem collocarunt, & dimensi sunt distantiam à terra vsque ad consistentiam summam vaporum, id est, hanc distantiam ad quam vapores altissimè sublatis possunt pertingere. Ereditissima propo. de hac re exrat in Optice Vitellionis lib. 10. propo. 60. in qua demonstrat vaporum summam eleuationem esse 48. minu. & 30. vnius partis, qualium semidiameter terræ est 60, Ergo si tribuamus semidiametro 360. miliaria, summa altitudo nubium erit miliariorum germanicorum 11, & dodrante. Cardanus hanc Vitellionis propo. reprehendit lib. 4. de subtilitate in cap. de luce & lumine, vbi demonstrare conatur, vapores quintuplo plus ascendere quàm in præfata propositione colligitur. SEQVITVR IN TEXTV: A turbido ad Lunam, hoc est, à nubibus ad Lunam. Sed hic in numero mendatq; esse existimo, nam fortasse simpliciter scripsit Possidonius centum & viginti, id Plinius per aduerbium vices vertit. Sequitur: Tam immensa eius magnitudo, quia Sol excedit globum terræ centies & sexagies octies. Sequitur: Sed tam prodenda quàm prodita, hoc est, sicut hæc ab autoribus sunt prodita, eadem fide ego ab illis descripta refero.

Distantia
Solis à ter-
ra.

SECUNDA sententia est sumta ex demonstrationibus proportionis, quæ est diametri ad suum circulum, & profe-

profectò hæc est firmissima ac certissima sententia. Occasione enim huius proportionis quicquid notum est de quantitibus ac interuallis corporum celestium initio animaduersum ac deprehensum est. Sic autem inquit Plinius, Nam cum trecentis sexaginta & ferè sex partibus orbis Solis, &c. Hoc est, circulus solaris eccentricus habet 366. ferè partes, illarum videlicet partium, quarum singulis dieb. vnâ motu suo proprio describit, nam id ait constare ex circuitu, hoc est, motu eius, Cumq; omnis dimetiens tertiam partem sui ambitus & tertie paulò minus septimam colligat, hoc est, habet se ad ambitum in proportionem triplæ sesquiseptima, ergo ambitus tertia pars cum vna septima tertie erit diameter, ex qua dempta eius dimidia, terra enim centralis interuenit, hoc est, huius dimetientis semidiameter, erit distantia quæ est à terra ad Solem vsq; hæc autem semidiameter est sexta pars huius immensi spaciij, hoc est, circumferentiæ circuli Solaris. Sicut enim tota diameter est tertia pars circumferentiæ, ita semidiameter erit sexta. Atque hæc est sententia verborum Plinij quæ non est firma, quia terra non est centrum orbis Solis, ergo distantia à terra ad Solem non est semidiameter eius circumferentiæ. Hæc autem semidiameter, quæ educta est ex centro huius circuli, alijs obseruationibus deprehensa est continere semidiametrum terræ 1257, & esse miliariorum germanicorum 1079868. Eccentricitas autem, hoc est, distantia centri eccentrici à terre centro continet terræ diametrum 52. & miliaria germanica 44672. qui numerus ad priorem additus producit distantiam Solis à terra quando est in auge, & sunt miliaria germanica 1124540. & rursum eccentricitas subtracta à primo numero ostendit distantiam Solis à terra in augis opposito, & sunt miliaria germanica 1035196. Vide quæ supra dicta sunt cap. 3. vbi has distantias ordine collocauimus.

Sequitur ex hoc loco, sicut Solis distantia à terra continet suæ circumferentiæ sextam partem: ita distantia Lunæ

à terra continet duodecimam circumferentiæ solaris partem: quia enim fertur in medio inter terram & Solem, ideo semidiameter dimidio minor est semidiametro solari. Addit rationem: quoniam tanto breuiore quàm Sol ambitu currit, alij legunt, altero tantum breuiore, hoc est, bis tanto breuiore. Hæc ratio etiam non est firma: Luna enim non est præcise in medio inter Solem & terram, ideo hæc diffectio semidiametri in duo æqualia non est sufficiens. Constat autem ex obseruationibus in Eclipsibus factis, semidiametrum deferentis Lunæ continere semidiametrum terræ 48. quod spacium est miliariorum germanicorum 41238. Eccentricitas verò, hoc est, distantia centri eccentrici à terræ centro continet terræ semidiametrum 10. & sunt miliaria germanica 8591. quæ eccentricitas addita ad semidiametrum deferentis, ostendit distantiam Lunæ à terra in auge, & rursum subtrahæta à semidiametro deferentis producit distantiam Lunæ à terra in augis opposito.

Cœli am-
plitudo &
distantia.

TERTIA sententia huius capituli est de distantia, quæ à terra ad cœlum vsq; est, & quemadmodum supra ex ratione diametri ad suum circulum distantiam à terra ad Lunam & Solem deprehendit, ita hæc ex ratione circuli ad suam diametrum non tantum distantiam, quæ ultra Solem est ad cœlum vsq; peruestigat, sed etiam totius cœli circumferentiam. Habet autem se circumferentia ad diametrum sicut 22. ad septem. Semidiameter autem à terra ad Solem est 60. partium, ergo integra diameter 120. Et quia Sol in medio mundi fertur, ergo tantum spacij adhuc est supra Solem in cœlum, quantum est infra ad terram: ergo diameter tota erit 240 partium. Iam sicut se habent septem ad 22. ita 240. ad circumferentiam cœli. Multiplico tertium in secundum, & diuido per primum, producantur 754 circumferentiæ cœlestis circuli, hoc est, qualium partium circumferentia circuli solaris continet 360. talium circumferentia cœli continet 754. Hæc sententia multa habet absurda: ex falsa enim hypothese procedit, Solem videlicet

delicet in medio vniuersi circumferri, quod est falsum.

(Aegyptiaratio quam Petosiris, &c.)

Querret aliquis, quomodo hæ distantæ in spatijs notis perquirendæ sint? Respondet Plinius, Petosirim & Necepsum, qui ambo fuerunt Aegyptij, & Firmicus lib. 8. ait alterum fuisse regem, alterum peritissimum rerum naturæ interpretem, ex Aegyptiaca doctrina tradidisse, singulis partibus lunaris circuli respondere 33. stadia terreni ambitus. Si iam aliquis ambitum lunaris circuli in stadijs notis scire desiderat, multiplicet illum per 33. & prodibunt stadia ambitus orbis lunaris. Vnde etiam dimetiens quantitas in stadijs facillimè colligi potest, per conuersionem prioris proportionis, hoc modo: sicut quantas septimas habet dimetiens, tantas duo & vigesimas habet circumferentia, ergo commutatim quantarum duo & vigesimarum est circumferentia, tantarum septimarum est dimetiens. In Saturno autem duplum, id est, duplicatus numerus stadiorum respondet vni gradui circumferentiæ in sphaera Saturni, videlicet 66. stadia. In Solis autem sphaera vtriusq; mensuræ dimidium, id est, vni gradui lunaris circuli respondent 33. stadia: huius numeri dimidium sunt 16 $\frac{1}{2}$. hæc addita ad 33. producant 49 $\frac{1}{2}$. stadia, quæ respondent vni gradui circuli solaris. Vel quia in Saturni circulo respondent vni gradui 66. stadia, à quibus si subtraxeris dimidium 33. stadiorum, hoc est, 16. & $\frac{1}{2}$. etiam remanent 49 & $\frac{1}{2}$. stadia, hoc est, propemodum 50. stadia. Inde patet cur dicat, vtriusq; mensuræ dimidium. Verùm hæc omnia sunt irregularia, itaq; breuiter tantum sententiam verborum Plinij reddidimus, exactam & certam harum rerum demonstrationem requirant studiosi ex Ptolemæo & reliquis, qui sunt artifices in his disciplinis.

SECUNDA PARS HV- I V S L I B R I

DE METEORIS.

HACTENUS de præstantissima mundi parte, de cælo, de corporibus cælestibus, ipsotum essentia, luce, magnitudine, & moribus dictum est. Nunc ingredimur in explicationem alterius partis mundi, quæ ex elementari essentia constituitur, ita mixta & contemperata, ut non perfecta & durabilia corpora inde gignantur, sed res siue substantiæ tantum ad breue tempus durantes, & rursus evanescentes & ad sua initia redeunt. Vnde & à Philosophis imperfectè mixta vocantur, propter imbecillitatem alterationis & coagmentationis partium singularum, faciliè itaq; coeunt, ut apparet in nubibus, sed cito resoluuntur, & rursus in sua principia, hoc est, elementa redeunt.

In hac itaq; elementari parte Mundi, de qua nunc dicturus est Plinius, summum locum tenet **I G N I S**, ubi propter summam celeritatem motus & puritatem loci nihil concretescere potest. Hæc itaque regio omnium corporum impurorum siue mixtorum expers est, & est purissima & limpidissima sicut æther. Post ignem proximum locum versus nos tenet **A E R**, qui amplissimum mundi spacium implet, terramq; & aquam undiq; circumdat & complectitur, qui exhalationes sublatas excipit, illasq; leuiter alteratas retinet, donec rursus resoluantur in priores formas.

μετέωρα
quæ & quo
supplicia. **V**ocantur autem huiusmodi corpora in aëre existentia *μετέωρα*, quia existunt & generantur in sublimi, *μετέωρα* enim sublime, aut in sublimi pendens significat, nomen factum à *μετά*, & verbo *ἀείρω* vel *ἀίρω*, quod significat eleuo, suspendo, inde *μετέωρα* factum, & doctrina *μετεωρολογικὴ*, quæ præcepta de his sublimibus in aëre factis tradit.

Sunt autem duo genera impressiōum in aëre factarū, Vnum est *συνέκρια*, hoc est, rerum subsistentium, quæ vetè in aëre consistunt & in eo efficiuntur, ut sunt nubes, pluiæ, nebulae, rores, traiectiones, cometae, &c. Alterum est *ἐμφάνεια*, hoc est, quæ specie siue figura tantum visuntur & appa-

apparent, reipsa autē nullibi in aëre constant, vt Iris, arcus, parelia, Virgæ, quorum causa est radiorum luminarium refractionis siue reflexio, sicut exponetur infra copiosius.

DE TRIBVS AERIS

REGIONIBVS.

AER, de quo iam diximus, quod sit receptaculum ex-
halationum ex terra vel aquis sublatarum, diuiditur in tres Locus τῆς
μετέωρης.
regiones, supremam, mediam, & infimam, inæquales spa-
cijs vt qualitatibus.

Suprema, quæ immediatè sphæræ ignis subiecta, calida Aëris re-
gio supre-
ma.
est & sicca, & simul cum sphæris cœlestibus motu rapidissi-
mo primi mobilis circumagitur ab ortu in occasum, ad
quàm sicciores & teneriores halitus feruntur, qui si sunt sic-
ciores & rariores illic dissipantur & euanescent, si verò hu-
midiores, tum illic amplius percoquantur, & coctura pin-
guescent, & in grandem molem concresecunt, quæ moles
vel in orbem compingitur, vel latè funditur aut spargitur,
vel in longum extenditur, quæ si inflammatur, diu alere in-
cendium potest, sicut infra copiosius de Cometis dicitur.

Media aëris regio non mouetur, vt superior, illic enim Media.
motus raptus sphærarum cœlestium elanguescit, est etiam
frigidior cæteris, vnde receptaculum esse dicitur humida-
rum exhalationum, quæ temperato frigore densatæ co-
guntur in nubes. Cum autem aër in propria substantia sit
humidus & calidus, quaeritur cur hoc loco dicatur esse fri-
gidus? Respondeo, distinguendum esse inter temperiem
siue naturam propriam aëris, & aliunde ab extrinseco per-
mixto acquisitam: sic aër in sua propria natura est tempe-
ratè calidus & humidus, sed sit calidior aut frigidior prout
diuersas impressiones recipit, sic in æstate est calidissimus,
in hyeme frigidissimus, quia tales intensas qualitates aliun-
de recipit. Sic etiam in media regione aër sua natura cali-
dus & humidus est, alioqui enim ipsius forma tolleretur &
define-

desineret esse aër: sed propter vapores frigidos fit seipso frigidior, sicut in infima regione propter radios reflexio fit seipso calidior: sed sicut diuersi sunt gradus istius mutationis aëris propter diuersas & dissimiles causas ipsum alterantes, ita quoque videmus Meteora variari, nunc gignitur nix, vbi prius grando, &c. Suprema aëris regio calidior sua natura est propter ignis vicinitatem, infima verò etiam calidior propter reflexionem radiorum solarium calidorum, quæ usque pertingunt. Sic Media propter vapores frigidos in media aëris regione à circumstante vndique æstu inclusos frigidior existit, quæ frigiditas etiam καὶ ἀντανέστις, hoc est, cohibitione siue compressione qualitatis à contraria qualitate circundante eam aliquando intenditur. Inde conspici potest, aërem non esse per sese frigidum, sed per comparisonem ad eas res, quæ miscentur cum aëre, quæ alienas qualitates illi imprimunt, vt cum res frigida in hac aëris parte contineantur, non mirum si etiam ipse frigeat. Opponunt autem quidam, quod radius solaris transiens calefaciat eum: illi ignorant quod radius solaris neque calefaciat neque illuminet nisi in aliquo corpore densiore repercutiatur, hæc enim repercussio sic intendit duplicando radium, vt tum primum fiat efficax & vires suas intendat.

Hæc media regio aëris maius spacium cæteris occupat, sed illud non semper eodem modo retinet, aliàs enim propius, aliàs etiam longius à terra recedit: itaque difficile est ipsius metas certis limitibus circumscribere. Variæ fuerunt obseruationes hominum ingeniosorum de hac re, quemadmodum recitauimus eas in postremo capite primæ partis huius libri, vbi dictum est, summam nubium μέγιστην altitudine sua continere 48. min. 10. secunda vnius partis sexagesimæ de semidiametro terræ, atque hæc coniectura facta est ex obseruatione primæ tincturæ lucis in nubibus ante Solis ortum, ad tantam enim altitudinem ascendere potest vapor de terra, vt in regione frigidior condensetur adeo vt radium Solarem non possit transmittere nisi paulisper refractum,

fractum, ita vt in loco fractionis aliquod lucis vestigium relinquat, quod à nostris vocatur aurora. Si verò semidiametro terræ tribuuntur miliaria germanica 860, tunc 48. minutis & 50. secundis respondebunt miliaria vndecim & dimidium.

Infima aëris regio est terris proxima, quæ propter reflexionem radiotum solarium in superficie terræ calet, & quemadmodum diuersimodè reflectuntur prout sunt magis recti aut obliqui, ita etiam non eodem modo calet, locorum etiam diuersus situs, climatum differentia, temporum discrimina etiam hanc rem variant, vt in æstate magis calet quàm in hyeme, in regionibus meridionalibus magis quàm in septentrionalibus, & in hac regione proxima terris gignitur ros, pruina, nebulæ & similia.

Additur à quibusdam quarta, quæ propriè infima vocatur, & complectitur aërem qui in terræ visceribus includitur, qui est admodum crassus & impurus, sed quia verius vapor terræ existit quàm aër, ideo in hac aëris diuisione Physici & Mathematici prætermiserunt eum, & fuerunt contenti tribus regionibus siue spacijs, in quibus potissimum meteora existunt & gignuntur.

DE CAUSIS IMPRESSIONVM

QVAE FIUNT IN AERE.

Plurimum habet vtilitatis non solum in physicis materijs iudicandis, sed in omni genere disciplinarum, principio querere causas per se rerum. Rectissimè enim dixit Aristot.

ἐν τῷ πρώτῳ δὲ τὰ ἀλλήλων αἰτίαι

Sunt autem causarum per se, hoc est, illarum quæ verè ac propriè sunt causæ, quatuor genera, efficiens, materia, forma, & finis. Efficiens est quæ mouet materiam. Materia est propriè ex qua aliquid fit, impropriè autem in qua aliud fit, aut circa quod versatur. Forma est ipsa rei absolutio, quam acquirit materia. Finalis causa est consilium seu

Infima.

Causarum
quatuor
genera.

seu intentio efficientis de usu rei, propter quem mouetur ad agendum.

Lumen So-
lis & alia-
rum stella-
rum est cau-
sa efficiens
omniū im-
pressionū.

E F F I C I E N S itaq; remota causa impressionum est lumen Solis & stellatum, quod virtute seu influxu suo præparat atq; leuat materiam ex inferiorib. elementis, illamq; ad huiusmodi motus & formam recipiendam aptam reddit. Quod enim elementa peregrinas qualitates gignunt, recipiunt, & induunt, non est alia causa, nisi cælum & motus corporum cœlestium, qui simul cient hæc inferiora corpora, illisq; motum suppeditant. In summa, efficientes causæ vniversales, remotæ & propinquæ omnium Meteorologicarum impressionū sunt Astrologica. Astrologus enim quærit efficientem causam, quæ videlicet vis gignat illam materiam, quæ deinde extrahat, & quæ aliàs dissipet, aliàs verò cogat, & diuersas ex illa in aëre formas producat. Nam Planetarum in alijs atq; alijs locis situs, habitudines & coniectiones, hæc atq; his similia operantur, quemadmodum dicitur suo loco.

M A T E R I A L E S causæ verè sunt propinquæ ac physica. Vniuersa quæ de aquis & terra educitur halituum moles materia est meteorologicarum impressionum. Est autem *ἀεθρῆς* fumus quidam calidus & siccus, virtute radiorum Solarium ex terra & locis aridis extractus, *ἀτμός* siue vapor verò est calidus & humidus, & nō dissimilis halitui animantis, & ei qui ab aqua feruente emittitur, sic enim inquit Aristoteles: *ὅτι ὅ ἀτμῶδες μὲν ὁ αἶρας ὅστις καὶ θύειται, ἀεθρῆς δὲ θύεται. καὶ ἔχει. καὶ ὅτι ἀτμός μὲν παύεται ὅτε ἴσθαι, ἀεθρῆς δὲ παύεται, ὅτε οὐκ.* Vnde sicut *ἀτμός* sit *διόλεται ὅστις*, hoc est, fusione & expansione humidi, ita *ἀεθρῆς* siue *ἀέρας* *διόλεται ἔχει*.

Forma.

F O R M A L I S causa est, quæ istos vapores alijs atq; alijs formis ornat & vestit pro diuersitate motus & loci. Sunt enim diuersæ atq; dissimiles species seu formæ horum vaporum, miro quodam ingenio atq; ordine à natura distinctæ, quemadmodum eas ordine iam enumerabimus.

Mate-

Materia & forma in substantijs, quæ hoc modo gignuntur, fiunt ferè efficientes causæ.

FINALIS causa propriè est consilium efficientis de fine. Quia verò vniuersa in hac natura destinata sunt ad certos fines, ergo necesse est vt hi fines pendeant ab aliqua mente gubernante hanc totam naturam. Itaq; non est existimandum has impressiões in aëre casu & temerè confluere, neq; certum aliquem à natura appetere finem, vnde prudenter inquit Ptolemæus: *Αἱ καθόλου τῷ αἵρει δατηγμένα ἰδίῳ χρόνῳ φαντασίαι, τὰ τῷ ἡμῶν διαλύει τοῖς ὑπὸ τῶν ἡμῶν συμπτωμάτων κατὰ τὰ ἀντιδικησέμενα διὰ τὸν ἁμορῶν ἀνταρλουμένην.* Hoc est, sciendum est generalia visa aëris certis temporibus ea portendere, quæ sunt in superioribus de suis quæq; accidentibus explicata. Physicus autem quia tantum causas in materia quærit, itaq; & fines tantum circa materiam considerat, videlicet omnes istas impressiões significare aliquam aëris mutationem vel serenitatem vel tempestatē, &c. Sed experientia testatur hæc etiam esse signa, itaq; & Poëtis & Astrologis inter signa collocantur. Tamen si autem obscuriores significationes habeant quàm stellæ (sic enim inquit Ptolemæus, Traiectiones & crinitæ secundas partes habent in iudicijs) tamen ab hominibus non imprudentibus etiam earum significationes aliquo modo animaduerti possunt. Nos autem hic tantum physicè de fine loquimur, videlicet quomodo sint causæ mutationis in aëre.

CAPVT XXIII.

De Repentinis siderum.

REstant pauca de Mundo, namq; & in ipso cœlo stellæ repentè nascuntur: Plura earum genera.

APPENDIX.

Transitio est ad Meteora, hoc est, ad illam physices

Q par-

partem, quæ continet causas generationis impressionum in aëre. Et quanquam Plinius ignitas impressiones, quæ in suprema aëris regione excitantur, cum cælo videtur coniungere, quemadmodum Epicurei omnes faciunt, sic enim inquit Lucretius :

*Sive quod inclusi rapidi sunt aetheris astus,
Quærentesq; viam circumuersantur, & ignes
Passim per cæli voluunt se inania templa,
Sive aliunde fluens alicunde extrinsecus aër
Versat agens ignes, sive ipsi serpere possunt,
Quò cuiusq; cibus vocat, atq; inuitat euntes
Flammea per cælum pascentes corpora passim.*

Cælum
quid signi-
ficet.

Tamen in hoc loco videtur esse commodior expositio, ut per cælum intelligamus aërem. Latini enim sæpè cælo pro aëre vtuntur. Virgilius 5. Aeneidos :

Hoc sperem posse Italiam contingere cælo.

Item Cornelius Celsus, Pessimum est cælum, quod nos ægros facit. Galen. in librum secund. Epidemiorum inquit : Οὐρανὸν ἄρα καὶ τὸ τ' ἰδιωτῶν ἴδωσι, τὴν ἀπὸ τοῦ αἵματος, μέγας δ' ἔχοντες τ' ἐπιφύων. Hoc est, cælum more vulgi appellauit aërem, qui supra nos est, vsq; ad nubium regionem. Sententia itaque Plinij est perspicua & plana, si cælum pro aëre intelligatur, quasi dicat, nam & in ipso aëre stellæ, hoc est, cometæ comparentes forma stellarum repente nascuntur. Quod si quis aliter velit exponere, nihil moror, sed sententia erit magis absurda.

C A P V T X X V.

De Cometis & cælestibus prodigijs, natura & situ & generibus eorum.

Species
seu formæ
Cometa-
rum.

COMETAS Græci vocant, nostri crinitas, horrentes crine sanguineo, & comarum modo in vertice hispidas. Idem pogonias, quibus inferiore ex parte in speciem barbæ longæ promittitur iuba. Acontia iaculi

iaculi modo vibrantur ocyffimo significatu. Hæc fuit de qua quinto consulatu suo Titus Imperator Cæsar præclaro carmine perscripsit, ad hunc diem nouissimè visa. Eisdem breuiores & in mucronem fastigiatas, xiphias vocauère, quæ sunt omnium pallidissimæ, & quodam gladij nitore, ac sine ullis radiis: quos discus suo nomini similis, colore autem electro, raros è margine emitit. Pithetes dolorum cernitur figura, in concauo fumidæ lucis. Ceratias cornus speciem habet, qualis fuit cum Græcia apud Salamina depugnauit. Lampades ardentes imitantur faces. Hippius equinas iugas, celerissimi motus, atque in orbem circa se euntes. Fit & candidus Cometes, argenteo crine, ita refulgens, ut vix contueri liceat, specieq; humana Dei effigiem in se ostendens. Fiunt & hirti villorum specie, & iuga aliqua circumdati. Semel adhuc iugæ effigies mutata in hastam est, Olympiade centesima sexta, vrbis anno trecentesimo nonagesimo octauo.

*pro cornu
antiquè.
alii legunt
lampadiz.*

Breuissimum quo cernerentur spacium, septem dierum annotatum est, longissimum octoginta.

*Tempus
duratio.
nis.
legendum
centum u.
octoginta.
Motus.*

Mouentur autem alij errantium modo, alij immobiles hærent. Omnes fermè sub ipso septentrione, aliqua eius parte non certa, sed maximè in candida, quæ lactei circuli nomen accepit. Aristoteles tradit & simul plures cerni, nemini compertum alteri, quod equidem sciam.

Ventos autem ab ijs græues æstusq; significari. Fiunt & hybernis mensibus, & in austrino polo, sed ibi citra vllum iubar, Diraq; comperta Aethiopum & Aegypti populis, cui nomen æui eius rex dedit

*Causa fi-
nalis Phy-
sica.*

Typhon, ignea specie, ac spiræ modo intorta, visus quoq; toruo, nec stella verius, quàm quidam igneus nodus. Sparguntur aliquando & errantibus stellis cæterisq; crines. Sed Cometes nunquam in occasura parte cœli est, terrificum magna ex parte sidus, ac non leuiter piatum, vt ciuili motu Oâtauo consule, iterumq; Pompeij & Cæsaris bello. In nostro verò æuo circa veneficium, quo Claudius Cæsar imperium reliquit Domitio Neroni, ac deinde principatu eius, assiduum propè ac sæuum.

Causa finis Astrologica.

Referre arbitrantur, in quas partes sese iaculentur, aut cuius stellæ vires accipiat, quas similitudines reddat, & quibus in locis emicet. Tibiarum specie, musicæ arti portendere. Obscœnis autem moribus, in verendis partibus signorû. Ingenijs & eruditioni, si triquetram figuram quadratamue paribus angulis ad aliquos perennium stellarum situs ædant. Venena fundere, in capite septentrionalis austrinæue serpentis. Cometes in vno totius orbis loco colitur in templo Romæ, admodum faustus diuo Augusto iudicatus ab ipso, qui incipiente eo, apparuit ludis quos faciebat Veneri genitrici, non multo post obitum patris Cæsaris, in collegio ab eo instituto. Namq; his verbis id gaudium prodidit: Ijs ipsi ludorum meorum diebus, sidus crinitum per septem dies in regione cœli, quæ sub septentrionib. est, conspectû. Id oriebatur circa vndecimam horam diei, clarumq; & omnibusterris conspicuum fuit. Eo sîdere significari vulgus credidit, Cæsaris animam inter deorum immortalium numina receptam: quo nomine id insigne simulachro capitis eius, quod
 mox

mox in foro consecrauimus, adiectū est. Hæc ille in publicum, interiore gaudio sibi illum natū, seq; in eo nasci interpretatus est: & si verum fatemur, salutare id terris fuit. Sunt qui & hæc sidera perpetua esse credant, suoq; ambitu ire, sed non nisi à Sole cerni. Alij verò, qui nasci humore fortuito, & ignea vi, ideoq; solui.

lege, illud.

A P P E N D I X.

Multa concurrunt in natura Cometarum, quæ iure mirantur homines eruditi, & inquirenda putauerunt. Primum enim, cum cætera Meteora subito conflagrent, Cometæ verò diu se spectandos præbeant, quæsitum est, stellæ ne sit an meteoron. Deinde, si est *meteor*, cur minus crebro apparet, quàm reliquæ TRAIECTIONES, vnde motus est, qualis est stellarum: oriuntur enim & occidunt, & habent alios proprios motus. Denique multa alia quærentur. Sed hæc physica non tam mouent animos, quàm significatio. Ideo enim perterriti & attoniti spectamus Cometæ, quia tot seculorum observatio testatur, magnas clades orbi terrarum, excidia ciuitatum, regnorum mutationes, & alias publicas calamitates per Cometæ denunciari. Hæc causa præcipuè admirationem Cometis peperit. Nam illud etiam quæritur, vnde habeant significationem, sintne aliquæ seu Astrologicæ seu physicæ causæ significationis. Cum igitur tam multa se offerant in Cometis digna admiratione, inquirenda est eorum natura, quantum fieri potest. Est autem bene instituti animi, ea quæ doctissimi homines longa observatione comperta tradiderunt, non aspernari: nam inepti qui fastiditis eruditorum & prudentum iudicijs, noua quærent sine solidis rationibus aut observatione aliqua, fingunt ex sese ridiculas & absurdas opiniones, interdum etiam perniciosas moribus, & vt ait Thucydides, nouitatis affectatores

In Cometis quæ inquirenda.

ἔξ διόλου τῶν ἀρίστων: ita isti spretis vſitatis ſententijs, quæ ratione & obſervatione comprobata ſunt, monſtroſas opiniones comminiſcuntur, alienas ab artium veſtigijs. Eſt autem indignum homine docto, applaudere vllis opinionibus in Philoſophia, quæ pugnant cum artium principijs. Nos igitur traditas à veteribus ſententias retinebimus & ſequemur. Nam & in Philoſophia ſæpè valet præceptum illud: *ἡ πρῶτη οὐ τὰ ὑποκείμενα, τ' ἀνέτομα διδάσκει*. Sapienter enim monet Ptolemæus, vt cum non poſſimus vbiq; demonſtrationes habere, tamen probabilia non ſaſtidiamus, ſi ſint comprobata eruditorum obſervatione, & ſint conſentanea artibus, ac iubet illis inuentis frui, & vt ipſe ait *συμφωνοῦν*, hoc eſt, expolire ea noſtra diligentia atque ornare.

De cauſa materiali. Vt autem medicus ab accidentibus materiæ & ſignis, primum quærit materiam, poſtea reliquas cauſas, ita & phyſicus primum inquiri materiam, qua deprehenſa aditus aliquis ad cauſas efficiētes oſtenditur: nam in tanta caligine humanarum mentium, ita à poſteriore veſtiganda ſunt initia. Et quanquam non omnes cauſas aſſequi, & penitus comprehendere poſſumus, tamen aliquod operæ-precium eſt, aliquas cauſas tenere certò. Vt de Cometis vtile eſt, materiam intelligere & ſcire, quod non ſint ſtellæ, & videre vnde ſint motus Cometarum, etiam ſi non ſatis monſtrari poſſunt efficiētes cauſæ, nec conſtitui poteſt, cur, quo tempore, Cometas exiſtere neceſſe ſit. Sit igitur prima de materia diſputatio, in qua hoc præcipuè quærendum eſt, an Cometæ ſint ſtellæ. Apud Senecam agitatur eadem quæſtio, qui cum diſſimiles opiniones recitet, tamen citat autorem Epigenem, qui ait Chaldæos affirmare quod Cometæ non ſint ſtellæ. Hæc eſt vſitata eruditorum ſententia. Valeat igitur primum autoritas. Deinde argumenta etiam videamus, quæ teſtantur Cometas non eſſe ſtellas, quæ quidem adeo perſpicua, illuſtria, & firma ſunt, vt homini moderato iute ſatisfaciant. Et contraria non modo leuia ſunt, ſed etiam habent dilutiones adeo perſpicuas, vt
ſatis

satis appareat in ipsis dilutionibus nihil insidiarum, fraudis, aut sophilismatum esse.

PRIMUM ARGUMENTUM sumitur à materiæ Cometas non esse stellas.
 proprietate. Stellæ non consumuntur. Manifesta experientia omnium temporum docet paulatim minui & absumi Cometas, & plerosq; supra horizontem extingui, sicut ipsi vidimus tres Cometas paulatim attenuatos tandem supra horizontem defecisse. Et Aristoteles clarè inquit: omnes Cometas conspectos suo tempore extinctos esse sine occasu, id est, supra horizontem cum aliquanto ante desisissent occidere, & longius ab horizonte, ut sit propter attenuatam materiam, euolassent. Sic enim & Alexander Aphrodisiensis interpretatur Aristotelem. Imò hoc etiam animaduersum est, plerosque Cometas primum exiguos paulatim creuisse, deinde rursus decreuisse & absumptos esse. Seneca scribit, regnante Archelao Macedone conspectum esse Cometen initio modicum, qui postea creuerit, ac se diffunderit, totamq; viam Lacteam compleuerit. Pontanus ait se vidisse Cometen admodum breui capite & coma sub initium, qui deinde miræ magnitudinis factus ab ortu in septentrionem deflexerit, & adeo creuerit, ut occupârit quin quaginta gradus. Quid est autem alienius à natura stellarum, quàm vel augeri earum corpora, vel minui, & absumi? Hæc cum accidunt Cometis, impossibile est eos esse stellas. Nec extincta Cometarum flamma in eo loco aliqua apparet stella. Proinde & illa opinio repudianda est, quæ Cometas non est species circa stellas.
 finxit Cometas circa certas stellas speciem quandam esse, qualis est illa quam vocant Halon circa Lunam. Satis opinor demonstratum esse, quod Cometæ non sint stellæ, sed quod eorum materia sit Elementaris, cum & augeatur, & minuatur, & absumatur, sed tamen addemus argumenta à motu sumpta.

SECUNDUM ARGUMENTUM. Stellarum motus est certus & regularis, quare oriuntur & conspiciuntur statim temporibus. Cometæ verò non apparent ullis statis

temporibus, & cum fulgent dissimilimos motus habent. Quare non possunt esse stellæ, cum neq; certos, neq; regulares motus illos habeant.

Cometas
non esse
stellas fixas.

TERTIUM ARGUMENTUM. Cometæ non possunt esse stellæ fixæ, quia non solum non consistunt in vno loco, sed etiam mirabili celeritate mouentur, quam sensus indicare potest. Deinde nec regulari motu aut certo feruntur. Pontanus vidit Cometem primum ab ortu in septentrionem agi, donec ad arcton venisset, is cum iam Saturnus & Mars recto cursu iterum progredierentur, deinde iter flexit ab arcto ad occasum, tanta celeritate, ut vno die ad triginta gradus emensus sit. Vidimus & ipsi Cometam anno 1531. magna celeritate vagantem per Leonem, Virginem, & Libram, & aliâs conficientem vno die quatuor gradus, aliâs quinq; aliâs sex gradus. Extrat enim observatio viri doctissimi D. Appiani de eius Cometæ motu. Tam velox cursus satis ostendit, Cometas nequaquam esse fixas stellas.

Cometas
non esse
Planetas.

QUARTUM ARGUMENTUM. Cometas non esse Planetas primum ipse numerus testatur, quia sæpe accidit ut omnes Planetæ conspiciantur suis locis, cum alibi fulget Cometa, id quod ipsi observauimus ann. 1531. cum quidem Iupiter esset in Libra, hunc Cometa celeriter præterijt & reliquit. Eodem tempore observaturus nane Cometem Börnerus Lipsiæ vidit Mercurium in Leone, cum iam Cometa euassisset ad Virginem. Deinde nunquam discedunt à Zodiaco Planetæ. Constat autem procul euagari à zodiaco Cometas. Multi nascuntur etiam alibi extra Zodiacum, quare hæc flammæ non sunt Planetæ. Anno 1533. fulsit ingens Cometa procul à zodiaco iuxta Persei imaginem, spargens flammam versus Brumalem Occasum, adeo longam, ut circiter octo gradus occupârit.

Et Aristoteles ait, Cometem qui pridie ante Solem occiderat, postridie aliquo intervallo post Solem occidisse, & flammam sparsisse ingentem, quæ ferè tertiam cœli partem occu-



occuparet. Is Cometa discessit à Sole & à zodiaco vsq; ad zonam orionis, ibi tandem attenuatus & consumptus est. Cum igitur nulla certa regione nascantur, & passim errent cometæ, & à zodiaco procul euagentur, maximè consentaneum est eos non esse Planetas.

Et varietas ac dissimilitudo motus non obscure significat materiam esse halitum in aëre. Non vno aliquo loco, non spacio cerro oritur aut vehitur, sed aliàs alibi incenduntur Cometæ, & variè agitantur, propemodum vt aliæ traiectiones. Sæpè trahuntur ab aliqua stella, vt plerunque à Marte, eius motum cum imitetur huius flammæ materia, valde consentaneum est, materiam elementarem esse. Celeritas etiã motus indicat vicinitatem, nisi enim in aëre vagarentur procul infra stellas, non possent tanta spacia tam cito conficere. Locus etiã deprehendi potest machinis geometricis, quæ testantur illam flammam in aëre existere.

Hactenus recensui argumenta, quæ ostendunt Cometæ non esse stellas, quorum primum adeo perspicuum & firmum est, nihil vt requirendum sit amplius. Sed tamen & reliqua eandem sententiam vel confirmant vel illustant. Seneca verò in hac disputatione contraria argumenta recitat, quæ breuiter diluam.

CONTRARIA DILVUNTUR.

PRIMUM, Cometæ mouentur instar stellarum duplici motu, vno secundum ordinem signorum & proprio altero rapti motu primi mobilis. Si autem essent fumi incensi, non mouerentur tali cursu regulari. Respondeo, Antecedens non est perpetuò verum: sæpè enim prorsus irregulari motu vagantur extra zodiacum. Deinde etiã cum vehuntur iuxta signorum ordinem, id fit prorsus per accidens: rapitur enim materia alienius Planetæ viribus à quo inflammata est. Habet & alterum motum per accidens, videlicet, quod oritur & occidit motu diurno, quia ille aër in

Seneca seu
sentia de
Cometis
refutatur.

summa regione vnâ cum cœlo in gyrum circumagitur, in hoc aëre materia Cometæ vnâ circumuoluitur.

SECVNDVM, Cometæ magnitudine, lumine, loco videntur conuenire cum stellis, Ergo verisimile est non esse halitus. Respondeo: Antecedens non est verum. Primum magnitudine longè differunt à stellis: stellæ nec crescunt nec decrescunt. Econtra recitauimus exempla Cometarû, qui initio exigui, paulatim creuerunt. Cæterum illud vniuersale est, paulatim deflagrantes minui, donec absumantur. Ergo magnitudo longè aliter se habet quàm in stellis. De lumine res loquitur ipsa, figuram luminis flammæ potius similem esse, quàm stellarum luci. Recensui supra Cometam ex Aristotele, cuius flamma occupauit tertiam cœli partem, id non conuenit cum stellis. De loco physicus sumit argumentum ex alijs signis: quia enim absumuntur Cometæ, necesse est eos in aëre ferri. Sed machinæ geometricæ locum oculis ostendunt.

TERTIVM, Si Cometæ in aëre existerent, mouerentur motu aëris sursum & deorsum, sed videmus cometas moueri, & ab ortu in occasum, & alio motu iuxta ordinem signorum. Respondeo: Suprema regio aëris rapitur & circumuoluitur vnâ cum cœlo, quare Cometæ vnâ circumaguntur, quia in illam regionem fumi isti exhalarunt, ibiq; commixti inflammati sunt.

CVM igitur iam agitatis argumentis perspicuum sit, Cometas non esse stellas, sed flammam ortam ab aliqua elementari materia, videlicet quæ deflagrat & consumitur, palàm est materiam Cometæ esse fumos, id est, viscosos & lentos halitus commixtos, qui tandem & motu & siderum radijs incenduntur. Tanta autem copia fumi attrahitur, vt moles velut montem vnus aut duorum miliarium æquans, sufficiat multorum dierum incendio, & præbeat flammam aliquot climatibus conspiciendam. Hac via & methodo, quam recensui, physicus deprehendit materiam, videlicet ex signis Cometarû, ex consumptione, ex irregulari motu.

Quan-

Materia
Cometa-
rum.

Quaquam autem iam de cæteris causis multæ obscuræ quæstiones adhuc restant, tamen in rancis tenebris naturæ, aliquid est deprehendisse materiam, & inde non solum effectus aliqui prospici possunt, sed etiam aditus ad efficientes causas patefactus est, quarum etsi est magna obscuritas, tamen cum vapores & halitus cieri à Sole, Luna & alijs stellis manifestum sit, sequitur necessario, etiam aliquam in astris causam esse, cur tanta fumi copia attrahatur & commisceatur, seu coalescat. Itaq; ut de pluvijs, de rore, de stellis cadentibus & cæteris traiectionibus constat materiam esse tum vapores frigidos, tum calidos halitus, quos quaquam terra sua vi exodat & exhalat, tamen in ipsis ciendis magna vis est cœlestis luminis, ut temporum ac tempestatû dissimilitudo indicat. In æstate torrefacta terra plus exhalat fumi. In hyeme ædit humidos & frigidos vapores. Manifestum & hoc est, Lunæ motu tempestates mutari. Constat & illud, in tempestatibus excitandis aut mutandis, magnam vim habere insignes coniunctiones aut positis aliorum Planetarum. Hæc ita manifesta sunt, ut si quis dissentit, is Helleboro potius purgandus quàm docendus videatur. Ut igitur in cæteris Meteoris in genere Efficiens causa est lumen cœleste, ita & de Cometis, causam efficientem in genere, attrahentem tantam fumi copiam & inflammantem, iudicemus esse lumen cœleste, ortum ab aliquo certo stellarum positu.

Sed hic, ut sit, in rebus obscuris quæritur: Cur non sæpius apparent Cometæ, ut alia meteora, aut si certi positis stellarum sunt causa, cur non regulariter apparent? Deinde receptum est omnium seculorum consensu, Cometæ prodigia esse. At si habent causas physicas, ut cætera meteora, ut pluviæ, ut ros, non significant euentus futuros in hominibus aut rebus publicis. Agnosco quàm difficile sit curiosis ingenijs de his quæstionibus satisfacere. Sed ingratitude est, ideo vel certa vel explorata rejicere, vel consentanea veris comprobata autoritate doctorû aspernari, etiam

etiāsi non omnes quæstiones explicare possumus. Quæ tandem res in natura penitus perspicitur? ac iure Aristoteles ait, humanas mentes, aspicientes naturam rerum caligare velut noctnas in luce diurna. Et sapienter Socrates ait, homines aut nihil aut pauca scire. Fateamur ergo nos pleraque ignorare. Sed tamen non sumus Academici, quædam esse certa Deus voluit, horum cognitio cum sit vitæ utilis & necessaria, retinenda & confirmanda est. Deinde multa probabilia auctoritate & observatione eruditorum colliguntur, quæ incivile est aspernari.

Proinde ut ad illas quæstiones redeam, non est negandum Cometas habere physicas causas, etiāsi miros euentus significant. Nam & positus stellarum, qui sunt aliqua causa Cometæ, significant futuros euentus, & tamen illæ ipsæ stellæ certa lege naturæ atque ordine moventur. Imò hæc significationes illustre testimonium sunt, hanc naturam rerum ab aliqua æterna mente conditam esse, quæ destinavit pleraque ad significanda futura. Ne illud quidem nego, ad physicas causas accedere aliquā maiorem vim tum in Cometis tum in plerisque alijs prodigijs. Neque tamen physicæ causæ tollendæ sunt, & harum ipsarum animadversio monet hoc incendium in aëre non esse fortuitum, sicut alia vulgaria meteora, ut stellæ cadentes, fortuito motu sumi oriuntur. Nam Cometæ tunc existunt, cum sunt aliqui insignes & atroces siderum positus, qui cum ipsi diuinitus aliquid portendant, consentaneum est, diuina quadam vi, etiam congruentes tunc significationes in materia atque elementis excitari.

Longa autem eruditorum observatio testatur has esse cœlestes causas Cometarum. Cum in aliqua coniunctione superiorum Planetarum, aut in eclipsi aliqua, dominantur infauftæ stellæ, ut cum Saturnus, Mars & Mercurius, Solem aut Lunam infauitis aspectibus in eclipsi intuentur, præsertim cum præcessit etiam aliqua infauitæ superiorum coniunctio, nam hæc coniunctiones efficiunt in aëre & elementis
cæteris

cæteris longas & durabiles mutationes. Et ut sit in ijs quæ mouent materiam, cum concurrunt multæ causæ congruentes, magis respondent effectus, ut in morbis cum plures causæ concurrunt, certiores sunt effectus. Hæc observatio penè vim habet Regulæ, adeo ut Appianus prædixerit exoriturum Cometam qui fulsit anno 1532. Præcessit Cometen qui apparuit anno 1506. eclipsis Lunæ in Aquario, cum in opposito loco in Leone conuenissent Sol, Saturnus, Iupiter & Mercurius. Et Lunam Mars ex trigono aspexit. Deinde mense Nouembri secuta est coniunctio Saturni & Martis in Leone, à quibus discedens Luna mox accessit ad oppositionem Solis, aliquanto post fulsit Cometa, cum illæ præcedentes causæ materiam contraxissent & inflammassent. Secuta est mors Philippi regis Hispaniæ, exarsit & bellum Venetum, in quo quàm variæ vices extiterint, quantis affecti sint cladibus Itali & Galli, quæ regum fuerint defectiones, historiæ ostendunt, & plerique adhuc meminerunt. Ut igitur Cometa habuit causas non valde obscuras, ita effectus sunt illustres, & quidem cito secuti sunt Cometam. Constat autem coniunctionem infaustam in Leone denunciare periculum Regibus & Italiæ, id hi euentus comprobârunt quos recessui. Causam Cometæ qui fulsit anno 1531. referunt ad eclipsin præcedentis anni, & Saturni, Mercurij & Martis coniunctionem in tauro. Secutus est deinde & alter Cometæ anno 1532. quem constabat in ipsa coniunctione Solis & Martis in Librà accensum esse, & cum proprio motu constanter affectaretur Martem, satis apparebat eum lumine Martis trahi, quare causa excitatæ materiæ referebatur ad Martis coniunctiones. Fuerat autè Augusto præcedente eclipsis Solis in Virgine. In ea eclipsi fuit Solis, Lunæ, Martis & Mercurij coniunctio. Et initio anni statim post introitum Solis in Arietem fuit coniunctio Saturni, Martis & Lunæ in Geminis. His coniunctionibus infecta Luna, vnâ cum cæteris iudicabatur excitasse magnam copiam lenti & venenati halitus. Erat igitur admodum terribilis

ribilis flamma: nam & magnitudine & duratione vincebat alterum Cometam, quem superiore anno videramus. Arsit enim tres totos menses.

Q U O D A U T E M materia vi stellarum excitetur, & quod à stellis temperamentum accipiat, non levis hæc aut inerudita coniectura est, quod plerumque rari Cometæ peculiari motu ab aliquo Planeta animaduertitur: nam materia non sponte aut casu sequitur, sed propter cognatam aliquam qualitatem ortam ab ea stella cui obtemperat. Hæc ratio physicis quidem satis persuadet, certas stellas esse causas efficientes Cometarum. Apud Pontanum describitur Cometa, ut supra recitavi, huic nihil dubium est Martem fuisse ducem proprii motus, quia Cometa perinde flexit iter, ut Mars, alias retrogradus, alias progrediens ipsum traxit. In Summa Anglicana legimus Cometam fulsisse anno 1313. accensum in coniunctione Iouis & Martis in Cancro, & à Septentrione versus meridiem discessisse iuxta motum Martis. Cum igitur manifestum sit trahi Cometæ motu stellarum, non dubium est, & materiam eorum excitari à stellis. Hæc cum ita sint, constituamus certum stellarum positum efficientem esse, videlicet infaustas superiorum Planetarum coniunctiones & eclipses, præcipue verò cum concurrunt. Constat autem in effectibus, qui à materie varietate aliqua ex parte pendent, etiamsi notæ sunt causæ efficientes, tamen quando sufficiant ad ciendam materiam, non ita certò constitui posse, sed cum multa concurrunt, plus valent. Medicus videt causam efficientem Febrium, sed tamen diuersis corporibus dissimiles sunt effectus. Sæpe enim alicuius natura fortior, vincit causam febrium. Duo hauriunt idem venenum, quorum alter extinguitur, alterius natura non superatur veneno. Ita quamuis agnosci possunt causæ efficientes Cometæ, tamen quando sufficiant ad ciendam materiam in tanta varietate materie non potest certò constitui. Et huiusmodi effectus non sunt omnino regulares.

APPARENT IGITUR COMETAE rarius, Cui rari⁹
apparent
Cometæ.
quia oriuntur à certo stellarum positu, nec prorsus regulariter propter materię varietatem. Quanquam autem has esse causas efficientes, quas diximus, eruditorum obseruatio & quædam physica ratio testantur, tamen cum vniuersa natura mirabili consilio ordinata sit, non est absurdum, ad has physicas causas adiungere maiorem vim & arcanam.

Hactenus de efficientibus causis dixi, in quibus explicandis indicia eruditorum secutus sum, à quibus temerè discedere arrogantiæ est, quæ in artibus non solum turpis, sed etiam periculosa est, propterea quod artium conturbatio nocet Reipublicæ. Et quanquam Cometæ inter prodigia rectè numerant, tamen si verè volumus iudicare, multò tristiora prodigia sunt in Repub. ingenia monstrosa, quæ delectantur nouis & absurdis opinionibus, & conturbant artes & leges, quàm vllæ in cælo faces visæ, aut terræ motus, aut similia signa, quæ in elementis interdum existunt.

FORMA est ipsa flammæ ardentis halitus, quæ procul De forma-
li causa.
sparsa efficit comæ speciem. Et quoniam dissimiliter spargitur, non potest vna aliqua certa & perpetua figura harum flammarum existere. Vnde & specierum certus & definitus numerus non existit. Plinius recenset multas species. Recentiores numerant nouem figuras, quarum paucæ conueniunt ad Plinianas. Quare nihil opus est accommodare recentes appellationes ad illas Græcas, quæ leguntur apud Plinium. Existimo ne quidem certas esse figuras: nam consentaneum est flammam casu pro materię situ non aliquo certo modo spargi. Et quia raro apparent cometæ, diuersæ ætates, diuersas formas annotauerunt, etiamsi cometæ ipsi fortassis non vsq; adeo dissimiles fuerunt. Nos vidimus tres intra triennium, quorum duo priores magnitudine & colore nonnihil differebant: nam secundus erat multò amplior priore, & vt ita dicam, obscuro quodam pallore esse videbatur, prior subrubens seu flauus potius. Cæterum in figura non erat notabilis dissimilitudo. Tertius erat candidus,

cus, & flamma miræ longitudinis efficiebat seu ensis seu peticæ speciem, eratq; meo iudicio propriè *ἑφίας*.

Cometarū
duæ speciei
sunt

Cum igitur figurarum discrimen in plerisque sit obscurū & inutile, ego appellationes breuiter recensebo, sine accuratis descriptionibus. Partitio Aristotelica est commodior: nam duæ tantum species apud Aristotelem traduntur, Crinita & barbata. Vocat crinitam cum flamma æqualiter spargitur circa corpus. Barbatam describit cum materia in longum porrecta, excurrit flamma in vnā partem. Ad has si quis volet, accommodet figuras nuncupatas varijs appellationibus, nam longiores possunt referri ad pogoniam, id est, barbatam, cæteræ ad crinitam.

Apud Plinium hæ sunt appellationes:

κρίντης, id est, Crinita, quando capiti paulò minus toti circumfusa est æqualiter cauda siue flamma.

παργίας, id est, barbata, & *πόγων*, barba, quando deorsum vergit appendix latioris barbæ figura.

ἀκρότης & iaculi similitudine, nam *ἀκρότης* significat iaculum, quando longius procurrit appendix & tenuis est.

ἑφίας dicitur, si breuior, & iuxta corpus latior & paulatim in mucronem terminatur.

δισκός & disco, quando corpus Cometæ lata rotunditate fulgens raros ex sese & obscuros radios à margine vndiquaq; emitrit. Vulgo vocatur Rosa.

οἰστὴρ dolij figuram habet, & *οἰστὴρ*, quod significat dolium.

κεκρίτης, id est, cornuta, quando appendix seu coma intorquet se ad similitudinem cornu. Talem apparuisse ferunt cum Xerxes traiecit in Græciam.

λαμπραδίας, similis ardenti faci.

ἵππου, id est, equina vel iubata stella.

De finali
causa.

Illā verò est magna apud Physicos quæstio, sintne *πείγια* & an Cometæ aliud significant præter physicos effectus. Sunt autem Physici effectus, vehementiores status ventorū, sic-
cita-

citates inusitatae, pestiferæ qualitates in aëre, quas sequuntur frugum corruptio, & animantium interitus. Nam fumi illi post incendium dissipati ventos augent. Et cum sint sicci & venenati, siccitates afferunt & aëre inficiunt. Cōmemorantur exempla à multis scriptorib. Seneca ait, post Cometam qui fuit Paterculo & Vopisco Consulibus, secutas esse vbiq; maximas & continuas tempestates. In Achaia verò & Macedonia vrbes quasdam terræ motibus collapsas esse. Tradidit & Callisthenes Cometam apparuisse, antequam Achæia vrbes Helice & Bura tempestatibus merse sunt in mare, quod accidit biennio ante Leuſtricam pugnam. Quare & Cometa ille & secutæ tempestates, & collapsæ vrbes prodigia fuerunt denuncianteia Lacedæmonijs exitium, & mutationem toti Græciæ. Primo anno funestissimi belli intestini Græcorum quod Peloponnesiacum vocant, post Cometen ingens lapis in insulam Aegospotamos violentia ventorum delatus est, apud quam insulam anno viceſimo sexto post Athenienses magna pugna victi, mox obsessa ciuitate libertatem & imperium amiserunt. Is Cometæ arsit dies quinque & septuaginta, vt scribit Plutarchus in Lysandro. Anaxagoras dicitur prædixisse lapidem casurum esse de cælo post illud incendium, sed Aristoteles ait, lapidem ventorum impetu alicubi auulsum decidisse. Addit Aristot. exemplum sui temporis, post Cometen hyemem secutam esse siccam flantibus assidue Aquilonibus. Vidimus & ipsi post cometas extitisse inusitatas & noxias siccitates.

Haecenus de physicis effectibus Cometarum dixi, de tempestatibus & aëris vicij. Hæc non significat tantum, sed efficit. Alia quæstio est multo difficilior, an clades populorum, mutationes Imperiorum, & Regum interitus portentant, breuiter, an euentus in hominum negocijs significant, Magna quæstio semper fuit apud Philosophos, sint ne prodigia, hoc est, sint ne in natura, euentuum futurorum significationes, præter phycas illas, quales sunt tempestatum significationes, quatum ratio non est obscura. Ita & Luca-

Vtrum
Cometæ
sint prodigia.

R nus in

nus in libro secundo dubitat an sint prodigia, an denuncientur futuri euentus per insolita *mutaça*, aut monstra insi-
gnia, aut terramotus, aut eclipses. Sic enim ait :

Cur hanc tibi rector Olympi

*Sollicitis visum mortalibus addere curam ,
Noscant venturas vt dira per omnia clades ?
Sine parens rerum, cum primum informia regna
Materiamq; rudem flamma cedente recepit ,
Finxit in aeternum causas qua cuncta cohercet ,
Se quoq; lege tenens, & secula iussa ferentem ,
Fatorum immoto diuisit limite mundum.
Sine nihil positum est, sed fors incerta vagatur ,
Fertq; refertq; vices, & habent mortalia casum.*

Sed hoc loco non instituam hac de re longiorem dispu-
tationem. Assentior enim doctissimis hominibus, qui signi-
ficationes futurorum euentuum esse aliquas tum in astris,
tum in meteoris quibusdam iudicant, quas quidem eo de-
fendo libentius, quia testantur mundum ab aliqua mente
conditum esse, & regi. Neq; enim aut in astris essent futu-
rorum euentuum significationes, aut nouæ formæ in aëre,
in terra excitarentur, nisi mens aliqua infinita antea prospici-
ens omnia, ordinasset hoc modo cœlestes motus, & gu-
bernaret inferiorem naturam ita, vt signa existerent. Et re-
spondent exempla, quæ mouent homines, vt ad hunc fi-
nem iudicent excitari prodigia, vt moneant homines de re-
bus futuris. Semper enim atrocia prodigia secutæ sunt in-
gentes clades, etsi non in genere de omnibus prodigijs
disputo, de meteoris iam loquor, & terræmotu, aut simi-
libus. Quid quòd sacræ literæ testantur eclipses minari tri-
stes aliquos casus? Sed ad Cometen venio, huic non tan-
tum tribuunt significationes physicas, quarum aliqua ex
parte causa est, sed etiam aliorum euentuum. Ac Hali in-
quit, se aliquandiu Cometis non tribuisse significationes
huius generis, donec exemplis victus postea aliter senserit.
Astrologi etudite significationem & causas ad eas stellas
referunt,

referunt, quarum vi excitatur Cometa, & in genere monent Cometas naturæ Martiæ & Mercurialis esse. Quare necesse & seditiones præcipuè portendunt. Sed aspici debent stellæ, quæ excitârunt, aut motu suo trahunt materiam. Inde faciendum est iudicium. Nam Cometa cum sit effectus illarum stellarum, significat vnâ reliquos stellarum effectus. Fortassis etiam vt stellæ, ita Cometa acris temperamentum corrumpit, illa venenata & dira qualitate, quæ ab infaussto stellarum positu in Cometæ materiam defluxit: vt in eclipsi, in qua simul Mars, Mercurius & Luna iuncti sunt, horribilis est luminis commixtio & pestilentissima. Probo & illud, quod considerari iubent sub quo Zodiaco inflammetur. Sed nolo persequi singula præcepta, illud generale ascribam, quod est apud Pto. in 2. Quadrip. vbi Cometas etiam considerari iubet, & conferri cum alijs significationibus. Addit autem in genere Cometas imitari naturam Martis & Mercurij, ideoq; significare bella, æstus, & tumultus cuiuscunque modi, & ea quæ comitantur tumultus. Verba Ptol. hæc sunt : *ὡς ἀντιλησματικὰς μὲν φέρει τὸ δὴ τὸ ἄριον καὶ τὸ ἑρμῆος ἰδιωματικῶν, πολέμου καὶ καυδόνων, ἢ κινητικῶν κατεστημάτων.* Hanc sententiam Pontanus expressit in meteoris cum ait :

*Tu verò quod decernit Maiortius ignis,
Infelix cali sidus, quod nuncius Arcas,
Hic dirum imprimis statues signare Cometen.*

Hoc iudicium Ptolemæi comprobant innumerabilia exempla, quæ ex historijs sumi possunt, vbi apparet magnos motus à Cometis denunciatos esse. Virgil. de bellis ciuilib. ait: *Nec diuitoties arfere Cometa.*

Et Lucanus libro primo :

*Ignota obscura viderunt sidera nosces,
Ardentemq; polum flammis, cæloq; volantes
Obliquas per inane faces, crinemq; timendi
Sideris, & terris mutantem regna Cometen.*

Pontanus recitat exempla suæ ætatis, nos recitabimus Cometas recentiores.

Anno 1500. Mense Aprili, conspectus est Cometes, quem descripsit vir doctissimus Vernerus Noribergensis, postea eo anno capta à Baiazeto vrbs Methone, victa deinde ingens classis Christianorum missa aduersus Turcas. Exarsit bellum ciuile inter Baiazetum patrem & eius filium Selimum. In Italia verò anno quo fulsit, captus est à Gallis Ludouicus Sphorria dux Mediolanensis: atque hi euentus proximi fuerunt Cometæ, quare eos præcipuè significatos arbitror. In Germania aliquantò post ortum est bellum Bauaricum.

Anno 1506. Mense Augusto fulsit Cometa, quem secuta est mors Philippi regis Hispaniæ, deinde secutum est Vencum bellum, vt supra dixi. Longo deinde intervallo non sunt conspecti Cometæ. Sed nuper adeo tres vidimus, quorum primus fulsit anno 1531. mense Augusto, vagatus per Leonem, Virginem & Libram. Secundus anno 1532. quĩ in fine Septembris conspici cœpit, & durauit totos tres menses, vt supra dixi. Tertius anno 1533. mense Iulio. Etsi autem res multæ memorabiles secutæ sunt, tamen præcipui euentus adhuc impendent, aut certe catastrophe. Post hos cometas Turcimagna expeditione suscepta, bellum Germaniæ ingulerunt, sed parte copiarum Turcicarum in extremis finibus Germaniæ cæsa, Turci fugientes reduxerunt reliquos exercitus. In Dania asperrimum bellum gestum est, & ingens mutatio in Regno facta. Facta est & mutatio in Anglia, & orti horribiles tumultus, qui multis præstantissimis viris necem artulerunt. In Germania ortus est tumultus Anabaptisticus, & magno negotio vrbs Monasteriensis in Vuestualis expugnata, & deleri sunt Anabaptistæ. In Italia Francisco Duce Mediolanensi sine liberis extincto, rex Gallorum cœpit repetere Mediolanum à Cæsare Carolo. Deinde Gallus mouit bellum aduersus ducem Sabaudia, eumq; ducem expulit. Cæsar vt defenderet Sabaudensem, bellum mouit aduersus Gallum. Turci eodem tempore bellum parantes, duxerunt exercitum ad Dyrrachiũ,

vt tra-

ut traicerent in Italiam. Sed cum intelligerent totam Italiam cum Cæsare Carolo consentientem, in armis esse, metu retenti, reduxerunt exercitus in Thraciam. Hæc videntur initia esse ingentium bellorum, & discordiæ Germanicæ vix videntur habituræ placidam Catastrophen. Itaque nondum iudico euentus denunciatus à Cometis præterijisse: monnit nos Deus, ut pietate & moderatione consiliorum mitigemus impendentes pœnas. Hoc animo prodigia considerare nos oportuit, ut & Dei iram emendatione morum & precibus flecteremus, & moderatis consilijs conaremur publica mala sanare. Non enim probandæ sunt illæ Stoicæ opiniones, quæ mutari aut mitigari fata, hoc est, impendunt bona aut mala negant. Cum igitur omnium ætatum obseruatione compertum sit, Cometas minari tristes euentus, rectè in causâ finali hæc significatio recensetur. Et scitè veterem Græcum versiculū apud Suidam mutauit Ioachimus Camerarius:

αὐτοῖς καμῖντος ὅτε οὐ κακὸν φέρει.

Nam Seneca ridiculè adulator Neroni, qui Cometam tunc fulgentem ait polliceri magnam fœlicitatem orbi terrarum propter Neronis imperium. Ille verò & sœniciam, quam postea Nero exercuit, & Neronis tragicum exitum, & Iudaicæ gentis interitum portendit. Extant & apud Aratum significationes, sed physicæ, videlicet siccitates & sterilitates. Versus Arati sunt:

*ἴσφα τις αὐτῶν χαίρει ποτισθῆναι δαΐς,
μήδ' εἰς καθύπερθεν ἱσθῆναι ἀέρας αἰὲν.
μήδ' εἰς, μέγα δόω, μέδ' ἀέρας καμῖντος.
πολλοὶ δ' αὖ καμῖντον ἐπ' αὐχμηρῶ ἰσχυρῶ.*

Hoc est:

*Fertilis Agricole votis contingat ut annus,
Nunquam crinitum videatur in aëre sidus.
Non vnus geminū micant plureshæ Cometa.
Namq; parit multos tempestas sicca Cometas.*

Cicero sic reddidit:

At si contigerit plures ardere Cometas,

*Inuvalidas segetes torrebit siccior aër.
 Nam quæ prorumpunt natura legibus vitro
 Spiramenta soli si influxus defuit humor,
 Arida per cælum surgentia, desuper atræ
 Ignescunt flammis, mundiç; impulsa calore
 Excutiunt stellas, & crebro crine rubescunt.*

Physicum est & illud Virgilij in 10. Aeneidos :

*Non secus ac liquida si quando nocte Cometa
 Sanguinei lugubre rubent, aut Sirius ardor
 Ille sitim morbosq; ferens mortalibus ægris
 Nascitur, & leuo contristat lumine cælum.*

Hæc de natura & significationibus Cometarum eò col-
 legi, quia hæc physica disputationes magnopere conducunt
 adolescentibus, eosq; ad admirationem naturæ inuitant,
 & quorundam effectuum causas monstrant. Fortassis & ex-
 emplum prodest, viam enim ostendit quærendi & eruendi
 causas naturales. Eò etiam libentius in hac disputatione
 commoratus sum, vt adolescentes sciant Cometas non fru-
 stra apparere, sed vt res magnas denuncient, vt admoniti
 mitigare eas studeamus. Barbaries quædam est, huiusmo-
 di signa, quæ & physicas aliquas causas habent, & bono-
 rum ac prudenti iudicijs comprobata sunt, temerè asper-
 nari. Quæ quidem ita sunt considerata, non vt eximant
 animis pietatem, sed vt rectam & piam de Deo sententiam
 in nobis confirment, vt diuinitus ordinata esse quædam si-
 gna iudicemus, quæ nos admoneant, vt à Deo opem im-
 ploremus.

Expositio textus.

Nunc ordine exponam textum : Iidem, scilicet Græci,
 pogonias vocant, &c. Vibrantur, hoc est, celeriter mo-
 ueantur. significatu ocysimo, hoc est, celerrimo euentu.
 Hæc fuit, scilicet acontias, de qua quinto consulatu, fuit
 annus vrbis 828. & annus Christi 78. & fuit tertius annus
 ante mortem Vespasiani patris. In mucronem fastigiatas,
 hoc

hoc est, in cuspidem acuminatas : argenteo crine , hoc est , nitente fulgore. fiunt & hirti , hoc est , horrentes , & coma vndiq; cincti. mutata in hastam , hoc est , facta est acontias. Longissimum octoginta , addendum hic est centum octoginta , vt sit spacium sex mensum. Iosephus scribit integro anno stetit Cometam supra Hierosolymam figura gladij , paulò ante excidium vrbis.

OMNES FERME SVB IPSO SEPTENTRIONE , scilicet hærent vel mouentur. Quamquam Aristoteles diuersum tradat , cum inquit , ἀλλὰ μὴ οὐδὲ οὗτο ἀλλήλῃς , ὅτι ἐν τῇ ὁρίᾳ ἄρκτου τίπτε γίνονται ὁ κομήτης μέγας , &c. hoc tamen verum est , quod vtplurimum in plaga cæli septentrionali consistunt comete , quia istic plurimum est auræ pigræ , & sunt loca plena exhalationum , propter radiorum solarium imbecillitatem. Præterea quo propius versus septentrionem accedunt , eò mouentur tardius , ibi enim cæli circumagitationo tardior , sicut circa medium cæli velocior existit. Locus quem citat hic ex Arist. extat in capite de Cometis cum inquit , ὅτι καὶ παλαιότερ ἐκείνῃ ἡμετέρῃ γίνονται πολλῶν , &c.

VENTOS AVTEM AB IIS GRAVES AESTIVS QVE SIGNIFICARI non tantum significari sed etiam effici , vt supra dictum est. In Austino polo) hoc est , regione vel plaga meridiana , sed citra vllum iubar , hoc est , appendicem , sunt quidem illic minores , sed non sunt prorsus nullæ. Sequentem textum sic construe , Cometa siue stella typhon , cui nomen dedit rex eius æui , quæ fuit specie ignea ac intorta instar spiræ , seu circuli , illa stella comperta est dira , hoc est , exitiosa populis Aethiopum & Aegypti. De hac stella propter vetustatem nihil certi constat , sed consentaneum est incidisse in tempus exitus populi Israëliti ex Aegypto , nam sine dubio signa & prodigia præcesserunt hanc ingentem calamitarem , quæ florentissimum regnum Aegypti oppressit & ferè penitus extinxit. hæc autem stella nominata est à rege Typhone , cuius meminit Herod. lib. 2 cum inquit : οὕτω καταπαύσονται τοὺς αἰῶνες

βασιλεύτας ὄνατος ἀγυλίου, &c. vbi clarè inquit, heroicum seculum tunc desisse, nam Typhon fertur auxilio Gygantum oppressisse reges Aegyptios viros sanctos & iustos, sibiq; confirmasse tyrannidem. Hæc à Græcis scriptoribus, vt à Diodoro & Herodoto recensentur: si autem cum sacris literis conferantur, deprehendemus hæc circa temporà exitus ex Aegypto accidisse.

SEQUITVR IN TEXTV: sparguntur aliquando & errantibus stellis cæterisq; crines. hæc ex Aristotele descripta sunt, qui facit duo genera cometarum, crinitarum & barbatarum, & ait veteres censuisse comas tantum fieri per refractionem radiorum solarium in exhalatione non inflammata. Eodem modo ait hoc loco Plinius crines spargi circa errantes stellas & cæteras, hoc est, fixas, videlicet per refractionem, quando videlicet ipsarum radius incidit in exhalationes partium subtilium, sicuti quando circa Solem & Lunam generantur Halones.

SEQUITVR: sed Cometes nunquam in occasura parte cæli est. etiã hæc sententia ex Aristotele est descripta, sed Amanuensis negligentia deprauata, sic inquit Arist. *οτις δὲ τῶτος ἀπαρτεσι οἱ καθ' ἡμαρ ὁμιλεῖσι ἀγνοοῦντες τὸ φαινόμενον, ἐν τῇ ὁρῇ τῇ ὁρίζοντος τῶτον ἀπομαρτυροῦντες καὶ μικρὸν ὥτως, ὥστε μὲν εἰς ἀέρος ἀπολεψθῆναι σῶμα τι μὲν πλανήτων.* Hoc est, quotquot nostra tempestate visi sunt, sine occasu super horizontem euauerunt, paulatim ita emarcescentes atque absumpti, vt nec vnus stellæ corpus nec plurium reliquerint. hinc apparet quàm incommodè Aristotelem in hoc loco sit interpretatus. Aristoteles enim loquitur de occasu Heliaco quo occidunt & occultantur reliquæ stellæ tam planetæ quàm fixæ, & ita non amplius cernuntur, sed Cometæ absque tali occasu euanescent paulatim, vt prorsus nihil amplius conspiciatur.

QVOD AVTEM AIT, non leuiter piatum, intelligit Cometæ non abire sine magnis calamitatibus. istius rei aliquot exempla subiicit. Primum de ciuili motu Octauio Confu-

Consule, qui fuit Consul anno vr̄bis 667. Orta autem primum est discordia inter ambos consules Gn. Octauium & L. Cornelium Cinnam, vbi ab Octanio potentiore pulsus vr̄be Cinna, qui deinde C. Mario exul se coniunxit, & ambo quatuor exercitibus vr̄bem Romam sunt ingressi, plurimos eosq; nobilissimos ciues trucidarunt, inter hos Consulem Octauium, M. Antonium, Gn. & L. Cæsares, & alios summos viros, quorum necem deplorat Cicero in præfatione tertij de Oratore. & Virgilius de hoc ipso tempore inquit, *Nec diri toties arsere Cometa.* Alterum exemplum est de Cometa, qui comparuit ante bellum ciuile Cæsaris & Pompeij, cuius meminit Lucan. lib. 1. cum inquit:

*Ignota obscura viderunt sidera noctes,
Ardentemq; polum flammis, cæloq; volantes
Obliquas per inane fuces, crinemq; timendi
Sideris, & terris mutantem regna Cometen.*

Tertium exemplum est de sua ætate circa veneficium, hoc est, quando ante mortem Claudij interfecti veneno Cometa comparuit. Quartum de Cometa, qui imperante Nerone assidue fuit, hoc est, integris sex mensibus, de quo sic scribit Suetonius: Nec minore sænicia foris & in externos grassatus est. stella Crinita, quæ summis potestatib. exitium portendere vulgo putatur, per continuas noctes oriri cæperat, anxius ea re, vt ex Babilo Astrologo didicit, solere reges talia ostenta cæde aliqua illustri expiare, atq; à semet in capita procerum depellere, nobilissimo cuique exitium destinauit, &c.

S E Q V I T V R, Referre arbitrantur in quas partes, hoc est, in quam regionem mundi ferantur, aut cuius stellæ vires accipiat, hoc est, à qua stella erratica excitetur. quas similitudines, hoc est, figuras, sic enim paulò post exponit de specie tibiarij. In quib. locis emicet, hoc est, iuxta quod signum, aut apud quas stellas fixas conspiciatur Cometa.

Q V A S sequuntur sunt particulares obseruationes, quas existimo carere ratione physica. In verendis partib.

figuorum, hoc est, in medijs signis, portendit mores impudentes & flagitiosas libidines. Ingenijs) hoc est, literatis & eruditis. & eruditioni) hoc est, studijs artium & philosophiæ. Si triquetram figuram) hoc est, si aspectu trino aut quadrato aliquam insigniorem ex fixis stellis aspexerit. Venena fundere) hoc est, Veneficia portendit. Cometes in vno loco colitur) scilicet sicut pellis & febris ad auerrendam significationem futurarum cladum. Incipiente eo) scilicet imperare anno vrbis 710. Id oriebatur circa vndecimam horam, hoc est, vna hora ante occasum Solis oriebatur supra horizontem, & post occasum Solis fuit conspicuum. Simulachro capitis) hoc est, statux Cæsaris. Salutare id terris fuit) Quam fuerit salutare tetrus sidus illud, æstimari potest ex mutata forma Reipublicæ, & ex quinque bellis ciuilibus, quæ sunt secuta apparitionem Cometæ illius. Primum fuit Mutinense contra Antonium. Secundum Philippense contra Cassium & Brutum. Tertium Perusinum, contra L. Antonium fratrem triumviri. Quartum Siculum aduersus Sex. Pompeium Gn. filium. Quintum Actiacum contra M. Antonium triumvirem & Cleopatram reginam Aegypti. SEQUITUR IN TEXTU, Sunt qui hæc sidera perpetua esse, suorumq; ambitu, hoc est, proprio motu moueri, sed non nisi à Sole cerni, hoc est, digressa longius à Sole sicut stella Mercurij. In hac sententia fuit Seneca & plerique veterum. Alij) scilicet Peripaterici, vt Aristoteles, nasci humore fortuito, hoc est, ex vapore, sicut supra copiose exposuimus.

C A P V T X X V I.

Hipparchus de sideribus, per exempla historica, faces, lampades, trabes, bolides, & chasma cæli.

Idem Hipparchus nunquam satis laudatus, vt quo nemo magis approbauerit cognationem cum homine si-

ne siderum, animasq; nostras partem esse cœli, novam stellam & aliam in ævo suo genitam depræhendit: eiusq; motu, qua die fulsit, ad dubitationem est adductus, an hoc sapius fieret, moverenturq; & eæ quas putamus affixæ. Idemq; auisus, rem etiam Deo improbam, annumerare posteris stellas, ac sidera ad normam expangere, organis excogitatis, per quæ singularum loca atque magnitudines signarent: ut facile discerni posset ex eo, non modo an obirent, nascerenturue, sed an omnino aliqua transirent moverenturue, item an crescerent minuerenturq; cœlo in hæreditate cunctis relicto, si quisquæ qui rationem eam caperet, inuentus esset.

Emicant & faces, non nisi quum decidunt visæ: Transi-
 qualis Germanico Cæsare gladiatorum spectacu-
 lum ædente, præter ora populi meridiano transcur-
 rit. Duo genera earum: Lampades vocant planè fa-
 ces: alterum bolidas, quale Mutinensibus malis vi-
 sum est. Distant, quod faces vestigia longa faciunt,
 priore ardente: bolis verò perpetuò ardens, longio-
 rem trahit limitem. Emicant & trabes simili modo,
 quas docos vocant: quales cum Lacedæmonij clas-
 se victi, imperium Græciæ amiserunt.

Alii Athenienses.

Fit & cœli ipsius hiatus quod vocant chasma.

A P P E N D I X.

Citat in hoc capite exempla Hipparchi viri in omni di-
 sciplinarum genere præstantissimi, de discrimine stellarum
 verarum & notharum, quæ videlicet non sunt stellæ, sed
 tantum exhalationes in aëre incensæ. Scribit enim suo secu-
 lo novam stellam genitam esse, qua re significat suis tem-
 poribus conspectum esse Cometam, qui cum aliquandiu
 fulsis-

Hipparchi
 observatio-
 nes de stel-
 lis fixis.

fulsisset, rursus extinctus est, ideo coactus est inuestigare unde hoc incendium ortum sit, quæ vis in natura hanc materiam cogat, deinde inflammet, ac etiam motu proportionali cum reliquis stellis erraticis moueat, & ad extremum rursus extinguat. Hac autem occasione vniuersæ arti de motibus stellarum magnum lumen attulit. Deprehendit enim an etiam mouerentur stellæ fixæ, & quali motu incederent: nam excogitatis organis & instrumentis, cum mirabili arte & ingenio obseruaret primus loca & motus Cometæ, venit etiam in dubitationem, an mouerentur & hæ stellæ, quas cælo putamus esse affixas. Cum enim ad stellas fixas dirigeret suas obseruationes, id quod necesse erat fieri, videlicet quantum vno die Cometa ab aliqua stella fixa discederet, quantum ab illa in latera mundi inclinaret, &c. hac obseruatione etiam apprehendit stellas fixas non retinere sua loca, quæ ante annos 200. aut 300. retinuerant, qualia loca erant annotata ab ijs qui priori sæculo stellarum cursus notauerant. Idem etiam ausus est posteris annuere stellas, hoc est, illarum motus, loca, & magnitudines signare, ac posteris descriptas in tabella atq; Ephemeride tradere, idq; effecit organis & instrumentis quæ descripta sunt apud Ptolemæum lib. 1. Magnæ compo. quibus etiam hodie in obseruatione cœlesti plurimum vtimur, præsertim si iustam habuerint magnitudinem, vt non tantum gradus, verum etiam minuta graduum notari possint. His autem obseruationibus cælum posteris in hæreditate reliquit, hoc est, reliquit posteris in propria possessione, vt singulis cælum quasi hæreditarium relinqueret, vt liceret metiri cælum perinde atq; res domi nostræ metimur.

Anima ho-
minis co-
gnata cœ-
lo.

Quod autem initio capitis ait, Animas nostras partem esse cœli, intelligit animam hominis esse quiddam cognatum cum natura cœlesti. Vnde sequitur, partemq; cœli, hoc est, spiritum cœlestem. Quidam non satis concinnè hanc sententiam traustulerunt ad Platoniam disputationem, quod corpora cœlestia sint animata, sic enim inquit Plato

Plato in Timæo: *Ἡρώδης δὲ τὸ πᾶν διηγεῖται ψυχῇ ἰσαριθμῶν τῶν ἄστρον ἑκατέμβ' ἐκάδ' αὖ πρὸς ἑκατόν, &c.* Sed simplicius hæc Plinij sententia intelligitur vt dictum est, quod industria & sagacitas Hipparchi deprehendit animas nostras retinere particulam quandam cœlestis naturæ: nequaquam enim potuisset perscrutari naturam corporum tam procul à nobis distantium, nisi sit aliqua cognatio humanæ mentis cum natura cœlesti.

QVOD SEQUITUR, Et aliam in æro suo genitam deprehendit, intelligo de Cometa, cuius motum organis deprehendit & ostendit: ait autem, aliam, scilicet præter vilitatem stellas. Ex Ptolemæo constat, Hipparchum vixisse annis post mortem Alexandri 178. hoc est, urbis conditæ 607. quo tempore fuit Cometa qui à Seneca describitur post mortem regis Demetrii paulò ante bellum Achaicum.

QVOD SEQUITUR, Ausus rem etiam Deo improbam, hoc est, difficilem & laboriosam, annumerare posteris stellas, hoc est, omnium insigniorum stellarum loca in cœlo secundum longitudinem & latitudinem descripta tradere. Sequitur, ad normam expandere, hoc est, traducere quasi ex cœlo in tabulas & globosa instrumenta. Nascerentur, scilicet novæ stellæ. Sed an omnino aliquæ transirent, hoc est, per aliqua loca incederent, videlicet, quis sit ipsorum motus tam in lōgitudine quàm in latitudine.

(Emitant & faces.)

Magna est cognatio omnium ignitatum impressionum inter sese, ideo Plinius hæc Epicaumata coniungit, quæ à *ἱπποκρίτων* Ptolemæo traiectiones vocantur: celeriter enim transcurrunt ac quasi præteruolant. Differunt autem à Cometis motu, forma, duratione, subito enim conflagrant, item crebro apparent. Vocantur autem pro dissimilitudine materię incensę aliàs stipulę ardentes, caprę saltantes, candelę, trabes, columnę, lanceę, clypei, globi, faces, pyramides, draco volans, ignis fatuus, & si qua alia sunt nomina. Ea-

na. Eadem est autem omnium horum causa efficiens. Formæ dissimilitudine differunt secundum diuersitatem materiz, in caliditate & siccitate, raritate & densitate, grauitate & leuitate, multitudine & paucitate, & propter diuersos motus, distractiones, inclinationes, agitationes & impulsiones earum, vel à ventis vel sua natura factis, quemadmodum præclare describit Aristoteles, cuius sententiam ascribam: Quam ob causam flammæ ardentes & stellæ discurrentes, & vocati à quibusdam torres & capræ circa cælum visantur dicamus: hæc enim omnia idem sunt atq; eadem ex causa fiunt, intentione tamen & remissione separantur; succensionis itaq; positu aut multitudine discrimen obuenire solet. Nam si longitudinē latitudinemq; habeat succensio, sæpius videtur flamma collucens, propemodum ita vt in aruis sit succensis calamis: sin autem longitudinē duntaxat habeat, tum fiunt quos vocant torres, necnon & capræ & vagæ stellæ. Atq; si in longitudinem magis quam in latitudinem incensio porrigatur, cum quasdam veluti scintillas despuere videtur & interim ardet, quod quidem ideo contingit, quia minutatim quidem, sed priore partu ignem obiter excipit, id est, quod capra nominatur, cum verò hac affectione caret, torris. Si verò exhalationis longitudo in multas simul & exiguas partes disseminata sit, & latitudo atq; crassitudo se consimiliter habeant, tum fiunt quæ creduntur vulgo vagæ stellæ. Sic autem inquit Plinius, non nisi cum decidunt visæ, hoc est, non durant diu sicut Comete, sed tantum conspiciuntur cum decidunt & euanescent. Sequitur, præter ora populi meridiano transcurrit, Hæc fax est conspecta in meridie post triumphum, quem egit Germanicus reuersus ex Germania anno vrbis 769. septimo Calend. Iunij, tertio anno post mortem Augusti, quo anno duodecim celebres vrbes in Asia terræmotu nocturno corruerunt, ac biennio post hic Germanicus à Tiberio veneno necatus est.

(Duo genera earum.) Duplices sunt facies, quædam

dam vocantur lampades, in quarum superiore parte exigua ^{lampadis} us ignis splendet, materia enim est inæqualis, sed tamen coherens, infra enim habet partes crassiores, supra tenuiores: id enim quod leue est eleuatur, residente graui terrestri, quæ incensa præbet formam vel facis, vel lanceæ, vel candelæ, vel ignis perpendicularis, vel pyramidis, &c. Aliæ verò vocantur Bolides, quæ igneum in aëre sulcum circumscribere videntur, & nomen habent à forma iaculi. Fiunt autem ex materia rara & non bene compacta, longa quidem, sed parum lata, quæ in vna parte incensa faciliè in omnes transmittit ignem, quæ videtur velut iaculum ab vna parte in aliam transcurrere.

Eodem etiam modo trabes gignuntur, quas Græci ^{trabes} *δρακόνες* appellant. Cum enim materia inæqualis, hoc est, quæ alicubi est crassior ac densior, alicubi verò rarior ac leuior, & tamen inflammabilis eleuatur, fit aliquando quod prior pars inflammata contactu rei frigida repressa deuolat atque instar trabis cernitur. Hæ impressiones etiam interdum conspiciuntur, sic enim inquit Seneca: Nostra quoque ætas non semel vidit diurnas faces alias ab Oriente in Occidentem versas, alias ab occasu in ortum. Ego vidi Viennæ Austriæ anno Domini 1520. mense Ianuario in meridie, sulcum quendam in aëre magis fumosum quam lucidum, instar trabis sese ex infima aëris regione in obliquum demittentem, atque ad turrim diui Stephani sese inclinantem, donec ad extremum velut nebula dissipata euanesceret. Item hic Vitebergæ anno Domini 1523. in Ianuario visa est trabes ab oriente ante ortum Solis horam circiter 4. quæ clarissimam lucem in illo aëris tractu efficiebat, quæ cum initio velut hasta in longum porrecta arderet, paulatim in orbem coijt, donec deficiente materia extingueretur. Sed nimis longum esset ascribere exempla, quoties hæc hypercaumata nostris temporibus conspecta sint: planè enim seculum nostrum fecundum est, tum horum tum aliorum quoque minacium portentorum: videmus quoque & quotidie experimur illo-
rum

rum horribiles effectus. Sed exponamus exempla, quæ hæc à Plinio in textu recitantur.

Lampades vocant planè faces, hoc est, similes facibus. Bolidas, id est, iacula, à βόλλειν, quale Mutinensibus malis visum, hoc est, tunc cum gereretur primum bellum civile post interfectum Iulium Cæsarem, quando Octavius auctoritate Senatus liberauit Decium Brutum obsessum Mutinæ à M. Antonio, in qua pugna ambo consules Hircius & Pansa sunt interfecti. S E Q V I T V R in textu, distant, scilicet ista duo flammæ genera, quod faces vestigia longa faciunt, scilicet propter relictum in aëre fumum, qui non simul, sed paulatim incenderat, tunc flamma tantum in vna parte conspicitur, reliquum ut fumeus sulcus cernitur. Bolidis verò perpetuo ardet, hoc est, præbet speciem continuati & oblongi ignis. Lacedæmonij classe victi, scilicet à Conone duce Atheniensium, alij legunt Atheniensium victi classe, scilicet duce Lyfandro ad Aegospotamos, Vide primū Paral. Xenophontis.

C A P V T X X V I I.

De Chasmate.

FIt & sanguinea species, & (quo nihil terribilius mortalium timori est) incendium ad terras cadens inde, sicut Olympiadis centesimæ septimæ anno tertio, quum rex Philippus Græciam quateret. Atque hæc ego statis temporibus naturæ, ut cætera, arbitror existere, non ut pleriq; varijs de causis, quas ingeniorum acumen excogitat: quippe ingentiū malorum fuere prænuncia. Sed ea accidisse, non quia hæc facta sunt, arbitror: verum hæc ideo facta, quia incasura erant illa. Raritate autem occultam eorum esse rationem, ideoq; non sicut exortus supra dictos defectusq; & multa alia nosci.

APPENDIX.

(Fit & cœli ipsius hiatus.)

Chasma vocant hiatum seu voraginem, quando ignis Chasma. velut ex disrupto cœlo decidere videtur, à verbo *χαίρω*, id est, hio. Vnde Latini hiatum vocant. Fit autem quando multi fumi aridi existunt in aëre, qui leui aliqua occasione ignem concipiunt, & ptopter ipsorum tenuitatem atq; raritatem cito deflagrant, perinde atq; pulvis ex sulphure & nitro cito ignem concipit atque deflagrat. Pro diuersitate autem loci varias formas & colores hoc incendium concipit. Si enim lumen per densam nubem decidit, tum fit recessus similis effossæ in orbem speluncæ. Interuentus enim nubes densæ, quæ fulgorem velut atra specie circumdat, efficit vt aliqua in igne videatur inesse profunditas: etenim cum visus deficere incipit, tunc cuiuscunq; rei color videtur declinare ad nigredinem & tenebras. Item si nubes fuerit densa & nigra, hæc flamma apparet rubicundior: atrum enim candido permistum ceu flamma fumo, color gignitur rubicundior. Sicut Sol & stellæ si per æstum aut fumum spectentur, ruberæ apparent. Si verò hæc flamma per clarum aërem spectetur, albicans apparet, atque appellatur *σίλας, σίλας*, qualis conspecta est hoc anno in Martio.

Chasmatum autem proprii colores sunt, puniceus & purpureus, quem hic Plinius sanguinolentum vocat, quale describitur à Plutarcho in vita Luculli, cum inquit: *ἰζαίφους τῷ αἵματι ἀπαύγαντος ὁφθαλμοῦ μέγα σῶμα φλογισθεὶς εἰς μέγεθος τῶν πεποσμένων καταφλέμενον τὸ μὲν σῶμα αἵματι μέλειεν, πῶς δὲ χεῖρας ἀεγρὸν διακίρην ἀποστολῆς, &c.* Ascribam verba Senecæ de Chasmate: Sunt chasmata, cum aliquod cœli spacium defedit, & flāma velut dehiscens in abdito ostentatur. Colores quoque horum omnium plurimi sunt, quidam ruboris acerrimi, quidam euanidæ ac levis flammæ, quidam candidæ lucis, quidam micantes, quidam æqualiter & sine eruptioni-

bus aut radijs fului, &c. Legant quoque studiosi chasmatis descriptionem apud Ponranum in Meteoris:

Sapè etiam torrens ambustum rutilante favilla

Cernere erit, cælumq; cano se scindere hiatus, &c.

Ex his causæ chasmatum bene intelligi possunt. Efficiens causa est radius solaris & reliquarum stellarum attrahentium per aërem talem leuem & rarum fumum. Materialis est ipse fumus. Formalis est agitatio fumi in aëre quæ ipsum incendit. Cum enim hic fumus suapte natura caleat, tum magis calet, quando ad supremam aëris regionem euolat. Istic autem facillimè incenditur. Finale causam ipse exponit cum inquit:

(Atque hæc ego statis, &c.)

Causa 5
causæ tran-
scendentium
agitantur.

Cum singula naturæ opera ad certum aliquem finem & quasdam utilitates sint destinata, quærit etiam hoc loco Plinius, quis finis sit harum impressio-
num, & ad quos usus fiant? Respondet simpliciter, illarum finem esse, ut sint præ-
nunciæ ingenium malorum, non propter aliquas materia-
les causas, sed propter earum aliquam occultam rationem, sic enim inquit: Ea enim mala accidunt, non quia hæc ut
causæ præcedant, sed ideo præcedunt, quia hæc mala sunt
incassum, hoc est, certò & inuitabiliter euentura. Verba
hæc transcripsit Plinius ex Seneca lib. 1. cap. 32. Nam cum
omnia ad Deum referant, in ea sunt opinione, tanquam
non quia facta sunt significant, sed quia significatura sint
fiant. Item: Nos putamus, quod quia nubes collisæ sunt,
ideo fulmina emittantur, sed illi, hoc est, Thufci, nubes col-
lidi, ut fulmina emittantur.

Monstra
& prodigia
quomodo
discerant.

Monendi hoc loco sunt studiosi, ut diligenter discrimen
monstrorum & prodigiorum obseruent: utraq; enim præ-
dicunt ventura mala, sed diuersa ratione. Monstra, quia
sunt errata naturæ, significant illum ipsum errorem natu-
ræ, vel in redundantia vel defectu materiæ, vel aliam quan-
dam circumstantiam, quæ huic errori occasionem præbet.

Alia

Alia monstra sunt significatiua futurarum rerum, quia immediatè à Deo proponuntur sine aliqua materiali causa ad præmonendos homines, vt quando superioribus annis in Misnia natus est vitulus habitu seu forma monastica. Item Romæ mula asinum peperit pontificiam coronam gerentem, &c. Verùm de his monstris hic non loquitur Plinius, sed de prodigijs tantum. Sunt autem alia certissima, quæ physicas causas habent, vt sunt eclipses, coniunctiones, aspectus Planetarum, & alia, de quibus ait Plinius, quod sicut ipsarum causæ sunt certæ, ita quoque effectus seu significationes esse certas. Alia prodigia sunt minus certa, & tamen etiam ad physicos pertinent, vt sunt Cometæ, traiectiones, chasmata, & reliqua meteora, quæ quia rarissimè accidunt, ideo quoque raritate ipsa occulti aliquid significant. Confundit autem hic Plinius Epicurum secutus, Meteora, cum monstris & cum illis prodigijs, quæ nullam in materia causam continent, cum ait: hæc statim naturæ temporib. accidere vt cætera, hoc est, regularia meteora, non vt plerique existimant varijs de causis, quas ingeniorum acumen excogitat, quales videlicet sunt causæ meteorologicarum impressionum, sed tantum propter illam causam, vt sint ingentium malorum prænuncia, qualia sunt monstra in aëre, vt exercituum inter se dimicantium, item armorum sonitus & tubarum, quæ nullam physicam causam continent. Et quanquam meteora habeant aliquam in materia causam, tamen experientia testatur illa etiã non esse à *causa*. Vnde non solum à Poëtis, sed etiam ab Astrologis inter signa collocantur. Et si Astrologi has significationes obscuriores esse censent quàm stellarum, ideo etiam Ptolemæus ait: Traiectiones & crinitas secundas partes habere in iudicijs. Physici verò harum impressionum causas querunt, non vt signorum, sed vt causas mutationum aëris esse doceant. Virgilius enumerat chasma inter prodigia significantia Turni mortem, cum inquit, *video medium discindere cæli*.

Ingens chasma per Germaniam conspectum est, anno

1529. die 9. Ianuarij, inter horam nonam & decimam noctis ab Oriente in Septentrionem ad occasum æstiuum discurrens. Eodem anno secuta est Turcarum irruptio in Germaniam. Aliud chasma conspectum est anno 1536. die 16. Decembris, infra horam sextam & septimam noctis, à septentrione in occasum brumalem discurrens, aliquanto post secuta est exiguum fulgetrum tonitru, haud dubiè aliquid mali significans. Longè horribilissimum chasma conspectum est in his terris anno 1548. hora noctis 12. diei 6. Nouembris, quod non tantum transcurrit per cœli plagam, sed aliquando stetit, adeo ut cœlum prorsus ignitum conspiceretur, & in quibusdam locis etiam ignis copiosus delapsus, qui aliquot pagos incendit.

Plinius cum ait: sit & sanguinea species, voluit reddere verbum Aristotelicum, *αἰματώδης*, cum inquit, Atque hæc, scilicet incendia, statis temporibus naturæ, ut cætera, scilicet naturalia, ut sunt eclipses, ortus & occasus siderum, non ut plerique varijs de causis, hoc est, temerè ex futilibus & leuibus causis. Quippe ingentium malorum fuere prænuntia, hoc est, quia huiusmodi chasmata non fiunt pacificis temporibus, sed tunc tantum, quando nunciantur subitæ clades. Sed ea accidisse, non quia hæc facta sunt) hoc est, hæc incendia nō sunt effectus aut causæ efficientes, sed tantum signa malorum, sed raritas ipsorum prohibet, quominus causæ genera ipsorum cognoscantur, idem fieret in Eclipsibus si rariores acciderent.

C A P V T X X V I I I.

De Stellis, & Circulis circa Solem.

Cernuntur & stellæ cum Sole totis diebus, plerunque & circa Solis orbem, ceu spicæ coronæ: & versicolores circuli, qualiter Augusto Cæsare in prima iuuenta urbē intrante, post obitū patris, ad nomen ingens capessendū.

C A -

CAPVT XXIX.

De Corona circa Lunam.

EXistunt eadem coronæ circa Lunam, & circa nobilia astra, coelo quoq; inhærentia. Circa Solem arcus apparuit L. Opimio, Q. Fabio Cos. orbis L. Portio, M. Acilio.

APPENDIX.

Hæc duo capita continent expositionem duarum impressionum circa Solem, stellarum videlicet & circulorum. Sunt autem stellæ circa Solem nihil aliud nisi refraçtio radij Solaris in medio densiore, quæ figuram reflexam minuit, videturq; illa secunda figura Solis quasi sit corpus stellæ sequentis Solare corpus. Huius rei exemplum ex speculis positis in aqua limpida sumi potest: in istis enim superficiebus visum lumen Solis radiorum perpendicularium, obliquè tamen huic superficiei incidentium, tum reflectitur à speculi superficiei ad visum existentem in loco reflexionis, & visu offert figuram Solis. Lumen verò radiorum obliquè superficiei aquæ incidentium refrangitur in superficiei aquæ ad perpendiculararem ductam à puncto incidentiæ ad aquæ superficiem. Cum itaq; illa forma refracta peruenit ad speculi superficiem, tunc ab illa superficiei, cui obliquè incidit, reflectitur iterum ad visum, apparentq; duæ figuræ Solis, vna maior, propter simplicem reflexionem, alia verò minor, propter refractionem, quæ in medio densiori minuit figuram postea reflexam, videturq; illa secunda figura Solis quasi sit corpus stellæ sequentis Solare corpus. Pauca autem de huiusmodi stellis dicuntur, quia valde rarum est meteoron.

Coronas verò & circulos hîc vocat id, quod Græci ἀλῶν, ἀλῶναι, & Latini Areas dixerunt, quando videlicet vel circa Area.

Solem vel Lunam vel stellam aliquam claram circulus conspicitur, & fit quando circa Lunam aut Solem confisterit caliginosus aër immixtus exhalationibus & vaporibus, ex valde minutis corporibus compactus, tunc singulæ afficiuntur veluti specula, sed lumen tantum concipiunt, figuram verò propter exiguitatem referre nequeunt. Medium verò huius vaporis etiam radij perfunditur, tamen nō illustratur, eò quod perpendicularis radius, ut omnium fortissimum penetrat vaporem rectissimè sine fractione, idem etiam faciunt proximè circumstantes perpendicularis. Itaq; partes fracti radij non ita propè coeuntes minus sunt efficaces ad illustrandum. Vnde fit, ut media pars arcus non ostendat lucem, sed videatur purus aër eoulsq; donec radij longius à perpendiculari distantes & obliquius incidentes, vaporis lucem imprimere possunt sensibilem, propter magis unitas fracti radij lineas. Compararet autem circulus, quia lumen aequaliter se in nubem diffundit, cuius superficies æquè distat superficiei corporis luminosi, cui nubi radij ad angulos æquales incidentes efficiunt figuram coni, cuius vertex est in centro luminosi corporis, basis verò in nube illustrata. **Causa.** Causa itaq; materialis est talis vapor inter aspectum nostrum & corpus luminosum interpositus. Efficiens & formalis, est refractionis radij in superficie diaphani densioris, quæ fit ad angulos æquales & ad visum collectorum in forma circuli, propter causam iam dictam. Coronæ etiam non sunt varijs coloribus distinctæ, sed vtpotissimum albæ, quia videntur plerumq; in vapore raro ac leuiter condensato, nec adeo profundo, quod si sit densior & profundior, tunc lumen permixtum apparet visui rutilū, aliquando etiam diuersis coloribus distinctum ad modum iridis. Scribit Aristoteles, Antiphonem vidisse in aëre sui imaginem se præcedentem, idq; propter radiorum visuum debilitatem accidit, & propter oculorum humiditatem, in quibus facillimè fit & luminis & formarum reflexio, velut in speculo. Virtus enim visiva, propter organi imbecillitatem debi-

debilitata, non potest modicam aëris densitatem penetrare, sed ad visum forma rei visæ refrangitur ab aëre densiore, quemadmodum ad visum fortiolem refrangitur solum ab aliquo solido, quod non transmittit radium sicut specula. Simile exemplum de alio quodam commemorat Vitellio lib. 10. cap. 61.

Quare ergo hæc radiorum refractione fit in orbem, & nō magis ipsæ imagines corporum exprimuntur, quemadmodum præcedenti capite de stellis circa Solem diximus? Respondeo, quia cum caliginoso aëre permixtæ sunt plurimæ exhalationes & vapores non continui, sed ex diuersis & minutis partib. compacti, quemadmodum antea dictum est, tunc radij fortes & recti facile transeunt ac penetrant, vnde illic non potest fieri refractione, sed circa latera vbi anguli existunt obtusiores, fit refractione non formæ, sed tantum luminis.

Cur fiat
circularis.

Vt autem studiosi facilius intelligant, quare hæc refractione & quomodo in orbem fiat, pauca prius repetenda sunt. Visio fit aut per rectam lineam, vt quando color seu lux per idem medium Diaphanum cernitur, tunc enim, quia lux in vno medio recta & eodem modo mouetur, rectissima linea se radius visui conspiciendum offert. Aut per reflexionem, cum videlicet lux seu color per medium vnum in corpus densius, & natura vel arte politum incidens, ab eo versus visum reflectitur, & visui formam corporis lucentis vel colorati polito corpori impressam conspiciendam offert. Aut per refractionem, quando lux seu color per plura & diuersa media cernitur, tunc enim radius ab vno medio in aliud vel rarius vel densius incidens frangitur, hoc est, continuū ductum non retinet, sed ab eo, ad perpendicularem, excitatam in superficie medij diuersi ad locum incidentiæ vel accedit, cum videlicet ex medio tenuiore in medium densius incidit, vel ab eadem recedit, quando ex medio densiore in medium tenuius incidit. Causa autem huius diuersitatis refractionis est medij, per quod radius mouetur, densi-


Visio fit
tripliciter.

tas vel raritas: Quo enim medium densius fuerit, eò magis radio transeunti resistit, eumq; ad perpendicularem à continuo ductu repellit. Quo verò rarius, eò minus radio resistit, eumq; longius à perpendiculari abducit. Ac necesse est fieri geminam hanc refractionem, alioqui res visa nunquam perferretur ad visum. Hoc modo visui conspicienda offeruntur omnia meteora, quæ à refractione luminis in nubib. fiunt, vt sunt irides, halones, *magicalum, magotaleum, &c.*

Halo quomodo generetur.

Sed cæteris omisiss ad halonis generationem reuertemur, quæ hoc modo fit. Radij corporis luminosi in nubem suppositam & rotidam obliquè incidentes, (Nam radius rectus non frangitur, sed nubem transiit, sic nec adij testæ vicini, franguntur, vel admodum parum, ideoq; media nubis pars non videtur illuminata: tantum enim radij obliquè incidentes & refracti nubem illuminant) in ea refringuntur, refractiq; eam illuminant, Cumq; hæc refractione fiat secundum æquales angulos, quibus respondent æquales lineæ, necesse est circumferentiam, ad quam illæ æquales lineæ concurrunt, per conuersionem definitionis circuli, esse circulem. Quod sic demonstratur. Sit centrum corporis irradiantis A, superficies verò vaporis seu nubis D, E, F, ad quam superficiem à signo A, procurret normalis linea A, C, transiens in signo C, vsque ad B. Necesse igitur est corpus A, per refractionem visum comprehendi in linea A, C, B. Quia omnis forma visa per refractionem, comprehenditur in linea perpendiculari, ducta à puncto rei visæ super superficiem corporis, à qua fit refractione per 13. Vitellionis. Sit ergo oculus B, ad quem radij refracti perueniant D B, E B, F B, & connectantur C D, C E, C F, & quoniam omnium radorum, qui ab eadem superficie ad vnum signum refringuntur, anguli sunt æquales (Nam radij qui ad æquales angulos incidunt, etiam ad æquales angulos cum reflectuntur tum refringuntur ad visum existentem in axe pyramidis irradiationis) Ideo anguli B D C, B E C, & B F C, æquales existunt. Sunt autem & anguli B C D, B C E, & B C F,

B C F, inuicem
 æquales, quia re-
 cti, per conuerfio-
 nem 2. definitio-
 nis 11. Euclidis.
 Triangula igitur
 B C D, B C E, &
 B C F, binos an-
 gulos habent æ-
 quales singulos sin-
 gulis, & vnam la-
 tus B C, commu-
 ne, subtendens
 æquales angulos
 B D C, B E C, &
 B F C. Igitur per
 26. primi element.
 reliquus angulus
 reliquo angulo, &
 reliqua latera re-
 liquis, vtrumque
 vtrius est æquale.
 Aequales igitur
 rectæ lineæ sunt
 C D, C E, & C F.
 Similiter ostende-
 mus, quascunque
 lineas ex C ductas
 ad refractiones ra-
 diorum in superfi-
 cie nubis, inuicem
 esse æquales. Qua-
 re ex definitione
 circuli linea trans-
 iens per D E F, &



alia quæcunque refractionum signa, est circularis, quod demonstrasse oportuit. Plurimum autem Halones existunt circa Lunam, ipsius enim radij sunt imbecilliores, nec tam facile vaporem discutere & dissolvere possunt, sicut radij solares. Fiunt etiam circa astra clariora, quorum radij ita validi sunt, ut lucem imprimere vaporibus subiecto possint. Hæ autem Aræ angustissimis circulis constant, unde & ab Aristotele novæ stellæ vocantur.

Finalis causa horum circularum est, Si æqualiter delabuntur, & in semetipsis evanescent, significant serenitatem. Si verò in vna aliqua parte rumpuntur, significant ventos vel tempestates. Ventus enim semper ab ea cœli parte accidit, à qua circulus primum frangitur. Hæc enim vaporis diductio fit à flatu, qui quidem iam cœpit, tamen nondum sentitur in terris. Si pluribus locis rumpitur, tempestates, & concursus ventorum. Si verò vapor condensatus in nubem coiserit, prænunciat pluvias. Aratus hæc prognostica describit :

εἰ δὲ καὶ μὴ πᾶσι πᾶσαι ἀλλοαὶ κυκλῶσονται
 ἢ πρὸς τὸ δὴν ἀναμείβεσθαι, ἢ μὲν ἓν,
 τῇ γὰρ ἓν, ἀνέμῳ γαλιπῶντι τοὺς ἀνέμους
 ἐρηγνύμεν ἀνέμῳ. μετατρέψαν δὲ γαλιπῶν.
 ταὶ δὲ δ' ἂν χειμῶνι περιτροχᾶντο σιελῶν
 μέγιστα δ' ἂν χειμῶνα φέρῃ πῆλκτος ἀλλὰ
 καὶ μέλλῃ μελαυνῶσα, καὶ εἰ ἐρηγέσεται μέλλῃ.

Item in alio loco de circulis circa Solem :

οὐ δὲ ὡς ἑλίου χεῖρ' ἔστι μελαυνῶσα ἀλλοαὶ
 αὐτοῦ, ἀδύναται δὲ καὶ ἀσμενέας μελαυνῶσαι
 μέλλῃ χειμῶνι δὲ δ' ἂν χαλιπώτερον εἶσι.

Ptolemæus lib. 2. cap. ultimo sic inquit : Non negligetur animadversio quoque Arcarum, quæ Lunam interdum cingunt : nam si vna fuerit pura, paulatimque evanescat, serenitatem : sin duæ aut tres, hyemes significant. Atque hæc cum ventorum turbulentia, subrubræ quasiq; perruptæ, cum niue, caliginosæ verò ac spissæ, hæc accidentia maiora ac se-

ac feuetiora portendunt. Ex his apparet, coronas, quæ ipsa astra cingere videntur, longè infra illa existere in ea parte aëris, quæ est terris propinqua & à ventis agitari solet.

Expositio textus.

Primus itaq; locus huius capituli est de stellis circa Solē. Secundus de circulis circa Solem. Tertius de circulis circa Lunam & stellas tam erraticas quàm fixas. Sic autem inquit, Plerunque & circa Solis orbem cernuntur circuli ceu spicæ coronæ, hoc est, inæquales, & varietate colorum tincti, quales conspecti sunt eo die, quo Augustus urbem Romam ex Apollonia reuersus intrauit, ad nomen ingens capeffendum, scilicet Cæsaris, anno vrbis 710. Et circa nobilia astra, vt est Iupiter & Venus, & circa coelo inhærentia, hoc est, stellas fixas, qualis est Arcturus, Sirius, cor Leonis, & similes. Circa Solem apparuit arcus, hoc est, interrupta cõtona, & non integer arcus, anno vrbis 634. quo C. Gracchus Tiberij frater Tribunitijs legibus turbans Rempub. & multitudinem armatam in Auentinum ducens interfectus est, L. Opimio Consule vocante populũ ad arma. Orbis verò, hoc est, integra corona siue Halo apparuit L. Portio scilicet Catone Consule, anno vrbis 640.

C A P V T X X X.

De Circulis repentinis.

Circulus rubri coloris L. Iulio, P. Rutilio Cos's. Fiunt pròdigiosi & longiores Solis defectus, qualis occiso dictatore Cæsare, & Antoniano bello, totius penè anni pallore continuo.

A P P E N D I X.

De circulis diuerforum colorum circa Solem apparentium supra dictum est, sunt enim alij purpurco, alij glauco, alij

Solis ob-
scuratione
vel deco-
loratio diu-
turnior.

alii alijs coloribus facti, quorum colorum causæ satis in præcedenti capite sunt explicatæ. Nunc exponit aliud Meteoron, quod vocat prodigiosos & longiores Solis defectus, hoc est, quando Sol obscuratur non per Linam interpositam, sed per continuas & perpetuas nebulas, quæ aliquando conspectum Solis adimunt terris. Quando enim radij Solares has nebulas penetrare nequeunt, conspicitur Sol parvus & exiguus instar pilæ seu globi ignei, quemadmodum integro mense Augusto in Germania conspectus est anno 1525. quando Agricolaë mota seditione à Principib. magno numero interfecti sunt. Item mense Aprili anni 1547. ante pugnam ad Mulberg. Obscurationem Solis à densis nebulis diu durantibus factam sub tempus cædis Cæsaris describit Virgilius primo Georg.

Ille etiam extincto miseratus Casare Romam,

Cum caput obscura nitidum ferrugine texit,

Impiaq; æternam timuerunt secula noctem, &c.

Antonianum bellum vocat illud, quod gestum est ab Augusto contra Antonium & Cleoparam.

C A P V T X X X I.

Plures Soles.

ET rursus plures Soles simul cernuntur, nec supra ipsum nec infra, sed ex obliquo, nunquam iuxta nec contra terram, nec noctu, sed aut oriente aut occidente. Semel & meridie conspecti in Bosphoro produntur, qui à matutino tempore durauerunt in occasum. Trinos Soles antiqui sæpius videre, sicut Sp. Posthumio, Q. Murio, Q. Martio, M. Portio, & M. Antonio, P. Dolabella, & M. Lepido, L. Planco Coss. Et nostra ætas vidit diuo Claudio principe, consulatu eius, Cornelio Orfito collega. Plures simul quam tres visi ad hoc æui nunquam produntur.

A P P E N D

A P P E N D I X.

Parelia vocantur quando plures Soles sub ortum vel occasum in nubibus fulgere conspiciuntur. Fit autem parelius, quando nubes ex latere Solis vel orientis vel occidentis collocata fuerit, maximè æquabilis & ex æquo densus, quæ velut speculum imaginem seu *εἰδωλον* Solis recipit atque exprimit. Videmus enim & in aqua & in aëre densiore reliquisque corporibus, quæ superficie leui & æquabili constant, velut in speculo exprimi res iusta proportionem collocatas ad ipsas.

Quomodo
fiat pa-
relius.

Causa itaque materialis est, nubes densa, æquabilis & regularis, quæ ex obliquo Solis collocata est, ita ut nec supra nec infra, neque etiam è regione existat, sed ad latus tantum. Efficiens verò & Formalis, est refractionis radiorum Solis in nube ad latus Solis existentis, quæ omnino velut speculum radium ex obliquo recipit, coloremque qui in Sole est apparere perinde facit, ut quando ab aëre leui ob eius densitatem aspectus frangitur. Radij enim ad ipsam nubem sic dispositam incidentes, & ab ipsa refracti ad visum, maximè nube illa non existente multum rara, tenui aut nigra, imaginem Solis exprimunt. Cur autem non omnes nubes, quoquo modo se habeant, hanc imaginem exprimant, causa est, aut quia sunt mobiles aut raræ, aut quia non iusta ratione respiciunt Solem. Hæc enim transmittit lumen, nec illud aliquandiu continere potest. Illa autem, quia aut nimis propinqua est, resolvitur vi radiorum, aut nimis remota non tam efficaciter radium recipere potest. Vnde fit quod parelia non fiunt è regione Solis ut Iris, nec sub Sole, ut Halo, sed tantum ad latus, & plurimum oriente vel occidente Sole, propter nubem nondum radijs Solaribus dissolutam atque attenuatam. In meridie nunquam, vel valde rarò fiunt, quia refractionis radij ad latus nubis omnino est imbecilla. Fiunt autem parelia alba, propter proprium colorem Solis, qui luminosus est & albus. Fit etiam reflexio à nube ad

Quare non
omnes nu-
bes imagi-
nem Solis
exprimant.

Parelia
alba.

visum

visum sine alicuius umbræ admixtione, propter nubis raritatem. Scribit Aristoteles in Bosphoro aliquando accidisse, ut duo parelij à matutino tempore durauerint in vespertinum vsque.

Cur Parelius non fiat in nube infra aut supra Solē posita.

Præcipue ex hoc loco discendum est, quare parelius fiat tantum in lateribus, & non supra, aut infra Solē, quemadmodum reliquæ impressiones ex refractione radiorum factæ. Sub Sole ac prope Solem non fit, quia à propinquo cito dissoluitur nubium consistentia: neq; procul à Sole in opposito fieri possunt, quia inde non est possibile fieri reflexionem ad visum: reflexio enim facta à paruo speculo subtilis est, vnde in longum protensa debilitatur ac euanescit, priusquam perueniat ad visum: secundum verò lateralem distantiam potest inueniri mediocris distantia, in qua consistentia non soluitur, & tamen fit reflexio ad visum.

Cur conspiciantur plures parelij quam duo.

Aliquando etiam plures Soles conspiciuntur, idq; accidit quemadmodum in speculis contusis vnius hominis plures facies cernuntur, ita nubis roridæ superficies sic disposita ut vna alteram seccet, fit aliquando in duab. aut pluribus superficiebus Solis ad vnum punctum, vnde aliquando plures conspiciuntur vno in singulis lateribus. Arist. lib. 3. Mete. describit pareliorum causam perspicue his verbis: *παράλληλοι δὲ καὶ ὁμοῦ καὶ ἑνὶ πλάγιος αἶψ', καὶ οὐτὶ ἀνέστη, οὐτὶ ἀπὸ τῆς γῆς, οὐτὶ ἐξ ἀστρίας, οὐδὲ δὲ γένεταί, ἀλλ' ἀπὸ αἰὲς τὸν ἄλυσ', ἔτι δὲ ἢ πλεονέχον ἢ κατὰ φασματόν. τὰ πλεῖστα δὲ ἀπὸ τοῦ δισημαῖ. μετὰ ταῦτα γὰρ δὲ ἀπὸ τῆς γῆς γίνονται.*

Finalis causa seu effectus materialis est significatio futuræ pluviæ, significat enim aërem plurimum materiæ imbrium continere: & magis id significant cum in Austrina cæli regione constiterint, quàm cum in Aquilonia: quoniam Austrinus aër quàm septentrionalis melius in aquam mutari solet. Et quemadmodum ferè omnes impressiones cœlestes, in natura abditam quandam aut secretam significationem habent, quæ non est materialis, ita parelij semper aliquid singulare diuinitus portendent. In Vngaria tres Soles

Soles conspecti sunt, paulò ante mortem Ludonici Regis, qui haud dubiè significârunt tres Reges concertaturos pro regno, scilicet Ferdinandum, Ioannem & Turcam. Item ferunt regem Poloniæ Sigismundum vidisse anno 1524. sex Sôles. Is autem qui ad Occidentem stabat erat planè ater, nec multo post Gallix Rex Franciscus in acie captus est. Durerus dixit, se ambulanti cum Pirckamero vidisse tres Soles, & coeuntes statim euasisse, postea compererunt, se Maximilianum coniunxisse cum Gallo & Iulio Pontifice, anno 1508. verùm id fœdus non diu duravit. Nos hîc Vuittenbergæ anno 1551. die 21. Martij vidimus parelia, cum aliquot versicoloribus arcibus, & proxima nocte paraselina, mox secuta est confœderatio principum aliquorum Germaniæ cum Henrico rege Galliæ, & expeditio Ducis Mauritiij contra Imperatorem.

Breuiter percurram verba huius capituli. Sed ex obliquo) hoc est, à lateribus Solis, ita ut vnus pareliorum consistat versus Septentrionem, alter versus Meridiem, æquali tamen à Sole distantia, propter æquabilem radiorum Solis ad nostrum visum reflexionem. Nunquã iuxta nec contra terrã) exponit verba Aristoteli. *ὅτι τῶν τῶ γῆ, ὅτι ἐξ ἡμετέρας*, hoc est, nunquam fiunt in vicino loco terræ, neq; è regione Solis ut Irides, nec etiam noctu, quia oportet Solem esse supra horizontem. Sp. Posthumio) anno urbis 580. &c.

CAPVT XXXII.

Plures Lunæ.

LVNÆ quoque trinæ, ut Cn. Domitio, C. Fannio Coss. apparuere: quos pleriq; appellauerunt Soles nocturnos.

APPENDIX.

πνευσταί vocantur plures Lunæ, quarum vna tantum *πνευσταί* est vera, reliquæ sunt tantum *εἰδωλόν* & imagines Lunæ ex *πνέ* refra-

refractione radiorum lunarium in nube causatæ, quemadmodum iam de παραλῆσι dictum est. Fiunt autem hæ reflectiones tantum à radio efficaci, qualis est Solis aut Lunæ potissimum in plenilunio. Reliquarum enim stellarum radius est debilior quàm ut possit imprimere in nube sui imaginem, vnde tantum fiunt παράλῃσι & παρασίλῃσι. Domitius Aenobarbus & C. Fannius consules fuerunt anno urbis 632. proximo anno ante seditionem C. Gracchi.

CAP. XXXIII.

Dierum lux nocte.

Lumen de cœlo noctu visum est, C. Cæcilio, Cn. Papyriō Consulibus, & sæpè aliàs, ut dici species noctu luceret.

APPENDIX.

σῆλας.

Hoc caput supra in capite 27. est expositum: vocat enim hic lumen de cœlo nihil aliud quàm σῆλας, quod est species chasmatiss, & est fulgur tantum, chasma verò halitus ardens. Hoc Chasma, cuius Plinius meminit, conspectum est anno urbis 641. eo ipso anno, quo Cymbri in Illyriam irruerunt, & Papyrium Consulem cum exercitu occurrentem in fugam verterunt.

CAP. XXXIII.

Clypei ardentes.

Clypeus ardens ab occasu ad ortum scintillans transcurrit, Solis occasu, L. Valerio, C. Mario Coss.

APPENDIX.

Albertus Magnus enumerat duo genera ignitarum impressionum, vnum quando ascendunt, alterum quando descendunt. Ad descendentes referuntur, quæ in hoc & proximis capitib. enumerantur: videntur enim suo motu ferri deor-

deorsum versus terram, quemadmodum reliquæ feruntur sursum. Cur autem descendant, causa est frigus mediæ regionis. Quando enim exhalatio propter imbecilliorē calorem non potest euolare in supremam, in infima incenditur, & quoties euolare contendit, toties rursus à frigore mediæ regionis repellitur, donec ad extremum deflagret. Nullum autem discrimen habent utræque hæc impressiones quo ad materiam aut modum incensionis, sed tantum quo ad locum & situm. Omnium enim materia est calida & sicca halitus, & incenduntur etiam ferè eodem modo, nisi quod aliæ plus habent materiæ aliæ minus, aliæ æquabiliorē, aliæ magis coherentem, aliæ plus terræ, aliæ minus, unde sequitur, quod illarum materia est grauior quæ non possunt euolare in suprema aëris. Præterea utræque istæ impressiones, etiam in partibus materiæ differunt, ita ut aliæ partes alijs sint grauiorē, aliæ leuiorē etiam in eadem materia, unde fit quod inflammatio nonnunquam est longior, aut obliquior, aut compactior, &c. Unde diuersæ formæ etiam gignuntur: sunt enim lanceæ, aut pyramides, aut Clypei, aut Dracones, quales formæ plures ab Alberto recitantur, ut sunt hiatus, specus, capræ saltantes, ignis fatuus, &c.

*Meteoræ
ignita quæ
re descen-
dant.*

Generatur autē Clypeus, quando nubes densa & opaca posita est secus lucidiorem nubem luminis peruiam, tunc si exhalatio incenditur, refert formam specus, quam hic vocat clypeum ardentem. Quod verò ait, ab occasu ad ortū scintillans transcurrit, intelligit conspectum esse circa Solem occidentem anno urbis 654. quo anno natus est C. Iulius Cæsar, qui fortasse hoc clypeo est significatus.

*Clypeus
quomodo
fiat.*

CAPUT XXXV.

Ostentum Cæli.

Scintillam è stella cadere, & augeri terræ appropinquant-

T

pinquantem : ac postquam Lunæ magnitudine facta sit, illuxisse cœu nubilo diei. Dein cum in cœlum se reciperet, lampadem factam, semel vnquam proditur Cn. Octauio, C. Scribonio Coss. Vidit hoc Licinius Syllanus proconsul cum comitatu suo.

APPENDIX.

Scintillæ
quando fi-
ant.
Scintillæ.

Scintillas & discursum stellarum vocat id, quod Ptole-
mæus traiectiones, *διατρίβας*, de quibus etiam supra dictum
est. Fiunt autem quando exhalatio non est continua, sed
paruis intersticijs interrupta, quæ cum concipit ignem, per-
inde deflagrat, atq; si quis torrem aut candentem carbo-
nem in palearum cumulum coniecerit. Ignem enim in di-
uersas partes spargit : tum quod partes non simul incen-
duntur, singulæ enim partes seorsum inflammantur, vnde
vna post alteram deuolat : tum etiam quod materia irrita-
tur à nube circumstante, quæ contrariam qualitatem con-
tinet. Sicut autem flamma ab igne differt, ita huiusmodi
traiectiones à superioribus differunt. Nam quando exha-
latio sicca, à terra ad regionem ignis subleuatur, & motu
sphæræ ignis incenditur, tum propter raritatem ignis subi-
to ab eius extremo ad finem vsque transcurrit, & hic ignis
vocatur transcursus stellarum : sed stella cadens fit quando
arida exhalatio ex constipatione superioris aëris seu vapo-
ris frigidi terram versus truditur, quæ accensa motu speci-
em stellæ cadentis refert. Quod verò ait, illuxisse cœu nubi-
lo diei, intelligit perinde atq; solet obscura lux Solis trans-
fundi per nubes, qualis lux est quando cœlum nubibus est
obductum.

CAPVT XXXVI.

De discursu stellarum.

Fieri videntur & discursus stellarum, nunquam
teme-

temere, vt non ex ea parte truces venti coorianur.
Et exijs tunc procellæ & in mari terrisq;.

APPENDIX.

Quia hoc capite scintillarum è stellis cadentium Plinius mentionem facit, obiter etiam indicanda causa est, quæ fiat quod stellæ fixæ semper scintillent, erraticæ verò nunquam aut admodum raro. Perspectiuistæ probant stellarum formas comprehendi à visu reflexè & non rectè, hoc est, linea recta ex oculoeducta non incidit in stellæ centrum, sed in formam stellæ in aëre ad visum reflexæ. Quia verò constat aërem perpetuo motu agitari, per se sursum, per accidens verò vnâ cum diurna reuolutione cœli fertur in orbem circulariter. Vnde necesse est formam stellæ hoc modo in aëre conspectæ diuicari, & distrahi propter motum corporis in quo conspicitur. Sicut etiam in aqua celeriter labente accidit, scintillationem stellarum maiorem videri, propter aquæ motum, quæ magis formam reflexam distrahit ac velut diuellit quàm aër. Vnde quando venti imminet plurimum scintillant stellæ, atq; aiunt certissimum signum ventorum existere, plus solito crebram scintillationem.

Quare igitur Planetæ non scintillant, cum etiam ipsorum formæ in aëre reflexæ videantur? Respondeo. Planetarum corpora fortes formas ad nos demittunt propter propinquitatem suam ad terram, vnde etiam minus refranguntur in aëre, & quanquam corpus subiectum moueatur, tamen lumen ipsorum penetrat immotè & sine omni diuicatione. Vnde etiam rarè scintillare videntur, nisi quando vapor aqueus, qui incerto & vago cursu à ventis fertur, illis subiectus fuerit. Tunc enim formæ Planetarum in illo refractæ ad visum scintillantes perueniunt.

Ptolemæus dictione 99. centiloquij sui exponit significationes huius incendij cum inquit: Traiectiones aëris significatem significant, quæ si ad vnâ partem feruntur, ab angulo illo ventum indicant. Sin in diuersas partes feruntur,

Stellæ fixæ
cur scintil-
lent.

Cur pla-
netæ non
scintillant.

Significa-
tio traie-
ctionum.

aquarum imminutiones, aëris turbationes, & exercituum incurfiones. Hoc est, quoties ab vno cœli tractu versus alium feruntur, tum ventum, ab eo quo discedunt tractu, significant. Vt cum ab Occidente Orientem versus discurrunt, futurū indicant vt ab occasu ventus paulò post oritur, quia tractus ille, vnde traiectio labitur, vaporū abundè plenus est. Si verò è diuersis mundi regionib. traiectiones rapiuntur, plures ventos significant. Legant de hac re studiosi Commentarium Pontani.

Item Ptolemæus lib. 2. cap. vltimo quadripartiti inquit, Discursiones ac iaculationes stellarum si ab vno angulo prorumpant, inde quoque ventum emittunt: sin occurrunt inter se, ventorum prælia suscitant: sin verò de quatuor plagis ruant, hyemes varias ferunt, atq; etiam fulmina, tonitrua, & quæ alia huiusmodi sunt, &c. Aristo. lib. 1. cap. 4. inquit: *ἴσθι δὲ τὰ μᾶλλον τῶν ἀναθυμιάσεων καὶ μικρὰ τε καὶ πολλὰ καὶ διαμαγνῆτα ἔσθαι, καὶ ὁμοίους καὶ πῶδες καὶ μέγας, καὶ διασπῶντες ἀέρας διακίνας, γίνονται, ὅτι πᾶσι αὐτῶν ἔστι κίνησις ἀ ἀναθυμιάσεως ἐκαστοῦ καὶ ἵσθι αὐτὰ, ὅτι δὲ αὐτῶν τῶν ἀπὸ πᾶσιν ἀέρας ἀπὸ τοῦ ἀέρος ἐκαστοῦ καὶ ἐκαστοῦ τὸ διγύει, &c.*

C A P. XXXVII.

De Stellis Castoribus.

VIdi nocturnis militum vigilijs, inhærrere pilis pro vallo fulgorem effigie ea, & antennis nauigantium, alijsq; nauium partibus, ceu vocali quodam sono insistant, vt volucres sedem ex sede mutantes: graues cum solitaria venêre, mergentesq; nauigia: & si in carinæ ima deciderint, exurentes. Geminæ autem salutare & prosperi cursus prænunciæ: quarum aduentu fugari diram illam ac minacem, appellatamq; Helenam ferunt. Et ob id Polluci & Castori id nomen assignant, eosq; in mari deos inuocant.

Homi-

Hominum quoq; capita vespertinis horis magno prælagio circumfulgent. Omnia incerta ratione, & in naturæ maiestate abdita.

APPENDIX.

Græci hoc Meteoron *μετεωρον* vocant, Latini Castorem & Pollucem, recentiores ignem præcedentem & sequentem, item ignem fatuum, capras saltantes, nos vulgo vocamus *Irmsisch*/ propterea quod sæpè nauigantib. aut iter terra facientib. hic ignis comparet, & in auiâ abducit.

Varia nomina huius meteorii.

Fit autem hic ignis in infima aëris regione, ex fumo pinguiore vinctuoso ac inflammabili, qui frigiditate aëris nocturni cogitur atq; densatur. Incenditur autem ex concursu duarum contrariarum qualitatum, quæ inter se pugnant: vapor enim calidus est, & aër nocturnus frigidus. Concurrent autem tantisper donec hac agitatione vapor incendatur. Figitur autem pilis aut antennis nauium propter eius grauitatem, vbi tantisper hæret, donec incendij materia fuerit absumpta.

Vbi & ex qua materia fiat.

Quæ autem fiat, quod graues sint solitariae, geminae verò salutares, non puto aliam esse causam, nisi quod geminae significant hoc incendio omnem tempestatum materiam absumi. Solitariae verò significant hanc regionem abundare materia ex qua tempestates generantur. Huius impressionis meminit Seneca, cum ait: In magna tempestate apparent quasi stellæ velo incidentes, adiuuari se tunc periclitantes existimant Pollucis & Castoris numine. Causa autem melioris spei est, quod iam apparet frangi tempestatem & desinere ventos. Aliquando non feruntur ignes sed sedent. Gilippo Syraculas petenti, visa est stella super ipsam lanceam constitisse. In Romanorum castris visa sunt ardere pila, &c. Meminit horum ignium Propertius cum ait:

Cur geminae sint solitariae, Solitariae verò grauiæ.

*Cernere & optatos querere Tyndaridas. Item:
Candida felici soluite vela thoro.*

Dixit autem felici thoro, quia solitarius hic ignis exi-

Helena. talis est, & appellatur Helena. Quanquam apud Euripidem in Oreste fingatur salutaris:

κάτω γὰρ, πολυδούκῃ τ' ἐν αἰθέρι κλυτὰ
σευδάμενος ἔσται, ταυτίλως σωτήριος.

Plutarchus in vita Lylandri ait, Castorem & Pollucem in Lylandri naui utraque ex parte extitisse, & quo tempore portum erumperet sidera clauo circumluxisse. Est & alia species huius ignis, qui appellatur ignis lambens capita, cuius meminit Liuius lib. 1. de Seruio Tullio: Eo tempore in regia prodigium visum euentusq; mirabile fuit, puero dormienti, cui Seruio Tullio nomen fuit, caput arsisse fertur multorum in conspectu, &c. Item Ouidius 6. Fastorum:

*Signa dedit genitor tunc cum caput igne corusco
Contigit, inq; comis flammens arsit apex.*

Item Virg. lib. 2.

*Cum subitum dictuq; oritur mirabile monstrum:
Namq; manus inter mæstorumq; ora parentum
Ecce leuis summo de vertice visus Iuli
Fundere lumen apex, tactuq; innoxia molli
Lambere flamma comas, & circum tempora pasci.*

Xenophon lib. 7. educit Cyrum ad pugnam contra Cræsum, cumq; sacrificasset atq; iam iter ingressurus erat, ait: *ὅτι δὲ ἀρίστῃ καὶ ἰσχυρῶς ἢ πλεονεξίᾳ ἀπορροῦντος, βέλῃσι δι' ἑκὼν ἐφ' ἑβ' ἔατο.* Græci enim dextra fulmina fausta, sicut Romani sinistra censuerunt, ut apud Virgil. *Subitoq; fragore intonuit Iouis, &c.* Vide plura infra capite 54.

Hæc meteora planè sunt prodigia, non enim habent sufficientes causas physicas. Itaq; nec habent etiam effectus certos & regulares. Quia verò sunt vel ut picturæ rerum futurarum, satis apparet, eas non temere oriri, sed diuinitus proponi hominibus ad aliquid significandum.

C A P. XXXVIII.

De Aëre.

Haſte-

HActenus de Mundo ipso sideribusq; Nunc reliqua coelimeinorabilia. Namque & hoc coelum appellauere maiores, quod alio nomine aëra: omne quod inani simile vitalem hunc spiritum fundit. Infra Lunam hæc sedes, multoq; inferior (vt animaduerto propemodum constare) infinitum ex superiore natura aëris, infinitum & terreni halitus miscens, vtraq; sorte confunditur. Hinc nubila, tonitrua, fulmina, & alia. Hinc grandines, pruinae, imbres, procellae, turbines. Hinc plurima mortalium mala, & rerum naturæ pugna secum. Terrena in coelum tendentia deprimit siderum vis: eademq; quæ sponte non subeunt, ad se trahunt. Decidunt imbres, nebulae subeunt, siccantur amnes, ruunt grandines, torrent radij terram, & in medium vndiq; impellunt. Idem infracti resiliunt, & quæ potuere, auferunt secum. Vapor ex alto cadit, rursusq; in altum redit. Venti ingruunt inanes, iidemq; cum rapina remeant. Tot animalium haustus spiritum è sublimitrahit. At ille contra nititur, tellusq;, vt inani cœlo, spiritum infundit. Sic vltro citro commeante natura, vt tormento aliquo, mundi celeritate discordia accenditur. Nec stare pugnae licet, sed assidue rapta conuoluitur, & circa terram immenso rerum quasi globo tendit, subinde per nubes coelum aliud obtexens.

Transitio.

Cause materiales in
pressionē
in aëre.
Efficient.

Formalis.

Ventorum hoc regnum. Itaq; præcipua eorum natura ibi, & ferme reliquas complexa causas: quoniam & tonitruum & fulminum iactus, horum violentiæ pleriq; assignant. Quin & ideo lapidib. pluerre interim, quod vento sint rapti, & multa similiter. Quamobrem plura simul dicenda sunt.

Epilogus.

APPENDIX.

De aëre. Hoc caput continet transitionem ad Meteora quæ in media aëris regione gignuntur : nam quæ in suprema accidunt, & vocantur ignita, coniungit Plinius cum cælo & stellis. Itaq; hîc primum orditur Plinius Meteora. Principio autem describit aërem. Cum enim aër sit proxima mundi, & vicina igni & sphaeris cœlestibus pars, itaq; hîc aliqua præfatur velut per transitionem de aëre, deinde subijcit causas impressiōum quæ in aëre generantur.

(Omne quod inani simile, &c.)

Aër propter tenuitatem atq; raritatem est inani simillimus : non enim videtur neque tangitur, sed sentitur ex eo quod vitalem hunc spiritum fundit, hoc est, inspiratione atq; respiratione vitalem calorem cordis temperat, & spiritus in corporibus animalium excitat, sine quibus vita constare non potest. Hastenus differentia nominis atq; rei exposuit quid sit aër. Consequenter locum eius indicat cum inquit : Infra Lunam eius sedes est, hoc est, id spaciū quod à Luna ad terram porrigitur, est sedes propria aëris, quem ait propemodum infinitum constare ex superiore natura, hoc est, si aër cœlestium naturarum, vel qui sphaeras cœlestes permeat, coniungatur cum hoc elementari qui hunc spiritum vitalem fundit, ferè infinitum spaciū complectitur, infinitum etiam terreni halitus miscens, vtraque sorte confunditur, hoc est, aër qui terram vndiq; ambit, plurimos halitus continet, qui sparsi per ipsum ferè infiniti existunt. Confunduntur autem hi halitus vtraq; sorte, hoc est, vtriusq; generis mixtura aëris calidioris & his halitibus terrenis & aqueis. Qui enim sunt humidiores & magis terrestres, propriè vapores vocantur : qui verò aridiores atque sicciores, vocantur exhalationes, quæ species cum sint diversæ atq; inter sese pugnantes, cum aliqua virtute permiscentur atq; confunduntur, diversas in aëre formas gignunt. Aristot.

Aër inani
simillimus.

Halitus
diversi speciei.

stor. etiā has duas halituū species in aëre numerat, cum ait :
 ἀλλὰ δὲ νούτοι οὗ λογομήνου καὶ καλουμήνου ὅφ' ἡμῶν αἴερος. τὸ μὲν σελί-
 τινι γὰρ εἶν' ὄχρον καὶ θιερμὸν εἶναι, διὰ τὸ ἀτμίζειν τι καὶ ἀναθυμιάσειν
 ἔχον γῆς. τὸ δ' ὡς οὗτο, θιερμὸν ἔδν καὶ ξηρὸν. ὅτ' ὃ ἀτμίδος μὲν φέρεται
 ὄχρον καὶ θιερμὸν. ἀναθυμιάσεως δ' θιερμὸν καὶ ξηρὸν, καὶ ἔστιν ἀτμίς μὲν δυ-
 νάμεν εἶν' ἰδμεν, ἀναθυμιάσεις δ' δυοῦμαι εἶν' αὐτῶς, &c

Enumerat deinde ordine meteora, quæ ex hac halitu-
 um confusione gignuntur, nubila, tonitrua, fulmina, & re-
 liqua plurima mortalium mala: Et rerum naturæ pugna se-
 cum, hoc est, hinc sunt illæ variz vices quæ in regione ele-
 mentari existunt.

Cum autem aër propter raritatem atque tenuitatem
 nullos vapores gignat, sed tantum recipiat, quæri potest
 quomodo & qua virtute hos diuerfos & pugnantes vapo-
 res recipiat atq; contineat? Respondet Plinius. Terrena in
 cælum tendentia deprimit siderum vis, eademq; quæ spon-
 te non subeunt, ad se trahunt, hoc est, halitus siccos & le-
 ues sua sponre euolantes radij frigidorum siderū depellunt
 atq; deiciunt, radij verò Solares calidi leuant ex aqua &
 terra vapores humidos & fumos exhalantes, illosq; sursum
 in aërem euehunt. Cum autem radius Solaris vndiqueq; in
 terram incumbat, illam virtute & efficacia sua in medium
 vniuersi impellit, & velut quodam vinculo circumdatam
 colligit atq; constringit, & quia radius infractus seu reflex-
 us conduplicatur, necesse est efficaciorē existere, & per
 consequens satis roboris habet, vt ex terra & aquis etiam
 grauiores vapores in sublime ferat. Sic autem inquit Plini-
 us: torrent radij terram, & in medium vndique impellunt,
 hoc est, radij solares calefaciendo exugunt humorem ter-
 ræ, qui radij infracti, hoc est, illi in corpus terrestrē soli-
 dum, resiliunt, hoc est, reflectuntur, ita tamen, vt faciant
 angulos æquales, radius coincidens & reflexus. Vapor ex
 alto cadit, scilicet per imbres & nives, rursus in alrum re-
 dit, scilicet mutatus in halitus & vapores. cum rapina, hoc
 est, pluuia spiritum è sublimi trahit, scilicet spiratione. at

Aër quo
 modo di-
 uersos va-
 pores reci-
 piat.

ille contra nititur, scilicet subuolat rursus in aërem per expirationem & occultam transpirationem.

Concludit autem hunc locum de causis efficientibus harum impressionum, & simul etiam causam formalem adiungit cum inquit: Sic vltro citroq; comitante natura, vt tormento aliquo, mundi celeritate discordia accenditur, hoc est, cum hoc modo natura vltro citroq; comiteat, id est, educit ex terra, & rursus reducit atq; deprimit exhalationes, tum accenditur discordia celeritate mundi, hoc est, augetur; velut tormento, hoc est, violenta machina: nam vapores in aërem sublatis circumagitatione mundi percoquantur, & in nouam quandam naturam & formam alterantur. Cum enim motus omnis sit calefactiuus, necesse est hunc rapidissimum cœli cursum mirabiliter qualitates in aëre vicinas & velut contiguas inflammare, vnde etiam velut percoctæ aliam & nouam formam recipiunt, non tamen sit perfecta generatio, non enim priores formæ mixtibilium prorsus corrumpuntur atq; abijciuntur, sed tantum sit quædam mutua qualitatum alteratio, vnde etiam à physicis mixta imperfecta vocantur: non est enim propriè generatio, sed dissimilium naturarum coniunctio cum quadam mutua qualitatum alteratione, vnde etiam hæc mixta faciliè dissiliunt & dissoluuntur, quia non sunt factæ perfectæ transmutationes: resoluuntur autem immediatè in elementa, sicut etiam ex illis immediatè orta sunt. S E Q V I T V R in textu: nec stare pugnæ licet, scilicet aëris naturæ stare ad pugnam propter perpetuam agitationem, quasi dicat, suscipit illas vices non stando, ab immenso rerum globo, hoc est, vnâ cum cœlo, aër vndiq; circumdat terram, obtexens per nubes cœlum aliud, hoc est, subinde aliam atque aliam cœli partem. Ventorum hoc regnum, scilicet in aere regnant venti. Reliquas causas, scilicet tempestatum, interrim, hoc est, interdum, in hac significatione sæpe Quintilianus vtitur.

Atq; hætenus breuiter causas impressionum, quæ fiunt in

Mixta imperfecta.

unt in aëre recensuit Plinius, sed quia nos supra illas sumus complexi, vberiore tractationem in hoc loco omittemus, & properabimus ad vtiliores locos.

C A P. XXXIX.

De statis tempestatibus.

TEmpestatum rerumq; quasdam statas esse causas, quasdam verò fortuitas, aut adhuc rationis incompertæ, manifestum est. Quis enim æstates & hyemes, quæq; in temporibus annua vice intelliguntur, siderum motu fieri dubitet? Ergo ut Solis natura temperando intelligitur anno, sic reliquorum quoq; siderum propria est quibusq; vis, & ad suam cuique naturam fertilis. Alia sunt in liquorem soluti humoris fecunda, alia concreti in pruinas, aut coacti in niues, aut glaciati in grandines: alia status, alia temporis, alia vaporis, alia roris, alia rigoris. Nec verò hæc tanta debent existimari, quanta cernuntur, cum esse eorum nullum minus Luna tam immensæ altitudinis ratio declaret. Igitur in suo quæq; motu naturam suam exercent, quod manifestum Saturni maximè transitus imbribus faciunt. Nec meantium modo siderum hæc vis est, sed multorum etiam adherentium cœlo: quoties errantium accessu impulsæ, aut coniectu radiorum extimulata sunt, qualiter in suculis sentimus accidere, quas Græci ob id pluvio nomine hyadas appellant. Quin & sua sponte quædam statisq; temporibus, ut hoedorum exortus. Arcturi verò sidus non fermè sine procellosa grandine emergit.

Prima causa statarum tempestatum Solis & planetarum motus & vires.

Secunda causa stellarum fixarum incidentes cum Sole, vel è regione Solis occidentibus.

Tempesta-
tes dupli-
ces.

In hoc capite efficientes causas tempestatum exponit, quæ ciuntur primò vi Planetarum, deinde stellarum fixarû, postremò etiam certarum partium zodiaci virtute. Infra lib. 18. cap. 18. inquit : Tempestates vocamus, in quibus grandines, procellæ, cæteraq; similia intelliguntur. Hæc ab horridis sideribus exeunt, veluti Arcturo, Orione, hædis, &c. Diuiduntur autem tempestates vel in statas, vel in fortuitas. Statæ sunt, quæ sunt certæ & compertæ, quia in partibus cœli & regulari motu corporum cœlestium demonstrari possunt, vt est tempus veris, æstatis, autumnii, hyemis, quæ certis interuallis quotannis recurrunt. Item quæ in temporibus annua vice intelliguntur, hoc est, quæ quotannis redeunt, vt messis, vindemia, &c. Fortuitæ sunt, quæ nulla cœlesti, certa aut regulari ratione gubernantur, itaq; earum actio ad nullum certum effectum est destinata, sic vapores ex terra sublatis pro qualitate aëris diuersimodè percoquuntur, vnde etiam diuersas formas recipiunt, de quibus infra cap. 42. dicitur.

(Ergo vt Solis natura, &c.)

Hoc est, quemadmodum Sol annum, dierum atq; noctium vices, discrimina temporum, videlicet æstatis atque hyemis conficit & quotannis reducit, ita etiam reliqua sidera sunt efficacia & in aëre & in rebus nascentibus : aër enim aliàs aliter lumine cœlesti afficitur, vnde & varia temperamenta tam corporum quàm tempestatum gignit. Et medici etiã fatentur, tempestates, & temperamenta à statis siderû tempestatib. gubernari. Sic enim inquit Hippocræ.
ἐνθαυτῇ γὰρ ἡ ἀρχὴ τῶν μεταβολῶν, καὶ τῶν ἀγρῶν διαβολῶν, καὶ δένδρων, καὶ βλάστησεως τετάρτῃ γίγνεται. περιέδωκεν αὖ τὴν ἐν τῇ ἐκδορῇ μίαν καὶ γήινον.

Et Ptolemæus lib. 1. quadripartiti eandem sententiam repetit. Nam & Solipse vnâ cum cœlo circumdante iam terrestria perpetuò quasi ordinat, non modo permutationes statutorum in anno temporum, quib. animantibus vita, germinibus fructus quibusq; suis tribuitur, & aquarum cursus

& cor-

& corporum affectiones procurantur, verumetiam quotidiano circuitu, cum calefaciens & humectans, tum arefaciens & refrigerans constanti ordine & modo profigurationibus convenientibus ac puncto verticali nostro, &c. Præclare in hanc ipsam sententiam disputat pleraque Galeus in principio libri primi Epidemiorum.

(Alia sunt in liquorem soluti, &c.)

Hoc est, alia sidera sunt secunda humoris soluti in liquorem: hoc est, humoris fluidi, ut est sidus Lunæ. Alia concreti in pruinas, hoc est, condensati humoris, ut est sidus Saturi. Flatus ciet Mercurius. Teporis, hoc est, viuificum & secundum calorem ut sidus Iouis. Vaporis, hoc est, æstus, ut sidus Martis. Roris, hoc est, secundi & prolifici humoris, ut est sidus Veneris. Rigoris, hoc est, frigoris confringentis & congelantis corpora, ut est sidus Saturni, vnde Virgilius 1. Georg. inquit:

Hoc metuens, cæli menses & sidera serua,

Frigida Saturni sese quæ stella receptet:

Quos ignis cæli Cyllenius erret in orbes, &c.

Ptol. Verbo 35. inquit: Sol cum in alicuius stellæ locum deuenerit, vim eius excitat, quam in aëre habet, hoc est, Sol mouet aërem pro natura stellæ erraticæ aut etiā fixæ, quam in signo quod ipse permeat repererit, ut Sol coniunctus cum Marte in signo igneo excitabit calores, cum Saturno in signo aqueo frigora & nives, cum Mercurio in aëreo ventos. Saturni enim natura frigida est, hoc est, excitat frigidum aëris temperamentum, præsertim si locus aut signum illum adiuerint. Eodem modo & de cæteris iudicandum est. Videndum autem in hac re primum quæ sit anni qualitas: deinde quæ signi. Ut enim Martis calor & siccitas plurimum augeat & intendit æstatis calorem & siccitatem, ita etiam signi calor ad Martis calorem plurimum addet, demergetque de Saturni frigore.

(Nec verò hæc tanta debent.)

Occu-

Diuersæ
stellarum
vires.

Quomodo
agunt stel-
lae in infe-
riora.

Occupatio est, quæret aliquis qua vi agunt corpora cœlestia in hæc inferiora, primum cum sint tam exigua atq; parua, deinde etiam cum tam procul à nobis distent? Respondet Plinius: Planetas agere in hæc inferiora Motu, Lumine, & occulta virtute. Motu quando transeunt per loca certa fixarum, aut per loca zodiaci, quorum vis est efficax in ciendis primis & secundis qualitatibus. Transcripsit hæc verba ex Aristot. lib. I. Mete. *οὐδὲν γάρ τι τὸ διεμὸν αἰδιότατόν ἐστι, διὰ τὸ αἰτίαν δὲ γίγνεται μὴ τοσούτων ὅντων ἐκείνου πᾶν φύσει, λακτίαν ἢ καὶ ἐξ ὧν δὲ γίνεται ἔστι δυνάμει διακρίνεται τὸν αἶρα καὶ ἐκ πυρρός, ὥς ἢ καὶ τὰ φερόμενα πάλιν φανερὸς ποιῶντες, τὸ μὲν οὖν γίγνεται πᾶν ἀλλαν καὶ πᾶν διεμύεται, ἵνα πᾶν ἐκ παρασκευάζειται καὶ ἡ τοῦ ἡλίου φασὶ μόνον.* Id est, sed quam ob causam oriatur calor cum corpora illa cœlestia haudquaquam eiusmodi suapte natura sint, dicendum nunc quoq;. Videmus itaq; motum posse aërem segregare atq; intendere in tantum, vt sæpius quæ motu cientur liquefieri videamus. Vt igitur tepor gignatur atque calor; Solis latio duntaxat satis est efficere.

(Quod manifestum Saturni maximè.)

Id est, mutationes aëris à corporibus cœlestibus effici manifestū faciunt imbris, maximè autem Saturni transitus, scilicet cum ab vno signo in aliud transit, tum imbres vt plurimum excitantur: simpliciter autem vocat transitum *μετέωσις* id, quod Græci *μετέωσις*: vel vt Ptolemæus ὅτε ἔσται ἐκ παρασκευῆς vocat, videlicet quando transit Planeta per alia atque alia loca siue signa Zodiaci, vt quando transit per signa aquea vel aërea, &c. Sic etiam inquit Ptolemæus: *ὅτι ὅτε τοῖς ψυχρὰ καὶ πυρρὰ ὁππότερ.* Præterea hanc eius naturam Ptolemæus ait esse, vt in aëre nebulas ac frigora excitet, sic enim inquit: *ὅτι ὅτε πᾶν τὸ αἶρα κατὰσταται ψυχρὰ φερόμεν, παρὰ δὲ ἢ ἐκχυλόμεν, καὶ λεπτὰ δυσμερῆς τι καὶ σωματικὰ καὶ ψυχρὰ. ἔστι ὅτε πυρρὰ πᾶν, ἢ ἀγρὸν, ἀλλὰ φερόμεν, ἀφ' ὧν καὶ τὰ κακώτατα πᾶν ἀνθρώπων φύσει τῶν ἐπιτιμῶν συγκρίνεται.*

(Quoties errantium accessu impulsa, &c.)

Hæc

Hæc est secunda causa statarum tempestatum, quod stellæ fixæ aliâs aliæ cum Sole oriuntur & occidunt, unde inquit: quoties errantium accessu impulsæ, hoc est, excitata, prout aliquis ex Planetis ad illas accesserit, aut coniectu radiorum extimulata sunt, hoc est, figuratione aliqua aut aspectu eas excitauerit. Certum est enim Martem calidiores & efficaciores effectus habere, si transierit per loca stellarum siccarum de natura Martis, quam si per humidâs de natura Lunæ, vel frigidas de natura Saturni transierit. Sic etiam coniunctiones magnæ Planetarum in signis calidis & siccis maximos æstus & siccitates efficiunt, & rursum coniunctiones in signis humidis, afferunt valde humidâs tempestates, idque probat exemplo de suculis.

Sunt autem Suculæ stellæ sparæ in fronte tauri, obscuræ præter unam, quæ *αμπελια* vocatur, quas Græci Hyadas à pluuijs vocant, & Latini à similitudine cognominis Græci, propter suæ impositum arbitantes appellauere suculas, ut ait Plinius lib. 18. cap. 26. Meminit Aratus, *ὡς δὲ τῶν αἰτῶν ἡμέλει* id est, ταὶ μὲν εἰς πᾶσι μετέωρ' ταύτης βιβλίστω. Meminit & Virgil. 1. Aeneid. *Arcturum pluuiasq; hyadas, etc.*

(Quin & sua sponte quædam.)

Tertiam causam ab occulta virtute stellarum sumptam exponit: quin & sua sponte, hoc est, quædam stellæ fixæ sua sponte etiam non extimulatæ radijs errantium cient tempestates, idque statis temporibus, scilicet quando Sol cum illis oritur, vel quando è regione Solis occidunt. Semper autem intelligendum est Plinium loqui de orta Cosmico. Hic est enim efficacissimus, unde & mundanus dictus est, quod mundo mutationes afferat. Sunt autem istæ stellæ Hædi & Arcturus, Mercuriales & Saturninæ. Arcturus verò de natura Martis ac Iouis, unde & plerumque cum procellosa grandine emergit, hoc est, oritur, videlicet cum 29. grad. Virginis. Sic & Virgilius: *Præterea tam sunt Arcturi sidera nobis Hadarumq; dies seruandi, &c.*

Item :

Item: *Pluuiosus Orion*. De Hædis inquit Ptolemæus:
 ὅτι τὸ ἀγριεὺς καὶ τὸ τῆ ἀνέχον καλῶμεναι ἑξέρη, &c.

C A P V T X L.

De vi Caniculæ.

NAm Caniculæ exortu, accendi Solis vapores quis ignorat? cuius sideris effectus amplissimi in terra sentiuntur. Feruent maria exoriente eo, fluctuant in cellis vina, mouentur stagna. Orygem appellat Aegyptus feram, quam in exortu eius contra stare & contueri tradit, ac velut adorare, cum sternuerit. Canes quidem toto eo spacio maximè in rabiem agi non est dubium.

A P P E N D I X.

Canicula. Commoratur adhuc in exemplis de stellis fixis, quæ statas tempestates in mundo excitant. Supra dixit de hyadibus, hædis, arcturo, in hoc capite de illustrissima stella, quæ Latine Canicula, Græcè Sirius vocatur, loquitur. Oritur autem hæc stella cum 16. grad. Leonis, & est stella lucida in ore canis maioris de natura Iouis & Martis. Quod autem circa exortum caniculæ accenduntur Solis vapores, hoc est, æstus, id inde fit, quia plurimæ stellæ calidæ tunc cum Sole oriuntur, quæ illius calorem intendunt: omnes enim stellæ Leonis sunt calidæ & Martiales, vnde Ptolemæus Leonem signum calidum & æstuosum vocat. Quia verò & hæc stella quæ canicula vocatur vnâ cum Leone oritur, quæ sua virtute etiam accendit æstum Solis, necesse est in hoc signo maiores æstus quàm reliquis existere. Vnde & Hippo. hoc tempore vetat medicamina purgantia, cum inquit: Sub cane & ante canem difficiles sunt medicationes. Et alio loco præcipit in dijudicandis tempestatibus huius sideris ortum & occasum obseruari, cum inquit: Ὁ δὲ τῆ καὶ

τῶν ἄπρων τὰς ὀπίστας φυλάσσουσιν, καὶ μέλιστα τὸ κωδὲρ, ἔπειτα ἀρεκτοῦ-
ρον, καὶ ὅτι παλιάδων θύσει.

Cur autem maria, atq; in cellis vina ferueant, hoc est, turbentur circa huius sideris ortum, causa est redundantia fumorum calidorum & caligantium aspirationum, quæ penetrant atq; mouent & interdum corrumpunt corpora rariora atq; tenuiora. Sic inquit Plinius lib. 9. cap. 16. aliqui totum mare sentire huius sideris exortum credunt. Item lib. 14. cap. 18. vina in apothecis canis ortu mutantur quidem, posteaq; restituntur sibi. Oryx ex caprarum specie in Getulia frequens animal vnicorne & bisulcum contrario pilo vestitum & ad caput verso. Vide Plin. lib. 8. cap. 53. & lib. 10. cap. 73. vbi commemorat quod Getuli latrones eodurent auxilio, repertis in corpore eorum saluberrimi liquoris vesicis.

Plinius lib. 9. cap. 16. inquit: Fluuiatilius Silurus caniculæ exortu sideratur, & aliàs fulgure sopitur. Eadem sententia est & apud Aristotelem lib. 8. historiz animalium: γλαυκὸς ὑπὸ κωδῆ μέλιστα διὰ τὸ μεταφέρει πρὶν ἀπὸ βλάτης τὴ γίνεσθαι, καὶ ὑπὸ βροτῶν μεταφέρει καί τῶν, &c. Item in eod. lib. inquit Aristot. τὸ δὲ καὶ διόλου πρὸς ἰχθὺς φασίεν, δοκῇ σημαίνει εἶναι τὸ ὅτι τῆς ἀπρως γίνεσθαι τὰς ἀλάστοις, καὶ μέλιστα ὅτι καὶ τῶν καυτῶν καὶ ἀπασθέντων πάλιν ἀλάσθων, ἔπειτα ἐν τῷ βροτῶν γινώσκουσιν εἶναι. ἢ γὰρ ἰδὼς ἰπάρκων γίνεσθαι, καὶ ἀπὸ βροτῶν εἰς ἰχθύν.

C A P V T X L I.

Sidera, in alijs signorum partibus & temporibus, aliàs influere.

Quin partibus quoq; signorum quorundam sua vis inest, vt autumnali æquinoctio brumæq; cum tempestatibus confici sidus intelligimus. Nec imbris tantum tempestatibusq; sed multis & corporum & ruris experimentis. Assilantur alijs sidere, alijs com-

V

mouen-

Tertia causa statarū tempestatum.

mouentur stasis temporibus aluo, neruis, capite, mente. Olea & populus alba, & salices folia solstitio circumagunt. Floret ipso brumali die suspensa in tectis arentis herba pulegij: rumpuntur intentæ spiritu membranæ. Miretur hoc, qui non obseruat quotidiano experimento, herbam vnā, quæ vocatur heliotropium, abeuntem Solem intueri semper, omnibusq; horis cum eo verti, vel nubilo obumbrante. Iam quidem Lunari potestate ostrearum, conchyliorumq; & concharum omnium corpora augeri ac rursus minui. Quin & soricum fibras respondere numero Lunæ, exquisuere diligentiores: Minimumq; animal formicam sentire vires sideris, interlunio semper cessantem. Quo turpior homini inscitia est, fatenti præcipuè iumentorum quorundam in oculis morbos cum Luna increfcere ac minui.

Patrocinator vastitas cœli immensa, discreta altitudine in duo atq; lxx. signa. Hæ sunt rerum aut animantium effigies, in quas digefsere cœlum periti. In his quidam mille sexcentas annotauere stellas, insignes videlicet effectur, visuæ. Exempli gratia, in cauda tauri septem, quas appellauere Vergilias, in fronte fuculas, Booten, qui sequitur septentriones.

A P P E N D I X.

Signa equi
noctial. &
solstit.

Exponit in hoc capite tertiam causam statarum tempestatum, & sunt certæ partes cœli, quas quando ortu suo Sol attingit, mutantur tempestates, vt sunt puncta solstitialia aut æquinoctialia. In tropica enim signa cum Sol est ingressus, mox retro conuertitur, atq; ita in Cancro existens, æstatis, in Capricorno verò hyemis est autor. Eodem modo cum ad æquinoctialia peruenit, per totum orbem terrarum.

rarum exæquantur noctes diebus, & quia in his signis fiunt transitiones atque conversiones temporum, necesse est & mutationes tempestatum fieri. Sic autem inquit: quin partibus quoque signorum, hoc est, certis gradibus.

Vocat hic Plinius, Latino more, Brumam diem solstitij hyemalis, quæ die tempestatibus confici sidus intelligimus, hoc est, insigniri tempestate aliqua ortum sideris. Est autem hypallage, confici tempestatibus, pro conficere tempestates. Vberiore huius integri capitis explicationem petant studiosi infra ex lib. 18. cap. 15. Plinij.

(Nec imbribus tantum tempestatibusque, &c.)

Id est, stellarum vires in signis ac signorum partibus, Stellarum vires in signis ac signorum partibus, ortus distinguunt, operas hominum. item illorum ortus & occasus cum Sole in signis, non tantum mutationes tempestatum, ut imbrum, pluviarum, grandinum ac ventorum, &c. portendunt, sed etiam anni tempora distinguunt, & significant, quando agrorum cultura sit exercenda, quando fruges ferendæ, prata cædenda ac reparanda, quando arbores insitione aut satione plantandæ, &c. Sic enim inquit Ptol. initio libri primi: Quapropter qui inter Agricolas & pastores præ cæteris sunt diligentes, de statibus eorum temporum, quo sementem fecerunt, aut pecus ad coitum admiscere, coniecturam facere soleat de euentu: & ut breuiter dicam, quicquid in vniuersum accidit, hoc non contemplatione naturæ, sed sola observatione de euentibus, Solis & Lunæ configurationibus, & reliquarum stellarum significationibus præuideri à plebique cernitur. Legant huius loci copiosissimam explicationem studiosi apud Ptol. lib. 2. cap. de genere euentuum.

Subiicit deinde exempla, quibus exponit id, quod iam dixit de experimentis corporum animalium & ruris, quibus magnitudinem ac efficaciam stellarum in hac inferiore natura probat, & inquit: afflantur alij sidere, hoc est, siderantur, finit ætoniti velut tacti de cælo. Sic etiam vititur Plautus cum inquit: Sideratus est, mouere se nequit. Item

Plinius infra. Proprium verò siderationis est, sub ortu canis siccitatum vapor, cum insitæ ac nouellæ arbores moriuntur: Vertit ex Aristotele ἀποβλῆν: nam aliqui quod Græci σφάκιον vocant, Celsus & Plinius siderationem verterunt, & est morbi genus, de quo Hippo. 7. apho. 52. Sic etiam quidam commouentur statis temporibus aluo, nervis, capite, mente, hoc est, hi affectus statis ac certis temporibus recurrunt, propter aliquam cœlestem dispositionem impellentem motum humorum, & excitantem materiam peccantem in corporibus. Vt aliqui habent regularia alui profluvia, alij dolores capitis & nefuorū, alij errationes mentis & deliria. Sicut etiā Luna diem crisis in quocunq; morbo, præsertim acuto indicat, ita etiam reliquas periodicas accessiones, si non omnino efficit, tamen singulariter irritat. Cum enim ipsa totum corpus humectet affluentius, tamen illud membrum humorib. implet, quod illi signo subiectum est, per quod tum ipsa discurrit. Sic etiam cæsa materia quando lumine aucta est Luna, breui tempore putrescit ac carie consumitur, propter nimiam humidi accessionem.

Sic inquit Ptolemæus lib. 1. cap. 1. Luna vetò vt proxima terris, manifestè in terrena influit: cum illa enim consentiunt & commutantur pleraq; omnia & animata & inanimata. Ipsi fluij nunc augeſcunt, nunc decreſcunt, secundum lunarem splendorem, ipsaq; maria impetu diuerso pro eo ac illa oritur aut occidit, feruntur. Denique germina ac animantes aut omnino aut aliqua ex parte, cum Luna incrementa ac decrementa sentiunt, &c.

De Olea, populo, salicibus, pulegio, heliotropio, vide Plinium infra in proprijs capitibus. S E Q V I T V R: Iam quidem Lunari potestate, hoc est, cum incremento & decremento Lunæ. Quin & foricum fibræ respondent numero Lunæ, hoc est, numerus dierum Lunæ crescentis & decreſcentis congruit cum fibris. Plin. lib. 11. cap. 37. inquit: Murium foricumq; fibræ ad numerum Lunæ in mense congrue-

gruere, videnturq; eorundem inueniri quot lumen ipsum.

(Patrocinator vastitas cœli.)

Hoc est, istam mirabilem vicissitudinem omnium rerū in hac natura adiuuat immensa vastitas cœli, in tot discreta partes, quarum singulæ proprias ac peculiare vires in hac inferiore natura exercent. Numerat autem hoc loco Plinius 72. signa, & quanquam alij plura alij pauciora numerent, sicut Ptolemæus tantum 48. tamen hæc diuersitas nihil habet incommodi. Illa enim distributio facta est ab hominibus non vnius seculi, sed multarum ætatum, in quibus hæc studia floruerunt: deinde verò propter diuersas occasiones vel aucta vel diminuta est.

Nomina signorum cœlestium complexus est Ioachim Camerarius his versiculis, qui quia digni sunt vt ediscantur, volui ascribere.

Nomina
signorum
cœlestium.

Nomina discite puer, veterum studiose laborum
Sidera, & cœli cognosce micantia signa.
Signa vocant, quibus illa vides insignia templa.
Sed numerum denu quater atq; octo esse dederunt.
V R S Æ summa tenent aquilonis frigora, per quas
Ingens in morcem flumini perlabitur anguis.
Hunc subit Arctophylax, sed & hunc mox gēma corona:
Dide genu nixus, post quem Lyra, deinde volucris.
Tum Cepheus, & Cassiope, tum vector, & ille
Falcatum extollens casa enses Gorgone Persens.
Hinc deltoton, & Andromeda, hinc stas Pegase, sed te
Delphin excipit, hunc telum, hoc aquila, anguitenensq;.
S I G N I F E R hæc sequitur declini circulus orbe,
In quo Aries, Taurus, Gemini, Cancer, Leo, Virgo,
Chela, Scorpins, arcitenens, caper, amphora, pisces.
At N O T V S vndifero tenet hæc simulacra sub axe:
Armatus Oriona, canem in quo Sirius ardet.
Quis Procyonq; Lepusq; & Iasonis additur Argo,
Hydrusq; & Centaurus & Ara incognita nobis:
Tum Notius piscis, Cetusq; ac Eridanus vnda,

CAPVT XLII.

Imbrium & Nubium causæ.

Tempesta-
tes for, ui-
ta.

EXtra has causas non negauerim existere imbres ventosq; : quoniam aliàs humidam à terra, aliàs verò propter vapores fumidam, exhalare caliginem certum est. Nubesq; liquore egresso in sublime, aut ex aëre coacto in liquorem gigni. Densitas earum corpusq; haud dubio coniectatur argumento, cum Solem obumbrent, perspicuum aliàs etiam vrinantibus in quamlibet profundam aquarū altitudinem.

APPENDIX.

Supra dictum est, fortuitas tempestates esse, quæ nulla perpetua causa cœlesti gubernantur ad hos vel illos effectus producendos, vt vapores ex terra sublatis aliàs aliam formam & pro diuersitate materiæ & pro diuersitate loci recipiunt, & aliàs fiunt nubes, aliàs venti, aliàs imbres, &c. Itaq; simpliciter vocat Plinius impressiones, quæ in aëre fiunt tempestates fortuitas propter materiæ fluxibilitatem, quæ leuissima causa impulsā aliam atq; aliam formā recipit.

Nubes &
pluuia quo
modo fi-
ant.

Nubes autem gignuntur in media regione aëris, ex vapore spisso & humido eleuato à calore Solis ad hæc vsque loca, qui destitutus calore, cuius vi euectus est, paulatim frigore loci cogitur atque densatur in nubis formam, quæ postquā genita est, sua vi ipsam stimulante, aut calore aliquo superueniente, rursus liquescit & in aquam resoluitur, & pro vaporis dissimilitudine diuersimodè descendit. Si enim vapor fuit rarior, tum guttatim delabitur, atque appellatur pluuia seu stillæ. Si verò vapor fuit spissior, fiunt imbres atq; nimbi. Efficiens causa, & vt Aristot. loquitur, ἡ κινήσις καὶ πυρὶς καὶ θερμότης ἀρχὴν ἔχον ὁ κύκλος, ἐν τῷ δὲ τῷ ἡλίῳ φερόμενη διακρίσις καὶ συγκρίσις τοῦ γένους πάντων ἢ περὶ ἑσπερίων, αὐτὰ καὶ γίνονται καὶ τὰ φθινοῦ, &c. Ptolemæus ait: Nubes in quibus-

cunq; finibus conspectæ asimiles floccis, lanæ, nonnunquā hyemes afferunt. Modus generationis pluviæ ex aqua feruente in vase aliquo facillimè intelligi potest. Ascendit enim fumus ex aqua tantisper, donec ad aliquod frigidum aut compactum obstaculum impegerit, vbi cogitur & consistit, deinde verò rursus in aquam liquitur atque delabitur. Ascribam verba Aristot. quib. summā huius loci perspicuè complexus est: Manente autem terra, humor qui circa eam est, in vaporem à Solis radijs & ab alio calore superno conuersus in sublime tendit. Calore verò, cuius opera surrigebatur, vaporem deferente, atq; altero in supremum locum disperso, altero etiam extincto, quod longius in aërem, qui super terram est, euehatur, vapor frigore contracto ob caloris destitutionem atq; loci naturam rursus consistit, & ex aëre fit aqua, quæ posteaquam genita est, rursus in terram deferretur. Est autem halitus, qui ex aqua ortum habet, vapor, qui verò ex aëre in aquam mutari solet, nubes. Nebula autem nubis in aquam concretæ superfluitas, proinde serenos dies potius quàm pluuios portendit, quippe quæ veluti nubes infœcunda & semine exhausta existit, &c. Caligo humida *ἡμετέριος* vocatur, fumida verò *καπνέριος*, Aristoteles utramq; *ἀεὶ ἀεὶ* vocat.

Vapor

Nubes

quid.

Nebula.

Summa itaq; omnium harum humidarum impressionū hæc est. Si vapor humidus in mediam vsq; aëris regionem subuectus fuerit, & istic cogitur atque densatur, fit nubes, quæ cum in aquam soluitur, fit pluuia. Nebula verò est priusquam in nubem cogitur, quæ si ascendit, in nubem pluuiosam conuertitur, si verò descendit, serenitatem significat, quia dispergitur ac in subniliorem euanescit aërem. Si verò congelatur hic vapor, priusquam in aquam resolutus fuerit, fit nix, quæ tamen ex fortiori frigore quàm pluuia gignitur. Si verò post resolutionem in aquam congelatur, fit grando. Quando verò hic humidus vapor in infima aëris regione subsidet ac congelatur, fit pruina, si non congelatur, fit ros.

Pluuia.

Nix.

Grando.

Pruina.
Ros.

Quanta verò sit altitudo nubium à terra, & ubi in aëre sit locus consistentiæ vaporum, non potest certa ratione indicari, propter materiæ leuitatem ac fluxibilitatem, tamen extat ea de re pulchra demonstratio Abdomadis, qui ex miliarib. qualiū terræ circumferentia continet 24000. ad nubium consistentiam colligit 31. de qua re legant studiosi Opticen Vitellionis lib. 10. propo. 60. Sententia textus ex ijs quæ dicta sunt patet, sic autem inquit, Extra has causas, scilicet celestes, possunt oriri & emergere imbres, venti & nubes, Nubium verò origo & essentia etsi sit aquea, tamen densitas & compactio corporis earum inde colligitur, quod ipsæ possunt eripere conspectum Solis, id quod aquæ non possunt. Urinatores enim per profundam aquam cernunt Solem, ergo nubium substantia est non pura aqua, sed condensata & compacta.

C A P V T X L I I I.

De Tonitruis & Fulguribus.

Igitur non eam inficias, posse in has & ignes supernæ stellarum decidere, quales sereno sæpe cernimus, quorum ictu concuti aëra verum est, quando & tela vibrata stridunt. Cum verò in nubem peruenerint, vaporem dissonum gigni, vt candente ferro in aquâ demerso & fumidum vorticem volui, hinc nasci procellas.

Causæ tonitruis, fulminis & fulguri.

Et si in nube luctetur flatus aut vapor, tonitrua ædit, si erumpat ardens, fulmina: si longiore tractu nitatur, fulgetra. His findi nubem, illis perrumpi. Et esse tonitrua impactorū ignium plagas, ideoq; protinus coruscare igneas nubium rimas. Posse & repulso siderum depressum, qui à terra meauerit, spiritum nube cohibitum tonare, natura strangulante soni-

sonitum dum rixetur, ædito fragore cum erumpat, ut in membrana spiritu intenta. Posse & attritu dum in præceps feratur, illum, quisquis est, spiritum accendi. Posse & confictu nubium elidi, ut duorum lapidum, scintillantibus fulgetris. Sed hæc omnia esse fortuita. Hinc bruta fulmina & vana, ut quæ nulla veniant ratione naturæ. Ijs percuti montes, ijs maria, omnesq; alios irritos iactus. Illa verò fatidica ex alto, statisq; de causis, & ex suis venire sideribus.

APPENDIX.

Occasione sumpta ex nubium descriptione recitat principio Epicureorum sententiam de generatione fulminis & fulguris, qui dixerunt hæc gigni in aëre, quando stellæ supernæ decidunt, & in nubem suppositam merguntur. Sicut enim iacula, cum impetu iacta, sonum in aëre excitant, ita quoq; stellæ delapsæ magna vi per aërem impellunt illum ac strident. Et quemadmodum ferrum candens in aquam immersum stridet, ita stella ignita in nubem delapsa, stridorem & motum nubium & fumidum vorticent, hoc est, fumum seu flatum vorticum excitat. Recitatur hæc sententia ab Aristotele in finel. 2. Meteo.

Epicuri
sententia
de fulmine
& fulgure.

Hunc stridorem descripsit Ovidius :

*Terribilem stridore sonum dedit, ut dare ferrum
Igne rubens plarumq; solet, quod forcipe curva
Cum faber eduxit lacubus demittit, at illud
Stridet, & in tepida submersum sibilat unda.*

Eadem sententia apud Lucretiū his versib. extat descripta.

*Fit quoq; ubi ē nube in nubem vis incidit ardens
Fulminis, hac multo si forte humore recepit
Ignem, continuo magno clamore trucidet
Ut calidis candens ferrum ē furuacibus olim
Stridet, ubi in gelidum proferre demersumus imbrem.*

Ἄλλοτε γινώσκουτε ὅτι τῶ φασὶν ἰστρυμῶσαν καὶ ἐκστρυμῶσαν ἔχει τὸν

Vulcani vel Vespæ risus.

Vocat autem Plinius hic ex Epicuri sententia, ptoce-
lam hos motus & velut fluctus nubium, excitatos à stellis
delapsis in ipsas. Quod si Epicurus intellexit corpora stel-
larum delabi in nubem, valde errauit: stellæ enim non de-
cidunt. Quod si tantum exhalationem quandam ignitam,
cui nubes aquosa obuiat & in quam mergitur, potest ali-
quo modo excusari.

(Et si in nube luſtetut, &c.)

Quia hic mentionem Plinius facit tonitru, fulminis,
fulgetri, breuiter causas harum impressionum methodicè
colligemus, reliqua adolescentes ex Aristotele & Pontano
petant.

Causa effi-
ciens toni-
trui & ful-
minis.

Causa effectiua harum impressionum, est constitutio
vel configuratio aliqua calidarum stellarum in signis cali-
dis, & inprimis si Iupiter aliqua virtute Marti coniunctus
fuerit. Præpatat enim atq; subleuat materiam, ex qua de-
inde hæ impressiones gignuntur.

Materia-
lis

Causa materialis, est vapor compositus, hoc est, exha-
latio calida & sicca coniuncta cum vapore humido, & est
communis materia omnium harum impressionum.

Formalis.

Causa formalis, & generatio harum impressionum est,
quando talis vapor virtute Solis & stellarum perfertur vsq;
ad superiorem partem mediæ regionis aëris, tum frigore
loci vapor aqueus condensatur atq; in nubem spissam cogi-
tur, sed siccus hoc modo in nube inclusus se non amplius
dilatare atq; extendere potest: nam ab humido vndiq; cir-
cumcluditur atque ambitur, & includitur velut in verem.
Postremò verò hic status aut vapor hoc modo in nubem in-
clusus extimulatur frigore tam nubis circundantis quàm
etiam loci. Itaq; luſtetur in nube exitum quærens. Postre-
mò & hac agitatione & etiam *arrivigoreu*, hoc est, circum-
stantia rerum contrariarum instar suppæ incenditur, late-
raq; nubis magnis ictibus concussa perumpit. Plaga itaq;
cum sonitu, vocatur tonitru, ignis verò prorumpens ex

Tonitru.
Fulmen.
Fulgetrū
seu ful-
gar.

con-

contraſta nube aut fulmen aut fulgetrum ſeu fulgur. Fulmen, quando ardens exhalatio erumpit, fulgetrum verò quando tantum lumen extra fertur, quod longiore tractu, ſcilicet temporis, nitatur, hoc eſt, exeat. Vnde his, ſcilicet fulgetris, ſinditur nubes, illis, ſcilicet fulminibus perrumpitur: Ariſtot. inquit: τὸ δὲ πνεῦμα τὸ ἐκθλιβόμενον καὶ τὸ πολλὰ ἐκπνεύοντα λιπρὴ καὶ ἀδύνατον ἀνελθεῖν, καὶ τὸ τοῦτον, ὡς ἀλλοτρίου ἀπασπῶ, &c.

Finalis cauſa vel eſt phyſica, vel quædam ſignificatio, de qua dicemus infra cap. 53.

(Poſſe & repulſu ſiderum, &c.)

Exponit hoc loco Plinius modum generationis tonitru & fulguris, atq; ait, ſpiritum, qui meauerit à terra, hoc eſt, exhalationem, poſſe tonare nube cohibitu, & repulſu ſiderum depreſſum, hoc eſt, hæc exhalatio ſiue ſpiritus incluſus in nubem virtute ſideru, hoc eſt, radiorum ſolariu agitatur atq; deprimitur ruru. Quia verò omnes meatus ſunt obſtruſti nube, quæ ipſam cohibet, itaq; luſtatur cum nube, natura ſtrangulante ſonitu, hoc eſt, natura denſarum nubium efficiente ſonitu ex hac ſtrangulatione atq; cohibitione vaporis.

Efficitur verò fragor, quando fraſta nube erumpit ex- Fragor.
halatio, quemadmodum accidere ſoler ex crepatura membranæ, quæ eſt intentu ſpiritu. Sic etiam inquit Lucretius:

*Nec mirum, cum plena anima veſicula parua
Sæpe ita dat pariter ſonitu diſſoſa repente.*

Planè idem videmus accidere in omnibus corporibus humidis, quæ tenent incluſum ſpiritu calidu, cuius meatus obſtruſti ſunt, quominus egredi valeant. Sic caſtanæ crepant, & ligna viridia.

Sequitur tertia ratio fulgetri & fulminis cum inquit, poſſe & attritu, hoc eſt, confricatione nubium, quando in præceps fertur, hic ſpiritus incendi etiam nubium conſiſtu ſcintillantibus fulgetris, hoc eſt, exiſtentibus veluti ſcintillis col-

lis collisarum nubium. Fulmina dicuntur bruta & vana, quæ sunt æreæ, & quæ veniunt nulla ratione naturæ, hoc est, sine manifesta causa cœlesti, de quibus infra cap. 52.

CAP. XLIII.

De Ventis.

Causa ventorum & harum.

Simili modo ventos, vel potius flatus, posse & ex arido siccoq; halitu terræ gigni non negauerim: posse & aquis aëra expirantibus, qui neq; in nebulam densetur, nec crassescat in nubes: posse & Solis impulsu agi, quoniam ventus non aliud intelligatur, quàm fluctus aëris, pluribusq; etiam modis, namq; & è fluminibus ac niuibus & è mari videmus, & quidem tranquillo, & alios quos vocant altanos, è terra consurgere. Qui quidem cum è mari redeunt, tropæi vocantur, si pergunt, apogæi.

APPENDIX.

Principio causas & modum generationis ventorum exponemus. Deinde vero differentiam inter halitus & flatus.

Ventus quid, & eius causa.

VENTUS est agitatio sicci vaporis sublatis virtute radiorum solarium in aërem, & fit ex pugna exhalationum quæ à terra subleuantur, & vaporum in media aëris regione irigefactorum, qui quando deorsum feruntur & ascendentibus occurrunt, tunc fit lucta & pugna. exhalatio enim cum possit deprimi, nec etiam ulterius sursum ferri, propter occurrens frigus, tunc in transversum fertur, & quanto maior fuerit exhalationū & vaporum copia, tanto etiam maiore impetu venti feruntur & aërem impellunt. Materia itaque ventorum est exhalatio calida & sicca, quæ propter dictam iam causam impellit & mouet aërem, qui motus vocatur ventus. Quando itaq; materia ventorum vocatur exhalatio

halatio calida & sicca, tunc sciendum est eam discerni ab intensis exhalationibus calidis & siccis, ex quibus Cometæ & cætera ignea meteora gignuntur, talis enim materia non est ventorum, alioqui enim ab igne veniri non differrent, sed est remissè calida. Neq; probanda est Senecæ definitio, qui ventū tantum ait esse motum aërem sine materia. Nam ventus est quidem motus aër, sed cum exhalatione, ita vt exhalatio semper cum vento coniuncta sit. Inde enim apparet, ventos ex materia vel cognata pluviæ, vel pugnante cum pluviæ materia oriri, quod alij venti cient pluuias, alij serenitatem efficiunt. Item quod venti imbribus sopiuntur, vt quando venti desinunt, imbres gignantur, & rursus imbre cessante venti spirent. Vnde nec spirant venti in æstu aut magno frigore, quia & in æstu consumitur materia ventorum, & terra gelu constricta non potest exhalare vapores. Indicant & variz ventorum species, ventos esse exhalationes, sunt enim typhones & ecnephiz, quando sicci vapores humidis sunt impliciti, sicut dicetur postea. Vehuntur autem venti obliquo cursu, vel quia, vt Aristoteles ait, aër circulariter mouetur raptus à motu corporum cælestium: Venti quare obliquo cursu vehuntur. Vel quia vapor calidus & siccus sua leuitate ascendit, verum frigore mediæ regionis aëris & nubibus obstantib. rursus deijcitur, cumq; recta non queat deferri, est enim ignea quædam & sicca materia vaporis, quæ semper sursum nititur, per transuersum vehitur. Præterea non potest iterum recta lineâ descendere, quia alij vapores succedentes impediunt, vnde necessariò fertur per obliquum. Differunt autem ventus & flatus, ventus est nomen generale, flatus verò est ventus, qui in certo aliquo loco spirat.

Finalis causa ventorum est sua ventilatione purgare aërem, congregare vel dissoluere nubes, pluuiam vel serenitatem efficere. Præclare hanc finalem causam Seneca exponit, cum ait: Ergo ventos dedit summus ille rerum artifex ad custodiendam cœli terrarumq; temperiē, ad euocandas suppressandasq; aquas, ad alendos satorum atq; arborum fructus, &c.

(Simi-

(Simili modo ventos, &c.)

De Ventis
sententia
Aristotel.

Principio recitat Plinius opiniones Philosophorum de generatione & natura ventorum. Prima autem est Aristotelis, quam & ipse approbat, videlicet quod venti ex arido siccoq; terræ auhelitu, velut ex materia, generentur. Sic enim inquit Aristoteles: ἀέρας ὁπότερ τι ἐκ τῆς ξηρᾶς ἀναβύσσειται καὶ ἀπὸ τοῦ πυρὸς, οὗ ἐκ μὲν καὶ θερμὸν ἐκ γὰρ ἀρόθου, ἐκ δὲ τοῦ πυρὸς καὶ θερμὸν ἀνάβυσται. Possunt etiā gigni ex aqua, aquis videlicet aërem, id est, exhalationem expirantibus talem, quæ rarior sit, quàm quæ vel in nebulam vel in nubes coire possit.

Senecæ.

Secunda est illorum, qui dicunt, quod Solis impulsus agat, id est, radij solares sua vi agant atq; impellant aërem. Atq; hæc est etiam Senecæ opinio, ventum tantum esse motum aërem sine aliqua materiali causâ, sed cœlesti aliqua, sicut etiam quidam Astrologi contendunt ventos excitari ex concitato atq; assiduo Mercurij cursu, qui sua perpetua agitatione feriat aërem, non aliter atq; si quis flagello aërem vehementius verberet. Quàm autem absurda sit hæc sententia, inde intelligi potest, quod nullus aër est in cœlo, quem motu sui corporis impellat: agunt autem stellæ in hunc nostrū aërem, sicut etiam in reliqua corpora, non formaliter, sed virtualiter, hoc est, virtute radiorum & luminis, quemadmodum supra dictum est.

Mercurius
plurimum
habet vir-
um in ciend
dis ventis.

Verum tamen est, Mercurij stellam sua vi plurimā ventorum materiam excitare, ex qua venti postea existunt. Ad eam autem rem radij Solares plurimum conferunt, dum radijs suis radios Mercurij fouet: illis enim adminiculatur in præparanda & subleuanda plurima ventorum materia, cumq; illa sit valde sicca atq; terrestris exhalatio, dubium non est eam potissimum à Sole cieri atque agitari. Neque tantum Mercurius in ciendis ventis efficax est, sed reliquæ stellæ erraticæ secundum positus suos in suis triplicitatibus, quemadmodū præclare scribit Ptol. lib. 2. cap. 2. quadripat.

(Quo-

(Quoniam ventus non aliud intelligatur, &c.)

Textus Plinij hoc loco sic est legendus, Quoniam ventus non aliud intelligatur quàm fluctus aëris, pluribusque etiam modis, namque & è fluminibus atque sinubus, & è mari videmus equidem tranquillo alios, quos vocant Altanos, & è terra confurgere, qui quidē cum è mari redeunt Tropæi vocantur, si pergunt Apogæi, &c.

Vocat hoc loco Plinius ventum fluctum aëris, propter ipsius continuum motum & agitationem, huius autem motus diuersæ sunt formæ siue species secundum diuersa loca vnde veniunt, alij enim à fluminibus, alij à sinubus maris, sic enim est legendum, vt patet ex Aristotele, vnde Plinius hæc verba descripsit, sic enim inquit Aristoteles in libello de Mundo: *τῶ δὲ αἱ μὲν ἀνέμους ἐκ ποταμῶν καὶ γῆς πλείους ἀνέμους λέγουται. αἱ δὲ ἐκ κλύων διζήμενται, ἐγκολπία. σέτεις δὲ ἐκ ἐλασγίνων ἔχουσι αἱ ἐκ ποταμῶν καὶ λίμνης, &c.* hoc est, Venti qui ex humida terra spirant, apogæi dicuntur, qui ex sinubus, Encolpiæ, qui verò ex flumijs & paludibus proflant, Encolpijs proportionem respondent. Eadem sententia à Seneca exponitur lib. 5. cap. 8. natu. quæstionum, vbi etiam addit causam huius diuersitatis. Et videtur hic Plinius latina appellatione vocare Altanos, quasi ex alto spirantes, quos Seneca Encolpias vocat. Apogæos autem quasi aterranæos, quod à terra confurgunt & in mare pergunt, sicut Tropæos quasi versarios, quia è mari in terram redeunt, & hæc conuertit Plinius ex Aristotele sectione 26. problemat. cum inquit: *καὶ ἔστι δὲ στροφαία ὅταν ἀναρροῖ ἀνέμους. ἡ δὲ ἀνέμια, τὸ ἐκ τῆ γῆς πλεονεχὲς τῶν ἀλάτων ποταμῶν γινόμενον. ἡ δὲ στροφαία ἡ σέτεις παλίστροφος, &c.* Vocantur etiam dii ἀποτρέπονται, qui impendentia mala auertunt, quos Romani Auerruncos vocarunt, de quibus Pausanias in Corinthiacis inquit: *καὶ τῶ τάφει πολλοὶ εἶναι ἀποτρέπονται θεοὶ. παρὰ τούτων διζύστη, ὅσα ἑλλάνες ἐκ ἀποτρέποντων καὶ πομίζουσι, &c.*

CAPUT XLV.

De Echo, & Ventis iterum.

Montium verò flexus crebriq; vortices, & con-
flexa cubito, aut contrafacta in humeros iuga, conca-
ui vallium sinus, scindant inæqualiter inde resultant-
tem aëra, quæ causa etiam voces multis in locis re-
ciprocas facit.

Miracula
ventorum.

Sine fine ventos generant iam quidã etiam spe-
cus, qualis in Dalmatiæ ora, vasto in præceps hiatu,
in quem deiecto leui pondere, quamuis tranquillo
die, turbini similis emicat procella. Nomen loco est
Senta. Quin & in Cyrenaica prouincia rupes quæ-
dam austro traditur sacra, quam profanum sit attre-
tari hominis manu, confestim austro volente ha-
renas. In domibus etiam multis, manu facta inclusa
opacitate conceptacula auras suas habent: adeo
causa non deest.

Diferimen
inter au-
ram & ven-
tum.

Sed plurimum interest flatus sit an ventus. Illos
statos atque perspirantes, quos non tractus aliquis,
verùm terræ sentiunt, qui non aura, non procella
maris, sed appellatione quoq; ipsa venti sunt, qui si-
ue assiduo mundi incitu, & contrario siderum occur-
su nascuntur, siue hic est ille generabilis rerum natu-
ræ spiritus, huc illucq; tanquam in vtero aliquo va-
gus, siue disparili errantiũ siderum ictu, radiorumq;
multiformi iactu flagellatus aër, siue à suis sideribus
exeunt his propioribus, siue ab illis cœlo affixis ca-
dunt, palàm est illos quoque legem naturæ habere
non ignotam, etiam si nondum percognitam.

Hoc caput cum superiore cohaeret: pergit enim in enumeratione specierum & differentiarum flatuum, & ait inde existere hanc multiplicem varietatem. quia inflectuntur latera montium in diuersas formas, ad quas aër illisus, has differentias efficit. Sic autem inquit Plinius: montium verò flexus crebriq; vortices, & conflexa cubito, aut contrafracta in humeros iuga, hoc est, montes inflexi & ad similitudinem cubiti vel humeri incuruati, Sic etiam concaui vallium sinus, hoc est, multiplices specuum differentiae: illæ, inquit, inæqualiter inde resultantem aërem scindunt, hoc est, non eodem modo continguntur ab aëre, sed in alio citius in alio tardius, in alio excipitur à plano, in alio excipitur à concauo obiecto, vnde necesse est aërem discindi, quæ scissio diuersas formas flatuum gignit, & hæc est causa, cur aliquibus in locis reciprocae voces edantur, quia, inquit, hæc aëris scissio in locis concauis, reddit voces reciprocas, hoc est, recurrentes ad aures loquentium, & hæc reciprocatio vocatur Echo, quæ nihil aliud est, quam reciprocatio vocis facta ex refractione aëris in aliquo cauo opposito. Fit autem quando aër percussus voce, cedit subinde, donec in durum aliquod & concauum corpus deferatur, à quo vi repulsus redit eò vnde primum egressus est, & propter celeritatem motus eosdem sonos retinet, ac eò reducit vnde accepit. In plano idem non accidit, aër enim cedit ad latera & elabitur, ac euanescit vox: in cauo autem densatur ac velut congenitur, vnde eandem vocem refert. Nam initio aër percussus voce, propter celeritatem percussione collectus, permanet & non diffunditur, cui subinde posterior aut sequens aër cedit, quem eadem percussione inficit, idq; consequenter, donec incurrat in aliquod obstaculum solidum ac durum, quod eius vltiorem diffusionem prohibet, in quo repellitur velut acta pila: deinde verò proximum ante se aërem incutit, rursusq; hic alterum, donec ad principium redierit. Fir autem hac itione & reditione imbecillior, vnde tantum extremas voces vel syllabas retinet

324.

Cur Echo
reddat tan-
tum extre-
mas syllab-
bas.

ac refert. Atq; hinc intelligi potest, quomodo ictus aër reddat voces reciprocas, quæ *ἠχὴ*, hoc est, sonus vocātur. Aufonius ait, Echo aëris ac linguæ filiam esse.

(Sine fine ventos generant.)

*Fusus ex
specubus.*

Alia est species siue differentia flatuum, qualis ex specu quodam in aditu Illyrici turbini similis emicat siue erumpit procella, tum videlicet, quando aliquid in hunc specum inijcitur. Simile quiddam fertur de specu ad Cellam abbatis in radicibus Alpium. Item de lacu Pilati in Heluetijs ad urbem Lucernatem.

De vento Dalmatico legant studiosi Pontanum in Meteoris: *Illyricis specus est ingens in sinibus antrum
Ventorum in mane, vnde ira immitesq; procellæ
Erumpunt, quoties terris fera sauis Erynnis, &c.*

Secundum exemplum, De Cyrenaica rupe, quæ est sacra austro, nam austro tales arenarum fluctus in his locis excitat, quales in mari fluctus & procellæ oriuntur, sed hæc rupes peculiare quiddam habet, quod quamprimum manu contrectatur, statim insurgit, & fluctus arenarum similes marinis tempestatibus excitat.

Tertium exemplum, de auris quæ in domibus aut conceptaculis manu factis existunt, quæ inclusa opacitate, hoc est, incluso aëre, qui non habet exitum, auras suas habent, hoc est, peculiare flatum. Plura exempla sunt in historijs.

In templo apud Delphos est aura, qua afflati subiro fatidico spiritu corripiuntur. Item apud Hammonem Iouem etiam talis aura est, quæ subito reddit sacerdotes artonikos, ac velut lymphatos, vnde nata sunt hæc vocabula, esse artonitū & afflatū, &c. Conquirant studiosi exēpla ex historijs.

In fine subiungit discrimen inter auram, procellam & ventum, quod est, ut Seneca inquit, ferè tale, quale est inter mare, lacum & flumen. Aura enim nihil aliud est, nisi aër leuiter impulsus, ppter leuiter motam exhalationem, qualiter ferè flabello excitari solet. Excitantur autem auræ in magnis

*Aura
q. id.*

magnis æstibus in saltuosis locis, aut ad fluminum ripas, propter dissolutionem exhalationum in aëre spissiotum ac frigidiorum in his locis, à calore Solis. Sic inquit Seneca: Tunc surgit aura, cum datum est laxamentum corporibus, & constipatio illorum resoluta est. Procella autem est flatus imperuosus, & nomen habet à *περίσσω*, id est, euerto, quando impetuosisimi venti & contrarij concurrunt, & omnia obuia evertunt: item, quando simul cum impetu ex fracta nube erumpit tempestates præcedens, de quo inquit Aristoteles, *ὅτε δὲ μέγιστα ἐκείνηται τῶν ἀέων ἀρίστη*, &c.

Ventus verò est medium quiddam inter auram & procellam, ideo hic in textu inquit: qui non aura, non procella maris, sed appellatione quoque ipsa venti sunt, hoc est, peculiare quiddam est ventus, non est aura neque procella. Recitat autem hoc loco Plinius sententias diuersorum de generatione ventorum.

PRIMA est illorum, qui dicunt assiduo mundi incitu, & contrario siderum occurſu nasci ventos, hoc est, motus sphaerarum in diuersas mundi partes concitat ac impellit aërem, qui motus vocatur ventus. Hæc ratio non est firma, necesse enim esset ventos semper eodem modo fluere, ac tantum in orientem vel occidentem ferri, & nunquam ad latera mundi. Item, idem motus semper nubes in easdem raperet partes.

SECUNDA, siue hic est generabilis rerum naturæ spiritus, huc illuc tanquam in vtero aliquo vagus, &c. hoc est, quidam existimant ventum esse hunc vitalem seu cuncta generantem spiritum, qui genitalia semina excitat atque fecundat, qui inclusus in terra velut vtero, aliquando egreditur ac ipsam perflat. Seneca recitat non dissimilem sententiam: quomodo in nostris corporibus ex cibo fit inflatio, quæ interdum cum sono emititur, ita putant hanc magnam rerum naturam alimenta mutantem emittere spiritum, &c.

TERTIA, siue disparili errantium siderum ictu, &c. hoc est, radij corporum celestium non tantum virtute sua

cient ex terra ventorum materiam, sed etiam radijs ac lumine suo flagellant ac impellunt aërem, qui motus ventus vocatur: vocat autem disparilem ictum, hoc est, non uniformem, sed dissimilem, sicut enim radij sunt dispariles & dissimiles, ita dissimiliter aërem feriunt. Hanc opinionem etiam Seneca recitat cum inquit: Facit autem ventum Sol ortus non calore tantum, sed etiam ictu. Lux enim quæ Solem antecedit, nondum aëra calefacit, sed percutit tantum, percussus autem in latus cedit, &c.

QVARTA, siue à suis sideribus exeunt his propioribus, hoc est, Planetis, siue ab illis cælo affixis cadunt, hoc est, stellis fixis. Hæc postrema opinio conuenit cum Astrologorum sententia, si ritè intelligatur. Sic enim illi dicunt, quod Iupiter concitet Aquilonares ventos, Sol orientales, Luna occidentales, Mars meridionales. Eodem modo & stellæ fixæ de natura harum erraticarum magis in his quàm alijs terræ partibus cient. In summa, certum est stellarum vires in ciendis tam ventis quàm reliquis tempestatibus esse efficaces. Concludit itaq;: Palàm est illos quoq; legem naturæ habere, hoc est, gubernari & regi à natura ratione quidē non prorsus ignota, nondum tamen omnino cognita. At hæc est propositio de ventis, quam sequentibus capitibus exponet.

CAPVT XLVI.

Naturæ, & obseruationes Ventorum.

Viginti amplius autores Græci veteres prodidēre de his obseruationes. Quo magis miror orbe discordi, & in regna, hoc est, in membra diuiso, tot viris curæ fuisse tam ardua inuentu, inter bella præsertim & infida hospitia, piratis etiam omnium mortalium hostibus transitus fermè tenentibus: vt hodie quædam in suo quisque tractu ex eorum commentarijs, qui

Dignitas
ac præstan-
tia harum
disciplina-
rum.

qui nunquam eò accessere, verius noscat, quàm indigenarum scientia: nunc verò pace tam festa, tam gaudente prouentu rerum artiumq; principe, omnino nihil addisci noua inquisitione, imò ne veterum quidem inuenta perdisci. Non erant maiora præmia ^{Occupatio.} in multos dispersa fortunæ magnitudine, & ista plures sine præmio alio quàm posteros iuandi eruerunt. Namq; mores hominum senuere, non fructus, ^{in quibus} Et immensa multitudo aperto quodcunq; est mari, ⁱⁿ hospitaliq; littorum omnium appulsu nauigat, sed lucri, non scientiæ gratia. Nec reputat cæca mens & tantum avaritiæ intenta, id ipsum scientia posse tutius fieri. Quapropter scrupulosius quàm instituto fortassis conueniat operi, tractabo ventos, tot millia nauigantium cernens.

A P P E N D I X.

Hoc caput magis est Rhetoricum, quàm physicum, continet enim tantum digressionem, qua prædicat veterum diligentiam in inquirendis & tradendis artibus vtilibus, & detestatur sui seculi peruersos mores, nihil nisi opes mirantis. Veteres nouas artes magno studio atq; industria pepererunt. Nostri verò homines non tantum nihil noui gignunt, verum ne quidem veterum inuenta discunt aut intelligunt. Amplificat autem hanc collationem circumstantijs temporum, rerum, locorum & personarum. Veteres nullam discendi occasionem prætermiserunt, ne quidem viarum periculis deterriti, cum omnia infesta essent bellis & latrocinijs, nec dum constituta monarchia, quæ huiusmodi pericula sustulit, tamen ipsi peruagati sunt orbem terrarum, hi incredibili discendi ardore inflammati, locorum situs, discrimina regionum, motum cæli & stellarum, & reliqua naturæ miracula, summo studio & cura inquisuerunt. No-

stri verò in altissimo ocio, & in pace tam festa, hoc est, tali, qualis in diebus festis esse solet, & Principe puehente ac excitante hæc studia, tamē nihil liberale cogitant aut faciunt. Subiungit occupationem: Sed fortasse veteribus maiora præmia proposita fuerunt, quàm nostris. Respondet, imò hodie maiora proponuntur à Principe potente atq; harum artium studio: veteres enim nullis præmijs propositis, sed tantum amore virtutis & doctrinarum, præterea studio iuuandi posteros ista eruerunt. Statim subiungit huius dissimilitudinis causam: Mores, inquit, hominū senuere, non fructus. Exponit autem ipse, quid vocet fructus senescere. Hæc querela de neglectis doctrinarum studijs, ex nostrorū temporum moribus facillimè intelligi potest, quando nemo discit amplius honestatis, virtutis aut reipub. sed tantum lucri atq; quæstus causa, vnde etiam vera & recta studia hodie neglecta atq; contempta iacent, partim inertia & stultitia hominum, partim quod non digna existimentur, quib. discendis opera nauanda sit. Verum de hac re alij melius.

CAPVT XLVII.

Ventorum genera.

1. **V**Eteres quatuor omnino seruauere, per totidem mundi partes (ideo nec Homerus plures nominat) hebeti, vt mox iudicatum est, ratione: secuta ætas octo addidit, nimis subtili & concisa: proximis inter vtranq; media placuit, ad breuem ex numerosa additis quatuor. Sunt ergo bini in quatuor cœli partibus: Ab oriente æquinoctiali subsolanus, ab oriente brumali vulturnus. Illum Apelioten, hunc Eurum Græci appellant. A meridie auster, & ab occasu brumali Africus, Noton & Liba nominant: Ab occasu æquinoctiali Fauonius, ab occasu solstitiali Corus, Zephy-

Numerus
ventorum.
Hermolaus
Barbarus
monet ve-
terē fuisse
lectionē,
Hebetius
mox iudi-
catū esse id

Zephyron & Argesten vocant. A Septentrionibus Septentrio, interq; eum & exortum solstitialē aquilo, Aparctias dicti & Boreas. Numerosior ratio quatuor his interiecerat, Thrasciam, media regione inter Septentrionem & occasum solstialem: itemq; Cæcian, media inter Aquilonem & exortum æquinoctialem. Ab ortu brumali Phœnician, media regione inter ortum brumalem & meridiem. Item inter Liba & Noton compositum ex utroq; medium, inter meridiem & hybernū occidentem, Libanoton. Nec finis. Alij quippe Mesen nomine etiamnum addidēre inter Borean & Cæcian, & inter Eurum & Noton Euronoton.

Sunt etiam quidam peculiare quibusq; gentibus venti, non ultra certum procedentes tractum. Ut ^{2.} *Prouincia-* Atheniensibus Sciron, paulum ab Argeste deflexus, *les venti.* reliquæ Græciæ ignotus. Alicubi elatior idem Olympias vocatur. Consuetudo omnibus his nominibus Argesten intelligit: & Cæcian aliqui vocant Hellepontium, & eisdem alibi aliter. Item in Narbonensi prouincia clarissimus ventorum est Circius, nec vlli violentia inferior, Ostiam plerunq; rectā Ligustico mari perferens: idem non modo in reliquis partibus coeli ignotus, sed ne Viennam quidem eiusdem prouinciæ urbem attingens, paucis ante limitibus iugi modici occurſu tantus ille ventorum coërcitus. Et Austros in Aegyptum penetrare negat Fabianus. Quo fit manifesta lex naturæ ventis etiam & tempore & sine dicto.

Ver ergo aperit nauigantib. maria, cuius in principio, Fauonij hybernū molliunt coelſi, Sole aqua- ^{3.} *Tempora*
rij *ventorum.*

rij xxv. obtinente partem. Is dies sextus est ante Februarias Idus. Competit fermè & hoc omnibus quos deinde ponam, per singulas intercalationes vno die anticipantibus, rursusq; lustro sequenti ordinem seruantibus. Fauonium quidam ad v i i. Cal. Martij Chelidonian vocant, ab hirundinis visu, nonnulli verò Ornithian, vno & i x x. die post brumam, ab aduentu auium, flantem per dies i x. Fauonio contrarius est quem Subsolanum appellauimus. Datus est autem huic exortus Vergiliarum in totidem partibus tauri, sex diebus ante Maias Idus, quod tempus austrinum est, huic vento Septentrione contrario. Ardentissimo autem æstatis tempore exoritur caniculæ sidus, Sole primam partem Leonis ingrediente, qui dies x v. ante Augusti Calend. est. Huius exortum diebus octo fermè aquilones antecedunt, quos Prodromos appellant. Post biduum autem exortus, iisdem Aquilones constantius perflant diebus quadraginta, quos Etèsias vocant. Molli eis creditur Solis vapor geminatus ardore sideris, nec vlli ventorum magis statim sunt. Post eos rursus austri frequentes vsq; ad sidus Arcturi, quod exoritur x i. diebus ante æquinoctium autumnii. Cum hoc Corus incipit. Corus autumnat: huic est contrarius Vulturus. Post id æquinoctium diebus ferè quatuor & x i. Vergiliarum occasus hyemem inchoat, quod tempus in i i i. Idus Nouembris incidere consuevit, hoc est, aquilonis hybernii, multūq; æstiuo illi dissimilis, cuius ex aduerso est Africus. Ante brumam autem v i i. diebus, totidemq; postea, sternitur mare halcyonum foeturæ, vnde nomen

men hi dies traxere : reliquum tempus hyemat.

Nec tamen sæuitia tempestatum concludit mare. Piratæ primum coëgere mortis periculo in mortem ruere, & hyberna experiri maria, nunc idem auaricia cogit. ὁπλίσματα.

Ventorum frigidissimi sunt, quos à septentrione diximus spirare, & vicinus his Corus, ij & reliquos compescunt, & nubes abigunt. Humidi Africus, & præcipuè auster Italiæ: narrant & in Ponto-Cæciani in se trahere nubes: Sicci Corus & Vulturnus, præterquam desinentes. Niuales Aquilo & Septentrio. Grandines Septentrio importat & Corus. Aestuosus Auster: Tepidi Vulturnus & Fauonius. Iisdem Subsolano sicciores, & in totum omnes à Septentrione & Oriente sicciores, quàm Meridie & Occidente. Saluberrimus autem omnium Aquilo, noxius Auster, & magis foccus, fortassis quia humidus frigidior est. Minus esurire eo spirante creduntur animantes. Etesia noctu desinunt ferè, & à tertia diei hora oriuntur. In Hispania & Asia ab Oriente flatus est eorum, in Ponto ab Aquilone, reliquis in partibus à meridie. Spirant autem & à bruma cum vocantur Ornithia, sed leniores & paucis diebus. Permutant & duo naturam cum situ, Auster Africæ serenus, Aquilo nubilus. Qualitates ventorum.

Omnes venti vicibus suis spirant maiore ex parte, aut ut contrarius desinenti incipiat. Cum proximi cadentibus surgunt, à læuo latere in dextrum (ut Sol) ambiunt. Ordo spirationis.

De ratione eorum menstrua, quarta maxime Luna decernit. Iisdem autem ventis in contrarium

Nota, unde
de iudicari
possit, qui
ventus sit
spiraturus
per men-
sem.

naugatur, prolati pedibus, ut noctu plerunq; ad-
uersa vela concurrant. Austro maiores fluctus ædun-
tur quàm Aquilone, quoniam ille infernus ex imo
maris spirat, hic summo. Ideoq; post austros noxij
præcipue terræ motus. Noctu auster, interdiu aq-
ilo vehementior. Et ab ortu flantes diuturniores sunt
ab occasu flantibus. Septentriones impari ferè desi-
nunt numero: quæ observatio & in alijs multis rerû
naturæ partibus valet. Mares itaq; existimantur im-
pari numero. Sol & auget & comprimit flatus. Au-
get exoriens occidensq;, cõprimit meridianus æsti-
uis temporibus. Itaq; medio dici aut noctis plerunq;
sopiuntur, quia aut nimio frigore, aut æstu soluun-
tur. Et imbris venti sopiuntur. Expectantur au-
tem maximè, unde nubes discussæ adaperuere cœ-
lum. Omnium quidem (si libeat observare minimos
ambitus) redire easdem vices quadriennio exacto
Eudoxus putat, non ventorum modo, verùm & re-
liquarum tempestatum magna ex parte. Et est prin-
cipium lustri eius semper intercalari anno caniculæ
ortu. De generalibus ventis hæc.

A P P E N D I X.

Nunc incipit exponere propositionem supra institu-
tam, quando dixit, Palam est illos quoq; legem naturæ ha-
bere non ignotam, &c. & hanc legem naturæ, hoc est, do-
ctrinam de ventis hîc incipit exponere, & orditur à vento-
rum numero, & ait veteres ventorum numerum secundum
numerum angulorum siue cardinum mundi posuisse: sunt
autem quatuor anguli siue cardines mundi, Oriens, Occi-
dens, Meridies & Septentrio, sic etiam quatuor tantum
ventos constituerunt, qui ex his angulis spirant, vel quia
non plures norant, vel quia reliquos his quatuor velut re-
storibus

De nume-
ro vento-
rum.

storibus ac ducibus complectebantur. Sic Homerus tantum quatuor ventos numerat, cum inquit:


σὺν δ' αἰεὶς τι ῥέτωρ τ' ἵππῃσι ζήφυρος τι βορέας τε,
καὶ βορέας αἰθεργιγέτας μάλα ἄνεμα κυλινδῶν.

*A summo Boreas, Notus imo spirat Olympo,
Occasum insedit Zephyrus, venit Eurus ab ortu.*

Item Ovidius secutus Homerum etiam quatuor enumerat. Noti sunt versiculi in 1. Meta. *Eurus ad Anxotam, &c.*


Sequens ætas octo addidit, ita ventorum numerus in duodenarium excrevit, quæ ratio quia est nimis subtilis & concisa, id est, nimis curiosa & vaga seu proluxa, sicut superior erat nimis hebes, hoc est, nimis brevis & rudis, unde proxime ætati inter utramque media ratio placuit, quæ ad breuem ex numerosa addidit quatuor, hoc est, quæ ex duodenario ventorum numero nimis proluxo ademittit quatuor, quos addidit quaternario numero nimis hebeti, & ita in uniuersum numerus ventorum in octonarium excrevit, quos ita distribuerunt, ut bini in quatuor cœli partibus existerent. Ab oriente itaque æquinoctiali spirat Subsolanus, Græcis ἀπὸ μέσης dictus, quasi à via media Solis seu æquinoctiali spirans, ut in puncto A. Ab Oriente brumali Vulturnus à volando dictus, Græcis Eurus, quasi ab aurora spirans, ἁὐρ καὶ ἔω, ut in puncto B. A meridie verò Anster ab hauriendis aquis, sicut Græcis ῥέτωρ ab humore dictus est, ut in puncto C. Ab occasu brumali verò Africus seu ἄφρ, à loco dictus, ut in puncto D. Ab occasu æquinoctiali Fauonius à fouendo, Græcis ζήφυρος à ζήφορ, καὶ ἔω, id est, à nubilo siue occasu spirans, ut in puncto E. Ab occasu solstitiali Corus, qui & ἀργέρος utroque Græco nomine. Corus enim à χρῶς, unde & alio nomine Caurus dicitur, & alter à fulmine dictus est, ut in puncto F. A septentrionibus Septentrio seu ἀπαρατίος, ut in puncto G, & nomen habet, quia spirat ab ea regione cœli, ubi sunt Ursæ. Ab exortu solstitiali Aquilo seu Boreas à strepitu vel sono, quem excitat, ut in puncto H. Horum octo ventorum loca conspiciuntur in hac figura.

Nume-



Numerosior ratio quatuor his interiecerat, hoc est, illi qui duodecim ventos numerant, his octo adhuc quatuor interferunt, videlicet ut singuli flatus proprijs vocabulis discernerentur. Numerat autem duodecim Aristoteles, & apud Latinos Varro. Vide Gel. lib. 2. cap. 22. Thrafcias nomen habet à *θρῆξω*, conturbo, & collocatur inter septem, & occasum solstitialem, Latini Circium vocant, à gyratione in circum. Cæcias nomen habet ab *κραινέω*, vrendo, & aliquib. etiam Hellefpontius vocatur. Tertium Phœnician vocant, flantem inter ortum brumalem & meridiem, qui & Euronotus vocatur, quia inter Entum & Notum spirat. Quartum Libanotuna vel Austroafricum vocant. Atq; hæc sunt duodecim ventorum nomina communia tam Græcis quàm Latinis, nisi quod aliquando nomina variantur pro diuersitate gen-

te gentium. Vt Mefen vocant Dore medium inter Aquilonem & Cæciam, cui ex aduerso dicit Aristot. nullum flatum respondere. Plinius hoc loco Mefen vocat medium illum qui interiacet inter Liba & Notum, qui habet nomen compositum ex utroq. Strabo Argessent, hoc est, Cæsurum siue Corum vocat λευκερδον, hoc est, album austrum, hic enim ventus



ventus contra naturam austri paucas nebulas facit, τὴν ὥσ' ἡμεῖς καλοῦμεν ἀργέτω, λοιπὸν δὲ, οὗτος δ' ἄλλοι τὰ εἴδη αὐτοῦ. Et vt Seneca inquit, mollis est, & tam euntibus communis quàm redeuntibus. Vnde colligitur Argesten diuersum esse à Coro vento violento & rapaci.

Venti pro-
uinciales
& particu-
lares.

SECVNDVS locus huius capituli est de partialibus seu provincialibus ventis, qui non perflant, sed tantum in certis locis, in quibus nascuntur, commorantur, non enim sumunt impetum à latere vniuersi, vt inquit Seneca, ergo etiam nec vires illorum sufficiunt ad perflandos longiores tractus, sed quemadmodum ex leui atq; modica materia nascuntur, ita etiam deficiente materia ilico cadunt. Vel sunt particulæ cardinalium ventorum ab illis abscissæ aut calore aut frigore loci, aut etiam montium altitudine, aut vallium profunditate, sicut citat Aristoteles exemplum de Aquilone, qui iuxta Corinthum tortuose spirat propter reuerberationem quam illic in montibus sustinet. Et Sciron tantum loca circa Athenas infestat, quia per saxa Scironis abscinditur ab Argeste: hic idem ventus paululum supra in Thessalia, vbi ab Olympo abscinditur, Olympias vocatur. Strabo & Zephyros à Scironijs saxi vnde spirant, Scirones ab Atheniensibus appellari ait, sed præcipuè Argestas, καὶ ἀπὸ τῆς ἀπικτῆς τῶν περὶ τὴν Αἰθῶναιον πελάγους, ἀφ' ἧς καὶ ἐκείνους καλεῖται οἱ Ζέφυροι, καὶ μέγιστα οἱ ἀργέται. Item Narbonensib. peculiaris ventus Circius existit, qui nec ad vicinam quidem eiusdem prouinciæ peruenit urbem, de quo inquit Seneca: Galliam Circius infestat, cui ædificia quassanti tamen incolæ gratias agunt, tanquam salubritatem cæli sui debeant ei. D. Augustus templum illi cum in Gallia moraretur, & vniuit & dedicauit, &c. Eodem modo Atabulus peculiariter Apuliam infestat, Iapyx Calabriam, Syrus Syriam, Carbasus Siciliam, Detracidas Pontum. Sunt præterea & alij innumerabiles, fluminibus, stagnis aut sinubus nominati.

Tempora
flata ven-
torum.

TERTIVS locus huius capituli est de statis ventorum temporibus, videlicet quâ fiat quod sint certa tempora & velut

velut statim dies ventorum, quibus incipiant ac etiam flare desinant. Supra autem dictum est materiam ventorum esse exhalationem calidam & siccam, quæ quidem, ut materialis causa, non est statim ac certa, sed vaga ac fluxa: sed quia efficientes sunt statim, ac certis vicibus quotannis recurrunt, effectum aliquo modo statim ac certum producant in materia habili ac sequaci. Sol enim principaliter excitat atque rursum dissipat ventorum materiam, sicut inquit Aristoteles 2. Meteo. ἰδ' ἡλίου καὶ πύου, καὶ σπυρίου. τὰ ἀνέματα. Vere autem & autumnno plurimi spirant venti, quia exhalationes sunt plurimæ, vel propter apertiones meatuum terræ à contraria qualitate, vel quia Solis calor debilis illas non potest dissolvere atque dissipare. Aestate autem & hyeme minus spirant, quia exhalatio frigoris beneficio extinguitur in hyeme, calore autem Solis dissolvitur in æstate. In veris principio Favonij flare incipiunt circa diem Februarij 7. Sole existente in 25. grad. Aquarij, qui dicuntur molliare cælum, hoc est, mitigare frigus hybernū. In anno autem bisextili vno die anticipant propter diem intercalarem additum. Unde & Poëtæ descriptiones veris à statu horum ventorum ordiuntur. Noti sunt versiculi:

Solvitur aeris hyems grata vice veris & Favoni. Item:
Ver erat æternum placidus, tepentibus auris
Mulcebant Zephyri natos sine semine flores.

Cur autem hoc die hi potissimum venti flare incipiant, non potest reddi certa causa in materia, observationibus tantum deprehensum est ita plerunque accidere. Nam ad nostrum clima hæc observationes non congruunt: cur autem id accadat, nisi quis referat causam in Solem & stellas vnam cum Sole hoc tempore ascendentes, non video firmam aliquam aut certam causam. Ornithiæ seu Chelidonæ incipiunt spirare vno & septuagesimo die post brumam, sic enim inquit Aristoteles: ἡ χειμερινὰ ὁρὸς ἀνέουσιν οἱ ἐγρίβου, ἔσθ' ἡκοσὶν ἢ ἄρ' ἑξήντα ἡμέραι, &c. Et nomen habent, quod aduentum hirundinum & reliquarum avium significant. Et tantum sunt

Quare vere & autumnno plurimi spirant venti.

Ornithiæ seu Chelidonæ.

Etc. sic.

Etesiaz imbecilliores, sic enim inquit Aristoteles: *ὅτι καὶ γὰρ ἰσχυροὶ εἰς τὸ ἀδυνεῖν*. Plinius ait esse Fauonium, vtrunq; autem verum potest esse, sicut infra in Etesiarum expositione dicet. Subsolanus flare incipit circa exortum Pleiadum, quæ cum 26. grad. Tauri oriuntur, qui est Fauonio contrarius. Hoc etiam tempus austrinum est, contrario vento Septentrione, hoc est, qui è regione septentrionis spirat.

Subsolani
tempus.

Prodromi
& etesiaz.

Prodromi sunt aquilonū flatus, & nomen habent quia præcurrunt Etesias. Sunt autem Etesiaz etiam aquilonares venti, sed non vni tantum cardinis, sed ferè totius hemisphærij, quod est inter Fauonium & Subsolanum: Sic enim scribit Diodorus Siculus lib. 1. *αἰετοὶ γὰρ πρὸς ἱπποίας, οἱ δὲ τι μάλλον ὑπὸ τῆς ἀρκτοῦ πνεύμας ἢ πρὸς τῆς ἱπποίας, οἱ βίβλου γὰρ οὐδ' ἀπαρ-
κτοῖαι μὲν, ἀλλὰ καὶ ἡ ἀρκτοῦς ὑπὸ διγνῆς δόξης ἀγρίαι καταιγίδες τῶν ἰσχυρῶν πνευμάτων*. quando enim æstatis tempore Sole in Leone existente ex hac hemisphærij parte frigidiores flatus excitantur, Etesiaz vocantur, hoc est, anniuersarij, quia certo ac stato anni tempore recurrunt, videlicet post biduum exortus caniculæ. Aristoteles ait causam istorum ventorum esse, quod in frigidis septentrionalibus regionibus niues tum liquefcunt, qui materiam vberem durabilibus ventis suppeditant. fiunt autem vehementiores aut minus vehementes prout Sol plus aut minus exhalationum resoluit. Plinius ait: vaporem Solis geminatum ardore sideris, hoc est, caniculæ, molliri, hoc est, mitigari his ventis. Sunt enim saluberrimi, vnde Ptolemæus ait illos cieri à Ioue, qui vt ipse autor est fœcunditatis & spirituum fœcundorū, ita etiā hi venti fœcundiores & salubriores reliquis existunt.

Causa E-
tesiarum.

Cur noctu
nō spirant
Etesiaz.

Interdiu autem tantum spirant, quia Sol interdiu fumos è terra elenat, noctu autem ventis materia deficit, tunc enim congelata omnia resolui desinunt, propter nocturnum frigus, qui quando tardius manè prodeunt, vocantur à nau- tis somniculosi ac delicati, vt scribit Seneca. Hi venti magis statim sunt cæteris, hoc est, magis tenent sua statuta tempora quàm reliqui venti.

Reli-

Reliqua quæ sequuntur in textu sunt plana. Circumeunt enim venti orbem ita, vt ferè alter alterius flatum excipiat: & nunquam vel admodum raro aduersi venti simul spirant: alter enim alterius vim deprimit, & fortior debiliori semper reluctatur, vnde vt plurimum contrarijs temporibus contrarij etiam venti spirant. De Halcyonijs lege Plinium infra lib. 10. cap. 37. Gellium lib. 3. cap. 10. Plinius ait, foeturæ Halcyonum mare sterni, hoc est, securum & tranquillum reddi, vt Halcyones possint excludere pullos.

QVARTVS locus huius capituli est, de qualitatibus ventorum, quem ferè de verbo descripsit ex meteoris Aristotelis. Mirari autem aliquis possèt, cum ventus nihil aliud sit nisi mota exhalatio in aëre, vnde tam diuersas qualitatū alterationes recipiat. Exhalatio enim semper est calida & sicca, venti autem alij sunt humidi alij frigidi, &c. Respondeo, illas qualitates ventis accidentaliter inesse, prout enim loca calida aut frigida, arida aut sicca, foetida aut amœna perflant, ita illorum qualitatibus afficiuntur, illasq; tanquam proprias recipiunt. Præclare hunc locum exponit Ptolemæus lib. 1. cap. 8. quadri. cuius verba ascripsi, propter insignem doctrinam quam continent.

Qualitates ventorum.

Ομοίως δὲ καὶ τὸ ὀρεζόντες τόπος καὶ γαιῶν, ἀφ' ὧν καὶ αὐτὸ ἔλαμψεν πρῶτον ἀνιμῶν τοῖς ἀρχαῖς ἔχουσιν, ὁ μὲν, ὡς τοῖς ἀνατολὰς αὐτὸς τε τὸ πᾶν ἔχει καὶ ἔχει, διὰ τὸ κατ' αὐτὸν γινώσκον τὸ τὰ ☉ ὑπὸ τ' ἰουκτὸς ὀρεζόντα τότε πρῶτον ἀρχαῖς ἐκείνῃς. οἱ δ' ὑπὸ αὐτῷ σπένοντες ἀνιμοί, ὡς κινέτην ἀπελάσας καλῶσιν ἀνιμῶν τε εἶσιν καὶ ἐκκεντρικοί. ὁ δὲ ὡς μεσημερίας τόπος, αὐτὸς τὸ ὄχι διεμέτατος, διὰ τὸ τὸ πρῶτον τῶν τῷ ἡλίου μεσημερίᾳ, καὶ διὰ τὸ ταύτας καὶ πᾶν τὸ ἡμετέρας ἐκκεντρὸς ἔχουσιν, ὡς μεσημερίας μετὰ δὲ ἀπελάσας, ὅτι ὑπὸ αὐτῷ πρῶτον ἀνιμῶν, ὡς κινέτην τόπος καλῶσιν, διεμέτω τε εἶσι καὶ μεσημερίαι, ὁ δὲ ὡς ταῖς δυσμαῖς τόπος, αὐτὸς τὸ ὄχι ὕψος διὰ τὸ κατ' αὐτὸν γινώσκον τὸ ἡλίου τὰ ὑπὸ τ' ἡμέρας ἀναπτόντα τότε πρῶτον ἀρχαῖς διουραίνῃς, ὅτι ἀπ' αὐτῷ φερόμεν ἀνιμοί, ὡς κινέτην ζιφίους καλωμεντρικά τε εἶσι καὶ ἐκκεντρικοί. ὁ δὲ ὡς ταῖς ἀετῶν τόπος, αὐτὸς τὸ ὄχι ψυχρότατος, διὰ τὸ καὶ πᾶν τὸ ἡμετέρας ἐκκεντρὸς ἔχουσιν τοῖς τ' διεμετῶν αὐτῶν τὸ ἡλίου

μισοειρήνιστοι πλείον αὐτῷ εὐσεβεῖν, ὅσοντι τῷ ἡλίῳ ἀντιμισσησιν ὡς τὸν
 ὅτι ἂν αὐτῷ ἀντίστητε ἄνθρωποι, ὃ καλεῖσθον πιστῶς βορέας ἴσχυρι τῷ εἶναι
 καὶ συνεστατῶν.

Pontani
 verba.

Hunc Ptolemæi locum interpretatus est Pontanus illu-
 stri interpretatione, quæ digna est vt adolescentibus pro-
 ponatur, itaq; illius verba etiam volui ascribere: Ipsi au-
 tem venti cum à quatuor spirent cardinibus, ipsorū quoq;
 cardinum qualitates accipiunt. Etenim partem eam mundi
 quæ ad ortum est, cum Solem, qui caloris est autor, singu-
 lis ad nos diebus afferat, calidam quidem, & quia Sol inde
 assiduus venit, siccam quoq; esse par est. Aduersam verò
 huic aduerso modo humidam atq; frigentem, quod Solem
 ipsum terris auferat, è cuius abitu frigus necesse est sequi,
 cuius rei nox ipsa inditio est. Atq; vt à calore diurno siccitas,
 sic nocturno à frigore humiditas sequatur oportet.
 Subsolanus igitur, qui ab oriente fiat cardine, siquidē flatus
 ipse, vt Aristot. placet, quædā aëris est impulsio, redundan-
 tisue aspirationis commotio, perinde erit affectus vt dies,
 ipse vt regio à qua fertur. Huic contrarius Fauonius, quod
 noctis naturam, quod occasus qualitatem sequitur, erit
 contrario modo affectus. Vt enim aduentus Solis ac præ-
 sentia calorem, sic recessus atq; absentia frigus parit: atque
 vt illius incrementis comes est siccitas, sic huius humiditas
 est socia. Atque vt duo hi aduersi cardines sunt, sic dies &
 nox, calor & frigus, sic aridum & humectum, contrarij ef-
 fectus, contrariæq; qualitates ab eis manant. Vt autē car-
 dines hi mundum ab ortu atq; occasu æquis diuidunt par-
 tibus, ducti per ipsos circulos, sic qui summum atq; imum
 cœli verticem duo cardines à dextra atque sinistra illorum
 secant, paribus quoque partiuntur interuallis, quorum al-
 ter, id est, septentrionalis cardo ab utroq; cardine surgen-
 tis atq; cadentis Solis singulas tantum qualitates sibi con-
 uenientes assumit. Nam si ab eo Sol abest cardine, frigescere
 admodum illum necesse est: nimij autem frigoris siccitas
 comes est. Ergo ab orientis Solis cardine siccitatem, ab oc-
 ciduo

ciduo frigiditatem mutuabitur. Vt enim humiditatem ab hoc capiat, fieri non potest, cum siccum atq; humidum simul coire natura minimè patiatur. Quocirca & venti, qui ab hoc flant cardine, aridi atq; frigentes sunt. Ad oppositum verò huic cardinem, id est, meridiei plagam, cum Sol sit ei maximè familiaris, ob hanc ipsam Solis familiaritatem plaga vehementius concalescit, unde spirantes inde flatus à finitimo cardine atq; à Solis vicinia calorem accipiunt. Quamobrem non temere Aristoteles affirmat, Subsolanum libenter transire in Notum, hoc est, in meridianum flatum, ob ipsam qualitatis calidæ similitudinem. Cum autem parte ab altera hæc ipsa plaga meridionalis declinet in occasum, ab ipso quoq; occasu mutuatur humiditatem, unde flatus ipsi illinc calidi, hinc humidi sint oportet. Quamobrem ut venti septentrionales frigidi sunt atq; aridi, sic ex aduerso meridionales calidi atq; humentes sint necesse est. Horum socij ut ad hunc quàm ad illum cardinem magis declinent, sic ex hac quàm ex illa qualitate plus minusue mutantur. Tanta autem ventorum atq; aëris mutatio cum aliunde fiat, necesse est ut ad Planetas atq; ad cæli referatur signa. Hactenus Pontanus.

(Saluberrimus autem omnium Aquilo.)

Iam dictum est de qualitatibus ventorum, & ibidem etiam dictum est Aquilonem esse frigidum & siccum, unde facile omnes superfluitates corporis absorbit: frigus enim condensat, ac cogit corporum substantias, ideo etiam omnes operationes & naturales & animales intenduntur. Aër enim uos ambiens frigidus constringendo cutem, naturalem calorem repellit, & in profundo corporis concludit, qui deinde augetur, & ad omnes naturales actiones insurgit fortior. Nota est sententia Hippo. Ventres hyeme & vere natura sunt calidiores, &c. Noxius autem Auster, quia ventus est calidus & humidus, quæ constitutio faciliè putredines in corporibus inducit, & multis superfluitatibus

Aquilo.

Auster.

corpora replet, vnde & sensuum debilitates & capitis grauitates inducunt. Notus est Aphorismus: Austrinæ constitutiones dissoluunt corpora & humectant, auditum obtundunt, capita aggrauant, & vertigines faciunt. Et lib. 3.

Auster sic- apho. 17. Quod autem subiungit Plinius: Et magis siccus, c^{us} cur ma- hoc est, auster siccus magis noxius est, quàm humidus: hu- gis noxi^{us}. midus enim est frigidior. Hunc locum præclare exponit

Hippo. lib. 2. de ratione victus cum inquit: Auster de similibus naturæ locis spirat, quibus aquilo spirat, videlicet de austrino polo, multaq; niue, glacie & gelu vexat loca quæ polis vicina existunt. Cum verò per Solis itinera & per meridianam plagam transit, rarefcit de ficcatus Sole, vnde istuc calidus & siccus necessariò petuenit, & proxima loca calefacit & desiccatur necessariò, vnde quæ terra istuc æduntur siccescunt, clanculumq; homines istuc desiccatur. Cum enim neque de mari nec fluminibus vllum humorem capere possit, de animalib. & de terra natis omnem humorem exugit, &c.

Sed Q V I T V R in textu: Et in totum omnes à Septentrione & Occidente sicciores, quàm Meridie & Oriente. alij sic legunt, à septentrione & oriente, quàm à meridie & occidente, atq; hæc lectio videtur esse verior. Ex hoc loco intelligi potest, cur austrum siccum magis noxium esse dicat, quia propter raritatem desiccatur animalium corpora. Quod

Cur animalia au- autem animalia ipso spirante minus esuriant, causa est, stro spiran- quod calor horum statuum aperit poros cutis, per quos te minus internus calor exhalat & resoluitur, vnde & deterior concoctio necessariò sequitur, & per consequens animalia minus esuriunt.

(In Hispania & Asia, &c.)

Hic locus exponitur à Strabone libro 3. cum inquit: ὅπου δὲ τι φασὶ πασιδύνην τρέψαι καὶ τὴν ἀνάπαιαν τὴν ἐν τῇ Ἰβηρίᾳ, ἢ τὴν εὐρυκατ' ἐκείνην τὴν πλείστον ἕως τῷ πελάγειον κλάστον ἀνέχειν ἐπὶ τῷ, &c. Causam puto esse, quia montes Pyrenei Hispanis sunt ad ortum, & inde spirant Etesizæ, sicut Asiæ minori Taurus,

& ex

& ex his montib. materia horum ventorum gignitur. Vnde feruntur in eam partem quæ patet & quæ ventis est peruia.

(Permutant & duo naturam cum situ.)

Venti pro locorum diuersitate, diuersa accidentia recipiunt: cum enim humidiora loca transeunt, sunt humidiores, & e contra. Metastahala in libro de scientia motus orbis inquit: Ventus est naturatus secundum modum quem inuenit de accidentibus, permutatus ab accidente ad accidens, & ex calore ad frigus, & ex siccitate ad humiditatem, & e contra, & ipse in natura sua est calidus & humidus, &c. Hi duo autem præcipue permutant naturam suam cum situ: orti enim ambo ex locis frigidis, perflantes postea loca calida alterantur secundum locorum situm. Vnde Auster Africæ est serenus, quia nondum transijt per mare, Aquilo verò nubilus, quia transiit mare, & inde multum humoris secum attraxit. Aristot. ait in Byzantio Boream clarum & salubre esse, in Thesalia verò turbidum & pluuiosum; illic enim perflat montes, hic arenas & loca calida. Ergo sicut venti montib. auertuntur à quibusdam locis & ciuitatibus, ita etiam spiraculis aut cauernis, quæ sunt in montibus, ipsorum qualitates alterantur, ita vt vel frigidiores vel calidiores, leniores vel impetuosiores spirent. Sic enim inquit Aristot. *αροστεριται δὲ τὰ μὲν ζιφορικά τῷ βρέει, ψυχρότερα δὲ διὰ τὸ καὶ δυσμῶν πνεῖν, ῥέτω δὲ τὰ ἀπὸ βορρῆς. θερμότερα δὲ τῷ ἀπ' ἀνατολῆς πνεῖν.* Seneca lib. 5. Natur. quæst. ventorum dissimilem naturam, item varios effectus describit, cum inquit, Deus disposuit ventos, primum vt aëra non sinerent pigrescere, sed assidua vexatione utilem redderent vitalemque tracturis, deinde vt imbres terris subministrarent, iidemque nimios compefcerent: nam modo adducunt nubes, modo deducunt, vt per totum orbem pluuiæ diuidi possent. In Italiam Auster impellit, Aquilo in Africam reijcit. Etæsiæ non patiuntur apud nos nubes consistere, iidem totam Indiam & Aethiopiam continuis per id tempus aquis irrigant, &c.

(Cum proximi cadentibus.)

Hoc est, venti in orbem spirant, vt semper cadentem sequatur proximus & ipsius collateralis, idq; semper ex lauo latere in dextrum, hoc est, ab ortu versus occasum, hac enim ratione motum Solis respiciunt. Sicut Aristoteles inquit, καὶ πῶς οὐδ' ἄλλου μεταστροφή. Sic inquit Messahala. Radix motus ipsorum est Sol, nam cum ipse agit in eum, calefacit ipsum & facit ipsum ebullire, quare crescit & augmentatur & currit, sicut currunt aquæ ad ciuitatem: si ergo est actio Solis in eum fortis, currit cum fortitudine, &c.

(De ratione eorum.)

Quartus
dies 1^o
apertior.

Hoc est, qui venti flaturi sint per totum mensem, iudicatur ex ijs qui spirant quarto die post nouilunium, illi ut plurimum integro mense spirant: quartus enim dies indicatius mensis est, eodem etiam modo de die quarto Virgilius loquitur cum inquit:

Sin ortu in quarto (namq; is certissimus autor)

Pura nec obtusis per cælum cornibus ibit,

Totus & ille dies & qui nascentur ab illo

Exactum ad mensem pluvia ventisq; carebunt, &c.

Prolatis
pedibus.

Iisdem ventis in contrarias partes nauigari, hi sciunt, qui fuerunt in mari, sit autem hoc prolatis pedibus, hoc est, conuerso fune, quo velum tenditur & ipsius sirus mutatur, hic enim funis quo tenditur velum, Græcè *ἄνδρ*, Latine pes vocatur. Notus est versiculus Virgilij in quinto Aenei.

Vna omnes fecere pedem, &c.

Quod ait, Austro maiores fluctus ædi, quia ex inferno spirer mari, hoc est, Tyrrheno seu mediterraneo, Aquilonem verò à summo, scilicet mari supero, verum est Italiae respectu, sed non perinde aliorum locorum. Noctu autem

Cur Au-
ster noctu
vehemen-
tior sit
quàm in-
terdiu.

Auster vehementior, quia huius venti exhalatio tam calida est, vt noctis frigore non sic deprimi possit, quin proprio calore sublata valentior insurgat. Interdiu autem calore

Solis rarefit, & aliquando absorbitur, vnde interdiu non potest

potest tanta vi spirare quantà noctu. Contrariū in Aquilone accidit, qui interdū est vehementior calore excitatus. Venti ab ortu flantes vberiorem habent materiam, quā occidentales, quia materia frigiditate noctis collecta Sole exoriente calescit ac eleuatur, &c.

Septentriones impari ferè desinunt numero, scilicet dierum, vt quinto, septimo, &c. hoc etiam est descriptum ex Aristotele, & est obseruatio quædam sine aliqua ratione. Quod autem ait, Mares existimantur impari numero, intelligi potest ex Macrobio, lib. i. cap. 6. vbi inquit: Hoc enim ferè perfectum est, quod ex horum numerorum permixtione generatur, nam impar numerus mas, & par femina vocatur. Item Arithmetici imparem patris, & parem matris appellatione venerantur.

(Sol & auget & comprimit,) Hoc est, Solis exorientis radius est languidior, ideo materiam flatus dissoluere non potest, sed meridianus Sol, quia habet efficacem radium, ideo sedat & compescit flatus. Eudoxus tradidit easdem tempestatum vices exacto quadriennio redire, idç fit propter diem intercalarem, qui adijcitur hoc anno, vt impleat integrum dierum numerum, quos Sol suo motu descripsit. Plinius infra lib. 18. cap. 25. Indicandum est & illud, tempestates ipsas ardores suos habere quadris annis, & easdem non magna differentia reuerti ratione Solis. Octonis verò augeri easdē centesima reuoluente se Luna, &c.

Quadriennio reuertuntur stellarum tempestates.

Est itaq; huius loci sententia, Sol oriens cum aliqua fixa stella, vt arcturo, hædis, vel simili, ciet tempestates certas, quæ ad easdem vices redeunt quadriennio exacto: nam anno proximo exacto, hoc est, post 365. dies, Sol cum prædicta fixa stella non rursus oritur, sed sex horis postea, secundo anno 12. horis, tertio 18. quarto anno exacto 24. horis, hoc est, die integro, qui additus ad prædictos 365, integrum dierum numerum complet. Vnde non tantum venti, sed & reliquæ tempestates, quæ à stellarum fixarum

ortibus & occasibus cum Sole pendent, tunc ad easdem vi-
ces redeunt, hoc est, cum oriente Sole reuertuntur. Prin-
cipium itaq; Lustrī est annus intercalaris completis quatu-
or integris annis, sicut apud Græcos Olympias, isq; annus
incipit ortu caniculæ, scilicet cum Sole, nam tunc Atheni-
enses auspicabantur annum.

C A P V T X L V I I I.

De repentinis Flatibus.

Nunc de repentinis flatibus, qui exhalante terra
(vt dictum est) coorti, rursusq; deiecti, interim ob-
ducta nubium cute multiformes existunt.

Fragor.

Vagi quippe & ruentes torrentium modo, vt ali-
quib. placere ostendimus, tonitrua & fulgura ædunt.

Procella
seu ecne-
phias.

Maiore verò illati pondere incursumq;, si latè sic-
cam ruperint nubem, procellam gignunt, quæ vo-
catur à Græcis ecnephas.

Vortex
seu Ty-
phon.

Sin vero depresso sinu arctius rotati effregerint,
sine igne, hoc est, sine fulmine, vorticem faciunt,
qui typhon vocatur, id est, vibratus ecnephas. De-
fert hic secum aliquid, abruptum è nube gelida con-
uoluens versansq;, & ruinam suam illo pondere ag-
grauans, & locum ex loco mutans rapida vertigine:
præcipua nauigantium pestis, non antennas modo,
verum ipsa nauigia contorta frangens, tenui reme-
dio aceti in aduenientem effusi, cui frigidissima est
natura. Idem illis ipso percussus, correpta secum
in cælum refert, sorbetq; in excelsum.

Turbo seu
prester.

Quod si maiore depressæ nubis eruperit specu,
sed minus lato quàm procella, nec sine fragore, tur-
binem vocant, proxima quæq; prostermentē. Idem
arden-

ardentior accensusq; , dum furit , prester vocatur ,
 amburens contacta pariter & proterens.

A P P E N D I X.

In hoc capite peculiarem tractationem instituit de fla-
 tibus repentinis, hoc est, de ijs qui subito magno fragore Repentini
flatus.
 oriuntur, & sævas tempestates præcedunt & comitantur.
 Varias autem mutationes seu formas sustinent, quia obdu-
 cti nubium cute, hoc est, inclusi in nubibus multiformes
 existunt, hoc est, diuersis modis emergunt & oriuntur.
 Causa formalis horum ventorum est nubes, cui sunt inuo-
 luti, sicut etiam inquit Messahala: Nubes verò quando cur-
 runt in cælo, eleuant aërem & flant venti per eam inuolu-
 tionem, &c. Primi sunt vagi & ruentes torrentium modo,
 & vocantur Fragores. Alij sunt impetuosiores, & vocantur Fragores.
Ecnephi-
as.
 procella seu ecnephas. Procella à *ἐκνήλω*, euerto, ecne-
 phias quasi subito & magna vi ex nubibus erumpens, & est
 ventus qui maximas tempestates præcedit. Describitur &
 ab Aristotele in libello de mundo, vnde Plinius pleraque in
 hoc loco descripsit cum inquit: *ὁ δὲ καὶ ζῆλον ῥέφους γινέσθαι, καὶ
 ἀνάλυσιν τοῦ πάχους αἰθέρος ταυτὸς ἀποκρίσθαι ἐκνεφίας καλοῦνται*, &c.
 Item Aristoteles 3. Meteo. statim in principio: *Ἐὰν δ' ἀέριον
 ἀσπύμα καὶ πυκνότερον, ἢ ἢν δ' ἀκαρδίῃ λατὼν, ἐκνεφίας ἀνιμὸς γίνται*,
 &c. Fiunt autem hi venti quando multum sicci spiritus in
 nube eleuatum fuerit. Fumus autem hoc modo nubi inclu-
 sus luctatur sursum euadere, sed nubes eum deprimat. In-
 terea dum sic luctatur variè agitur. Atq; hic fumus si sub-
 tilior fuerit, elidit ex rupta nube fulmen, si verò densior
 fuerit, non quidem arctè eliditur, sed latè siccam rumpit
 nubem, hoc est, lato & amplo hiatu crumpit, vnde fit
ἐκνεφίας, hoc est, procella, tumultuosus atq; acer ventus, qui
 propter materiam crassiolem obscurat aërem, qui non fu-
 sus, vt inquit Seneca, nec per apertum venit, sed laborat, &
 iter sibi vi ac pugna parat, nos vocamus eum *Sturmwind*/

Aristoteles 3. Meteo. inquit : Ενεφίαι γίγνεται μεταπαύσει μὴ μέλιστα, ἐν ἑαυτῇ, &c. αὐτὸν δ' ἄτις ἡ ἐνεφίαι γίγνεται μέλιστα, ὅταν ἄλλων ἐκπνέοντων ἐμπέπῃσι ἑτέροι, οὗτοι δὲ μέλιστα ἐμπέπῃσι τῶν ἑτέρων.

Typhon.

Quando verò depressio sinu arctius rotati effregerint, hoc est, arctiore exitu rotati eruperint extra nubem, vocatur *τύφων*, à fumando: vehementi enim impulsione incenditur instar ardentis rotæ in gyrum agitata: is arbores & nauigia comprehendens frangit. Plinius vocat eum vorticem. Differt à procella, quod hic humilior & angustius rotatur, ille latius vagatur, & occurrentia contorta, hoc est, circumacta, frangit. Typhonis causam exponit Aristoteles, cuius hæc sunt verba: Cum autem flatus, qui in nube erat excretus, alteri incurrendo repercutitur, perinde ut cum ex lato in angustum adigitur ventus in portis vijsq̃. Nam repulsa prima corporis ad hunc modum fluentis parte, propterea quod illa nequaquam cedant, aut ob loci angustias, aut quod in frontem aliquis alius offlet spiritus, in istiusmodi locis flatus circulum vertiginemq̃ fieri sæpenu-mero accidit. Siquidem aliud ne ulterius procedat arcet, aliud à tergo impellit, quare cogitur in latus, qua nimirum parte non prohibetur, sese vertere, atque ita semper quod proximum continuumq̃ est, quousq̃ vaus euadat, hoc autem circulus est, &c. Quod vero ait, tenui remedio aceti in aduenientem effusi, intelligit acetum propter tenuitatem & frigiditatem huiusmodi incendia restinguere, & impetum frangere.

Turbo.

Turbo vocatur, quando maiore hiatu nubis erumpit cum fragore maximo, prosternens ac conterens quicquid obstiterit. Albertus ait eum non ab aliqua plaga mundi spirare, sed de nube deuolui. Fit autem, quando duo venti oppositi ex oppositis nubibus egressi concurrunt, magno impetu conuoluuntur, ac velut luctantur inter se de victoria. Hunc turbinem descripsit Virgilius:

Aduersi rupto ceu quondam turbine venti

Confli-

*Confligunt Zephyrusq; Notusq; & latus Eois
Eurus equis, strident silua, sauitq; tridenti
Spumens, atq; imo Nerens ciet aquora fundo, &c.*

Fit etiam turbo aliquando ab vno vento, quando videlicet eliditur in aliquo cauo vel anguloso obstaculo, in quo conuoluitur ac eliditur perinde atque si aliquis ex opposita parte ipsi reluctaretur. Idem si incenditur Græcè *αἶψα* vocatur. Sic inquit Seneca: Sicut in fluminib. cuenit, vt quam diu sine impedimento feruntur, simplex ac rectum illis iter existit, vbi incurrere in aliquod saxum ad latus ripæ promi-nens, retorquentur, & in orbem aquas sine exitu flectunt, ita vt circumlata inter se sorbeantur & vorticem efficiant. sic ventus quamdiu nihil obstitit, vires suas effundit. vbi aliquo promontorio percussus est, aut vi locorum coeuntium, in canalem conuexam tenuemq; collectus sæpius in se volutatur, similemq; illis, quas diximus, conuerti, aquis facit vorticem. Hic ventus circumactus, & eundē ambiens locum, ac se ipsa vertigine concitans, turbo est, qui pugnatior si est, ac diutius volutatus, inflātur ac efficit, quem *αἶψα* Græci vocant, qui est igneus turbo. Hic ferē omnia pericula venti erupti de nubibus produnt, quibus armenta rapiantur, & totæ naues in sublime tollantur, &c.

CAPVT XLIX.

Alia prodigiosa genera tempestatum.

Non fit autem aquilonius typhon, nec niualis, aut niue iacente ecnephias. Quod si simul rupit nubem, exarsitq;, & ignem habuit, non postea concepit, fulmen est. Distat à prestere, quo flamma ab igne. Hic latē funditur flatu, illud conglobatur impetu. Vortex autem remeando distat à turbine, & quo stridor à fragore. Procella latitudine ab utroq;, Differen-
tia reper-
tinorum
flatuum.
disie-

Caligo.
Columna.
Fistula.

difficēta nube vetius quā rupta. Fit & caligo beluæ
similis, nube dira nauigantibus. Vocatur & colum-
na, cum spissatus humor rigensq; ipse se sustinet. Ex
eodem genere & in longam veluti fistulam nubes
aquam trahit.

A P P E N D I X.

(Non fit autem Aquilonius typhon.)

Eadem verba sunt apud Aristotelem : Non fit autem
Aquilonius typhon, nec niue iacente ecnephas, propterea
quod hæc omnia flatus existunt, flatus verò non nisi calida
siccaq; exhalatio est, igitur gelu atq; frigus cum euincunt,
principium ipsum cum adhuc sit statim extinguit.

Differt autem typhon ab ecnephia, quod hic ex spissio-
te, aliet verò ex subtiliore materia constat. Item hic dis-
continūe, ille verò absq; diuulsione continūe ac directè flat.
Sic fulmen à prestete, sicut flamma ab igne, hoc est, fumus
ardens à reliqua materia ardente. Totum hoc caput de-
scriptum est de verbo ex Aristotele.

Fulmen ignis globatus & conuolutus.

aplesq; flamma latè volitans, quia nihil aliud est quā
ventus inflammatus.

aplesq; Zephyrus, prestat tettenus, ex tectæ hiatib. explosus.
Vortex, hoc est, stridens typhon, hoc est, habet acu-
torem stridorem & sonum.

Turbo, fragorem addit, hoc est, habet grauiorem &
terribiliorem sonum quā Typhon.

Procella latitudine ab utroq; hoc est, latior est vortice
& turbine.

Caligo, atra typhon, præcipua nauigantium pestis.

Columna, cum humor seipsum sustinet.

Fistula, cum nubes aquam trahit. hæc nomina à forma
nubium, vnde huiusmodi venti egrediuntur, na-
ta sunt.

Sed



Sed turbines, vortices, typhones, & vibrati Ecnephiz, exiguo discrimine distant, vt dicetur capite sequenti.

CAPUT L.

Quibus in terris fulmina non cadant.

HYeme & æstate rara fulmina, contrarijs de cau-
 sis, quoniam hyeme densatus aër nubium crassiore ^{Tempus fulminu.}
 corio spissatur: omnisq; terrarum exhalatio rigens
 ac gelida, quicquid accipit ignei vaporis, extinguit.
 Quæ ratio immunem Scythiam & circa rigentia à
 fulminum casu præstat, & è diuerso nimius ardor
 Aegyptum. Siquidem calidi sicciq; halitus terræ, ra-
 ras admodum tenuesq; & infirmas densantur in nu-
 bes. Vere autem & autumnno crebriora fulmina, cor-
 ruptis in vtroque tempore æstatis hyemisq; causis.
 Qua ratione crebra in Italia, quia mobilior aër mi- ^{Loca in}
 tiore hyeme & æstate nimboſa, semper quodammo- ^{quib. cre-}
 do vernat vel autumnat. Italiæ quoq; partibus ijs, ^{bra aut ra-}
 quæ à Septentrione discedunt ad teporem, qualis ^{ra existunt}
 est Urbis & Campaniæ tractus, iuxta hyeme & æsta-
 te fulgurat, quod non in alio situ.

APPENDIX.

Eadem est materialis causa fulminis, fulguris, tonitru,
 ecnephiz & typhonis, de quibus supra satis dictum est.
 Differunt autem forma: nam hic vapor intra nubem inclu-
 sus, quam nondum rupit, sed murmure intus luctatur, vo-
 catur tonitru: aut aperit nubem, idq; variè, vel findens tan- ^{Tonitru-}
 tum, ac velut per rimam ignem ostendens, & vocatur præ- ^{Preter.}
 ster: aut erumpit, sed citra ignem, idq; vel dissipata pror-
 sus nube, & vocatur procella: vel specu quidem nubis pro- ^{Procella.}
 fundiore, exitu verò angusto & meatu tortuoso exiens, &
 voca-

Vortex. vocatur vortex : aut contra specu profundo minus, sed exitu liberiore magna vi erumpit, & vocatur typhon : aut Typhon. erumpit ignem verum & conglobatum, & vocatur fulmen. Fulmen. Fit autem fulmen, quando vapor agitatus in nube incendiatur, erumpens verò extra humidam nubem rursus humidatur atq; coit velut in massam quandam, quæ acta rursus induratur, sicut lutum admotum igni concrefcere atq; indurari solet. Hæc massa hoc modo percocta atq; indurata fulmen vocatur. Virgilius eruditissimè materiam, generationem & naturam fulminis complexus est, cum inquit :

*Tres imbris torti radios, tres nubis aquosæ,
Addiderant, rutili tres ignis & alitis austru.
Fulgores nunc terrificos, sonitumq; metumq;
Miscebant operi, flammisq; sequacibus iras.*

Hoc est, fulminis materia est vapor siccus, qui viscosum humorem coniunctum habet, vnde etiam vapor compositus appellatur, hunc vaporem vocat hic Virgilius radium torti imbris. In nube autem hæc materia formatur & percoquitur : vnde etiam tres radij nubis aquosæ adiiciuntur. Perficitur autem & formatur igne atque vento, qui illud extra nubes eiacularur. Fulgores verò, sonitus, metus & iræ sequuntur illud velut effectus seu finales causæ.

(Hyeme & æstate rara, &c.)

Cur hyeme & æstate rara cadant fulmina.

Ratio est, quia hyeme exhalatio coacta in nubem, exiguum calorem continet, vi enim frigoris calor subito extinguitur. In æstate verò euaporatio est tantum calida & sicca, quæ in nullas eiusmodi nubes densari potest, idq; ostendit exemplo Scytharum & Aegyptiorum, qui propter prædictas causas fulminibus carent. Medijs verò temporibus, vt vere & autumnò, crebra sunt fulmina, corruptis in utroq; tempore æstatis hyemisq; causis, hoc est, quia causæ quæ in æstate & hyeme impediunt fulmina, illæ in vere & autumnò sunt corruptæ & abolitæ, itaque his temporibus plurima materia apta gignendis fulminibus gignitur. In

Italia

Italia verò, vbi totus annus est ferè perpetuum ver, toto anno fulmina gignuntur. In Germania verò crebrius æstate, quia calor æstatis non potest omnem materiam absumere, vt in Aegypto. Sed in Campania iuxta hyeme & æstate fiunt fulmina propter temperaturam temporum & locorum, qualis non est in alijs locis.

CAP V T L I.

Fulminum genera & miracula.

Fulminum ipsorum plurà genera traduntur. Quæ sicca veniunt non adurunt, sed dissipant. Quæ humida non inurunt sed infuscant. Tertium est quod clarum vocant, mirificæ maximè naturæ, quo dolia exhauriuntur intactis operimentis, nulloq; alio vestigio relicto. Aurum & æs & argentum liquatur intus, sacculis ipsis nullo modo ambustis, ac ne confuso quidem signo ceræ. Martia princeps Romanarum icta grauida, partu exanimato, ipsa citra vllum aliud incōmodū vixit. In Catiliniæ prodigijs, Pompeiano ex municipio M. Herennius decurio sereno die fulmine ictus est.

Fulminum
species.

1
2
3

A P P E N D I X.

Secutus Plinius Aristotelem, tres fulminū species enumerat, quas vno versiculo Pontanus complexus est:

Scinditq; vritq; & longo secat aëra hiatu.

Prima est fulminum quæ sicca veniunt, hoc est, quæ sunt valde tenuia, vnde & ab Aristotele *παρὰ λόγους* vocantur, hæc non vrunt, sed tantum dissipant. Causa autem est ingens materiæ siccitas, tenuitas & raritas, vnde cito penetrant & celerrimè euolant per corpora, quàm vt adurere illa valeant.

Fulmina
dissipantia.

Secun-

Infus-
ionis fulmi-
nis.

Secunda species est fulminum quæ non vrunt, sed infuscant, ab Aristotele appellantur *καλόνες*, & sunt admodum humida, quæ impacta per poros corporum infuscant illa, & quasi fuligine propter humiditatem obducunt.

Fulgmina
d. dissolu-
entia corpo-
ra solidiora.

Tertia species est illorum, quæ eodem modo per rario-
ra corpora labuntur, si verò in densiora atq; solidiora cor-
pora impegerint, tum illa statim dissoluunt, & vocantur
fulmina terebrantia seu vrentia, Poëtæ *ἀργεῖαι* vocant, quia
sunt lucidissima & celerrimè transcurrunt, vnde Poëtæ vo-
cant Iouem *ἀργεῖαι*, quia tale fulmen ei aculetur. Aristot.
huius fulminis naturā describit lib.3. Met. cap.1. cum inquit:
ἐὰν δ' ἐν αὐτῷ πρὸς τίθει πολλὴ καὶ λεπτοὶ ἐκθλιγῇ πνεῦμα, τὸτο γίνεται
κραινόν. ἐὰν μὲν πάντων λεπτοὶ οὐκ ἐπιγῶν διὰ λεπτότητα, ὅς ἐστι πνεῦμα ἀρ-
γῆτα καλεῖται. ἐὰν δ' ἥπιοι ἐπιγῶν ἢ καλόντα καλεῖται. ὁ μὲν γὰρ διὰ
ταύτην λεπτότητα φέρεται. διὰ δὲ τὸ τάχος, φέρεται διενεῖν πρὶν ἐκπυρρῆσαι,
καὶ ἐπιδακρυῖν καλόντα. ὁ δὲ βραδύτερος ἔρχεται μὲν, ἔλασται δ' οὐ, ἀλλ'
ἐφθασι δινῶν. διὰ καὶ τὰ μὲν ἀντιτυπῆσαντα ἀράχει τι, τὰ δὲ μὲν, οὐδὲν
οἷον ἀκρίδες. ἂν γὰρ τὸ μὲν χέλευμα ἐτάκην, τὸ δὲ ἔβλεν οὐδὲν ἔπαθι. διὰ γὰρ
μακρότητα ἐφθασι τὸ πνεῦμα διενεῖν καὶ διελθῖν. καὶ διὰ ἱματίων ὁμοίως
οὐκ ἔκασται, ἀλλ' εἰς τὸν τέρχους ἐπύκνουν, ὥς ἐστι γὰρ πνεύματα ταῦτα πά-
τα, δίναν καὶ ἐκ τῶν τυοῦσαν.

Mirandæ
effectioes
fulminis.

Seneca hanc speciem diligenter explicat, cum inquit:
Cæterum mira fulminis, si intueri velis, opera sunt, nec
quicquam dubij relinquentia, quin diuina illis insit poten-
tia. Loculis integris & illæsis conflatur argentum, manente
vagina gladius liquefcit, & inuiolato ligno circa pila ferrū
omne distillat, stat fracto dolio vinum, nec vltra triduum
rigor ille durat. Item in alio loco: Tria fulminum genera
sunt, quoddam enim terebrat, quoddam discutit, quoddā
vrit. Quod terebrat, subtile est & flammæ, cui per angu-
stissimam fuga est ob sinceram & puram flammæ tenuita-
tem. Quod dissipat, conglobatū est, & habet commixtam
vim spiritus coacti & pcellosi. Itaq; illud fulmen, per quod
ingressum est, redit & euadit, huius latè sparfa vis rumpit
icta non perforat. Tertium illud genus quod vrit, multum
terre-

terreni habet, & igneum magis est quàm flammeum, itaq; relinquit magnas ignium notas, quæ percussis inhæreant. Seneca inquit: Nullum quidem sine igne fulmen venit, sed hoc propriè igneum dicimus, quod manifesta ardoris signa imprimit aut vrendo, aut fuscando, aut afflando. Ovidius duas fulminum species constituit ab effectu sumtas: alteram noxiam & letalem, alteram verò mitiorem & placabiliorem, cum inquit:

*Nec quo Centimanum deiecerat igne Typhæa,
Nunc armatur eo, nimium feritatis in illo est.
Est aliud lenius fulmen, cui dextra Cyclopi
Sæuitia flammæq; minus, minus addidit ira,
Tela secunda vocant superi, &c.*

Ascribam memorabile exemplum ex sine lib. 4. Eutropij de quadam mirabili fulminis specie, quod factum est die natali Ciceronis, sic autem scribit: Per id etiam tempus, scilicet belli Iugurthini, M. Cicero Arpini nascitur, matre Eluia, patre verò equestris ordinis ex regio Volscorum genere. Eodemq; tempore obscœnum prodigium ac triste visum est. L. Cluius eques Romanus cum vxore & filia de Roma in Apuliam rediens, tempestate correptus, cum filiam consternatam videret, vt citius propioribus rebus succederet, relictis vehiculis arreptisq; equis, filiam virginem equo insidentem in medium agmen accepit. Puella continuo ictu fulminis exanimata est, sed omnibus sine scissura aliqua vestimentis ademptis, ac pectoris pedumq; vinculis dissolutis, monilibus etiam annulisq; discussis, ipso quoq; corpore illæso, nisi quod obscœnum in modum nuda, & lingua paululum exerta iacuit. Equus quoq; ipse quo utebatur, straturis, frenis, & cingulis dissolutis, phaleris quoq; scissis passim ac dispersis, exanimis procul iacuit.

Martia, quæ fuit princeps Romanarum matronarum, Ovidius aliquoties meminit lib. 1. de Ponto, elegia 3. Item lib. 3. elegia 1. fuit autem soror Augusti vterina, filia Martij Philippi vitrici Augusti & Accia. Quod verò ista grauida,

foetu exanimato, ipsa citra vllum aliud incommodum superuixit, puto ipsam territam fragore vel casu fulminis, abortiuissè, postea famam sparsam, vt fieri solet, foetum tantum tactum esse.

De Herennio decurione ex Pompeiano municipio in Campania circa Neapolim facit mentionem Cicero lib. 1. de diuinatione, vbi versibus à se conscriptis inter Catiliniana prodigia & hoc recenset, cum inquit :

*Aut eùm terribili percussus fulmine cinis
Luce serenanti vitalia lumina liquit.*

C A P V T L I I.

De Obseruationibus.

Superstitione obseruationes fulminum.

THuscorum literæ nouem deos emittere fulmina existimant, eaq; esse vndecim gener.ũ Iouem enim trina iaculari. Romani duo tantum ex ijs seruauère : diurna attribuentes Ioui, nocturna Summano, rariora sanè eadem de causa frigidioris cœli. Hetruria erumpere terra quoq; arbitratur, quæ infera appellat, brumali tempore facta, sæua maximè & execrabilia, cum sint omnia quæ terrena existimant, non illa generalia, nec à sideribus venientia, sed ex pro-

Cut fulmina existimantur ex terra exire.

xima atq; turbidiore natura. Argumentum euident est, quod omnia à superiore cœlo decidentia obliquos habeant ictus : hæc autem quæ vocantur terrena, rectos. Sed quia ex propiore materia cadunt, ideo creduntur è terra exire, quoniam ex repulso nulla vestigia ædant, cum sit illa ratio non inferni ictus sed aduersi, à Saturni ea sidere proficisci subtiliter ista consecrati putant : sicut cremantia, à Martis. Qualiter cum Volsinij oppidũ Thuscorum opulentissimum totum concrematum est fulmine. Vocant

cant & familiariâ in totam vitam fatidica, quæ prima sunt familiam suam cuiq; indepto. Cæterum existimant non ultra decem annos portendere priuata, præterquam aut matrimonio primo facta, aut natali die. Publica non ultra tricesimum annum, præterquam in deductione oppidorum.

Familiaria
fulmina.

A P P E N D I X.

Thuscorum obseruationes de fulminibus differunt ab aliorum tam Græcorum, quam Latinorum. Nam Thuscorum natio præ cæteris fuit studiosa prædictionum & auguriorum, sicut apud Græcos Thessali fuerunt studiosi incantationum. Exponit itaq; hoc capite, in quo consentiant & dissentiant Hetrusci à Philosophis, quam controuersiam Seneca paucis & perspicuis verbis exprimit cum inquit, Philosophi censent fulmina emitti, quia nubes colliduntur. Hetrusci verò ideo collidi nubes, vt emittantur fulmina. Sic etiam supra cap. 17. inquit, Fa accidisse non quia hæc facta sunt arbitrator, verum hæc ideo facta, quia incasura erant illa. Et Seneca, Tanquam non quia facta sunt significant, sed quia significatura sint fiant. Atq; hæc est Hetruscorum de fulminibus sententia. Philosophi verò censent fulminum significationem consequi, non præcedere efficientem causam ipsorum, quam dicunt esse collisionem nubium: deinde verò postquam iam facta sunt, significare aut portendere aliquid, vel propter materiam, vel propter aliquam latentem ac diuinam causam, vnde fulmina quæ nihil significant vocantur vana, vel bruta, reliqua verò significantia vocantur fatidica, quale illud fuit, quod inter Catiliniana prodigia numeratur, & pleraq; alia, quæ in historijs recitantur. Seneca ait: summam vim esse fulminum, quia quicquid alia portendunt, interueniu fulminis tollitur, quicquid ab hoc portenditur, fixum est, nec alterius ostenti significatione minuitur.

(Iouem enim trīna ciaculari, &c.)

Seneca exponit, libro secundo, cum inquit, Hetrufci Ioui tres dant manubias, Prima ipsius consilio mittitur, quæ monet & placata est. Secundam idem mittit, sed de consilij sententia, duodecim enim deos aduocat, quæ prodest etiam, sed non impunè. Tertiam manubiam idem Iupiter mittit, sed adhibitis in consilium dijs, qui superiores vocantur, &c. S E Q V I T V R in textu, Romani duo tantum ex ijs, scilicet vndecim, seruauère, quia populus bello deditus non valde huiusmodi res curauit.

Diurna
fulmina.

Diurna fulmina dicuntur, quæ interdiu, nocturna autem, quæ noctu gignuntur: nocturna autem attribuuntur Summano, hoc est, Plutoni, qui Summanus dictus est, quasi summus manium Dens, cuius meminit Quidius 6. Fausto. *Reddita, quisquis is est, Summano templa feruntur,
Tunc cum Romanis Pyrrhe timendus erat.*

Terrena
fulmina.
Supera.

Terrena fulmina sunt, quæ à locis terræ proximis, vt sunt nubes, veniunt. Vnde etiam infera vocantur. Supera verò, quæ à stellis demittuntur, de quibus supra cap. 20. dictum est. Creduntur autem fulmina ideo ex proxima atq; turbidiore natura exire, hoc est, ex aëre infimo & humilioribus nubibus. Ex repulso nulla vestigia ædunt, hoc est, nullas notas & nulla vestigia repulsionis relinquunt. Recto enim motu feruntur, vnde subito merguntur atque in sese resident, hoc est, non feruntur obliquè, sed diametraliter: & sicut diametralis radius nullas ædit umbras, ita diametralis ictus nulla vestigia ex repulso ædit. Cur autem illa fulmina, quæ à superiore cælo decidunt, obliquos habeant ictus, inde fit, quia simul duo motus contrarij concurrunt, fulmen enim cum sit halitus ardens, ratione ignis tendit sursum, ratione verò violentæ decussionis deorsum, propter hos motus contrarios fiunt ictus obliqui, periade atq; supra de flatibus obliquis ventorum dictum est. Sed ipse confutat hanc sententiam, cum inquit, Illa ratio non est in-

est inferni sed aduersus ietus, hoc est, quod nulla vestigia ietus imprimit, non fit quia ab inferioribus locis fertur, sed quia ex aduerso feruntur. Seneca exponit causam obliqui ietus, cum inquit, Quare obliquè fertur? quia spiritu constat, Spiritus autè obliquus est flexuosusq; & quia natura ignem sursum vocat, iniuria deorsum premit, incipit obliquus esse, &c.

(Vocant & familiaria in totam, &c.)

Hoc est, quædam fulmina portendunt priuatis tantum, sed illorum significatio in totam vitam extenditur, atq; vt Seneca ait, non vnâ rem significant, verùm contextum rerum per omnem vitam, & hæc fulmina fiunt, vt inquit Plinius, familiam suam cuiq; indepto, hoc est, adepto, vel iure hæreditario, vel vxoris, aut dotali, vel alio legitimo titulo. Hoc autem fulmen vocatur *eximium*, à *eximior*, vesti-*eximior*-gare ac inquirere, quia aliquid certum ex illis inquiritur. Sicuti Helicia vocant quæ publicè significant, veniunt au- Helicia. tem illa obliquè ac tortuosè. Qui plura de huiusmodi obseruationib; requirunt, legant Senecam lib. 2. Natu. quæst.

C A P V T L I I L

De fulminibus euocandis.

EXTat annalium memoria, sacris quibusdam & Exempla euocatorū fulminū. precationibus vel cogi fulmina vel impetrari. Vetus fama Heturix est, impetratum Volsinios urbē agris depopularis subeunte monstro, quod vocauere Voltam: euocatum & à Porfena suo rege, Et ante eum à Numa sæpius hoc factitatum, in primo annalium suorum tradit L. Piso gravis autor: quod imitatum parum ritè Tullum Hostiliū, ietum fulmine. Lucosq; & aras, & sacra habemus, interq; Statores, & Tonantes, & Feretrios, Elicium quoq; accepimus Iouē.

Varia in hoc vitæ sententia, & pro cuiusque animo. Imperari naturæ audacis est credere: nec minus hebetis, beneficijs abrogare vires: quando in fulgurū quoq; interpretatione cō profecit scientia, vt ventura alia finito die præcinat: & an peremtura sint factum, aut apertura potius alia fata quæ lateant, innumerabilib. in vtroq; publicis priuatisq; experimentis. Quamobrem sint ista (vt rerum naturæ libuit) alijs certa, alijs dubia, alijs probata, alijs damnanda. Nos cætera, quæ sunt in his memorabilia, nō omittemus.

A P P E N D I X.

Procurare fulmen, nota est forma latini sermonis, & significat sacrum alicui Deo fieri, vt euentum fulminis mitiget. Meminit huius ritus Vale. Maximus cum inquit: Sacrificio solenni ritu ostentorum ac fulgurum denunciationes procurantur. Vocauerunt Hetrusci deos Auerruncantes, Latini verò seruatores deos, qui huiusmodi omina auertunt: ad hos autem deos decurrerunt, quando non libabant reliquis dijs, Græci vocant *ἀποτροπαῖες καὶ σωτῆρες*. Sic enim inquit Xenophon lib. 3. *ἰλλων. ὡς περὶ εἰς ἐκ αὐτῶν ἡμῶν τοῖς πελεμένεσσι οὗτα συμβαίνειται ὥς διὰ τῶν Διωτῆς καὶ τῶν ἀποτροπαίων καὶ τῶν σωτῆρσι, καὶ μέλλει καλλιστάσασθαι, &c.*

Differentiæ fulminum superstitioſæ.

Seneca aliquot differentias huiusmodi fulminum recitat: Postulatoria ait vocari, quibus sacrificia intermissa aut non ritè facta repetuntur, aut vt Pompeius Festus ait, quæ votorum aut sacrificiorum spretam religionem desiderant. Monitoria, quibus docetur quid cauendum sit. Pestifera, quæ mortem exitiumq; portendunt. Fallacia, quæ per speciem alicuius boni nocent. Densanæ, quæ speciem periculi sine periculo afferunt. Peremptalia, quibus tolluntur priorum fulminum minæ, vel vt Festus ait, quæ superiora fulmina aut portenta perimunt, hoc est, tollunt. Attestata, quæ priorib. consentiunt. Atterranea, quæ in incluso sunt.

Obru-

Obruta, quibus iam prius percussa nec procurata feriuntur. Regalia, quorum vi tangitur vel comitium, vel principalia vrbis liberæ loca, quorum significatio regnum civitati minatur. Inferna, cum è terra exiliunt ignes. Hospitalia, quæ sacrificijs ad nos Iovem arcessunt & inuitant. Auxiliaria, quæ aduocata dicuntur, sed aduocantium bono veniunt.

Plures præterea differentias superstitio commenta est, idque tam religiose, vr etiam iram Dei inmeritati sint ijs, qui non ritè fulguris nomina & significationes explicarent.

Nota est historia ex Livio de Tullo Hostilio, qui fulmine ictus quod sacrum non ritè peregerat, vel vt hic Plinius inquit, quod parùm ritè imitatus Numam euocauerit fulmen. Plura de huiusmodi diuinationibus legant studiosi apud Ciceronem lib. 2. de diuinatione. Item apud Senecam lib. 2. cap. 47. 48. 49. de Natural. quæstionibus. Et apud Festum Pompeium.

Exponam ordine textum. Sic inquit, Extat memoria annalium, hoc est, extant annales & chronica, in quibus scribitur, sacrificijs quibusdam & carminibus cogi fulmina, hoc est, coactione effici vel impetrari, videlicet oratione & precibus. Atque hæc sententia si rectè intelligitur, non est aliena à pietate, coguntur fulmina quando veneficæ vt incantatrices suis incantationibus rempestates ciunt. nam diabolus, qui est dominus tenebrarum, & in aëris latebris habitat, commouet illum quando vult, & quoties à suis sacerdotibus & mystis ad hoc accersitur, fugit enim se cogi vt idolatriam & incantamenta confirmet. Impetrantur etiam piorum hominum precibus, sic Helias impetrat precibus pluuiam 3. Reg. 18. Et non est dubium precibus mitigari multa mala, sicut patet exemplo Abrahamæ intercedentis pro Sodomis, & aliorum sanctorum, qui precibus impendentes calamitates mitigant, sicut scriptum est, Nisi Deus reliquisset nobis semen, sicut Sodomia & Gomorra facti essemus, &c.

De monstro Volta nihil legitur, sed sine dubio fuit illusio diabolica, qua stabilire superstitionem & impietatem voluit.

SEQUITVR IN TEXTV, Interq; statores ac tonantes & feretrios Elicium quoque accepimus Iouem, hoc est, etiam Romani colunt proprios deos, quos existimant præesse fulminibus, sic etiam inter alios titulos Iouis est, quod sit Altitonans. Vnde ait Eurip. *ὡς δὲ βασιλεὺς βασιλεὺς, ἀρχαῖον τι πρὶς αἰθέρος*, &c. quod sit clicius, quasi eliciat fulmina. Item feretrius, q̄ ferendo pacem & quietem ab his terroribus. SEQUITVR, Varia in hoc vitæ sententia, & pro cuiusq; animo, hoc est, singuli pro suis cupiditatibus hæc sinxerunt, alij censuerunt imperari posse naturæ, hoc est, pro nostra voluntate cogere naturam vt gignat fulmina cum volumus, & id ait esse audacis, hoc est, impudentis. Alij verò beneficijs abrogauerunt vires, hoc est, negauerunt esse aliquam potentiam naturæ beneficæ cedentis interdum & obsequentis hominum precationibus: id autem ait esse hebetis, hoc est, ignari & nihil agentis. Quod verò fulmina prædici, intelligendum est Physicè, quemadmodum Astrologi hodie prædicunt fulmina. Quod sequitur, An peremptura sint fatum, hoc est, an possint abolere priores significationes, & alia noua fata producere & alios euentus qui latuerunt, incertum & ambiguum est, cum in vtramq; partem sint experimenta plurima, ideo & nos illa in medio relinquimus indiscussa.

C A P V T L I I I I.

Catholica fulgurum, hoc est, vniuersales observationes.

Observationes physice. **F**ulgetrū prius cerni, quàm tonitrum audiri (cum simul fiant) certum est. Nec mirum, quoniam lux sonitu velocior. Ictum autem & sonitum congruere, ita

ita modulante natura. Sed sonitum profecti esse fulminis, non illati: etiamnum spiritum ocycorem fulmine, ideo quati prius omne & afflari quam percuti: nec quenquam tangi, qui prior viderit fulmen, aut tonitrua audierit.

Læua prospera existimantur, quoniã læua parte mundi ortus est. Nec tam aduentus spectatur quàm Diuisio
cœli ex
Hærocles
doctrina.reditus, siue ab ictu resiliat ignis, siue opere confecto aut igne consumpto spiritus remeet. In sedecim partes cœlum in eo respectu diuisere Thufci. Prima est à Septentrionibus ad æquinoctialem exortum: secunda ad meridiem, tertia ad æquinoctialem occasum, quarta obtinet quod reliquum est ab occasu ad septentriones. Has iterum in quaternas diuisere partes, ex quibus octo ab exortu sinistras, totidem è contrario appellauere dextras. Ex his maximè diræ, quæ septentrionem ab occasu attingunt. Itaque per plurimum refert, vnde venerint fulmina, & quod concesserint. Optimum est, in exortiuas redire partes. Ideo cum à prima cœli parte venerint, & in eandem concesserint, summa felicitas portenditur, quale Syllæ dictatori ostentum datum accipimus. Cætera ipsius mundi portione minus prospera aut dira. Quædam fulgura enunciare non putant fas, nec audire, præterquam si hospiti indicentur aut parenti. Magna huius obseruationis vanitas, tacta Iunonis æde, Romæ deprehensa est Scauro consule, qui mox princeps fuit. Nocturno magis quàm interdiu sine tonitribus fulgurat. Vnum animal hominem non semper extinguit, cætera ilico, hunc videlicet natura tribuente honorẽ, cum tot beluæ virib. præstent. Omnia

contrarias incubant in partes. Homo nisi conuertatur vi percussus non expirat. Supernè icti confidunt. Vigilans ictus conuiuentib. oculis, dormiens patentibus reperitur. Hominem ita exanimatum cremari fas non est, condi terra religio tradidit. Nullum animal, nisi exanimatum, fulmine accenditur. Vulnere fulminatorum frigidiora reliquo corpore sunt.

APPENDIX.

(Fulgetrum prius cerni, &c.)

Id est, fulgetrum & tonitru simul æduntur, tamen visus præcurrit auditum : visus enim propter subtilitatem spirituum celerius obiecta percipit quàm auditus, nam sonus hæret in aëre, cuius motus est tardior. Sic inquit Aristot. *ἡ ἀκουή δὲ μὴ τὸν αἰθέρα καὶ ὅλην τὴν ἀέρα, ἀλλὰ φαίνεται ἀπὸ τοῦ αἵματος, διὰ τὸ τὸν ὅλην ἀπὸ τοῦ αἵματος ἀκούειν, &c.* Perspectiuistæ dicunt, species visibiles non reales, sed intentionales esse, vnde non per motum, sed subito diffunduntur per vniuersum medium, vnde æquè celeriter rem otus lumen Solis percipit atq; propinquus. Pontanus in meteoris vtitur exemplo à secante ligna, & Aristoteles de remis incusis in aquam, vbi semper visus præcurrit auditum. Sic inquit Aristoteles : *ἀλλὰ γὰρ ὅταν δὲ τὸ σπασκόμεον τῆς κρημνῆς ἀναβῇ καὶ ἀρῶνται, ἀλλ' οὐχ' ἑρῶται διὰ τὴν ἀρχαίαν τῆς ὕλης.* Quod autem ait, sonitum profecti esse fulminis non illati, intelligit tunc fieri sonitum, cum erumpit fulmen ex nube, sed non prius audiri, quàm cum iam illatum est. Perinde atque in ictu bombardæ accidit, simul erumpit telū & fit sonitus, sed non audiri prius quàm quando iam est illatum, propter tardio rem motum aëris : quanquam hic Plinius huius rei aliam causam reddit, cum inquit : Etiamnum spiritum ocycorem fulmine, hoc est, quia fulmen præcedit, quidā flatus seu ventus qui prior quatit, & afflat quàm fulmen potuit attingere, vnde qui audit tonitru, non feritur, quia fulmen præcedit sonitū, vt dictū est.

(Lexua

(Læua prospera existimantur.)

Vocat Plinius læuum ortum, dextrum verò occasum. *Sinistra* Romani iudicauerunt fulmina, quæ à læua cœli parte venerent, & in eandem iterum redirent, esse scēlicia & prospera. Sic Anchises Romano more bonum omen interpretatus est læuum fulmen. *Subitoq; fragore, Intonnit læuum.* Ouid. 4. Falto. *Ille precabatur, tonitru dedit omina læuo.* Et: *Læuo fulmina missa polo,* &c. Cicero libro 2. de diuinatione: Quod idem omnibus rebus optimum auspicium habemus, si sinistrum fuerit, &c. Sed Græci & Barbari dextra auspiciatiora iudicabant esse. Vnde inquit Pausanias in Messeniācis, *ἀπὸ δεξιῆς τοῦ νότου καὶ δεξιᾶς ἀπὸ τοῦ βορρᾶς ἐκαστὸς ἐμαρτύρει, οἱ αὐτοὶ ἴσιν τὸ συνέειναι,* &c. Vnde prouerbij loco ferebatur, *ἀπὸ δεξιῆς ἐκαστὸς ἐμαρτύρει,* Dextris fulguribus, pro bonis ominibus.

(Nec tam aduentus spectatur quàm reditus,) hoc est, non tam considerant eam plagam mundi, vnde exit fulmen, quàm reuersionem, hoc est, siue fulmen ab ictu refiliat versus ortum, siue post impactam plagam spiritus siue flatus aut fumus huius incendij remeet. In eo respectu, scilicet in consideratione fulminum, diuisere cœlum in diuisione sedecim partes Hetrusci, de qua lege Ciceronis diuinationem de diuinatione.

Quod ait, Ideo cum à prima cœli parte venerint, hoc est, ab ea quæ est inter septentrionem & ortum æquinoctialem. SEQUITUR: Cætera ipsius mundi portione minus prospera aut dira, &c. hæc est sententia, quod cætera fulmina prout accedunt vel discedunt ab ortu, sunt magis vel minus dira. Supra enim constituit ortiuam regionem scēlicia producere fulmina. Sequitur: Noctu magis quàm interdiu sine tonitribus fulgurat. Causa est, quia noctu debiles coruscationes magis cernuntur quàm interdiu. Item, quando hæc materia exhalat frigore nocturno, per antipristasīn incenditur, vnde noctu crebriora sunt fulgetra sine tonitribus quàm interdiu. Sequitur: Omnia, scilicet, percussa

Quare noctu magis quàm interdiu fulguret.

cussa fulmine, contrarias incubant in partes, hoc est, oppositas ei loco, cui est illatum fulmen.

Quod ait: Superne istos considerare, intelligi potest ex natura ictus. Si enim obliquo ictu feriantur, incubant in contrarias partes: si autem recto seu diametrali ictu, recta subsidunt, hoc est, non prorsus prosternuntur. Conniuentibus oculis, hoc est, clausis palpebris. Vulnere fulminatorum, hoc est, ictorum fulmine.

C A P V T L V.

Quæ non feriantur fulmine.

EX ijs quæ terra gignuntur lauri fruticem non icit: nec vnquam quinq; altius pedibus descendit in terram. Ideo pauidi altiores specus tutissimos putant: aut tabernacula è pellibus beluarum, quas vitulos marinos appellant, quoniam hoc solum animal ex marinis non percutiat, sicut nec è volucris aquilam, quæ ob hoc armiger huius teli fingitur. In Italia inter Tarracinam & ædem Feroniæ, turres bellicis temporibus desière fieri, nulla non earum fulmine diruta.

A P P E N D I X.

συμπάθεια
ἢ ἀντίπα-
θεια. Vetustas obseruauit in natura rerum *συμπάθειαν* cognatarum, & *ἀντίπαθειαν* pugnantium, & diligenter causas huius consensus & dissensus naturarum inquisiuit, non tamen vterius potuit progredi, nisi quod peculiares sint formæ rerum, quarum vis prorsus est occulta, vt quod Magnes ferrum trahit, hæc sympathia est vis occulta, quæ ab ipsa forma Magnetis dependet, quæ qualis sit ignoramus, non enim ab aliqua prima vel secunda qualitate seu modo substantiæ ipsius id accidit: illa enim aliquo modo nobis nota sunt. Sic fulminis cum Lauro siue vitulo marino est antipathia,

thia, propter formam specificam vtriusq; non tantum propter qualitatum pugnantiā, quā vnum alterum abigit & arcet, sicuti alexipharmaca ipsa venena: quæ autem & qualis sit hæc pugnantiā non intelligitur.

Cum autem nec vnquam altius quinque pedibus fulmen in terram descendat, faciliè causā intelligitur, quod qui se abscondant in terræ latebris, tuti sint contra ictus fulminū. Suetonius ait, Augustum Cæsarem tonitrua & fulgura valde extimuisse, vnde semper & vbiq; pellem vituli marini circumtulit pro remedio, atq; ad omnem maioris tempestatis suspicionem in abditum & concameratum locū se recepit.

Tarracina olim Trachinia dicta est in veteris Latij finibus, centum stadiis à Circeo, de qua sic inquit Strabo: *ἔστι δ' ἐκείνη σταδίῳ ὅττι πρὸς τὴν καλουμένην ἐστὶ τὴν ἀπὸ τοῦ συμφοροῦ*, scilicet, propter asperitatem. De Feronia sic inquit Strabo lib. 5. Sub monte Soraacte vrbs est Feronia, quo nomine & dea quædam nuncupatur, & in eodem loco ipsius deæ templum est, mirificum sacri genus habens &c. Distantia verò inter Tarracinam & Feroniam est ferè viginti nostratium miliarium. Feronia enim in ea parte Hetruriæ est, quæ vicina est Latio.

C A P V T L V I.

De prodigiosis pluuijs, lacte & sanguine, carne, ferro, lana, lateribus coctis.

PRÆTER hæc inferiore coelo relatum in monumenta est, lacte & sanguine pluuisse M. Acilio, C. Porcio Co s s. Et sæpè aliās carne, sicut L. Voluminio, Seruio Sulpitio Co s s. Exq; ea non perputruisse quod non diripuissent aues. Item ferro in Lucanijs, anno antequam M. Crassus à Parthis interemtus est, omnesq; cum eo Lucani milites, quorum magnus numerus in exercitu erat: effigies quæ pluuerat, spongiarum

giarum ferè similis fuit : auruspices cauenda præmonuerunt superna vulnera. L. autem Paulo, C. Marcello *Cons.* lana pluuit circa castellum Carissanū, iuxta quod post annum T. Annius Milo occisus est. Eodem causam dicente lateribus coctis pluuisse, in eius anni acta relatum est.

A P P E N D I X.

Certum est omnia huiusmodi prodigia habere tristissimas significationes, quibus Deus homines velut de cælo loquens, ad pœnitentiam vocat. Quales autem sint singulorum prodigiorum significationes, certò nō scitur, ppter raritatem ipsorū, item quod aliās alia mala denunciarunt. Hoc autem certò constat, semper fuisse tristes & nunquam lætas significationes. Vnde cum his temporib. tot existant prodigia, certum est impendere tristissimas & horribilissimas calamitates, quas vt Deus mitiget ardentè precor, & vt hoc idem faciant omnes pij hortor. Quidam in hac temporum mœsticia & in his tristissimis denunciationibus heluantur & bacchanalia viuunt, quasi iam simus perfuncti malis. Vereor autem, ne his moribus iram Dei magis prouocent, & pœnas accelerent.

Quid singula prodigia significant non scitur certò, sed animaduersum est, pluuiam frumenti significare famem. Pluuiam ferri bellum : pluuiam sanguinis, hostem externū : sanguinem erumpentem ex terra, hostes intestinos & seditionem : pluuiam cinerum, pestilentiam : pluuiam lactis, aborsus : pluuiam lanæ, seditiones & incursiones peregrinæ gentis : pluuiam laterum & lapidum, urbium euersiones : pluuiam carnis, interitum animalium bello, fame & pestilentia. Sed quis has diuersas formas prodigiorum enumerare queat ?

Exempla
prodigiorū
pluuiarum.

Cum autem ad explicationem horum prodigiorū opus sit veterum exemplorum, quæ passim in historijs recitantur,

tur (semper enim sunt peccata, & semper poenae peccatorum consequuntur) exponam ordine textum: Præter hæc relat-
 um est in monumenta, pluuisse inferiore cælo, hoc est, ex
 nubibus quæ vocantur inferius cælum, M. Acilio & C. Por-
 tio Consulibus, hoc est, anno urbis 639. Horum Consulum
 meminit supra Plinius capite vigesimo nono. hic C. Cato
 nepos est M. Catonis Censorij. Hæc signa præcesserunt, &
 denunciarunt bellum Cimbricum. Pluuiæ sanguineæ me-
 minit Liuius libro quarto tertiæ decadis: **SEQVITVR**
IN TEXTV: Et sæpe alias carne, sicut L. Volumnio &
 Seruio Sulpitio Consulibus, qui fuerunt Consules anno ur-
 bis 292. & huius prodigij etiam meminit Valerius Maxi-
 mus lib. 1. cap. 6. cum inquit: Præcipuæ admirationis etiã
 illa prodigia, quæ L. Volumnio & Seruio Sulpitio Cofs. in
 vrbe nostra inter initia motusq; bellorum acciderunt. Car-
 nis in modum nimbi dissipatæ partes ceciderunt, quarum
 maiorem numerum præpetes diripuerunt aues, reliquum hu-
 mi per aliquot dies neq; odore tetro neq; deformi aspectu
 mutatum iacuit, &c. Meminit & Liuius carneæ pluuiæ lib.
 3. primæ deca. Hæc prodigia præcesserunt motum secule,
 quo serui duce Herdonio Sabino Capitolium occuparunt.
SEQVITVR in textu: Item ferro in Lucanis, scilicet plu-
 uit ferreis massulis. huius ferri effigies fuit similis spongiarum,
 hoc est, fungorum, sicut sunt recrementa ferri, *die cysten*
schlacken. Sequitur: Aruspices monuerunt cauenda esse
 superna vulnera, hoc est, interitum exercitus. Sæpe etiam
 lapidibus pluit, quarum pluuiarum aliquoties Liuius me-
 minit. Lib. 1. inquit: Nunciatum regi patribusq; est in mon-
 te Albano lapidibus pluuisse. Sequitur in textu: L. autem
 Paulo & C. Marcello Cofs. hoc est, anno urbis 703. pluit
 lana, quæ pluuiæ haud dubiè significauit bellum ciuile C.
 Cæsaris & Pompeij, quod proximis annis est secutum. De
 eade Milonis lege Cæs. lib. 3. belli ciuilis. Carissimum op-
 pidum est in agro Turino Galliarum.

CAPVT LVII.

De crepitu armorum & tubarum de cœlo audito.

ARmorum crepitus & tubæ sonitus, auditos è cœlo Cimbricis bellis accepimus, crebrosq; & prius & postea. Tertio verò consulatu Marij ab Amerinis & Tudertibus spectata arma cœlestia, ab ortu occasuq; inter se concurrentia, pulsus quæ ab occasu erant. Ipsum ardere cœlum, minimè mirum est, & sæpius visum, maiore vi ignis nubibus correptis.

APPENDIX.

Crepitus
quomodo
hant.

Si potest aliqua physica horum prodigiorum ratio reddi, tum huiusmodi crepitus fiunt, quando multa materia ventosa in concavitatibus terræ gignitur, quæ cum petit exitum, per foramina & spiracula eliditur, & secundum formam illorum, prout sunt ampla, vel stricta, vel tortuosa, diuersos sonos emitit, qui in aëre deinde orti dicuntur. Verum aliquando conspiciuntur in aëre phasinata, vt exercituum concurrentium, quæ non habent causas physicas, sed sunt portenta, quale illud est, quod recitatur à Plutarcho in vita Syllæ. Quod aurem maximum fuit, ex aëre sereno, & omni processu carenti nebula, tubarum sonus increpuit, acutas ac lugubres intendens voces, adeo vt cuncti præ magnitudine timoris obstupescerent. Thufci vates alterius generis permutationem, eò transferendum ordinem porrendi cōmonstrabant, &c. Superiore anno ferunt Bambergæ in summo templo tale quædam comparuisse: mane sub auroram audita sunt tympana pulsari, signa cani & ingentem clamorem tolli velut ab armatis militibus acie concurrentibus: item crebri ictus armorum & vociferationes exaudiebantur, adeo vt sacrifici qui prope habitabant, urbem captam esse arbitrarentur. Fertur quoq; an. 1520. mense Septembri, Vuissenburgi ad Rhenum oppido submeri-

meridiem strepitum armorum in aëre excitatum esse, adeo ut ciues ad arma concurrerent, & ad portas praesidia dispo-
nerent. Anno Domini 1535. mense Septembri in Silesia
plurima huius generis portenta in nubibus conspecta sunt,
quæ haud dubiè prædicunt aliquam futuram calamitatem.
Vocat Plinius arma cœlestia, exercitus in aëre conspectos.
Quod autem illi, qui ab occasu consistunt, pelluntur, signi-
ficat Cymbris populis in Italiam contendentibus cladem.
Cælum ardere, hoc est, fieri chasma.

CAPVT LVIII.

De lapidibus è cœlo cadentibus.

Celebrant Græci Anaxagoram Clazomenium
Olympiadis septuagesimæ octauæ secundo anno
prædixisse cœlestium literarum scientia, quibus die-
bus saxum casurum esset è Sole. Idq; factum inter-
diu in Thraciæ parte ad Aegæos flumen. Qui lapis
etiam nunc ostenditur, magnitudine vehiculi, colo-
re adusto, Comete quoq; illis noctibus flagrante.
Quod si quis prædictū credat, simul fateatur necesse
est, maioris miraculi diuinitatem Anaxagoræ fuisse:
soluiq; rerum naturæ intellectum, & confundi om-
nia, si aut ipse Sol lapis esse, aut vnquam lapidem in
eo fuisse credatur: decidere tamen crebro non erit
dubium. In Abydi gymnasio ex ea causa colitur ho-
dieq; , modicus quidem, sed quem in medio terrarum
casurum idem Anaxagoras prædixisse narratur.
Colitur & Cassandriæ, quæ Potidæa vocitata est, ob
id deducta. Ego ipse vidi in Vocontiorum agro pau-
lò antè delatum.

mutationibus, an sint partes ex terra per aërem sublatae, ambigitur.

SEQUITUR IN TEXTU: Quod si quis prædictum credat, hoc est, si ex arte huiusmodi prædictiones sunt, tum necesse est ut fateamur, maioris miraculi diuinitatem Anaxagoræ fuisse, hoc est, hanc prædicendi sapientiam maius esse miraculum quam ipsum lapidis casum. Sequitur: Soluimus rerum naturæ intellectum, hoc est, confundi vniuersam rerum naturam, & vniuersa doctrina physica collabitur. Sequitur: Decidere tamen crebro non erit dubium, hoc est, ipsa experientia conuincit, ut cogamur fateri quod lapides decidunt, sed inde non sequitur, quod ipse Sol sit lapis. hæc sunt ex Aristotele descripta. Recitat nunc aliquot exempla casus lapidum & ait: In Abydi gymnasio, hoc est, in domo ubi exercebantur iuuenes, huiusmodi lapis colitur, quem in medio terrarum casurum idem Anaxagoras prædixisse narratur, hoc est, prædixit casurum esse lapidem in eo loco, ubi est medium terrarum, sicut veteres dixerunt Delphos esse in medio orbis terrarum, & Strabo recitat lib. 9. fabulam de duabus aquilis emissis, altera in oriente, altera in occidente, quæ Delphis conuenerunt. SEQUITUR IN TEXTU, Colitur & Cassandriæ, quasi dicat, Potidæ etiam lapis de cælo decedit, & ob id deducta, hoc est, propter casum lapidis in hunc locum deducta est Colonia à Cassandro moto omine, quod iudicauit lapidem significare locum firmum & fixum. Ager Vocontiorum est in Gallia Narbonensi, quæ hodie Prouincia appellatur.

Potest accidere, ut magna vis exhalationum ex terra saxi operta erumpat, quæ quando obstantia repagula submouet, tunc fragmenta secum euehit, hæc saxa rursus delapsa dicuntur de cælo decidere. Plurima exempla in historiis recitantur. alij verò causas voluerunt esse Astrologicas, alij Physicas, alij verò simpliciter iudicarunt esse prodigia, & retulerunt immediatè ad actiones diuinas, quando immediatè absq; secundis causis agit.

CAPVT LIX.

De Arcu cœlesti.

Arcus vocamus extra miraculum frequentes, & extra ostentum; nam ne pluuios quidem, aut serenos dies, cum fide portendunt. Manifestum est, radium Solis immissum cauæ nubi, repulsa acie in Solem refringi, colorumq; varietatem mixtura nubiû, aëris, igniumq; fieri. Certè nisi Sole aduerso non fiunt, nec vnquam nisi dimidia circuli forma: nec noctu, quamuis Aristoteles prodat aliquando visum, quod tamen fatetur idem nō nisi quartadecima Luna posse. Fiunt autem hyeme, maximè ab æquinoctio autumnali die decrescēte. Quo rursus crescente ab æquinoctio verno, non existunt: nec circa solstitium longissimis diebus: bruma verò, hoc est, breuissimis diebus, frequenter. Iidem sublimes humili Sole, humilesq; sublimi, & minores occidente vel oriente, sed in latitudinem diffusi: meridie exiles, verum ambitus maioris. Aestate verò per meridiem non cernuntur: post autumnæ æquinoctium, quacunque hora: nec vnquam plures simul quàm duo. Cætera eiusdem naturæ non multis dubia esse video.

APPENDIX.

- IRIS.** Arcum cœlestem Græci Iridem vocant, significat enim & prædicit serenos dies post pluuiam, & rursus pluuiam post serenitatem; quanquam & hæ significaciones non semper sunt certæ. Vnde inquit Plinius, Arcus vocamus extra miraculum frequentes, hoc est, qui propter frequentiam & significationis incertitudinem extra numerum prodigiorû recensentur. Quanquam autè crebro arcus in nubib. conspicia-

spiciatur, tamen pauci modum generationis ipsius norunt. Primus Aristoteles coepit Physicas causas inquirere, & ex modo proiectionis radiorum aliquo modo causas arcus celestis deprehendit, cuius disputationes contrahemus in sex capita.

I. Causæ & modus generationis.

II. Cur diuersicolor conspiciatur.

III. Cur arcus, & non integer circulus, vt Halo.

IV. Cur tantum coloris & non figuræ fiat apparitio.

V. De differentiis Iridis & Halonis.

VI. De accidentibus & circumstantiis arcus.

DE MODO GENERATIONIS.

I.

Arcus fit ex refractione radiorum solarium à vapore rorido opposito Soli, hoc est, qui iam incipit in stillas seu paruulas guttas resolui, qui radij in nube refracti rursus ad visum reflectuntur. Visus enim est in medio, & veluti in vna recta linea inter Solem & nubem, ita vt centra trium corporum, videlicet luminis, vaporis & visus, in vna constant recta linea, ita vt centrum oculi sit medium inter vaporem & lumen, ita vt basis & visionis & illuminationis coeant in eadem vaporis superficie, quæ visui nostro obuersa est.

CAUSA itaq; MATERIALIS Iridis est vapor roridus non continuus, seu coeptus iam densari in nubium consistentiam, sed is qui iam in paruulas guttulas liquatur, quemadmodum eruditè demonstratur propositione 66. libri decimi Vitellionis.

CAUSA FORMALIS est ipsa refraction lucis in nube opposita: nam arcus formatur & visui occurrit vtroque modo tam refractione quam reflexione radiorum solarium. Discant autem hoc loco studiosi, quomodo radius refractus à reflexo differat. Refractus radius est, qui incidit in corpus diaphanum, quod perspicuitate sua luci aliquousq; præbet transitum, & quanquam in superficie angulum efficiat,

Radi⁹ reflexus & refractus differunt.

ciat, sed tamen ultra illum angulum radius rectitudinem suam retinet, donec veluti defatigatus rursus reflectatur. Reflexus verò radius est, qui incidit in corpus solidum, & propter duriciem impermeabile radio, ibi igitur radius resistit & reflectitur in oppositam partem, hoc est, sursum, & hic reflexus radius lucem & calorem secum gestat, & ea spargit in loca in quæ diffunditur, quemadmodum hæc copiosius ab Opticis explicantur.

In formatione autem Iridis radius fertur ad visum utroque modo, refractione & reflexione. Refractione, quia non generatur Iris, nisi materia aliqua transparentis & diaphana ex aduerso Sole collocatur, quæ exortos radios accipiat, sed tamen recta penetrare prohibeat. Vnde necesse est fieri prius refractionem radiorum, quia lumen fertur per medium rarius: simul etiam fit reflexio, quia fertur in medium densius, unde Aristoteles vocabulo ἀνέλασι pro utroque usus est, cum inquit, ὅτι μὲν αὐτὴ ἀνέλασις ἢ ἡμεῖς ὁψόμεθα τὸν αἶαντα.

EFFICIENS CAUSA, est refractione in nube rorida & deinde reflexio, quando radius ad perpendicularem contorquetur. Cum autem vapor sit distinctus in plures guttulas, veluti plura diuersa corpuscula, plures sunt refractiones, & quidem in profundo vaporis roridi, quare collectione & aggregatione radiorum fractionum, copia luminis in profunda vaporis superficie augetur, sed hoc lumen ad visum reflectitur propter vaporis densitatem, & tanto maior fit reflexio, quanto diaphanum corpus densius fuerit, tunc enim per hanc reflexionem radij luminosi lumen ad visum nostrum pertingit, quod est ex aduerso illi vaporis rorido. Et supra dictum est, reflexionem fieri in partem aduersam, radius enim rursus ad principium seu fontem luminis resistit. Cum autem visus sit in medio horum, necesse est radium visui occurrere. Hæc autem reflexio à vapore ad visum non tantum exhibet visui impressum lumen vaporis in refractione, sed etiam ipsum auget & intendit, propterea quia reflexione radius fit efficacior quam fuit antea.

De

De CAUSA FINALI inquit Plinius, Nam ne plu-
uios quidem aut serenos dies cum fide portendunt, hoc est,
significationes iridis non sunt statæ aut fixæ, nam sæpe con-
trarij effectus sequuntur.

DE COLORIBVS ARCVS.

II.

Iris diuersicolor comparet propter vaporis inæquabi-
litate, lumen enim in vapore iam stillante in guttas refra-
ctum dissimilibus coloribus pingitur: nam umbræ ex gut-
tis dissimilibus sparæ & intermixtæ lumini aggregato & re-
fracto dissimiles colores exprimunt, quos radius reflexus
secum ad visum nostrum defert.

Aristoteles tres insignes colorum differentias ait arcum Colorum
Iridis dif-
ferentia.
exprimere, *φαινεύου, πράσινο, καὶ ἀλευρόν*. Primus puniceus,
consistit in exteriori arcus circumferentia, propter lumen
quod miscetur cum superiore nubis parte, quæ plurimum
aquæ continet. Vnde & spissior & nigrior existit. Aristote-
les causam huius coloris exprimit cum inquit, *φαίνεται δὲ τὸ
λαμπρὸν διὰ τὸ μέλας ἢ ἐκ τοῦ μέλανι διαφέρει γὰρ οὐδὲν, φαινεύου.
ἀλλ' ὅτι ἔστι τὸν γὰρ τὸ χλωρόν ἐξέλει σίε, ὡς ἐνθεδὸν ἔχει τὸ φλόγα, διὰ
τὸ τὸ κατὰ πῦρ μεμύχθαι τὸ πῦρ, λαμπρὸν ἔν καὶ λευκὸν καὶ δι'
ἀχλὺς καὶ καπνὸς ὁ ὕλη φαίνεται φαινεύου, &c.*

Secundus color est *πράσινο*, & gignitur prout lumen
magis vaporis nigredini miscetur minusq; refringitur, &
maior quoque angulus in reflexione ad visum existit, & ut
Optici loquuntur, in minori distantia locatum, & in mate-
ria spissiori radiatum fieri viride.

Tertius color est *cæruleus*, qui ex vaporis purioris co-
pia & umbris pluribus tinctis lumine miscetur.

Aristoteles ait diuersam colorum mixturam in arcu cœ-
lesti conspici propter situm colorum iuxta se inuicem: nam
si color puniceus prope nigrum collocetur, albus: si verò
viridis iuxta nigrum, flauus apparebit: claritas enim aut
obscuritas vicini coloris illam aut intendunt aut remittunt.

Præterea dissimilis dispositio vaporis roridi colorum discrimina mutat, sicut videmus in collo pavonum, anatum & columbarum accidere, quod secundum diversum positum etiam colorum differentia mutantur. Pennarum enim diversitas & dissimilitudo nunc in hanc nunc in aliam partem umbras projicit, quæ lumini mixtæ varios colores miscunt & transponunt. Ad hanc multiplicem colorum varietatem alludit Virgilius cum inquit:

Nulle trahit varios aduerso Sole colores.

Tria sunt quæ in mixtione colorum præcipue consideranda sunt, Primum, Corpus in quod radius incidit. Secundum, radius vel lumen. Tertium, medium, ut aër vel aqua. Ex horum trium varia inter sese mixtura, prout magis vel minus temperantur, atque de his tribus participant, multiplices colorum differentia existunt.

Quod quidam quartum colorem addunt, flavum videlicet, id inde fit, quia puniceus positus ad viridem gignit flavum colorem. Unde Aristoteles hanc tractationem de coloribus his verbis concludit: *ὅτι δὲ τὸ πλεῖον οὐκ ἔστι φαίνεται, ἀλλ' ἐν τῷς ᾤσιν, ὡς περὶ καὶ τῶν ἄλλων τὰ πλεῖστα καὶ οὐ τῶν ἑρᾶ τέλει. ἢ δ' ἄλλων τῶν ἔξω φυσικῶν ἔχου καὶ μεγίστης γὰρ ἀπεφερείας πλείους προσπίπτει ἢ ὅσας περὶ τὴν ἅλην, μεγίστη δ' ἡ ἔξω. ἢ δ' ἐχρησθέν καὶ ἡ στίτη, ἀεὶ ἀλλοτρίη. ὡς τ' ἢ τὰ πλεῖ τῶν χρομάτων τῆς φαντασίας ἔντυχαι καλῶς, ἀνάγκη στίχων τι εἶναι αὐτῶν καὶ τούτοις τῶν χρομάτων κινησῶν μέγεθος, τὸ δὲ ξανθὸν φαίνεται, διὰ τὸ περιέλαλα φαίνεσθαι, &c.*

III. CVR ARCVS, ET NON INTER CIRCVLVS.

CUR ARCUS
specie fiat
Iris.


De forma Iridis, & cur hæc reflexio formam arcus magis exprimat quam aliam, vel circulum, ut in halone, vel lineam, ut in virgis, vel imaginem Solis, ut in parclijs, disputatur à Philosophis, alij aliter id conantur ostendere, sed Opticorum demonstratio videtur esse planissima, itaque illam, quantum possum, lucidissime proponam. Dictum supra est,

praest, totam superficiem vaporis oppositi Soli irradiari, nam à singulis punctis, in quæ directi Solis radij incident, fit reflexio ad axem pyramidis illuminationis, in qua & oculi centrum consistit, sed de irradiato vapore non plus cernitur quàm forma arcus, quia oculus non percipit vilius rei formam per reflexionem à superficie corporis polito, nisi in eo puncto axis illuminationis, in quo oculi centrum collocatur. Illud enim excipit radios, qui reflexi à superficie illuminati corporis concurrunt ad illud ipsum punctum, ij verò tantum concurrunt in eodem puncto, qui secundum æquales angulos & incident in vaporem, & à superficie vaporis ad oculi centrum reflectuntur, qua reflexione secundum æquales angulos pyramidem reflexionis conformant, cuius basis arcu circumscribitur, & tantum formam arcus oculo exhibet, & Iris vocatur.

Demonstratur autem hoc modo. Sit centrū lucidi corporis ac superficies vaporis rotundi C, D, E, F. Axis pyramidis illuminationis A B. Radij pyramidis illuminationis qui refringuntur sint A C, A D, A E, A F. Centrum oculi sit in puncto axis pyramidis illuminationis G. Radij à punctis incidentiæ reflexi ad centrum oculi sint G C, G D, G E, G F, & conuectantur B C, B D, B E, B F. Lineæ itaq; prædictæ sunt in eadem superficie per quintam vnde-cimi, ducuntur enim à puncto reflexionis orthogonaliter ad rectam lineam, perpendiculariter incidentem in ipsum vaporem, quæ est axis pyramidis illuminationis.

Quoniam itaq; de quouis irradiato corpore tantum ea pars conspicitur, à qua radij refracti reflectuntur ad idem centrum visus secundum æquales angulos per 37. quinti Vitellionis. In triangulis igitur pyramidis reflexionis æquales inter se sunt anguli G C B, G E B, G F B. Rursus quoniam à punctis reflexionis radiorum plures lineæ rectæ in eadem superficie vaporis ad rectam lineam à centro lucidi corporis perpendicularis ad incidentem ducuntur, angulos igitur cum ea perpendiculari rectos per quintam vnde-

cimi Euclidis constituunt. In triangulis igitur pyramidis reflexionis GCB , GDB , GEB , GFB , duo sunt anguli duobus æquales, scilicet anguli ad basin, & vnum latus commune omnibus, quod est ad angulos rectos, & alterum æqualium angulorum subrendit, reliquus ergo angulus reliquo, & reliqua latera reliquis sunt æqualia. æquales sunt igitur lineæ BC , BD , BE , BF . Quare per nonam tertij in puncto concursus linearum B , quæ à puncto reflexionis ad lineam perpendiculararem ducitur iridis, centrum est, & ex definitione circuli linea per puncta reflexionum ducta est circularis peripheria, atq; hæc erant demonstranda.



IIII. CVR TANTVM COLORIS, ET NON FIGVRÆ FIAT APPARITIO.

Quare in
Iride non
cernatur
figura, sed
tantum
color.

Supra dictum, Solem in opposita nube lucere vt in speculo, queritur itaq; quare imago & figura Solis non luceat in nube, sed tantum colores. Respondet Aristoteles, refractionem luminis fieri in nube non consistente & firma, sed quæ iam liquatur in stillas, ideo fit refractio, sicut in aqua fluente aut stillante fieri solet, quæ tantum lumen & nullam

nullam figuram retinet, sicut inquit Aristoteles: *ἔπει δὲ καὶ δῶλον ὅτι ἐν ταύτῃ τινὲς ἐνὸς πύρου τὸ χεῖμα μίαν ἐμφαίνονται, τὸ δὲ χεῖμα ἄδωλον, ἀναγκῶν ὅταν ἀρχῇται εἶναι, καὶ ἔδω μὲν σωσῇται εἰς ἑκατάδωκ ὃ ἐν ταύτῃ εἴφισιν ἀδρ, μάλιστα ὅτε ἐν ἐξ ἐναντίας τὸ ὃ ἥλος, ἢ ἄλλο τι οὕτω λαμπερὸν ὥς τι γίγνεται ἐνὸς πύρου τὸ εἶφαι, καὶ τὴν ἀνάγκασιν γίγνεται τὸ λαμπερὸν ἐξ ἐναντίας, γίγνεται ἐμφασιν χεῖματος ὡς χήματος, &c.* Ex his intelligi potest, quare non *ἑδωλον* Solis conspiciatur, ut in parelijs vel in speculo, quia nubes est rara, & quæ iam incipit stillare in guttas, itaq; receptam formam continere nequit, sicut apparet in Iride quæ fit circa remorum agitationem in mari, vel circa lucernas in hyeme, & potissimum ab ijs conspicitur, qui oculos habent humidiores: In parelijs verò imago Solis conspicitur sicut in speculo, quia nubes est continua, levis & polita, ideo refraçtio fit aliquanto clarior & lucidior, quæ imaginem non tantum colores exprimit, sed quia nubes est aquea & humida, ideo etiam *ἑδωλον* etit obscurius, ut supra dictum est.

DE DIFFERENTIIS IRIDIS

V.

ET HALONIS.

Prima: Iris nunquam peripheriam integri circuli absoluit, sed tantum est arcus circuli, qui vel æquat hemicyclum, vel paulum superat, vel eo minor est. Halo verò semper, vel ut plurimum, integrum circulum absoluit. Collatio
Iridis cum
Halone.

Secunda: Iris semper fit ex aduerso Sole, Halo verò sub Sole vel Luna directè. Et Halones crebrius sub Luna quàm sub Sole, Radius enim solaris materiam halonis dissipat. Iris verò crebrius à Sole quàm à Luna, Radius enim lunaris debiliior est quàm ut ad visum reflectatur.

Tertia: Iridis materia est vapor roridus & disjunctus: Halonis verò vapor non diuulsus, sed contiguus, & leuiter condensatus.

Quarta: Iris fit ex refractione & reflexione luminis ad visum, halo tantum ex refractione, & ea quidem geminata, priore

priore ex aëre in vaporem, quæ fit ad perpendicularare, altera ex vapore in aërem contiguū, & per aërem ad visum, quæ fit à perpendicularari.

Quinta: Halonis materia semper consistit intra lucidū corpus ad visum, cui forma Halonis offertur refractione luminis secundum perpendiculararem à centro lucidi corporis per centrum oculi demissam: & quanquam contrarium corporum, luminis, vaporis & visus in vna consistent recta linea, bases tamen pyramidis vtriusque non eandem vaporis superficiem occupant. Iridis materia Soli semper opposita, facit vt bases trium corporum coeant in eadem vaporis superficie, quæ visui obuersa est, non auersa, vt in halone, quemadmodum hæc iam satis sunt demonstrata.

VI. ACCIDENTIA, VEL CIRCUM- STANTIAE ARCUS.

Iridis ad-
iacentia.

PRIMUM est, Semper aduerso Sole conspicitur arcus, quia necesse est centrum oculi ad quod fit reflexio luminis seu lucis esse in eadem superficie luminis & nubis, sed oculus est in medio, quo lumen opponitur nubi roridæ, à qua fit reflexio radiorum ad centrum visus, alioqui enim radius tam efficaciter in nubem incidere nequiret, & per consequens reflexio luminis ad visum fieri non potest, nisi nubes rorida opponatur Soli, & visus sit in medio amborū.

SECUNDUM, quare halo non fit ex aduerso Solis vt iris sed tantum sub Sole, cum tamen eadem ratio refractionis in vtroque existat. Respondeo, quia in halone lumen perpendiculariter incidit, quæ consistit intra lucidum corpus & visum, in qua refractione luminis secundum perpendiculararem à centro luminis per centrum oculi demissam, & quanquam contrarium corporum, lucidi videlicet, vaporis & visus in vna consistent recta linea, bases tamen pyramidis vtriusque non eandem vaporis superficiem occupant, sed auersam à nobis, ideo lumen compareret imbecillius nec colo-

colorat, & quia nubes æquidistat à lumine, ideo illud æqualiter se in nubē diffundit, sed in medio faciliè transeunt, ibi enim sunt directi, circa latera verò æqualiter refrangitur. Vnde ibi comparet circulus, sicut supra cap. 29. clarè demonstratum est.

TERTIVM, quare halo non est diuerficolor vt iris, Respondet Aristoteles: ἡ γὰρ τῶν χρωμάτων συνιλία διαφέρει, ἢ μὴ γὰρ ὑπὸ ὕδατος καὶ μέλατος γίγνεται ἀνάκλασις καὶ ἀνέξωθιν, ἢ δ' ἐγγράδιον καὶ ὑπὸ αἰέρος λευκοτέρου πᾶσι φέσιν. Causa, primum est dissimilitudo vaporis, in iride est vapor roridus medius inter vaporem simplicem & densatum, coagmentatus ex rorantibus guttulis pluribus, ita vt propior sit aquæ quàm vapor. Vnde refractione fit diuerficolor, sicut supra de colorib. dictum est. Sed halonis materia est vapor contiguus leuiter condensatus, neq; in diuersas partes diuulsus, vnde & refractione est æquabilis & vniformis & eiusdem coloris non diuersorum & dissimilium, cumq; proximè talis vapor ad naturam aëris accedat, sequitur refractionem esse candidiorem.

QVARTVM, An etiam noctu conspiciatur iris, Plinius ait, nec noctu conspici, scilicet, tam crebro quàm in rerdiu. **SEQVITVR**: Quamuis Aristoteles prodat aliquando visum, quod tamen fatetur idem non nisi quartadecima Luna posse, hoc est, in plenilunio quando lumen efficacius refringitur propter radij robur. Aristoteles inquit: ἢ ὑπὸ τῆς σελήνης ἔσται φαίνεται λευκὸν πᾶμπαν. γίγνεται δὲ τούτο, ὅτι ἐκ τῆς ἑσφίρας ἔσται φαίνεται, &c.

QVINTVM, quo tempore anni creberrimè, & quo rarissimè fiant irides, scribit Plinius cum inquit, Fiant autem hyeme maximè ab æquinoctio autumnali die decresciente, quo rursus crescente ab æquinoctio verno non existunt, scilicet tam crebræ, nec circa solstitium longissimis diebus: bruma verò, hoc est, breuissimis diebus frequenter. Hæc Plinius de verbo descripsit ex Aristot. qui inquit: ὅτι δ' ἐν μὲν ταῖς ἐλάττοσιν ἡμέραις ταῖς μετ' ἰσημερινῆς μεσημεριῶν, ἐν δὲ γίνεται αὖ γίγνεται ἡσ, ἐν δὲ ταῖς μακροτέραις ἡμέραις ταῖς μετ' ἰσημερινῆς δ

ἑτέρας δὲ τὴν ἰσημερινὰν τὴν ἑτέραν δὲ μισσημερινὰν εὐὴ γίνησθαι, αὐτὴν ὅτι τὰ μὲν πρὸς ἄρκτον τρέματα πάντα μείζω ἡμικυκλίῳ καὶ ἐπὶ δὴ μείζω, τὸ δ' ἄρκτον, μικρόν, τὰ δὲ πρὸς μισσημερινὰν τρέματα τῷ ἰσημερινῷ, τὸ μὲν ἀπὸ τμήματος, μικρόν, τὸ δὲ ὑπὸ γλῶσσαν, μέγα, καὶ ἀπὸ δὲ τὰ πολλὰ ὅλῳ μείζω, &c. Aristoteles vult quod hyeme fiant Irides, primò, quia tunc est plus exhalationum quàm in æstate: tunc enim à calore Solis absorbuntur. Secundò, quia in hyeme Sol est humilior, non potest tam efficaçiter nubium materiam resolvere. Tertiò, quod circulorum sectiones, quæ ab æquinoctiali ad septentrionem vergere solent, omnes semicirculis maiores sunt & subinde semper maiores fiunt, e contra verò quæ ab eodem ad meridiem spectant, minores. Vide plura apud Aristotelem.

SEXTVM, cur sublimes Sole humili, hoc est, vicino horizonti, humilesq; sublimi, hoc est, Sole multum supra horizontem eleuato, hoc est, quia centrum Solis visus & Iridis semper in eadem recta linea existunt, sequitur de iride vel tantum semicirculum vel arcum semicirculo minorem extare supra horizontem, ergo Sole existente circa horizontem integer semicirculus comparer propter centrorum ex diametro oppositionem, sed Sole eleuato supra horizontem, centrum circuli deprimitur sub horizontem, ergo minus semicirculo conspicitur, & tanto minus, quanto centrum Solis altius supra horizontem eleuatur, vnde Sole existente in meridie minimi arcus comparent. Cur autem Plinius inquit, & minores occidente vel oriente, sed in latitudinem diffusi, meridie exiles, verùm ambitus maioris, intelligi ex Aristòtele potest, cuius sententiam hic descripsit, sed non satis commodè reddidit. hoc vult dicere Plinius: quantum ambitus circuli crescit, tantum arcus latitudo decrescit. Vnde occidente vel oriente Sole ambitus circuli est maximus, sed minor in latitudinem dilatatio. In meridie ambitus arcus est minimus, sed maior colorum dilatatio. Hæc sunt Aristotelis verba quæ vertit, καὶ διαστῆτες μὲν καὶ ἀνατολὰς τοῦ ἡλίου ἐλαχίστου μὲν κύκλου, μέγιστον δὲ ἡ ἀφ' ἑξ, αὐτοῦ δὲ μάλιστα, ἡ ἡμέρας

κύκλου μὴ μείζοντος, ἐλάττω δ' ἢ ἀΐδε: quibus verbis Aristoteles facit differentiam inter ἀΐδα καὶ κύκλον, arcum & circulum. Arcum siue ambitum vocat ἀΐδα, κύκλον vocat circuli quantitatem in latitudinem, sic in oriente vel occidente Sole existente arcus est maior, sed circulus minor, hoc est, minorum colorum in latitudinem dilatatio. Causa patet ex supra dictis.

S E P T I M V M, Queritur an recte Plinius dixerit, nec unquam plures simul quam duo, & quæ sit causa. Et hanc sententiam descripsit Plinius ex Aristotele, cum inquit: εὐδὲ δύοιν πλείον ἱερίτε γίνονται ἀμα. Et paulo post inquit: διπλὴ γὰρ καὶ ἀμαυρότερα τοῖς χρώμασιν ἢ περιέχουσα καὶ τῇ δόσει τὰς χεῖρας ἐξισότηας ἔχει κερδὲας διὰ τὸ αὐτὸ αἰτίαν. secunda quæ ambit & coloribus languidioribus & diuerso situ à priori. Aspectus enim longius procurrrens, id quod remotius est languidius videri: à superiori igitur Iride refractione imbecillior resultat: fit enim in loco remotiore. Vnde & colores sunt languidiores. Concludit aurem Aristoteles hunc locum cum inquit, ὅτις δ' εὐκρίτε γίνονται, εὐδὲ πλείοντες ἱερίτε, διὰ τὸ καὶ τὸ αὐτόθεν γίνεσθαι ἀμαυρότερα, ὥς καὶ τὸ αὐτὸ ὅτι τὸ ἀνέλασιν, πάλαν ἀδινὴ γίνεσθαι καὶ ἀδυνατεῖν ἀφανέως ὅτις τὸν ἥλιον. Quoties itaque duo arcus conspiciuntur, tum semper minor est repercussio, siue reflexio: maioris in nube vicina, in qua non aliter atque in speculo conspicitur. Nostra autem ætas sæpe simul vidit plures arcus mirabiliter intortos, de quibus hic non loquitur Plinius, nam inter ostenta & prodigia prædicti arcus collocari debent, non inter res naturales, de quibus hic loquitur Plinius.

O C T A V V M, Cur æstate per meridiem non cernatur, post autumnum verò æquinoctium quacunque hora. Hæc sententia etiā ex Aristotele descripta est, cum inquit, καὶ μὴ μὴ τὸ αὐτὸ μεταπαρῶν ἰσημερινὴν ἐν τῷ βραχυτέρῳ ἡμέρας, πάλαν ὅταν γίνονται τὰς ἡμέρας, ἐν δὲ τῷ βραχυτέρῳ εὐ γίνονται πάλαν μισσημερινῇ. Si aliqua causa Physica huius observationis existit, potissima ista est, quod in æstate, & præcipuè in meridie, à radijs caloribus valde intensis omnis nubium materia absumitur,
nulla

in illa itaque nube existente irides existere non possunt, sed post æquinoctium autumnale radio solati minus recto existente, & nubes & irides quacumque hora existere possunt.

N O N V M, in fine huius capituli inquit Plinius, Cætera eiusdem naturæ non multis dubia esse video. hæc sententia continet præcisionem huius disputationis de impressionibus, quæ in aëre conspiciuntur, quasi dicat, cæteræ impressiones & reliquæ tempestates, de quibus nondum dictum est, facile intelligi ex iam dictis possunt, ideo breuiter id quod superest percurram, & accedam ad explicationem naturæ terræ.

C A P V T L X.

De grandine, niue, pruina, nebula, rore.

GRandinem congelatio imbre gigni, & niuem eodem humore mollius coacto, pruina autem ex rore gelido. Per hyemem niues cadere non grandines, ipsasque grandines interdum sæpius quam noctu, & multo celerius resolui quam niues. Nebulas nec æstate nec maximo frigore existere. Rores neque gelu, neque ardoribus, neque ventis, nec nisi serena nocte. Gelando liquorem minui, solutaque glacie non eundem inueniri modum.

A P P E N D I X.

Aquosa
partes.

Grandinis, pluiæ, pruinæ, niuis, roris, & nubis eadem est materia, videlicet halitus seu vapor humidus, in mediam aëris regionem sui leuitate & calore Solis sublatus, ubi frigiditate loci densatus in nubem aquosam cogitur, quæ liquefacta soluitur in pluuiam, vel in ipso descensu guttarum congelatur, & vocatur grando. Si verò loci frigiditate nubes liquefacta non soluitur in pluuiam, sed priusquam in aquam transmutatur, inspissatur & concreuit, tunc fit nix. Vnde inquit Plinius, Grandinem congelatio imbre gigni,
vide-

videlicet in ipso guttarum descensu. Nivem verò scilicet gigni eodem humore, scilicet nubis liquefactæ: Mollius coactò, hoc est, leuiter concreto non in stillas nec guttas, sed in corpus lenius & rarius, tunc vocatur Nix. Pruina autem gignitur ex rore congelato à frigiditate exhalante ex terra, quemadmodum in fine huius capituli dicitur.

Plurimum autem vete & autumno grandines decidunt, cuius rei causam Aristoteles exponit, cum inquit: At cum hîc, mutua calidi & frigidi pugna ἀντιθέσταιν fieri videamus (ob quod ut æstuante tempore subterranea loca frigida sunt, ita gelante calida) hoc ipsum in supero quoque loco fieri putandum est. Proinde frigus tempore calidiusculo introrsum per ἀντιθέσταιν coactum, ob circumdantem calorem interdum celeriter aquam è nube facit: quocirca & multo maiores stillæ & aquæ impetuosiores æstuantibus diebus quàm hyberno tempore sunt. Hæc autem ἀντιθέσταιν fit, quando nubes in calidum locum peruenit. Cumque frigus adhuc magis in profundum coactum fuerit ab exteriori calore, tum aquam, quam principio expressit, illam postea congelari, emergitque grando.

Minus autem grando æstate, quàm vere & autumno fit, quod aer per æstatem sit aridior, verno autem tempore adhuc humidus, autumno iam rursus humescere incipiat. Item Seneca, Hyeme, inquit, aer riget, & ideo nondum in aquam vertitur, sed in nivem, cui aer propior est. Cum ver coepit, maior inclinatio temporis sequitur, & calidiore celo maiora sunt stillicidia. Ideo ut ait Virgilius: cum ruit imbriferum ver, vehementior est immutatio aeris vndique patefacti & soluentis se, ipso tempore adiuvante, &c. Item in alio loco scribit fuisse quosdam χαλαροφύλακας, hoc est, speculatores futuræ grandinis, hi cum signum dedissent adesse iam grandinem, tum homines ad penulas discurrabant.


Ros verò & pruina generantur in infima aeris regione, propterea quod euehens calor serat pondus maius quàm suis congruat viribus, itaque in altum locum illud euehere nequit.

gione aë-
ris, & quo-
modo ge-
nerentur.

quit. Proinde hic vapor concepto per noctem frigore rursum delabitur, & vocatur ros, quando in aquam fuerit solutus, qui si super gramina & res humentes ceciderit, guttatim colligitur: si verò super terram, tum à terra arida & sicca imbibitur, ita ut nulla ipsius vestigia remaneant. Prui- na verò vocatur, quando concrevit atq; congelatur. Fiant autem ambo non nisi serena nocte & à ventis silente, propterea quod nihil attollitur nisi cœlo sereno, neque ventis spirantibus consistere potest. Vnde fit quod pruina in montibus altioribus non gignitur. Aristoteles inquit: αἰθρίας καὶ πλυντρίας. οὗτοι γὰρ ἀναχθίσκονται μὴ οὐρανὸν αἰθρίας, οὗτοι σφαιρῶσαι δυνάμει τοῦ ἀέρος πρὸς τὴν γῆν.

Nebula
quid.

Nebula autem nihil aliud est, nisi nubis in aquam concretæ superfluitas, proinde serenos dies magis quàm pluuios portendit, quippe quæ veluti nubes infœcunda & exhausta semine existit. Quod verò ait nebulas nec æstate nec maximo frigore existere, in æstate enim nimium exiccatur aër, in hyeme verò pori terræ constringuntur, ut nihil exhalare possit. Eadem ratio roris est. Quod verò flantibus ventis non cadit ros, inde fit, quia venti exiccant & dispergunt materiam roris.



CAPVT LXI.

De Nubium imaginibus.

Varietates colorum figurarumq; in nubibus cerni, prout admixtus ignis superet aut vincatur.

APPENDIX.

Colores propriè gignuntur ex mixtione luminis cum corporib. valde aut parum transparentibus: nam lux non splendet sine colore; neq; rursus color sine luce, itaque necesse est vt vtriusq; fiat mixtura seu temperatura quædam: sed prout materia, in qua hæret color, est rara aut densa, aut aliquo alio modo affecta, ita diuersi colores producuntur. Sic etiam pro diuersitate materiæ nubes aliter atq; aliter colorantur à lumine Solis. Nam color nubium tantum est effectio lucis in nube non aliquid per se subsistens, vel vt alij loquuntur, nihil essentialè, sed tantum accidentalè.

Vtilis autem est hæc cognitio ad præsciendas tempestates, quæ vtplurimum nubium naturam sequuntur. Humidæ enim nubes humectant aërem, siccæ verò exiccant, idq; maximè quando ventorum natura congruit: quando enim nubes rarior & valde transparens fuerit, ex vapore videlicet subtiliore & parum condensato, tum radius luminis in illam incidens faciliè penetrat, incq; totum corpus æquabiliter diffunditur atq; spargitur, & velut albo colore illam pingit, propter hanc causam aliquando etiam albæ nebule conspiciuntur. Si verò nubes constringitur aut condensatur, quæ multum terrestrium fumorum habuerit, tunc quia lumen ipsam penetrare non potest, ideo nigro colore pingitur, idq; in sicco tantum vapore accidit, in aqueo autem etiam nigredo existit ex condensatione frigoris, propter quam radius ipsum subingredi non potest. Istæ etiam nubes ventorum materia existunt. Postea, secundum varios gradus raritatis & densitatis alij atq; alij colores miscentur.

Quomodo
gignantur
colores.

Tempesta-
tes indicā-
tur ex nu-
bium color
& colore.

Vt quando nubes continet humidum fumosum coniunctū cum exiguo terrestri adusto, tunc illustratā lumine apparet rubea, vel purpurea, & vocatur aurora vel crepusculum. Si verò fuerit nubes rorida atq; in guttulas dissoluta, tum varijs coloribus pingitur secundum umbrarum diuersam mixtionem, præsertim quando nubes superior per nubem subtilem-inferiorem atq; umbrösam conspicitur. Vnde ait in textu, Prout admixtus ignis aut vincatur, hoc est, prout lumen admixtum fuerit obscuris vaporibus, & superet, scilicet obscuritatem nubium, aut vincatur, scilicet à nubium obscuritate.

C A P V T L X I I.

De proprietatibus cœli in locis.

PRÆTEREA quasdam proprietates cœli quibusdam locis esse. Roscidas æstate Africæ noctes. In Italia Locris & in lacu Velino, nullo non die apparere arcus. Rhodi & Syracusis nunquam tanta nebula obduci, vt non aliqua hora Sol cernatur, qualia aptius suis referentur locis. Hæc sint dicta de aëre.

A P P E N D I X.

Robedinis
vespertine
& maturi-
ne causa.

Discendum etiam est ex hoc loco, quid fiat, quod mane & vesperi nubes alio colore conspiciantur quam in meridie. Mane & vesperi conspicitur lumen per vapores circa horizontem collectos, qui vtplurimum sunt crassiores. Vnde lumen purpurascit, in meridie verò magis flauescit, quia per vapores rariore & præstantia Solis subtiliatis conspicitur, quemadmodum etiam ignis comparet diuersis coloribus prout per diuersa media conspicitur, cum tamen sua natura sit lucidissimus & nullo colore imbutus. Sic etiam quando circa horizontem congregantur multi fumi atque exhalationes, quas Sol propter obliquum radiū absorbere nequit, lumen per illas conspectum apparet purpureum.

Cur

Cur autem nubes purpureæ, serenitatem vesperti significant, mane verò pluuias, causa est, quod vespertina rubedo magis est in nube siccata diurno æstu Solis, in quam radius incidens non penetrat, sed repercussus duplicatur; vel quia hi vapores sunt terræ vicini, & propter defectum caloris eleuari non possunt ad mediam regionem aëris; vnde frigore nocturno conuertuntur in rorem. Vel, quia aër ut plurimum, motum cœli raptum sequitur, vnde fortasse noctu existunt pluuiæ in altero hemisphærio, mane verò subsequitur serenitas perpurgato aëre pluuiæ nocturna, quam tamen nos in nostro hemisphærio non sensimus. Contrarium in rubedine matutina accidit. Mane verò subet nubes, quia est æquosa, quæ calore Solis eleuatur, ac faciliè in pluuiam dissoluitur, vnde ut plurimum matutina rubedo est prænuncia pluuiæ. Pontanus optimis versibus complexus est summam huius loci, cum inquit:

*Alba parum densa est, raroq; immixta vapore,
Quam Sol irrumpit radijs & ad intima tranat,
Nigra grauem trahit densa caligine fumum,
Non illam ut penetrent Nemeæ lumina Phæbi,
Puniceam multus subiit calor, occupat humor
Cæruleam, grauidamq; imbri, longeque madentem.*

Textus Plinij sic construendus est. Præterea, scilicet non video dubium esse, quasdam proprietates cœli, hoc est, non vniuersales, sed quibusdam tantum locis proprias, Vt quod in Africa sunt noctes roscidæ, id enim accidit singulari Deibeneficio, ut terra quæ pluuijs destituitur, alio diuino beneficio rigetur. Sic Aegyptus rigatur Nilo, alia loca aliter.

FINIS secundæ partis.

TERTIA PARS HVIVS LIBRI.

D E T E R R A.

CAPVT LXIII.

De natura Terræ.

SEquitur terra, cui vni rerum naturæ partium eximia propter merita, cognomen indidimus maternæ venerationis. Sic hominum illa, vt cœlum Dei, quæ nos nascentes excipit, natos alit, semelq; æditos sustinet semper: nouissimè complexa gremio iam à reliqua natura abdicatos, tum maximè vt mater operiens, nullo magis sacramento, quàm quo nos quoque sacros facit, etiam monumenta ac titulos gerens, nomenq; prorogans nostrum, & memoriam extendens contra breuitatem æui. Cuius numen vltimum iam nullis imprecamur irati graue, tanquam nesciamus hanc esse solam, quæ nunquam irascatur homini. Aquæ subeunt in imbres, rigescunt in grandines, tumescunt in fluctus, præcipitantur in torrentes: aër densatur nubibus, furit procellis: At hæc benigna, mitis, indulgens, vsusq; mortalium semper ancilla, quæ coacta generat? quæ sponte fundit? quos odores saporesq;? quos succos? quos tactus? quos colores? quàm bona fide creditum foenus reddit? quæ nostri causa alit?

alii, rati
graue.

Pestifera enim animantia, vitæ spiritui habente culpam, necesse est illi seminata excipere, & genita suslinere. Sed in malis generantium noxa est. Illa serpentem homine percusso non amplius recipit, poenasq; etiam inertium nomine exigit: illa medicas fundit herbas, & semper homini parturit. Quin & venena, nostri misertam instituisse credi potest, ne in
radio

tædio vitæ diræ famis mors, terræ meritis alienissima, lenta nos consumeret tabe, ne lacerum corpus abrupta dispergerent, ne laquei torqueret pœna præpostera, incluso spiritu, cui quæreretur exitus, ne in profundo quæsitâ morte, sepultura pabulo fieret, ne ferri cruciatus scinderet corpus. Ita est, miserta genuit id, cuius facilimo hauſtu, illibato corpore, & cum toto sanguine extingueremur, nullo labore, ^{aliâ, ridem} ^{tibus.} timentibus similes: qualiter defunctos, non volucris, non fera attingeret: terræq; seruarietur, qui sibiipsi perisset. Et ut verum fateamur, terra nobis malorū remedium genuit, nos illud vitæ fecimus venenum. Nos enim & ferro, quo carere non possumus, simili modo utimur. Nec tamen quereremur merito, etiâsi maleficij causa tulisset. Aduersus vnâ quippè naturæ partem ingrati sumus, quasi non ad delicias quasque; non ad contumelias seruiat homini. In maria iacitur, aut ut freta admittamus, eroditur aquis, ^{aliâ, elai-} ^{tur.} ferro, ligno, igne, lapide, fruge, omnibus cruciatur horis, multoq; plus ut delicijs, quàm ut alimentis famuletur nostris. Et tamen quæ summa patitur atq; extrema cute, tolerabilia videantur: Penetramus in viscera, auri argentiq; venas, & aris ac plumbi metalla fodientes, gemmas etiam & quosdam paruulos quærimus lapides, scrobibus in profundum actis. Viscera eius extrahimus, ut digito gestetur gemma quam petimus. Quot manus atteruntur, ut vnus niteat articulus? Si vlli essent inferi, iam profecto illos auaritiæ atq; luxuriæ cuniculi refodissent. Et miramur si eadem ad noxam genuit aliqua. Feræ enim credo custodiunt illam, arcentq; sacrilegas manus.

Nonne inter serpentes fodimus, & venas auri tractamus cum veneni radicibus? Placatiore tamen dea ob hoc utimur, quod omnes hi opulentiae exitus, ad scelera cadesq; & bella tendunt, quamq; sanguine nostro irrigamus, insepultis ossibus tegimus. Quibus tamen velut exprobrato furore tandem ipsa se obducit, & scelera quoque mortalium occultat. Inter crimina ingrati animi & hoc duxerim, quod naturam eius ignoramus.

APPENDIX.

Haecenus de igne ac aëre supremis elementis dictum est, sequuntur iam duo postrema ac infima, terra videlicet & aqua, quorum naturam, situm, ac reliqua accidentia in hac parte explicabit. Partitur autem hanc tractationem in duos praecipuos locos: in altero confert terrae descriptionem ad caelestes circulos, ex quibus longitudinum ac latitudinum rationem, gnōmonis ac vinbrarum diuersitatem, dissimilitudinem dierum ac noctium petendam esse docet. In altero verò enumerat locorum diuersitates, gentium discrimina, urbium, montium & fluuiorum situs, idq; facit in tertio, quarto, quinto & sexto libro.

Terrae
en-
cemium.

Hoc caput est Rhetoricum, de beneficijs & meritis terrae, & primum argumentum est à communi omnium hominum consensu, qui eam matrem vocant, propter materna erga homines beneficia: haec nascentes homines excipit, natos alit, &c. Nota est historia de Iunio Bruto, qui cum Tarquinijs Delphos profectus est, cum audisset oraculum denunciare imperium illi, qui primus osculum matri tulit, & cum ceteri domum properarent, ipse veluti si forte prolapsus cecidisset, terram osculo contigit, quod ea communis mater omnium mortalium esset. Et in Tragœdia, terra vocatur *ἡ δὲ ἀπάντων ἀρχὴ, ἀπάντων δὲ τῶν θεοφίη*. Multis hoc loco circumstantijs amplificat materna beneficia: cō-
memo-

memorat etiam eam nos mortuos & ab vniuersa natura abdicatos & reiectos ad sese recipere: nam aqua cadauera eijcit: sola terra in gremium suum recipit illa. Atq; hoc beneficium iterum amplificat cum inquit: nullo magis sacramento, hoc est, nulla maiore assecuratione sua beneficia erga nos exprimens, quàm quod nos quoq; sacros facit, hoc est, sacrosanctos & inuiolabiles reddit: nam violare sepulchra semper apud omnes sanos homines fuit magnum scelus. Etiam monumenta & titulos gerens, videlicet: structuras sepulchrorum, quæ apud veteres fuerunt magnificentissimæ. Similis locus est apud Xenophontem libro. 8. *ουδὲ γὰρ, in concione Cyri ad liberos, cum inquit: τὸ δὲ ἰμὲν σῶμα ὃ παύεις, ἵπας τελευτῆσαι, μὴτι ἐν γούρῳ θάπτῃ, μέτε δὲ ἀργύρῳ, ἀλλὰ τῇ γῇ ὡς τάχιστα ἀποδοῖ. τί γὰρ σῶμα μακαριώτατον τοῦ γῆ μηχλῆσαι, ἢ πάντα μὲν τὰ καλὰ, πάντα δὲ τὰ κακὰ φέει τῇ καὶ στέφει. ἔγωγε καὶ ἄλλας φιλῶντας ἐν γούρῳ, καὶ οὐκ ἔστιν ὅς μιν δακνὴ κατατίσῃ τοῦ ἐν γούρῳ ἄνθρωπος; &c.*

Aliud argumentum, quod continet amplificationem per collationem terræ cum reliquis elementis, quasi dicat, reliqua elementa multis incommodis aliquando affligunt nos homines, hæc sola nunquam homini irascitur, hoc est, semper est benefica, ideo ipsius numen vltimum, nam terra infimum seu vltimum locum tenet respectu reliquarum mundi partium. Hanc collationem exponit commemoratione nocuentorum reliquarum partium mundi: sola autem terra semper est benefica & indulgens, hoc est, facile ignoscit ijs, qui ipsius beneficijs abutuntur. Item, semper seruit nostris vlsibus; hoc est, necessitatibus. item, sponte fundit etiam sine cultura odores, vt flores & sapes, vt fructus: succos, vt vinum, olenum, balsamum, & reliquos medicatos succos: tactus, vt linum, sericum, & reliquam textorum materiam, quàm bona fide creditum scænus reddit? hoc est, excepta semina cum copioso scænore reddit, in alio loco decuplum, vigecuplum & trigecuplum, imò aliquando centuplum: quæ nostri causa alit? hoc est, quàm varias res gignit, sonet & nutrit?

Sequitur Occupatio, tamen terra gignit venena & animantia pestifera. Respondet ad hanc obiectionem primò per translationem: ipsa non est culpanda, sed aer viralis qui in meatibus terræ oclusus illa gignit. Et quia in malis generantium noxa & culpa est non excipientium, ideo terra est extra noxam, & hanc consutationē confirmat à signis. Primò, quia terra pœnas exigit nomine inertii, hoc est, hominū negligentii vindictam: secundò, quia medicas fundit herbas, h. e. quia gignit remedia contra venena, ergo non gignit venena ad perniciē. Secundò respondet ad obiectionem per concessionem, q. d. producit quidē terra venenatas herbas, sed id facit loco beneficii, vt sit nobis genus mortis facillimum. Enumerat autem sex genera mortis spontaneæ, ex quib. leuissima mors est ex assumpto veneno. Primum genus est perire fame, & hæc mors lenta tæbe consumit corpora, & est alienissima à terræ meritis: ipsa enim largè præbet & effundit omnes cibos. Secundum genus, præcipitia. Tertium, strangulatio siue voluntarium suspensum. Vocat autem pœnam præposteram, hoc est, contrariam suo fini: qui enim se vult occidere, hoc agit, vt excludat animam à corpore, sed strangulatione includit & cohercet eam, ne egredi possit. Quartum, submersio, ne in profundo, hoc est, in mari & alijs profundis aquis, sepultura pabulo fieret, scilicet in ventribus piscium deuorantium & discerpentiiu cadauera. Quintum, laceratio, quæ fit ferro. Sextum, venena, quæ natura genuit miserta nostri, vt ilibato corpore, hoc est, non saucio nec lacerato extinguemur similes ridentibus. Spasmus enim diducit maxillas, vt fiant similes ridentibus. Vt terræ seruarietur, qui sibipso perisset, hoc est, vt seipsum seruaret integrum sepulturæ, qui veneno se interfecit. Tertiò ad eandem de venenis obiectionem respondet per correctionem, imò terra gignit venena non ad necem, sed ad remedia. Quartò, per concessionem siue per anthypophorā respondet, etiam si quædam nocentia terra gignat, tamen propterea terra non re-

ctè vt

Et ut malefica culpatur, cum tot res salutes generi humano gignat. Imò nos ingrati erga terram sumus, qui pro his summis beneficijs summam ingratitudinem rependimus. Ennumerat autem tales aliquot inutiles & edificationes luxus tantum causa factas, quæ videntur esse contumelia terræ. Iacimus eam in mare, ut freta admittamus, hoc est, ut insulæ iungantur continenti. eroditur aquis, hoc est, effoditur, ut marina aqua quibusdam subterrageis ductibus piscinis inferatur. Ligno eroditur, videlicet impactione trabium altissimarum, ut sit in locis palustribus. igne, videlicet ad rupium duriciem molliendam. Lapide, scilicet fossione marmoris & aliorum saxorum. Fruge, hoc est, aratione. Scrobibus in profundum actis, hoc est, puteis & cuniculis actis. Et miramur, &c. Conclusio occupationis siue confutationis de venenis. In fine addit illustre *exemplum*, quod inter crimina ingrati etiam hoc recensetur, quod tam negligenter doctrinam de dimensione magnitudinis & ambitus locorum in longitudinem & latitudinem discimus.

CAPVT LXIII.

De forma terræ.

Est autem figura prima, de qua consensus iudicat. Orbem certè dicimus terræ, globumq; verticib. includi fatemur. Neq; enim absoluti orbis est forma, in tanta montium excelsitate, tanta camporum planicie: sed cuius amplexus, si capita linearum comprehendantur ambitu, figuram absoluti orbis efficiat, id quod rerum ipsa naturæ cogit ratio, non eisdem causis quas attulimus in cœlo. Namq; in illo cana in se conuexitas vergit, & cardini suo, hoc est, terræ vndiq; incumbit. Hæc ut solida atq; conferta, assurgit intumescenti similis, extraq; protenditur. Mundus in centrum vergit, at terra exit à centro, im-

Terra est
spherica.

Qualis sit
sphaera, &
quomodo
a mundi
sphaera dif-
ferat.

mensum

menſum eius globum in formam orbis aſſidua circa eam mundi volubilitate cogente.

A P P E N D I X.

Terram
eſſe ſphæ-
ricæ ſigu-
ræ.

PRIMA ſententia huius loci eſt, Terra eſt figuræ ſphæ-
ricæ.

Prima demonſtratio: Quia ſi eſſet alia figura, vmbra redderet eam in eclipſi Lunæ.

Secunda, Eadem eclipſis Lunæ cernitur diſſimilib. horis in oriente & occidente. Cónſeratur namq; tempus vnius eclipſis computatum in oriente, ad tempus eiſdem com-
putatum in occidente, reperitur orientale tempus maiòs occidentalì. Ergo necèſſe eſt Solem magis illo tempore diſtare à meridiano orientalium quàm occidentalium, cuius nulla alia poteſt aſſignari cauſa, uifi tumor terræ, qui alijs citius producit Solem, alijs tardius, &c.

Tertia, In omni ſuperficie conſideranda eſt & longitudo & latitudo. Longitudo terræ eſt ab oriente in occidentem. Latitudo verò per tranſuerſum. Terram autem eſſe rotundam ſecundum longitudinem, probatur, quia ſtellæ non eodem tempore neq; oriuntur neq; occidunt orientalibus & occidentalibus, ſed ſiſtis antè, iſtis verò deinde: Ergo habet tumorem ſecundum longitudinem, qui hanc apparentiarum diuerſitatem efficit. Secundum latum autem eſſe rotundam, patet ex diuerſa atq; diſſimili eleuatione ſtellæ polaris in diuerſis locis.

Quarta. Idem probant diuerſa ſpacia dierum & noctium in alijs atque alijs locis. Nam ſi terra eſſet plana, ſimul inciperent ac deſinerent dies omnibus vbic; conſtat autem citius Orientalibus exoriri diem & tardius Occidentalibus. Item, ſpacia dierum in æſtate eſſe longiora ijs, quæ ſeptentrionales plagas inhabitant, quàm qui meridianas, &c. Ergo necèſſe eſt terram eſſe rotundam.

(Neq; enim abſoluti orbis eſt forma, &c.)

Expo-

Exponit sphaeræ circumstantiam, qualis videlicet sit hæc sphaera, & quomodo à sphaera mundi differat. Non est, inquit, forma absoluti orbis, propter montium excelsitatem, vallium profunditatem, & camporum planiciem, quæ inæqualem quidē superficiem constituunt, utpote alijs partib. eminentibus, alijs depressioribus existentibus, tamen talis superficies, quæ comprehenditur ambitu linearū ex medio puncto seu centro eductatum, quatum quidem linearum extremus seu marginalis ambitus figurā absoluti orbis efficit. Vnde, inquit, si capita linearum, h. e. summities linearū eductarum ex centro terræ in superficiem incluseris, tunc fit figura orbis absoluti. Sed quia terra ex centro exit, ac versus hunc ambitum undique affurgit, non tamen illum omnib. suis partib. contingit, propter eminentiam ac excelsitatem montium, non potest absolutum ac velut torno perfectū orbem efficere, propter illam inæqualem eminentiam partium ipsius à centro. Hanc sententiam exponit Plinius collatione cum cæli figura, illud quidem perfectè sphaericū existit, quia caua conuexitas in se vergit, hoc est, rotunditas insitit sibi undique: partes enim undique in se vergunt, ac seipsas sustinent. Terra verò, quia affurgit solida, plena & nō vacua, non excavata ut cælū, illa perfectione non opus habet, sed in orbē cogitur assidua circumagitatione mundi circa eam, cuius motus ipsa centrū existit. Hæc est planissima sententia huius capitis, & non negat Plinius formam terræ esse sphaericam, sed addit aliquam correctionē, ut intelligatur qualis sit sphaera, nō videlicet torno exactè fabrefacta ac lenigata, sed quæ alicubi habeat eminentias propter montes, qui ut ossa in animalibus molem corporis gestaht, ita montes terram continent, ne in sese corruat aut dehiscat. Infra cap. 86. & initio libri 36. copiosius de hac re dicitur.

CAPVT LXV.

De Antipodibus an sint, & aquæ rotunditate.

Ingens

Antipodes.

Ingens hic pugna literarum, contraq; vulgi, circumfundi terræ vndiq; homines, conuersisq; inter se pedibus stare, & cunctis similem esse cœli verticem, simili modo ex quacunq; parte mediam calcari: illo quærente cur non decident contra siti, tanquā non & ratio præsto sit, vt nos non decidere mirentur illi. Interuenit sententia: quamuis indocili probabilis turbæ, inæquali globo, etsi sit figura pinæ nucis, nihilominus terram vndiq; incoli.

Situs terræ quomodo in medio vniuersi sit in aëre pendeat.

Sed quid hoc refert, alio miraculo exoriente? pendere ipsam ac non cadere nobiscum, cœu spiritus vis mundo præsertim inclusi, dubia sit: aut possit cadere, natura repugnante, & quò cadat negante. Nam sicut ignium sedes non est nisi in ignibus, aquarum nisi in aquis, spiritus nisi in spiritu, ita terræ arcentibus cunctis, nisi in se locus non est.

Forma terræ.

Globum tamen effici mirum est, in tanta planicie maris camporumq;. Cui sententiæ adest Dicæarchus vir inprimis eruditus, regum cura permensus montes, ex quib. altissimū prodidit Pelion *M. CCL. pass.* ratione perpendiculi, nullam esse eam portionem vniuersæ rotunditatis colligens. Mihi incerta hæc videtur coniectatio, haud ignaro quosdam alpium vertices, longo tractu, nec breuiore *l. milibus* passuum assurgere.

Aquarum forma.

Sed vulgo maxima hæc pugna est, si coactam in verticem aquarum quoq; figuram credere cogatur. Atqui non aliud in rerum natura aspectu manifestus. Namq; & dependentes vbiq; guttæ paruis globantur orbibus: & pulueri illatæ frondiumq; lanugini impositæ, absoluta rotunditate cernuntur. Et in

pocu-

poculis repletis media maximè tument. Quæ propter subtilitatem humoris, molliciamq; in se residentem, ratione facilius quàm visu deprehenduntur. Idq; etiam magis mirum, in poculis repletis, addito humore minimo circumfluere quod superfit: contra euenire ponderibus additis ad videnos sæpe denarios, scilicet quia intus recepta liquorem in verticem attollant, at cumulo eminente infusa dilabantur. Eadem est causa, propter quam è nauibus terra non cernatur, è nauium malis conspicua: ac procul recedente nauigio, si quid quod fulgeat religetur in mali cacumine, paulatim descendere videatur, & postremo occultetur. Deniq; oceanus, quem fate-mur vltimum, quanam alia figura cohæreret atque non decideret, nullo vltra margine includente?

Ipsam id ad miraculum redit, quonam modo, etiam si globetur, extremum non decidat mare. Contra quod, vt sint plana maria, & qua videntur figura, non posse id accidere, magno suo gaudio magna; gloria inuectores Græci subtilitate Geometrica docent. Namq; cū è sublimi in inferiora aquæ ferantur, & sit hæc natura earum concessa, nec quisquam dubitet in littore vilo accessisse eas, quò longissimè deuexitas passa sit, procul dubio apparere, quo quid humilior sit, propius centro esse terræ, omnesq; lineas, quæ emittantur ex eo ad proximas aquas, breuiores fieri, quàm quæ ad extremum mare à primis aquis. Ergo totas, omniq; ex parte aquas vergere in centrum: ideoq; non decidere, quoniam in interiora nitantur.

Cur aqua
& extre-
ma maria
non deci-
dant, cum
tamen nul-
lo vltorio-
re margi-
ne inclu-
dantur.

Quod ita formasse artifex natura credi debet: vt
cum

Cur circumsuuant orbem.

cum terra arida & sicca constare per se ac sine humore non possit, nec rursus stare aqua nisi sustinente terra, mutuo implexu iungerentur: hac sinus pandente, illa verò permeante totam, intra, extra, supra, venis vt vinculis discurrentibus, atq; etiam in summis iugis erumpente: quo spiritu acta, & terræ pondere expressa, siphonū modo emicat: tantumq; à periculo decidendi abest, vt in summa quæq; & altissima exiliat. Qua ratione manifestū est, quare tot fluminum quotidiano accessu maria non crescant.

A P P E N D I X.

Antipodes an sint.

Si terra est sphærica, statim quæritur, an etiam sint Antipodes, hoc est, homines qui pedes suos nostris pedib. ex diametro obuertos habent. At si sunt, mirum est quomodo ambulent & non decident. Hæc quæstio de Antipodib. à multis prolixè est agitata, sed quia facilis & expedita est responsio homini mediocriter in harum artium elementis exercitato, breuiter huius loci sententiam exponam. Si terra est sphærica, quemadmodum superiori capite probatum est, necessario sequitur esse Antipodes. Quod autem non decident, causa est, quia omne graue naturaliter tendit deorsum. Si autem deciderent, caderent sursum, hoc est, versus cælum. Hæ enim positionum differentiz non sunt respectu nostri considerandæ, sed respectu cæli. In quacunque enim parte terræ aliquis existit, illic cælum est sursum, & terra deorsum, cuncti enim homines habent supra se cælum sinili altitudine, etiam hemisphærij quantitas eadem est. Vnde Plinius rectè dicit, illos mirari nos non decidere.

Quæ autem terræ loca Antipodes inhabitent, facile intelligi potest ex circumscriptione meridianorum & paralelorum in sphæra. Illi enim dicuntur Antipodes, qui & eundem meridianum & horizontem, sed diuersos paralelos, æqualiter tamen ab æquatore remotos, habent, ac distant inter

inter se 180. gradibus maximi in cœlo circuli, atque hoc modo Hispani habent Indos Antipodes. His quod ad partes anni, rationem dierum, ortum & occasum siderum & similium accidentium attinet, nihil est commune, sed omnia contraria propter situm contrarium.

Antæci dicuntur, qui in diuersis & è regione positis zonis, sub eodem meridiano, sed diuersis paralelis, æqualiter tamen ab æquatore remotis, habitant: His augentur dies noctesq; permutatis vicibus, hoc est, cum hi qui ad Meridiem habitant diem longissimam habent, alteri qui ad Septentrionem degunt, diem habent breuissimam, &c.

Periæci dicuntur, qui in eadem zona habitabili sub eodem paralelo & Meridiano habitant, his omnia sunt communia, nisi quod spacia dierum & noctium permutantur. Cum enim his Sol oritur, alijs occidit, & e contra, &c.

Cur autem singula terræ loca non habeant suos Antipodes, causa est, quia maior pars terræ est aquis operta, ita ut ab hominibus habitari non possit: & quia longitudo terræ nusquam nisi in limitibus spacio dimidiæ sphaeræ excurrit, unde etiam tantum illi qui in limitib. habitant, hoc est, in extrema Hispania vel India, suos habent Antipodes. Quod autem inquit: Interuenisse sententiam, terram inæquali globo habitari, hoc est, quia terra inæqualiter extra aquas eminet, queritur quæ sit forma partis eminentis seu extantis extra aquas: & ut plurimum respondetur esse formam nucis pinæ, hoc est, longiorem quàm latiore existere, quemadmodum proximo cap. copiosius exponemus.

S E C V N D V S locus est de terræ situ, de quo supra cap. 5. dictum est. Si enim queritur, si sunt Antipodes, quare non decidunt? quare non magis queritur, cur vniuersa terra non decidat, cum tamen & ipsa in aëre suspensa pendeat? Supra respondit, fieri hoc propter nexum contrariarum qualitatum in elementis, hic verò ait, quod natura repugnet huic casui, neq; aliquis locus in vniuersa natura præterea existat, in quem inclinare possit. Vix enim

c spiritus

spiritus mundo inclusi non est dubia, hoc est, non ignota: nam aer sua natura levis est & sursum euolat, cumq; terra undique aëre circumdetur, necesse est vi & impetu aëris circumdantis eam conineri in medio immobilem, nam natura repugnat, posse terram cadere: naturalis enim motus grauium est deorsum, neque habent alium locum in quem cadant, terra autem omnium elementorum tenet infimum locum: ergo nō est alius locus in quem cadere possit. Præterea cum singulorum elementorum certa ac peculiaria loca à natura sint attributa, in quibus naturaliter subsistunt atq; quiescunt, ita ignium sedes est in ignibus, hoc est, partes eius appetunt locum totius ignis, sic terræ in ipsa terra, hoc est, vbicunque terra extiterit extra medium vniuersi, velut extra suum locum naturalem, non quiescit, donec rursus suam sedem contigerit naturalem ac propriam, & per consequens, cum reliqua cuncta elementa in suis sedib. maneat, neq; terram irrumpentem admittant, necesse est terram quoq; in se, velut in suo loco naturali, hære atque quiescere.

TERTIVS locus est forma terræ, quem quia supra exposuit, hic non explicat, sed tantum respondet ad objectionem vulgarem, quomodo potest esse sphærica in tanta planicie maris & camporum, & tanta altitudine montium? Respondet breuiter, cuncta hæc nullam efficere diuersitatem, propterea quod nullam proportionem habeant ad vniuersam rotunditatem, hoc est, ad sphæram terræ. Præscidit tamen & hunc locum dubitatione, cum inquit, Mihi incerta hæc videtur coniectatio de mensuratione montium à Dicæarcho facta.

QVARTVS locus est de aquarum forma, quas etiam probat esse sphæricas. Recitabimus primū probationes Plinij, deinde si quid obscuri est in textu interpretabimur.

PRIMUM argumentum. Partes sequuntur naturam totius: Guttulæ semper cadunt in orbem: ergo tota aqua est sphærica.

Aquam esse
se sphæricam.

SECUNDVM, ab experientia. Aqua infusa pocalis in medio semper tumet, nihil tamen immoto poculo delabitur, ergo sua natura aqua quam proximè ad figuram sphericam accedit. Confirmat idem argumentum à signo. Si enim pondus ad vicos sæpe denarios in vas aqua plenum iniectum fuerit, leuat tantum aquam illam, non effundit, ergo aqua sua natura in tumorem assurgit. Quod ait in textu, contra euenire, hoc est, non exundare & nihil circumfluere ponderibus additis ad vicos sæpe denarios, & addit causam, quia intus recepta, hoc est, quæ recipiuntur in fundo poculi paulatim, & non vno impetu, illa liquorem in verticem attollunt: at infusa, hoc est, liquida addita dilabuntur, hoc est, defluunt, quia non possunt aquam in poculo repleto attollere, itaq; defluit id quod redundat.


TERTIVM ab experientia. Turres aut signa in littribus collocata è nauium carina non cernuntur, sed tantum ex nauium malis: Ergo aqua habet tumorem qui prohibet radium visuum ex navi in littus recta linea excurrere, non potest aurem illum ipsum ex malo excludere, propter altitudinem superantem aut æquantem tumorem aquæ.

QUARTVM est demonstratio ex definitione spheræ sumpta: Sphæra est corpus vnica superficie contentum, à cuius medio lineæ ad eius superficiemeductæ sunt æquales. Aquæ corpus cohæret vna superficie vndiq; à centro æqualiter distans: ergo aqua est spherica. Minor probatur, alioqui enim delaberetur atq; diffunderet nullo ultra margine includente ipsam.

QUINTVM continet demonstrationem Geometricam, aquam esse rotundam, ex qua deinde respondet ad quæstionem, cur mare non decidat, cum tamen alieno termino non claudatur: Idq; respondet fieri, propterea quod figura circularis ex omni parte in centrum vergat, atque in interiora nitatur, ipsaq; se sustineat, nec egeat vllis fulcris aut vllis sustentaculis. Sed prius sententiam verborum textus exponam, deinde demonstrationes addam.

Propositio est: Oceanns nulla alia figura coherere posset nisi globosa, præsertim nullo vltiore margine includente ipsum, hoc est, nullo alio termino ipsum includente. Statim infert absurdum, quod ex hac propositione sequi videtur, etiamsi mare sit figuræ sphericæ, quæ sit quod extremum non decidit mare? Respondet, hanc quæstionem arte geometrica explicandam esse, & ad hanc demonstrationem assumit duas hypotheses. Prima, Aqua sua natura ex locis altioribus fluit in loca decliuora, donec ea exæquet, & æqualem cum prioribus distantiam efficiat. Secunda, Loca centro viciniora, humiliora & decliuora sunt, quàm illa quæ à centro remotiora sunt.

His præmissis, si aduersarius non concedet aquam esse sphericam, sit plana, vt linea A B, & centro C, interuallo verò C A, vel C B, describatur circulus A B D, & connectantur puncta C A, & C B, & à puncto C in lineam A B per 12. primi Euclidis perpendicularis ducatur C E, quæ producaturs usque in punctum F. Constituentur igitur duo triangula A C E, & E C B æqualia, & angulos ad E vtriusque habentia rectos. Quoniam igitur anguli vtriusque trianguli ad C, vel A & B, seorsum sumti, minores sunt angulis ad E. Igitur per 19. primi Euclidis latera A C, & C B, quæ maioribus angulis subrenduntur, maxima sunt, & per 11. hypothesin maior est distantia punctorum A & B à centro C, quàm puncti E. Quare si aqua plana est, contra naturam in loco altiore manebit, nec in locum decliuorem fluit, quod est contra primam hypothesin. Sed non manet, verum fluit ex locis A & B altioribus in locum humiliorem E, tam diu, donec & illum æqualiter à centro attollat. Quare per circuli definitionem aquæ superficies spherica est.



Ean-

Eandem demonstrationem recitat Plinius *ij*dem pro-
pemodum verbis, nisi quod lineas & literas, quæ in scholis
adhibentur, ut rem efficiant faciliorem, omittit. Primò
enim ponit hypothesen, quarum prima est: Namq; cum
è sublimi in inferiora aquæ ferantur, & sit hæc natu-
ra earum concessa, scilicet propter gravitatem ipsi-
us, nec quisquam dubitet in littore vllò accessisse
eas, quo longissimè deuexitas passa sit:) Hoc est,
manifesta experientia cogit nos concedere & fateri, aquam
fluere è locis altioribus in loca humiliora & decliuiora, &
quidem eò vsq; quousq; deuexitas, id est, decliuitas patitur,
hoc est, donec circumferentia extrema à centro æqualiter
recedit. Secunda. (Proculdubio apparere, quo quid
humilius sit, propius esse centro terræ, omnesq; li-
neas, quæ emittantur ex eo, ad proximas aquas,
scilicet centro terræ, breuiores fieri, quàm quæ ad
extremum mare à primis aquis:) Id est, locus humili-
or est, qui centro terræ vicinior est, altior verò, qui ab
eodem centro est remotior, quare & lineæ ex eodem cen-
tro, ad aquas proximas, hoc est, centro vicinissimas ductæ,
erunt breuiores, quàm lineæ quæ ab eodem centro ad ex-
tremum mare, hoc est, ad aquam deuexitati proximam
ducuntur: hic enim locus à centro longissimè remouetur.
Deinde ad has hypothesen infert conclusionem: (Ergo
totas omniq; ex parte aquas vergere in centrum.)
Quicquid enim sequitur ad consequens bonæ consequen-
tiæ, sequitur & ad antecedens. Ad priores enim hypothesen
sequitur, Ergo aqua tandem fluere in locum decliuio-
rem, donec & illum ad prioris altitudinem attollar: Quod cum
verum sit, per consequens sequitur, circumferentiam aquæ
esse sphericam per definitionem circuli: plures enim lineæ
ab eodem centro ad eandem aquæ circumferentiam æqua-
les ducuntur. Ac utitur Plinius hoc syllogismo: Aqua ex


locis altioribus semper fluit in loca decliuiora, donec & illa ad eandem altitudinem attollat. Locus centro vicinus est humilimus: Ergo aqua semper fluit ad eum, donec & ipsum æqualiter à centro attollat, & per consequens superficies aquæ est sphaerica, siquidem vndique æqualiter à centro recedit.

S E Q U I T U R : (Ideoq; non decidere, quoniam in interiora, hoc est, ad centrum nitantur.) Corelarium est, quod ad priorem conclusionem sequitur, quo respondet ad quaestionem supra ppositam, Quare maria non decident. Cum enim iam demonstratum sit aquam esse rotundam, cuius figuræ partes in seipsas vergunt, & in interiora, hoc est, ad centrum nituntur, impossibile est eas decidere posse: alioqui enim nec in se vergerent, nec ad centrum niterentur, nec aquarum sedes propria esset in aquis, aut ignium sedes, nisi in ignibus. Atq; hanc esse huius loci Plinij sententiam, testantur partim Aristoteles libro 2. de mundo, partim Theon commentator Ptolemæi, ex quo Plinium hanc demonstrationem descripsisse existimo, cuius verba ascribebam, ut adolescentes ipsi videant, quomodo Plinij verba ad Aristotelis & Theonis demonstrationem, quæ eadem ferè est, conueniant. Extant autem in primo lib. comment.

Theonis
demonstra-
tio rotun-
ditatis a-
quæ.

in Ptolemæum: *ὅτι τῶς τῷ ὕδατος κυρτότητος ἀπὸδειξις τῷ Θεῶνι
καὶ φυσικώτερον δὲ ἀποδείβοντις, μαθηματικώτερον διέξοδον, ὅτι παντὶς
ὑδατος ἡμικύκλιος ἢ ἀσφαλείως σφαιρικὰ ἀπόκειται ἀπὸ τοῦ κέντρου. φέροι
ἔχει τὸ
ὑδὸς ἀπὸ τῶν ὑψιτέρων ἐπὶ τὰ χρομαλωτέρα συζῆτιν. ὑψιτέρων δὲ λέ-
γεται τὰ ἀπώτερον τῷ κέντρῳ ἢ τῆς, χρομαλωτέρα δὲ τὰ πλησιέστερα. ἔστω
οὖν ἀπὸ τοῦ κέντρου τῷ ὕδατος ἀσφαλείως ἀπὸ τοῦ κέντρου, καὶ ἀπὸ τῶν κέντρου ἢ
τῆς ἴσον τῷ κ, ἐπ' αὐτῷ κἀθίεται ἀγνώστῳ, ποιοῦν ἐν τῇ ἢ διατάξει
ἀσφαλείως οὐκ αἰτίας τῇ α β γ, πλὴν κ'β, καὶ ἐπὶ τοῦ κέντρου τῷ κ, καὶ μέγιστον
ἴσονται τῆς κ β, καὶ ἐκείθεν ἀρα τ. α γ σημείων, ἀπώτερον ἔσται τοῦ
κ κέντρου ἢ τῆς, ἔτι τὸ β. ὡς ὑψιτέρων ἔσται τὰ α γ σημεία, τῷ β.
συζῆτιςται ἀρα τὸ ὕδωρ ἀπὸ τῶν α γ σημείων ἐπὶ τὸ β κυλιέσθαι, μέχρι
τελευτή. ἔστω ἄν καὶ τὸ β ἀναπληρούμενον ἴσων ἀπὸ τοῦ κ, ἐκείθεν ἢ
α γ, καὶ ἴσων τὰ ἐπὶ τῆς ἀσφαλείως τῷ ὕδατος σημεία τοῦ κ ἴσων ἀφί-
ξις, καὶ δίδον, ὡς αὐτὸ γινέσθαι σφαιρικὰ.*

In fine huius capituli exponit causas, cur aquæ circumfluant terram: prima, quia, inquit, terra constare non posset, sed dissolueretur atque diffunderetur, nisi humore iungeretur & veluti glutine vinciretur. Secunda, aqua non posset stare, sed diffunderetur nisi terra sustinente, hoc est, terminante & impediante eius manationem. Tertia, aqua non tantum circumfluit & ambit terram, sed vniuersam permeat intra & extra: nam aquæ per vniuersam terram certis quibusdam ductibus & subterraneis meatibus. Vnde & spiritu & pondere pressa emicat siphonum modo, hoc est, ex fistulis rursus erumpit & prodit, atque sæpe in altissimis montibus exiit. Vnde fit quod maria tot fluminum accessu non crescunt, quia per canales tanquam siphones rursus ad scaturigines fluminum & fontium feruntur.



CAPVT LXVI.

Quomodo aqua sit terræ innexa.

EST igitur in toto suo globo tellus medio ambitu præcincta circumfluio mari. Nec argumentis hoc inuestigandum, sed iam experimentis cognitum.

APPENDIX.

Obijci potest, Si aqua est sphærica, necesse est eam circumfluere atque tegere vniuersam terrā, quemadmodū aër vndiquaque illam ambit. Respondet Plinius, mediam tantum terram mari præcinctam esse, reliquum verò dimidiū eminare extra vndas velut pila aut globus aquis innatans.

Eadem est sententia Strabonis lib. 1. vbi dicit, terram ab aqua vndique circundari, sic enim inquit: Quod autem

De forma
terræ ex-
tantis ex-
tra aquas.

habitabilis terra sit insula, primum à sensu atq; experientia capiendum est. Nam quocunq; accedere mortalibus ad terræ nonissima possibile factum est, mare obuenit, quod Oceanū appellamus. Vbi verò sensu percipere non obtigit, ratio ipsa demonstrat. Atq; sententia verborum Plinij est, globus terræ medio ambitu præcinctus circumfluo mari, hoc est, dimidiam superficiem terreni globi aqua occupat, atq; ita terra extra aquas eminet velut pila aut pomū aquis innatans, sic tamen est connexa aquis, vt pars eminens vnā cum circumfluis globum absoluat.

Ptolemæus simpliciter ait, terram vnā cum vndis circumfluis globum constituere, illamq; eminere extra aquas velut cespitem aliquem ex palude, & vnā cum vndis inflecti & in globi speciem inclinari. Strabo lib. 3. idem sentit, cum inquit: *ἡ γῆ, σὺν τῇ θαλάττῃ μίας, καὶ τὰς αὐτὰς ἀνθρώποις ἔχουσα τῆς πελάγους.* Item Viétruius libro 9. terram scribit in medio locatam, & vnā cum mari in centri loco naturaliter collocatam esse. Ex his intelligi potest, quid senserint homines eruditi de hac controuersia. Prior sententia Plinij de aquarū rotunditate, & quare aquæ non decident, firmissimas demonstrationes habet. Posterior verò istius rei nullam habet demonstrationem, sed tantum miraculo diuinoid ait factum esse, vt quædam partes terræ educerentur extra aquas pro commoda animalium habitatione. Quæ autem sit forma terræ eminentis extra aquas non satis constat, propter mare quod illam in diuersis partibus intetlabitur, ac in varias partes velut frustra diuellit. Ptolemæus tetram ait cognitam esse in longitudinem ad $177\frac{1}{2}$ grad. ita vt hoc spacio non sit intercepta seu disrupta pelago, sed solida ac sibi cohærens. In latitudinem verò ait multo minorem esse, videlicet tantum spacio 79. graduum. Eadem ferè est sententia apud Strabonem & Aristotelem in libellō de mundo.

CAPVT LXVII.

De

De navigatione maris & fluminum.

AGadibus columnisq; Herculis & Galliarum circuitu, totus hodie navigatur occidens. Septentrionalis verò oceanus, maiore ex parte navigatus est, auspicijs diui Augusti Germaniam classe circumuecta ad Cimbrorum promontorium, & inde immenso mari prospecto, aut fama cognito, ad Scythicam plagam, & humore nimio rigentia. Propter quod minime verisimile est illic maria deficere, ubi vis humoris superet. Iuxta verò ab ortu ex Indico mari, sub eodem sidere pars tota vergens in Caspium mare, pernavigata est Macedonum armis, Seleuco atq; Antiocho regnantibus, qui & Seleucida atq; Antiochida ab ipsis appellari voluere. Circa Caspii quoq; multa oceani littora explorata, paruoq; breuius quàm totus hinc aut illinc septentrio eremigatus. Ut tamen coniecturæ locum sic quoq; non relinquat, ingens argumentum paludis Mæoticæ, siue ea illius oceani sinus est, ut multos aduerto credidisse, siue angusto discreti situ restagnatio.

Alio latere Gadium, ab eodem occidente, magna pars meridiani sinus ambitu Mauritanix navigatur hodie. Maiorem quidem eius partem, & orientis, victoriæ Magni Alexandri lustrauere, vsque in Arabicum sinum. In quo res gerente C. Cæsare Augusti filio, signa nauium ex Hispaniensibus naufragijs feruntur agnita. Et Hanno Carthaginis potentia florente, circumuectus à Gadibus ad finem Arabiæ, navigationem eam prodidit scripto: sicut ad extera Europæ noscenda missus eodem tempore Himilco.

Expositio
præceden-
tis capitis
à partibus
terre sum-
ta.
Alii legunt
Hispania-
rum.

Præterea Nepos Cornelius autor est, Eudoxū quendam sua ætate, cum Lathyrum regem fugeret, Arabico sinu egressum, Gades vsq; peruectum: multoq; ante eum Cælius Antipater, vidisse se qui nauigasset ex Hispania in Aethiopiam commercij gratia. Idem Nepos de septentrionali circuitu tradit, Q. Metello Celeri, C. Afranij in consulatu collegæ, sed tum Galliæ proconsuli, Indos à rege Sueuorum donatos, qui ex India commercij causa nauigantes, tempestatibus essent in Germaniam abrepti. Sic maria circumfusa vndiq; diuiduo globo, partem orbis auferunt nobis: nec inde huc, nec hinc illò peruio tractu. Quæ contemplatio apta detegendæ mortalium vanitati, poscere videtur, vt totum hoc quicquid est, in quo singulis nihil satis est, ceu subiectum oculis, quantum sit, ostendam.

A P P E N D I X.

Hoc caput est historicum, & continet expositionem propositionis præcedentis capitis, videlicet tellurem medio ambitu præcinctam esse mari circumfluo. Exponit autem eam enumeratione partium vniuersæ terræ. Totus occidentis mari alluitur, id quod constat ex creberrimis nauigationibus Gallicarum atq; Hispanicarum Gentium. Septentrio Augusti primum temporibus cognitus est: non enim exterarum Gentium crebræ nauigationes fuerunt in hoc mari, propter asperitatem hominum, locorum & maris. Hodie verò litus Septentrionale celebre est nauigationib. Vocat hîc Cimbrorum promontorium totam Cherronesum Cimbricam, quam hodie Holsatienses & Dani tenent. Quod autem ait Plinius, Minimè verisimile est illic maria deficere, vbi vis humoris superet, hoc est, vbi ingens aquarum materia & propter loci naturam & frigora abundat.

Rectè

Rectè colligit Plinius : Nam Oceanus ad Boream longè est maximus , atq; his nostris temporibus bene cognitus. Ego aliquoties audui ex nautis peritissimis , qui in isto littore & nati & plurimum versati sunt , se nondum scire limites seu terminos huius maris versus Boream , sed omnino se credere ipsum circuire vniuersum mundum. Accolunt autem illud plurimæ & potentissimæ gentes , vt sunt Dani , Sueci , Norduegij , Gothi , Fiulandi , Prutheni & Rutheni , & ferè sub ipso polo arctico Lapones. Cur autem in his locis tanta vis humoris superet , causa est , continuum & perpetuū frigus horum locorum , quod aërem cogit ac condensat , ac continuo in aquam resoluit. Cum enim aër non perpurgetur radijs solaribus , propter radiorum debilitatem , nam valde obliquè ad hæc loca feruntur , ideo necesse est illum perpetuò caliginosum ac tenebricosum existere , qui vberimum pabulum deinde aquis præbet. Albertus Magnus in libello de natura loci cap. 8. pulcherrimam rationem assignat , cur loca septentrionalia sint inhabitabilia , quia , inquit , experimentatores nauigantes partes Oceani aquilonaris , narrant in his locis esse perpetuas tenebras , quas quando vident , fugiunt , existimantes se vltius nauigare non posse , eò quod propter caliginem nebulae spissæ , quæ ibi est , dirigere cursum nequeunt. Itaq; natura horum locorum nobis non satis certa esse potest , quia nemo istuc venit , tantum hoc scimus , quod frigus extremum dominetur ibidem : & quia frigus excellens est mortificatiua qualitas , conijcimus ibi pauca vel nulla viuere animalia , &c.

Pars autem Oceani septentrionalis ad latus orientale est cognita nauigationibus Macedonum , regnantibus in Syria Seleuco atque Antiocho , de quibus nauigationibus requirant studiosi locos infra apud Plinium & Strabonem. Itaq; paruo breuius , id est , paulò breuius totus Septentrio hinc aut illinc , id est , versus occasum & ortum est eremigatus. Præterea litus septentrionale quoq; cognitum est ostijs Mæoticæ paludis , quæ vel est sinus huius maris septentrionalis ,

nalis, vel certè est angusto discreti situ restagnatio, hoc est, restagnatio ex Oceano, qui ab eo est disunctus angusto & exiguo situ, patum enim distat à littoribus Oceani septentrionalis.

De reliquis tetraë partibus, videlicet Meridionali & Orientali deinceps exempla colligit, quæ quia sunt facilia, non opus habent longa expositione. Exemplum ex Cornelio Nepote potest intelligi ex navigationibus Portugalensium, qui totum Meridionale littus aperuerunt suis navigationibus, quæ apud Americum Vesputium & Petrum Martyrem copiosissimè descriptæ extant.

In fine addit Epilogum, Ergo ex sufficienti enumeratione partium tetraë, patet vniuersam terram mari circumdatam esse, quod circumfusum diuiduo, hoc est, dimidiato globo alteram globi medietatem aufert, ita vt nobis, qui hanc medietatem incolimus, non sit istic peruius tractus: est enim illa pars Oceano operta, & vicissim illis, hoc est, si aliqui eam partem terræ, quæ sub aquis latet, inhabitarent, non sit peruius tractus. Vetustas enim credidit terras innatare aquis, vt pomum, cuius vna medietas supra aquas eminet, altera est aquis tecta. Sed vt explicetur quomodo & qualiter terra habitetur, subiicit nouam propositionem, quam aliquot sequentibus capitibus exponet, quasi dicat, Iam dicturus sum quanta pars terræ eminens extra aquas habitetur.

C A P V T L X V I I I.

Quæ portio terræ habitetur.

Etiam de
dimidio
globo ter-
ræ extanti
extra a-
quas mul-
tum dece-
dit quo mi-
nus habi-
tetur.

IAm primum in dimidio computari videtur, tanquam nulla portio ipsi decidatur oceano: qui toto circumdatus medio, & omnes cæteras fundens recipiensq; aquas, & quicquid exit in nubes, ac sidera ipsa tot & tantæ magnitudinis pascens, quo tandem ampli-

amplitudinis spacio credetur habitare ? Improbæ & infinita debet esse tam vastæ molis possessio. Adde quod ex relicto plus abstulit cœlum. Nam cum sint eius quinque partes, quas vocant zonas, infesto rigore & æterno gelu premitur, omne quicquid est subiectum duabus extremis utrinque; circa vertex, hunc qui septentrio vocatur, eumque qui aduersus illi austrinus appellatur. Perpetua caligo utroque; & alieno molliorum siderum aspectu, maligna ac pruina tantum albicans lux. Media verò terrarum, qua Solis orbita est, exusta flammis & cremata cominus, vapore torretur. Circa duæ tantum inter exustam & rigentes, temperantur: eæque ipsæ inter se non peruiæ, propter incendium sideris. Ita terræ tres partes abstulit cœlum. Oceani rapina incerto est. Sed & relicta nobis una portio haud scio an etiam in maiore damno sit. Idem siquidem oceanus infusus in multos (ut dicemus) sinus, adeo vicino accessu interna maria allatrat, ut centum x v. milibus passuum Arabicus sinus distet ab Aegypto mari: Caspius verò c c c l x x v. milibus à Pontico. Idem interfusus intrat per tot maria, quibus Africam, Europam, Asiamque dispescit. Quantum terrarum occupet, computetur etiam nunc mensura tot fluminum, tantarum paludum. Addantur & lacus & stagna: iam elata in cœlum, & ardua aspectu quoque iuga: iam silvæ vallesque; præruptæ, & solitudines, & mille causis deferta detrahantur.

Hæ tot portiones terræ, imò verò, ut plures tra- Epiphora
didere, mundi punctus (neque enim est aliud terra in ma.
vniuerso) hæc est materia gloriæ nostræ, hæc sedes:
hic

hic honores gerimus, hic exercemus imperia, hic opes cupimus, hic tumultuatur humanum genus, hic instauramus bella etiam civilia, mutuisq; cædibus laxiorem facimus terram. Et ut publicos gentium furores transeam, hæc in qua conterminos pelli-mus, furtoq; vicini cespitem nostro solo effodimus, ut qui latissime rura metatus fuerit, ultraq; fines exegerit accolæ, quota terrarum parte gaudeat? vel cum ad mensuram avariciæ suæ propagauerit, quam tandem portionem eius defunctus obtineat?

A P P E N D I X.

Hoc loco incipit expositionem institutæ propositionis de habitatione terræ quæ extra aquas eminet. Supra autem dixit dimidium globum tegi aquis, & alteram medietatem eminere. Iam exponit quantum de hac medietate decedat, quo minus integra habitetur, & orditur à reprehensione illorum qui censent dimidium globi terreni habitari, quasi nulla portio ipsi decidatur Oceano, quasi Oceanus nihil auferat ultra dimidium, imò, inquit ipse, infusus in terras ultra dimidium magnam partem adimit, cumq; tantum per maria & cæteras fluuiales & fontanas aquas ipsi terræ decedat, quo tandem amplitudinis spacio credetur habitare, hoc est, occupare? Respondet, improba & infinita debet esse tam vastæ molis possessio, hoc est, necesse est aquas longè plus dimidia parte de terris abstulisse. Præterea intemperies cæli etiam magnam partem terris adem-it. Cum enim terra sit dissecta in quinque zonas, tantum duæ sunt reliquæ habitationi animalium, reliquæ tres intemperie cæli corruptæ sunt. Homines docti, ut hanc rem oculis subijcerent, superficiem planam terræ dissecuerunt in quinque partes secundum proportionem quatuor paralelorû, qui in sphaera quatuor minores circuli appellantur. Est autem Zona spacium terræ simile duobus paralelis seu circulis mi-

Zona
quid.

lis minoribus, quos superficiem sphaeræ circumscribere imaginamur. Tantum ergo spaciij, quantum est a polo mundi arctico, hoc est, ab ea parte terræ, ubi est eleuatio poli 90. graduum, vsque ad circulum arcticum, vel ubi est elenatio 67. graduum, vocatur Zona Septentrionalis inhabitabilis infesto frigore & æteruo gelu. Sol enim propter nimiam distantiam ab istis locis, non potest rectum radium in hæc loca proijcere, valde enim ex obliquo hæc loca aspicit. Multi hodie contendunt esse satis commodam habitationem in his locis, atq; etiam sub ipso polo, quorum sententiam non excutiemus hoc loco: nani non arbitror illos, qui primum hanc terræ sectionem fecerunt, hoc voluisse, quod in istis locis prorsus nulla sit habitatio, sed significauerunt ista loca esse aspera & minus culta, quod sint procul remota a Sole & molliorum siderum aspectibus, hoc est, propter alienum aspectum Solis, Lunæ, Veneris & Iouis, quæ stellæ propter nimiam obliquitatem malignè hæc loca respiciunt, ibi etiam est maligna, hoc est, exigua lux, tanquam pruina albicans. De hac Zona sic ait Ouidius:

*Sine locum spectro, locus est inamabilis, & quo
Esse nihil toto tristius orbe potest.*

*Sine homines, vix sunt homines hoc nomine digni,
Quamq; lupi sensa plus feritatis habent.*

Item:

*Omnia barbarie loca sunt, vocisq; ferinae,
Omnia, quæ possunt, plena timore sonant.*

Aristoteles sectione 14. probl. quærit causam istius rei, cum inquit: διὰ τί θηρίδιαι τὰ ἐν καὶ τοῖς ὄψις, αἱ ἐν τοῖς ἀνατολικαῖς ὄντες, ἢ ψύχουσι, καὶ καίματα; ἢ διὰ τὸ αὐτὸ. ἢ γὰρ ἀεὶ κρύουσι, καὶ τῇ διαίτῃ συμπίπτει, αἰδ' ἀνατολῆς ἔξωσι, καὶ ὥστε τὸ σῶμα διατρέφεται, αὐτὰ καὶ πλεὺς τῇ διαίτῃ κρύουσι.

Proxima zona continet spaciū terræ, quod est inter arcticum circulum & tropicum Cancrī, & est temperata, sed magis & minus, prout accedit & recedit ab intemperatis vel calidis vel frigidis.

Ter-

Tertia vocatur torrida seu intemperata propter calorem & arduos æstus, quos Sol illic excitat, quando est verticalis. De temperie autem huius zonæ etiam magnæ sunt contentiones: quidam omnino negant esse intemperatam, sed præ cæteris longè temperatissimam, propter perpetuam æqualitatem dierum & noctium: hæ enim statæ & certæ vices temporû, corporû quoque temperamenta regulantur: sed idem puto esse iudicium quod supra de extrema frigida diximus, & idem videtur velle Aristoteles cum ait: Feri sunt moribus & aspectu, qui nascuntur in locis excellenter frigidis aut calidis.

Quarta est temperata inter Capricorni circulum & Antarcticum.

Quinta rursus intemperata propter frigus, inter antarcticum circulum & polum mundi antarcticum. Legant studiosi descriptionem zonarum apud Virg. 1. Georg. *Quinq; tenent cælum zone.* Item Ouid. 1. Meta. *Utq; dux dextra cælum, &c.* Eruditè de Zonis scribit Albertus in libro de locorum natura.

Ptolemæi
locus de
Zonarum
qualitati-
bus.

Ptolemæus lib. 2. cap. 2. Quadripartiti, hunc locum eruditissimè explicat, cuius sententiam ascribam. Incolæ qui subiecti sunt australioribus paralelis, id est, ijs qui describuntur ab æquinoctiali vsq; ad tropicum æstivum, cum supra verticem illorum feratur Sol, quasi vstulatis nigrisq; corporibus videntur, & capillo esse crispo & denso, facie etiam contracta, & statura contorta, natura ferè calidi, moribusq; feris propter magnitudinem æstus in locis suis, quos Aethiopas vocare consuevimus, & aëris ibi talis constitutio est, omnesq; animantes ac quæ nascuntur è terra cum his congruere reperiuntur. At qui subsunt aquilonariis paralelis, hoc est, qui sub Septentrionibus posita loca incolunt, cum eorum punctus verticalis à signifero & Solis calore longè absit, ideo etiam frigore & humiditate abundant, in qua cum alimenti copia insit, non exhauritur ipsa à vicino calore. Ibi sunt igitur colore albo homines, capillo

capillo promisso, statura proceri & bene habiti, natura fuggelidi, sed & ipsi moribus feris, propter frigoris illis in locis vim, & conueniens cum his accidit hyemis magnitudo, & è terranascantium granditas & animantium sæuitia, hos vocamus generaliter Scythas. Qui autem loca tenent interiecta inter tropicum æstiuum & Septentriones, quia neq; supra verticem illorum Sol fertur, neq; inde longissimè ad austrum recedit, in aëre degunt valde illo quidem temperato, sed frigoris æstusq; differentia admodum paræ notantur, quapropter & medio quodam colore & mediocri statura & natura temperata sunt, habitationibus coniuncti & moribus mansuetis, &c.

Discendum etiam ex hoc loco, quod ad commoditatem & incommoditatem regionum omnium plurimum facit qualitas & forma telluris subiectæ, an sit plana vel montosa, an arida vel rigata fluminibus, an habeat pingue vel arenosum solum, item, vnde ferantur venti. Vt Aegyptus est fertilissima, quia rigatur Nilo, loca proxima sunt sterilia, quia destituuntur aquis. Sic propinqua loca etiam sub eadem cœli plaga sita plurimum differunt. Vnde in Lybia sunt Aethiopes, quia sunt loca plana & perusta à Sole, in Asia non sunt, propter montes, valles & flumina, quibus æstus retunditur & mitigatur.

Breuiter percurram rationes Plinij, quibus angustiam terræ habitatæ complectitur. Prima, Rapina Oceani immensa. Secunda, Cœlum sectum in quinque zonas, tres partes siue tres zonas tollit, ex duabus relictis altera nobis non est peruia, propter æstum zonæ torridæ. Tertia, Oceanus terram habitatam subintrans multum etiam ex ea tollit, sic enim inquit Plinius: Sed & relictæ nobis vna portio haud scio an etiam in maiore damno sit, hoc est, ea zona quæ sola ex quinque nobis ad inhabitandum concessa est, illa etiam magnam partem amittit, propter infusum Oceanum in eam, qui in tot & tam amplos sinus dissectus, vt mirum sit adhuc aliquid superesse ad incolendum, præter infinitum

numerus fluminum, paludum, stagnorum, lacuum, montium, silvarum, locorum desertorum & incultorum.

Terra in-
flae pun-
cti.

SECVNDVS locus huius capituli continet probationem, quod terra respectu vniuersi sit instar puncti.

Prima ratio, qua Theon probat terram punctum esse vniuersi. Cum Sol sit *ἐκαστοῦ τοῦ ἐδομηκέντος πᾶσι* ἡ δὲ γῆ πο-
*δῖστα ἔγγιστα μέγιστε, φαίνεται ἡμῖν ἔχειν διὰ τὸ ἀπεμείγναι τὸ ἀπεί-
σιματον.* Ergo si cernenda sit terra ex tanto intervallo, quan-
to abest Sol a terra, videbimus eam esse centesimam se-
ptuagesimam partem eius magnitudinis, qua Sol nobis ap-
paret, hoc est, pedalis. Videretur itaq; totus globus terræ
nobis esse sphaerula minor sex pollicum seu octo digitorum,
cuius sphaerulae diameter containeret duos digitos, Duorum
igitur digitorum superficies plana de terra nobis appareret.

Secunda, si terra haberet magnitudinem aliquam re-
spectu stellarum fixarum, non cernerentur ex omnibus lo-
cis terræ eadem magnitudine.

Tertia, Observationes per instrumenta factæ in super-
ficie terræ tam præcisè respondent ad situs stellarum cœ-
lo, ac si essent in centro terræ factæ, ergo semidiameter ter-
ræ respectu cœli nullam habet rationem.

Quarta, Gnomonici ponunt summum gnomonis pro
centro terræ ac vniuersi, & circuitiones umbrarum præci-
sè respondent motui Solis, perinde atq; si umbræ observa-
rentur in superficie transcurrente per centrū terræ, Ergo, &c.

Quinta, Planities horizontis ubique diuidit cœlum in
duo æqualia hemisphæria, perinde ac superficies transiens
centrum terræ. Sed si diameter terræ haberet aliquam ma-
gnitudinem, portio cœli supra horizontem esset minor &
inferior maior. Sed sunt æquales, Ergo, &c.

In fine concludit hanc disputationem eleganti Epiphonemate, quo contra ambitionem & cupiditatem imperan-
di & proferendi imperij tam publici quàm priuati inuehi-
tur, quod ridiculum sit decertare de re, quæ reuera nihil
aliud sit, quàm punctum, præsertim in tanta breuitate &
insta-

instabilitate vitæ humanæ, ex qua nihil licet tollere præter exiguum pulvisculum, quo exanime corpus contegitur.

CAPVT LXIX.

Mediam esse Mundi terram.

Mediam esse mundi totius haud dubijs constat argumentis, sed clarissimè æquinoctij paribus horis. Nam nisi in medio esset, æquales dies noctesq; haberi non posse, deprehenderunt & dioptræ, quæ vel maximè id confirmant, cum æquinoctiali tempore ex eadem linea ortus occasusq; cernatur, & solstitialis exortus per suam lineam, brumalisq; occasus. Quæ accidere nullo modo possent, nisi in centro sita esset.

Terra in medio vniuersi sita.

APPENDIX.

Propositio principalis huius capituli est, quod terra sita in medio vniuersi, sit centrum vniuersi.

P R I M A demonstratio. In omnibus terræ locis & partibus regularia ac statuta tempora æquinoctiorum recurrunt, ideo necesse est terram esse in medio vniuersi. Ratio consequentiæ est, quia impossibile esset accidere æquinoctium, simul in vniuersa terra, nisi æquinoctialis circulus ubiq; ab ipsa terra in duo æqualia secaretur, neq; hæc æqualis sectio fieri posset, nisi terra medium locum æquinoctialis atque etiam mundi occuparet.


S E C U N D A. In omni horizonte quotidie sex signa oriuntur & sex occidunt, ergo terra est in medio. Si enim ad alteram cœli partem propius accederet, illa regularitas ascensionum non accideret, nec horizontes cœlum in duas æquales partes secarent.

T E R T I A à dioptris seu instrumentorum regulis sumpta est, & sic argumentatur: Non posset ex eadē lineā cerni

d 2

ortus

ortus & occasus tempore æquinoctij, nisi terra esset medium vniuersi, Sed cernitur ex eadem linea, Ergo terra est centrum. Et vt probatio maioris fiat illustrior, volo eam hac figura exponere. Sit æquinoctialis circulus B, G, D, C, eius ac totius mundi centrum sit A, punctum ortus Solis B, occasus C. Linea itaque B, A, C, quæ transit per centrum mundi, coniungit ortum & occasum, id nulla alia linea recta, quæ extra centrum A educitur, facere potest. Si enim terra sit E, lineaeducta ex B per E, non in C, sed in D excurrit, seueducta ex C, non excurrit in B, sed in G, neque coniungit ortum & occasum, & per consequens, quia ex eadem linea ortus & occasus cernitur, maximè probat terram in medio vniuersi sitam esse. Posset autem contra hanc demonstrationem ita argumentari: Finge terram esse in F, tunc in hoc situ linea B, A, C, etiam ortum & occasum copulat, & tamen inde non sequitur tertam esse




in me-

in medio vniuersi. Respondeo, ex hoc sequeretur vt in nullo loco hemisphaerium conspiceretur, nisi tantum in vno perquam exiguo terræ situ, & per consequens non acciderent vniuersalia æquinoctia Sole existente in circulo æquinoctiali, quod est falsum. Item, si ducatur alia linea per A, medium mundi, & constituantur alia puncta ortus & occasus, & quia punctus F, manet immotus, hæc altera linea diametralis non pertransibit ipsum F. Ergo si postea vel ex puncto ortus vel occasus linea trahatur per F, non tamen copulabit ortum & occasum, imo non diuidet æquinoctialem in duo æqualia, vnde apparet F, in primo oppositu ideo copulasse B & C, quia hæc linea simul complectebatur A, mundi centrum. Et per consequens, quia ex eadem linea ortus & occasus cernitur, necesse est terram esse in superficie æquinoctialis circuli, ac medio prorsus loco inter vtrunq; polum & punctum orientis & occidentis consistere.

QVARTARATIO similiter à dioptris & à punctis solstitialibus sumta est, siue vt ipse ait, à solstitiali exortu, hoc est, ab obseruatione orientis Solis in die solstitiali siue brumali, & hæc obseruatio probat principaliter, quod terra sit in medio, seu centrum totius superficiei æquinoctialis circuli, sicut prior principaliter confirmauit eam æqualiter à polis discedere.

Vtatur autem in explicatione huius demonstrationis hac figura. Manifestum est punctum Tropici æstiuæ oppositum esse puncto Tropici hyemalis ex diametro, ideo si linea ex altero puncto in alterum producat, necesse est eam transire per centrum mundi, quod est A. Si itaq; terra est in medio mundi, necesse est vt accadat id quod Plinius ait, videlicet, vt solstitialis exortus & brumalis occasus sint in vna recta linea deprehensa & animaduersa per Dioptram, siue initium fiat ob occasu, siue exortu. Si enim terra fuerit extra mediū vniuersi in F, sed tamen in superficie æquinoctialis, tunc exortus brumalis & occasus solstitialis, seu e contra, non possunt vna recta linea coniungi, sed duabus

lineis in F sese secantibus, videlicet D, F, & F, E, vt apparet ad sensum. Quod si terra sit in G, vel H, erunt quidem in vna linea coniuncta hæc puncta, terra tamen extra superficiem æquinoctialis collocabitur. Ex his apparet quàm subtiliter has duas rationes Plinius coniunxerit, quæ ordine se mutuo subsequuntur, & altera alteri subseruit,



Quod terra in medio non accedat ad ortum, vel ad occasum.

Cleomedes libro 1. de mundo pulcherrimè probat terram esse medium mundi, ab umbrarum differentijs. Sienim, inquit, esset terra versus ortum, tum oriente Sole breuiiores umbræ, & occidente maiores existerent. Item, cuncta orientia nobis maiora apparerent, quia viciniore ortui essemus, occidentia verò minora, quia remotiores. Præterea primæ sex horæ diei essent breuissimæ, Sol enim subito illis ad verticem conscenderet, posteriores verò horæ, hoc est, postmeridianæ essent longæ, interuallum enim ad occasum maius existeret. Sed nihil tale apparet, Ergo non ad ortum
magis

magis accedit terra, neq̃ etiam ad occasum: omnia enim contraria prædictis contingerent. Si autem terra magis ad Septentrionem accederet, tum in omni ortu & occasu umbræ Septentrionales existerent. Item si ad meridiem sit, ad meridiem etiam umbræ inclinarent tam oriente quàm occidente Sole. Nunc verò horum nihil euenit, sed in signis æquinoctialibus oriente Sole ad æquinoctialem occasum declinant umbræ, &c. Ergo nec in has partes inclinat terra. Si verò terra sit medio sublimior, pars mundi dimidia supra terram non apparebit, neq̃ sex signa, neq̃ æquinoctialis dimidium, sed his omnib. minora, vnde noctes semper maiores diebus existerent. Quod si medio sit humilior, prædictis cuncta euenient contraria, maiore existente supra terram hemisphærio. Ergo cum nec sit ad latera, nec supra, nec infra, sequitur eam esse in vniversi mundo.

Quod terra non accedat ad septē. aut merid.

Quod terra nec altior, nec humilior sit centro vniuersi.

CAPVT LXX.

De rotunditate terræ in latitudinem & longitudinem.

TRes autem circuli supradictis zonis implexi, inæqualitates temporum distinguunt: Solstitialis à parte signiferi excelsissima nobis, ad Septentrionalem plagam versus, contraq̃; ad alium polum brumalis, item medio ambitu signiferi orbis incedens æquinoctialis.

Reliquorum, quæ miramur, causa in ipsius terræ figura est, quam globo similem, & cum ea aquas, iisdem intelligitur argumentis. Sic enim fit haud dubiè, vt nobis Septentrionalis plagæ sidera nunquam occidant, contra meridianæ nunquam oriantur: rursusq̃; hæc illis non cernantur, attollente se contra medios visus terrarum globo. Septentriones non

I.
Picatio rotunditatis terræ, secundum latitudinē, sumpta a stellis semper aut nunquam apparentib.

cernit Troglodytice & confinis Aegyptus : nec Canopum Italia , & quem vocant Berenices crinem , item quem sub diuo Augusto cognominauere Cæsaris thronon , insignes ibi stellas : adeoq; manifesto asurgens fastigium curuatur , vt Canopus quartam ferè partem signi vnus supra terram eminere Alexandriae intuentibus videatur , eadem à Rhodo terram quodammodo ipsam stringere : in Ponto omnino non cernatur , vbi maximè sublimis septentrio . Idem à Rhodo absconditur , magisq; Alexandriae : in Arabia Nouembri mense prima vigilia occultus , secunda se ostendit : in Meroë solstitio vesperi paulisper apparet , paucisq; ante exortum Arcturi diebus pariter cum die cernitur . Nauigantium hæc maximè cursus deprehendunt , in alia aduerso , in alia prono mari , subitoq; conspicuis , atq; vt è freto emergentibus , quæ in anfractu pilæ latuere , sideribus .

Neq; enim (vt dixere aliqui) mundus hoc polo excelsiore se attollit : aut vndiq; cernerentur hæc sidera : verùm hæc eadem quibusq; proximis sublimiora creduntur , eademq; demersa longinquis : vtque nunc sublimis in deiectu positus videtur hic vertex : sic in illam terræ deuexitatē transgressis , illa se attollant , residentibus quæ hîc excelsa fuerant , quod nisi in figura pilæ accidere non posset .

II.

Probatio
rotunditatis
terræ se-
cundū lon-
gitudinem
ab eclipsi-
bus , quæ
in diuersis

Ideoq; defectus Solis ac Lunæ vespertinos orientis incolæ non sentiunt , nec matutinos ad occasum habitantes : meridianos verò sæpius . Nobili apud Arbela Magni Alexandri victoria , Luna defecisse noctis secunda hora prodita est : eademq; in Sicilia exoriens . Solis defectum , Vipfano & Fonteio

Coss.

Co s s. qui fuere antepaucos annos, factum pridie locis diuer-
 Calendas Maias, Campania hora diei inter septi- so tempo-
 mam & octauam sensit: Corbulo dux in Armenia re conspi-
 inter horam diei decimam & vndecimam prodidit ciuntur.
 visum, circuitu globi alia alijs detegente & occul-
 tante.

Quod si plana esset terra, simul omnia appare- Conclu-
 rent cunctis, noctesq; non fierent inæquales: neque sio, in qua
 aliàs quàm in medio sitis paria duodecim horarum breviter
 interualla cernerentur, quæ nunc in omni parte si- repetit per
 mili modo congruunt. cipuas ro-
tunditatis
terræ pro-
batione.

A P P E N D I X.

Transfert in hoc capite descriptionem & picturam cir-
 culorum cælestium ad terræ superficiem, vt locorum inter-
 ualla, regionum longitudines & latitudines, spacia dierum
 & noctium, gnomonis & umbrarum differentiar, certiore
 & exactiore doctrina cognosci ac deprehendi possint: nisi
 enim hæc ex cælesti obseruatione & apparentijs cælestibus
 cognoscantur, nulla alia ratione aut obseruationib. in terra
 animaduerti ac intelligi possunt. Proinde Plin. prudentissi-
 mè has partes ex ipsis veris principijs peruestigauit, ac non
 video quid locorum, regionum & gentium descriptiones
 magnopere sine hac cælesti ratione possint: nulla enim certa
 ac firma doctrina ex illa peti potest, si non huic parti cæle-
 sti coniuncta fuerit.

Onditur autem à circulis, quæ inæqualitates temporū
 distinguunt, hoc est à causa efficiente harum vicissitudinū:
 nam Solis ascensus & descensus in signifero his veluti metis
 circumscribitur, vnde inquit: Tres circuli zonis implexi
 inæqualitates temporum distinguunt, hoc est, dies longis-
 simos, breuissimos, & æquatos suis noctibus. Solstitialis
 enim longissimum diem à cæteris nobis distinguit. Descri-
 bitur autem hic circulus quando Sol in parte signiferi ex-

cellissima fertur, hoc est, nobis proxima. Econtra brumalis circulus describitur à motu Solis, quando fertur in parte signiferi humillima. Aequinoctialis verò quando fertur Sol medio ambitu inter vtrosque iam dictos. Sed zodiacus obliquo tramite fertur, cuius medium interfecat linea Ecliptica, quam vltra citraq; Sol nunquam egreditur, quemadmodum supra cap. 19. hæc copiose sunt exposita.

Propositio.

Statim subiungit propositionem huius institutæ disputationis de terræ rotunditate, & inquit: Reliquorum quæ miramur, causa in ipsius terræ figura est, quasi diceret, nos in hoc capite enumerabimus aliquot accidentia, quorum effectum miramur, videlicet de diuersis dierum initijs in diuersis terræ partibus, item de dissimilibus incrementis & decrementis dierum & nocturnis, item, quod vna & eadem Eclipsis in diuersis regionibus conspiciat, non eodem modo neq; eodem tempore conspicitur, hæc, inquam, accidentia erunt probationes, quod terra vnâ cum aquis sit globosa.

Rationes, quod terra sit rotunda secundum latitudinem.

Prima ratio, sumpta à stellis semper aut nunquam apparentibus, sic enim sit haud dubiè vt nobis septentrionalis plagæ sidera nunquam occidant, hoc est, terra secundum latitudinem est rotunda, si enim esset plana versus meridiem vel versus septentrionem, tum omnes stellæ septentrionales in partibus meridianis conspicerentur, & econtra meridianæ in partibus septentrionalibus. Sed hoc non fit, igitur terra non est plana, sed globosa & spherica. nulla enim alia causa excludere visum posset, quo minus omnes stellæ in vtraq; plaga conspicerentur.

Minorem exponit illustribus exemplis. Primum exemplum: Septentriones non cernit Troglodytice & confinis Aegyptus. Septentriones vocat stellas insigniores vrsæ maioris. Troglodytice est regio Africæ, quæ vergit versus meridiem ad littus sinus Arabici ferè vsq; ad circulum æquinoctialem, habet nomen à τρογλῆ, hoc est, specus, & βῆ, hoc est, subeo, quia in cauernis & specub. subterraneis habitant.

Troglodytice

Troglodytice habet latitudinem alibi 15. alibi verò 10. graduum: Stella verò vrsæ maioris maximè borealis distat à polo mundi arctico 27. grad. ferè. Quæcunque igitur loca meridionalia habent latitudinem minorem 27. gradibus, nunquam cernunt ullam ex septem stellis insignioribus vrsæ maioris, ergo nusquam in Troglodytice cernitur.

Secundum exemplum, nec Canopus Italia, hoc est, Roma. Canopus est stella illustris in gubernaculo navis Argo, cuius declinatio est 51. graduum & semissis. Latitudo autem Romana est 41. gradus, qui simul additi faciunt 92. grad. Cuiuscunque autem loci distantia à puncto verticali ultra 90. grad. hoc est, quadrantem circuli, recessit, ille locus nunquā cernitur supra horizontem, & per consequens Romæ Canopus cerni non potest, distat enim ultra quadrantem circuli. **SE Q V I T V R I N T E X T V:** Et quem vocant *Βερενικη* & *συντροφὴ τῆς Βερενίκης* est septentrionale, ergo Plinius per Berenices comam aliud & longè diuersum ab isto intelligit, quod quale sit non intelligo. Nam quod Strabo lib. 1. illud inter meridiana sidera videtur connumerare, cum inquit: *ἀπὸ τῆς καὶ τῆς Βερενίκης Βερενίκης καὶ τῆς κατὰ τοῦ ἔχθης καὶ παρὰ τὴν κατὰ τὴν ἀστρονομίαν*, non rectè accipitur. vult tantum hoc dicere, quod aliquorum siderum appellationes non sint vetustæ sicut Canopi & Comæ Berenices, quæ nuper admodum natæ sunt, sicut etiam thronum Cæsaris, appellatio veteribus prorsus ignota, cum antea illud sidus *Βερενίκης* sit vocatum. Noti sunt versiculi Callimachi de Coma Berenicæ, *ὅς δ' ἄνθρωπος ἔβλεψεν ἐν ἑνὶ τῶν Βερενίκης βόρρην, ὃν κείνα πᾶσι τὴν ἰδέα διδύ.* Catullus sic vertit.

Idem me ille Conon cælesti numine vidit

E Bereniceo vertice casariem.

Tertium exemplum, (Adeodæ manifesto assurgens fastigium curuatur, ut Canopus quartam ferè partem signi vnus supra terram eminere Alexandria intuentibus videatur,) hoc est, quanto propius ex interioribus Aegypti ad

Nec etiam Aegyptus cernit septentriones, nō tota quidem Aegyptus, sed ea quæ Troglodytice est cōfinis.

exteriora Alexandriam versus accesseris, tanto magis fastigium, hoc est, tumor terræ assurgit & manifesto curuatur, Vt Canopus qui ibi, hoc est, in Troglodytica & Aegypto inferiore altè supra horizontem ascendit & diu conspicitur, Alexandriæ verò tantum quartam partem signi vnus supra horizontem eminere cernatur, hoc est, gradibus septem cum semisse, id hoc modo erit colligendū, Declinatio Canopi meridionalis est graduū 51. & semissis. Latitudo Alexandriæ est graduum 31. hi numeri additi faciunt 82. grad. & semis. qui subtracti ab integro quadrante relinquuntur grad. 7. & semis. spacium quo assurgit Canopus supra horizontem Alexandrinum. **SEQVITVR IN TEXTV:** Eadem, scilicet stella Canopus, à Rhodo, hoc est, illis qui vltra Rhodum versus Septentrionē habitant, terram quodammodo ipsam stringere, nam latitudo huius loci est grad. 37. Canopi 51. coniuncta faciunt 88. grad. ergo tantum duobus grad. supra horizontem assurgit. In Ponto verò omnino non cernitur, hoc est, in locis vicinis Ponto supra Galatiam & Mysiam, quorum locorum latitudo est 40. graduum & vltra. **SEQVITVR:** Idem à Rhodo absconditur, hoc est, septentrio vltra Rhodum euntibus versus meridiem non cernitur, idēq; magis Alexandriæ fit, nam distantia puncti verticalis Alexandrini à polo mundi est 59. graduum, quib. adde 17. grad. quibus distat à polo mundi stella vr̄æ maioris borealissima, & pueniunt 86. grad. distabit igitur stella vr̄æ maioris maximè borealis tantum 4. grad. ab horizonte, ergo reliquæ stellæ vr̄æ maioris plus vergentes ad meridiem sub horizontem Alexandrinum, aliquando merguntur & occidunt.

SEQVITVR IN TEXTV: In Arabia Nouembri mense prima vigilia occultus, secunda se ostendit. Loquitur hīc Plinius de Arabia felici, quæ est valde meridionalis. Quando igitur Sol circa 20. diem Nouembris peragrat 15. grad. Sagit. tunc vniuersus septentrio. cum Sole sub horizontem mergitur, post tres verò horas rursus paulatim emer-

emergere incipit. Sic in Meroë, quæ est insula Nili, cuius latitudo non superat 16. gradus, in solstitio quando Sol ingreditur cancerum, vesperi paulisper septentrio apparet, & rursus ante exortum arcturi, hoc est, pridie Idus Septembris, pariter cum die cernitur, hoc est, paulo ante exortum Solis. Hæc à nauigantibus deprehensa sunt accidere prono & aduerso mati, hoc est, accliu & decliu, nam si esset terra plana, huiusmodi occultationes & apparitiones dissimiles siderum existere non possent. Vnde concludit, emergentibus vt è freto sideribus, quæ latnere, id est, occultata fuerunt, in anfractu, hoc est, rotunditate & tumore, pilæ, hoc est, globi.

Huic loco interfert breuem confutatiunculam falsæ opinionis quorundam, qui causas harum apparentiarum conferebant in cælum non in terram, & hæc opinio est orta ex descriptionib. Poëticis, qui crebris metaphoris vtuntur, exemplum est apud Virgiliū 1. Georg.

Mundus vt ad Scythiam Ripheasq; arduus arces

Consurgit, premitur Lybia deuexus in Austros.

Hic vertex nobis semper sublimis, at illum

Sub pedibus Styx atra videt manesq; profundū.

Respondet Plinius, has apparentias ratione terræ non cæli accidere, alioqui enim ex omnib. terræ partib. cælum eodem modo intueremur. Cælum enim vndiq; terræ incumbit, vt circumferentia suo centro: si ergo terra esset plana & non assurgeret in rotunditatē, tunc poli eleuatio in omnibus locis esset eadem. Sic autem inquit, Verūm hæc eadem, scilicet sidera quæ conspicerentur vndiq; si terra plana esset, nunc quibusq; proximis sublimiora creduntur, hoc est, quicunq; habitant propius ad polum, illis magis assurgit & eleuatur polus, ita vt punctum verticale sit vicinum polo, aliquando sit idem cum polo. SEQVITVR: Vtq; nunc sublimis in deiectu positus, hoc est, in locis subiectis seu vicinis polo. Illa se attollunt, scilicet signa meridionalia, quæ antea etant humillima & vix conspecta.

Secun-

Quod ter-
ra rotun-
da sit se-
cundū lon-
gitudinē.


Secundus locus continet p̄bationem rotunditatis ter-
ræ secundum longitudinem, probat autem id primò ab
Eclipsibus, quæ in diuersis locis conspiciuntur diuersis tem-
poribus, cum tamen simul vtriusq̃ fiant, & sic ratiocinatur:
Si terra esset plana secundum longitudinem, eadem eclipses
vbique locorum eodem tempore conspiceretur: Sed eclipses
eædem non conspiciuntur in diuersis locis eodem tempore:
orientalibus enim apparent tardius, occidentalibus verò
citius, ergo terra non est plana secundum longitudinem,
sed rotunda. Nam istius diuersitatis nulla potest alia reddi
ratio, quàm terræ rotunditas, hæc enim sola efficit vt alijs
locis citius Sol oriatur & occidat, alijs verò tardius: Mino-
rem exponit duabus eclipsibus, Lunari videlicet & Solari,
Vt Arbelis oppido Assyriæ conspecta est Eclipsis Lunæ ho-
ra secunda noctis, quæ eadem in Sicilia conspecta est hora
noctis prima: causa est, quia Arbelij duabus horis citius
noctem habent quàm Siculi: Vt Arbela habet in longitu-
dine grad. 80. in latitudine verò grad. 37. & quadr. Sy-
raculæ verò habent in longitudine grad. 39. & semiss. in la-
titud. 37. differentia itaq̃ est 40. graduū & semissis. Sem-
per autem 15. gradus addunt vel demunt initijs dierum &
noctium horam vnā, ergo habitantes Arbelis habent
duabus horis cum besse ferè citius diem ac noctem quàm
Syracusani, idēq̃ propter nullam aliam causam, quàm quia
terra in tumorem assurgit, quo alijs profert, alijs occultat
lucem.

Simile exemplum recitatur à Ptolemæo lib. 1. cap. 4.
Geo. cum inquit: Literis mandatum est Eclipsin eam, quæ
hora quinta Arbelis accidit, Carthagini apparuisse hora se-
cunda, &c. Habet autem Arbela grad. longitud. 80. Car-
thago 39. grad. & dodran. differentia est 45. graduum &
quadr. quæ efficit horas tres integras, quibus tempe-
stius Assyrij habent diem & noctem quàm Carthag. Cu-
ius rei causa tantum est tumor terræ. Proponatur exem-
plum in schemate. Sint duo loca in plana terræ superficiei,

A, Ar-

A, Arbelorum, & B, Siculorum, quæ vident Eclipsin Lunæ factam in G, sed diuersimodè: Conspicitur enim Arbelijs hora secunda noctis: numerentur enim horæ ab ipsorum meridiano E, F, & elapsæ sunt iam duæ integræ à noctis initio. Siculis autem initio noctis: Luna enim defecit existens in ipsorum meridiano, videlicet G, H. Ergo terræ rotunditas hæc horarum discrimina efficit: non enim simul vniuersæ terræ Sol oritur & occidit.

Vtatur eadem figura ad sequens exemplum. Sit eclipsis Solis in K, tum Armenijs, qui superficiem terræ in A, inhabitant, conspicitur inter decimam & vndecimam. Sol enim non procul abest ab occasu, qui est in F. Campanis verò qui habitant in B, primum est hora diæ octaua ferè, procul enim Sol adhuc ab horizonte Occidentali abest, videlicet ab H. Consulatus Vipsani & Fonteij incidit in annum vrbs 811. Christi verò 61. Imperij Neronis quintum.



In fine addit Epilogum, in quo breuiter præcipuas causas re-

fas repetit, quæ terræ rotunditatem probant. Prima, Si terra esset plana, simul omnia apparerent cunctis, hoc est, eodem tempore eclipses conspicerentur, & eodem tempore in toto orbe terrarum Sol oriretur & occideret: nullus enim tumor in medio existeret, qui hanc diuersitatem apparentiarum prohiberet. Secunda, Noctesq; non fierent inæquales, hoc est, quia polus non assurgeret in vno loco magis quàm in alio, ideo illa dissimilitudo ascensionum nō posset accidere. Item, quia toti terræ vnus horizon existeret, ergo illæ dissimiles intersecciones circulorum dierum artificialium, & horizontis obliqui non existerent, & per consequens, deficiente causa & effectus, hoc est, dissimilitudo & inæqualitas dierum & noctium etiam deficeret. Tertia. Neq; aliàs quàm in medio sitis paria duodecim horarum interualla cernerentur, hoc est, illa regularitas æquinoctiorum per vniuersam terram non existeret, nisi terra esset centrum vniuersi. Nullus enim horizon præter rectum secaret ipsum æquinoctialem in duas æquales partes. Ergo extra sphaeram rectam hæc statuta & regularia æquinoctiorum tempora non existerent. Vide quæ supra dicta sunt cap. 69.

CAPVT LXXI.

Quæ ratio diurnæ lucis in terris.

IDeo nec nox diesq; quæuis eadem toto orbe simul est, oppositu globi noctem aut ambitu diem afferente. Multis hoc cognitum experimentis.

In Africa Hispaniaq; turrium Annibalis: in Asia verò propter piraticos terrores, simili specularum præsidio excitato, in quib; prænunciatiuos ignes sexta hora diei accensos, sæpe compertum est, tertia noctis à tergo vltimis visos.

Eiusdem Alexandri cursor Philonides, ex Sicyone Elin

Alia probatio rotunditatis terræ in longitudinem.

ne Elin mille & ducenta stadia nouem dici confecit horis: indeq; quamuis decliui itinere, tertia noctis hora remensus est. Causa, quod eunti cum Sole iter erat, eundem remeans obuium contrario præteruertebat occursum.

Qua de causa ad occasum nauigantes, quamuis breuissimo die, vincunt spacia nocturnæ nauigationis, vt Solem ipsum comitantes.

A P P E N D I X.

Idem argumentum alio modo exponit, & colligit aliquot rationes, quibus terræ rotunditas probatur. Et primò de ea parte, quæ est ab oriente in occidentem, in sequenti verò capite de ea, quæ à meridie in septentrionem porrigitur.

Primæ ratio: Non simul vniuersæ terræ oritur Sol & occidit, Ergo terra habet tumorem quo his profert, alijs verò tegit & abscondit Solem: Si enim plana esset, tum simul vniuersæ terræ Sol oriens conspiceretur, ideo nec nox discesq; quæuis eadem toto orbe simul est, idq; oppositu globi, hoc est, tumore terræ, noctem affereute, hoc est, impediēte siue excludente Solem, quo minus ipsius radij hanc partem terræ illustrare possint, aut ambitu diem affērente: hoc est, quando hic tumor, qui prius solarem radium excluderat, ambitur & superatur motu Solis, tunc rursus fit dies & illud hemisphærium illustratur.

Hanc rationem aliquot coniecturis, obseruationibus, & experimentis confirmat.

Prima coniectura: ignes in speculis incensi sexta hora diei in aliquo loco occidentali, illi ipsi ignes in alio loco orientali in suis speculis conspecti sunt hora noctis tertia, hoc est, cum iam duabus horis nox fuisset, Ergo necesse est, vt distantia horum duorum locorum sit octo integrarum horarum, ita vt loco orientali octo horis citius Sol suo ascensu

e supra

supra horizontem diem produxerit quàm loco occidentali, in quo ignes sunt accensi. Ad singularum autem horarum differentiam requiritur in Aequatore interuallum quindecim graduum, Ergo meridiani amborum locorum distant 120. graduum interstitio, quibus singulis si tribuerimus miliaria germanica magna 12, fiet summa 1440 miliariorum, ex quo interuallo loca inter sese non posse conspici in quantumvis sublimi monte excitata altissima specula, inde constat, quod etiam altissimi montium vertices non ultra miliaria germanicum altitudine ad perpendicularum ascendunt: tumor autem terræ inter prædicta duo loca ultra 430. miliaria german. affurgit, Ergo hic locus in Plinio præfusus est mendosus.

Secunda coniectura. Recitatur in historia Alexandri Magni, quod ipsius cursor Philonides, cuius mentionem facit Pausanias in *ix. β.* cum inquit: *καὶ φιλωνίδης ζήτην γένος ἰσθμὸν ἐν τοῖς ἑσπέραις καὶ ἀνατολῇ, ἀλλ' ἔλατθον δ' ἀνιέμεναι,* &c. ex Sicyone Pifas oppidum Helidis, spacium mille & ducentorum stadiorum, hoc est, 36. miliaria germanica, nouem horis diei confecerit, ita tamen ut cuncti Pifas venerit eò hora diei nona, redeuntem verò Sicyonem venerit tertia hora noctis, atque ita in redeundo sex integris horis tardius illud prius iter confecit. Additur causa, quod cuncti cum Sole iter erat, hoc est, in eandem mundi partem currebat, in quam Sol motu suo fertur: rediens verò in contrariam. Ergo Sol his duob. locis diuersimodè oritur & occidit, citius occidentalibus, tardius orientalib. Hæc coniectura vera est in thesi, sed falsa in hypothefi, nam propositorum locorum non est tanta distantia, ut hæc apparentiarum diuersitas existere possit. Totus enim terræ ambitus continet miliaria germanica 5400. cum circum Sol quotidie spacio 24. horarum illustrat, ergo radius Solis lucem diurnam afferens & umbram terræ terminans vna hora ab ortu versus occasum percurrit miliaria 225. Ponam etiam Philonidem nouem horis confecisse 36. miliaria, hoc est, vna hora 4. miliaria, quorum prorsus impar est collatio ad spacium quod Sol in superficie ter-

cic terræ metitur. Præterea distantia in longitudine horum duorum oppidorum est duorum graduum & 20. minu. intra quod spaciū nulla tanta mutatio ortus & occasus fieri potest. Ergo & in hoc numero est menda.

Tertia coniectura, eodem modo, sicut cæteræ, est tantum experimenrum sine vera obseruatione. Illi qui versus occasum nauiganr, etiam in breuissimo die vincunt spacia nocturnæ nauigationis, quia interdiu feruntur cum Sole, hoc est, habent Solem sequentem, noctu verò Solem præcedentem: occurrunt enim Soli; iraꝗ celerius runc habent diem, quia Solis motus & ipsorum cursus feruntur in eandem parrem, iraꝗ ranrum abest vr hic cursus aliquid nocti adijciat, sicut interdiu factum est, vt etiam ei multum detrahar. Atꝗ hæc ratio vera quidem est, sed experientiæ diurnæ non responder propter disproportionem vtrorumꝗ moruum, nauis in mari, & Solis in cœlo: fortasse etiam in numeris est menda.

C A P V T L X X I I.

Gnomonica de eadem re, & horologio primo.

VAſaꝗ horoscopa non eidem vbiꝗ sunt vsui, in trecentis stadijs, aut vt longissimè in quingenis, mutantibus semet vmbriſ. Solis itaque vmbilici (quem gnomonem appellant) vmbra, in Aegypto meridiano tempore, æquinoctij die, paulò plusquam dimidiam gnomonis mensuram efficit. In vrbe Roma nona pars gnomonis decet vmbre. In oppido Ancona supereſt quinta trigesima. In parte Italiae quæ Venetia appellatur, eiſdem horis vmbra gnomoni par ſit.

De rotunditate terræ in latitudine, per vmbra rum diſtinentias obſeruata.

A P P E N D I X.

In hoc capite eodem modo probat terram eſſe rotundam in latitudinem, ſumta probatione à valis horoſcopis,

hoc est, ab horologijs sciotericis, quibus discrimina horarum & partium diei obseruantur ex vmbri. Sic autem colligit, horologia scioterica nō conueniunt omnib. locis, sed mutantur trecenis aut vt longissimè quingenis stadijs, h. e. quia in quingenis stadijs, h. e. quindecim miliarib. german. polus altior assurgit vno gradu, vnde etiā vmbre quantitas variatur, pout enim radius altior vel humilior incidit in gnomonē, ita vmbra fit breuior vel longior. Vocat autē vmbilicum Solis, gnomonem siue stilum, qui in medio horologii horizontalis ad perpendiculū erigitur. Proponit autē aliquot exempla variationis vmbrearum pro locorum diuersitate. Vnde concludit, cum vmbre ad singulas eleuationes polares varientur, sequitur terram non esse planam sed sphericam: si enim plana esset, tum radius solaris eodem modo incideret ad gnomonem, & per consequens vmbre vbique essent pares, nunc autem cum tanta sit vmbrearum dissimilitudo Sole existente in circulo æquinoctiali & in meridiano, sequitur radium solarem dissimiliter incidere ad gnomones iam altiore iam humiliore. Causa autem huius dissimilis incidentiæ est tumor terræ, perinde atque supra dictum est de eleuatione poli, quod in alijs locis assurgit altior, in alijs est depressior.

Sic etiam quod vmbre meridianæ sint dissimiles in diuersis locis, exponit quatuor exemplis. Primum: In Aegypto superiore, die æquinoctij vmbra meridiana præcisè dimidiam gnomonis mensuram efficit, hoc est, habet se sicut 1. ad 2. Sed in Aegypto inferiore vt Alexandriæ die æquinoctij vmbra meridiana paulò plus quàm dimidiam gnomonis mensuram efficit, hoc est, Alexandriæ si mensura gnomonis fuerit pedū quinq;, vmbra continebit tres pedes, ergo superat medietatem gnomonis dimidio pede. Tertium exemplum: In vrbe Roma nona pars gnomonis deest vmbre, hoc est, hæc eadem vmbra æquinoctialis & meridiana Romæ longè maior est, ita vt ferè gnomonem æquet, vt si gnomon habuerit nouem pedes, vmbra erit octo. Quartū
exem-

exemplum : In oppido Ancona superest quinta tricesima, hoc est, Anconæ, quæ est Hetruriæ ciuitas, si gnomon habuerit triginta quinque pedes, umbra erit 34. Quintum exemplum : In parte Italiæ quæ Venetiæ appellatur, eisdem horis umbra gnomoni par sit, hoc est, in his locis, quorum est eleuatio 45. graduum, semper umbra par est gnomoni, & sicut hæc in omnibus locis, in quibus eleuatio poli minor fuit 45. grad. semper umbra meridiana fuit minor gnomone, ita in reliquis usque ad quadrantem semper umbra maior est gnomone. Vt in paralelo qui transit per Venetias, Mediolanum, Lugdunum, & est ordine 15. umbra gnomoni par est, statim postea in 16. superat gnomonem quinque gradibus, in 17. nouem gradibus, & sic consequenter.

Vt autem hæc umbrarum discrimina rectius intelligi possint, generalem quandam doctrinam de umbrarum differentijs trademus, quomodo & latitudines locorum, & eleuationes poli ex quantitate umbrarum colligantur.


Initio autem sciendum est, quod terra ad orbem solarem sit veluti punctum : nam obseruationes in superficie terræ factæ perinde se habent atque si in centro fierent, vnde semidiameter terræ pro nulla quantitate reputatur ad semidiametrum orbis solaris. Si itaque aliquis quærat, quomodo terra habet se ut punctum, cum tamen huiusmodi accidentia, ut eleuationes poli & umbrarum discrimina, accidant ratione tumoris ipsius, ergo habet magnitudinem. Respondeo : Collata ad nos habet magnitudinem : Vnde eleuationes poli accidunt non ratione cœli, sed hominum diuersas terræ partes habitantium. Sed breuiter umbrarum differentias percurram.

Secundò & hoc constituendum est, quod quando Plinius loquitur de umbris, tantum intelligendum est cum loqui de umbris æquinoctialibus & meridianis. Erigatur itaque umbilicus ad superficiem horizontis perpendiculariter, ex cuius umbra meridiana dum Sol in æquinoctiorum punctis existit, colligitur latitudo loci seu eleuatio polaris. Efficitur

autem hoc modo triangulus rectangulus, cuius tria latera hæc sunt. Gnomon est loco *radii*. Radius Solis à loco incidentiæ vsque ad superficiem horizontis vnde reflectitur, hypotenusam repræsentat. Reliquum latus trianguli æquidistans superfici ei horizontis basim trianguli refert & umbram. Gnomonis caput semper velut index monstrabit Zenith seu polum horizontis, quia ad angulos rectos & æquales ubiq; consistit. Cum autem in omni triangulo sint tres anguli æquales duobus rectis, atque ex hypothesi angulus vnus rectus sit, quem constituunt gnomon & umbra, necesse est & reliquos duos ad hypotenusam existentes similiter æquales esse vni recto, siue æquales inter se sint, siue inæquales.


A, B, gnomon & *radius*.
 A, C, hypotenusæ & radius Solis.
 B, C, basis & umbra repræsentans simul horizontem.
 E, A, D, angulus æqualis angulo, C, A, B. Sunt enim anguli contraposti per 15. primi.
 A, B, C, angulus rectus.
 A, C, B, inferior in horizonte.
 C, A, B, superior versus Zenith.

Concludo igitur, quod angulus C, inferior repræsentet elevationem æquinoctialis. Cum enim hypotenusæ sit radius Solis incedentis in æquatore, & umbra velut horizon, complectetur hic angulus inferior arcum meridiani, qui est ab horizonte ad æquinoctialem in ipso circulo meridiano. Item, quod hic angulus debeat æquinoctiali, certum signum est, quia semper crescit aut decrescit cum elevatione æquinoctia-



noctialis. Item, angulus superior A, accommodari debet elevationi polari, cuius rei multiplex demonstratio afferri potest: hæc tamen est simplicissima. Sicut angulus A, C, B, ostendit maximam distantiam æquatoris ab ipso horizonte, ita etiam angulus C, A, B, patefacit maximam distantiam eiusdem à puncto verticali. Colligitur autem huiusmodi maxima distantia semper in circulo meridiano. Pariter autem distant & æquator à zenith & polus ab horizonte, Ergo angulus E, A, D, utrius rei seruet, & per consequens eius angulus contrapositus: Ergo hic angulus debetur polo, quia cum elevatione polari crescit & decrescit.

Quia verò dictum est, radium solare[m] esse hypotenusam, subiiciendæ sunt horum radiorum species. Prima: *Radiorum Solarium differentia.* Rectus radius seu perpendicularis ex omni parte habet rectos & æquales angulos, & constat breuissima linea, ut A, B. Secunda: Radius obliquus angulos inæquales habet, alterum obtusum, & aliterum acutum, semperq[ue] longior recto radio existit, seipso verò tanto longior quanto obliquior, ut A C, A D, A E, A F. Tertia: Radius parallelus horizonti linea infinita constat, neq[ue] angulos ullos efficit, ut A G, horizon F, B, H. Et ut hæc umbrarum ratio intelligatur, subiiciam quasdam regulas de umbrarum differentiis.



Prima. Quando umbra æquinoctialis excurrit sine fine, *Umbrarum differentia.* erit maxima elevatio poli, adeoq[ue] ipsum gnomonis caput monstrabit polum, simulq[ue] verticale punctum, idq[ue] accidit *Soliman.* habitantibus sub ipso polo, tum verò hypotenusæ & basis

perpetuò æquedistant, nec in vlllo puncto concurrunt, estq; radius paralelus horizonti & æquinoctialis ipse horizon. Et hi Periscij vocantur, quia habent vmbas meridianas & æquinoctiales circumeuntes in orbem.

æquinoctialis.

Secunda. Quando vmbra æquinoctialis nulla est, tunc etiam nulla est eleuatio poli, sed æquinoctialis transibit per punctum verticale eorum qui illic habitant, quod est polus horizontis. Nulla itaq; erit vel hypotenusæ vel basis. Hoc fit bis in anno apud eos qui habitant sub æquatore, cum scilicet Sol ad alterutrum punctorum æquinoctij peruenit, radius verò est rectus seu perpendicularis, & horizon per vtrunq; polum transibit. Et quanquam in hoc situ perpetuum æquinoctium existit, tamen dum Sol est extra æquatorem, vmbre ratio diuersificatur, prout vel accedit vel discedit ab æquatore. Et hi vocantur *æquinoctiales*, hoc est, qui in vtrunq; partem vmbas æquinoctiales & meridianas habent, iam in meridiem, iam verò in septentrionem, & sunt illi qui intra duos tropicos in zona torrida habitant.

æquinoctialis.

Tertia. Quando vmbra gnomonis longitudinem adæquat, eadem eleuatio poli & æquinoctialis continget, in circulo meridiano: æquales enim sunt inter se reliqui duo anguli, qui ad hypotenusam constituuntur, alter cum *æquinoctialis*, alter cum ipsa basi, æqualibus autem angulis æquales arcus subtenduntur, atq; hi *æquinoctiales* vocantur, qui perpetuo vmbas meridianas habent tantum in vnam partem, vel versus septentrionem, vel versus meridiem.

Quarta. Cum autem vmbra minor seu breuior est gnomone, angulus inferior maior erit angulo superiori, ideoq; magis eleuabitur supra nostrum horizontem ipse æquator quam polus. Valet enim consequentia ex ijs, quæ paulò ante de angulis huius trianguli diximus.

Quinta. Cum vmbre longitudo superat altitudinem gnomonis, inferior angulus minor erit superiori, & per consequens eleuatio æquinoctialis non erit tanta, quanta ipsius poli.

Sunt igitur tres principales vmbraꝝ æquinoctialium considerationes:

1. Cum aut infinita est, idē apud eos qui Periscij vocātur.
2. Aut, prorsus nulla, idē apud eos qui Amphiscij dicuntur.
3. Aut finita, tunc enim vmbra gnomoni aut $\left. \begin{array}{l} \text{Par est,} \\ \text{Maior eo,} \\ \text{Minor eo.} \end{array} \right\}$ quos Heteroscios dicimus.

Aequatur autē vmbra gnomoni, cum & poli & æquatoris eleuatio continent gradus 45. seu medium recti anguli. Ante istam poli eleuationem vmbra semper minor gnomone existit: Post verò vmbra pari ratione augmentum recipit supra gnomonem.


Est & hoc admonendum, diuersa ratione augeri vmbraꝝ ante 45. grad. & post. Nam à primo gradu eleuationis polaris vsq; ad 45. grad. ita accrescit vmbra, vt in 45. non excreseat vltra longitudinem gnomonis. Postea verò per reliquos 45. longè maius augmentum habet, donec tandem infinitam quandam longitudinem consequatur.

Præterea & hoc est admonendum, polum semper eleuari supra horizontem versus eam partem, in quam vmbra gnomonis vergit ac excurrit, Sole in ipso æquatore existente. Vnde colligi potest, gnomonem pertinere ad eleuationem æquatoris, vmbraꝝ ad eleuationem poli, hypotenusam completi quartam circuli, seu esse communem gnomoni & vmbraꝝ: Hypotenusa verò si conferatur ad basin, creabit angulum eleuationis æquatoris, eò quod isti angulo opponatur gnomon. Sed ad gnomonem comparata hypotenusa angulum monstrantem latitudinem loci, & per consequens etiam polarem efficiet, quod eodem angulo subtendatur basis trianguli seu vmbra.

QVA RATIONE OMNIVM ELEVA-
TIONVM TYPVS EX VMBRAꝝ
quantitate in planum describatur.

Constituē longitudinem gnomonis D, E, & vmbre E, F, ad rectos angulos, atq; à capite gnomonis D, vsque ad finem vmbre seu basis F, ducas hypotenusam, quæ subtensum habebit rectum angulum concursu gnomonis & vmbre excitatum. Erit igitur illa hypotenusæ semidiameter circuli tui describendi, centrum autem figas in concursu hypotenusæ & basis. Iam si extendas vtrinque ad extremam circumferentiam circuli basin tui trianguli, repræsentabit tibi illa linea horizontem istius vmbre atque eleuationis.

Vbi



Vbi autem gnomon cum superiore angulo attingit circumferentiam, constitue æquatoris locum & eleuationem eius supra horizontem. Postremò, si ex centro circuli excitaueris lineam perpendicularem ad ipsam hypotenusam, eamq; perpendicularem extenderis ad circumferentiam, patebit locus poli eiusq; eleuatio.

Semper autem ab æquatore distat polus quarta parte circuli. Tantum etiam eleuabitur polus supra horizontis superficiem, quantum æquator à puncto verticali recessit ad aliud mundi latus. Idq; sic demonstratur, & primum de polo. Angulus CFA , æqualis est angulo BFD , ambo enim per constructionem recti sunt. Si ergo angulū BFC , scilicet medium communem abstuleris à duobus rectis, necessariò æqualia erunt residua iuxta communem sententiam. Angulus etiā CFD , æqualis est angulo FDE , quia sunt coalterni: nam per constructionem æquedistant lineæ CF , & DE . Ergo angulus FDE , æqualis erit angulo BFA , quod erat demonstrandum.

Potest huiusmodi typus ad quasunque eleuationes in plano describi. Potest etiā circulus amplius extendi, quàm pro ipsius hypotenusæ quantitate, si modo centrum in ipsa sectione basis & hypotenusæ figatur, ipsa enim hypotenusæ producta ad eandem circumferentiam sub eodem situ manifestabit locum æquatoris.

METHODVS CALCVLANDI LONGITVDINEM HYPOTENVSÆ IN exemplis huius capituli.

1. Iuxta propositionem 46. primi Quadratum hypotenusæ æquale est Quadratis catheti DE , & basis FE simul sumtis. Cum ergo cathetos vt gnomon ex constructione, basis vt umbra ex obseruatione nota sint, Quadrato utroq; numero si fiat additio, producet quadratum hypotenusæ (quam diximus initio esse aliquam partem radij solaris,

laris, eiusque vice fungi in hoc triangulo) huius quadrati radix erit longitudo hypotenusæ, Vt si basis tres habeat partes, gnomon 4. quadrata vtriusque coniuncta reddunt quadratum hypotenusæ, scilicet 25. cuius radix 5, indicat partes hypotenusæ.

2. In omni circulo respondent angulo recto, constituto ad centrum eiusdem 90. partes seu gradus, quæ est quarta pars circumferentiæ: continet enim circulus quatuor rectos angulos.

3. Cum in omni triangulo sint potentia duo recti anguli, oportet reliquos duos in rectangulo simul sumtos æquualere angulo recto.

4. Cum autem isti duo anguli sibi inuicem æquales sunt, erit triangulus isosceles, id est, umbra par gnomoni, vterque verò medium recti anguli sit oportet. Quia verò æqualibus angulis respondent æquales arcus in circulo, oportet latitudinem loci, & per consequens eleuationem polarem & æquinoctialem, similes esse: item, si alterutrum eorum à recto angulo subtraxeris, complementum vel residuum æquale erit subtracto. Idco polus & æquator pariter attolluntur supra horizontem, ex diuersis scilicet lateribus mundi.

5. Sed si anguli isti duo inæquales sint inferiori D F E existente maiori, qui scilicet eleuationi æquatoris respondet, oportet gnomonem longiorem esse ipsa umbra, quæ respicit superiorem angulum, per consequens maior portio circuli continetur ab angulo inferiori, & minor à superiori: quare æquatoris eleuatio superabit latitudinem loci siue polarem. Item, si angulus inferior auferetur à recto angulo seu quarta parte circumferentiæ, relinquetur minus subtracto, & id quod restat vocatur complementum 90. grad.

6. Quod si angulus inferior angustior fuerit superiori, contrarium eius, quod modo dictum est, eueniet, scilicet umbra sua longitudine superabit gnomonem, cumque minorem circuli portionem ambiat inferior angulus, superior autem maiorem, manifestum est polum altius extolli ab hori-

horizonte quàm æquatorem, & æquatorem esse horizonti propiorem, quàm puncto vetticali. Item, si angulus inferior subtrahatur ab integro, id est, recto, continente 90. grad. maior pars residua extabit, id est, complementum maius erit ipso subtracto, & loci latitudo maior erit altitudine æquatoris.

7. Hinc colliges istam regulam practicam: Si alterutrum angulorum cognitum habueris, scilicet quot partes circumferentiæ ei respondeant, alter manifestus erit, si cognitum subtraxeris à partibus recti anguli, reliquus enim vocatur complementum totius sinus, siquidem isti duo anguli simul additi æquipollent recto angulo.

8. Quantitas autem alterius anguli sic cognoscitur. Hypotenusa est sinus totus, quia hypotenusa comprehendit rectum angulum. Gnomon sinus rectus primus. Umbra sinus rectus secundus: est enim residuum versi sinus æquale prorsus sinui recto secundo. Si igitur per regulam proportionum ex sinu toto collegeris sinum gnomonis, scilicet rectum primum, (sicut enim se habet hypotenusa ad suum rectum angulum, ita se habet gnomon ad suum angulum, itidem se habet umbra ad suum) tunc etiam ex tabulis sinuum colliges quantitatem anguli æquatoris, quas partes si à 90. subduxeris, restabit angulus alter, scilicet complementum quadrantis dictæ latitudo loci, semper æquale altitudini polari. Est autem ista regula proport. Sicut se habet sinus totus ad partes hypotenusæ, ita se habet sinus rectus primus ad partes gnomonis, & vice versa, sicut partes hypotenusæ habent se ad sinum totum, ita se habent partes gnomonis ad sinum rectum primum monstrantem æquatoris elevationem, quæ subtracta à 90. grad. relinquit latitudinem loci, hoc est, distantiam æquatoris à puncto polari, quæ semper est æqualis elevationi polari.

Anguli
cuiuscu-
que quan-
titas quo-
modo in-
uenienda.

DE RATIONE COMPUTANDI

EXEMPLA TEXTVS.

Qua-

Quadrata laterum continentium rectum angulum ad se inuicem iuncta plerumque producant numerum irrationalem, hoc est, non habentem radicem in numeris integris. Vt autem minus procul aberret computatio, ex integro faciendus est numerus fractus, ut quadratum hypotenuse multiplicetur per aliquem magnum numerum rationalem, qui pro arbitrio sumi potest, ut sine mille milia partes, qui numerus more fractionum sub priorem est collocandus, & ex utroque radix quadrata querenda est, ita ut denominator semper sit mille, deinde radix hypotenuse ponenda est primo loco, deinde medio loco sinus totus, qui est partium, centies mille, secundum Petri Appiani tabulas sinuum. Postremo loco partes gnomonis ponendæ, quæ cum sunt integre, multiplicantur per primi numeri fracti denominatorem, hoc est, per mille, ac deinde iuxta legem regulæ proportionum, fit computatio, ut in integris numeris.

PRIMUM EXEMPLUM, DE VMBRA
in Aegypto superiore, quæ est sicut 1. ad 2.

Quadratum umbræ est 1, gnomonis 4, ambo addita faciunt 5 quadratum hypotenuse, cuius radix cum non possit haberi in numeris integris, tum multiplico quinarium numerum per millies mille, & eundem multiplicantein subitus scribo, ut fiat hæc minutia $\frac{4}{5} \frac{0000000000}{5}$, cuius radix ex utroque sumto ostendit partes hypotenuse $\frac{2}{5} \frac{00000}{5}$, hoc itaque ordine numeros dispono: sicut se habent $\frac{2}{5} \frac{00000}{5}$ partes hypotenuse ad sinum totum, quem pono esse partium 100000, ita se habent partes gnomonis, videlicet 2, ad sinum rectum primum, qui monstraturus est arcum eleuari æquatoris. quia verò primus numerus fractus est & ultimus integer, per denominatorem minutie multiplico postremum numerum, ita ut ex binario fiant bis mille, & sic stabit 2236. 100000. 2000, & iam secundum legem regulæ proportionum, summa collecta ex multiplicatione duorum posterorum

riorum numerorum continet 200000000, quæ diuisa per primum, hoc est, 2236 numeratorem minutæ, ostendit sinum rectum primum respondentem partibus gnomonis, scilicet 89445, cui in tabulis sinuum Appiani respondet arcus meridiani 63 graduum, 26. minu. 18. secund. eleuatio æquatoris supra horizonem, qui arcus subtractus à toto quadrante, hoc est, à 90. gradibus, relinquit gradus 26. minu. 33. secund. 42. loci latitudinem, hoc est, distantiam æquatoris à puncto verticali, quam constat perperuo esse æqualem eleuationi polari.

SECUNDVM EXEMPLVM, DE VMBRA in Aegypto inferiore, quæ Alexandriæ paulò plus quàm dimidiam gnomonis mensuram efficit, hoc est, quæ se habet ad gnomonem sicut
3. ad 5.

Vmbra Alexandriæ continet tres gnomonis partes, quarum gnomon est quinque, hoc est, habet se ad gnomonem sicut 3 ad 5. Quadratum vmbre est 9. gnomonis 25. ambo addita faciunt 34. quadratum hypotenusæ, quem numerum multiplico cum 1000000, & multiplicantem subscribo, ut fiat minutia talis $\frac{3}{5} \frac{8888888888}{1000000}$, cuius radix ex utroque sumta ostendit partes $\frac{3}{5} \frac{888888}{1000000}$, iam pono ad regulam, & dico, sicut se habent $\frac{3}{5} \frac{888888}{1000000}$ partes hypotenusæ ad sinum totum, ita se habent partes gnomonis, videlicet 5000 ad sinum rectum primum, qui monstraturus est arcum eleuati æquatoris, prouenit itaque ex multiplicatione & diuisione sinus rectus, primus videlicet 85748. cui in tabula sinuum respondet arcus 59. grad. 2. minu. videlicet eleuatio æquatoris supra horizontem, quo subtracto à 90. relinquetur latitudo loci, quæ æqualis est eleuationi polari supra horizontem 30. grad. 58. min.

TERTIVM exemplum. In vrbe Roma nona pars gnomonis deest vmbre, ut gnomon habet 9, vmbra 8. partes,

ἀνίσταται vocantur, propterea quod vmbrae in infinitum exten- *ἀνίσταται*
sae una cum Sole circumaguntur, hoc fit apud eos, qui-
bus polus supra horizontē gradib. 90. eleuatur. Cum enim
in hoc sphaerae situ, perpetuò altera zodiaci medietas supra
horizontē eleuata maneat, & æquinoctialis vice horizontis
fungatur, necesse est radios solares, Sole in punctis æquino-
ctiorū existente, perpendiculariter in gnomones excitatos
incidere, & vtrinque angulos rectos constituere, atque cū ter-
rae plana superficie æquedistare per 27. & 28. primi Euclid.


Aut nullae iaciuntur vmbrae, apud eos quibus neuter
polorum supra horizontem eleuatur, hoc est, qui in zona
torrida sub æquinoctiali habitant: his enim cum æquino-
ctialis verticalis sit, Sol constitutus in punctis æquinoctio-
rum, quod bis fit in anno, radios dimittit perpendiculares,
qui una cum gnomone rectam efficiunt lineam. Gnomon
igitur nullam de se projicere vmbra potest. Vocantur au-
tem hi *ἀμφίπολοι*, propterea quod cum Sol extra æquinoctio- *ἀμφίπολοι*
rum puncta est in signis septentrionalibus, vmbrae cadant
in plagam mundi meridionalem. Cum verò Sol existit in si-
gnis meridionalibus, vmbrae cadant in plagam septentrio-
nalem, sicuti postea clarius dicetur.

Aut vmbrae quidem iaciuntur, sed finitae, apud eos, qui
habitant in zonis temperatis. Nam cum his alter polorum
eleuetur supra horizontem, & Sol in punctis æquinoctiorū
constitutus oblique terram aspiciat, necessariò vmbra ali-
qua iacitur: Cumque habitantib. in zona temperata septen-
trionali vmbra semper versus eandem partem cadat, in
meridionali verò versus meridiem, vocantur hi in vtraque
zona habitantes *ἑτερόπολοι*. *ἑτερόπολοι*

Horum autem vmbra triplex est: aut enim æquat gno-
monem, apud eos quibus polus eleuatur gradib. 45. Cum
enim eleuatio æquinoctialis, quæ gnomoni respōdet, æqua-
lis sit latitudini loci, cui vmbra respondet, necesse est vm-
bram gnomoni æqualem esse. Quod vt facilius intelligatur,
in meridiano A B C D, sit horizon obliquus A E C, supra
quem

Prima dif-
ferentia ,
vmbra
gnomonis
æquat.

quem vtrunque attollantur æquinoctialis F E G , & axis mundi H E I gradibus 45. & à contactu F æquinoctialis & meridiani, per 12. primi Euclidis, demittatur in horizontem linea perpendicularis F K. Quæ vnâ cum horizonte E K, & æquinoctiali F E constituet triangulum rectangulum E F K, quale in proiectione vmbrae cum gnomone & radio Solis fieri solet. Linea enim perpendicularis F K gnomonem repræsentat, qui ad rectos angulos ad superficiem terræ vel parietis erigi debet. Pars horizontis E K intercepta inter gnomonem F K & æquinoctialem F B, vmbra, æquinoctialis F E radium Solis ab æquinoctiali in gnomonem incidentem, & vmbra terminantem. Cum igitur gnomon F K altitudinem æquinoctialis ostendat, vmbra E K eius declinationem à puncto verticali B, semper æqualis est eleuationi polari, dico vmbra gnomoni æqualem esse. Quoniam enim in triangulo F K E, angulus ad K rectus est per constructionem, angulus verò K E F dimidius recti, respondet enim eleuationi æquinoctialis, scilicet habenti 45 gradus, qui sunt dimidium anguli recti, erit etiam angulus E F K recti dimidius, cum per 31. primi, tum quia angulo eleuationis polaris æqualis est, cui itidem vt eleuationis æquinoctialis respondent 45. grad. medietas scilicet recti anguli. Nam integro angulo 90. gradus debentur. Quare per 7. com. sent. primi Euclid. anguli K E F, & E F K æquales adinuicem sunt. Aequalibus autem angulis per sextâ primi æqualia subtenduntur latera, quare & latera F K, & K E, æqualia ad inuicem sunt. Repræsentat autem latus



F K

F K gnomonem, latus K E verò vmbra. Vmbra igitur gnomoni in hoc sphæræ situ æqualis est, quod ostendisse oportuit.

Aut vmbra minor est gnomone, in eo sphæræ situ, vbi poli eleuatio minor est 45. graduum, & quidem eò minor est vmbra, quo altior æquinoctialis, humilior verò polus fuerit. Cum enim vnâ cum æquinoctialis eleuatione augeatur angulus gnomonis, quem æquinoctialis F E, & horizon E K constituunt, vmbra verò angulus E F K, quem æquinoctialis & gnomon efficiunt, minuatur, necesse est gnomonem vmbra esse longiorem. Per 19. enim primi Euclid. angulo maiori maius latus subtenditur.

Aut vmbra maior est gnomone apud eos, quibus polus altius supra terram quàm 45. grad. eleuatur, & quidem eo maior, quo altius polus supra æquinoctialem attollitur. Nam sicut in priore sphæræ situ, vbi angulus F E K gnomonis angulum vmbrae E F K superabat, gnomon supra vmbra crescebat, ita in hoc, in quo angulus vmbrae maior est angulo gnomonis, vmbra gnomonem superat.

Atq; hæc de vmbreis æquinoctialib. dixisse satis sit, nunc simili modo, de alijs etiam vmbreis, quæ sunt Sole extra æquinoctiorum puncta existente, pauca dicam. Sicut igitur qui sub æquinoctiali habitant, nullam habent vmbra, Sole æquinoctiorum puncta tenente, propter radiorū solarium rectitudinem, vt dictum est, ita ijsdem, Sole à punctis illis discedente, vmbra aliqua iaci incipit. Cum enim via Solis extra puncta æquinoctiorū ab æquinoctiali declinet versus vtrunq; polum, sequitur quoque radios Solis ex ijsdem partib. in loca æquinoctiali subiecta obliquè incidentes vmbra efficere, estq; ea minor, quo vicinior Sol punctis æquinoctiorum fuerit, maior verò, quo longius ab ijsdem ad puncta solstitiorum progreditur: cumq; Sol tenet puncta solstitiorū, maxima est vmbra, postea cum Sol ab his punctis discedit, vmbra proportionaliter decrescit, sicut antea crescebat. Inde constat, vmbra aëstiuas & hybetnas, item

dierum, in quib. Sol tenet gradus æqualiter ab aliquo punctorum cardinalium distantes, esse æquales.

Habitantibus autem sub polis, umbra, Sole à punctis æquinoctiorum discedente, subinde fit breuior, donec solstitiorum puncta Sol occupauerit, ibi enim cum Sol altissimus sit, breuissima est umbra, quæ in hoc sphaeræ situ accidere potest, longè tamen quàm gnomon maior. Inde cum Sol iterum versus puncta æquinoctialia progreditur, proportionabiliter umbra iterum crescit.

Porro qui habitant in zona torrida, habentq; eleuationem poli minorem gra. 23. ijs multipliciter umbræ variant. Sole enim in principio æquinoctij verni existente, efficitur umbra, quæ tamen mutatur pro poli altitudine, crescit enim cum altitudine poli umbra, ut supra dictum est: Postea cum Sol à puncto æquinoctij verni secundum signorū ordinem progreditur, subinde umbra minor fit, quia Sol propius ad punctum, quod illis verticale est, accedit, cumq; ad punctum verticale accesserit, nulla umbra efficitur. Hoc autem, dum Sol in medietate septentrionali fertur, bis accidere necesse est: Quia bis, ut aspicienti sphaerica instrumenta apparet, Sol eorum zenith attingit, nempe, in punctis Eclipticæ æqualiter à puncto Tropico distantib. Ab hoc puncto verticali cum Sol discedit secundum signorum ordinem, iterū umbra crescit, donec Sol punctum solstitij æstiu attingit, ibi maxima est umbra, quæ fieri potest dum Sol in signis septentrionalib. mouetur. Sed inde cum discedit, umbra minuitur, donec Sol ad alterum verticale punctum accesserit, ibi, ut dictum est, iterum nulla umbra fieri potest. Cum autem ab hoc loco Sol iterum secundum signorum ordinem progreditur, iterum umbra crescit eousq; donec Sol ad punctum solstitij hybèrni accesserit. Ibi enim, quoniam maximam habet à puncto verticali elongationem, etiam umbra maxima est. Ab hoc loco Sole discedente umbra iterum minuitur, sicut antea creuit.

Quib. autem polus præcisè ad tantam altitudinem eleuatur,

uatur, quanta est Solis maxima declinatio, semel tantum crescunt umbræ ac decrescunt. Cum enim Sol à puncto solstitij æstiu, quod huic eleuationi punctum verticale est, ideocq; in eo Sole existente nulla cadit umbra in meridie, sed quando secundum signorum successionem progreditur, umbra crescit, donec Sol punctum solstitij hybèrni tenuerit. Nam ibi umbra maxima est, quæ nō lōgè abest à longitu. gnomonis. Postea ab hoc loco Sole recedente umbra iterum decrescit.

Eodem modo semel crescunt & decrescunt umbræ ijs, qui elevationem poli habent maiorem maxima Solis declinatione, minorem verò gradib. 68. Nam cum Solem habent in puncto solstitij æstiu, quod pro diuersa eleuatione poli aliàs ppius est puncto verticali, aliàs remotius, minima est umbra: cum verò ab eo loco Sol discedit versus punctum oppositum, hoc est, solstitij hybèrni, crescunt eò vsq; donec Sol in eodem loco constiterit, tunc enim umbra maxima est. Quando autè ab hoc loco Sol discedit, umbra iterum minuitur. Differunt tamen his umbræ, quod ijs quib. polus eleuatus est infra gra. 45. bis in anno umbra est æqualis gnomoni, nempe duob. dieb. æqualiter à bruma distantibus, cum Sol est in medietate meridionali, alijs verò qui habent elevationem poli maiore 45. gra. etiam bis in anno umbra est æqualis gnomoni, scilicet duobus dieb. æqualiter à die solstitiali distantib. Vt hic Vuitenbergæ, latitudo loci est 52. graduum ferè, à quibus subtrahæ 45. & remanent 7. distantia æquatoris infra 45. grad. in quo Sole versante umbra sit æqualis gnomoni. Illa igitur puncta eclipticæ in medietate boreali, quæ habent declinationem 7. graduum ab æquatore, distant à verticali puncto 45. grad. sunt autem hæc puncta 18. gradus Arietis, & 12. grad. Virg. æqualiter à tropico puncto distantia, Sol autem illos gradus attingit die 29. Martij, & die 27. Augusti, ergo illorum dierum tempore meridiano umbræ in Vuitenbergensi horizonte æquantur corporib. ad angulos rectos erectis, & mensurata umbra meridiana altitudinem corporum monstrabit.

Qui vetò altiore habent eleuationem poli gradibus $68\frac{1}{2}$, ijs perpetuò vmbra gnomone maior est: illis enim æquatoris eleuatio non excedit gradus 21. & semissis, quibus si addatur maxima declinatio puncti tropici, fit maxima Solis altitudo 45. graduum. In eleuatione igitur poli habente 68. gradus & semissem, die solstitiali vmbra gnomoni par est. Sed vbicunq; est maius exarma, & altitudo æquatoris minor grad. 21. & semissis, semper vmbra meridiana toto anno longior est gnomone.

Porro omnibus in zona temperata habitantibus, vmbra hybernæ perpetuò maiores sunt æstiuis, propterea quod signa meridionalia longius à puncto verticali recedunt, quàm signa septentrionalia.

Epilogus
& modus
computa-
tionis.

Hæc est variatio vmbrae meridianarum, Sole extra puncta æquinoctiorum existente. Reliquarum enim diei horarum vmbrae ex iam dictis intelligi faciliè possunt. Quemadmodum enim ad poli eleuationes & motum Solis in zodiaco mutantur vmbrae, ita etiam ad singulas diei horas variant. Ac maximæ sunt, Sole oriente & occidente, minimæ verò quantæ esse possunt illo die Sole meridianum cuiusq; loci tenente. Reliquis diei partibus longiores aut breuiiores sunt, prout Sol meridiano vicinior aut remotior fuerit.

Nunc breuiter addam rationem numerandi ex vmbra quacunque nota, eleuationem poli & æquinoctialis, & ex æquinoctialis ac poli altitudinibus vmbrae. Prius autem moneo, id fieri absq; numeris fractis difficulter posse. Quare vt etiam ijs consulatur, qui in numeris fractis exercitati non sunt, primum quadratum hypotenusæ, hoc est, radij Solis terminantis vmbrae, inuentum ex additione quadratorum vmbrae & gnomonis, vt docet sequens regula, multiplicent per quemcunq; numerum magnum, & quo maior fuerit ille numerus, eò est accommodatio. Deinde ex vtroq; numero, videlicet producto multiplicationis & multiplicante extrahantur radices, & per radicem numeri multi-

videlicet de millies mille, & produces per regulam proportionum sinum rectum respondentem gnomoni, per 4. sexti, vbi demonstratur, triangulorum, rectangulorum & æquiangulorum latera quantumuis inæqualia, tamen esse proportionalia.

111. Sinus iam inuenti NG, quære ex tabulis sinuum, arcum CG, & habebis eleuationem æquinoctialis, quæ subtracta à 90. gradibus, ostendet latitudinem loci, & per consequens etiam eleuationem poli.

Exemplum. Umbra æquinoctialis Vuittenbergæ est partium 15. min. 17. eius quadratum 229. partium 49. mi. Gnomon 12. cuius quadratum 144. Vtræque quadrata simul iuncta efficiunt 374 quadratum hypotenusæ, quæ multiplicata per 1000000 sunt 374000000 , ex quo numero radix 19078.8658 , radix ex numero multiplicante est 1000, per quam multiplicatus gnomon sit partium 12000. Hic iterum multiplicatus per sinum integrum & productum diuisum per radicem hypotenusæ producit sinum eleuationis æquinoctialis 61749, cuius arcus, videlicet 38. gra. 8. min. subtractus à 90. gradibus, ostendet eleuationem poli Vuittenbergensem esse graduum 51. min. 52.

QVOMODO EX ELEVATIONIB.

POLI ET ÆQUINOCTIALIS
notis quærenda sit umbra æquinoctialis.

1. Subtrahe latitudinem loci EG à 90. gradibus, & remanebit arcus GC altitudo æquinoctialis, quia vt sæpe iam dictum est, tanta est altitudo poli supra horizontem, quanta est declinatio æquinoctialis à zenith.

11. Inquire in tabulis sinuum vtriusque arcus, scilicet eleuationis poli & æquinoctialis sinus, hoc est, rectas subtensas QG, & GN.

111. Colloca sinu æquinoctialis primo loco, secundo gnomonem, tertio sinum eleuationis poli, hoc est, subtensam arcui GE, vel illi æqualem NA, & produces per regulam

proportio. vmbra. Vt Vuittenbergæ altitudo poli est 51. grad. & 52. min. quæ subtracta à 90. grad. relinquit distantiam æquinoctialis ab horizonte, 38. grad. 8. min. Sinus eleuationis poli est 78657, sinus altitudinis æquatoris supra horizontem 61749. sinus eleuationis poli multiplicatus per gnomonem, videlicet 12. & productum diuisum per sinum altitudinis æquinoctialis supra horizontem, producit vmbra 15. partium, 17 min. 3. secun.

Q V O M O D O E X E L E V A T I O N E
P O L I N O T A , V M B R A S O L E E X T R A
puncta æquinoctialia in signis septen. existente in-
quiri debeat.

1. Si Sol est in medietate septen. vt in principio Cancrī, tunc ad eleuationem æquatoris, hoc est, ad arcum C G, adde declinationem eius signi in quo Sol est, hoc est, arcum G F, & habes Solis altitudinem meridianam, hoc est, arcum C G F, hunc subtrahe à 90. grad. & relinquetur distantia eius à zenith.

11. Quere vtriusq; arcus, videlicet distantia Solis à zenith, & altitudinis Solis sinus, hoc est, F P, & F L ex tabulis sinuum.

111. Colloca sinum rectum altitudinis Solis, hoc est, L F. Secundò gnomonem K M. Tertiò sinum distantia Solis à zenith F P, vel L A, & per regulam proportionum produces quæsitum.

Exemplum. Cupio scire quanta sit vmbra meridianæ Vuittenbergæ die solstitiali, est autem eleuatio æquatoris supra horizontem Vuittenbergæ 38. grad. 8. min. adde maximam Solis declinationem, hoc est, arcum F G graduum 23. min. 30. & prodibunt 61. grad. 38. mi. arcus C G F, & hæc est meridianæ Solis altitudo die solstitiali. hoc arcu subtracto à 90, relinquitur distantia Solis à puncto verticali arcus F E, continens 28 grad. 22. min. Altitudo Solis meridianæ, hoc est, arcus C G F ostendit in tabulis subtensam

f 5 rectam

rectam FL esse particularū 87992 . distantia verò eiusdem à zenith, hoc est, arcus FE , ostendit rectam subtenfam, videlicet FP esse particularum 47511 . Dico iam, sicut se habet FL ad VK gnomonem continentem partes 12 : ita se habet LA ad vmbra KA ignotam. duo postremi numeri per multiplicationem efficiunt summam 570132 , quæ diuisa per primum numerum ostendit partes vmbrae solstitialis esse partium 6 . min. 29 . qualium gnomon habet 12 .

SOLE VERO IN SIGNIS MERIDIONALIBUS constituto idem inquirere.

1. Latitudini loci, hoc est, arcui GE adde declinationem gradus illius in quo Sol est, vt arcum GH , existente videlicet Sole in primo gradu Virg.

11. Hunc arcum subtrahe, videlicet HFE à 90 . gradibus, & remanet altitudo Solis supra horizontem, hoc est, arcus CH .

111. Quare vtriusque arcus, videlicet altitudinis Solis & eleuationis poli iunctæ cum declinatione, sinus rectos, hoc est, HO , & HR .

1111. Colloca sinum rectum HO altitudinis Solis primo loco, secundo gnomonem TS , tertio sinum rectum eleuationis poli sine latitudinis loci iunctæ cum declinatione, hoc est, HR , vel illi æqualem OA , & per regulam proportion. produces quæsitum, hoc est, vmbra TS .

Exemplum. Volo explorare vmbra meridianam quanta sit Vuittenbergæ die brumali, ad latitudinem loci arcum EG continentem 51 . grad. 52 . min. addita declinatione maxima 23 . grad. 30 . min. prodibunt 75 . gradus, 22 . min. arcus videlicet HFE , distantia Solis à puncto verticali, hic arcus subtractus à 90 . relinquit arcum CH altitudinem Solis meridianam die brumali, continentem gradus 14 . min. 38 . cuius subtenfa recta, hoc est, linea HR , vel OA , habet particulas 96756 . qui numerus per gnomonis

monis T S numerum duodenariū multiplicatus facit summam 1161072. & diuisus per particulas lineæ O A ostendit vmbra brumalem, videlicet lineam T A partium 45. min. 57. qualium gnomon habet 12.

QVOMODO EX VMBRA, SOLE
EXTRA AEQUINOCTIORVM
puncta constituto, eleuatio poli inquirenda sit.

1. Inquire altitudinem Solis meridianam per primam regulam, nam Sole extra æquinoctiorum puncta existente, gnomon non inseruit altitudini æquinoctialis, sed puncto zodiaci, in quo Sol est tempore meridiei.

11. Ab altitudine Solis, si Sol est in signis septentrionalibus, vt in puncto F, aufer declinationem gradus Solis, vt arcum F G, vel eum ad altitudinem Solis adde, si Sol in medietate meridionali fuerit, vt in puncto H, & habebis altitudinem æquinoctialis.

111. Altitudinem æquinoctialis arcum C G hoc modo inuentam subtrahe à 90, & habebis latitudinem loci, & per consequens eleuationem poli.

Vt altitudini Solis Sole existente in principio Capric. in puncto H, inuenta per primam regulam, videlicet 14. grad. 40. min. addita loci solis declinatio, scilicet 23. grad. 30. min. producit altitudinem æquinoctialis 38. grad. 8. min. quæ subtrahita à 90. gradibus, relinquit poli eleuationem 51. grad. 52. min.

QVOMODO POLI ELEVATIO
QVÆ RENDA SIT VVITTENBERGÆ ex vmbra solstitiali.

Sit Vittenbergæ vmbra solstitialis in meridie A K partium 6. min. 29. qualium gnomon K M habet duodecim, quadratum gnomonis habet partes 144. quadratum vmbrae

Exemplū
de Vulten
berga.

umbrae facit 42, quadratum hypotenusæ continet partes 186. radix huius quadrati, hoc est, linea A M continet $3\frac{2}{3}5\frac{2}{3}8$, sinus totus habet 100000, videlicet linea A F, gnomon A M habet 12. partes. sinus rectus primus F L, hoc est, linea subtensa altitudini solari habet partes 87989. qui exhibet arcum E C graduum 61. min. 38. altitudinem Solis meridianam die solstitiali ab hoc arcu F C subtrahe F G arcum maximæ declinationis Solis continentem 23. grad. 30. min. & remanent 38. grad. & 8. min. videlicet arcus C G eleuatio æquatoris, qui subtractus à 90. grad. ostendit eleuationem poli Vuittenbergenfis 51. gra. 52. min.

Rursus volo ex umbra bramali eleuationem poli Vuittenbergæ explorare, quæ umbra cum sit 45. partium, 57. min. quales gnomon habet 12. erit quadratum gnomonis S T, 144. quadratum umbrae T A 2111. quadratum hypotenusæ A S 2255. radix, hoc est, linea A S habet partes $4\frac{2}{3}5\frac{2}{3}8$, sinus totus, hoc est, hypotenusæ A H continet 100000. dico igitur, sicut A S ad A H, sic S T ad H O sinum rectum primum, qui cum habeat partes 25271. monstrat arcum H C altitudinem Solis meridianam die brumali continentem grad. 14. min. 38. cui si addo maximam declinationem 23. grad. & 30. min. H G, prouenit altitudo æquatoris C G, habens gradus 38. min. 8. qui subtractus à 90. relinquit latitudinē Vuittenbergensem G E, & illi æquale exarma B D, graduum 51. min. 52.

QVO TEMPORE ANNI IN HORIZONTE VVITTENBERGENSI umbra duplo sit maior gnomone.

Tali tempore erit umbra 2. gnomon 1. quadratum hypotenusæ 5. radix huius $3\frac{2}{3}5\frac{2}{3}8$, sinus totus 100000. hinc prouenit sinus H O partium 40250, qui monstrat altitudinem Solis C H versantis in signis australibus, continentem 23. grad. 44. min. hic arcus subtractus ab eleuatione

tione æquatoris, quæ continet Vuitten. 38. grad. 8. min. relinquit declinationem australem 14. grad. 24. min. tantam autem declinationem australem habent duo puncta eclipticæ in medietate hyberna, videlicet octauus gradus & 35. minu. scorpij, & 21. gradus. 25. $\pi\pi$. Sol autem occupat hæc loca eclipticæ æqualiter distantia à principio Capricorni, 22. die Octobris & vltima Ianuarij, ergo his duobus diebus umbra meridiana duplo est maior gnomone Vuittenberg.

Et vt adolescentes occasionem sese exercendi in hac vrilissima vmbra^{Alia exem}re maretia habeant, proponant sibi tabu^{Pla.}las directionum Reinholdi, vbi collegit canonem vmbra-
rum meridianarum ad singulos gradus latitudinis, item etiam ad singulos gradus altitudinis Solis, vnde ex his quæ iam dicta sunt, facile intelligent proportionem vmbra-
rum ad gnomonem, & modum incrementi & decrementi ipsarum. Hoc loco tanrum describam ex Strabone, Plinio & Viétruius obseruationes proportionum vmbra-
rum æquinoctialium & meridianarum ad gnomonem ab artificibus in illustrioribus locis obseruatas, vt

Carthagini gnomon habet se ad vmbra^m sicut 11. ad 7.

In Mauritania sicut 7. ad 4.

In Arabia & Perside sicut 35. ad 24.

In Rhodo & Cypro sicut 100. ad 77. vel vt Strabo inquit, sicut 7. ad 5.

In Lydia sicut 21. ad 17.

Athenis sicut 4. ad 3.

Alexandriæ sicut 5. ad 3.

Byzantijs sicut 20. ad 7.

Vittenbergæ sicut 84. ad 107.

C A P V T L X X I I I.

Vbi & quando nullæ vmbrae.

Simili modo tradunt in Syene oppido, quod est supra Alexandriam quinq; milibus stadiorū, solstitij die

dem latitudo cum Syene, graduum 23. min. 50. ergo etiam ibi die solstitiali nulla est umbra in meridie. Et inde stadiis quatuor millibus octingentis & 20. in eadem gente, scilicet Troglodytarum Ptolemaide oppido, &c. Huius oppidi latitudo est 16. grad. 25. min. ergo puncta eclipticæ, quæ tot gradibus ab æquinoctiali declinant versus septentrionem sunt verticalia Ptolemaide, ea autem sunt 15. grad. 8. & 15. grad. Leo. Abest autem 15. grad. Tau. à puncto tropico 45. & rursus à puncto tropico ad 15. Leo. sunt etiam 45. grad. attribuit autem Plinius singulis gradibus singulos dies. S E Q V I T V R: Et per eos nonaginta dies umbras in meridiem iaci, id est, intetum dum Sol est illis septentrionalis, umbræ meridianæ ipsorum sunt meridionales per *Sien*, in principio capitis dictam. Sed Sol est illis septentrionalis 90. diebus, bis enim 45. faciunt 90. Infra hic locus recitatur, sed aliquanto integrius quàm hic, itaq; existimo in hac lectione mendam esse. Sic enim inquit lib. 6. cap. 29. Vbi Ptolemais à Philadelpho condita ad venatus Elephantorum, ob id Epitheras cognominata, iuxta lacum Monoleum. Hæc est regio secundo volumine à nobis significata, in qua 45. diebus ante solstitium, totidemq; postea, hora 6. consumuntur umbræ, & in meridiem reliquis horis cadunt, cæteris diebus in septentrionem. Cum in Berenice, quam primam posuimus, (tradidit enim ibidem Plinius alias duas, Panchryson & Epidires) ipso die solstitij 6. hora umbræ in totum absumentur, nihilq; annotetur aliud noui, D C I I. M. pass. interuallo à Ptolemaide (id est, stadiorum 4816. ut hic ait) res ingentis exempli, locusq; subtilitatis immensæ, mundo ibi deprehenso (id est, quantitate terreni ambitus) cum indubitata ratione umbrarum, Eratosthenes mensuram terræ prodere inde cœperit, &c.

Meroë.

Meroë insula quæ est caput, hoc est, initium gentis Aethiopum. Hæc insula bis habet Solem verticalem. Vt Ptolemæus tribuit Metropoli insulæ Meroë elevationē poli 16. grad. 25. minuta, Sed ex distantia Syene & Meroës, quam
Plinius

Alia exem-
pla ab um-
brarū dif-
similitudi-
ne sumea.
die medio nullam umbram iaci: puteumq; eius ex-
perimenti gratia factum, totum illuminari. Ex quo
apparere tum Solem illi loco supra verticem esse:
quod & in India supra flumen Hypasin fieri tempore
eodem Onesicritus scripsit. Constatq; in Berenice
vrbe Troglodytarum: & inde stadijs quatuor milibus
D C C. X X. in eadem gente Ptolemaide oppido,
quod in margine rubri maris ad primos elephan-
torum venatus conditum est, hoc idem ante solstitium
X L V. diebus, totidemq; postea fieri, & per eos
X C. dies in meridiem umbras iaci. Rursus in Meroë
insula, quæ est caput gentis Aethiopum, & quinque
milibus stadiorum à Syene in amne Nilo habitatur,
bis anno absumi umbras, Sole quartamdecimam
Tauri partem & duodevicesimā Leonis obtinente.

In Indiæ gente Oretum, mons est Maleus nomine,
iuxta quem umbræ æstate in austrum, hyeme in
Septentrionem iaciuntur. Quindecim tantum noctibus
ibi apparet septentrio. In eadem India Patales
celeberrimo portu, Sol dexter oritur, umbræ in meridiem
cadunt. Septentrionem ibi Alexandro morante
annotatum, prima tantum noctis parte aspici.
Onesicritus dux eius scripsit, quibus in locis Indiæ
umbræ non sint, septentrionem non conspici, & ea
loca appellari Afcia, nec horas dinumerari ibi.

A P P E N D I X.

Commoratur adhuc in hoc capite in expositione quartæ
demonstrationis de diuersitate umbrarum, cuius nulla
alia causa reddi potest, nisi terræ rotunditas, quæ non eodem
modo omnibus eam inhabitantibus producit lumen
Syene. aut Solem, atq; ait: Simili modo tradunt in Syene oppido,
&c.

&c. Textus est facilis, latitudo huius oppidi apud Ptole-
mæum est 23. grad. & 50. min. qualem etiam maximam So-
li declinationem ponit. Ergo Sole existente in maxima de-
clinatione est illis verticalis, & per consequens umbra per
adversum, hoc est, perpendicularis projicitur. Nam hæc est
prima *diæta* de umbris, quod corpus opacum obiectum lu-
minoso umbram *projicit* directè ad partem oppositam. Er-
go Sole ex oriente umbræ semper sunt versus occidentem,
& e contra occidente Sole, umbræ fiunt orientales. Loca
enim septentrionalia, quorum latitudo est ultra 24. gradus,
hoc est, quæ extra zodiacum habitantur, semper habent
umbras septentrionales. Solem enim semper habent à ter-
go versus meridiem. Quæ verò zodiaco per rectam lineam
subiecta sunt, quando habent Solem verticalem, tum in
meridie nullas habent umbras: radius enim luminosus ad
modum lineæ rectæ incidit superficiei corporis secundum
punctum, ergo etiam tantum secundum punctum impedi-
tur. Cum ergo vnicus tantum radius est impeditus, qui tan-
tum secundum punctum incidit, sequitur nullam prorsus
manere umbram visibilem. Meminit & Lucanus: Umbras
nusquam flectente Syene. Hoc autem non tantum accidit
in hoc oppido, verum in omnib. reliquis huic paralelo sub-
iectis, quemadmodum in India super flumen Hypasin, &c.

Syenen oppidum ait esse supra Alexandriam quinque
millibus stadiorum. hoc sic collige: Eleuatio Alexand. est
31. grad. Syene 23. & 50. min. differentia latitudinis est 7.
grad. 10. min. iam si tribuas singulis gradibus iuxta Eroto-
ste. 700. stadia, intervallum inter Alexandriam & Syenen
erit stadiorum 5017.

Onesicritus fuit præfectus classis Alexandri Magni, cu-
ius nauigatio ex India versus occidentem in sinum Persicum
describitur à Plinio lib 6. cap. 23.

SEQUITUR IN TEXTU: Constat in Berenice vr- Berenice.
be, &c. hoc est, quemadmodum Syene nullam umbram
meridianam habet in die solstitiali, ita Berenice, cuius ea-
dem la-

dem latitudo cum Syene, graduum 23. min. 50. ergo etiam ibi die solstitiali nulla est umbra in meridie. Et inde stadijs quatuor millibus octingentis & 20. in eadem gente, scilicet Troglodytarum Ptolemaide oppido, &c. Huius oppidi latitudo est 16. grad. 25. min. ergo puncta eclipticæ, quæ tot gradibus ab æquinoctiali declinant versus septentrionem sunt verticalia Ptolemaide, ea autem sunt 15. grad. 8. & 15. grad. Leo. Abest autem 15. grad. Tau. à puncto tropico 45. & rursus à puncto tropico ad 15. Leo. sunt etiam 45. grad. attribuit autem Plinius singulis gradibus singulos dies. S E Q U I T U R: Et per eos nonaginta dies umbras in meridiem iaci, id est, interim dum Sol est illis septentrionalis, umbræ meridianæ ipsorū sunt meridionales per *Sion*, in principio capitis dictam. Sed Sol est illis septentrionalis 90. diebus, bis enim 45. faciunt 90. Infra hic locus recitatur, sed aliquanto integrius quàm hîc, itaq; existimo in hac lectione mendam esse. Sic enim inquit lib. 6. cap. 29. Vbi Ptolemais à Philadelpho condita ad venatus Elephantorum, ob id Epitheras cognominata, iuxta lacum Monoleum. Hæc est regio secundo volumine à nobis significata, in qua 45. diebus ante solstitium, totidemq; postea, hora 6. consumuntur umbræ, & in meridiem reliquis horis cadunt, cæteris diebus in septentrionem. Cum in Berenice, quam primam posuimus, (tradidit enim ibidem Plinius alias duas, Panchryson & Epidires) ipso die solstitij 6. hora umbræ in totum absumantur, nihilq; annotetur aliud noui, D C I I. M. pass. interuallo à Ptolemaide (id est, stadiorū 4816. ut hîc ait) res ingentis exempli, locusq; subtilitatis immensæ, mundo ibi deprehenso (id est, quantitate terreni ambitus) cum indubitata ratione umbrarū, Eratosthenes mensuram terræ prodere inde cæperit, &c.

Meroë.

Meroë insula quæ est caput, hoc est, initium gentis Aethiopum. Hæc insula bis habet Solem verticalem. Vt Ptolemæus tribuit Metropoli insulæ Meroë eleuationē poli 16. grad. 25. minuta, Sed ex distantia Syene & Meroës, quam
Plinius

Plinius posuit 5000. stadiorum, colligitur, eum loqui de elevatione poli habente 16. grad. & 40. min. tantam autem declinationem ab æquatore habent 14. gradus Leonis & 16. Tauri, ergo quando Sol illa puncta attingit, sit insulæ Meroë verticalis, & in meridie umbras absomit. Existimo in textu mendam esse, nam pro duodevicesimâ Leonis, legendum 16. Tauri, & pro 14. Tauri legendū est 14. Leonis.

S E Q V I T V R: In Indiæ gente Oretum, &c. hic mons habet latitudinem 17. graduum, cuius mentionem facit Plinius lib. 6. cap. 19. cum inquit: Ab ijs in interiore situ Monedes & Suari, quorum mons Maleus, in quo umbræ ad Septentrionem cadunt hyeme, æstate in austrum per senos menses: Septenttriones in eo tractu semel in anno apparere, nec nisi 15. diebus, Beton autor est, &c. Ergo quando Sol est in signis meridionalibus, hoc est, in hyeme, habet umbras in septentrionē per primam *Sion*, & e contra in æstate; quando Sol est in signis septentrionalibus, habet umbras in meridiem, & bis nullas: bis enim Solem habet verticalem: conspicitur autem Septentrio perpetuò: nam altitudo poli est maior quàm sit distantia Septentrionis à polo. Si autem vocat Septententrionem constellationem Vrsæ maioris, tum tantum conspicitur Sole in signis meridionalibus existente.

(In eadem India Patales.)

Plinius hanc urbem videtur collocare inter eas, quæ latitudinem meridianam habent, tametsi Ptolemæus eam inter septentrionales collocet, ait enim eam habere latitudinem borealem graduum 21. Quod ait ibi Solem dextrum oriri, intelligit ipsos Solem habere Septentrionalem, unde etiam illis umbræ cadunt in meridiem. Hæc sententia Plinij vera est etiam secundum Ptolemæum, si intelligatur non semper id accidere, sed tantum quando Sol est in Cancro: hæc enim ciuitas sita est inter Cancrum & æquinoctialem.

Quid autem vocet, dextrum & sinistrum in cælo, po-

Dextrum
& sinistrū
in cælo
test quid.

rest intelligi ex cap. 6. lib. 9. Vitruuij, qui ait sidera borealia, quæ citra tropicum sunt Cancrî, orientis dextra esse, & illa quæ ultra Capricornum sunt orientis sinistra. Ergo illa cœli pars à vetustissimis scriptoribus dextra vocatur, quæ ab oriente in septentrionem vergit, & altera quæ in meridiem inclinat sinistra. Sic etiam inquit Lucanus:

*Ignotum nobis Arabes venistis in orbem,
Umbras mirati nemorum non ire sinistras.*

Irem Ouidius:

*Nec te dexterior tortum declinet ad anguem,
Nec sinistrior pressam rota ducat ad aram.*

Sicut enim nobis vertentibus faciem ad Solem meridianum, & tergum ad polum arcticum eleuatum, ortus ad sinistram est, & occasus ad dextram, vt supra cap. 8. & cap. 54. meminit: Ita illis, quorum verricem Sol est transgressus versus Septentrionem, verrentibus faciem ad Solem meridianum, ortus est ad dextram, occasus ad sinistram.

Nec horas dinumerari ibi.) Supra, vbi de umbrarum causis & differentijs dictum est, etiam facta est mentio, quod ex motu umbræ, augmento & decremento ipsius horas diurnas discernimus, simul etiam dierum longitudinemprehendimus, deficiente itaq; umbra in solarijs, certum est quod horas non licet numerare, quæ per umbram in solarijs indicantur.

CAPVT LXXIIII.

Vbi bis anno umbræ, & vbi in contrarium.

AT in tota Troglodytice umbras bis quadraginta quinq; diebus in anno Eratosthenes in contrarium cadere prodidit.

A P P E N D I X.

Hoc caput coniungendum est cum superiore: exponit enim quomodo in Troglodytica, quæ sita est inter tropicum

cum Cancrī & Aequatorem, vmbra cadant, quæ planè habent similem rationem cum Ptolemaide, de qua in superiore capite dictum est. Atque hoc vniuersaliter verum est de omnibus, qui sub illo paralelo commorantur, & latitudinem habent 16. grad. 25. min. habent autem supra verticem Tauri 15. grad. ergo Sol in illo gradu existens est illis verticalis. Postea verò cuncte Sole ad solstitium, habent vmbra in meridiem, donec reuertatur ad Leonis medietatem, quod accidit diebus ferè 90. hoc est, 45. diebus ante solstitium, & 45. diebus post solstitium, quibus vmbra cadunt in partes nobis contrarias, hoc est, in meridiem.

CAPVT LXXV.

Vbi longissimus dies, & vbi breuissimus.

Sic fit, vt vario lucis incremento, in Meroë longissimus dies 12. horas æquinoctiales, & octo partes vnius horæ colligat, Alexandria verò 14. horas. In Italia quindecim. In Britannia 17. vbi æstate lucidæ noctes haud dubiè re promittunt id, quod cogit ratio credi: solstitij diebus accedente Sole propius verticem mundi, angusto lucis ambitu, subiecta terræ continuos dies habere senis mensibus, noctesq; è diuerso ad brumam remoto.

Probat
terræ ro-
tunditatē
ab inæqua-
litate lon-
gissimorū
& breuissi-
morū die-
rum.

Quod fieri in insula Thyle Pytheas Massiliensis scripsit, sex dierum nauigatione in septentrionem à Britannia distante: quidam verò & in Mona, quæ distat à Camaloduno Britanniae oppido circiter ducentis milibus, affirmant.

APPENDIX.

Præcipuus locus Cosmographicus est de formâ terræ, itaq; in illo diu multumq; cômoratur, & prudenter colligit

ferè omnes rationes, quæ probant ipsam esse rotundam. In hoc capite explicar illam, quæ ab inæqualitate dierum & noctium in diuersis terræ partibus sumta est. Et sic colligit : Quia dies in alijs locis sunt longiores, & in alijs breuiores, ergo terra est rotunda. Ratio consequentiæ est, quia intersecctio horizontis & æquinoctialis circuli pro diuersitate locorum diuersos ac dissimiles angulos efficit, ergo necesse est causam in ipsa terra existere, quæ alijs atque alijs locis propter tumorem diuersos horizontes producit, qui deinde sunt causæ istius dissimilitudinis : ascensionum enim rationem in diuersis terræ partibus variant, vnde hæc diuersitas in spatijs dierum & noctium accidit. Et quanquam supra capite 19. hunc locum exposuimus, tamen hic etiam quædam monere volumus, vt sententia textus fiat planior. Tumor terræ, quemadmodum sæpe iam dictum est, prohibet visum liberè in quamcunque cœli partem circumferri, sed certis limitibus ac regionib. illum circumscribit ac moderatur, hoc modo. Vt si aliquis in aliqua planicie steterit, tunc existimat cœlum vbiq; terram circulariter contingere, & ibi etiam est terminus visus, vnde hic circulus ab officio horizon seu terminator visus dicitur, quia partem cœli visam, ab altera quæ non videri potest, diuidit. Et quia est magnus circulus, per definitionem magni circuli cœlum in duas æquales partes diuidit. tantum enim cœli supra terram producit ac ostendit, quantum sub terra tegit ac occultat. Vnde etiam zodiacum & æquinoctialem secatur in duas æquales partes, & per consequens, si idem esset ac maneret toti terræ, hæc dissimilitudo spacij dierum & noctium in alijs atq; alijs terræ partibus non accideret : idem enim maneret angulus intersecctionis æquinoctialis & horizontis, Ergo etiam eadem ratio ascensionum existeret : vnde etiam tempus, quod ascensionibus respondet, non variaretur. Quia verò tumor terræ prohibet vbiq; eandem cœli medietatem contueri, ergo etiam non est vnus ac idem horizon omnibus locis, sed pro diuersitate locorum variatur.

Ergo

Ergo sequuntur necessariò reliqua accidentia, videlicet quod anguli interfectionum variantur, & arcus ascensionū diuersificantur. Præterea singuli dierum naturalium paralleli, vltra citraque æquatorem à Sole descripti, ad obliquos & impares angulos à tali horizonte secantur, vnde necesse est sequi effectum, videlicet dissimilitudinē dierū artificialiū.

Quantitas longissimi diei sic cognoscitur. Ex tabulis obliquarum ascensionum Regiomontani ad propositam aliquam eleuationem subtrahe primi gradus Cancrī ascensionem obliquam ab ascensione obliqua primi gradus Virgin. & arcus residui gradus diuidatur per 15. & prouenient horæ longissimi diei.

Longitudo diei solaris.

| | Eleuatio | Afc. obl. Cā. | Ascen. ☊. | Arc ^{us} resi. | Horæ |
|------------|----------|---------------|-----------|-------------------------|---------------------|
| Meroës | 16 | 82 50 | 277.10 | 194.20 | 12.57 $\frac{1}{2}$ |
| Alexandriæ | 31 | 74 51 | 285.9 | 211.18 | 14.57 $\frac{1}{2}$ |
| Romæ | 41 37 | 67 17 | 292.43 | 225.26 | 15.2 |
| Vitebergæ | 51 52 | 55 2 | 302.40 | 397.38 | 16.29 $\frac{3}{4}$ |

Et vt hæc dissimilitudo obseruaretur, homines prudentes ac docti dissecuerunt superficiem terræ ab æquinoctiali versus alterutrum polorum in septem climata, hoc est, partes seu cliuos, quibus ostenderent quantitatem variationis in omnibus terræ partibus. Est enim clima, spaciū terræ inter duos parallos comprehensum, à cuius initio vsq; ad finem dimidia hora variatio est diei longissimæ, vnde patet, quotum aliquod clima ab æquatore fuerit, tot semihoris longissima eius loci dies superat diem æquinoctialem, vt Romæ, quæ est in quinto climate sita, dies maxima est horarum 15. Quinq; enim semihoris superat diem æquinoctialem. De numero verò climatum non satis conuenit. Autor sphæræ secutus vetustissimorum tra-

Clima quid & quot.

ditionem, septem ponit. Vetusiores enim ultra septimum clima non indicauerunt esse commodam habitationem hominibus. Ptolemæus verò recentior in Geographia, ait terram habitabilem extendi vsque ad 63. gradum latitudinis, atque hanc sectionem in paralelorum descriptione secutus est.

TABELLA PARALELORVM
ET CLIMATVM.

NUME-

NUMERVS Climatum ELEVATIO Magnitudo Loca, per quæ trans-
Paralelorū. poli. dici maxi. eunt Paraleli.

Recentiorū. lem.

Grad. Min. Horz. Min.

Borealia.

| | | | | | | | |
|----|----|--------------|----|----|----|----|----------------------|
| 1 | 1 | | 0 | 0 | 12 | 0 | Sub Aequino- |
| 2 | 2 | | 4 | 18 | 12 | 15 | diali. |
| 3 | 3 | | 8 | 34 | 12 | 30 | |
| 4 | 4 | | 12 | 43 | 12 | 45 | |
| 5 | 5 | Initium pri- | 16 | 44 | 13 | 0 | Per Meroën. |
| 6 | 6 | mi clima. | 20 | 34 | 13 | 15 | |
| 7 | 7 | I I. Clim. | 24 | 11 | 13 | 30 | Per Syenen. |
| 8 | 8 | | 27 | 36 | 13 | 45 | Per Ptolemaida. |
| 9 | 9 | III. Cli. | 30 | 48 | 14 | 0 | Per Alexandriam. |
| 10 | 10 | | 33 | 46 | 14 | 15 | |
| 11 | 11 | IIII. Cli. | 36 | 30 | 14 | 30 | Per Rhodum. |
| 12 | 12 | | 39 | 3 | 14 | 45 | |
| 13 | 13 | V. Cli. | 41 | 23 | 15 | 0 | Per Romam. |
| 14 | 14 | | 43 | 32 | 15 | 15 | |
| 15 | 15 | VI. Cli. | 45 | 41 | 15 | 30 | Per Venetias. |
| 16 | 16 | | 47 | 21 | 15 | 45 | Per fontes Istri. |
| 17 | 17 | VII. Clim. | 49 | 1 | 16 | 0 | Per Erfordiam. |
| 18 | 18 | | 50 | 34 | 16 | 15 | |
| 19 | 19 | | 51 | 59 | 16 | 30 | Per Vittenbergam. |
| 20 | 20 | | 53 | 17 | 16 | 45 | Per Pomeraniam. |
| 21 | 21 | | 54 | 30 | 17 | 0 | Per Holfatiam. |
| 22 | 22 | | 55 | 36 | 17 | 15 | |
| 23 | 23 | | 56 | 38 | 17 | 30 | Per Hiberniam, Da- |
| 24 | 24 | | 57 | 34 | 17 | 45 | niam & Scosiam. |
| 25 | 25 | | 58 | 27 | 18 | 0 | Per Liuoniam & |
| 26 | | | 59 | 15 | 18 | 15 | Noruegiam. |
| 27 | 26 | | 59 | 59 | 18 | 30 | Per Sueciam. |
| 28 | | | 60 | 40 | 18 | 45 | |
| 29 | 27 | | 61 | 18 | 19 | 0 | Per interiora Sueciz |
| 30 | | | 61 | 53 | 19 | 15 | & Noruegiz. |
| 31 | 28 | | 62 | 15 | 19 | 30 | |
| 32 | | | 62 | 55 | 19 | 45 | |
| 33 | 29 | | 63 | 22 | 20 | 0 | |
| 34 | | | 63 | 47 | 20 | 15 | |

Climatum
& parale-
lorum uti-
litates a-
liz.

Præter istam utilitatem Climatum ac Paralelorum, de qua iam dictum est, quod videlicet diei incrementa indicant, alias insuper continent utilitates. Habitantes enim sub eodem paralelo, habent eandem latitudinem ab æquinoctiali. Præterea eandem dierum & noctium quantitatem, eadem augmenta & decrementa dierum, nisi quod respectu eiusdem temporis non eodem modo Sol illis oritur & occidit: orientalibus enim semper citius, & occidentalibus serius. Præterea habent æquales umbras meridianas, & postremo eandem hyemis ac æstatis naturam. De hac re legant studiosi plura in libellis Cosmographicis.

Expositio textus.

Textus Plinij si accommodetur ad ea quæ dicta sunt, est facilis. Meroë insula ab æquatore discedit 16. gradibus, ergo diem habet longiorem die æquinoctiali una integra hora. Quod autem Plinius ait: Sic fit ut variorum lucis incremento, scilicet dierum artificialium, longissimus dies in Meroë sit 12. horarum & octo partium, intelligendum est de paralelo qui transit per initium huius insulæ: in climatam autem mensuratione autor spheræ per medium, alij per finem ducunt, ubi media hora diei variatio est. Reliqua in textu conveniunt cum sectione climatum. Alexandriæ enim dies longissimus est horarum 14. Romæ verò quindecim. In Britannia lucidæ noctes re promittunt, id quod ratio cogit credi, id est, experientia in his locis convenit cum ratione & circulis cælestibus, videlicet quod in diebus solstitij, accedente Sole propius mundi verticem subiecta terræ, continuos habent fere dies, propter angustum lucis ambitum, quia scilicet lux ambit admodum exiguo descensu sub horizontem: nam in tali hemisphærio etiamsi occidat Sol, tamen non longè infra horizontem mergitur, est enim brevissimus arcus circuli magni transeuntis per polos mundi & corpus solare à Sole ad horizontem. Est hoc loco satis

co satis obscura sententia, propter orationis breuitatem. Sed non est dubium, quin hæc sit sententia; in locis septentrionalibus esse longissimos dies & breuissimas noctes in ætate, quia transitus Solis per inferius hemisphærium subinde fit breuior, donec ad extremum prorsus euanescat & fiat nihil, vt in illis locis accidit, in quibus quædam partes zodiaci perpetuo manent supra horizontem eleuatæ, illæ videlicet, quæ sursum eleuatæ ad ipsum polum inclinantur, & sub ipso polo medietas integra est eleuata supra horizontem: æquinoctialis enim illis est loco horizontis, vnde illis senis mensib. continuus dies sine nocte existit, non quidem propter angustum lucis ambitum, sed propter nullum omnino: nulla enim pars in hac medietate zodiaci in occasum inclinatur, neq; sub horizontem mergitur, ergo continuum diem naturalem habent, quamdiu Sol in his signis fuerit, id autem accidit sex mensum spacio. Per reliquam verò medietatem Sole incedente perpetua nox existit: altera enim eclipticæ medietas sub horizontemersa existit, neque vnquam illum superat, quemadmodum patet ex libellis de sphaera.

Quod autem illa in Thyle insula accidat, falsum est, & Thyle. quidem Strabo Pytheam huius fabulæ autorem reprehendit, cum inquit lib. 4. De Thyle obscura est historia, propter eius in vltima loca remotionem, hanc siquidem super omnes fama vulgaras, magis atq; magis ad septentrionem expositam locant. Caterum ea, quæ de hac ipsa, deq; vicinis illis locis Pytheas scripta reliquit, figmenta esse per celeberrimas regiones nobiscq; notissimas, constat. Verum cum de his plurima mentitus sit, & de remotioribus magis mentitum esse apparet. Thyle insula vna ex Orchadibus, cuius eleuationem ponit Ptolemæus 63. grad. $\frac{1}{4}$. sita ab occasu inter Hyberniam & Scotiam, ab ortu verò Noruegiæ respicit, non ea est, quæ carmine Virgilij celebratur: illam enim existimo eam esse, quæ hodie Gronlandia vocatur, in qua homines ferè frumento & reliquo humano victu

carentes, degunt, de quibus inspicienda est tabula Olai Gothi de terris septentrionalibus. Mona insula olim Druidum sedes, nunc Mana siue Man vocatur, sita inter Angliam & Hyberniam, cuius latitudo est 57. grad. 40. min. Camalodunum hodie Duncastrum vocatur, ciuitas sita ad Dunij fluminis ripam, à qua Mona distat ducentis milibus scilicet passuum.

CAPVT LXXVI.

Item De Horologio.

Ab horo-
logiorum
diuersita-
te.

V Mbrarum hanc rationem, & quam vocant gnomonice, inuenit Anaximenes Milesius, Anaximandri (de quo diximus) discipulus, primusq; horologium, quod appellant sciotericon, Lacedæmonæ ostendit.

APPENDIX.

Cum supra de vasis horoscopis dictum sit, & hic de horologijs sciotericis dicatur, quæri potest, quomodo horologiorum ratio ac dissimilitudo rotunditatem terræ probet: Ea enim quæ hoc loco dicuntur, tantum pertinent ad probationem rotunditatis terræ? Respondeo: Supra dictum est, quomodo in vasis horoscopis umbra probet terræ rotunditatem: quia enim umbra gnomonis erecti ad æquales angulos horizontis est diuersa Sole existente in eodem loco, sequitur & eleuationem poli & æquatoris variari, illa autem non ratione cœli, sed terræ tantum accidunt, ergo tumor terræ efficit illam dissimilitudinem. Eadem est ratio de horologijs omnib. sciotericis, hoc est, vel ad inclinationem æquatoris vel eleuationem poli fabrefactis, quæ sic vocantur, quia per umbram gnomonis seu umbilici Solis horas diei indicant. Si autem terra esset plana, tum horologia eadem conuenirent vniuersæ terræ, quia autem non conue-

conueniunt, ergo terra non est plana. Vocat hoc loco Plinius gnomonicon hanc partem Astronomiæ, quæ notat horas, & alia scitu digna, ex umbrarum obseruatione erecto aut infixo stilo, quem Græci gnomonem vocant. γνομονικὴ

CAPVT LXXVII.

Quomodo dies obseruentur.

Ipsum diem alij aliter obseruauere. Babylonij inter duos Solis exortus: Athenienses inter duos occasus: Umbri à meridie in meridiem: vulgus omne à luce ad tenebras. Sacerdotes Romani, & qui diem diffiniere ciuilem, item Aegyptij & Hipparchus à media nocte in mediam. Minora autem interval- la esse lucis inter ortus Solis iuxta solstitia, quàm æquinoctia, apparet, quia positio signiferi circa media sui obliquior est, iuxta solstitium verò rectior.

APPENDIX.

Hic locus facilis est de obseruatione diei facta à diuersis gentibus, & aliquot exempla de eadem re recitantur à Gellio libro 3. cap. 2. & Macrob. lib. 1. cap. 3. Saturnalium.

Hoc tamen monendi sunt studiosi, vt discant quid vocetur dies ab astrologis, quæ sint eius partes, & cur inæqualia ipsius spacia existant, cum tamen æquali & vniiformi reuolutione æquinoctialis circuli circumscribatur. Sciendum itaq; est, dies dupliciter considerari. Alij mensurantur motu Solis, quo rapitur à firmamento ab angulo ascendentis seu ortu ad occasum, & hi vocantur propriè luces seu dies artificiales, quia cum Sole incipiunt & rursum cum Sole occidente seu sublato ex oculis nostris deficiunt: de horum dierum differentijs & inæqualitate dictum est supra capite 19. Alij dies vocantur naturales seu ciuiles, qui propriè

Dies duplices.

Dies naturalis partes.

vocan-

vocantur ab omnibus gentibus dies, & constant ex luce & tenebris, sicut inquit scriptura: Erat mane & vespere dies vnus. Hunc diem Romani in aliquot partes dissecuerunt, quas Macrobius describit, cum inquit: Primum tempus diei ciuilis dicitur mediæ noctis inclinatio, deinde gallicinium: inde conticinium, cum & galli conticescunt, deinde diluculum, inde mane, cum dies clarus est: deinde à mane ad meridiem, inde vocatur tempus occiduum, & mox suprema tempestas, hoc est, diei nouissimum tempus, deinde vespera, ab hoc tempore prima fax, deinde concubia, & inde intempesta nox dicitur, quæ non habet idoneum tempus rebus gerendis, &c.

Dies naturalis.

Est autem dies naturalis spacium temporis, quo Sol motu primi mobilis circa terram semel reuoluitur, ac redit in idem punctum cœli vnde digressus est, hoc est, spacium temporis quod elabitur interim, dum Sol peroriens, vel in meridie existens, iterum ad ortum vel in meridiem reuertitur: elongationes enim & discessiones stellarum, ab ortu vel meridie colliguntur tanquam ab angulis principalioribus, tamen Astrologi magis à meridiano dies ordiuntur, propter huius circuli habitudinem ad horizontem: æquales enim angulos vndiquaque cum æquinoctiali constituit, vnde quodammodo vices recti horizontis supplere videtur. Est autem hoc spacium temporis, quod meretur diem naturalem, 24. horarum & aliquot minorum: in hoc enim tempore conficitur vna integra æquinoctialis circuli reuolutio, cum tantilla particula, quæ respondet arcui Eclipticæ, quem Sol quotidie proprio suo motu conficit. Nam hic punctus æquinoctialis circuli, qui cum Sole hodie oritur aut cœlum mediat, cras non simul orietur aut mediet cœlū, alioqui enim regulariter spacia omnium dierū essent rantum 24. horarum, videlicet vna integra reuolutio æquinoctialis circuli. Cum autem Sol motu suo proprio semper discedat in Ecliptica à loco, quē in ortu vel meridie tenuit, necesse est alium etiam punctum æquinoctialis circuli in Sole oriri ac mediare cœlū.

Hæc

Hæc autem spacia dierum naturalium sunt inæqualia, primò propter motum Solis irregularem circa centrum mundi: in altera enim medietate, quæ est à principio Arietis vsq; ad finem Virginis, 187. diebus commoratur, in reliqua verò & huic æquali tantum 178. vnde necesse est Solem in altera medietate tardius, & in altera celerius moveri. Secundò, dies sunt inæquales propter inæquales arcus ascensionum. Supra enim dictum est, cum singulis arcibus eclipticæ etiam æqualibus, coascendere inæquales arcus æquatoris, vnde necesse est ipsius æquatoris particulas, respondentes motui Solis proprio & diurno, quæ quotidie integris revolutionibus æquinoctialis adiiciuntur, esse inæquales, & per consequens, tempus, quod ipsas metitur, erit inæquale: & quanquam hæc inæqualitas in singulis diebus vix sensu percipi possit, tamen plurimæ differentiz simul collectæ notabile discrimen efficiunt.

Cum autem regulares motus corporum cœlestium non nisi regulari & æquali tempore circumscribi & mensurari possint, sequitur hos dies non posse mensuram motus existere. Sunt enim inter se inæquales. Proinde ab hominibus eruditis excogitata est ratio, qua ad æqualitatem illos dies differentes & inæquales reducerent, vt ex illis fierent mediocres & æquales, & quia perspicuè & vberimè à Ptolemæo lib.3. est explicata, studiosos adhortor, vt istinc petant hanc doctrinam.

Cur autem minora intervalla lucis inter ortus Solis, iuxta solstitia, quàm æquinoctia contingant, causa est, quia positio signiferi circa sectionem vernam & autumnalem obliquior est, iuxta solstitia verò rectior, hoc est, arcus eclipticæ magis ab æquatore discedentes, maiorem latitudinem, seu amplitudinem ortiuam in sphaera obliqua habent, quàm partes vicinæ vero ortui. Est autem latitudo ortiua, arcus horizontis inter ortum æquatoris & punctum orientis Solis interceptus.

Causa inæqualitatis dierum naturalium.

Latitudo ortiua quid.

Sic autem colligit Plinius, Minora sunt intervalla lucis,
hoc

hoc est, minores accessiones siue minus sensibilia incrementa circa solstitia quàm æquinoctia, quia amplitudo ortiua illic sensim & paulatim crescit, hîc verò subito & celeriter. Vt in nostra sphaera cum primo grad. Arietis, vel Libræ existit amplitudo ortiua 40. minutorum, cum secundo vnius gradus & semis. cum tertio duorum, &c. Vides ergo quomodo hic arcus celeriter crescat. Sed cum Cancro & Capricorno tardè decrescit; vt cum primo gradu Cancri hic arcus est 38. grad. & 8. min. cum secundo totidem graduū & 6. min. cum tertio iterum totidem graduum & 4. min. Ergo paulatim circa hæc puncta, & tantum per duo minuta decrescit, cum supra circa æquinoctia excreuerit ferè per integros gradus. Sic autem inuenitur hic arcus. Multiplica sinum totum per sinum declinationis puncti, cuius amplitudo ortiua quæritur, productum diuide per sinum complementi elevationis polaris. Ex his sequitur, quod incrementa dierum inter duos ortus Solis circa æquinoctia sint maiora, quàm circa solstitia. Hanc puto esse simplicem & germanam huius loci sententiam.

C A P V T L X X V I I I.

Differentiæ gentium & ratio.

Contexenda sunt his cœlestibus nexa causis. Namq; Aethiopas vicini sideris vapore torreri, adustisq; similes gigni, barba & capillo vibrato, non est dubium. Et aduersa plaga mundi atq; glaciali, candida cute esse gentes, flauis promissas crinibus. Truces verò ex cœli rigore has & illas mobilitates habentes. Ipsoq; crurum argumento, illis in supera succum reuocari, natura vaporis, his in inferas partes depelli, humore deciduo. Hîc graues feras, illic varias effigies animalium prouenire, & maximè alitū,
& in

& in multas figuras gigni volucres. Corporum autē proceritatem vtrobiq; illic ignium nisu, hīc humoris alimento. Medio verò terræ salubris vtrinq; mixtura, fertilis ad omnia tractus, modicus corporū habitus. Magna & in colore temperies, ritus molles, sensus liquidus, ingenia foecunda, totiusq; naturæ capacia. Ipsidem imperia, quæ nunquā extimis gentibus fuerint: sicut ne illæ quidē his paruerint anulsæ, ac pro immanitate naturæ vrgentis illas solitariae.

APPENDIX.

Præcipua causa discriminis atq; varietatis morum atq; Causæ dif-
 formarum in diuersis gentibus, est cœlestis, & zonarum uerstatis
 similitudo. Lumen enim cœleste diuersimodè temperat at- tempera-
 que miscet primas qualitates aëris, cumq; cætera animalia menti ac
 in aëre degant & hauriant aërem, non est absurdum etiam formæ in
 cætera corpora lumine cœlesti affici. Et satis experientia diuersis
 constat, dissimilem esse luminum naturam: Solis enim lu- gentibus.
 men est calidum atq; viuificum, Lunæ verò humidum. Tem-
 peratura autem caloris atque humoris cuncta gignuntur.
 Cur autem tam diuersa atq; varia temperamenta gignantur,
 quibus respondent inclinationes animorum ad certas
 actiones & studia, causa est & vicinitas seu distantia Solis &
 Lunæ, item diuersus ortus & occasus astrorum. Sic enim
 inquit Hippocrates: *εἶδος δὲ τῶν ἀέρων τὰς μεταβολὰς, καὶ τῶν*
ἀέρων ἐπιτολὰς καὶ θύσεις, καθότι ἕκαστος πύθων γίγνεται, περιείδῃς ἂν
τὸ ἕτος ἐκδοῦν τι μέλλει γίγναι.

Et alio loco præcipit Hippocrates discipulis suis, quos
 ad ignotas regiones dimisit ad curandos homines, vt in pri-
 mis loci situm diligenter considerent, quibus ventis sint ex-
 positæ, & qua parte lumen Solis recipiant: ita futurum ait,
 si hæc diligenter considerauerint, vt & mores hominum &
 peculiare horum locorum morbos exactè intelligant atq;
 cognoscant. Verum de hac re aliàs satis dictum est.

Aristo-

Aristoteles in problematibus , sectione 14. in titulo *de æthere*, pleraque huius capituli loca exponit. Albertus Magnus in libello de natura locorum cap. 5. prudentissimè causas harum inclinationum ac mutationum colligit , cum inquit : Si quis autem particulariter velit cognoscere omnes naturas & proprietates particularium locorum in aqua, aëre & terra, sciat quod non est punctus in eis, qui non habeat specialem proprietatem ex virtute stellarum, mediam habitationem commixtorum respicientium : ad quodlibet enim punctum habitationis animalium & plantarum & lapidum, variatur circulus horizontis, & ad variationem circuli horizontis totus respectus cœli ad medium habitationis variatur, qua de causa variantur naturæ & proprietates, & mores & actus & species eorū quæ in eodem sensibili loco videntur generari. Deinde quod & hominibus & brutis ex hoc diuerso respectu proprietates & mores diuersi attribuantur, hoc est, rationale, quia compertum est diffundere virtutes formativas in omne quod est, maximè autem diffundit eas per radios emissos à luminibus stellarum, & ideo consequens est, quod quilibet figura radiorum & angulus, diuersas in inferioribus causet virtutes, &c.

Aethiopes.

De Aethiopibus Ptolemæus lib. 2. cap. 2. quadripartiti inquit : Incolæ, qui subiecti sunt australioribus paralelis, id est, ijs qui describuntur ab æquinoctiali vsq; ad tropicum æstiuum, cum supra verticem illorū feratur Sol, quasi vstulatis nigrisq; corporibus videntur & capillo esse crispo & denso, facie etiam contracta & statura contorta, natura calidi, moribus feris, propter magnitudinem æstus in locis suis, quos Aethiopas vocare consueuimus, &c. Quod autem Plinius ait, nasci illos barba & capillo vibrato, hoc est, crispo, causa est temperamenti siccitas : capillus enim siccus ex nimio calore prouenit contortis ob ariditatem meatibus cutis capitis, sicut corrigiæ, atque etiam ipsi pili igni propius admoti intorquentur, ita etiam pili ipsorum propter calorem temperamenti crispantur. Septentrionales
verò

verò sunt candida cute, ppter frigidam & humidam temperiem. Sunt & flavis crinib. propter cerebri frigiditatem. Sicut enim calidum cerebrum nigros capillos propter adustionem gignit, ita frigidum, flauos. Capillus autem promissus ac simplex ex humido copioso ac profluente prouenit magis quàm ex stillanti: Vapor enim ex quo pilus gignitur minus torretur: magis enim excrementum flauæ bilis quàm alterius humoris existit, sicut albus pilus ex pituita, rufus ex media natura pituitæ & bilis rufæ nascitur. Notus est vericulus: *Flauos aquilone Sueuos.*

Quod verò ait: Truces verò ex cœli rigore has, scilicet septentrionales degentes in zona intemperata frigida, & illas, scilicet gentes in zona intemperata calida habentes mobilitates, hoc est, mobiles & inconstantes existere. Frigus enim externum constringit atq; condensat corpora, vnde interiora membra propter prohibitam transpirationem magis calent. Calorem autem internum, & præsertim cordis, sequitur audacia & ferocia. Sic inquit Ptolemæus: Qui incolunt loca septentrionalia, frigore & humiditate abundant. Ibi sunt igitur colore albo homines, capillo promisso, statura proceri & bene habiti, natura frigidi, sed moribus feris propter frigoris vim, quod humores inspissat & cogit, vnde minus obediunt motui ac receptioni formarum animalium, vnde & operationes animales redduntur hebetiores atq; agrestiores. Et sicut Aethiopes, qui in calidissimis locis degunt, sunt hebetes propter cerebrum modicum & nimis siccum, sic etiam sunt mobiles propter spiritus vagos & nusquam fixos & consistentes. Vnde Aristoteles ait, septentrionales esse similes valde ebrijs, nec esse anxios in quærendo, sed audaces ac spei plenos in faciendo. Probat Plinius signo à cruribus sumto, cum inquit, horû Aquilonarium pedes esse spissos & crassos, propter humorem spissum ac densum, qui in illorum corporibus abundans exafluat, & cerebri actiones corrumpit, & ad extremum in pedes subsidet. Aethiopum pedes graciles, ppter

nimis subtilem humorem, qui quàm proximè spiritus & ignis naturam accedit, unde & euolat, propterea ipsorum corpora sunt agilia & celerrima, & crura gracilia.

Tempera-
re regio-
nes, ac
gentes,

In medio verò terræ tractu salubris vtrinq; mixtura, hoc est, quia vtrinq; circa extrema est excessus vel caloris vel frigoris, ergo in medio sit temperatura quædam conuenientissima habitationi humanæ: & tam Medici quàm Astrologi quartum clima connumerant in medio. Notæ sunt sententiæ Hippocratis in libello de aëre, aquis & locis. Auicenna in cap. de Complexionibus inquit: Post loca sub æquinoctiali sita, quartum clima exacto temperamento esse proximius, eò quod ibi habitantes non vruntur ob directionem, neque impensius calefiunt ob propinquitatem, neq; congelantur ob nimiam distantiam. Galenus in lib. 3. commentariorū in Aphorismos inquit, quod zona exquisitam habet temperiem, quæ per Gnidum ac Coum transit, &c. Plinius addit illustres rationes: Quia, inquit, ibi est modicus corporum habitus, id est, homines non sunt præpingues & obesi, vt septentrionales. Adeps enim ex habitus frigiditate gignitur, corpulentia verò ex sanguinis abundantia, neque nimis graciles vt Aethiopes, propterea quod omnis succus calore torretur & absumitur. In colore quoq; est temperies: frigus enim excellens nimis albos, calor autem austos ac nigros reddit. Ritus molles, sensus liquidi, animi enim mores temperamenta corporum sequuntur, & quia in bona natura sunt temperatissimi spiritus, ideo quoq; actiones vitæ sunt suauis & temperatæ.

Quod in fine ait: Ac pro immanitate naturæ, &c. intelligit gentes septentrionales, propter naturæ ferociam, nullam consuetudinem aut commertia habere cum moderatioribus aut humanioribus naturis, sicut hodie dicuntur esse naturæ Laponum & similium, qui non incolunt vrbes, non habent commercia cum cæteris, sed viuunt, vt hic inquit Plinius, solitarij.

CAPVT LXXIX.

De motu terræ.

Babyloniorum placita motus terræ, hiatusq; & cætera omnia, vi siderum existimant fieri, sed illorū Causa efficiens remota. trium, quibus fulmina assignant: fieri autem, meantium cum Sole aut congruentium, & maximè circa quadrata mundi.

Præclara quædam esse & immortalis in eo (si credimus) diuinitas perhibetur, Anaximandro Milesio physico: quem ferunt Lacedæmonijs prædixisse, ut urbem ac tecta custodirent: instare enim morum terræ: cum & vrbs tota eorum corrui, & Taygeti montis magna pars ad formam puppis eminens abrupta, cladem insuper eam ruina pressit. Perhibetur & Pherecydis Pythagoræ doctoris alia coniectatio, sed & illa diuina: Haustu aquæ è puteo præsensisse, ac prædixisse ibi terræmotum. Quæ si vera sunt, quantum à Deo tandem videri possunt tales distare, dum viuant? Et hæc quidem arbitrio cuiusque existimanda relinquuntur.

Ventos in causa esse non dubium reor. Neque enim vnquam intremiscunt terræ, nisi sopito mari: Materia- lis. cœloq; adeo tranquillo, ut volatus auium non pendeat, subtracto omni spiritu, qui vehit: nec vnquā nisi post ventos cōditos, scilicet in venas & cauernas eius occulto afflatu. Neq; aliud est in terra tremor, Formalis. quàm in nube tonitruum. Nec hiatus aliud, quàm cum fulmen erumpit, incluso spiritu luctante, & ad libertatem exire nitente.

Motus terræ, concussio, agitatio vel tremor, idem sunt. Fit autem terræmotus quando terra concutitur à ventis siccis in eam inclusis, qui quando virtute sua attolluntur atq; exitum querunt, neq; vsquam illis patet, ppter obstructos terræ meatus, tum retro feruntur, atq; in sese revoluuntur: hac rixa spiritus reciprocantis sine interclusi, sine per angustum elisi movetur atq; concutitur terra. Est itaq; causa effectiua remota calor Solis, & vt Plinius ait, ex Babyloniorum placitis, horum trium siderum, quib; etiani fulmina assignantur, videlicet Martis, Iouis & Saturni. Sic inquit Albumazar: Terræmotus sciuntur ex h, cum fuerint eius radij in signis primarū vel magnarum coniunctionum, &c. Lege hac de re copiosissimè disputantes Astrologos in ipsorum libris. Materialis seu effectiua propinqua exhalatio seu ventus in terra sine natus sine aliunde immisus. Constat autem tales spiritus in terra gigni: terra enim per sese existit arida, imbris verò humectata atq; calore Solis concalescēta, exhalationes & spiritus gignit, qui cum moderati fuerint, exhalant statis & regularibus modis & vijs, si verò immoderati fuerint, etiam inordinatè erumpunt, præclusa enim illis via, ita vt non liberè perspirare possint, vi viam sibi parant, vnde erumpant, atq; hæc eruptio vocatur terræmotus. Formalis causa est ipsa agitatio. Idem enim quod ventum super terram excitat, ac in nubibus tonitru, illud in terræ meatibus tremorem seu terræmotum: quando enim calor subterraneus multam vaporū vim peperit, eamq; frigus in angustum cogit, tunc vt frigori instanti & vrgenti cedere possit de loco (nam calor & frigus in vno loco simul consistere non possunt) fit vt proxima quæq; perfringar, & hoc modo erumpat. Finalis, significatio alicuius futuri euentus. Hic enim ait Plinius: Nunquam vrbs Roma tremuit, vt non futuri euentus alicuius id prænuncium esset, sicut etiam inquit scriptura 1. Regum 22. Commota est & contremuit terra, quoniam iratus est Dominus.

Hero-

Causa efficiens propinqua.

Causa materialis.

Formalis.

Finalis.

Herodotus in Εἰρωῖ inquit : οὗτος μὲν καὶ τίνας ἀνθρώπους τῶν
 πολλῶν τῶν ἰσθμῶν κακῶν ἴσθμι ὁ θεὸς, &c.

Quæret hinc aliquis, quid fieri potest, quod tanta moles
 terræ à tam raro atq; leui corpore, videlicet spiritu, con-
 cutitur? Respondet Aristoteles, quod quemadmodum in
 nostris corporibus flatus inclusi tam tremorum quàm pul-
 sum causæ existunt, & quemadmodum exiguus pulviscu-
 lus pyrius inclusus in machina, & incensus magna vi ingens
 saxum eiacularur: ita spiritus in terra agitati, aliquando
 etiam incensi, illam concutunt. Ita etiam in ipsa terra acci-
 dit, quando magna vis spirituum collecta ipsam sua vi mo-
 uent atq; concutunt. Terræmotum describit Lucre. lib. 6.

Similitu-
 do terræ-
 motuum.

*Præterea ventus cum per loca subcana terræ
 Collectus parte ex vna procumbit & vrget,
 Obnixus magnis speluncas viribus altas
 Incumbit tellus, quò venti prona premit vis:
 Tum supra terram quæ sunt extructa domorum
 Ad cælumq; magis quanto sunt adita quæq;
 Inclinata minant, in eandem prodita partem, &c.*

Item Ouidius:

*Vis fera ventorum cæcis inclusa canernis
 Expirare aliquò cupiens, luctataq; frustra
 Liberiore frui cælo, cum carcere rima
 Nulla foret toto, nec peruia flatibus esset,
 Extentam tumescit humum, cœu spiritus oris
 Tendere vesicam solet, &c.*

(Fieri autem meantium cum Sole,) Id est, cum
 hæc tria sidera sunt cum Sole coniuncta. Aut congruenti-
 um, scilicet aliquo aspectu, vt diametro seu triquetto, ma-
 ximè autem id ait accidere circa quadrata mundi, hoc est,
 quando absunt à Sole intervallo trium signorum, nam hic
 aspectus dicitur esse inimicus rebus nascentibus.

(Præclara quædam esse & immor. &c.)

Historia extat apud Ciceronem libro primo de diuina.

cuius hæc sunt verba: Multa medici, multa gubernatores, agricolæ etiam multa præsentunt, sed nullam eorum diuinationem voco, ne illam quidem, qua ab Anaximandro physico moniti Lacedæmonij sunt, vt urbem & tecta linquerent, armariq; in agro excubarent, quod terræmotus instaret, cum & vrbs tota corruit, & ex monte Taygeto extrema montis quasi puppis auulsa est. Ne Pherecydes quidem ille Pythagoræ magister potius diuinus habebitur quàm physicus, qui cum vidisset haustam aquam de iugi puteo, terræmotus dixit instare. Aristoteles meminit Anaxagoræ Clazomenij, & Anaximenis Milefij, & Democriti Abderitæ, qui primi de terræmotu disseruere, & causas ipsius in natura peruestigare conati sunt. Legant de hac re studiosi Aristot. 2. Meteo. cap. 7.

(Ventos in causa esse, &c.)

Seneca de
sermone
lib. 1.

Ascribam verba Senecæ, quæ elegantissimè hunc totum locum exponunt. Corpus, inquit, nostrum sanguine irrigatur & spiritu. Habemus autem quædam angustiora animæ receptacula, per quæ nihil amplius quàm spiritus meat: quædam patentiora, in quibus colligitur, & vnde diuiditur in partes. Sic se totum terrarum omnium corpus, & aquis quæ vicem sanguinis tenent, & ventis, quos nihil aliud quis quàm animam vocauerit, peruium est. Hæc duo alicubi concurrunt, alicubi consistunt. Sed quemadmodû in corpore nostro, dum bona valetudo est, venarum quoq; imperturbata mobilitas modum seruat: vbi aliquid aduersi est, micat crebrius, & suspiria atq; anhelitus, laborantis ac fessî signa sunt: Ita terræ quoq; dum illis positio naturalis est, inconcussæ manent. Cum aliquid peccatur, tunc veluti ægri corporis motus est, spiritu illo, qui modestius perfluebat isto vehementius & quassante venas suas: qui spiritus quamdiu habet exitum, sine iniuria labitur, si offendit aliquid & incidit quod viam claudat, tunc oneratur primò infundente se à tergo spiritu, deinde per aliquam rimam mali-

imalignè fugit, & hoc acius fertur quò angustius, id sine pugna non potest fieri, nec pugna sine motu: ac si nec rimam quidem, per quam effluat, inuenit, conglobatus illic furit, & huc atq; illuc circumagitur, aliq; deijcit, aliq; intercidit, &c. Hæc eadem sententia ab Aristotele copiosè Aristotel. explicatur, cum inquit: οὐκ ἂν οὐκ ὕδαρ εὐδὲ γὰρ αὐτῶν εἶναι, ἀλλὰ πνεῦμα τῆς κατέσται, ἵταρ ἔσται τὸ γρηῃναι, τὸ ἔξω ἀναθυμιάσεων. διὰ γίνεται νιωσιμία αἰ πλεῖστον καὶ μέγιστον τῶν σεισμῶν. σιωπῶν γὰρ οὕτω ἢ ἀταθυμίας, ἀκαλουθεῖ αἷς δὲ το πολὺ τῇ θερμῇ τῆς ἀρχῆς, ὥστε ἢ ἔσται ἀμα ἢ ἔξω θερμῇ σάσα. Non igitur rectè hoc loco expressit Plinius Aristotelis sententiam, cum inquit: Neque enim vnquam intremiscunt terræ, nisi sopito mari, Aristoteles verò ait: διὰ γίνεται νιωσιμία αἰ πλεῖστον καὶ μέγιστον.

Quod in fine capituli inquit: Neq; aliud est in terra tremor, quàm in nube tonitru, rursus alludit ad Epicuri sententiam, qui inquit, terræmotum fieri à violentia calidi spiritus, qui conuersus in ignem fulmini similis, fertur cum magna obstantium strage, vt inquit Seneca.

CAPVT LXX.

De terræ hiatibus.

Variè itaq; quatitur, & mira æduntur opera, alibi prostratis mœnibus, alibi hiatu profundo haustis, Species terræmotus. alibi egestis molibus, alibi emissis amnibus, nonnunquam etiam ignib. calidisue fontibus, alibi aduerso Alii auerso. fluminum cursu.

Præcedit verò comitaturq; terribilis sonus, aliàs Accidētia. murmur similis mugitibus, aut clamori humano, armorumue pulsantium fragori, pro qualitate materiæ excipientis, formaq; vel cauernarum, vel cuniculi per quem meat, exilius grassante in angusto, eodem rauco in recuruis resultante, in duris fremente,

in humidis fluctuante & stagnantibus, item fremente contra solida. Itaq; & sine motu sæpè æditur sonus. Nec simplici modo quatitur vnquam, sed tremat vibratq;. Hiatus verò aliàs remanet, ostendens quæ sorbuit, aliàs occultat ore compresso, rursusq; ita inducto solo, vt nulla vestigia extent, vrbibus plerunq; deuoratis, agrorumq; tractu hausto. Maritima autem maximè quatuntur. Nec montosa tali malo carent: Exploratum est mihi Alpes Apenninumq; sæpius tremuisse. Et autumnno ac vere terræ crebrius mouentur, sicut fiunt fulmina. Ideo Gallia & Aegyptus minimè quatuntur, quoniam hîc æstatis causa obstat, illic hyemis. Itē noctu sæpius quàm interdiu. Maximi autem motus existunt matutini vespertiniq;: sed propinqua luce crebri. Interdiu autem circa meridiem fiunt, & Solis Lunæq; defectu, quoniam tempestates tunc sopiuntur. Præcipuè verò cum sequitur imbrem æstus, imbrésuè æstum.

A P P E N D I X.

Species
terræmotus.

Hoc caput continet enumerationem specierum terræmotus, quarum PRIMÆ, ruina vel casus vocatur, Seneca inclinationem vocat, quando in vnā partem totus se motus impellit. Fit autem quando multus & copiosus spiritus in vnum aliquem locum magna vi incumbit, quem etiam euertit, nisi celeriter ex altera parte occurrat motus, qui inclinata restituat. Hac specie terræmotus Basilea concussa corruit, anno Domini 1354. die 18. Octobris. Meminit etiam Liuius huius speciei lib. 2. tertiæ deca. Tantus fuit ardor animorum, adeo intentus pugnae animus, vt eum terræmotum, qui multarum vrbium Italiae magnas partes prostrauit, auersusq; cursu rapidos annes, mare fluminibus inuexit, montes lapsu ingenti pruit, nemo pugnantium senserit, &c.

S E-

SECUNDA species Hiatus vocatur, quando terra profundo hiatu dehiscit, & fit quando spiritus magna vi erumpit extra terram. Aristoteles ait hac specie Sipilum vocatum Phlegreum agrum, & regionem Ligusticam euerfam esse.

TERTIA species vocatur Agitatio, tremor vel succussio, Aristoteles pulsum vocat, & fit quando terra assurgit veluti intumescens, atq; iterum residet. Hac specie terræmotus tremuit Friburgum Brisgoicum patria mea, anno Domini 1509. Calen. Nouemb. Erant autem duo horribiles motus, alter nocturnus, qui subleuabat tecta in altum, & rursus demittebat, ita vt velut alternis assurgerent atq; residerent. Alter verò sequenti die circa vesperam, qui verius fuit sonus quidam & horribilis sibilus, quàm concussio aut tremor.

QUARTA species, quando magna moles instar montis extra terram egeritur, aut quando aliqua terræ pars subsidet, ex qua aut flumina aut ignes erumpunt. Exponit hanc speciem Aristoteles, cum inquit: Iam enim motus terræ quibusdam in locis factus non ante desijt, quàm ventus ille qui permouerat, facta eruptione in locum terra sublimiorem, apertæ procellæ instar exierit, id quod etiam circa Heracleam Ponti nuper accidit, & prius circa Hieram insulam, quæ est vna ex ijs quas Aeolias appellant. In hac enim pars terræ intumescere assurgebatq; cum sono intumuli speciem, quo tandem dirupto, multum spiritus prodijt, qui scintillam cineremq; sustulit, ac Lipareorū urbem, quæ haud procul aberat, totam in cinerem redegit. Scribit Albertus Magnus, Necarum flumen Sueniæ absorptum esse terræmotu, vt vno die per integrum miliare auersum nusquam comparuerit.

Plinius inter terræmotus opera enumerat primò euer-
sionem urbium, secundò absorptionem, quando mergun-
tur dehiscēte terra. Tertiò egestas moles, hoc est, quando
crumpens aër ingentem molem terrarum, & vt ille inquit,

Effectus
terræmo-
tus.

h 5 instar

inſtar montis egerit. Quartò, emiſſi amnes. Quintò, emiſſi ſignes, vt in Aetna & Veſuuiò, itém emiſſi fontes thermarum. Sextò, aduerſi fluminum curſus, hoc eſt, ſæpe flumina retro ad fontes ſuos recurrunt, propter terræ in alueo elatum tumorem, qui cogit flumina retrocedere. Thermarum eruptarum ex terræmotu meminit Ariſt. cum inquit: διὰ τὴν τὰ θέρματα τὸν αἰὲρ ἀπὸ τῶν αἰτίων γίνονται, &c. Fontium nouorum ſcaturigo aut veterum commutatio inde exiſtere poteſt, quod terræmotus veteres canales qui aquam effundebant obturat, tunc enim neceſſe eſt ex alio loco ex montib. aquam erumpere. Capite ſequenti aſcribam ſententiã Pauſaniæ, qua has ſpecies vberius & planius explicat.

Ariſtoteles ſimpliciter has ſpecies diuidit in τρέμος & σφύγμις, in tremorem & pulſum, vt ſit τρέμος διὰ πλάτος, σφύγμις verò διὰ τὴν εὐρύτητα. Vbertimam terræmotus ac eius ſpecierum deſcriptionem plurimis exemplis illuſtratam legant ſtudioſi apud Agathium de Gorthorum bello, lib. 2.

(Præcedit verò comitaturq;, &c.)

Soni in res
tremota.

Spiritus agitati in ſubterraneis ſpecubus ſonos efficiunt: Inprimis verò quando ſeruntur aduerſus ſolida canaſq; corpora ſubterranea, adeo etiam vt nonnunquam terra velut mugitum ædere videatur. Sicut enim ex dolio cauſatur vox horribilis atque diſſona cum perflatur vento: ita quoq; ſpecus & cauernæ ſubterraneæ pro varietate ac diſſimilitudine meatuum, & pro materiæ ſoliditate aut raritate varios atq; horribiles ſonitus ædunt, quando ſpiritu perflantur. Aeduntur aliquando ſoni ſub terra etiam ſine conſuſione, idq; accidit quando vapores non ſunt ſaris multi, vt terram aut eleuare aut tremefacere queant, ſed intus in abdito tumultuantur inter ſeſe. Ariſtoteles inquit, αἰσθηταὶ δ' ἐν ψήφῳ τὸ κίνησιν, διὰ τὸ λεπτομερὲς εἶναι καὶ μάλιν διὰ πᾶν τὸν ἥνα οὐ συνόμαται τὸν ψήφον. De tali mugitu loquitur Virgilius, cum inquit:

Sub pedibus mugire ſolam, & inga ceſſa moueri.

(Mari-

(Maritima autem maximè quatiuntur.)

Ratio est, quod loca maritima abundant venis & cavernis, quibus mare tetram veluti quibusdam fistulis subingreditur, & quibus riui subterranei in mare profluunt, illic deinde postea spiritus gignuntur, qui cum egredi luctantur, à fluctibus marinis repelluntur, atq; ita rursum in visceribus terræ conduntur, qui aucti deinde, neq; illis exitus patet, latera terræ concutiuntur. Aristoteles ait, validissimos terræmotus fieri vbi mare fluidum est, aut regio fungosa, aut subterraneis specubus abundans, quamobrem ait, circa Hellepontum, Achaiam, Siciliam & Eubœam, tellurem vehementissimè quati, propter mare, quod velut fistulis quibusdam ista loca subingreditur. Ferunt quondā in Aegypto nullos terræmotus factos esse, quod rota ex limo concreuerit, quem Nilus turbidus defluens secum traxit, & prioribus terris apposuit, sed postea remere cœpit, quorum motuum ab Agathio exempla recitantur.

Loca apta
terræmo-
tui.

(Et autumnō ac vere.)

Vt plurimum æquinoctialibus temporibus terræmotus fieri solent, propterea quod illa tempora sunt flatuosissima, propter eandem causam, quæ supra est de ventis reddita. Aestate & in locis calidioribus sunt rariores motus propter calorem, qui poros terræ aperit, vnde exhalat quicquid est ventorum aut spirituum collectum sub terra. Nec etiam hyeme fiunt propter debilitatem caloris, qui gignit atq; producit spiritus. Item propter eandem causam noctu sæpius quàm interdiu, propterea quod calor diurnus dissolvit materiam, frigus nocturnum constringit eam. Scribit Albertus, se vidisse terræmotum in Lombardia durantem integris 40. diebus, qui in solsticio hyemali cœpit: & addit causam, quia in æstate erant multi vapores crassi ac terrestres resoluti per calorem Solis, neq; tamen extra terræ superficiem educti, proinde hyeme conclusis terræ poris frigo-

Tempus
aptum ter-
ræmotui.

Signa motus futuri.

Nauigantes quoq; sentiunt non dubia coniectura, sine flatu intumefcente fluctu subito, aut quati-^{Signa terræmotus.} ente iâti. Intremunt verò & in nauibus posita, æquè quàm in ædificijs, crepituq; prænunciânt. Quin & volucres non impaudæ sedent. Est & in cœlo signû, præceditq; motu futuro, aut interdiu, aut paulò post occasum sereno, ceu tenuis linea nubis in longum porrectæ spacium. Est & in puteis turbidior aqua, nec sine odoris tædio.

A P P E N D I X.

Hoc caput continet enumerationem signorum motus futuri.

PRIMUM est commotio seu agitatio maris, nullis ventis spirantibus, & magna aëris tranquillitate existente. Causa autem est, quod spiritus, qui est causa motus, iam tum resolui incipit: quia verò mare nullum respiraculum aut diffationem illi præbet, imò magis omnes aditus illi præcludit, tunc reuertitur in terram illamq; concutit.

SECUNDUM signum, crepitus siue fragores. Nam spiritus, qui per angustos specus subterraneos impellitur, priusquam erumpit, diuersos sonos efficit, perinde atque ventus in intestinis agitato rugitus excitare solet.

TERTIUM, quin & volucres non impaudæ sedent, hoc est, pauentes & consternatæ: auiculæ enim propter raram atq; subtilem constitutionem corporis, faciliè vel leuissimas alterationes aëris præsentiant: quia verò sub tempus terræmotus aura turbatur, propter exhalantem spiritum: itaque pauent.

QUARTUM est nubecula tenuis, & velut linea post occasum Solis sereno tempore conspicitur in nube per longam

gum porrecta spacium. Aristoteles ait fieri propter demigrationem spiritus seu vaporis, qui est velut materia nubes in terram: vel fit propter exhalationem, quæ paulatim per aliquam angustiam terræ egreditur, ac in longum elisa conspicitur, quemadmodum etiam in mari dicunt, vndam quandam præcurrere tempestatum prænunciam, quam Poëtæ maris filium appellant.

Paulaniz
locus.

Pausanias in Achaicis exponit aliquanto copiosius hunc locum de signis, quæ terræmotus præcedunt, simul etiam addit explicationem specierum ipsius, quem locum, quia est valde eruditus, integrum ascribam, *σεισμομαίνων ὁ θεὸς καὶ τὰ αὐτὰ ὡς ἐπὶ πικρῇ εἰσιν. ἢ γὰρ ἐκτομνείας σωμαχίης, ἢ αἰγυμὴ ἀπὸ τῶν σεισμῶν συμβαίνουσιν ἐπὶ γῆρας πάσινα. καὶ ὁ ἀπὸ πάλαι ἐκείνου τοῦ ἔτους ἄρην χειμῶντος τὸ γένεται καυματωδέστερος, καὶ ἐν θέρῃ μὲν ἀρχὸς μάλλον ὁ κύκλος παρήχεται τῷ ἡλίῳ πάλαι γῆρας παρὰ τὸ ἡνῶδες, ἥτοι ἐς τὸ ἐνθέρτερον, ἢ καὶ ἢ συρρῆ σφίπτεται ἐς τὸ μιλάντερον. τῶν τε ὁδόντων ὡς τι πολὺ ἐπιλαίπτεται αἱ πικραὶ, καὶ ἀέριμον ὄρν ὡς ἀέριπτον ἐς πάλαι γῆρας ἐμβαλὰ σφισφίπτεται τὰ δένδρα. καὶ σποὺ καὶ ἐν τῷ εὐραῶν διαδραμαί σπώ σπλην τῇ φλογί. τὰ δὲ καὶ ἀέριον ὄφθαλμα, οὗτοι ἐγνωσμένα ὡς τῶν πρῶτων, καὶ μετὰ τῶν ἐκείνων ἐμπροσθέντα ἔκαστος. Ἐστὶ δὲ καὶ ἐκ τῶ γῆς καὶ πνεύματος ὁφθαλμοὺς ἰσχυρὰ. Ἄλλὰ τι πολὺ ὁ θεὸς ἐπὶ τῶν βιαιῶν τῶν σεισμῶν ἐβίβει σφοδρῶς.*

Species
terramo-
tus.

Τὸν δὲ κρείττω αὐτὸς καθίσταται οὐχ' ὅς τις σφόδρα, ἀλλ' οἱ φρενίστα-
τες τὰ τοιαῦτα ἐξαρχῇ, καὶ οἱ πικρὸι ἐκείνων διαρχήντες, ἰδίως καταμα-
θῶς ἐδωδίσαν τοσαύτη δὲ τῶν σεισμῶν. ἐπιπύκτως μὲν ὄρν αὐτῶν (ὡς
δὲ ἐς κακὸν γὰρ τοσούτῳ ἔκαστῳ ἐστὶν τινα ὀνησάμεθα) ἐπιπύκτως ὡς
τῇ κινήσει ἀρχαίως τὸ σπῶν, καὶ τῇ ἐν τῷ ἡλίῳ σφισφίπ τῶν ἐκδομαμά-
τος ἀντιστάς ἐκείνῳ κίνησι ἐξαρχῇ τὰ ἐν σπῶντα, καὶ ἐν τῷ τοιαύτῳ
ἰδίως τῷ σπῶν κίνως ἐστὶν ὄρν ἀντιστάς, ὁ ἡλίος ἰδίως ἐς ἅπαν
ὀκρίφεται καὶ ἐπὶ τὰ δένδρα τῶν σωμαχίης ἐς τὸ ἐξαρχῇ. Δένδρα δὲ ὡς
ὀκτὸς ἡλίου ἐκείνῳ ἢ κίνησι ἐκείνῳ αὐτῶν ἐς τὰ δένδρα. ἀσπύτως δὲ
καὶ ὀκτὸς κατασπῶν, καὶ οἱ δὲ τι ἄλλο ἐπὶ ὕδατος ἔκαστος σφισφίπ καὶ τοῦ-
των σφισφίπ τὰ διασπῶν μάλλον ἢ ἀντιστάς τεκνῶν, ὁ δὲ δίδου-
τες τῶν σεισμῶν, ἀσπύτως τε τῶν ἐκείνων φέρει, καὶ ἐφ' ὅτι ἂν βέ-
λε τῶν ὀκτὸς ἀντιστάς αὐτῶν ἐς σφισφίπ μαχίως ἐκείνῳ ἐκείνῳ τὴν
δὲ αὐτῶν ἐκείνῳ τῶν τῶν ἐκείνῳ ἀντιστάς τὸ αὐτῶν ἐκείνῳ
σφισφίπ

Secunda
species.

πνεῦμα ἢ συναχθεῖ πυρετὴν πυκνότερον τι καὶ ὑπὸ πολλῆς ἀνὰ τ' βίας ἀδύ-
 τε. τὸτο δὲ ἀλλαχρῶτε τὸ σῶματες ὁπισσιναισιν καὶ ἐν ταῖς χερσὶν ὑπὸ ἐκ-
 τινος μάστιγος τὸν καρπὸν. καὶ τὰς αὐτὰς καὶ τὸν σισμὸν, εἴ τ' ὁσιν ὑποδύ-
 ας τῶν ἐκκοιμημένων καὶ διμέλεια ἀναπέλλειν φασὶ αὐτὸν, καθύτι καὶ
 τὰ ἔργα τῶν σφαλέων ἐν μυχοῖς τῆς γῆς ἀναπέμπεται. μέν τε ἡ ταυ-
 τε κίνησις οὐδὲ τὸ ἀμείδιον ποτὲ ἀναλείπει σημεῖα ἐν τῇ γῇ, ὅτε.

QVINTVM, aquæ in puteis turbantur, atq; sulphur
 vel alium metallicum odorem redolent. Nam halitus terræ
 facilius aquas inficiunt quàm terras movent. Scribit Sene-
 ca sexcentarum ovium gregem motu terræ exanimatum
 esse, propterea quod multa pestifera sub terra latent, quæ
 unâ cum spiritu egrediuntur, & vicinas aquas, & aërem
 proximum inficiunt.

CAPVT LXXXII.

Auxilia contra motus futuros.

Sicut in iisdem est remedium, quale & crebri spe-
 cus præbent. Præconceptum enim spiritū exhalant,
 quod in certis notatur oppidis, quæ minus quatun-
 tur, crebris ad eluviam cuniculis cauata. Multoq;
 sunt tutiora in iisdem illis quæ pendent, sicut Nea-
 poli in Italia intelligitur: parte eius quæ solida est,
 ad tales casus obnoxia. Tutissimi sunt ædificiorum
 fornices, anguli quoq; parietum, postesq; alterno
 pulsu renitentes. Et latere terreno facti parietes mi-
 nore noxa quatuntur.

Remedia
 contra ter-
 ramotus.

Magna differentia est & in ipso genere motus, plu-
 ribus siquidem modis quatitur. Tutissimum est, cum
 vibrat crispante ædificiorū crepitu, & cum intume-
 scit assurgens, alternoq; motu residet: innoxium &
 cum concurrentia tecta contrario ictu arietant, quo-
 niam alter motus alteri renititur. Vndantis inclina-
 tio, &

Species
 terræmo-
 tuum.

tio, & fluctus more quædam volutatio infesta est: aut cum in vnam partem totus se motus impellit.

Desinunt autem tremores cum ventus emerſit: ſi verò durauère, non ante quadraginta dies ſiſtuntur, plerunq; & tardius, vtpote cum quidam annuo & bienni ſpacio durauerint.

A P P E N D I X.

*Tempus
durationis
terræmo-
tus.*

Exponit hoc capite præſidia, quæ induſtria hominum comparata ſunt aduerſus hæc pericula terræmotuum. Primum, ſunt ſpecus, per quos ſpiritus ſubterraneus diſſilatur ac egreditur: ſicut enim obſtruſtio terræ præcludit viam ſpiritu, ita apertio, ſiue ſit naturalis ſiue manu facta, prohibet illum ſæuum motum ac concuſſionem propter interceptum ac intercluſum ſpiritum. Secundum eſt figura loci, loca enim pendentia aut fornicibus inſiſtentia minus aſſiguntur locis ſolidis, hoc eſt, ſolidis fundamentis inſiſtentia: ſpiritus enim non habet tam firmum obſtaculum in quo repetentiatur, ac deinde fortior inſurgat. Tertium ſunt fornices, & anguli parietum, in quibus duo parietes concutunt. Item poſtes, qui vtrinque fulciunt parietes. Quartum ſunt parietes ex latere terreno facti, non ex ſolidioribus ſaxis aut lapidibus. Cauſa patet, quia quanto corpora ſunt rariora, tanto magis ſunt tranſpirabilia, ſicut patet in animalium corporibus.

*Species
terræmo-
tuum.*

Recitantur à Plinio quatuor ſpecies terræmotuum. Prima eſt, Criſpatio, hoc eſt, motus lenis & tardus, ideo etiam cæteris tutior, aliàs vocatur tremor, cum tantum vibrat terram. Secunda, Tumor, quando terra aſurgendo intumeſcit & alterno motu reſidet, ab alijs inclinatio vocatur, quando ſurſum & deorſum fertur. Tertia, Arietatio, quando ædificia contrarijs iſtibus alliduntur. Quarta, vndatio, ſiue ſuccuſſio, quando ſit fluctuatio ab vno latere in aliud, vt cum mote fluctus volutatur, vel nauigium nutat.

tat. fiunt autem hæ diuersæ formæ pro varietate cauernarum, per quas meat spiritus, qui nunc recta, nunc obliqua, nunc torta via incedit.

(Desinunt autem tremores.)

Hoc est, tunc cessat terra moueri, quando materia, quæ motum excitauit, resolutione aliqua est exhausta atque euacuata, & quemadmodum lampades aut faces in aëre incensæ cito deflagrant, cometarum autem incendia longo durant tempore: ita motus facti à spiritibus tenuioribus ac raris statim desinunt, facti autem à crassis, qui in meatibus ac cauernis impacti hærent, durant diu. Ferunt terræmotum, quo Basilea corruit, integro anno durasse, post annum verò loca vicina cœpit magis affligere. Argentinæ enim aliquoties est concursus ad tentoria extra urbem, propter metum futuri motus. Aristoteles ait, ὅταν δ' ἔχοντες γίνηται σεισμὸς, οὐκ οὐδὲν οὐδ' ἐνδοπαξ αἰνύται σείσας, ἀλλὰ τὸ αἰώτων πόλεμος σὺν τῷ παρακρίνοντα ἡμέρας ἄλλοις πολλὰν, ὅστις δὲ καὶ ἰσ' ἐν καὶ ἐπὶ δύο ἔτη ἐκτεταταῖνα καὶ τοῦ αὐτοῦ τύπου, &c. Vide plura apud Aristotelem ibidem, & Senecam.

C A P V T L X X X I I I.

Portenta terrarum semel visa.

FActum est semel, quod equidem in Hetruscæ disciplinæ voluminibus inueni, ingens terrarum portentum L. Martio, Sex. Iulio Coss. in agro Mutinensi. Namque montes duo inter se concurrerunt, crepitu maximo assultantes recedentesq; , inter eos flamma fumòq; in cœlum exeunte interdium, spectante è via Aemylia magna equitum Romanorum, familiariumq; & viatorum multitudine. Eo concursu villæ omnes elisæ, animalia permulta, quæ intra fuerant, exanimata sunt, anno ante sociale bellum:

i quod

quod haud scio an funestius ipsi terræ Italiæ fuerit, quàm ciuilia. Non minus mirum ostentum & nostra cognouit ætas anno Neronis principis supremo, sicut in rebus eius exposuimus, pratis oleisq; intercedente via publica in contrarias sedes transgressis, in agro Marrucino, prædijs Vectij Marcelli equitis Romani, res Neronis procurantis.

A P P E N D I X.

Prodigiis
terramo-
tuum.

Historicum est caput, in quo commemorat quædam exempla prodigiorum & portentorum terræmotuum, quorum nullæ satis firmæ rationes assignari possunt: æduntur enim à natura velut portenta & prodigia, tamen Albertus Magnus satis diligenter versatur in peruestigatione causarum naturalium horum portentorum: si qui autem requirunt illas, petant ex Alberto. Scribit Seneca, se vidisse ædificia diductis angulis moueri, iterumq; componi, quædam verò parum apta positu suo, & à fabris negligentius solutiusq; composita, terræmotus agitatione consolidata esse. Item citat quendam qui affirmabat se vidisse in balneo tessellas, quibus solum stratum erat, alteram ab altera separari, iterumq; committi: & aquam modo recipi in commissuras pauimento recedente, modo compresso bullire & elidi. Primum exemplum de duorum montium concursu, quæ concursatio facta est anno vrbis 662. Consulibus L. Martio Philippo, & Sex. Iulio Cæsare, atq; sine dubio significauit bellū sociale, quod admodum duriter afflixit Italiā.

Alterum exemplum est de transgressione siue transpositione arborum, vt arbores quæ ad dextram euntibus per viam publicam steterant, post terræmotum stabant ad sinistram. Dicunt hanc locorum cōmutationem fieri, quando terram solidam subterraneus aliquis turbo in partes contrarias vertit. Seneca scribit, eundem motum Romæ in læsisternio Iouis, deorum capita conuertisse.

Miracula terræmotus.

Funt simul cum terræmotu & inundationes maris, eodem videlicet spiritu infusi, aut residentis sinu recepti. Maximus terræ memoria mortalium extitit motus, Tiberij Cæsaris principatu, xii. vrbib. Asiæ vna nocte prostratis. Creberrimus Punico bello, intra eundem annum septies atq; quinquagies nunciatum Romam. Quo quidem anno ad Trasymenum lacum dimicantes, maximum motum neque Poeni sentire, nec Romani. Nec verò simplex malum, aut in ipso tantum motu periculum est, sed par aut maius ostentum. Nunquam vrbs Roma tremuit, vt non futuri euentus alicuius id prænuncium esset.

APPENDIX.

Causa, cur cum terræmotibus magna aquarū vis erumpat, est exhalatio magna vi eiecta, quæ simul expellit quicquid est aquarum, eam exponit Aristoteles hoc modo, cum ait: Vbi autem inundatio simul cum terræmotu accidit, spiritus ex aduerso flantes in causa sunt, id verò sit, cum spiritus qui terram quatit, mare ab alio spiritu delatum repellere nequit omnino, sed propellendo ac in vnum contrahendo magnam vim maris colligit. Tunc enim hoc spiritu euicto, vniuersum à contrario spiritu pulsus, erumpere ac diluuium facere necesse est, id quod circa ipsam quoque Achaiam accidit. Extra namq; flabat Auster, intro Aquilo. Cum autem facta fuit tranquillitas, & ventus intro fluere cœpit, vna cum inundatione etiam terræ extitit motus. Item Seneca lib. 6. ait: Ladon flumen inter Helim & Megalopolim, terrarum motus effudit. Has duodecim vrbes enumerat Cornelius Tacitus in fine lib. 2. cum inquit: Eodem

Aquæ erumpentes post terræmotum.

dem anno duodecim celebres vrbes Asiae conlapsæ nocturno motu terræ, quo improuisor grauiorq; pestis fuit, neq; solitum in tali casu effugium subueniebat in aperta prorumpendi, quia diductis terris hauriebantur. Nicephorus lib. 1. cap. 17. Eccle. historię quatuordecim vrbes enumerat, quæ hoc terræmotu in Asia conciderunt. Et quidam existimant has vrbes corruisse terræmotu, qui factus est tempore passionis Christi, sed annorum numerus non conuenit: hæ vrbes eortuerunt anno Imperij Tiberij tertio, Christus autem passus est anno imperij 18. ergo fuerunt diuersi terræmotus. De terræmotu qui factus est dimicantibus Romanis cum Carthaginensibus ad Trasymenum, sic scribit Linius lib. 2. Deca. 3. Tantusq; fuit ardor animorum, adeo intentus pugne animus, vt cum terræmotum, qui multarum urbium Italiæ magnas partes prostrauit, auertitq; cursu rapidos amnes, mare fluminibus inuexit, montes lapsu ingenti proruit, nemo pugnantium senserit, &c.

C A P V T L X X X V.

Quibus locis maria recesserint.

1. **E**Adem nascentium causa terrarum est, cum idem
Causæ e-
natarum
terrarum.
 2. Alluione
fluminū.
 3. Recessu
maris.
 ille spiritus attollendo potens solo, non valuit erumpere. Nascuntur enim nec fluminum tantum inuestu, sicut Echinades insulæ ab Achelo o amne congestæ, maiorq; pars Aegypti a Nilo, in quam à Pharo insula noctis & diei cursum fuisse Homero credimus: sed & recessu maris, sicut eidem de Circeijs: Quod accidisse & in Ambraciæ portu decem millium passuum interuallo, & Atheniensium quinq; millium ad Piræum memoratur. Et Ephesi, vbi quondam ædem Dianæ alluebat. Herodoto quidem si credimus, mare fuit supra Memphim vsq; ad Aethiopum

pum montes, itemq; à planis Arabiæ. Mare & circa Ilium, & tota Teuthrania, quaq; campos intulerit Mæander,

A P P E N D I X.

PRIMA causa nascentium terrarum, hoc est, extra Terrarum ena-
tæ ex a-
quis. aquas erumpentium est, quando spiritus attollendo solo potens, non valet erumpere, hoc est, quando spiritus inclusus terræ, potens atq; acris fuerit, adeo ut ipsam suis viribus in altum attollere possit: cumq; terra illi fortiter succuranti resistit, tunc eam magno impetu extra suum locum vi protrudit. Vnde & in aquis sunt novæ insulæ, in continenti tumuli & montes. Scribit Seneca, Thæran & Thærasian insulas non ante in mari visas, sua ætate multis spectantibus natas esse.

SECUNDA causa est alluvio, sic enim inquit: Nascentur enim nec fluminum tantum inuectu, sicut Echinas ab Acheloo amne conuectæ. Harû Echinadum meminit Thucydides lib.2. belli Peloponnesiaci. Sic autem inquit: *κρίνται δὲ καὶ τῶν ἵστων τῶν ἐχρινάδων αἱ πολλὰ κατ' ἀστικὰ ἀνέδων, τῷ ἀρχαίῳ τῶν ἐκβολῶν οὐδὲν ἀπέχουσαι. ὅτε μέγας δὲ ὁ ποταμὸς προχρῆται, καὶ ἐπὶ τῶν ἵστων αἱ ἐκρίναι;* &c. Apud Pausaniam in Arcadicis exponitur, quomodo hæ insulæ primùm natæ sint, & deinde cur continenti non annexæ, ut Delta Aegypti, sic autem inquit, *ταὶ δὲ ἐχρινάδες ἵστους ὑπὸ τῷ ἀρχαίῳ μὲν σφοδρῶς ἐκρίνον ἄρχῃ ἡμῶν ἀπὸ ἐχρινάδης, γέγονεν αἰτία τῶν αἰτωλῶν ἔθνος. γινώσκουσι δὲ αὐτὰι τι ἀνάσταται καὶ ἡ γῆ σφοδρῶς πάντα ἐκρίνεται, ταῖς ἐχρινάσιν αὐτῶν ἔτι ἀστικῶν ἐκρίνουσι τὰ αἰτωλίας οὐχ' ἡμῶν δὲ ἀρχαίῳ ἐπὶ τῶν ἱλίων. μαρτυρεῖται δὲ μοι τῷ λόγῳ, ὅ γὰρ μαίανδρος διὰ τὸ φεγγαῖον καὶ καρῶν ἀρετὴ μόνος ἔτι ἔστιν, πῶς μεταξὺ ἀστικῶν καὶ πολλῶν θάλασσαν, ἐν οὗτοι λαὸν γένον ποτιεύων ἦσαν;* &c. huius Mæandri meminit Plinius in fine huius capituli. Meminit etiam Ovidius lib.8. Metam.

Aegyptum vocat Herodotus fluuij donum, sic enim inquit: *ὅτ' αἰγυπτίῳ ἐπείκτατος τι γῆ, ὅ γ' ὄζειν ποταμὸν.* Alibi ait, maris sinum fuisse vbi nunc Aegyptus est. Item Aristoteles

eadem de Aegypto scribit : Οὐς γὰρ φάρῳ ἀρχαιοτάτω ἵται τῶν ἀνθρώπων ἀγροπίου, τήν αὖ χῶρα πάντα γηγενῆ φέρνται, καὶ οὐσα τῷ πατρὶ ἔχον. Item : διὰ συμβέβηκε καὶ εἰς τὴν ἀγροπίαν, καὶ γὰρ οὗτοι αἱ ξηρότεροι ἔτιπος φαίνονται γιγνόμενοι, καὶ πάντα ἡ χῶρα τῷ πατρὶ ἀφ' ὅσων οὐσα τῷ Νείλῳ.

Locus Homeri de Pharo insula extat lib. Odyssæ 8.

Νῆες ἵππιδά τις ὕψι πολυκλυτῷ ἐνὶ πόντῳ,
αἰγυπίου σφοδρέεσσι, φάρῳ δὲ δαπλίσκουσι
Τόσον ἀντο, ὅσων τε παρήμεν γλαφίρῃ νῆες
ἔλκον.

Seneca exponit hunc locum cum inquit : Tantum enim, si Homero fides est, aberat à continenti Pharos, quantum navis diurno cursu metiri plenis lata velis potest, sed continenti admota est. Turbidus enim defluens Nilus, multumq; secum limum trahens, & eum subinde apponens prioribus tectis, Aegypto annuo incremento semper ultra tulit, &c.

TERTIA causa est, quando mare discedit ab aliquo loco, tunc necesse est illū cum continente coniungi. Quam admodum Circeium oppidum Italiæ aliquando fuit insula immenso mari circumdata, postea verò discessione maris terræ continenti coniunctum est. Meminit & Plinius infra lib. 3. cap. 5. cum inquit : Circeij quondam insula immenso quidem mari circumdata (ut creditur Homero) at nunc planicie. Mirum est, quod hac de re tradere hominum noticiæ possumus. Theophrastus, qui primus externorum aliqua de Romanis diligentius scripsit, hic iam plus quam & fama, Circeiotum insulæ & mensuram posuit stadia 80. &c. Meminit Homerus Odissæ 8.

Εἴδον γὰρ σκοπίῳ ἐς πωπαλίεσσαν ἀελθὼν
Νῆσιν, τὴν εἰς πόντος ἀπείριτος ἐκφάνεται.

Ascribam ex Aristorele pulcherrimam sententiam, qua eleganter & doctè causas harum rerum complexus est. Si quis ipsius verba requirit, extant in fine libri primi Meteorologicorum. Interiores telluris partes perinde ut animantium plantarumq; corpora iuventutem atq; senectutem habent,

bent. Proinde aliqua loca ad aliquod tempus aquosa permanent, deinde exsiccantur atq; senescunt: alia verò loca reuiuiscunt, & ex aliqua parte aquosa redduntur: sed cum loca aridiora fiunt, fontes vt deleantur necesse est, quæ cum accidunt, amnes primùm è magnis pusilli fiunt, deinde tandem inarescunt, atq; hoc modo terra & arescit & fit sterilior. Verùm quia terra maximum corpus est, hæ alterationes & mutationes non fiunt subito, quemadmodum in nostris corporibus, verùm longo tempore: incrementum enim paulatim longo tempore fieri assolet, ita vt omninò memoriam hominum effugiat, sicut & in Aegypto accidit. Etenim locus iste totaq; regio, quæ fluminis tantum inuentu nata est, semper aridior effici videtur: at propterea quod paulatim arescentibus paludibus vicina loca incoli cœpère, temporis longitudo initium obliterauit. Antiquitus enim tota Aegyptus vrbe, quam Thebas vocant, constabat, id quod & Homerus declarat, qui non adeo multò, vt ita dixerim, post eiusmodi mutationes floruit, nam loci illius mentionem facit, tanquam nec dum, aut omnino, aut certè tanta existente Memphi. Præterea loca quæ inarescunt, fiunt deteriora, id quod Græciæ, & circa Argiuorum & Mycenorum regionem vsu venit. Etenim Troianis temporibus, Argiuorum regio, quod palustris esset, pauculos alere potuit, contrà Mycenorum ager pulchrè habebat, ideoq; honoratior habebatur. Nunc autem è diuerso accidit propter causas quas diximus: nam hic sterilis factus est, atq; admodum inaruit, illius quæ tunc erant sterilia, quod aquis essent obruta, nunc fertilia sunt effecta. Quod igitur in illo loco, qui paruus est, accidit, hoc idem etiam circa loca magna regionesq; integras accidere censeamus oportet.

Locus Herod. qui citatur à Plinio est in Εὐτέρεη: τῶν γὰρ οὐρίων τ' εὐερήων, τῶν ὑπὲρ μέμφει πόλει κειμένων τὸ μεταξὺν, ἔφασκε το μὴ εἶναι πότε κλέσσει θαλάσσης, ὥστε τὰτε πρὸς Ἰλιον καὶ Τευχερίων καὶ Εφισίην τι καὶ Μαιάνδρου πείθον, &c.

Strabo in fine lib. 1. multas rationes huius rei collegit, quas requirant studiosi apud ipsum autorem.

De portu Ambracio & Piræo vide Strabonem circa finem libri primi, & Plinium infra. Teuthrania verò vocatur pars Troadis mediterranea, Plin. lib. 5. cap. 33.

C A P V T L X X X V I.

Ratio insularum enascentium.

Nascuntur & alio modo terræ, ac repente in aliquo mari emergunt, velut paria secum faciente natura, quæq; hauscrit hiatus, alio loco reddente.

A P P E N D I X.

QUARTA causa nascentium terrarum, est emersio terræ seu insularum extra aquas, & est cognata cum prima: spiritus enim aliquando terram eleuat extra aquas, sicut bullæ & vesicæ ex corporibus nascuntur. Præterea concurrunt sæpe causæ cœlestes exiccantes ac calefacientes cum causis materialibus in certis aliquibus locis, vnde istic nascuntur insulæ. Quia verò hæc longo tempore fiunt ac paulatim, ideo hæc causæ non considerantur. Ex causis materialibus fieri insulas, supra dictum est de Aegypto, quæ tota ex limo concreuit. Item de insula, quæ in Tibeti nata est ex iniectis ramentis, quam Ovidius describit. Imò pleræq; insulæ natæ sunt, quod in istis locis, vbi extabant scopuli in mari, ibi mare est siccatum. Vnde pleræq; insulæ etiam montibus abundant.

Montes.

Nascuntur autem montes, præter iam dictas causas, quando terra aquæ mixta intra sese concipit copiam terrestris exhalationis & spirituum, vnde intumescit non aliter atque massa fermento subacta, quæ tandem vi caloris concrescit, & actione aëris frigidi vndiquaq; circumstantis in lapides & saxa concrescit: sicut enim in nutritione animalium quæ-

quædam partes succi nutrientis conuertuntur in ossa, quædam in carnem: ita quoque montes appositione materiæ conuenientis, quæ apta est in saxa conuerti, augentur.

Strabo libro 17. eruditissimè hunc locum complexus inquit: ἐπεὶ δὲ κινήσει σπασθῆναι τὰ σύμπαντα, καὶ μεταβάλλειν μεταβάλλει μὴτι τὴν γῆν ἀπὸ συμφορῶν αὐτῆς, ὥς ἀπὸ τετρακύντων ὧσιν μὴ δι' ἀντιθέσεως ἑαυτῇ, μὴδ' ἀφαιρέσεως, μέτε τὸ ὕδωρ, μέτε τὴν ἔδραν ἔχειν τὴν αὐτὴν ἰκατέρη, καὶ ταῦτα εἰς ἄλλα μεταποιεῖται καὶ ἐγγυτάτω τ' μεταποιεῖται. ἀλλὰ καὶ τ' γῆς πολλὰ εἰς ὕδωρ μεταβάλλειν, καὶ τῶν ὁδῶν πολλὰ χρεῖσθαι τὰ αὐτὴν ὁρᾶν, ἔπειτα καὶ ἐκ τῆς γῆς, ὅτι.

CAPVT LXXXVII.

Quæ, & quibus temporibus enatæ sunt.

CLaræ iampridem insulæ, Delos & Rhodos memoriæ produntur enatæ. Postea minores, vltra Melon Anaphe: inter Lemnum & Hellespontum, Nea: inter Lebedum & Teon, Alone: inter Cycladas Olympiadis c x x v. anno quarto, Thera & Therassia. Inter easdem post annos c x x x. Hiera, eademq; Automate. Et ab ea duobus stadijs post annos c x. in nostro æuo, M. Iunio Syllano, & L. Balbo Coss. ad v i i. Idus Iulij, Thia.

APPENDIX.

Inter causas nascentium terrarum, supra dictum est, spiritum aliquando inclusum in visceribus terræ nitentem egredi, lucendo moles terrarum egerere. Vnde narrant subito tales insulas extitisse, quarum hoc loco Plinius catalogum enumerat. Hæc insula à Pausania vocatur Chryse, Catalogus enatiarum insularum. vbi etiam exponit causas harum mutationum: sic autem inquit in Arcadicis: λέγουσι γὰρ πολλοὶ ἀπείχου αὐτῶν πολλὰ χρεῖσθαι γῆρας, ἐκ τῆς καὶ τῆς φιλικότητος γινέσθαι συμφορῶν ἐκ τῆς ὕδρου φασί. ταῦτ' αὖ κατέλαβον ὁ κλύδων αἰῶσαι, καὶ κατέδυται ἡ χρεῖσθαι καὶ ἐφάνηται καὶ τῆς βυτῆς.

ἔστι δὲ ἡ πόλις καλουμένη Ἡέρα, τὰν δὲ οὐκ ὡς ἄλλων. εἴτω μὲν τὰ ἀν-
 θρώπων ἐπίσημαί τε καὶ οὐδαμῶς ἰσθὶν ἔχοντα. De Delo sic inquit
 inf. lib. 4. cap. 12. Cycladū media, templo Apollinis & mer-
 catu celebrata Delos, quæ diu fluctuata sola motum terræ
 non sensit: hanc Aristoteles ita appellatam prodidit, quo-
 niam repente apparuit enata. Herodot. in Ερετω sic inquit:
 μετα δὲ τούτων, ἐν τοῦτον ἔκαστα ἔκαστα ἄλλος ἐκείνην. De Anaphe
 Plinius in eodem cap. & Strabo lib. 10. De Nea Plinius in
 eodem capite. Stephan. Νέα γῆρας πλησίον λήμνου, ἐν ᾧ φεραμένη
 ἐκ ἑκείνης ἐφ' ἑαυτήν. Callimachi versus à Strabone citatur de his
 insulis: ἀπὸ τῶν ἀνθρώπων λακωνίδι γένετα δῖρα.

Theræ & Therasiz meminit Strab. lib. 1. cum inquit: Nam-
 que inter Theram & Therasiam è pelago prorupère flam-
 mæ, quæ per dies quatuor mare totum æstuans atq; ardens
 reddiderunt, tum eduçta altius sensim velut machinis insula
 & ex fluitantibus terris composita exhalauerit, quæ duo-
 decim stadiorum circuitum continet, &c. Plinius supra ci-
 tato loco inquit: Thera cum primum emerit, Calliste di-
 cta est, ex ea auulsa postea Therasia, atq; inter duas enata
 mox Automate, eadem Hieræ, & in nostro æuo Thia iuxta
 eandem Hieram nata est.

Ovidius 15. Metam. venustissimè describit causam ge-
 nerationis montium, cum inquit:

*Est prope Piræam tumulus Træzena sine vllis
 Arduus arboribus, quondam planissima campi
 Area, nunc tumulus, nam, res horrenda relatu,
 Vis fera ventorum, cæcis inclusa cavernis
 Expirare aliquâ cupiens, luciferaq; frustra
 Liberiore frui cælo, cum carcere rima
 Nulla foret toto, nec peruia flatibus esset,
 Extentam tumescit humum, seu spiritus oris
 Tendere vesicam solet, aut direpta bicornis
 Terga capri. tumor ille loci permansit, & alti
 Collis habet speciem, longoq; induruit ævo.*

(In nostro æuo.) Anno urbis conditæ 771, Con-
 sules

fules fuerunt M. Iunius Syllanus, & L. Norbanus Balbus, quinto anno Tiberij Cæsaris. Huius insulæ meminit Seneca lib. 6. cap. 21. Natur. quæstio. cum inquit, Et hanc nostræ ætatis insulam, scilicet Thiam, spectantibus nobis in Aegeo mari natam, inter Theren & Therasiam, quis dubitat quin in lucem spiritus euekerit, &c.

CAPVT LXXXVIII.

Quas terras interruperint maria.

ANte nos, & iuxta Italiam, inter Aeolias insulas, item iuxta Cretam, emerfit è mari M. D. passuum, vna cum calidis fontibus: altera, Olympiadis CXLIII. anno tertio in Thusco sinu, flagrans hæc violento cum flatu. Proditurq; memoriæ magna circa illam multitudine piscium fluitante, confestim expirasse, quibus ex his cibus fuisset. Sic & Pithecusas in Campano sinu ferunt ortas. Mox in his montem Epopon, cum repente flamma ex eo emicuiisset, campestri æquatum planicie. In eadem & oppidum haustum profundo: alioq; motu terræ stagnum emerfisse: & aliò prouolutis montibus insulam extitisse Prochytam. Namque & hoc modo insulas rerum natura fecit. Auellit Siciliam Italiæ, Cyprum Syriæ, Eubœam Bœotiæ, Eubœæ Atalantem & Macrin, Besbycum Bithiniæ, Leucasiam Sirenum promontorio.

APPENDIX.

Commoratur adhuc in instituto catalogo, & exempla recitat insularum recens natarum. Primum inter Aeolias, iuxta Italiam scilicet, emerfit insula. Altera, scilicet emerfit in Thusco sinu. Aeoliarum meminit Aristoteles 2. Meteo.

καὶ ἀρίστους τοὺς τῶν ἰσθμῶν ἴσθμους. αὐτὰ δὲ ἔστι τῶν αἰσίων καλῶς ὀνομασθέντων νήσων. ἐν ταύτῃ γὰρ ἔξωσάθη τὸ τ' ἔτος, καὶ ἀνέκει ἄρα λεφάνης ὄγκος μὲν λίγος, τίλος τι ἡγάρτερος, ἔξωλθε περὶ ὅμα πικρὰ, καὶ τὸν φέφωλον καὶ τὸν τέφραν ἀνέωλεν, καὶ τὸν λιπαρὸν πάλιν ἔβρασε ὁ ἀέρας πᾶσαι κατέφρασε, &c. Item Strabo lib. 6. sic inquit : Ante litus Locrensum sitæ sunt Lipareorum insulæ, quæ & Acoliæ vocantur ab Aeolo, cuius in Odyssea Homerus meminit. Sunt autem numero septem. Lipara, Thermyssa, Strongyle, Didyma, Ericusa, Phenicusa & Euonyma. De Lipara Plato in Timæo inquit : συγχρῆ δὲ καὶ σάπυρ καὶ τῆς χυτῆς τοῦ σικυλίου ἀνάβησι τοὶ πᾶσι τῶν λιπαρῶν νήσοις, καὶ αὐτῶν τῶν λιπαρῶν δίκανται. Citatur à Strabone ex Pelsidonio, qui se meminisse inquit, æstivo solstitio illucescente aurora inter Hieram & Euonymam pelagus mirandum in modum in sublime conscendens apparuisse, & aliquo temporis spacio permanisse assiduis erectum flatibus, dein desisse, quosdam autem adnavigasse illuc anfos, exanimatos vidisse pisces, quos fluxus ageret: quosdam verò vapore & odore malo percussos fugam captasse. Vide plura in hoc loco apud Strabonem, qui prolixè commemorat, qualiter hæc incendia orta, deinde etiam à senatu Romano expiata fuerint. Item apud eundem Strabonem lib. 5. de Prochyta & Pithecusis inquit : καὶ γὰρ ἡ προχύτη καὶ αἱ πιθήκουσαι, ὑπερδύματα τῆς ἡπείρου, &c. Vide plura ibidè. Causa, cur confestim expiraverint, quibus ex his piscibus cibus fuit, est, quod hi pisces nati ac aliti sunt in aqua inutili, stagnanti, ac infecta his spiritibus, qui terram protrudunt extra aquas. Hi enim halitus mixti aquis inficiunt illas, unde necesse est pisces his innutritos corrumpi ac infici, ita ut in naturam venenatorum degenerent. De Statina notus est versiculus Statij :

Ænariæq; latus modicos, Statinæq; renatas.

Pithecusæ dictæ à dolio, illic enim fuerunt plurimi doliorum artifices. Strabo ait, à Miseno Prochyta & Pithecusam, ab Atheneo monte Capreas, à Regio Siciliam abruptas esse. Mox in his, scilicet Pithecusis, montem Epon

pon dictum à similitudine avis vrpupæ subfedisſe, & æquaturn campeſtri planicie, hoc eſt, ita ſubſedisſe, vt facta ſit planicies equeſtris. in eadem Pithecufa oppidum hauſtum profundo, hoc eſt, intra profundum. Item emeriſſe ſtagnum, ſcilicet, ſubſidente terra & recipiente intra lacunas aquam. Hoc modo, ſcilicet prouoluendo montes in mare.

De Sicilia inquit Virgilius :

*Hæc loca vi quondam & vaſta percuſſa ruina,
(Tantum aui longinqua valet mutare vetuſtas)
Diſſiſſe ferunt, cum protinus vtræq; tellus
Una foret, venit ingenti vi pontus & ingens
Heſperium ſiculo latus abſcidit, aruaq; & vrbes
Littore deductas anguſto interluit aſſa, &c.*

Et Strabo lib. 1. de Sicilia inquit : καὶ πῶς εὐμελὲς εὐδέντι μᾶλλον ὑπερῆρχα τῆς Ἰταλίας εἰσάξῃ τις ἂν ἢ ἀνακλαθῆσεν ὑπὸ τοῦ αἰγυαίου περιέειν βυθὸς συμμῖνται, &c.

De Cypro auulſa à Syria, non ſit alibi mentio, niſi quod ſermo vetus recenſetur à Strabone. De Eubœa à Boeotia citantur à Strabone verſus ex Ione :

*Εὐβοία μὲν γὰρ λεπτὴς εὐρύς τε καὶ δαυρ
Ποντίας αὐτὴ ἐχέρισεν ἐκτίμων
αὐτὴ Κρήτα περιμήν.*

De Atalante ſic inquit Thucy. lib. 3. belli Peloponneſiaci, καὶ οὗτοι τότε πρὸ χειρὸς τῶν σαρμῶν κατεχρίσαν τῆς εὐβοίας ἐς ἑρβίαν, καὶ δάλασσα ἐπιδύσα ὑπὸ τῷ τότε ὄντι γῆϊ, καὶ κορυφώσασα, ἐπύλη τῆς ὁρίωνος μέγας τε, καὶ τὸ μὲν κατέκλυσι, τὸ δ' ὀρεντῆσαι, καὶ δάλασσα νῦν εἰς πρότερον εἶσα γῆ. καὶ οὗτοι Ἀταλάντῳ πᾶσι ἐπὶ λεκρῆς τῆς ἰσταννότητος ἦσαν, παραπλάσι γίνονται ἐκίκαλυσεν, &c. Vide plura ibidem de cauſis talium inundationū. Seneca lib. 6. cap. 24. hunc locum citat, & ait, Thucydides ait circa belli Peloponneſiaci tempus Atalanten inſulam ſitam in Boeotia è regione Locrorum Opuntiorum, aut totam, aut certè maxima ex parte ſuperfuſam. Macris etiam ab Eubœa auulſa, nam tota Eubœa maris propter longitudinem maiorem quàm latitudinem Macris eſt appellata, vt ſcribit Strabo princip. lib.

lib. 10. sed postea appellatio hæsit in particula auulsa.

De Besbico insula Bithiniæ vide Strabo. lib. 12. Est autem insula Propontidis è regione Bithiniæ.

De Leucasia à Sirenum promontorio auulsa scribit Strabo lib. 6. καὶ ἡ Λευκασία ἀπὸ Σπασμα τὸ ἑπείρου. Sirenum promontorium Lucaniæ prope Surrentum habet nomen ex vna Sirenum, quæ hoc loco in mare prolapsa extincta est.

C A P V T L X X X I X.

Quæ insulæ continenti adiunguntur.

Rursus abstulit insulas mari, iunxitq; terris, Antissam Lesbo, Zephyrium Halicarnasso, Ethusam Min-do, Dromiscon & Pernen Mileto, Narthecusam Parthenio promontorio. Hybanda quondam insula Ioniæ c. c. nunc à mari abest stadijs, Syriten Ephesus in mediterranea habet, Derafidæ & Sophoni-am, vicina ci Magnesia. Epidauros & Oricum insulæ esse desierunt.

A P P E N D I X.

Quemadmodum partes de terra auulsæ tempestatum vi, factæ sunt insulæ in mari, ita vicissim continens factum est mare, & insulæ factæ sunt continens. Hæc enim est vicissitudo naturæ, & præsertim horum duorum infimorum elementorum, quod continuè mouentur ac transmutantur: multum enim terræ in aquam conuertitur, & rursus plurimum aquæ in terram transmutatur. Sicut enim in terra differentię inueniuntur, quod alia est dura, mollis, arenosa, glareosa, saxea, ferrea, &c. ita etiam in aquis: alia enim est salsa, alia dulcis, alia calida, frigida, fontana, putealis, marina, lacustris, palustris, &c. Proinde non mirandum est, si propter cogitationem hæc duo elementa inter sese transmutantur ac alterantur. Seneca inquit hæc à natura

tura fieri, vt admoncat nos nostræ mortalitatis. sic enim inquit: Quid cuiq; satis tutam videri potest, si mundus ipse concutitur, & partes eius solidissimæ labant? Nihil immortale natura concepit, omnia sub eadem iacent lege, alia alijs temporibus cadunt, & quemadmodum vrbibus magnis, nunc hæc domus nunc illa suspenditur: ita in hoc orbe terrarum, nunc hæc pars facit vitium, nunc illa circuit fatum, & si quid diu præterijt, repetit, &c.

De Antissa inquit Strabo: ἡ δὲ ἀντίστα νῆτος ἐν ἀρκτικῇ, νῦν δὲ τῆς λίσσου ἀέρας ἔχει. Ouid. 15. Metam.

Fluctibus ambita fuerant Antissa, Pharosq;

Et Phænissa Tyros, quarum nunc insula nulla est, &c.

Dromiscon & Pernen Mileto: apud Strabonem legitur, Priemem, vnde Bias vnus ex septem sapientibus est oriundus. Strabo lib. 17. inquit: καὶ δὲ καὶ πάλιν ἀρκτικῇ ἀρκτικῇ δὲ θαλάσσῃ εἴσταν, μισθῆμαισι σιπυρόντι τισσαρέκοντα σταδίον ἀντιχάματι, &c. Parthene promontorium Sami. Hybanda quondam insula, nunc est non tantum continens, sed etiam mediterranea, abest enim à litore maris c.c. stadijs.

De Syrite inquit Plinius lib. 3. cap. 29. à Caistro multitudo limi est, qua terras propagat, medijsq; etiam campis Syriten insulam adiecit, &c. Magnesia abstulit mari Derasidas insulas & Sophoniam, quæ iam desierunt esse insulæ, sed factæ sunt terra continens, Plinius lib. 5. cap. 20. Epidaurus & Oricum desierunt esse insulæ, sed factæ sunt terra continens.

C A P V T X C.

Quæ terræmotu mari permutatæ.

IN totum abstulit terras, primum omnium vbi Atlanticum mare est, si Platoni credimus, immenso spacio. Mox interno, quæ videmus hodie, mersam Acarnaniam Ambracio sinu, Achaïam Corinthio, Euro-

Europam Asiamq; Propontide & Ponto. Ad hoc petrupit mare Leucadā, Antirrhium, Hellespontū, Bosphoros duos.

A P P E N D I X.

Mare insu-
sum rapit
terras.

In totum terras abstulit, hoc est, mare suprainducīs aquis, prorsus aboleuit hunc magnum terrarum tractum, vbi hodie est mare Atlanticum. Sententia, quæ ex Platone citatur extat in Timeo, vbi disputat de vetustate Atheniensium, qui bella sustinuerunt illorum, qui ex Atlantide insula, quam ait maiorem fuisse tota Africa & Asia, impetum fecerunt in Europam, sed quando æstu maris ac terræ motibus hæc duæ partes, Europa ac Africa sunt diuulsæ, ac mare Atlanticum immissum est, tunc & insula hæc perijt, & homines simul submersi sunt. Sunt autem hæc eius verba. Τὴν δὲ γῆν σισμῶν ἰζούσας καὶ κατακλισμῶν γινούσας, μὲν ἡμῖν καὶ νύκτις χαλεπῶς ἰλδοῖσιν, τί, τι παρ' ἡμῶν μέγιστον πάν, ἀθλίον ἴδν κατὰ γῆς, ἢ, τι, Ἀτλαντὶς νῆσος, ὁσούτως καὶ τῆς θαλάσσης δῶσα ἡφαιδέα. Διὸ καὶ νῦν ἄπορος καὶ ἀδύνατος γέγονε πάλιν αἰεταῖος, σκελὸς κατασφραγῆς ἐμποδὼν ὄντος, ὃς ἡ νῆσος ἰζυμένῳ παρήχεται. Hoc est, post hæc ingenti terræmotu iugicq; diei vnus & noctis illuione factum est, vt terra dehiscens (scilicet, vbi nunc est mare mediterraneum) nostros illos vnâ omnes bellicosos homines absorberet, & Atlantis insula sub vasto gurgite mergeretur, quam ob causam innaugabile pelagus illud propter absorptæ insulæ limbum relictum fuit, &c. Sic inquit Seneca: Vides totas regiones à suis sedibus reuelli, & trans mare iacere quod in confinio fuerat. Sic & Hispanias à con-textu Africæ mare eripuit. Sic per hanc inundationē, quam Poëtarum maximi celebrant, ab Italia Sicilia reiecta est.

SEQUITVR IN TEXTV: Mox interno, scilicet mari loca merfa sunt, quæ hodie videmus, sic magna pars Acarnaniæ merfa est sinu Ambracio. Magna pars Achaïæ, hoc est, veteris & continentis Græciæ merfa est sinu Corinthiaco. Europam Asiamq; hoc est, partes de Europa &
Asia

Asia merfas esse. Propontide & Ponto, quæ maria in hæc loca infusa sunt. Ad hoc, hoc est, præter hæc loca mare perrupit, hoc est, diffregit à continente Leucada, quæ Acarnaniæ coniuncta fuit, de qua Ovidius:

Leucada continuam veteres habuere coloni,

Nunc freta circumenit, &c.

Sic etiam mare perrupit Antirrhium, Hellespontum, & duos Bosporos, Thraciam & Cimerium. nam hæc loca fuerunt terra continens, sed à mari diuulsa & pleræq; submersa. In pictura Sophiani hæc cernuntur.

C A P V T X C I.

Quæ terræ ipsæ se sorbuerunt.

ATque ut sinus & stagna præteream, ipsa se condens terra deuorauit Cybotum altissimum montem, cum oppido Curite, Syphilum in Magnesia: & prius in eodem loco clarissimam urbem, quæ Tantal^{Ἰστυ τῶν}is vocabatur. Galanis & Gamales vrbiū in Phœnice ^{μα infra} agros cum ipsis, Phegium Aethiopiæ iugum excel- ^{cap. 106.} fissimum, tanquam non infida grassarentur & littora.

A P P E N D I X.

Non tantum terræmotus & inundationes grassantur in terram, sed ipsa sese condit, hoc est, abscondit & absorbet totas nonnunquam insulas, vrbes & montes ingenti hiatu, cuius rei causam exponit Seneca cum inquit: Meminimus enim terris interno motu diuulsis, loca disiecta & campos interiisse. Quando enim spiritus magna vi in vacuum terrarum locum penitus applicuit, cepitq; rixari & de exitu cogitare, latera ipsa, inter quæ latet sæpius, percutit, supra quæ vrbes interdum sitæ sunt. Hæc nonnunquam adeo concutiuntur, ut quicquid superstructum est, corruat. Ferunt Ossam Olympo cohæsisse, deinde terrarum motu recessisse,

k

& scilicet

& scissam vnus magnitudinem montis in duas partes tunc effugisse.

De Cyboto monte nihil certi scio, nisi fortasse hic mons nomen habet à Cyboto ciuitate, sic enim inquit Plinius lib. 5. cap. 29. Deinde Apamea existit antea appellata Cælenas, deinde Cyboron, postremo Apamea. De qua Strabo dicit, quod ante bellum Mithridaticum sæpe fuetit concussa, ad cuius reparationē Rex contulit centū talenta, &c.

(Cum oppido Curite.) Hoc oppidū à Strabone Berecynthes appellatur, à Plinio tractus Berecynthius, sic inquit Strabo: λέγεται δὲ τινὰ φύλλα φέρειν οὐδ' αὖτ' οὐδ' ἀνέμους, ὥστε οἱ Βερέκυνθες, &c.

De Sipylō in Magnesia inquit Plinius lib. 5. Intetiēre intrus Daphnus & Hermesia, & Sipylum, quod ante Tantalus vocabatur, caput Mæoniæ, vbi nunc est stagnum Sale. Pausanias in Achaicis: σῆπυλον δὲ κατέλαβεν καὶ ἑτέραν, πῶς ἰδίαν ἐν σισύλων πύλῳ ἐκ χόσμου ἀφανισθῆναι, ἔξ' οὗ καὶ ἡ ἰδία κατιάγει σὺ ἔξουσι, ἔξουσι αὐτὴν ἐξ' οὗ καὶ λίμνη τὸ ἑσπερίον ὀνόματι σάλῳ τὸ χόσμου ἐγένετο, &c. Et Strabo: καὶ τὰ πρὸ σίπυλον δὲ καὶ πῶς ἀναστρεφῶν αὐτῷ, μίθ' οὗ δὲ τῆς αὐτῆς, &c.

De Galanē & Gamale agris Phœniciæ meris cum ipsi vrbibus, non meminit alibi Plinius, credo propter nomina mutata. Plinius lib. 5. cap. 13. meminit Gamali montis in Phœnicia.

De Phegio iugo Aethiopiæ sciendum, quod illud infra cap. 106. iterum describitur, & vocatur Theon ochema, de quo diceretur ibidem.

Concludit caput epiphonemate, tanquam non infida grassarentur & litora, hoc est, tanquam non satis sit cladium, quas tertæ motus & inundationes locis maritimis afferunt.

C A P V T X C I I.

Quæ vrbes hausta sint a mari.

Pyrrham

ῥῶταυ τὰς αἰτίας τῶν τιούτων παύωντα ἐς τὸ θῆναι ἀναφέρειν, ἀλλ' ὡς φυσικὰς τινὰς καὶ καταναγκαστικὰς θεωρεῖται. οἱ δ' ὀσπερὶ διακρίνουσιν τὸ θῆναι σιθατὰς τινὰς αἰτίας ἀποδιδόναι τῇ σύμβουτος, ὡς διὰ τοῦ μύου γιγναιόμεναι τὴν συμφορὰν τῆς εἰς τὸ θῆναι ἀσπίδασι. ἀπὸς ὃ τῷτοις πάλω φιλοπόνησεν κατὰ βιάδους ἔχειν μεγάλα καὶ ἀσπίδα καὶ εὐαίεως εἰδέναι ταματιάζειν μεγάλας. ἴσται γὰρ ἐν αὐτῇ δύο πειραμαὶς φανεροὶς ζήντας ὑπὸ γλῶ. δ, τι γὰρ σελὶ φινεὶς πειραμαὶς εἰς πάλω γλῶ καταδύμενος ἐν τῇσπερ τῇσπερ χεῖρας ἡφανίζετο, τῶν καὶ γὰρ ἀρσενος ὑπερδυσχερῶν. δ, τι σελὶ τὸ εὐμῆριν τις τὸ χεῖμα καταδύμενος δὲ διὰ διακρίσεως σαθίους φέρεται κίε κρυμμένος καὶ γὰρ, καὶ παρὰ πάλω τῶν ἀργύρων πάλιν ἐξίστοι, εἴε.

De Helice & Bura noti sunt versiculi Ovidiani :

*Si quaris Helicen & Bura Achaidas vrbes,
Inuenies sub aquis, & adhuc ostendere nante
Inclinata solent cum manibus oppida mergis.*

Pausanias in Achaicis ait hunc terræmotum factum esse anno quarto Olympiadis centesimæ primæ. Diodorus verò anno primo Olympiadis centesimæ, qui annus est trecentessimus septuagesimus vrbs condita. Strabo lib. 8. qui ait : καλεῖται δὲ ἑλίκη θινὴ ἔστισι ἀπὸ τῶν λυσισκῶν. Copiosissimè de hoc terræmotu & harum vrbum submersione lege Pausaniam in fine lib. 7. & Aristo. 1. Meteororū, & Senecam lib. 6.

De Cæa insula sic scribit Plinius lib. 4. cap. 12. Dein Ceos, quam nostri quidam dixere Ceam, Græci & Hydrusam, auulsa Eubææ, quingentis longa stadjijs quondam fuit, mox quatuor ferè partibus, quæ ad Bæotiam vergebant, eodem mari deuoratis.

De Tyndarida vrbe Siciliæ, quæ est sita iuxta promontorium Pelorum versus insulas Vulcanias, hoc totum quod est inter Italiam & Siciliam pontus rapuit. Sic illud mare, quod inter Eubæam & Bæotiam interfuit, quondam fuit continens, & sic de cæteris.

C A P V T. CXIII.

De miraculis terrarum.

Motus

Motus enim terræ fileantur, & quicquid est, vbi
 saltem busta vrbium extant: simul vt terræ miracula
 potius dicamus, quàm scelera naturæ. Et hercule
 non cœlestia enarratu difficiliora fuerint: Metal-
 lorum opulencia tam varia, tam diues, tam fœ-
 cunda, tot seculis suboriens: cum tantum quotidie
 orbe toto populentur ignes, ruinæ, naufragia, bella,
 fraudes, tantum verò luxuria & tot mortales conte-
 rant: gemmarum pictura tam multiplex, lapidum
 tam discolors maculæ, interq; eos candor alicuius,
 præter lucem omnia excludens: medicatorum fon-
 tium vis: ignium tot locis emicantium, perpetua tot
 seculis incendia: spiritus letales alibi, aut scrobibus
 emissi, aut ipso loci situ mortiferi, alibi volucris
 tantum, vt Soraete vicino vrbi tractu: alibi præter
 hominem cæteris animantibus: nonnunquam & ho-
 mini, vt in Sinuessano agro & Puteolano: spiracula
 vocant, alij Charoneas scrobes, mortiferum spiri-
 tum exhalantes. Item in Hirpinis Ansancti, ad Me-
 phitis ædem locum, quem qui intrauere moriuntur.
 Simili modo Hierapoli in Asia, matris magnæ tan-
 tum sacerdoti innoxium. Alibi fatidici specus, quo-
 rum exhalatione temulenti futura præcinnunt, vt Del-
 phis, nobilissimo oraculo. Quibus in rebus quid pos-
 sit aliud causæ afferre mortalium quispiam, quàm
 diffusæ per omne naturæ subinde aliter atque aliter
 numen erumpens?

1.
Metalla.2.
Gemme.3.
Thermæ
& fontes
medicarij.4.
Ignes.5.
Spiritus
letales.

APPENDIX.

Epilogus est huius loci de terræmotu, & simul transi-
 tio ad reliqua aquarum ac terrarum miracula. Satis sit,
 k 3 inquit,

Terræ be-
neficia &
miracula.

inquit, hæc dixisse de motib. ac ruinis terrarum, quæ velut scelera sunt naturæ, quin magis dicamus reliqua naturæ miracula, quæ in hoc elemento tam sunt fecunda ac præstantia, vt ne cœlestia enarratu difficiliora fuerint, hoc est, tantum est miraculorum quæ terra præbet, vt tam difficile sit enarrare ea, quàm quæ præbet cœlum. Sequitur deinde enumeratio horum miraculorum, quæ beneficia natura vberime largitur in vsus hominum. Primum est: Fecundæ venæ omnis generis metallorum. Secundum, gemmarum pictura multiplex & varijs colorum ac virtutum generibus distincta. Tertium, thermarum & fontium medicamentorum. Quartum, ignium. Et quanquam Plinius nullam accuratiorem expositionem causarum naturalium horum præstantissimorum naturæ operum in hoc loco instituerit, tamen debent adolescentes hæc etiam cognoscere, & explicationem petere vel ex Alberto vel ex posterioribus libris Plinij, & ex recens editis libris de rebus metallicis Georgij Agricolæ, &c. qui copiosissimè harum rerum causas perscrutati sunt. Nos pauca quædam dilucidioris doctrinæ gratia delibabimus, quæ vt spero, aditum patefacient ad lectionem aliorum autorum, qui ex professo in hac tractatione versantur.

Metalla
vbi nascun-
tur.

Nascuntur autem omnia metalla in terræ visceribus ex materia humida, vinctuosa & subtili, cum puriore terræ parte permixta: nam inesse humorem constat inde, quia ignis calore metalla soluta fluunt, frigore aëris vel aquæ rursus densantur, virtute singulari cœlestium corporum cum subtilissima terræ parte permixta, ac fortissimè & optimè percocta. Vnde differunt metalla à lapidibus, quod hi sunt omnino terrei, carentes tali vinctuoso humido, sed magis abundantes aquoso, id quod patet, quia comminuntur ac in pulueres rediguntur, quando exhalat aqua ex illis, id quod in metallis non fit, sed quia illorum est lenta ac tenax materia, ideo magis liquuntur, ac ictibus lentè cedunt nec comminuntur, quoniam humiditas illa pinguior sic est

Metalla
differunt à
lapidibus.

sic est cum subtilissimo terreo fortissima ac tenacissima coniunctione permixta, vt nulla arte separari ac dissolui amplius possit. Quod verò aliud alio laxius dilatetur, fit propter humorem subtiliorem, qui terram penitus comprehensam continet, ipse enim cedit non deferens partem proximè sibi iunctam, sed eam secum trahens, continenterq; cedendo magis magisque dilatatur. Coit autem hæc materia & generatur non à frigore, quod nullam metallis speciem præbet, sed calore, qui densat, transmutat, ac percoquit terreum ac aqueum viscosum, & deinde virtute cælesti gubernatur, & velut informatur ad specificas ipsorum formas effingendas. Materia itaq; metallorum est humor mixtus cum terra, ita tamen, vt humor terram superet, Causæ metallorum. terræ quidem portio tanta in mixtura inest, quanta humoris perspicuitatem obscurare potest, tamen fulgorem non auferre. Et quo hæc mixtura purior fuerit, eò preciosius ex ipsa metallum gignitur, magisque tolerans ignis. Causa verò efficiens est, vt censet Albertus, calor, vt Aristoteles verò, frigus, cuius propria functio est densare. Nam quamquam mixtura elementorum perficiatur à calore, qui eandem in succos coquit, sed metallum fieri negat nisi à frigore constiterit. Sic enim ille inquit: facit verò hæc omnia exhalatio halitiosa, inclusa maximè in lapidibus, ob frigus in vnum coacta & densata. Nam diuturnum frigus humorem tantisper condensat, donec aëre maxima ex parte excluso in sese totus cogatur & in metallum transmutetur.

Locus autem ortus metallorum, sunt venæ & fibræ sub Locus metallorum. terraneæ, in quibus Deus à principio hanc vim generatiuam metallorum complantauit, & quamquam non insit in materia lapidum vis aliqua speciem informans, vt est in seminibus animalium, tamen quia in prima formatione venæ subterraneæ hanc vim à creatore acceperunt, vt ex materia habili generent metalla, sequitur locum generationis metallorum extra illas venas non esse querendum. Quamquam autem in arenis fluminum etiam reperitur aurum,

& quidam existiment illud ibi gigni, tamen reuera ibidem non gignitur, vetum id aut ipsa amnium & riuorum fluxiones & impetus a montibus abiciunt, aut fontes ex venis & fibris montium effundunt in riuos & amnes, vnde *ἰσχυρία*, id est, ramenta aut vocantur, quae impetu aquarum a venis metallicis abtaduntur, & cum arenis miscentur, sed in eis non gignuntur.

Formatum vero differentiae in metallorum speciebus considerandae sunt, quae colliguntur ab alijs aliter. Chymistae vnam tantum perfectam formam metallorum esse dicunt, auri videlicet, reliquorum esse imperfectam & adhuc existere in motu ad eam, sicut res imperfecta, quae est in via ad perfectionem. Sed Philosophi diuersum sentiunt, & constituunt singulorum metallorum substantiales ac specificas formas. Quanto igitur humor fuerit subtilior, purior & densior, tanto metallum nitidius & splendidius reddetur.

Quae sunt
differentiae
metallo-
rum.

1.

Aurum.

Sex igitur differentiae metallorum specie distinctorum traduntur, aurum, argentum, aes, ferrum, plumbum album, & nigrum. Aut materia est purissima, itaque ipsum est metallum purissimum & integerrimum, quod ne in igne quidem laeditur. Nam propter puritatem extementis caret, nihil etiam in igne amittit, nec ab igne aduritur: Materia enim ipsius est terra purissima, humore optimo permixta. In igne itaque tam acriter terra humorem continet, ne possit expirare: rursus humor tuetur ac defendit terram ne accendatur. Est autem fuluum, quia sic est creatum: alij dicunt, quia calor temperatus terram purissimam & nitidissimam in flauedinem sinceram vertit, quae quando cum humore subtili, puro & denso permiscetur, aurum gignitur.

2.

Argentum.

Argentum proxime autem in bonitate sequitur, ideo fere eadem opera ex illo fiunt. Dilatur in tenuissimas lamenas propter substantiae tenuitatem, Vnde quidam dixerunt optimum argentum esse aurum, quod substantia sit imperfectum, & in colore deficiat, netur, textur, propter puritatem: color albus, cumque politur, nitidissimus, quia ex terra

ex terra alba gignitur, cui permiscetur humor subtilis purus & densus, minus tamen bona temperatione coeunt quam in auro, idcirco aliquæ eius partes, præsertim immundiores, in igne intereunt. Duplex argentum ex venis eruitur, alterum putum, quod absq; coctura statim suum est, illud veteres ignorarunt, sicut patet ex Plinio. Alterum verò rude, quod coctura indiget, vt formam & nitorem argenti accipiat, illud est vel plumbei coloris, vel rubri translucidi, vel purpurei, vel nigri, vel cineracei, vel lutei.

Argentum duplex.

Aes proximè sequitur, quod vulgo cuprum vocatur, Græci χαλκός, cuius color est subrubens, ex adustione terræ impuriotis, quæ est materia huius metalli permixta cum humore, vnde etiam ærea vasa multum inficiunt liquores in ipsa infusos propter amaritudinem æris, quæ ex mixtione terræ impuriotioris & humoris adhuc hæret in substantia æris, & etiam ipsius excrementa, quæ sunt plura & grauiora, arguunt impuritatem materiæ. Et est duplex, sicut argentum, aliud est purum, quod ex proprijs venis eruitur, sed in patuis massulis figura stiriarum, virgultorum, globulorum. Hanc speciem veteres ignorarunt, sicut etiam argenti puri. Aliud verò est rude, quod excoquitur ex lapidibus metallicis, & æs fossile vocatur: præstantia ipsius ex colore dijudicatur: quod enim intense rubet, est præstantissimum. Aliquando etiam Cadmia tingitur, & abie non tantum in alium colorem, sed etiam naturam, appellatur à Græcis αἰτίχαλκος, quod olim in Cypro fuit fossile & natium præcipuæ bonitatis, vnde & æs Cyprium vocatur, hodiè verò rantum factitium.

3. Cuprum.

Cuprum duplex.

Ferrum ferè postremum locum inter metalla tenet, propter impuritatem materiæ, & non bonam permixtionem terræ cum humore factam. Vnde & nigrum existit propter terram impuram & adustam. Quia verò in cõmixtione huius metalli multum terræ & parum humoris confluit, fit quod non liquitur vt cætera metalla: quia verò humor solutus igne mollescit & moueri incipit, ducitur quidem

4. Ferrum.

tundendo, non tamen liquitur, nisi cum primum vena excoquitur liquefcit & funditur. Cum verò detractis recrementis refrixit, acciditur quidem igni & mollescit, non tamen amplius funditur. Multi sunt gradus, qui ut plurimum ex ipsius præparatione discernuntur. Illud enim quod sæpius liquefit & à recrementis purgatur, Græci vocant *σκληρυνμα*, hoc est, aciem, Latini Chalybem, quia Chalybes populi optimum ferrum conficiunt. Longè cæteris præstat Suedorum ferrum, quod ipsi *Osemutū* vocant, foditur in Vplandia, item in Gothia & Norduegia, quod magis ductile est cæteris.

5.
Plumbū. Plumbum ex terra nigriore veluti materia gignitur, quæ mixta cum copioso humore, non tamen satis firmo aquæ cum terra temperamento, unde facilius cæteris metallis liquitur. Et quia humor cito exhalat, relinquitur terra quæ igni facilè absimitur.

Stannum. Plumbi tria sunt genera, Primum vocatur plumbum candidum, Græci *λευκὸν ὄρεον*, recentiores improprie stannum vocarunt, quod magis est mixtura ex plumbo nigro & argento, quàm nativum plumbum. Nunquā purum ex venis eruitur, sed coquitur ex lapillis nigris, qui plumbarij lapides vocantur, quibus præstantiss. hodiè Anglia abundat.

Bisemutū. Secundum genus vocatur plumbum cinereum, quod nigrius est candido, sed candidius nigro, vulgo Bisemutum vocatur, quod quanquam sæpe suo colore reperiatur, tamen non est omnino purum.

Plumbum
nigrum. Tercium genus vocatur plumbum nigrū, Græci *μυδροχρῶν*, non quod nigrum sit, sed quod candido obscurius est, hoc sua sponte crescere dicunt, atq; ideo suo onere labefactare testā.

De Gemmis. SECUNDVM exemplum est de gemmis, de quibus postremus liber Naturalis Historiæ extat eruditissimè scriptus, & profectò maxima maiestas naturæ cernitur in tanta varietate & decore gemmarum. Causas generationis ac diversitatis in materia & colore, legant studiosi apud Georgium

gium Agricolam in libris præclare scriptis de natura fossilium. Sic autem inquit Plinius, Inter eos, scilicet lapides & gemmas, candor alicuius, scilicet carbunculi, excludens omnia præter lucem, hoc est, non domatur vlla re, ne quidem igne, sed tantum luce afficitur, infra lib. 37. cap. 7. ait hanc gemmam lucere tanquam carbonem ignitum.

TERTIVM est medicatorum fontium vis, hoc est, Fontes me dicati. virtus & efficacia insectorum vel colore aut sapore aliquo, aut virtute metallica, quam sapore referunt. sic alix aque sunt bituminosæ, salæ, amaræ, prout diuersimode virtute metallica inficiuntur. Sic etiam ea quæ ex sale & alumine constat, si pota fuerit, excalescit & exsiccatur: si verò plus salis quàm aluminis affuerit, aluum quidem turbat, sed minus eam lædit, quia alumen vim eius reprimit. Si verò plus aluminis affuerit, astringit atq; aluum sistit. Eodem modo de reliquis mixturis iudicandum est.

QVARTVM, ignium tot locis emicantium, ac perpetua tot sæculis incendia. Hoc exemplum infra copiosius Ignes subterranei. in ignium tractatione exponemus, cap. 106.

QVINTVM, spiritus letales, alibi aut emissi scrobibus, aut ipso situ loci mortiferi. Certum est multa mortifera in terra latere, quæ aërem vicinum ac circumstantem corrumpunt, qui emissus hunc spiritum ducentib. vel mortem vel horribilia morborum genera affert. Oriuntur autem ex putrefactione halituum venenatorum, vel ex adustione saxorum, terræ corruptæ, aut aliarum rerum fossilium, quæ grauem & venenatum spirant odorem, quales sunt venæ pyritis, cadmiæ, & similibus, &c. Sic etiam aquæ pestilentes in alto latent computrescentes situ ac torpore, quibus si aër miscetur, emissus etiam vicium spargit. Præterea halitus emissi ex his specubus suapte natura sunt contrarij vitæ. Exponit autem hoc quintum miraculum exemplis, quorum primum est de fonte ad Soraften, cuius etiam meminit infra lib. 31. cap. 2. Varro tradit ad Soraften in fonte, cuius sit latitudo quatuor pedum, Sole oriente eum Spirit* letales. extu-

exundare feruenti similem, auesq; quæ gustauerint inxta mortuas iacere. Est autem Soracte mons haud procul vrbe Roma in agro Faliscorum.

De scrobibus Charoneis, hoc est, infernalibus siue letalibus, quia exhalant mortiferum spiritû, vide plura apud Georgium Agricolam lib. 2. & 4. de natura eorum, quæ ex terra defluunt. Plurimæ huiusmodi scrobes sunt in Campania in agro Sinuessano & Puteolano. in Vngaria in comitatu Zoliensi, non procul ab oppido Neufola, est hiatus terræ exhalans pestilentes expirationes, quibus aues superuolantes, & cætera animantia admota extinguuntur. Plurima exempla talium specuum recitantur à Strabone in descriptione Hierapolis Phrygiæ de specu Platonio. Item in Lydia circa Sardos. In Ionia ad pagum Thymbrium. Item circa oppidum Myuntem. Item specus Corycins in Cilicia, &c. Item in Hirpinis est vallis Ansancti, quam describit Pontanus his versiculis:

*spirat ad Ansancti vallem specus, hinc procul & grex
Et pastor diuertit iter, procul euolat ales,
Incidat in seuam pennis ne lapsa Mephitim,
Et cadat infelix subita exanimata ruina.
Spiramenta soli quondam tremor ille reclusit,
Exhalat vis vnde nocens per viscera terra
Constituta diu, tetrorq; infecta veneno.
Hinc necat afflatu misero sternetq; animantes
Sana lues procul acta berebo, stygijsq; caernis, &c.*

Quod autem hi spiritus letales modò volucribus, modò cæteris animantibus, modò etiam homini sunt pestiferi, sit partim propter reniperamentorum varietatem. Quo enim temperamenta fuerint puriora, eò magis corruptioni resistent, partim etiam propter materiæ putrescentis & pestiferum spiritum exhalantis diuersitatem.

Item Virgilius lib. 7. Aeneid.

*Est locus Italia medio sub montibus altis
Nobilis, & fama multis memoratus in oris*

Ansan-

*Ansanæ valles, densis hunc frondibus atrum
Urget vtrinq; latus nemoris, medioq; fragosus
Dat sonitum saxis & torto vortice torrens.
Hic specus horrendum & sævispiracula ditis
Monstrantur, ruptoq; ingens acberante vorago
Pestiferas aperit fauces, &c.*

Specus fatidicos, & præsertim illum, qui est in Delphis, describit copiosissimè Diodorus Siculus libro 16. in vita Alexandri Magni.

CAPUT XCIIII.

De terris semper trementibus.

QUædam verò terræ ad ingressus tremunt, sicut in Gabiensi agro, non procul vrbe Roma, iugera ferme ducenta, equitantiū cursu: similiter in Reatino.

APPENDIX.

Ad ingressus, scilicet animantium, vel onerū, quæ curribus vehuntur. Gabij distant à Roma & Præneste ex æquo ducenta stadia, hoc est, tribus miliaribus, in via Prænestina siti, vbi Latomix sunt meliores. Similiter in Reatino, scilicet tremere agros. Infra lib 3. cap. 12. inquit, in agro Reatino Cutiliæ lacum, scilicet esse, in quo fluctuet insula, Italiæ umbilicum esse M. Varro tradit, &c. In agro Reatino præstantissimi muli gignuntur.

CAPUT XCV.

De insulis semper fluctuantibus.

QUædam insulæ semper fluctuant, sicut in agro Cæcubo, & eodem Reatino, Mutinensi, Statonienfi: In Vadimonis lacu, & ad Cutilias aquas opaca filua, quæ nunquā die ac nocte eodem loco vilitur:
In Ly-

In Lydia quæ vocantur Calaminæ non ventis solùm, sed etiam conis, quò libeat impulsæ, multorum ciuium Mithridatico bello salus. Sunt & in Nymphæo paræ saltuare dictæ, quoniam in symphonix cantu adiectus modulantium pedum mouentur. In Tarquinienſi lacu magno Italiæ duæ nemora circumferunt, nunc triquetram figuram ædentes, nunc rotundam complexu, ventis impellentibus, quadratam nunquam.

A P P E N D I X.

Tremen-
tes insulæ
ac terra.

De terra ac insulis tremantibus. & fluctuantibus non potest alia reddi ratio, nisi quia earum materia leuior est aquis, vnde in aquis innatant, de quibus extat valde festiuus atq; elegans locus apud Senecam lib. 3. cap. 25. & quia horum capitum expositionem continet, ascribam. Quia, inquit, si aqua grauior est, leuiorẽ rem quàm ipsa est feret, & tanto supra se extollet, quanto erit leuior, grauiora descendunt. At si aquæ, & eius rei quam contra pensabis, par pondus erit, nec pessum ibit, nec extabit, sed æquabitur aquæ, & natabit quidem, sed penèmersa ac nulla eminens parte. Hoc est, cur quædam tigna supra aquam penè tota efferantur, quædam ad medium submersa sint, quædam ad æquilibrium aquæ descendant. Namque cum vtriusque rei pondus par est, neutra res alteri cedit, grauiora descendunt, leuiora gestantur. Graue autem & leue non est æstimatione nostra, sed comparatione eius quo vehi debet. Itaque vbi aqua grauior est homine aut saxo, non finit id quo non vincitur mergi. Sic euenit, vt in quibusdam stagnis ne lapides quidem pessum eant: de solidis & duris loquor. Sunt enim multi pumicosi & leues, ex quibus quæ constant insulæ in Lydia natant. Theophrastus est autor ipse, ad Cutiliam natare insulam vado. Et alia in Vadimonis lacu vehitur, & alia in lacu Statonienſi. Cutiliarum insula & arbores habet, &

bet, & herbas nutrit, tamen aqua sustinetur, & in hanc atque illam partem non tantum vento impellitur, sed aura, nec vnquam illi per diem & noctem statio est in vno loco, adeo mouetur leui flatu. Huius rei duplex est causa, aquæ grauitas medicatæ, & ob hoc ponderosæ, & ipsius insulæ materia vestibilis, quæ non est corporis solidi, quamuis arbores alat.

Sic autem inquit Plinius: Quædam insulæ semper fluant, hoc est, natant propter materiæ leuitatem. Corpus enim aqua leuius in aquis innatat, grauius mergitur. Sic insulæ quædam, quia earum materia aquis leuior est, in lacubus innatant. Ferunt in Scotia esse plures tales insulas, quas venti modò huc modò illuc impellunt. Descriptionem lacus Vadimonis legant studiosi apud Plinium Iuniore lib. 8. Epistolarum, epist. 20. Lacus Cutiliæ est in Sabinis in agro Reatino, cuius insulæ opaca, hoc est, densa silua modò in hanc, nunc in illam partem, non tantum vento impellitur, sed aura, & vt Seneca inquit, nunquam ibi per diem & noctem in vno loco statio est. Sic etiam in Lydia sunt insulæ natantes, præcipuè in ea parte quæ Calamina vocatur, de qua Stephan. inquit, prope Apameam est Calamine in qua nascuntur optimi calami idonei ad lingulas tibiarum, in quib. insulis multi ciues Romani in bello Mithridatico sunt seruati. De Nymphæo fluuio inter Ancium & Cyrceû non puto hic loqui Plinium, sed de Nymphæo promontorio in finib. Macedoniæ & Liburni, de quo sic scribit Strab. lib. 7.

ἡ δὲ τῇ χάριτι τῶν ἀπολλωνιατῶν καλεῖται τι νομισαμένη, πάλαι δ' ὅτε πῶς ἀναδιδύσκει. ἵνα' αὐτῇ δὲ κελύου ῥέουσι χυλικοῦ ἀσφάλτου, κρηθρὸς οὐκ ἴσθες ἢ βόλον τῆς ἀσφάλτου, &c. Insulæ verò circa dictum

promontorium dictæ sunt saltuares à saliendo, quoniam ad ictus siue ingressus modulantium, hoc est, saltantium pedum mouentur. Meminit Herodotus in εὐτίρην insulæ Echemnis in lacu Aegyptiaco sitæ, è regione vrbis Butæ, quæ lucos siluasq; & Apollinis grande templum sustinet, quam ait natare cœpisse cum antea fuerit fixa. λέγεται δ' ἵνα'

αἰγυ-

ἐν γυνήϊν ἄντρα ἢ ἄντρας εἶναι πῶς τὴν, αὐτὸς μὲν ἔργον ἐστὶ πᾶσι πᾶσι οὐτὶ
καθημερινῶς εἶδον, τὴν οὐκ ἔστι ἀκούον, &c. De duabus insulis in lacu
Tarquinienfi quæ nemora circumferunt edentes, scilicet
suo complexu siue iunctura nunc triquetram figuram, nunc
rotundam, nunquam autem quadratam.

C A P V T X C V I.

Quibus in terris non pluat, & acervata terrarum
miracula, & cæterorum elementorum.

Celebre fanum habet Veneris Paphos, in cuius
quandam aream non impluit. Item in Nea oppido
Troadis circa simulacrum Mineræ. In eodem & re-
lictæ sacrificia non putrescunt. Iuxta Harpasa oppi-
dum Asiæ, cautes stat horrenda, vno digito mobi-
lis: eadem si toto corpore impellatur, resistens. In
Taurorum peninsula in ciuitate Parafino terra est,
qua sanantur omnia vulnera. At circa Afsoni Troa-
dis lapis nascitur, quo consumuntur omnia corpo-
ra, Sarcophagus vocatur. Duo sunt montes iuxta
flumen Indum, alteri natura est vt ferrum omne te-
neat, alteri vt respuat. Itaque si sint clauī in calcea-
mento, vestigia auelli in altero non posse, in altero
fisti. Locris & Crōtone pestilentiam nunquā fuisse,
nec vllō terræmotu laboratum, annotatum est. In
Lycia verò semper à terræmotu x l. dies serenos esse.
In agro Ardano frumentum satum non nascitur. Ad
Aras Murtias in Veiente, & apud Tusculanum, & in
silua Ciminia loca sunt, in quibus in terram depacta
non extrahuntur. In Crustumino natum foenum ibi
noxium, extra salubre est.

alii, Ca-
raseno.

Descriptionem vberriam templi Paphiæ Veneris, legant studiosi apud Cornelium Tacitum lib. 18. historiæ Augustæ, vbi inter cætera inquit: Sanguinem aræ obfundere vetitum, precibus & igne puro altaria adolentur, nec vllis imbribus, quanquam in aperto, madescunt. Plinius hoc loco ait, in ipsius aream, quæ templum continet, non implere.

De Nea oppido Troadis lege Plinium lib. 5. cap. 30. Stepha. inquit, ἡ δὲ νῆα καλεῖται καὶ ἀπολείπεται Μυρία, &c. circa simulachrum Mineræ, scilicet est area, in quam non pluit. Iuxta Harpasa, est flumen & oppidum in Caria. In Tauro-
rum verò peninsula, hoc est, in Peloponneso Taurica, in ciuitate Parafino, legendū cenſeo Carafeno. recensetur enim infra à Plinio Carafenum inter oppida Tauricæ. De terra, qua sanantur omnia vulnera, & de talium terrarum generatione & differentiis legant studiosi lib. 2. de natura fossilium Georgij Agricolæ.

(At circa Afſon) Huius lapidis meminit Plinius infra lib. 36. cap. 17. In Afſio Troadis sarcophagus lapis fissili vena scinditur. Corpora defunctorum condita in eo absumi constat intra 40. diem exceptis dentibus, &c. Certum autem est hunc lapidem constare ex materia acri & erodente, qualis est Chalcitis, Myſi, æruginis, à quibus corpora consumuntur.

(Duo sunt montes) Certum est vtrunque montem constare ex magnete, alterum ex eo qui ferrum attrahit, alterum verò ex eo qui ferrum repellit. Plinius lib. 36. cap. 16. sic inquit: Quid ferri duritia pugnacius? Sed cedit & patitur mores: trahitur namq; à Magnete lapide, domitrixq; illa rerum omnium materia ad inane nescio quid currit, atque vt propius venit, aſſiſtit, teneturq; & complexu hæret. Sideritin ob hoc alio nomine appellant, quidā Heracleon. Magnes appellatus est ab inuentore (vt auctor est Nicander) in Ida repertus, &c. Albertus Magnus memi-
nit

nit istius speciei Magnetis, quæ abigit ferrum, & ait vocari Theameden à Theamede inuentore. Quod autem generaliter Magnës ferrum trahit, inde aiunt fieri, quoniam ferrum Magnes vt alimentum desiderat, itaq; illud ad sese trahit veluti cognatum alimentum. Hoc autem inprimis de hoc lapide notandum est, quod etiam erutus ex montibus tamen vim retinet, vt ad situm proprium & naturalem sua sponte redeat. Cumq; seipsum propter grauitatem mouere nequeat, ex hoc Physico principio, Nihil seipsum mouet, tamen ferro affricato imprimit suam vim, & ob leuitatem mouet illud in æquilibrio, vt cuspidem suam, qua scilicet est fricatum, à Magnete semper ad Boream moueat. Si verò à tali Magnete fricatur, qui in suo naturali loco austum respexit, sequitur quod illud æquilibrio ad austrum & nō ad Boream dirigatur. Vnde dicunt fieri, quod aliquando hic lapis ferrum abigat non virtute propria, sed si illa pars, quæ austrum respicit, ferro, quod partem Botealem petit, applicetur, tum insita inimicitia illud maiore impetu à sese propellit, quàm ferrum ad austrum tendens trahere possit, vnde propellere illud videtur. Sic itaq; inquit Plinius, alteri natura est, vt ferrum omne teneat, hoc est, alter constat ex copioso & efficaci magnete, itaq; omne ferrum tenet. Alteri verò vt respuat, hoc est, qui constat ex efficaci Theamede. Vnde in illo monte sistuntur vestigia à Theamede, quia ferrum abigit, itaque prohibet ne indutus calceamentis ferreis accedere possit.

De salubritate Crotoniensium meminit Strabo lib. 6. quod Crotoniotarū regio saluberrima sit iudicata vel hoc argumento, quod breui temporis spacio quàm plurimos produxerit tum Athletas tum Philosophos. Inde etiam nata sunt prouerbia, *Κρότωνος ὑγιεινός*, Etiam *κροτωνιῶν ἐ ἔχαιρος ἀφ' αὐτοῦ τῶν ἀνδρῶν ἰσχυρίαι*. Vide prouerbia Erasmi.

In agro Ardano frumentū satum non nascitur.) Fortasse intelligit hic Plinius Aradum insulam, de qua sic inquit Strabo lib. 16. In fonte iugosæ cuiusdam & importuosæ

tuosæ oræ Aradus iacet, inter eius portum scilicet atque Marathum distans à terra stadijs 20. ea est petra quædam à mari circumfusa septem ferè stadiorum ambitu, &c. Vel legendum est, Ardeauus. Aræ Murtiæ, hoc est, Veneris, quæ sic dicta est à myrtho ipsi sacrata. Cimina silua, alij legunt Cymerina, in qua hastilia terræ infixæ non possunt rursus extrahi, quia subito fruticescunt & agunt radices in terram.

CAPVT XC VII.

Qua ratione æstus maris accedant, & ubi ijdem extra rationem.

ET de aquarum natura complura dicta sunt: sed æstus maris accedere & reciprocare, maximè mirum: pluribus quidem modis, verùm causa in Sole lunaq;. Bis inter duos exortus Lunæ affluunt, bisq; remeant, vicienis quaternisq; semper horis. Et primum attollente se cum ea mundo intumescentes, mox à meridiano cœli fastigio vergente in occasum residentes: rursusq; ab occasu subter cœli ima & meridiano contraria accedente, inundantes: hinc donec iterum exoriatur, se sorbentes.

Nec vnquam eodem tempore quo pridie reflui, vt ancillante sidere, trahenteq; secum auido haustu maria, & assidue aliunde quàm pridie exoriente: paribus tamen interuallis reciproci, senisq; semper horis non cuiusq; diei aut noctis aut loci, sed æquinoctialibus: adeoq; inæquales vulgarium horarum spacio, utcunq; plures in cas aut diei aut noctis illarum mensuræ cadunt, & æquinoctio tantum pares ubiq;.

Ingens argumentum plenumq; lucis ac vicis etiam diurnæ, hebetes esse, qui negent subtermeare sidera,

Causæ efficiences æstuum, & præcipuè de diurnis æstibus.

Quare nō stans horis sunt.

alii, ideoque.

ac rursus eadem resurgere, similemque terris, imò verò vniuersæ naturæ exinde faciem, in ipsdem ortus occasusque operibus: non aliter sub terra manifesto sideris cursu aliouē effectu, quam cum præter oculos nostros feratur.

De differētijs mensuræ astris æstiuum.

Multiplex etiam nū lunaris differentia, primumque septenis diebus. Quippe modici noua, ad diuiduam æstus pleniores ab ea exundant, plenaque maxime feruent. Inde mitescunt. Pares ad septimam primis. Iterumque alio latere diuiduo augentur. In coitu Solis pares.

De differentia æstiuum à latitudine Lunæ.

Planè eadem aquilonia, & à terris longius recedente mitiores, quam cum in austros digressa, propiore nifu vim suam exercet.

Differentiæ æstiuum à nocte.

Per octonos quoque annos ad principia motus & paria incrementa centesimo Lunæ reuocantur ambitu, augente ea cuncta Solis annuis causis, duobus æquinoctijs maxime tumentes, & autumnali amplius quam verno. Inanes verò bruma, & magis solstitio, nec tamen in ipsis, quos dixi, temporum articulis, sed paucis post diebus, sicuti neque in plena aut nouissima, sed postea: nec statim ut Lunam mundus ostendat occulteruē, aut media plaga declinet, verum duabus ferè horis æquinoctialibus serius, tardiore semper ad terras omnium quæ geruntur in cœlo effectu cadente, quam visu, sicuti fulguris & tonitrus & fulminum.

De differentia æstiuum, quæ sit ratione locorum & ratione subiecti.

Omnes autem æstus in Oceano maiora integunt spacia inundantque, quam in reliquo mari: siue quia totum in vniuersitate animosius est quam in parte, siue quia magnitudo aperta sideris vim laxè grassantis ef-

tis efficacius sentit, eandem angustijs arcenit. Qua de causa nec lacus, nec amnes similiter mouentur. Octogenis cubitis supra Britanniam intumescere æstus Pytheas Massiliensis autor est. Interiora autem maria terris clauduntur vt portu. Quibusdam tamen in locis spaciosior laxitas ditioni paret: vtpote cum plura exempla sint, in tranquillo mari, nulloq; velorum impulsu, tertia die ex Italia prouectorum Vticam, æstu feruente. Circa littora autem magis quàm in alto deprehenduntur hi motus: quoniam & in corpore extrema pulsum venarum, id est, spiritus magis sentiunt.

In plerisque tamen æstuarijs, propter dispares siderum in quoque tractu exortus, diuersi existunt æstus, tempore non ratione discordes, sicut in Syrtibus. Et quorundam tamen priuata natura est, velut Taurominitani Euripi sæpius, & in Eubœa septies die ac nocte reciprocantis, Aestus idem triduo in mense consistit, septima, octaua, nonaq; Luna.

Gadibus, qui est delubro Herculis proximus, fons inclusus ad putei modum, aliàs simul cum Oceano augetur minuiturq; aliàs verò vtrunq; contrarijs temporibus. Eodem in loco alter, Oceani motibus consentit. In ripa Bætis oppidum est, cuius putei crescente æstu minuuntur, augescunt decedente, medijs temporum immobiles: Eadem natura in Hispali oppido vni puteo, cæteris vulgaris. Et Pontus semper extra meat in Propontidem, introrsus Pontum nunquam refluo mari.

APPENDIX.

De marinis æstib. loquitur in hoc capite, quorum cau-

Motus O-
ceani du-
plex.

fas alij aliter inquisierunt, sunt enim reuera obscurissimæ. Sed in explicatione huius motus sequemur Aristotelem & Ptolemæum, qui omnium rectissimè de his motibus locuti sunt. Initio autem sciendum est, Oceanum duobus distinctis motibus agitari, vno simplici & regulari, sed obscuriori & minus conspicuo, propter leuem impulsione & agitationem: altero verò magis vario, multiplici & vehementiori, qui propriè vocatur æstus, hoc est, tumor & feruor maris, quando in altum assurgit, ita vt vniuersum litus compleat, ac aliquando terras vicinas inundet, nam huiusmodi æstuationes sunt dissimiles, aliquando maiores, aliquando verò minores.

1. De priori motu Oceani, quo ab oriente versus occidentem, impetu circumactorum orbium cœlestium fertur: Hunc motum maris, quotidiana obseruatione nauæ animaduertunt, qui quoties versus ortum nauigant tardius puehuntur, quàm si versus occasum, idq; propter nullam aliam causam accidit, nisi quod cœli impulsu mare deuolutum in occasum accelerat cursum nauium eò tendentium, atq; etiam remoratur contrarium. Sic in nauigationibus Christophori Columbi Genuensis scribitur, quod iter ab ortu versus occasum spacio vigintiquatuor dierum confecerint, inde verò rursus Hispaniam repetentibus vix trium mensium spacium suffecisse. Varia huius rei exempla colliguntur apud Strabonem.

2. De altero verò motu, qui propriè æstus marinus vocatur, loquitur Plinius in hoc capite, quo motu mare sensibilibiter ex imo effluit & exundat, deinde verò completa periodo refluxus sese colligit & residet. Talem motum describit Lucanus cum inquit:

*Qua litus dubium, quod terra fretumq;
Vendicat, alternis vicibus cum funditur ingens
Oceanus, vel cum refugis de fluctibus aufert
Ventus ab extremo pelagus sic axe volutet
Destitnatq; ferens, an sidere mota secundo*

Tbetyos

*Thetys vnda vagæ lunaribus afluat horis,
Flammiger an Tytan, vt alentes hauriat vndas
Eligat Oceanum, fluctusq; ad sidera tollat, &c.*

Causa verò huius reciproci motus etiam ad motus corporum celestium refertur, & præcipue ad lunam, quæ pro ratione motus in suo orbe, item pro modo laminis, & habitudinis diuersæ ad Solem, maria dissimiliter commouet. Cum enim Luna præsit humoribus, illosq; tum in corporibus animalium, tum in plantis commoueat, verisimile eam eodem more fontem omnium humorum, hoc est, mare occulto quodam consensu à Luna agitari & moueri. Sicut autem varix vices sunt motus Lunæ in suo orbe, ita varix vices æstuum marinarum. & quia animaduersum est, æstus variari secundum differentiam passionum vt vocant Lunæ, cumq; hoc modo consensus perpetuæ experientix accederet, vno ore omnes Physici causam efficientem æstus dixerunt motum esse Lunæ: nam inter duos Lunæ exortus his affluunt & refluunt maria, hoc modo: cum Luna supra horizontem ascendit, tum incipiunt æstus affluere, & mare intumescit, & diffunditur, sicut inquit Plinius, & primum attollente se cum ea mundo intumescences, &c. quando verò culmen & medium cœli contingit, tum æstus rursus insistant & refluunt, idq; tantisper, donec Luna præternecta & in occasum sub horizontem mersa fuerit: totidem enim horis refluunt, quot affluerunt: cumq; Luna abest ab occasu interuallo vnus signi, tum conquiescunt. cumq; sub horizontem occiduum mersa fuerit, tum rursus extollunt se atq; intumescunt maria vt prius: cumq; ad imum cœli deuenierit, insistant.

Cur autem huiusmodi motus accidant Luna existente in angulis cœli, id inde fieri dicunt, quod radius quanto est rectior, tanto & efficacior: & econtra quanto plus à recto discedit, tanto est languidior. itaq; ascendente Luna supra horizontem in angulo orientali æstus incipiunt, atq; subinde augentur, donec angulus fuerit rectissimus, qui in tali

finu existere potest, atq; nunc sunt maximi æstus. Deinde verò rursus minuuntur, donec angulus in occidentali horizonte rursus ad rectitudinem tendere inceperit, idq; in hemisphærio subterraneo. Quæ autem fiat, quod Luna ciet æstus etiam sub terra in angulis existens perinde atq; si supra terram existeret, difficilior est quæstio: & an causæ huius rei reddi possint, ignoro. In hoc omnes consentiunt, quod id accidat reflexione radiorum luminis lunaris, qui radij reflexi eodem modo agunt atq; ipsum lumen. Quando itaq; lumen lunare reflectitur à parte cœli opposita Lunæ versus terram & mare, rum eisdem effectus producit sicut ipsa Luna. Hic morus regularis æstuum vocatur *ἡμερῖνος κίνησις*. Quando verò circa quadraturas oppo. & coniunctione variatur, vocatur *μεσσηνῖος κίνησις*. nam compertum est incitari atq; augeri æstus tum vehementia impetus, tum etiam celeritate motus & tempore durationis in plenilunio, rardiores & minores circa quadraturas, quemadmodū id ex circumstantijs, quas Plinius ordine recenser, intelligi potest.

Circum-
stantiæ,
quæ vari-
ant æstum
maris.

PRIMA circumstantia, est de causis æstuum diurnorum, cur quotidie, sed non stans horis, fiant, quia, inquit, Luna non semper eodem tempore nec loco oritur, sed assidue aliunde quàm pridie prodit, propter celerem ipsius motum in deferente, & declinationem ab ecliptica, unde etiam nec stans horis æstus recurrunt, sed illo tantum tempore, quo ipsa iter per cardines cœli facit, sicut inquit Ptolemæus lib. 2. οὐδὲν δὲ ἑλκῆται καὶ ἔται τῇ τῶν κινήσεων τὰ φαινόμενα, ὥστε γὰρ τὰς τιμὰς αὐτῶν ἔχουσιν αἱ κατ' ὕψος ἀνέσεις καὶ ἐκπτώσεις τῶν καταγεγραμμένων μεταβάλλουσι, καθάπερ ὅτε τὰς τῆς Δ, αἱ τὴν ἀμπύττει καὶ πάλιν ἰζῆται, &c. Id est, nihilominus idem accidit, cum luminaria iter per cardines faciunt. Talem enim ad habitum illorū horariæ remissiones ac inrenriones tempestatū sese conuertunt, sicut secundum Lunæ morus æstus maris ac redundationes, &c. Hanc circumstantiam complexus est Plinius, cum inquit: Nec vnquam eodem tempore, quo pridie reflui, &c.

SECUNDA est de causis æstuum mensûris, aliter enim in plenilunio, aliter circa quartas, aliter in nouilunio accidunt æstus, ergo necesse est eam ex differentiis luminis lunaris colligi: aliter enim mouet maria lucens integro seu pleno lumine, aliter dimidiato seu corniculante: in plenilunio enim copiosiore lumine plus halituum resoluunt. In interlunio verò non suo lumine, sed Solis auerso lumine, quo resoluunt halitus Sol, sed non educit. Vnde inquit Cæsar lib. 4. belli Gallici: Eadem, inquit, nocte accidit, ut esset Luna plena, qui dies matutinos æstus in Oceano maximos efficere solet. Et Plinius infra ait: Quippe modici noua, ad diuiduam æstus, plenior ab ea exundant, plenaque maxime feruent, &c.

Dictum enim iam in methodo vniuersali, quod sunt quatuor quartæ cæli: duæ supra horizontem, & duæ infra, quæ diuiduntur in octo puncta, pro obseruatione fluxus & refluxus. Ex his punctis quatuor sunt debilia, & quatuor fortia: ex debilibus duo sunt debilia, pro fluxu seu incremento, & duo debilia, pro refluxu seu decremento. Debilia pro fluxu sunt punctum orientis & punctum occidentis, quæ sunt principia duarum quartarum fluxus. Debilia pro refluxu sunt punctum meridiei & punctum mediæ noctis, quæ sunt principia duarum quartarum refluxus. Fortia pro fluxu sunt punctum medium inter orientem & meridiem in quarta diurna fluxus distans ab oriente, per 45. gradus in quarta diurna fluxus. Sic & punctum medium inter occidentem & medium noctis in quarta nocturna fluxus distans ab occasu per 45. gradus. Fortia pro refluxu sunt punctum medium inter meridiem & occasum in quarta diurna refluxus: & punctum medium inter medium noctis & ortum in quarta nocturna refluxus. Et secundum rationem horum punctorum & situm Solis & Lunæ inter sese mutantur æstus. Ut in omni mense Sol & Luna simul sunt in eodem signo, grad. & min. deinde octo dies elongatur Luna à Sole per quartam partem circuli, & sic consequenter, donec suo cursu rursus assequitur Solē.

Hæc autem eò pertinent, vt sciamus quomodo vices motus lunæ ad Solem, æstus varient, & quanquam supra in circumstantia secunda de mensuris æstibus dictum est, tamen hîc aliquanto clarius repetam. In nouilunio ambo luminaria simul sunt vnita, & ad motum primi mobilis simul circumferuntur, ideo fit continuus fluxus aut refluxus secundum quartarum differentias, ita vt in die naturali bis fiat affluxus & bis refluxus. Sed quando luna post coniunctionem à Sole elongatur per quadrantem circuli, & quando Sol est tantum super horizontem ex parte orientis in quarta fluxus diurni, quantum luna est sub horizonte ex eadem parte orientis in quarta refluxus nocturni, & quia tunc Sol tantum distat à puncto forti fluxus super horizontem, quantum luna à puncto forti refluxus sub horizonte, & ideo tunc nec fit fluxus nec refluxus, sed aqua marina videtur stare. Quando verò Sol per motum primi mobilis accedit ad punctum forte fluxus, qui est supra horizontem in quarta diurna fluxus, Luna per eundem motum primi mobilis recedit & elongatur tantundem à puncto forti refluxus, qui est sub horizonte in quarta nocturni refluxus accedendo versus punctum orientis debile fluxus, & tunc quia Sol est magis propinquus puncto forti fluxus, qui est supra horizontem in quarta diurna fluxus, quàm Luna puncto forti refluxus, qui est sub horizonte in quarta nocturna refluxus, ideo debilitatur refluxus & fortificatur fluxus, & aqua tunc incipit fluere, & quanto magis Sol appropinquat puncto forti fluxus, qui est supra horizontem in quarta diurna fluxus, tanto magis Luna discedit à puncto forti refluxus, qui est sub horizonte in quarta nocturna refluxus appropinquando puncto orientis debili fluxus, & ideo continuatur fluxus. Eodem modo schematismi Solis & Lunæ ducendi sunt per singulas partes siue puncta in vitro que hemisphærio, & conspiciuntur aliquo modo causæ istarum mutationum.

TERTIA, ex configurationibus seu aspectibus lunæ ad So-

ad Solem & reliquas stellas sumitur. De harum enim natura ætus aut intenduntur aut remittuntur, conuertunt enim hunc cursum plerumq; ad modum naturarum suarum, exempli gratia, quando Luna Venerem aut aliam stellam de natura Veneris idoneo aspectu respicit, & est in humidis mansionibus, tum accessus præter solitū augentur. Econtra quando Martem respicit & pertransit siccas mansiones, ætus minuuntur.

QVARTA, ratione ascensionis signorum ætus variantur. Luna enim existens in signis rectarum ascensionum longiore tempore producit ætus, quàm in illis, quæ oblique ascendunt: in illis enim tardiore motu euecta, diutius marinis aquis incumbit, & mora longiore vehementius eas commouet, in alijs euolat & celerius transit, & dicunt animaduersum esse longa experientia nunquam accessus recessibus pares existere duratione temporis, nisi luna existente in signis æquinoctialibus sine latitudine: quia ascensiones signorum interdiu ascendentium nunquam æquantur nocturnis, nisi in æquinoctialibus punctis. Præterea nulli circuli paraleli, per quos luna circumuoluitur, sunt eiusdem spacij infra supraq; horizontem, nisi in punctis æquinoctialibus, vnde rectè Plinius inquit: Senisq; semper horis, non cuiusq; diei aut noctis aut loci, sed æquinoctialibus, ideoq; inæquales vulgarium horarum spacio, utcumq; plures in eas aut diei aut noctis illarum mensuræ cadunt.

QVINTA, dominium lunæ in diuersis aquæ partibus. Quemadmodum enim aliæ terræ partes certis subiectæ sunt stellis, & illarum vim magis sentiunt: ita etiam aliæ aquarum partes magis vi luminis ac radiorum corporis lunaris afficiuntur quàm cæteræ, vel propter rectitudinem radiorum, vel aliqua alia occulta vi, quæ in hoc subiecto & hac materia sic disposita, efficacior existit quàm in alia.

SEXTA, latitudo ipsius & altitudo, sic enim inquit: Plaud eadem aquilonia, & à terris longius recedente mitiores, quàm cum in austros digressa, propiore nisi vim
suam

suam exercet, &c. Causa istius circumstantiæ est proiectio luminis seu radij. Quemadmodum enim Sol septentrionalis nobis æstatem, & meridionalis hyemem efficit, propter radij rectitudinem & obliquitatem, ita etiam luna aliter demittit radium in aquas existens septentrionalis, quàm meridionalis, &c.

SEPTIMA circumstantia est, de annuis æstuum differentijs, quæ à Græcis *ἐναυτεία κλίσεις* vocatur, & hæc variatio à Sole pendet: animaduersum enim est augeri æstus ab æquinoctio verno vsq; ad solstitium, ita vt circa solstitium æstuum sint maximi. inde ad autumnale vsque æquinoctium sensim remittunt, à quo ad brumam rursus intenduntur, atq; ita accidit, vt circa solstitia æstus vniuersaliter sint maiores, circa verò æquinoctia minores.

OCTAVA, sumitur ex locorum distantijs siue latitudinibus. loca enim multum aut parum ab æquinoctiali recedentia insignes in æstib. differentias habent propter radij obliquitatem aut rectitudinē. Præterea tempus durationis æstuum magis aut minus est regulare & æquale, ideo inquit Plinius, adeoq; inæquales vulgare horarum spacio, vt cuncq; plures in eas aut diei aut noctis illarum mensuræ cadunt, hoc est, prout plures partes de die aut de nocte illæ ipsæ horæ occupant. exempli causa, ponamus diem solstitialem existere sedecim horarum æquinoctialium, tunc vna hora vulgaris diurna continebit vnā æquinoctialem, & præterea vnā eius trientem. sex igitur æquinoctiales faciunt vulgares quatuor & dimidiam. Rursus vna vulgaris nocturna habebit tantum bessē vnus horæ æquinoctialis, hoc est, vno triente minor erit hora æquinoctiali. sex igitur æquinoctiales faciunt vulgares nocturnas nouem. durabit igitur æstus diurnus horas quatuor & semissem, nocturnus verò horas novem, cum tamen tempus affluxus & refluxus sit æquale, ideo disertè in textu addit, horas scilicet vulgares & æquinoctiales tantum æquinoctio pares vbicq; esse.

NONA, Sol nullos æstus ciet, quia vehementiore calore

lore non tantum gignit halitus, sed illos etiam resoluit. Lunæ verò lumen languidius halitus quidem gignit copiosos, & agitados commouet, verum illos extrahere aut resolueré nequit.

Ex his circumstantijs, causæ æstuum & dissimilitudinis ipsorum aliquo modo intelligi possunt, nec opus est nimis subtiliter materialem ab efficiente & formali distinguere. Sicut enim aqua ad ignem feruet & exæstuat, subtilissimis eius partibus calore in tenuissimos & copiosissimos halitus resolutis, qui per aquam diffusi & dilatati, dum quærunt exitum, aquam commouent, & tandem erumpentes dispendunt: sic à lumine Lunæ resolui halitus & diffundi per maria accidit, qui impetu elati prorumpentes ea commouent & discutiunt, sicut videmus aliquando terram in terræmotibus ab inclusis halitibus conuerti. Si autem maria vndiq; littoribus inclusa & certis limitibus circumscripta non mouerentur, verisimile esset illa situ computrescere, itaque huiusmodi motus à Deo ordinati sunt, vt aquæ à putredine præseruarentur. Sicut enim aër vento ventilatur, purgatur & salubrior redditur: ita aquæ æstu à putrefactione custodiuntur, vt sint magis salutares, neq; loca vicina halitibus putridis ac noxijs inficiant.

Discendum etiam hoc loco est, æstus non in omni mari eodem modo fieri: in oceano enim amplo nec incluso littoribus in angustias, sunt æstus maximi, qui etiam flumina per longa spacia retroagunt. Sic Albis Hamburgum vsq; quod ab Oceano 20. miliaribus distat, exæstuat: Thamisis in Anglia Londinum vsq; quod 40. miliaribus ab ostio ipsius distat, sic flumina impetu Oceani affluentis cohibentur atq; intumescunt, deinde verò decedente æstu iterum concidunt atq; intra suos alueos includuntur.

De his æstibus loquitur Strabo lib. 3. *αἱ δ' ἐπὶ τῇ αἰθρῇ μέγας εἶσι ἐν ταῦτα ἢ ἐν τοῖς ἄλλοις τόποις, ὅτι εἰς πλεον σωμαθομήνη εἶναι ἢ θάλασσαν ἐν μεγάλῳ πηλάγῳ, ἀνακαταλαμβάνει καὶ φέρεται πρὸς τὰ ἄκιστα μέγας γὰρ οὐρανός, &c.* Diuersa est ratio in mari

Baltico

Æstus non
iisdem vbi-
us locu-
tum.

Baltico à Cimbrica Chersoneso versus orientem, in quo exigui & vix in littore perceptibiles æstus existunt, quia hoc mare verius est sinus maris, inclusus obiectu Cherronesi Cimbricæ & littore germanico & è regione opposito Suecico, quæ ita cogunt illud in arctum, vt radius cœlestis non possit in illo suas vires liberè atq; sine obstaculo exercere.

Sic mare mediterraneû, quod per angustias freti Herculei in terram infunditur, Asiamq; ab Europa distinguit, inclusum est vndiq; ac veluti littoribus obseptum, itaq; vel prorsus æstibus caret, vel habet multò mitiores quàm Oceanus. Accolæ maris Adriatici lenem quendam motum è fundo maris cum quadam exæstuatione incipientem manifestè sentiunt. Tyrrheni verò maris accolæ nullos motus sentiunt; nec Lygures versus eum angulum, in quem prospectat Genua, nec Gallix Narbonensis incolæ nec Celtiberi, Hispaniæ ad portû Brachinouensem huiusmodi motus sentiunt, quia mare angustijs inclusum existit. Sed illum alterum motum, quo ab oriente versus occidentem fertur, cuius in principio huius capituli mentionem fecimus, etiam mediterranea maria sentiunt, sed cohercentium littorum ceu repagulis liberè diffundi hoc motu mare prohibetur, alioqui enim circa vniuersam agitaretur terram ab ortu in occasum, cumq; id obstacula littorum prohibeant, tum circa littora isto motu velut in orbem ducuntur, Vt incipiendo à sinu Issico incitant versus Pamphiliam, Lyciam, Cariam, & secundum Hellesponti ac Peloponnesi oras volutatum: dehinc Dalmatiæ, Istriæ & Illyridis littora lambendo legit, atq; in intimo recessu maris Adriatici cum angulum, in quo Venetiæ sitæ sunt, ambiens in oppositum litus Italiæ versus Flaminiam reflectit, indeq; versus occasum Tyrrheni, Gallix & Hispaniæ littora præterfluens, præter angustias freti Herculei ad Mauritanix oras depellitur, & inde Africam & Aegyptum allabens ad ortum reuertitur.

(Nec vnquam eodem tempore, &c.)

Expo-

Exponit causam, cur æstus non recurrant statis temporibus, atque ait id fieri virtute Lunæ, quæ semper aliunde quam pridie exoritur, ratione motus proprii in suo circulo eccentrico. Sequitur ergo, & æstus non eodem tempore esse refluos. Sic ait, ancillante sidere, hoc est, subseruiente Luna, propter motum suum in zodiaco, qui variat & tempora ortuum, & loca in horizonte. Ponamus hodie coniunctam esse Lunam cum Sole, tunc manet una cum Sole subuehitur, unde & hoc die hora prima æstus allabitur, altero autem die non cum Sole ascendet, sed sequetur illum una ferè hora, propter celeriores ipsius cursum in suo circulo. Ergo isto die post Solis ortum exoritur, tardiores efficiet ex orientis angulo accessum seu æstum. Quod autem ait, Paribus interuallis reciproci, intelligit æstus retinere suam periodum inceptions & durationis, hoc est, quanto tempore affluerunt, tanto etiã recedunt, tametsi Luna nec eodem modo nec etiam loco oriatur. Scilicet enim sex horis inundant, atque iterum sex resident maria, verum horis non cuiusque diei aut noctis, aut loci, sed æquinoctialibus, id est, talibus horis, quæ præcisè diem æquinoctialem in 12. paria secant spacia: hoc enim die horæ inæquales seu planetariæ, æquantur horis æqualibus seu æquinoctialibus. Inæquales enim horæ secant singulos dies in 12. æquales partes, eodem modo & noctes. Cumque dierum spacia sint dissimilia, sequitur quoque horas esse inæquales & dissimiles, præsertim illas, quæ colliguntur ex ascensione signorum in zodiaco, cuius quidem medietas omni die ascendit, sed inæqualiter. A æquinoctiales verò horæ, quia describuntur regulari atque æquabili ascensu æquinoctialis circuli, qui semper & in omni horizonte uniformiter & æqualiter ascendit, semper sunt æquales atque regulares. Quia verò inæquales horæ æquantur æquinoctialibus in die æquinoctiali, propter pares ascensiones utriusque circuli & zodiaci & æquinoctialis, ideo ait Plinius, Ideoque inæquales vulgarium horarum spacio, hoc est, ideo si conferantur ad spacia inæqualium

Æstus cur
statis tem-
poribus non
recurrant.

Horæ dur-
plices.

qualium horarū, quæ tantum in æquinoctiali die sunt æquales, alioqui semper inæquales, tunc semper plurib. aur paucioribus horis æstus durabunt, vt dictum est in septima circumstantia, in qua exposui quomodo horarum dissimilitudo ex locorum distantijs metienda sit, & quomodo spacia æstuum sint tempore æqualia horis tamen inæqualia.

(Ingens argumentum, &c.)

Exponit causam, cur Luna in occasu moueat maria, cum tamen angulus occidentis nullo modo tam efficaces vires habeat atq; orientis. Respondet simpliciter, neque motum neq; locum mutare illius vices, sed Lunam iuxta retinere illas, vbicunq; tandem moueatur, atq; tam efficaciter vires suas exercere, quando in altero hemisphærio existit, quàm quando nobis pernox est. Sic est textus construendus: Ingens argumentum plenumq; lucis, hoc est, perspicuum, ac vicis etiam diurnæ, hoc est, quod ex quotidianis vicibus elucescit, & quod singulorum dierum habet experientiam, hebetes illos esse qui negant subtermcare sidera, hoc est, sidera circuire totam terram. similemq; terris exinde, hoc est, perpetuo, faciem, hoc est, figuram, in iisdem ortus & occasus operibus, hoc est, in perpetuitate siue continuatione ortuum & occasuum, vel orientium & occidentium siderum. non aliter sub terra manifesto sideris cursu, hoc est, non aliter Luna mouetur sub terra, quàm cum est supra nostrum horizontem.

(Multiplex etiam, &c.)

De differentiis mensuris æstuum. Et hæc de sententia Possidonij recitantur à Plinio, quæ recitatur à Strabone in fine libri tertij: *φασὶ δὲ τὸ πρὸ ἀνταρὸς κινεῖται ὑπερὶ τὴν ἀντιπῶν, τὸ πρὸ ὑπερὶ τὴν ἀντιπῶν, τὸ πρὸ μεσσηνίαν, τὸ πρὸ ὑπερὶ τὴν ἀντιπῶν, τὸ πρὸ μεσσηνίαν, τὸ πρὸ ὑπερὶ τὴν ἀντιπῶν, &c.* Vide plura ibidē, quæ magnam lucem afferunt ijs, quæ hic confusè & satis obscurè à Plinio recitantur. Atq; hætenus dictum est de causis diurnorum ac nocturnorum æstuum, nunc exponit causas variationis æstuum

æstuum singulis mensibus, & ut Possidonius vocat vices menstruas, & ait, Multiplex etiamnum Lunaris differentia, hoc est, sicut Luna varias vices in menstruo suo cursu sustinet, ita æstuum menstruorum sunt varix & dissimiles mutationes, primumq; septenis diebus, hoc est, differentix notabiles fiunt per septenos dies. S E Q V I T V R: quippe modici noua, hoc est, à prima apparitione Lunæ paulò post coitum sunt æstus modici. Pleniores verò ab ea exundant, hoc est, circa diuiduam Lunam augentur æstus. Circa verò plenilunium sunt feruentissimi. Inde mitescunt, hoc est, à plenilunio feruor remittit. Pares ad seprimam primis, sicut fuerunt æstus in prima quadra à coniunctione ad diuiduam, tales sunt à plenilunio ad postremam quadram. S E Q V I T V R: Iterumq; alio latere augentur, hoc est, postea ab vltima quadra ad coniunctionem rursus augentur. In coitu verò pares, scilicet ijs, qui fuerunt in plenilunio, & itidem feruentes ut in plenilunio. Strabo ex Possidonio eandem sententiam recitat, cum inquit: μέγας μὲν ἀπὸ καλῆς αἰῶνος γίνονται πρὸς τοὺς σαρόδους. ἔτα μειῶνται μέχρι διχρότου. πάλιν δ' αὖξινται μέχρι πανσεληδῶος. καὶ μειῶνται πάλιν ἕως διχρότου φθινάδος, εἰς ἥν τῶν σαρόδων αἱ αὖξινται, &c.

Aliam differentiam persequitur Plinius, sumtam à latitudine Lunæ, ait autem æstus esse mitiores quando Luna habet latitudinem septentrionalem: quia enim tunc septentrionalib. propior est, illis auget. Meridionalibus verò remotior in illis minuit. Coniungit autem Plinius cum latitudinibus etiam altitudines, sicut supra cap. 16. dictum est, & ait, à terris longius recedente, quando est eleuata tam in deferente quam in epicyclo. tunc propiore nisu, hoc est, efficacia, vim suam exercet in ciendis humoribus, quia radius est magis directus atq; ita efficacior. Sed quia observationibus destituimur, non scimus an hæc cum experientia consentiant.

S E Q V I T V R, de annuis æstuum differentijs, & inquit Plinius, per octonos quoq; annos ad principia motus

reuocantur, hoc est, ætus singulis octennijs reuocantur ad principia motus, hoc est, ad loca & puncta zodiaci qualiacumq; tandem illa sint, in quibus ætus vel mitiores vel feruentiores fiunt, atq; hos octo annos vocat centesimum Lunæ ambitum, post enim nonaginta nouem menses, vel centesimo nouilunio, quod octo annos constituit, tunc nouilunia & plenilunia incidunt in easdem zodiaci partes, in quibus eueniant ante octennium. Vr Solis & Lunæ coniunctio facta est anno 1510. in principio aquarij. postea iterum in idem principium redijt anno 1518. & sic consequenter. Eodem modo de tempestatib. loquitur Plinius lib. 18. cap. 25. vbi inquit: Indicandum est & illud, tempestates ipsas ardores suos habere quadrinis annis, & easdem non magna differentia reuerti rarione Solis, octonis verò easdē, centesima reuolvente se Luna.

SEQUITVR IN TEXTV: Augente, scilicet Luna, ea cuncta, scilicet incrementa, Solis annuis causis, hoc est, prout Sol cum Luna aut è regione Lunæ versatur in punctis cardinalibus, siue æquinoctialibus siue tropicis. Sed amplius autumnali quàm verno, inanes verò bruma, hoc est, minores & languidiores ætus existunt. idq; magis, scilicet languidiores solsticio. nec tamen in ipsis temporum articulis, quasi dicat, non tamen in ipsis solstitionum vel æquinoctiorum punctis sunt ætus vel tumentes vel inanes.

SEQUITVR: nec statim vt Lunam mundus ostentat, scilicet, orientem: occultetūe, scilicet, occidentem, aut media plaga declinet, scilicet, à meridiano, siue supra siue infra horizontem. sed duabus horis serius, scilicet post ortum vel occasum Lunæ. Addit causam, cum inquit, tardiore semper ad terras, &c. hoc est, cum illa quæ in cælo geruntur serius percipiuntur in terra, quàm cernuntur fieri in cælo, vt fulgetrum prius cernitur quàm tonitru audiatur, cum tamen tonitru præcedat. Hæc sunt prorsus infirma, alia enim ratio est, quando loquimur de radiorum virtute, & efficacia, quàm quando loquimur de ijs quæ incurrunt in sensus,

sensus, & sensibus percipiuntur. Sed hæc non est huius loci disputatio.

(Omnes autem æstus in Oceano.)

Exponit differentiam sumtam à subiecto, hoc est, à mari, cur in Oceano sint æstus maiotes & sæuiiores quàm in mari mediterraneo, & quia supra hæc sunt exposita, tantum sententiam verborum Plinij percutram, sic ait: Id fieri, Primò, quia totum in vniuersitate animosius est quàm in parte, hoc est, quando omnes naturæ partes conueniunt, tunc agunt excitatius & validius, quàm quando sunt in plures partes distractæ. Secundò, quia magnitudo aperta sideris vim laxè grassantis efficacius sentit, hoc est, amplum mare efficacius sentit vim Lunæ agentis in amplam materiam quàm in angustam: angustæ enim arcet & excludunt eandem vim sideris. Et propter hanc causam, nec lacus nec amnes similitet mouentur. Lacus enim propter angustias ripatum vim sideris excipere nequeunt, amnes verò propter perennitatem motus naturalis, quo per decliua deorsum feruntur, vim sideris dissipant, neque consistere ad efficacem actionem permittunt, nisi quando amnes repelluntur efficacia & violentia marinorum æstuum, vt supra de Albi & Thamisi dictum est, qui æstibus affluunt & refluant, perinde vt mare, ferè integris viginti miliarib. à suis ostijs. De incrementis fluminum diuersa est ratio, augentur enim illa ex aquis affluentibus solutis niuib. non vittute cœlesti regulari & statâ.

S E Q V I T V R, Octogenis cubitis supra Britanniam intumescere æstus, &c. h. e. Insurgunt ad altitudinem octoginta cubitorû, an hoc verum sit ignoro, sed non est verisimile tantam altitudinẽ existere. Sen. sic inquit, Per centena millia quibusdam locis æstus excurrit innoxius & ordinem seruat. ad mensuram enim crescit, iterumq; decrescit. At illo tempore (scilicet quando vniuersalia diluua existunt) solutus legibus sine modo fertur, &c.

SEQUITVR IN TEXTV: interiora maria, hoc est, mediterranea. Sequitur, quibusdam tamen in locis, scilicet maris mediterranei. spaciosior laxitas ditioni paret, hoc est, imperio Lunæ subiecta est, unde & suos æstus habet sicut Oceanus, huius rei exemplum subijcit: quidam ex Italia Vticam delati sunt, idq; æstu feruente, hoc est, cum æstu maris tam celeriter eò delati sunt, qui plus temporis pari tranquillitate ac remige consumserunt redeundo, ergo euntes adiuuit æstus, redeuntes remoratus est æstus. Spacium autem inter Ostiam urbem & portum Romæ & Vticam hoc modo colligendum est. Vtica habet longitudinem 32. grad. latitudinem 32. grad. 45. min. Ostia habet longitudinem 36. grad. 30. min. latitud. 41. grad. 30. min. Differentia longitudinis est graduum 4. min. 30. quib. respondent miliaria germanica 54. tribuendo vni gradui 12. miliaria. Differentia latitudinis est 8. grad. 45. min. quibus respondent miliaria germanica 131. hinc horum locorum distantia deprehenditur, quæ continet miliaria 142. absoluit igitur vnius diei nauigatio miliaria german. 47. quale spacium & longè maius hodie in Oceano nauigantes conficiunt, quando secundis ventis vtuntur. ad æstus nihil respiciunt, & dicunt plus remorari quàm promouere.

Quod verò ait, hos motus magis circa littora quàm in alto deprehendi, hoc loco loquitur de motu, quem supra primum nominauimus, qui sequitur motum sphaerarum cælestium, & ab oriente in occidentem spacio 24. horarum circumuoluitur: sed quia Plinius hunc motum præsumpserat neglexit, itaq; peregrinas & huc non pertinentes rationes inquit, & ait, sicut in corpore extremæ partes, vt manus & pedes, pulsus arteriarum, hoc est, spiritum vitalem in arterijs motum & ventilatum magis sentiunt quàm interiora, non quod in extremis maior sit pulsus; sed quia minus hæ partes carne tectæ sunt, ideo ipsarum motus est manifestior & sensui magis patet.

Æstuaria.

(In plerisq; tamen æstuarijs.) Est locus de particularibus



laribus æstibus, qui ab aliorum æstuum natura prorsus discrepant. Vocat Plinius æstuatia, loca ad quæ mare in æstibus influit, per quæ in mediterranea instar fluminiū navigatur. Strabo vocat ἀεχρίσεις, cum inquit, οὐδ' οἱ τῶν ἀεχρίσεων τ' ἄλλων ἀρέων, &c. aliquando etiam ἐκρωα vocantur, cum inquit, propter dispares siderum in quoque tractu exortus, hoc est, quia sidera non eodem modo in diuersis horizontibus oriuntur, vnde tempore non ratione sunt discordes, hoc est, non eodem tempore in diuersis locis accidunt, sicut necluna eodem tempore oritur habitantibus in diuersis locis, itaque sunt discordes non ratione, quia eadem est ratio, videlicet motus lunæ. Exponit exemplo, sicut in Syrtibus, scilicet magna & parua, quorum locorum æstus arenas accumulant & disijciunt rursus. Sunt autem duo maris sinus inter Africam & Cyrenaicam, impares magnitudine, sed natura pares, quorū naturam Strabo describit lib. 17. cum inquit: ἡ δὲ μεγάλη σέχεται, τὴν κύλας ἔχει τὰ δὶον ἀνακλίσαν τριάντα πόν, πῶς δὲ δὴ τὴν μικρὴν διέμεττοι χιλίαν πεντακοσίαν. ἡ χαλαρότης δὲ ταύτας τῆς σέχεται καὶ τῆς μικρῆς, ὅτι πρὸς ἀλλήλους τινεσθῆσαι ἔχον ἡ βυθὸς καὶ τὰς ἀμπίσεις καὶ τὰς πλημμυρίδας συμβαίνει τῆς ἐμπύκνους εἰς τὰ βράχια καὶ καθίζου, &c. Vnde Virgilius inquit:

In brechia & Syrtes vrget, miserabile visum.

Et apud Lucanum extat Syrtium descriptio:

*Syrtes vel primam mundo natura figuram
Quam daret in dubio terra pelagiq; reliquit.
Nam neq; subsedit penitus, quo stagna profundi
Acciperet, nec se defendit ab aquore tellus.
Ambigua sed lege loci iacet inuisa sedes
Aequore facta vadis, abruptaq; terra profundo, &c.*

SE QVITVR in Plinio: Et quorundam, scilicet æstuum, priuata natura est, scilicet non congruens cum æstibus Oceani, velut Taurominitani Euripi. Taurominium oppidum est Siciliæ à Catana 33. stadijs, de quo Euripo sic Strabo lib. 6. scribit: Ante urbem paululum in traiectu Charybdis ostenditur, profundum quiddam, immensum, quo

inundationes freti mirum in modum nauigia detrahunt, magnas per circumductiones & vortices præcipitata, quibus absorptis & dissolutis naufragiorum fragmenta ad Taurominitanum littus attrahuntur, &c. Seneca in quadam Epistola de hac Euripi Taurominirani reciprocatione sic scribit: Charybdis an respondeat fabulis perscribi mihi desidero, & si forte obseruaris (dignum est autem quod obserues) fac nos certiores, vtrum vno tantum vento agatur in vortices, an omnis tempestas mare illud contorqueat: & an verum sit, quicquid illo freti turbine arreptum est, per multa milia trahi, & circa Taurominitanum littus emergere. De Euripo ad Eubæam septies die & nocte reciprocante, sic scribit Linius lib. 8. de cad. rerum: Ex patenti vtrinque coactum in angustias mare, ut speciem intuenti primo gemini portus in ora duo versi præbuerit. sed haud facile alia infestior classis statio est. nam & venti ab vtriusque terræ præaltis montibus subiti ac procellosi deijciunt, & fretum ipsum Euripi, non septies die, sicut fama fert, temporibus statim reciprocant, sed temere in modum venti nunc huc nunc illuc verso mari, velut monte præcipiti denolatus torrens, rapitur, &c.

SEQUITUR IN TEXTU: Aëstus idem triduo in mense consistit, hoc est, eadem hora reuertitur, videlicet die mensis octaua, quæ est dies primæ quartæ cum die proximè precedente & sequente. Sequitur aliud exemplum de fonte in insula Gades, qui est proximus Herculis templo, qui inclusus ad modum purei, & qui gradus habet quibus circumquaque ad aquam descenditur, qui fons alio tempore habet similes æstus cum marinis æstibus, alio verò tempore contrarias, hoc est, quando affluit Oceanus, tum aqua in puteo minuitur, quando verò refluit, tum aqua augetur. De quo inquit Strabo ex Polybio: τὰς παλιγγενίας τὸ θαλάττης ἀντιστάνειν. καὶ μὲν τὰς πλείους ἐκλείπουσιν, καὶ δὲ αἱ ἀμπώτεις πληροῦνται. Causas harum & similium vicissitudinum, item exempla de similib. fontib. legant studiosi apud Strabo. lib. 3. circa finem.

De

De fonte in oppido ad ripam Betis, & de illo, qui est in oppido Hispali, legatur Strabo lib. 3. SEQUITUR in textu: Et Pontus semper extra meat in Propontidem. Causam exponit Aristoteles lib. 2. cap. 1. Meteor. cum dicit: Mare mediterraneum totum fluere ad loca terræ concaua, hoc est, humiliora, nam septentrionalia loca sunt sublimiora, meridionalia humiliora: sic Meotis fluit in Pontum, Pontus per Bosphorum in Aegeum. Potest etiam idem accidere propter influentium fluminum multitudinem, quæ deinceps per humiliora loca effluunt. Item in locis meridionalibus à radio Solis efficaciore plures aquæ absumuntur, necesse itaque est ut aliæ ex locis septentrionalibus diffuant in locum absumtorum.

CAPUT XCVIII.

Miracula Maris.

Omnia plenilunio maria purgantur, quædam & stato tempore. Circa Messianam & Mylas fimo similia expuuntur in littus purgamenta, unde fabula Solis boues ibi stabulari. His addit (ut nihil quod equidem nouerim præteream) Aristoteles, nullum animal, nisi æstu recedente, expirare. Obseruatum id multum in Gallico Oceano, & duntaxat in homine compertum.

APPENDIX.

Hic locus in hoc capite obseruandus est, quod instar animalium aquæ marinæ statim temporibus purgantur, & quicquid putre continent, eijciunt, unde etiam colligi potest, magnam vim corporum cælestium in his inferioribus existere, quia velut viua natura corpora inanimata & mortua stimulant ad excernendum excrementa & superfluitates noxias. Seneca lib. 3. natur. quæst. copiose hunc locum

Aquas statim temporibus purgari.

Solis bo-
nes.

exponit, unde arbitror pleracq; Plinium descripsisse, sic autem inquit: Hoc quibusdam locis fontes faciunt, ut non tantum lutum, sed folia testasq; & quicquid putre iacuit, expellant. Vbiq; autem facit mare, cui hæc natura est, ut omne immundum stercoreosumq; littorib; impingat. Quædam verò partes maris id certis temporibus faciunt, ut circa Messanam & Mylas simo quædam similia profert mare, feruetq; & æstuat non sine colore sædo. Unde illic stabulari Solis bonæ fabula est. Sed difficilis ratio est quorundam, utiq; inibi tempus eius valde, quo purgatur, observatum, sed incertum est. Itaq; proxima quidem inueniri & vicina non potest causa. Cæterum publica est illa: Omnis aquarum stantium clausurarumq; natura se putgat. Nam in his, quibus cursus est, non possunt vitia consistere, quæ sua vis defert & exportat. Illæ quæ non emittunt quicquid insedit, magis minuscæ æstuant. Mare verò cadauera stramentaq; & naufragorum reliqua similia ex intimo trahit, nec tantum tempestate fluctuq; sed tranquillum quoque placidumq; putgatur, &c.

Mylæ oppidum est Siciliæ, non procul à Peloro promontorio. Vide Strabonē lib. 6. Quod ait: his addit Aristoteles (locus extat in Meteorologicis) nullum animal, scilicet corceptum aquis æstu affluentibus, expirare tantisper, donec æstus recesserint, existimo hæc esse fabulosa.

C A P V T X C I X.

Quæ potestas Lunæ, & terrena & marina.

QVo vera coniectatio existit, haud frustra spiritus fidus Lunæ existimari. Hoc esse quod terras saturaret, accedensq; corpora impleat, abscedens inaniat. ideo cum incremento eius augeri conchilia, & maximè spiritum sentire quibus sanguis non sit. Sed & sanguine hominē etiam cum lumine eius augeri ac minui:

minui : frondes quoq; ac pabula (ut suo loco dicitur) sentire, in omnia eadem penetrante vi.

APPENDIX.

Quo vera coniectatio existit, hoc est, propter quod non temere oritur existimatio, quod Lunæ sidus sit spiritus, hoc est, spirituosum & flatuosum quiddam, unde plurimæ spirituosæ & humidæ exhalationes exeunt. Luna enim quia terris proximè fertur, ideo in vicina corpora plurimum suæ naturæ demittit. Vnde terras saruret, hoc est, fecundet & conspergat humore, quem postea Solis calor viuificat, Ideo cum incremento eius augentur conchilia, de quibus supra cap. 41. dixit. Iam quidem lunari potestate ostrearum conchiliorumq; & concharum omnium corpora augeri & rursus minui. Item infra lib. 18. & c. SEQUITUR: Et maximè spiritum sentire, scilicet Lunæ, quibus sanguis non sit, ut sunt cancri & conchæ. Quanquam verò necesse sit in cunctis viuentibus aliquid vitalis humoris inesse, tamen hic humor non semper habet conditiones sanguinis, unde etiā non semper sanguis appellatur, ut Sepia in mari sanguinis vice atramentum obtinet. Vult ergo hoc loco Plinius, quod hæc insecta propter constitutionem ipsorum corporum mirabiliter mutationes lunæ intelligant ac sentiant. Sunt enim nata ex putri tantum ac limosa materia, quam Inna informauit ac velut prædisposuit. dominatur enim omnibus humidis corporibus, cumq; ipsa sit architectrix horum corporum, non est mirum aliquid iuris in ipsis retinere.

Tertiò, sanguis in homine cum lumine Lunæ augetur ac minuitur, unde medici prohibent venæ sectionem in iuuenibus decrescente Luna, tunc enim sicut in arboribus minus succi est, ita quoq; in corporibus minus sanguinis inesse dicunt. Motum autem & variationem luminis lunæ illi bene sentiunt, qui habent membra aut luxata aut fracta, vel qui alioqui sunt affecta valetudine.

QVARTO, frondes ac pabula sentiunt, scilicet motum lunæ, imò quicquid est vegetabilium, propterea quod in omnia eadem vis penetrat, scilicet spiritalis & humectatrix, quæ cum lumine lunæ augetur, & rursus illo decrescen-
te minuitur.

CAPVTC.

Quæ Solis natura, & quare salsum mare.

Cur mare
salsum.

ITAQ; Solis ardore siccatur liquor : & hoc esse masculum sidus accepimus, torrens cuncta sorbensq;. Sic mari latè patentis saporem incoqui salis, aut quia exhausto inde dulci tenuiq;, quod faciliè trahat vis ignea, omne asperius crassiusq; linquatur. Ideo summam æquorum aquam dulciorem profunda. Hanc esse veriore causam asperi saporis, quàm quod mare terræ sudor sit æternus, aut quia plurimum ex arido misceatur illi vapore, aut quia terræ natura medicatas aquas inficiat. Est in exemplis, Dionysio Siciliæ tyranno, cum pulsus est ea potentia, accidisse prodigium, vt vno die in portu dulcesceret mare.

APPENDIX.

Solis effectus.

Quemadmodum luna plurimum humectat corpora, ac propter humorem illa & molliora & humidiora, & per consequens etiam magis putrescibilia reddit : ita Sol propter vberimum lumen exiccat corpora, vnde & masculinum sidus appellatur, quia habet maiorem vim in agendo. Calor enim in hoc sexu abundat plurimum, sicut humiditas in mulieribus. Supra autem dixit, Lunam dominari cunctis humidis, propter cognationem cum illis, hic velut per correctionem addit etiam Solē illis dominari, sed tantum marinis, quæ propter salsedinem sicciore reliquis existunt.

Quæ-

Quærenda est autem hoc loco causa, quare mare salsum sit, & non reliquæ quoque aquæ. Principio tamen exponenda est in genere causa falsædinis in omni liquore. Deinde de maris falsædine dicemus. Fir autem falsædo ex commistione vel crassi, vel terrestris, vel crudi vaporis cum humido. Quicquid enim in animalium corporibus inconcoctum vel crudum existit, illud aut salsum aut amarum est, quemadmodum sunt omnia sedimenta, & præcipue illud quod per vesicam deijcitur. Quicquid enim in animalium corporibus inconcoctum relinquitur, illud fit excrementum, in reb. verò exustis fit cinis, verum utrumque est salsum.

Sic etiam causa falsædinis maris effectiua est calor Solis, qui extrahit à summo mari id, quod dulce ac porabile inerat, à fundo verò exhalationem crassam & terrestrem, & à Sole adustâ, cum aquis permiscet, unde falsædo existit.

Causa materialis est huiusmodi exhalatio, quæ hoc modo sublata atque exiccata & ambusta mare inficit. Naturaliter enim omnia adusta ac redinem quandam continent, qua humores inficiuntur. Quemadmodum cineres in aquam sparsi, illâ falsam reddunt. Er bilis cum humiditate aquosa in corporib. commixta, urinam falsam efficit. Sic etiam mari latè parenti saporem incoqui salis, hoc est, imprimi falsædinem, vel quia quando aquæ dulces, quæ sunt æriæ, hauriuntur & siccantur à Sole, relinquuntur ea quæ sunt naturæ terreæ & limosæ.

Formalis est, illa velut percolatio vaporum exiccare cum aqua, perinde atque si per cineres sit percolata.

Finalis, ne putrefcant. Reliquæ enim aquæ motu præseruantur à putredine, marinæ verò sale, &c.

Quod autem falsædo maris ab adustis vaporibus generetur, tali signo ostendi potest. Si enim vasculum oclludum cera in mare immissum fuerit, tum aqua renuis, pura & dulcis, per ceram delabitur & velut percolatur, per quam vapores spissiores commisi aquis, transire non poterant. Ergo cum aqua marina sine istis vaporibus sit dulcis, sequitur sal-

tur falfedinem gigni ab huiusmodi aduftis atq; ficcis vāporibus. Idem etiam experientia oftenditur. Australes aquæ funt falfores cæteris, proptet calorem plagæ mundi, quæ multam & copiofam exhalationem educit in his locis, quæ correfta radijs solaribus, magis inficit maria in his locis, quàm in cæteris. Item in autumno mare magis falum exiftit, quàm reliquis anni temporibus, propter aduftiones, quæ plurimæ æftate factæ funt.

Tertiò probatur à fenfu. Summam æquorum aquam ait eſſe dulciorem profunda, quia quanto partes funt magis ætææ, tanto magis ſupernatant, ſicut craſſiores ſubſiſcunt. Vnde vniuerſæ aquæ marinæ, ſpiſſiores & grauiores ſunt ſtuitatili aqua: plures enim habent permixtos craſſos vapores, quibus iſta caret, nam nauigia æquo rerum pondere preſſa in amnibus ſerè merguntur, in mari verò ad nauigandum petoportunè ſe habent. Item, oua in aqua vehementer ſalfa innatant, quæ alioqui in pura & dolci mergerentur. Quare igitur lacus non ſunt falſi? Reſpondendum eſt, illorum ſcaturigines eſſe dulces, & vtplurimum perfluunt flumina, quæ ſuo aſſiduo motu falfedinis cauſas prohibent, niſi fortasſe iſti lacus fuerint vicini montibus ſalitis, vnde ſalfum ſaporem mutuantur. Concludit Plinius, hanc eſſe veriorem cauſam aſperi, hoc eſt, terrei & falſi ſapotis, quàm illa quæ ab Empedocle recitatur, quod mare ſit ſudor terræ aduſtæ & cineræ. De prodigio, quod extat in exemplis, hoc eſt, hiftorijs ſiue annalibus, quod in portu Syracuſano mare vno die factum ſit dulce, non ſcio vnde ſit deſcriptum. Sed Dionyſius à Dione pulſus eſt anno 4. Olympiadis 105. cum tenuiſſet regnum annos 50.

C A P V T C I.

Item de natura Lunæ.

EContrario ſerunt Lunæ foemineum ac molle ſi-
 dus

das atque nocturnum soluere humorem, & trahere non auferre. Id manifestum esse, quod ferarum occisa corpora in tabem visu suo resoluat, somnoq; sopitis torporem contractum in caput reuocet: glaciē refundat, cunctaq; humifico spiritu laxet. Ita pensari naturæ vices, semperq; sufficere, alijs siderum elementa cogentibus, alijs verò fundentib. Sed in dulcib. aquis lunæ alimentū esse, sicut in marinis Solis.

A P P E N D I X.

Hoc caput continet collationem virium Lunæ & Solis, ^{Lunæ effectus.} sumtam ex occasione præcedentium capitum de æstu & maris salsedine. Luna enim ciēt æstus, quia potentia est sidus fœmineum, aqueum, quod vt caloris minus, ita plurimum humoris habet. Sol verò propter calorem inficit maria, quia est masculinum sidus, quod habet vim actiuam, itaq; etiam diebus præest, qui sunt calidiores, & ad agendū valentiores. Vide infra librum decimumoctauum cap. 32.

(Et trahere non auferre.)

Hoc est, quia Luna est humida & dominatur nocti, necesse est & noctes valde humidæ existerē, siquidem illa plurimum humoris hoc tempore gignit, quem quidem propter cognationem trahere potest, hoc est, commouere & ciere, verūm propter caloris defectum non potest absumere, quemadmodum Sol interdū solet.

(Ferarum occisa corpora.)

Probat aliquot signis, Lunam efficacem esse in humoribus colligendis & spargendis: nam ferarum cadauera exposita lunari luminī citius putrescunt quā quæ non sunt illi exposita. Luna enim res suo humore subcalido conspergit & non resoluit. Putredō autem tantum fit ab humido alieno, resolutio iam nativo calore, qui illud humidum moderatur ac gubernat. Mors enim, sicut inquit Aristoteles, ^{Luna est efficax in humorib. colligendis.} ^{Mors.} les, est

les, est quasi quædam putrefactio: τὸν δὲ θάλατταν ὅταν σὺν τῇ τοῦ αἵματος. Quia calorem nativum extinguit, quo extincto relinquatur frigus & humidum alienum, quod utrunq; Luna suis radijs auget, ergo etiam putrefactionem auget.

(Somnoq; sopitis torporem.)

Lunæ radii
ledunt ap-
ertū ca-
put.

Hoc est, quando radij Lunæ contingunt apertum caput dormientis hominis, tum illud replent multis noxijs humoribus. Scribunt etiam medici, homines sæpe correptos esse apoplexia, vel paralyfi, ex humectatione cerebri ex radijs lunaribus. Itaq; nulla res perinde lædit caput, atq; aperto capite stare ad Lunam. Cerebrum enim sua natura humidum est, luna verò nativum humorem vitiat, & cogit illum in innaturalem humorem tum quantitate, tum etiam qualitate degenerare, unde postea existunt morbi. Plutarchus libro tertio συμπτ. καὶ δι κατακυμαθίστας ἐν αὐγῇ σελήνης, μάλιστα ἐκείνησιν οἷον ὑμνησάμενος ταῖς αἰθίσταις, καὶ νεκροῖς ἐν αὐτῇ. ἡ γὰρ ὀχρίτης καὶ τῆς σελήνης διαχυθὲν βαρύνει τὰ σώματα. οὐκ οὖν θαυμαστόν τῷ σελήνῳ τῷ ἡλίῳ διαφέρειν, τῷ μὲν θερμαντικῷ, τῆς δὲ χαλατικῷ ταῖς ἐκείνῳ σώματι ὀχρῶν ἐφύσεως ἐνύματα.

(Glaciem refundat.)

Certum est in plenilunio non esse nocturna frigora tam intensa, quàm alio tempore, propter lumen lunæ. Omnes enim radij cuiviscunq; luminis sunt calidi. Quanto autem lumen maius existit, eò vberiores ac efficaciores radios emittit. Cumq; lumen lunæ etiam sit humidum, ideo cogit multam humidam materiam, quam propter caloris imbecillitatem non potest gubernare ac moderari, ideo com-putrescit. Vocat autem refundere glaciem, pro liquefacere, propter humorem subcalidum huius luminis. Sic etiam cuncta humifica, spiritu laxat, hoc est, flaccida reddit.

C A P V T C I I.

Vbi altissimum mare,

Altissi-

Altissimum mare x v. stadiorum Fabianus tradit. Alij in Ponto ex aduerso Coraxorum gentis (vocant Bathea ponti) trecentis ferè à continenti stadijs immensam altitudinem maris tradunt, vadis nunquam repertis.

A P P E N D I X.

Papyrius Fabianus natura rerum peritissimus, inquit Plinius libro tricesimo sexto, capite 15. in fine. Coraxij populi Colchidis, quorum insigne oppidum fuit Dioscurias. Hunc locum integrum descripsit Plinius ex Aristotele libro primo Meteo. cap. decimotertio : ἀλλ' ἔλα τὸν καύκασον λόπον, ὡς καλοῦσιν αἱ ἐν αὐτῇ βλάται. αὐτὴ γὰρ ποταμῶν πολλῶν καὶ μεγάλων ἐνβαλλέστων εἰς ἕχοντα ἕκαστω φανερὸν, ἐκδίδωσιν ὑπὸ γῆς κατὰ κορυφὰς αὐτῆς τὰ καλοῦσθαι βαβία ὅς τις αἶσα. ταῦτα δὲ ἔστιν ἑστῆς ἐν τῇ θαλάσσῃ βάθος, οὐδεὶς γὰρ ἀπὸ τῆς καθύψους ἰδυνώθης αἰεὶς οὐρεῖται. ταῦτα δὲ ἐπὶ τῇ γῇ χαλὴν αὐτῇ παρακίσεσθαι πύτματα, ἀναδίδωσιν ἕως ἐπὶ πολλὴν τέσσαρσι σασσάχαι δὲ, ἀλλὰ πρὸς αὐτῇ, &c.

CAPVT CIII.

Miracula aquarum, fontium & fluminum.

Mirabilius id faciunt aquæ dulces, iuxta mare, vt fistulis emicantes. Nam nec aquarum natura à miraculis cessat.

Dulces mari inuehuntur, leuiiores haud dubiè. Ideo & marinæ, quarum natura grauior, magis inuecta sustinent. Quædam verò & dulces inter se supermeant alias. Vt in Fucino lacu inuectus amnis, in Lario Abdua, in Verbano Ticinus, in Benaco Minicius, in Seuino Ollius, in Lemano Rhodanus, hic trans alpes, superiores in Italia multorum milium transitu

τ.
De aquis
alias a-
quas super
meantib.

transitu hospitales, suas tantum, nec largiores quam intulere aquas eucentes. Proditum hoc & in Oron-te amne Syriæ, multisq; alijs.

2.
De flumi-
nibus cu-
niculis se
condeuti-
bus.

Quidam verò odio maris ipsa subeunt vada, sic-ut Arethusa fons Syracusanus, in quo redduntur ia-cta in Alpheum: qui per Olympiam fluens, Pelo-ponnesiaco littori infunditur. Subeunt terras, rur-susq; redduntur, Lycus in Asia, Erasinus in Argo-lica, Tigris in Mesopotamia. Et quæ in Aesculapij fonte Athenis immersa sunt, in Phalerico redduntur. Et in Atinate campo fluuius merfus post x x. M. pas- exit. Et in Aquilienti Timaeus.

3.
De bitu-
minis fon-
tibus, &
de aquis in
quib. nihil
mergitur.

Nihil in Asphaltite Iudææ lacu, qui bitumen gi-gnit, mergi potest: nec in Armeniæ maioris Arethu-sa: is quidem nitrosus pisces alit. In Salentino iuxta oppidum Manduriam lacus ad margines plenus, neq; exhaustis aquis minuitur, neq; infusus augetur.

4.
Lapide-
scentes 2.
quæ.

In Ciconum flumine, & in Piceno lacu Velino lignum deiectum, lapideo cortice obducitur: & in Surio Colchidis flumine, adeo vt lapidem plerunq; durans adhuc integat cortex. Similiter in flumine Silari ultra Surrentum, non virgulta modo immer-sa, verum & folia lapidescent, alias salubri potu eius aquæ. In exitu paludis Reatinæ saxum crescit. Et in rubro mari oleæ, virentesq; frutices enascuntur.

5.
De Ther-
mis.

Sed & fontium plurimorum natura, mira est fer-uore. Idq; etiam in iugis alpium, ipsoq; in mari, in-ter Italiam & Aenariam, vt in Baiano sinu, & in Liri fluuiio, multisq; alijs. Nam dulcis haustus in mari plurimis locis, vt ad Chelidonias insulas & Aradum, & in Gaditano oceano.

Pata-

Patauinorum aquis calidis herbæ virentes innascuntur, Pisanorum ranæ: ad Vetulonios in Hetruria non procul à mari, † pisces. In Casinate fluvius appellatur Scatebra, frigidus, abundantior æstate. In eo vt in Arcadiæ Stympiali, enascuntur aquatici muscoli.

6.
De iis que
Thermis
innascun-
tur.
† America
legit Her-
molaus.

In Dodone Iouis fons cum sit gelidus, & immer-
sas faces extinguat, si extinctæ admoucantur, ac-
cendit. Idem meridie semper deficit, qua de causa
Anapauomenon vocant. Mox increscens ad mediū
noctis exuberat: ab eo rursus sensim deficit. In Illy-
rijs supra fontem frigidum expansæ vestes accendun-
tur. Iouis Hammonis fons interdū frigidus, nocti-
bus feruet. In Troglodytis fons Solis appellatur dul-
cis, & circa meridiem maximè frigidus: mox paula-
tim tepescens, ad noctis media feruore & amaritu-
dine infestatur. Padi fons medijs diebus æstiuus velut
interquiescens semper aret. In Tenedo insula fons,
semper à tertia noctis hora in sextam ab æstiuo sol-
stitio exundat. Et in Delo insula Inopus fons eodem
quo Nilus modo, ac pariter cum eo decrescit auge-
turq;. Contra Timæum amnem insula parua in ma-
ri est cum fontibus calidis, qui pariter cum æstu ma-
ris crescunt minuunturq;. In agro Pisinate trans A-
penninum fluvius Nouanus omnibus solstitijs tor-
rens, bruma siccat.

7.
De muta-
tis & qua-
litate. &
incremen-
tis fluui-
orum & fon-
tium.

In Falisco omnis aqua potata candidos boues
facit. In Boeotia amnis Melas oues nigras: Ceph-
sus ex eodem lacu profluens, albas: rursus nigras
Penius, ruffasq; iuxta Ilium Xanthus, vnde & nomen
amni. In Ponto fluvius Astaces irrigat campos, in

8.
De aquis
infectis
natura me-
tallica, vn-
de diuersi
effectus
exiunt.

n qui-

quib. pasta nigro lacte equæ gentem alunt. In Reatino fons Neminæ appellatus, alio atq; alio loco exoritur, annonæ mutationē significans. Brundusij in portu fons, incorruptas præstat aquas nauigantibus.

9.
Differen-
tig laporū. Lyncestis aqua, quæ vocatur Acidula, vini modo temulentos facit. Itē in Paphlagonia, & in agro Caleno. In Andro insula templo Liberi patris fontem nonis Ianuarijs semper vini sapore fluere Mutianus ter Co s., credit: Diotecnosia vocatur.

10.
Aquæ le-
shales &
noctife-
ræ. Iuxta Nonacrim Arcadiæ Styx, nec odore differens, nec colore, epota ilico necat. Item in Berofo Taurorum colle tres fontes, sine remedio, sine dolore mortiferi.

11.
De alijs a-
quarū ac-
cidentib;. In Carrinensi Hispaniæ agro duo fontes iuxta fluunt, alter omnia respuens, alter absorbens. In eadem gente alius, aurei coloris omnes ostendit pisces, nihil extra illam aquam cæteris differentes. In Comensi iuxta Lariū lacum, fons largus, horis singulis semper intumescit ac residet. In Cydonia insula ante Lesbos fons calidus, vere tantum fluit. Lacus Sinnaus in Asia circūnascente absynthio inficitur. Colophone in Apollinis Clarij specu lacuna est, cuius potu mira redduntur oracula, bibentium breuiore vita. Amnēs retrò fluere & nostra vidit ætas, Neronis principis annis supremis, sicut in rebus eius retulimus. Iam omnes fontes æstate quàm hyeme gelidiores esse quē fallit? Sicut illa permira naturæ opera, æs & plumbum in massa mergi, dilatata fluitare. Eiusdemq; ponderis alia sidere, alia inuchi. Onera in aqua facilius moueri. Thyreum lapidem quamuis grandem innatare, eundemq; comminutū mergi. Re-

Alii, Scy-
theum.

gi. Recentia cadauera ad vadum labi, intumescencia attolli. Inania vasa haud facilius quàm plena extrahi. Pluuias salinis aquas vtiliores esse, quàm reliquas: nec fieri salem nisi admixtis dulcibus.

Marinas tardius gelare, celerius accendi. Hyeme mare calidius esse, autumno falsius. Omne oleo tranquillari. Et ob id vrinantes ore spargere, quoniam mitiget naturam asperam, lucemq; deportet. Nives in alto mari non cadere. Cum omnis aqua deorsum feratur, exilire fontes, atq; etiam in Aetnae radicibus flagrantis in tantum, ut quinquagena & centena milia pass. harenas flammaram globus eructet.

A P P E N D I X.

Fontes alij sunt magni, & magnorum fluminum scaturigines, & vocantur *αγραι*: aut sunt parui & salientes, & vocantur *κρήναι*.

Causa principalis generationis fluminum est loci natura, ubi vel propter specus & cauernas subterraneas, vel propter soli raritatem multus & copiosus spiritus generatur, qui quàm proximè ad vaporis naturam accedit. Deinde verò frigore loci in aquam cogitur, quæ eiecta, fons & origo fluminum appellatur. Absurdum autem planè fuerit, si quis existimet, non posse propter eandem causam in terræ visceribus generari aquam, propter quam supra terram in aëre generatur. Ut enim supra terram vaporans aër frigidatus in aquam transmutatur, ita existimandū est è vaporib. per poros terræ ingressis, vel etiam in subterraneis specub. natis, in terræ viscerib. propter frigiditatem in aquam conuertri. Quæret aliquis, quare ergo perennis & perpetua scaturigo est fontium sub terra & non in aëre? Respondeo, Aër supra terram non consistit eodem modo, sed fertur atq; continuè agitur vel ventis, vel radijs corporum cœlestium, vnde & magna intervalia imbris sunt, frigus verò sub terra per-

Fontes.

Fontium & fluminum causa.

petuò æquale & vniforme existit, ideo etiam fluminum est perennis & perpetuus cursus. Sic inquit Seneca: Sub terra verò quicquid est quod illum in aquam couertat, id semper est vmbra perpetua, frigus æternum, inexercitata densitas, Semper ergo præbebit perennes causas fontibus.

Flumina
gigni. ex
aëre in sub
terraneis
specubus.

Quod autem flumina gignuntur ex aëre in subterraneis specubus, signum est, quod nec quidem vniuersa terra sufficeret ad continendam aquam, quæ perpetuo cursu ex vno tantum flumine delabitur, quanto minus illam quæ ex tot maximis per orbem terrarum sparsis vndiquaque delabitur. Verum hoc modo fit, ut quando vna fluit, interim verò alia gignitur, quemadmodum lachrymæ in angulo lachrymali oculi, etiã gignuntur ex plurimo spiritu, qui vel dolore, vel alterius rei tristis sensu cōpressus, liquitur ac in aquã extillat.

Cur autem plerique amnes ex montibus effluant, causa est, quod montana atque edita loca tanquam spongia quædam incumbunt humilibus, paululum quidem, sed multis ex partibus effundunt & stillant aquam. Aristoteles diligenter versatur in explicatione huius loci, ex quo studiosi vberiore tractationem requirant. Causa itaque efficiens fluminum, est frigus circumstantis & cogens vaporem in aquam.

Materialis est aër seu vapor.

Formalis, liquefactio vaporis in aquam.

Finalis, rigare atque humectare terram.

Plinius in hac tractatione de causis generationis fontium & fluminum non exponit vniuersales seu generales causas, sed more suo recitat quædam exempla, quibus colligit specialiter naturas illarum aquarum, quæ à stata & certa seu vniuersali natura recedunt. Et quanquam in vniuersum hæc tractatio de causis generationis fontium & fluminum miraculosa in rerum natura existat, tamen in genere potest ab hominibus ingeniosis & prudentibus de harum rerum causis aliquid probabiliter dici, quemadmodum etiam de ventis in genere dicuntur probabiles causæ: at specialium ventorum causas & generationes exponere,
magnus

magnus certè labor est, & non satis scio, an etiam longè humanam industriam superet. Vnde rectè Plinius hanc aquarum tractationem concludit cum inquit: Si quis fide carere ex his aliqua arbitratur, sciat in nulla parte naturæ maiora esse miracula quàm in aquis.

PRIMVS locus est de aquis supernatantibus alias aquas, & primò de marinis, & ait: Dulces mari inuehuntur haud dubiè leuiores. Hic locus ex Aristotele descriptus est ex lib. 2. cap. 2. Mete. Mare, inquit, dulcis aliquid humoris in se continet, qui quia est leuior, supernatat, salsum verò quia est grauius, ad imum fertur. Vnde etiam marinæ aquæ magis inuecta sustinent, quia salæ sunt, quàm reliquæ quæ rariores atq; dulciores existunt.

Sciendum autem est alias aquas esse simplices, quæ sunt puræ, tenues, leues, sine peregrino sapore, gustui non ingrati, sine alieno odore, omnes tales aquæ non innatant alijs, sed statim miscentur & confunduntur. Compositæ verò aut mixtæ aquæ cognoscuntur colore, sapore, odore, calore, spissitudine, pondere, Et qui naturam aquarum rectè volunt intelligere, necesse est vt modum compositionis sciant. Vt plurimum verò inficiuntur locis, per quæ fluunt, à quibus aliquid abradunt, vnde & turbidiores aliquando existunt, succis, quos imbibunt, vel exhalationibus, vel metallis, vel succo concreto, vnde fiunt salæ, nitrosæ, aluminosæ, atramentosæ, sulphurosæ, bituminosæ & similes. Vide de his mixtarum aquarum differentijs plura apud Georgium Agricolam in libris de natura eorum, quæ ex terra effluunt, vnde hæc tota tractatio de aquarum miraculis aliquo modo intelligi potest. Plura enim Plinius inter miracula recenset, quæ si referrentur ad rationes iam dictas, prorsus nihil admirationis haberent.

Cur autem aquæ natura grauiores magis inuecta sustineant, inde fit, quia magis mixtæ sunt cæteris, ideo & grauiores in quibus leuia non faciliè merguntur, Et quanto grauiores eò minus merguntur. Vnde in lacu Asphaltide

aiunt hominem manibus pedibusq; ligatum non mergi. Galenus enim ait huius lacus aquam tanto grauiorem esse marina, propter plurimam salis mixturam, quanto marina fluuiali grauior est. Facilius etiam homines è marienatant quàm ex fluminibus, propter grauitatem aquæ. Volateranus scribit, quendam decoctorem Hieronymum Florentinum à creditore qui eius manus colligasset, ex Antiatum turri in mare præcipitatum esse, & ab undis tota nocte sustentatum, mane euasisse ad litus.

Atq; hæcenus de marinis aquis dictum est, nunc verò quædam exempla dulcium supermeantium alias recitat. Sicut enim aliud mare alio est salius, & per consequens grauius: ita etiam alia flumina alijs habent aquas vel grauiores vel leuiores, propter mixturam alienarum qualitatum ratione locorum per quæ fluunt.

De lacu Fucino vide Strabonem lib. 5. Est in ea Italiæ parte, quæ Latium vocatur: est autem, vt inquit Strabo, longitudine par pelago. Amnem inuectum intelligit aquam Martiam, sic enim inquit Strabo: Cæterum de lacu Fucino Martiæ aquæ fontes emanare scriptis mandatum est, &c. Seneca libro tertio ait: in quem montes circumuecti fluuij deriuantur, &c.

De lacu Lario & flumine Abdua vide Strabonem lib. 4. Hic lacus Larius hodie vocatur Comensis, omnibus notus in transpadana regione non procul à Mediolano.

Verbanus lacus emitrit Ticinum. Strabo inquit illum emittere Abduam, & Larium emittere Ticinum, in fine libri quarti. Amnis Mincius lacum Benacum efficit, ambo noti ex Virgilio, præterlabitur enim Mincius Mantuam, quæ sita est inter Benacum lacum & Olliū flumen: hæc flumina in Pado recipiuntur, Abdua, Mincius, Ticinus, Ollius, qui ex Sebino lacu in plana descendit, & Brixianum agrum à Bergomatibus, & Mantuanum à Cremonensibus diuidit, deinde verò Padū illabitur. Rhodanus & Lemanus lacus noti sunt. Vide Plin. lib. 3. cap. 19. Quod verò ait, has aquas

aquas hospitales esse, intelligit eas retinere ius hospitalitatis & modestiam hospitib. dignam, cum enim perfluant prædictos lacus per longa spacia, non tamen plures aquas euehant quàm intulerunt. Notum est de Rheno, qui per aliquot miliaria vehitur per lacum Brigantium, ita distinctis aquis, ut internosci possint. Imò in fluminibus idem, quod iam de lacubus dictum est, videmus accidere. Plinius lib. 4. cap. 8. scribit, Peneum accipere amnem Eurotam, nec tamen recipere, sed olei modo supernatantem breui spacio portatū abdicare. Et nihil opus est externa exempla querere, videmus Ilzam flumen, quod in Danubiū circa Passaviū influit, longis. tractu cum Danubio non permisceri, quod manifestissimè ex colore vtriusq. aquæ dijudicari potest.

SECUNDO, colligit exempla de fluminibus, quæ se Flumina
maris re-
condita. conduunt cuniculis vel toti vel aliqua ipsorum pars, quorum triplex est differentia: alij odio maris ipsa vada subeunt, alij intra terram se conduunt, & sic longo locorum intervallo fluminib. tecti & latentes: deinde alio loco repente prosiliunt & ex tenebris in lucem reuertuntur: alij verò ad certum tempus cessant fluere, atque prorsus exhauriuntur & absorbentur, postea verò rursam ex eodem loco emergunt, harum differentiarum exempla recitabo.

De ijs qui odio maris ipsa vada subeunt, recitat Plinius L. exempla. Primum est de Alpheo fonte & flumine Helidis, qui condit se siue absorbetur intra cuniculum prope littus Helidis non procul à Pisa, ut copiosissimè scribit Pausanias in fine lib. 8. pag. post. Deinde verò subter mare labitur, & in Sicilia ppe Syracusas rursus emergit, & vocatur Arethusa. & probant idem flumen esse vtrunq., quia quæ in Alpheum Elidis iaciuntur, illa in Arethusa Siciliæ redduntur. Pausanias ait ab incolis recitari fabulam, quod Alpheus adolescens amarit nympham Arethusam, atq. hunc in aquâ versum etiamnum teneri amore Arethusæ, *καὶ ὅτι ἔχει αὐτὴ τοῦ ἀλφειοῦ ὕδατος ἀρρηκτὸν ἔτι τῆς αὐτῆς.* similis fabula fertur de Selene, *ἡ σελήνη*, ut scribit Pausanias in Achaicis.

Noti sunt versiculi Virgilij de Arethusa fonte :

*Sic tibi cum fluctus subterlabere Sicanos,
Doris amara suam non intermisceat undam.*

Item alio loco :

*Fama est hic Elidis amnem
Occultas egisse vias subter mare, qui nunc
Ore Arethusa tuo Siculis confunditur undis.*

Multa similia exempla recitantur. Pausanias lib. 1. Eliacorum scribit de quodam Alpheo in Ionia in Micalte monte orto, qui maris vada subit, & rursus iuxta Branchidas emergit. Item in Cotinthiacis vocat tales aquas ἐπάλυδες, sic enim scribit : λέγουσι τὸ ὕδωρ ἐπάλυδες οὐκ ἐγχέμενοι εἶναι, οἱ μάλιστα κατὰ τὰ ἐκ καλαυγῶν διὰ φρυγίας καὶ καρίας, καὶ ἐκδιδόντα ἐς τὰς περὶ μάλιστα δάλμακας, ἐς πελοπόννησον ἑγχέμεν, καὶ ποιεῖν τὴν ἀνωπύην. οἶδα δὲ καὶ ἄλλως τοιοῦτο εἶναι ὕδωρ ὃ καλοῦσι ἥτοιμα εἶναι σφισιν ἐν τῷ ῥέειν. Vide plura ibidem de Nilo, quem ait esse Euphratem, & in Aegypto ἐπάλυδες ἐκ ἐγχέμενοι εἶναι.

1.

Secunda differentia est de ijs fluminibus, quæ intra terram conduntur, vel tota vel aliqua pars ipsorum, & postea alio loco rursus emergunt. huius differentię plura exempla recitat Plinius. Primum est de Lyco Asia, qui in ora subiecta Lybano absorbetur, & rursus ex alia parte emergit, de quo Ovidius 15. Metam.

*Sic vbi terreno Lycus est epotus hiatu,
Existit procul hinc, aliq̃; renascitur ore.*

Secundum exemplum est de Erasino flumine Argolidis, quod flumen circa fontes vocatur Stymphalis. sic enim scribit Pausanias in Corinthiacis, καὶ ἄντοι γὰρ ἱερὰνται φανερὴν ἱσταῖσα δὲ τὸ ὕδωρ. τίνας δὲ ἐν συμφάλλῳ ἔτι τὰς ἀρκάδας, &c. Nam cum effluit ex lacu Stymphalo, statim à terra absorbetur, & in Argolide ex monte Caone, vel vt alij Lycaone, rursus emergit, vbi vocatur Erasinus. de quo sic inquit Ovidius :

*Sic modò cum bibitur, tacito modò gurgite lapsus
Redditur Argolicis ingens Erasinna in oris.*

Pausanias in Arcadicis inquit : ἐν δὲ τῇ συμφάλλῳ χερμαῖται μὲν ῥέει λίμνη

λίμενα τὸ οὐ μισθώλιον ἢ πρυθὺν, καὶ ἀπ' αὐτῆς πέταμαὶν ποιεῖ τὸν ἐμφά-
λον. ἐν δὲ τῇ δὲ περιλαμβάσει μὴ εὐδὲν ἔστι, ποταμὸς δὲ αὐτίκα ἔστιν ὡς ἡ
φρυγία. οὗτος ἐκ χάσματος γῆς κέχτισται ὁ ποταμὸς. ἀναφανήματα δὲ αἰεὶ
ἐν τῇ ἀργολίδι μεταβάλλει τὸ ἵκμας, καὶ αὐτὸν ἀπὸ ἐμφάλου χαλαροῦν
ἐμαῖον, &c.

Tertium exemplum est de Tigride Mesopotamiae, cuius
explicationem require apud Plinium lib. 6. cap. 27. & apud
Senecam lib. 3. cap. 26. sic scribitur: In Oriente Tigris ab-
forbetur, & desideratus diu tandem longè remoto loco
purgamenta cieciat, &c.

Quartum exemplum est de fonte in templo Aesculapij,
in quo mersæ res redduntur in Phalerico. Fuit autem Pha-
lericus portus & nauale Atheniensium ante ædificatum Pi-
ræum, quasi dicat, Est Athenis in arce, non procul à tem-
plo primario Palladis, sacellum Aesculapij, in quo fons est
qui marinam aquam continet, ergo mare per canales sub-
terraneos ductum in hoc fonte erumpit. Huius fontis me-
minit Pausanias in Arcadicis cum inquit, θαλάσσης δὲ ἀναφαί-
νεται ὕψμα ἐν τῇ ἱερῇ τῆτι, λόγος ἔστιν ἀρχαῖος. ἐκείνα δὲ καὶ ἀθιωτοῦ
λόγουσιν ἐν τῷ ὕψμα τὸ ἐν ἀκροπόλει, ἀθιωτοῦ μὴ δὲ σταθμοῦ μέλιντα
εἰκοσιν ἀφίσκει ἡ ὥλιος ἢ πρὸς φαιερῶν θέλασσα, &c. Idem Pau-
sanias in Bœoticis scribit, amnem Heliconem à fontibus
suis ultra 75. stadia in eo loco, ubi mulieres quæ Orpheu occi-
derant, sanguinē ipsius in Helicone abluere conatæ sunt,
infra terram sese abdere, & occultis cuniculis ultra 20. sta-
dia sub terra labi, deinde rursus prodire, & Baphyræ nomi-
ne pro Helicone sumto in mare se nauigabilem inferre. Vi-
de locum integrum apud Pausaniam in Bœotij pag. 241.
De fluuio merso in Atinate campo, hoc est, in Marsis, item
de Timauo in Aquiliensi. lege Strabonem lib. 5. Pausanias
in Laconicis ait Pellanem fontem esse in Laconica, in quem
cum cecidisset virgo hanstura aquam submersa postea non
comparuit, eius verò peplum inuentum est in altero fonte
Lancea. Et quid opus est peregrinis exemplis, pars Rheni
subit vada circa arcem Caubam, & rursus emergit circa
n 5 Bonnam.

Bonnam. Item magna pars Danubij absorbetur in voragine ampla & lata, circa Greinam oppidum infra Lintzium, quæ rursus circa Budam erumpi dicitur. illic enim conspici primum dicuntur rudera absorptarum nauium in prædicta voragine.

3. Tertia differentia est de fluminibus & fontibus, quæ ad certum tempus fluere desinunt & prorsus destituuntur aquis, deinde rursus emergunt. Ioseph. lib. 7. cap. 24. belli Iudaici scribit amnem, qui medius fuit inter Arceam & Raphaneam Syriæ vrbes, repente deficere, ita vt sex integris diebus siccum alueum præbeat transituris, septimo die iterum exortus incipit ferri intra alueû, donec alueus totus fuerit repletus, tunc rursus deficit, vnde à Iudæis Sabaticus vocatur, quia tantum die Sabati fluit. Vir clariss. Georg. Vuernherus in libello de admirandis Vngariæ aquis, mentionē facit lacus, qui longè superat omnia exempla in hoc loco à Plinio cōmemorata, & inquit: Est lacus in Carnis Rheticis cui à pago vicino Ziroknitz nomen est, qui quotannis sub autumnû finem aquis repente ex abdito venientib. repletur, quæ simul magnam piscium copiam secum vehunt. æstate verò aquæ rursus recedunt & à terra sorbentur, ita vt lacus prorsus exarescat. hanc perennem & statam vicissitudinē retinet, vt in eo loco, quo paulò ante piscatus fueris, messem & sementem facere, simulq; si libeat venari, ac rursus vertente anno piscari possis. Concludit hanc narrationem, hanc aquarum reciprocationē fieri à scrobium regurgitatione, qui recipiunt amnes subter terram meantes, & deinde rursus refundunt. Clauditur enim hic lacus circumquaq; montibus, ex quib. riuû pfluunt, quos terra absorbet intra scrobes saxæas ita natis, vt humano opere excessisse videri possint, quæ cum repleta fuerint, regurgitant in lacum, Idq; sit tanta rapiditate, vt refluxus impetum ac cursum, equiti quantumvis expedito & fugienti, ægrè effugere liceat. itaq; subito repletur lacus, qui plerisq; in locis decem & octo cubitos altus est, & vbi minimum, semper æquat iustâ humani corporis mensuram.

Alius

Alius fons est in Alpestri Rhetia ad Fauarias vulgo Pfefers, inter rupes eminentissimas ortus, qui Octobri mense prorsus deficit, & Calendis Maij reuertitur. ad istum fontem sunt laudatissimæ & saluberrimæ thermæ, ad quas ex vniuersa Germania & Gallia plurimi homines affecta valitudine confluunt, quibus hæ thermæ medentur.

Est alius fons in Helueticis alpibus, qui mense Augusto siccatur, tunc enim propter niues incipientes pecus ad mitiora loca abducitur, neq; postea manat nisi circa Iunium, cum nudatus niuibz rursus pastioni pecotis patet. Manat autem è petra in fossam propinquam ad aquandum pecus comparatam, per intervalla tamen, & bis tantum interdiu, mane videlicet & vesperi, rursusq; toties occultatur, & has vices tetinet donec mense Augusto siccetur. Hæc addere volui ad exempla Pliniana de fluminibus, quæ subito merguntur, & rursus vel in alio vel priore loco comparent, & spero aliquid lucis Plinio allatura esse.

T A R T I O, de alijs aquarum miraculis, & primò de lacubus qui bitumen gignunt, & aquis in quibus nihil mergitur, vt lacus Iudææ, qui inde nomen habet quia bitumen gignit. sicuti alij qui vnâ cum bitumine miscent picem, vocantur pissaphalti, qualis est fons ad Nymphæum in Apolloniatarum regione. De bitumine quod in lacubus nascitur, alij alias causas referunt, sed an sufficientes assignari possint, certum non scio. hoc autem certum est, tales fontes, flumina & lacus plurimos existere, in quib. multum bituminis gignitur, vt est Asphaltites in Iudæa, Limn asphaltites in Babylone, in quo nigrum bitumen innatat, ex quo muri Babylonij constructi sunt. sic enim inquit Iustinus, Hæc Babyloniam condidit, murumq; vtriusq; costæ latere circumdedit, arena, pice, bitumine interstrato, quæ materia in illis locis passim è terra exæstuat. In lacu Asphaltite nihil mergitur, sed omnia fluitant, quia aquæ sunt crassiores siue spissiores. Seneca inquit, huius rei (scilicet quod vel omnia vel nihil mergitur) palam causa est quæcumque vis

Lacus bituminosus.

rem expende, & contra aquam statue, si aqua grauior est, leuiorem rem quam ipsa est feret: & tanto supra se extollit, quanto erit leuior: grauiora verò descendunt. At si aquæ, & eius rei quam contra pensabis, par pondus erit, nec pessum ibit, nec extabit, sed æquabitur aquæ, & nabitur quidem, sed penè merfa ac nulla eminens parte, hoc est cur quædam tigna supra aquam penè tota efferantur, quædam descendant, &c. De Arethusa, vel vt alij legunt, Arethysa Armeniæ, scribit Plinius lib. 6. cap. 27. Tigris influit lacum Arethysam, omnia illata pondera sustentem, & nitrum nebulis exhalantem, &c. De lacu in Salentinis prope oppidum Manduriam non longè ab Hydrunte, qui ad margines plenus, & neq; exhaustis aquis minuitur, neq; infusus augetur, quanquam enim regulariter lacus crescant & minuantur, vtpote qui & fontes & riuos & amnes accipiant & emittant, tamen sæpe fit, vt non manifestè aquas effundant, sed per subterraneos meatus illas emittant. similes plures sunt aquæ. Ad Thermas Carolinas fons est, qui perpetuò ebullit, & strepitus accurrentium & sonantium aquarum auditur, non tamen margines effluit.

Aquæ lapidescentia.

Q V A R T O, de aquis lapidescentibus, quæ vehunt succum, qui aëri expositus in lapidem concrefcit. Sic etiam quæcunq; res talem succum combiberunt, eas in lapidem conuertit. talis autem succus aut per se ex terra effluit, & fit lapis. talis fons est prope arcem Zepusiensem ad ædem diui Martini, qui ex terra erumpit aquæ bullienti similis, & quocunq; vadit, statim fit lapis, leuitate & raritate non dissimilis pumicibus, quo ad ædificationes vtuntur incolæ. Est non procul alius fons acidæ aquæ, cuius aqua in speciem tumuli assurgit, & subinde mutat fluxum, quia statim atq; aqua effluit, lapidescit. Aut cæteris aquis permixtus, vehitur talis succus, qui cum effluit, concrefcit in saxum. Vnde supra dixit Plinius, In exitu paludis Reatinæ illud saxum crescit. Aut quicquid contigerit talis succus, conuertitur in saxum, priore forma manente, vt virgulta, folia, coro-

coronæ, lateres, ossa, chirothecæ immixtæ, subito fiunt lapideæ. sic etiam arbores quas alluunt cum ramis saxa faciunt. sicut in hoc loco recitantur diuersa exempla à Plinio. Albertus scribit suo tempore inuentum esse ramum arboris in mari Baltico in portu Lubecensi, in quo erat nidus auium vnâ cum pullis in lapidem conuersis colore subrufo: De flumine Ciconum noti sunt versiculi:

*Flumen habent Cicones, quod potum saxea reddit
Viscera, quod tactis inducit marmora rebus.*

Multa talia feruntur accidere in Islandia ad montem Hecla, vbi dicuntur existere fontes diuersissimarum naturarum, alij mutant res in lapides, alij rursus soluant: alij incendunt res admodas, alij rursus extinguunt: alij fluunt bitumine, alij sulphure. De qua re legant studiosi Chronica Suecica.

Quod in rubro mari ait oleas & virentes frutices nasci, intelligendum est de oleis aquaticis, quarum causa est aquarum spissitudo, quæ aliquid pingue & naturalis seminis seu caloris continent, sicut apud nos in Saxonice fluminibus & lacubus nascuntur nuces in medijs aquis, quæ apud Dioscoridem Triboli aquatici vocantur, & plures diuersarum specierum frutices. Straboli lib. 16. hunc locum Plinij exponit cum inquit: In tota rubri maris ora arbores in profundo nascuntur lauro & oleæ persimiles, quæ in refluxibus ex toto deteguntur, in affluxibus nonnunquam ex toto obruuntur, atq; hoc etiam cum vltior terra arboribus careat, adeo vt hæc res prorsus sit admiranda, &c.

QVINTO, de Thermis, hoc est, aquis calidis, non ex principio interno & sua natura: aqua enim semper & sua natura est frigida: atq; si fuerit calefacta, tandem, si causa calefaciens sublata fuerit, ad suam naturam redit: & nullo alterante adhibito, ad naturam suam sponte redit, & sic frigida. sed loquimur hoc loco de aquis, quæ calidæ ex terra effluunt, & vocantur medicatæ siue thermæ. harû aquarum causa hoc loco erat explicanda, quæ cum sit admodum

dum obscura, alij aliter locuti sunt. Sed constat hanc aquam aliunde calefieri, nam sua natura non est calida. calefit autem tantum ab igne, cuius vnus proprium est, res summe calentes reddere. sicuti autem videmus aquam supra terram ab igne diuersis gradibus calefieri: ita & sub terra accidit. sed quomodo id accadat, vbi ignis existat, & in quibus meatibus aqua contineatur, & cur ignis ab aqua non extinguatur, hic precipue exponendum erat. nam ignem sub terra contineri, & aliquando etiam inde erumpere, testantur Aetnae, Vesuuji & Hecla montis incendia, & alia pleraque. sed vnde hoc perpetuum incendium habeat fomitem siue alimentum, quaeritur, praesertim in aquis, cum aqua nullo modo fouere & alere ignem possit, cum prorsus igni & essentia & qualitatibus repugnet. Responderi potest, aquam propter pugnantes qualitates nullo modo nutrimentum ignis existere posse, sed sicut aer igni proximus est, ita creberrime inflammatus in naturam ipsius transit. Vnde verisimile est ignem aere foueri & nutriti. sed ille aer qui debet esse nutrimentum ignis, vt sit contemperatus terreo necesse est, non autem quouis, sed eo quod habet exiguum humidi, & sit leue, rarum, pingue & oleosum. Vnde resinae omnes facillime inflammantur, sic & sulphur, pix, bitumen & olea. cum autem loca subterranea huiusmodi alimentis abundant, ignis materia in illis quaerenda erit. Cum autem sulphur incensum extingatur aqua, bitumen autem incensum aqua foueatur & conseruetur, iam quaerenda erit materia huius incendij magis in bitumine quam sulphure. & sicut aqua perennis in fontibus gignitur ex vaporibus siue halitibus in aquam densatis, ita materia ignis, hoc est, bitumen, subinde regignitur ex exhalatione pingui. quomodo autem haec incendia oriantur, & materia primum incendatur, diuersae sunt sententiae: sed haec videtur esse simplicissima, quod inflammentur concussione & motu, sicut fulgetra & fulmina concussione nubium: sic & minerae bituminosae incenduntur in meatibus subterraneis
vel

vel ex nimia terre vaporis agitatione & motu, vel fortasse quia circumstans frigus cogit calorem inclusum, & qui in potentia tantum adest, deducit eum in actum. Vnde loca in quibus aquæ calidæ scaturiunt, propemodum metallis abundant, quia metalla pleraque ex argento vivo & sulphure gignuntur, & thermarum aqua ad succensum in bitumine vel in sulphure igne calefcit, ergo ut plurimum, ubi aqua calida ex terra scaturit, in eo loco aut ei vicino, metalla quoque gignuntur, & huius rei volunt hanc esse causam, quod illic ubi plurimi calentes spiritus halitusque calidi in terræ venis existunt & vagantur, illic etiam existit terra fermentata & subacta, quæ continet succum præparatum ad generationem metallorum, pro diversitate materiæ & agentis ratione. Vnde thermarum aqua ut plurimum odorem alicuius metalli refert, quod ubi hæc aqua gignitur, vel circa canales, per quos calefacta perfluunt, continetur. Ut si per loca plena sulphure, aramento sutorio, ærugine, ferrugine, vel succis subterraneis, ut nitro, sale, alumine, chalcitide, sory aut melanteria, referunt odore, sapore & effectu qualitates, & naturam quam tali mixtione aqua præterfluens contrahit.

Sed hæc est alterius loci disputatio, tenetamur ad textum. Inter miracula thermarum recenset, quod thermæ non tantum ex terra, sed etiam ex aquis, ut fluminibus, marique erumpunt. citat exemplum de mari, quod est inter Aenariam & Italiam, item de sinu Baiano, ubi in ipso mari scaturingines thermarum conspiciuntur. de fluminibus minus mirum est, nos enim in Germania eius rei aliquot exempla conspiciamus. Thermarum Carolinarum fons aquæ feruentissimæ erumpit in medio flumine Tepula, quæ ex nudatis montibus defluit. scaturigo autem huius fontis exilit supra reliquam fluminis aquam altitudine quatuor cubitorum. De insulis Chelidonij & insula Aradum, & ea quæ est in freto Gaditano, legant studiosi Strab. lib. 16. ubi inquit: In fronte cuiusdam iugosæ & importuosæ oræ Aradus iacet, ea est petra

petra quædam in mari circumfusa septem ferè stadiorum ambitu, quæ abundantis aquæ fontem in medio mari habet, in quem per tubum è corijs factum exprimitur aqua dulcis in scapham aquariam. Vide plura ibidem. His simillima scribit Pausanias in Arcadicis, ubi inquit, γλυκὸν δὲ ὕδωρ ἐκ θαλάσσης θάλασσαν ἔχον ἐν γαῖᾳ τὴν ἀνὰ τῇ ἀργολίδι, καὶ ἐν τῇ θρησσοτίδῃ καὶ τὸ χρεμύριον καλεῖσθαι. θαύματος δὲ ἔστι πόλεος ὅλην ἐν μακρόνδερον ζῆον ὕδωρ, τὸ μὴ ἐν πύσσας ἀπείχοντος τὸ θούματος πάλυ πύσσας, τὸ δὲ καὶ ἐκ τῆς ἰλίου ἀνέσι πύσσας ποταμοῦ. ἀπὸ τῆς διερμαχίας δὲ τῆς τυρηνίων ὕδωρ τὸ ἐκ θαλάσσης ζῆον καὶ γῆρας δι' αὐτὸ ἐκ χρεμύριον, ὡς μὲν δὲ τὸ τοῦ ὕδωρ ἀργολίδος, ἀλλὰ σφισί θερμὰ λουτρὰ, &c.

Thermis
ionata.

SEXTO de ijs, quæ thermis innascuntur. In thermis Patauinis herbæ virentes innascuntur, harum enim aquarum non est calor intensus, qui semina stirpium adurere possit. In alijs verò calidissimis aquis ranæ & pisces nascuntur. Budæ in Vngaria sunt thermæ calidæ, in quibus tamen pisces nascuntur & viuunt; id quod multi norunt, qui viderunt eas. pisces autem ibi nati si transferantur in aquam frigidam, emoriuntur. eodem modo in Hetruria ad Vetulonios non procul à mari pisces innascuntur in thermis, & viuunt in illis. Sic etiam in Stymphali Arcadiæ enascuntur mures aquatiles, quia huiusmodi paludes continent putres & corruptas aquas, ideo loco piscium ranis, serpentibus & muribus plenæ sunt. Quod verò de Scatebra flumine Casinatis scribit, non habet obscuram rationem, si quis causas incrementi Nili & Eufratis intellexerit, hæc enim flumina in canicularibus exundant, hyeme verò intra alveos suos includuntur.

Aquæ mutatae
quantitate
& qualitate.

SEPTIMO de incrementis & decrementis, item de mutatis qualitatibus fontium & flumiorum. De fonte Dodonæo in Epiro noti sunt versiculi Lucretij:

*Frigidus est etiam fons, supra quem sita sæpe
Stupa jacit flammam, concepto protinus igni,
Tedaq; consimili ratione accensa per undas
Collucet, quocumq; natans impellitur auris.*

Nimi-

*Nimirum quia sunt in aqua permulta vaporis
Semina, de terraq; necesse est funditus ipsa
Ignis corpora per totum consurgere fontem,
Et simul expirare foras, exireq; in auras,
Non tam viua tamen calidus queat vt fieri fons, &c.*

Causa huius mirabilis incendij si est nota, fortasse hæc est, quod aliquæ aquæ flammis scatent, sed tenuibus: quæ cum exierint ex aquis, non durant, ideo immensas faces ardentes extinguit, quia aqua prædominatur igni, extinctas verò rursus incendit, quia iam materia ex priore flâma adhuc recens & fumans existit, ideo facilius flâmam concipit. Hic in vicinia in Comitatu Mansfeldensi dicunt lacu inter Scrapelam & Seburgû piscatorû retia altius immissa adurere. Inde etiâ potest colligi, quî fiat quod vestes supra fontem Illyricum expansæ incenduntur, quia flamma ex aquis exiens est efficacior: quæ quanquam non cernatur, tamen materiam cremabilem arripit & illam adurit, sicut iam de retijs piscatorum dictum est. Vocatur autem hic fons *ἀνακαλυψτος*, hoc est, requiescens, quia statis interuallis deficit & quiescit. Fontis Iouis Hammonis prorsus est natura prodigiosa, atq; hic locus semper pro religioso cultus est, qui fuit celebris templo & oraculo. non est autem dubium nomen accepisse à Cham filio Noë. huius fontis meminit Ouidius 15. Metam.

*Medio tua corniger Hammon
Unda die gelida est, ortuq; obituq; calefcit.*

Culus fontis Pontanus causam exponit in Meteoris:

*Causa quidem vel certa subest, nam frigora noctis
Intus alunt ignes, nocte & vapor astuat intus,
Unde fluunt calidi noctis per tempora riuu.
Luce autem cum Sol terras populetur, & ardens
Exhalat vis, tum vena recreantur hiantes,
Unde redit gelidus sua per vestigia torrens.*

De fonte Solis in Troglodytide, cuius qualitates quotidianæ ad motum Solis mutantur, quanto enim Sol magis at-

tollitur, & fit frigidior, adeò vt meridie rigeat, tum rursus paulatim tepescit vsq; ad primam noctem, tum calere incipit: qui calor sensim augetur, vt circa mediam noctem ferueat. Simul etiam sapor mutatur. quanto enim est frigidior, tanto dulcior: & quanto calidior, tanto amarior. De fonte Padi, qui medijs dieb. æstiuus semper aridus est. aiunt autem Padum oriri è medio gremio montis Vrsi. In Tenedo insula, quæ est è regione promontorii Sigei in Phrygia, fons est qui instar marinorum fluctuum intumescit & residet: & fons in Delo, qui eodem modo vt Nilus crescit & augetur. Sunt etiam alij fontes, qui eodem modo & iisdem temporibus cum mari æstus habent. Sunt etiam alij fontes, qui sequuntur alueos fluuiorum, hoc est, qui nullum certum fontem habent, sed prout alueus fluminis excrescit aut decrescit, ita propè accedunt vel discedunt longius. Tales fontes sunt ad Istrogranum ad Danubium, quorum descriptionem legant studiosi in libello Georgij Vucnheri, de admirandis Hungariæ aquis.

Aquæ metallica.

OCTAVO, de aquis infectis metallica natura, quæ diuersas & planè mirandas effectibus producant. In Falisco omnis aqua potata candidos boues facit. Certum autem est, aquam, quanto simplicior fuerit, tanto etiam simpliciores & similiores effectus habere. si verò cum aquis miscentur, aliæ & peregrinæ qualitates existunt, tot & tam diuersæ differentiæ effectuum quot sunt qualitatum differentiar. de aquis quæ vel candidas vel nigras oues reddunt, certum est quod quæ nigredine tingunt, atramento sutorio infectas esse, quod etiam hominû capillos inficit. Sic aquæ quæ lambunt venas plumbi candidi, reddunt lanam candidam. De quibus sic scribit Seneca lib. 3. cap. 25. nat. quæst. Quibusdam fluminibus vis inest mira. alia enim sunt quæ pota inficiunt greges ouium, intraq; breue tempus quæ snère nigræ, albam ferunt lanam: quæ albæ venerant, nigræ abeunt. Hoc etiam in Bæotia amnes duo efficiunt, quorum alteri, ab effectu, Melas nomen est, vterq; ex eodem la-

dem lacu exeunt, diuerſa facturi. In Macedonia quoq; vt ait Theophrastus, est flumen, ad quod qui facere albas oues volunt, adducunt, quod vt diutius potauere, non aliter quam infectæ mutantur. At si illis lana opus sit nigra vel pulla, paratus gratuitus infector est, & ad Peneum eundem gregem appellant. Haftenus Seneca. An autem omnis aqua in Falisco potata candidos boues faciat, non scio: sed plurimarum aquarum hæc vis est, vt potatæ colorem pecorum mutant. Sic Plinius lib. 31. cap. 2. scribit: Eudicus in Hestizotide fontes duos tradidisse, Ceronem, ex quo bibentes oues nigras fieri: Melan, ex quo albas, ex utroque autem varias. Theophrastus in Thurijs Cratim candorem facere, Sybarim nigriciam bobus ac pecoribus. Quin & homines sentire differentiam eam. nam qui Sybarim bibant, nigriores esse durioresq; & crispo capillo. qui ex Cratide, candidos mollioresq; ac porrecta coma. Item in Macedonia qui velint sibi candida nasci, ad Aliacmonem ducere: qui nigra aut fusca, ad Axium, &c. Haftenus recensui verba Plinij, ac nimis longum foret, si velim transcribere exempla huius varietatis. Studiosi petant illa ex Plinio lib. 31. cap. 1. & 2. Item ex Pausania & Strabone. Cephissi hoc loco Plin. meminit, de quo inquit Pausan. in Phocicis, καὶ ποταμὸς κηφισὸς ὁταῦθα ἔχει τὰς ποικίλ. ἀναστὰς δ' ὅς οὐ τὰ πάντα μέθ' ἡγορίας, ἀλλ' ὡς τι πῶτα συμβαίνει μετέστας μέλιστα ἡμέρας. παρέχεται φονὴν ἀντιχέμενον, ἐκείστας δ' ἂν μνησθῆμι τοῖσιν τὸν ἔχον τὸ ὕδατος. Hoc loco Pausanias non meminit, quod colores pecorum mutet. Strabo lib. 10. ait, in Eubœa esse duos amnes, idem facientes, Cereum & Nileum. sic autem inquit: εἰς δὲ τῷ οὐδέναισι ποταμοὶ κηροῦ καὶ νιλοῦς, ἃν ἀφ' οὗ τὰ χρυσεύοντα πρὸς καταλευκά γίνεται, ἀφ' οὗ δὲ μέλανα, καὶ πάλιν τὸν κρόκον δὲ εἰστας τοῦτοίς τι συμβαίνει, &c. Fontem Neminiam in Reatino regione Sabinorum dictum existimo ἀ νημμία, quod cum Luna mutetur. De fonte qui in portu Brundusino incorruptas præstat aquas, ἡ ὁρὸς αἰ, quæ non putrescunt, quantumvis diu asseruat, fuerint, causa est, quia aluminosas aquas continet.

tinet. Scribunt existere quasdam aquas quæ homines bibentes caluos reddunt, de qua si potarint pecora, non tantum pilos amittere, sed etiam ungues & cornua, quarum natura cum auripigmento, aut simili re fossili, videtur esse permixta.

Sapores
aquarum.

N O N O, de saporum differentijs, aliæ enim aquæ sunt simplices & puræ, quarum sapor est simplicissimus, suavis & iucundus potanti: aliæ verò sunt mixtæ, quæ sunt vel dulces, vel pingues, vel salæ, vel amaræ, vel acidæ, vel astringentes, vel acres, pro diuersitate naturarum quas lambunt de solo per quod feruntur, item propter alios diuersos modos infectionis ipsarum, vt sunt exhalationes, succi concreti, metalla, & res similes. salæ fiunt, sicut supra de marinis dictum est. nitrosæ, quæ per loca vbi nitrum crescit defluunt. Sic & aluminosæ, atramentosæ, sulphureæ, bituminosæ, æratæ, ferratæ, & similes. De aqua Lyncestis in Macedonia, vocata Acidula, noti sunt versiculi Ouid.

*Quam quicunq; parum moderato gutture traxit,
Haud aliter titubas, quam si mera vina bibisset.*

Vocatur autem Acidula à sapore acido, quales plurimæ sunt in Germania, in Sueuia duæ, quatuor in Chatterû regione, vnus ad thermas Carolinas. Vnus in suburbano oppidi Aegræ. Plures sunt in Vngaria diuersissimarum naturarum, quarum aliæ multum spiritus ex meatibus sulphureis concipiunt, qui fumis cerebrum replent. aliæ verò magis astringunt ex alumine, vnde talem saporem concipiunt, quæ propriè calorem restingunt, & ebrietatem discutiunt: impediunt enim propter astringentem, quo minus tales fumi cerebrum conturbantes petere caput possint. hæc sola acidula vini modo temulentos reddit, quia aliquid sulphuris aut bituminis admixtum habet. Idem in Paphlagonia, & in agro Caleno, scilicet accidit, vt bibentes hanc aquam temulenri reddantur. Vitruuius lib. 8. cap. 3. exponit causam, cum inquit: Has autem varietates regionibus & locis, inclinatio mundi, & solis impetus propius aut longius cursum facien-

faciendo tales efficit terræ humores, quæ qualitates non solum in his rebus, sed etiam in pecotibus & armentis discernuntur. Sunt enim Bæotiz flumina Cephysus & Melas, Lucaniz Cratis, Troiz Xanthus, inq̃ agris Clazomeniorum & Erythreorum & Laodicensium fontes ac flumina, cum pecora suis temporibus anni parantur ad conceptionem partus, per id tempus adiguntur eò quotidie potum, ex eoz̃ quamvis sint alba, procreant alijs locis Leucophea, alijs locis pulla, alijs coracino colore. Ita proprietas liquoris cum iuit in corpus, profeminatinctam sui cuiusq̃ genetis qualitatem, &c.

Fontis Bacchi in insula Andro meminit Pausanias in fine libri sexti, cuius verba ascribam: λέγουσι δὲ καὶ ἀνδρῶν παρὰ ἑταῖς σφίσιν ἐς τὴν θινύσου πλώ λελυτὸν ζῆν ἵνον αὐτῶν ἐν τῇ ἱερῇ. ποσειδῶνι ἄρ' ταῦτα ἐκλήσει, &c. Simile quiddam eodem loco à Pausania narratur de festo Thya celebrato ab Eleis. διὸν δὲ ἐς τῆς μέλλουσι διόνουσι εἴδουσιν ἰσχυροί, καὶ τὰν διὸν σφίσιν ὁποῦνται ἐς τὰν διὸν πλώ λελυτὸν λέγουσιν. λίβυτας δὲ ἀρῶν τρεῖς ἐς αἶμα ἐποικίσαντες ὁ ἱερὸς κατατίθεται κινὸς, σφόντων καὶ τῶν σελιτῶν καὶ ξύλων. σφραγίδας δὲ αὐτοῖς τι αἱ εἰρεῖς καὶ τῶν ἄλλων ἔσται ἰδὼν καταγνῶμαι ἢ, ταῖς διόφους πᾶσι νόμους ὁποῦνται. ἐς δὲ πλώ ὁποῦσαν τὰτ' σημεία ὁποῦνται ἀφ' ἑταῖς σφίσιν καὶ ἐισελθόντες ἐς τὸ ἄκμα αὐτῶν κινῶσι οἶνον σπασμῶντος πρὸς λίβυτας, &c. Plura similia exempla commemorantur plena superstitionum. conficta enim à sacerdotibus sunt quæstus causa, sicut exponitur à Luciano in Pseudomante. Fontes verò qui statim festorum diebus dicuntur fundere vinum, nusquam sunt, sed tale quiddam initio vulgo sparsum est, postea superstitione confirmatū, sicut olim ferebatur in nocte natalis Christi ex certis fontibus fluere vina, sed certo temporis puncto.

DESIMO, de aquis lethalibus, quæ sunt diuersorum generum. Quædam enim sunt mortifera, eò quod exhalationes pestilentes permixtas ferunt: vel quia succum lapidescentem imbibent: vel quia aliquam materiam erodentem secum rapiunt ex locis per quæ flunt: ut est atra-

Aquæ lethales.

mentum sutorium, vel cadmia fossilis, quæ erodendo necant. Vel sunt aliqua peculiati vi præditæ, quæ ex multiplici rerum cum liquore mistatum temperatione ortæ, quantum mistura explicari non potest, nec aliter nisi ex effectu intelligi. Aqua stygis ex succo lapidescente infecta, de qua sic inquit Seneca: Circa Nonacrim in Arcadia styx appellata ab incolis, aduenas fallit, quia non facie, non odore suspecta est, qualia sunt magnorum artificum venena, quæ deprehendi nisi morte non possunt. Hæc autem de qua paulò ante retuli aqua, summa celeritate corrumpit, nec temedio locus est, quia protinus hausta duratur, nec aliter quam gypsum sub humore constringitur, & alligat viscera. Item Visfruius: Est in Arcadia Nonacris nominata, quæ habet in montibus stillantes è saxo frigidissimos humores. hæc autem aqua Stygos hydor appellatur, hoc est, abominanda aqua, quam neq; argenteum, neq; æneum, neq; ferreum vas potest subsistere, sed dissilit ac dissipatur. Conseruare autem eam & continere nihil nisi mulina vngula potest, quæ etiam memoratur ab Antipatro in præuinciam, ubi erat Alexander, per Iollam filium petlatam esse, & ab eo ea aqua regem necatum. Vide plura apud Pausaniam in Arcadicis, pag. 198. &c.

De fontibus in Beroso Tauticæ chertonesi colle, certum est eos esse infectos succis stupefacientibus, qui enecant non aliter, vt cicuta epota. In Vngaria ad radices tuppium Sarmaticatum qui Zepusio iminent, talis fons est, ex quo aues tantum gustantes moriuntur. Alij duo sunt in comitatu Saros, qui non tantum auibus, sed cæteris animalibus & hominibus lætales sunt, ad quorum labra plurimum aconiti nascitur. Vnde aqua horum fontium vitus trahit. & insuper hoc additur, quod crescente Luna augentur, & deficiente minuuntur, adeò vt in interlunio præsus deficiant. Pausanias lib. 1. Eliacorum scribit, de Anigro Elidis flumine, quod emittit ex fonte grauitè olentè aquam, & addit: *αὐτὴ δὲ ἀνίστησι τὸ ἄριστον εἶδος τῆς ἰσχυρῆς καὶ τῆς γλυκείας, καὶ τοῦ*

μα δὲ ἔς ἀγνοίαν τὸ ὕδωρ καθὰ δὴ καὶ τῆς ὑπερῆς ἰσχύος ἔστιν ὕδατος τὸ αὐτὸ αἰτῶν, ὅπως αἱ ἀτμοὶ ἐκείνης δύνανται ἀνθρακίαν.

Vnde Plinio, de alijs aquarum accidentibus, ut coloribus, saporibus, odoribus, & diuersis alijs effectibus. Primò autem sciendum est, alias aquas alijs esse vel spissiores, vel rariiores & tenuiores, de quibus dictum est in primo paragrafo huius capituli. Secundò aliæ aquæ respuunt, aliæ sorbent iniecta. duo enim fontes sunt in Carriensi Hispania iuxta, hoc est, prope se inuicem fluentes, quorum alter omnia respuunt, hoc est, omnia iniecta eijcit. tanta enim vi & impetu exilit ex fistulis, ut omnia eijciat, sic etiam saxa de fundo extrudit & eijcit: alter verò omnia iniecta sorbet, quia habet crateres siue voragines quæ iniecta sorbent, & alibi reddunt. de huiusmodi voraginibus etiam supra dictum est. Terriò, subiicit exempla de diuersis aquarum coloribus, & pro dissimilitudine colorum res iniectæ diuersicolores conspiciuntur. Sumuntur autem colorum differentię secundum diuersitatem terrarum per quas fluunt. Vnde aquarum aliæ sunt colore lactis, quæ fluunt per loca cretacea aut gypsea: aliæ sunt lutæ, quæ infectæ sunt ochra: quædam flavæ, fulvæ, aut rubræ & subrubræ, ceruleæ, nigrae, per quas pisces aut aliæ res conspectæ aquarum colorem referunt, perinde atque si per coloratum vitrum conspicerentur. Pausanias in fine libri quarti de hoc loco aliquot illustria exempla commemorat, cum inquit: καὶ ἀετμίδος ἱερὸν ὄντα ἐσταιδῶς, καὶ ὕδατος ἐν φράκτι κεκραμένον πῖσι, καὶ ζικλωπὶ μέλιτι ἰδίῳ ἐμφερίῳ, περιέχοντο αἰσθάναν παλαιὰ καὶ ῥέξαν τὸ ὕδωρ καὶ ὀσμὴν.

Colores
aquæ.

γαυρότατοι μὲν οὗτοι ὕδατος διασκέδατος τὸ ἐν Διερμιτύλῳ, οὐτοὶ περ πάντες, ἀλλ' ἔστιν κάττιον ἐς πᾶν κολυμβήσαν, μὲν τὰ ἐνομοζύμενα ἐν ἐπιχρῶν χύστῳ γυμνασίῳ.

Ἐπειθ' οὐδὲν τι ὑπὲρ πᾶν ῥέξαν αἵματος ἐξελάν ἢ γὰρ παρ' ἡμετέρας, πρὶν ἰσπανίαν φέροντες, θαλάσσης μὲν ἐγγυτάτω τὸ ὕδωρ οὗ, ὅς ἐστιν ἡμετέρας δὲ ὑπερ πᾶν πόλιν διασέδεται τὸν ἄνθρωπον ἐνομοζύμενον πωταμὸν ὕδατος κοκκίον οὗ. ἀνδρὶ δὲ ἐπιδόσκει ἐς αὐτὸ, τὸ μὲν παλαιότερον φορῶν τε ἀρτίσιν καὶ ἡμετέροις φέρονται, ἐπιχρῶντι δὲ ὀλίγον ἔτι φέρονται Διερμιτίν.

τὸ ποταμὸν ῥέει, &c. De fonte in insula Cydonia, qui verno tempore tantum fluit, reliquis anni partibus siccus existit, supra dictum est. De Sinano lacu nihil mirum est eum infici amaris herbis, ut absinthio & similibus. Herodotus in Melpomene scribit, vinum aquæ amaræ in Hypanim influere, atque eum prorsus amarum reddere. sic autem inquit: *ἐν ταύτῃ δὲ ἀνατὴνται ὑπὸ τοῦ ποταμοῦ, ὅθεν ἔστι μὲν πέντε ἡμέρας, πέντε, βραχύτες, καὶ γλυκύτες ὄναι. ἀπὸ δὲ τούτου πρὸς θαλάσσης τιστὶν ἡμέρας πλεον, αὐτὸς δὲ αἰετὶς, &c.* De fluminibus quæ retro, hoc est, versus fontes fluunt, si vera sunt quæ narrantur, res est plena miraculi. neque hi motus sunt regulares, sed tunc tantum fiunt, quando magna aliqua mutatio imperijs aut regnis impendit. Vel si subest aliqua causa physica, inde accidit, quod aquæ vi ventorum repelluntur, ut iterum ad fontes ferantur. Simile quiddam narrat Pausanias in priore libro Eliacorum de Anigro fluvio, cum inquit: *τόν τε τὸ ῥοῦμα τὸ ποταμὸν ποδάκτις ἀνίσχυουσιν οἱ ἀνέμοι βίαναι πρὸς ἄντρον, &c.* quod vero ætate loca subterranea sunt frigidiora, sit, quia externus calor frigis ad interiora repellit, unde per antiperistasis illud cogitur & velut conduplicatur.

Quæ mergantur vel non.

Cur verò æs & plumbum in massam coacta mergantur in aquis, dilatata verò fluitent, causa est, quia massa in unum aliquem exiguum aquæ locum incumbit, illumque occupat, quem suo pondere facile quincere potest. Lamina verò multum aquæ occupat, neque tam graui onere in unum aliquem locum incumbit, unde etiam multa & copiosa aqua illi oneri ferendo par esse potest. Accidit autem sæpè, ut lapis & lignum eiusdem quantitatis in aquam demissa, non tamen simul submergantur, propter materię dissimilitudinē. Item sæpè duo ligna eiusdem ponderis in aquam coniiciuntur, & alterum mergitur, alterum verò supetnatat, propterea quod aliud est porosum, & habet multum ærei, sed ramen bene continuati humidī: aliud verò omnino parum habet humidī, & minimum æris, sed plurimum terræ, unde citò submergitur, quemadmodum ferunt de Ebena nigro.

gro. Eodem modo iudicandum est de alia quacunque materia.

Thyreus lapis integer aquis innatat, comminutus mergitur. Idem faciunt pumices & lateres cocti ex terra pumicosa. Quidam putant legendum esse Scyreum. Sic enim inquit Plinius lib. 36. cap. 17. lapidem è Scyro insula integrum fluctuare tradunt, eundemq; comminutum mergi.

De recentibus cadaueribus ratio est, quia totum corpus aquis repletum, facîle propter gravitatem mergitur, sed paulò post intumescit propter spiritus & halitus, qui ex putredine gignuntur, quibus repleta cadauera innatant aquis veluti vtres. Quod vasa inania liaud facilius quàm plena ex aquis extrahantur, sic propter fugam vacui, quod vniuersa natura auersatur.

Quod ait, pluuias aquas salinis vtiliores esse quàm reliquas, hoc est, stagnantes aut fluminales, intelligi potest ex ijs, quæ infra libro trigesimoprimo scribit: Fit, inquit, sal vulgaris plurimusq; in salinis affuso mari, non sine aquæ dulcis riguis, sed imbre maximè iuuante. quod marina aqua tardius geletur, celerius verò accendatur, causa est, quia aqua marina continet multas adustas partes, velut cineres, quæ quia multum caloris continent, frigus circumstans illas expugnare nequit, quin magis inorò coactæ intenduntur frigore, vnde hyeme existit mare calidius. Accenduntur autem celerius cæteris, quia sunt densiores propter materiam terrestrem illis permixtam. Est autem mare hyeme calidius quàm autumno ppter antiperistasis, sicut iam de specubus subterraneis dictum est. Autumno autem est salsius, quia imbres copiosiores ex aëre deferunt adustos & salsos fumos, qui cum marinis aquis mixti illud reddunt salsius. Tranquillum autem redditur oleo, quia propter leuitatem prohibet plagam vel ictum fieri in fluctibus. Vide Plutarchum in libello *de lairius fortitudine*, pagi. 154. in exemplari Froben. Niuces non cadunt in alto mari, quia mare habet aliquid calidorum spirituum, qui niuis floccos

dissoluunt priusquam decidant. Facile etiam intelligi potest causa, cur exiliant fontes. Impellitur enim aqua spiritu, qui illam per angustias elidit velut actam machinis, sed statim relabitur, suumque naturalem cursum & motum recipit.

C A P V T C I I I I.

Ignium & aquarum iuncta miracula, &
de Maltha.

IAmque & ignium, quod est naturæ quartum elementum, reddamus aliqua miracula. Sed primum ex aquis. In Comagenes vrbe Samosata stagnum est, emittens limum (maltham vocant) flagrantem: cum quid attingit solidi, adhæret: præter ea tactus sequitur fugientes. Sic defendere muros oppugnante Lucullo, flagrabatque miles armis suis. Aquis etiam accenditur. Terra tantum restingui docuere experimenta.

A P P E N D I X.

Ignium ex
aquis mi-
racula.

Transitio ad postremum elementum, quod summa locum sibi legit in arce. Et quemadmodum supra in aëris atque aquarum expositione tantum miracula quædam recitauit, quæ cum usitata consuetudine & naturali ratione pugnare aliquo modo videntur: Ita hic in expositione ignis etiam quædam miracula colligit, quorum causæ videntur obscuriores existere. Principio autem ignium ex aquis miracula colligit, hoc est, illorum miraculorum, quæ in aquis deprehenduntur, quorum præcipuum est ignis qui Maltha vocatur. Est autem maltha duplex, alia succus pinguis, ut bitumen, naturali cognatione iunctus sulphuri, qui effluit ex locis petrosi vel specubus subterraneis, quem Babylonij appellant Naphtham, Samosatei Maltham, alij camphoram, alij ambram, alij succinum, alij pissasphaltum, alij petroleum, quæ

Maltha
quid.

um, quæ omnia nihil aliud sunt, quàm bitumen ex certis terræ locis effluens. Alia maltha est artificialis, quæ ex calce, vino, adipe suillo & oleo confecta, quæ cum semel igne concepit, retinet illum tenacissimè: & cum aliquid solidi attingit, ita adhæret, ut neq; reuelli, neq; vlla arte restringi possit, nisi operiatur terra, & suffocetur: huius Malthæ compositionem describit Plinius lib. 36. cap. 24.

Supra dictum est, alia corpora plus de vno, quàm reliquis elementis continere, vnde etiam necesse est, ut qualitates prædominantes, cum in actum deducuntur planum, intendi, & secundum naturam propriam efficacissimè agere. Ita sunt quædam corpora, quæ plurimum caloris continent, vel innati vel aduenticii, propter siccitatem vel pinguedinem æream bene continuatam ac viscosam, quæ non sunt ignis actu, ille enim est omnium tenuissimus simulq; calidissimus, & in profunda facile penetrat, & cuncta comminuit & extenuat, atq; prorsus in suam naturam conuertit: sed eiusmodi sunt quæ facile in ignem vertuntur, modo mutationis principium, ab igne seu calore actu existente, accipiant. Ita iudicandum est de hoc igne, qui Maltha vocatur, illum videlicet hære in materia cremabili, qui tantisper, donec alimentum sufficit, hæret, neq; extinguitur, propter spissitudinem ac tenacitatem huius materiæ, cuius humor continuans ita se in siccum, cui adhæret, insinuat, ut quasi inseparabilis ab illo reddatur: & tantisper durat incendium, donec aliquid superfuerit, quod igni alimentum præbere potest. Vnde etiam tactus fugientes sequitur propter lentorem. Sic defendere muros, scilicet, Samosateni: tunc enim flagrabat miles armis suis, hoc est, vnâ cum suis armis. terra restringitur, hoc est, fumo, qui poros obstruendo ignem suffocat.

Maltha
ignis

C A P V T C V.

De Naphtha.

Simi-

Similis est natura Naphthæ: ita appellatur circa Babyloniam, & in Austagenis Parthiæ profluens, bituminis liquidi modo. Huic magna cognatio ignis, transiliuntq; protinus in eam vndecunq; visam. Ita ferunt à Medea pellicem crematam, postquam sacrificatura ad aras accesserat, corona igne rapta.

A P P E N D I X.

Naphtha.

Naphtha tantum nomine differt à Maltha, & significat fluxum bituminis liquidi, vi caloris ex terra expressi, quod plurimum ignis in sese continet. Vnde & facillimè ignem concipit. non autem omne bitumen est Naphtha, sed liquidum tantum, & illud quod est veluti flos bituminis, sicut sulphur candidum veluti flos reliqui sulphuris existit, quod incensum nulla ratione nec arte restingui potest, propter eandem quam supra dixi causam. Meminit Naphthæ Strabo lib. 15. In Babylonia etiam bitumen multum innascitur liquidum, quod Naphtham vocant, cuius natura est admirabilis: igni enim admotum eum corripit. & si corpus eo illitum igni admoueris, deflagrat: nec aqua vilo pacto extingui potest, sed magis ardet. Alexandrum tradunt experientiæ gratia pucto cuidam in balneo naphtham inspersisse ac lucernam admouisse, vt propè puer totus deflagraret, &c. Meminit & Plutarchus in vita Alexandri Magni: Haud procul inde Naphtha magno inundat fluxu, qui bitumini perquam similis, tantam igni cognationem habere videtur, vt priusquam flammam attingat, per ipsum luminis splendorem sæpè per medium aërem incendat, &c. scilicet, propter partium tenuitatem. Transiliuntq; protinus, hoc est, ex longinquo, quasi dicat porro tenuis.

Pellicem Medæ intelligit Creusam, Creontis Corinthiorum regis filiam, cui Medea sacrificaturæ in die nuptiarum misit tanquam gratulabunda huiusmodi coronam.

CAPVT CVI.

De semper ardentibus locis.

Verum in montium miraculis, ardet Aetna noctibus semper, tantoq; æuo ignium materiae sufficit, nivalis hybernis temporibus, egestumq; cinerem, pruinis operiens. Nec in illo tantum natura sæuit, exustionem terris denunciens. Flagrat in Phaselide mons Chimæra, & quidem immortalibus ac noctibus flamma. Ignem eius accendi aqua, extingui verò terra aut fœno, Gnidius Ctesias tradit. Eadem in Lycia Hephæstij montes, tæda flammante tacti, flagrant adeo, vt lapides quoq; riuorum & harenæ in ipsis aquis ardeant: aliturq; ignis ille pluuijs. Baculo si quis exijs accenso traxerit sulcos, riuos igniū sequi narrant. Flagrat in Bactris Cophanti noctibus vertex. Flagrat in Medis & Cestia gente confinio Persidis: Susis quidem ad turrin albam, è x v. caminis, maximo eorū & interdiu. Campus Babylo-niæ flagrat, quadam veluti piscina ingeri magnitudine. Item Aethiopum iuxta Hesperium montem, stellarum modo campi noctu nitent. Similiter in Megalopolitanorum agro, tametsi internus sit ille iucundus, frondemq; densi supra senemoris non adurens, & iuxta gelidum fontem semper ardens. Nymphæi crater dira Apolloniatis suis portendit, vt Theopompus tradidit. Augetur imbribus, egeritq; bitumen, temperandum fonte illo ingustabili, alias omni bitumine dilutius. Sed quis hæc miretur? In medio mari Hiera insula iuxta Italiam, cum ipso mari arsit per aliquot dies sociali bello, donec legatio senatus

natus piauit. Maximo tamen ardet incendio Theon ochema dictum, Aethiopum iugum, torrentesque Solis ardoribus flammam egerit. Tot locis tot incendijs rerum natura terras cremat.

APPENDIX.

Ignes subterranei.

Initio hoc loco exponenda est in genere causa generationis ignium in subterraneis locis, ex qua deinde causae incendijs particularium facile intelligi possunt. Materialis causa est terra pinguis sulphurea, nitrosa, aluminosa, & praecipue bituminosa. Nam haec ignem semel conceptum retinet diutissime, nec vlla aqua extinguere potest, cum reliqua omnia aqua extinguantur. Effectiua verè est spiritus ignitus, ignescit verò cum vi caloris talis materia ex terris exprimitur, quae antea virtute radiorum est percossa, & in tale cremabile humidum conuersa. Quia verò incidit in materiamabilem incendio, ideo in his tantum locis & non in alijs excitantur incendia. Aristoteles ait causam ignium in terra esse incensionem spiritus collisi, discepto prius in exigua frustra aëre, sicut patet excitari ignem attritione duorum corporum solidorum, chalybis videlicet & saxi. aër enim inter ea existens hac forti attritione incenditur, atque si fomenta subministrantur, excitatur reuera ignis.

Ignium incendia cur tot seculis durent.

Mirari tamen potest, quid fiat, quod haec incendia durent tot seculis, quemadmodum Aetnae montis aut Vesuij, cum tamen verisimile sit voracitate ac rapacitate ignis, breui tempore quantumvis vberem ac copiosam materiam absumi, cuncta enim ignis sua violentia comminuit, atque depascitur. Nihil hoc loco aliud dici potest, nisi quod supra de fluminibus dictum est, subinde nouam aquam gigni ex spiritibus, qui per subterraneos specus meant: ita etiam in his montibus subinde nouum regeneratur incendium ex actione caloris in materiam cremabilem. Constat enim, aquam pluuialem in haec loca illabentem continuo in naturam sulphuris & naphthae conuertere. Ea enim est natura sulphuris

phuris, vt celerrimè in locis mineralibus regeneretur, præterea bitumen aqua affluente augetur & alitur. Siquit Seneca: Nec ignem non manere eundem, quia non ipsum ex se est, sed in aliqua inferna valle conceptus exastuat, & alijs pascitur, in ipso monte alimentum non habet, &c. Ad extremum verò quando omnis materia absumta est, atq; mineræ sulphuris omnes præcisæ sunt, tunc ignis etiam extinguitur, quemadmodum hodie ferunt Aetnæos ignes extinctos esse. In proximis Mifniæ montibus aliquandiu duravit incendium, id quod testantur lapidei carbones, quæ magna quantitate hodie ex his montibus euhuntur, quib; fabri in officinis suis vtuntur planè pro ligneis. Constat aërem incensum tantum esse flammâ, terram fieri carbones.

Primum exemplum est de Aetna monte. Sic autem inquit Plinius, Verum in montium miraculis, hoc est, inter miraculosos montes, ardet Aetna noctibus semper, videlicet flammis conspicuis, tantoq; æuo ignium materiæ sufficit, hoc est, tam longo tempore præbet materiam cremabilem elemento ignis. Referendæ sunt huc causæ quas iam de incendijs diximus. Præclarè ad has alludit Claudianus de raptu Proserpinæ:

*Sen mare sulphurei ductum per viscera montis
Oppressis ignescit aquis, & pondera librat.*

Poëtæ fabulantur illic Cyclopes sepultos.

*Gurgite Tyriacrio morientem Iuppiter Aetna
Obluit Eucladum, vasti quoq; pondere montis
Aestuat, & petulans expirat faucibus ignes.*

Legè Virgilium lib. 3. Aeneid. Lucret. lib. 6.

Chimæra mons Lyciæ non procul à Phaselide oppido Chimæra-
circa Pamphylæ fines, de quo notus est versiculus Homeri:

χίμαιρα λέων, ὄφιον δὲ δράκων, μεταέτε χίμαιρα.

Ignis Chimærae accenditur aqua, extinguitur verò stupa & scæno. ergo manifestum est, materiam huius incendij esse bitumen, quod rebus siccis extinguitur, humidis verò alitur, tanquam re cognata & amica.

Com-

Commentarius inquit, Chimæra mons est Lyciæ, cuius hodie quoque ardet cacumen, iuxta quod leones sunt: media verò pascua sunt, & ima serpentibus plena. hunc Belletophon habitabilem fecit, vnde Chimæram occidisse dicitur.

SEQUITUR IN TEXTU: Eadem in Lycia, scilicet, in cuius finibus est Phaselis, sunt Hephæstij montes, de quibus sic scribit Seneca Episto. 80. In Lycia regio norissima est, Ephæstion incolæ vocant, foratum pluribus locis solum, quod sine ullo nascentium damno ignis innoxius circuit, læta itaque regio est & herbida, nihil flammis adurentibus, sed tantum vi remissa & languida refulgentib. &c.

De Cophantis vertice noctu tantum flagrantis causa est, quod materia ignis frigore noctis densatur ac cogitur. Præterea flamma interdum per lumen Solis, nisi magna sit, non conspici potest. Flagrat & mons in confinio Mediæ & gentis Cestiar. Flagrat & alius mons Susis ad albam turrim ex quindecim caminis, è cuius maximo & interdum flamma conspicietur. Locus iste, ut ex Strabone apparet, non procul abest à Demetriade oppido. Vocat autem caminos terram cauernosam, vnde flamma euolat, velut spiraculo quodameducta. Nam ignes subterranei vel emicant, vel occulti latent. Emicantium alij ex profundo terræ exeunt, ut in Aetna & Hecla monte Islandiæ: alij in cute & superficie terræ hærent. Utrosque hos ignes scriptores caminos ardentes vocant, superiores tantum Crateres, qui ferè perpetuò flagrant, nisi quando terræmotus vel novos crateres aperit, vel veteres clausos referat. De campo ardente circa Babylonem, potest colligi ex Strabone, non longè ab oppido Demetriadis abesse. Similiter in agro Megalopolitanorum ardet campus. à Pausania scribitur ardere prope fontem, καὶ πλεονὲς τῆς ἀρχῆς αὐτῆς ἀνίσταται, &c. tametsi internus ille campus sit iucundus, hoc est, viridis, arboribus & floribus vestitus.

In Apolloniatarum tractu in Epiro iuxta Dyrachium saxum est, quod vocatur Nymphæum, ex quo egreditur ignis.

ignis qui imbris crescit: huius enim ignis fomes est bitumen. Loca verò quæ craterem huius ignis ambiunt, non sunt exusta, nec glebæ effossæ squalent cineribus. Strabo libro septimo. quod ait temperandum fonte illo ingustabili, videtur alludere ad fontem Styga.

Hiera insula una ex Aeolijs dictis, quæ ex tribus crateribus nocturnas euomit flammæ, donec legatio senatus piauit, hoc est, donec missus Q. Seruilius proconsul ad sedandos motus una cum Fonteio legato & cæteris militibus & ciuibus Romanis, quotquot Asculi inuenti, à Marfis interfecti sunt, quæ cædes piauit, hoc est, expiauit iram diuinam aduersus Romanos.

Apud Aethiopas mons excelsus est dictus Theon ochema, in cuius vicinia riuus plures in mare fluunt. Strabo citat testem Hannonem Carthaginensem, terram circa hunc montem flammæ emittere, quæ noctu valde sunt conspicuæ, ipse verò ardet ignibus æternis.

C A P V T C V I I.

Ignium per se miracula.

PRæterea cum sit huius unius elementi ratio fecunda, seq; ipse pariat, & minimis crescat scintillis, quid fore putandum est in tot rogis terræ? Quæ est illa natura, quæ voracitatem in toto mundo audissimam sine damno sui pascit? Addantur ijs sidera innumera, ingensq; Sol. Addantur humani ignes, & lapidum quoque insiti naturæ, attrita inter se ligna, iam nubium & origines fulminum. Excedit profectò omnia miracula, vllum diem fuisse, quo non cuncta conflagrarent: cum specula quoq; concava aduersa Solis radijs facilius etiam accendantur, quàm vllus alius ignis. Quid, quod innumerabiles parui, sed

naturales scatent? In Nymphæo exit è petra flamma, quæ pluuijs accenditur. Exit & ad aquas Scantias. Hæc quidem inualida cum transit, nec longè in alia durans materia. Viret æternò hunc fontem igneum contexens fraxinus. Exit in Mutinensi agro statis Vulcano diebus. Reperitur apud autores, subiectis Ariciæ aruis, si carbo deciderit, ardere terram. In agro Sabino & Sidicino vnctum flagrare lapidem. In Salentino oppido Egnatia, imposito ligno in saxum quoddam ibi sacrum, protinus flammam existere. In Lacinia Iunonis ara sub dio sita, cinerem immobilem esse, perflantibus vndique procellis. Quin & repentinos ignes existere, & in aquis, & in corporibus etiam humanis. Trasymenum lacum arsisse totum: Seruio Tullio dormienti in pueritia ex capite flammam emicuisse: L. Martio in Hispania interentis Scipionibus concionanti, & milites ad vltionem exhortanti, arsisse simili modo, Valerius Antias narrat. Plura mox & distinctius. Nunc enim quadam mixtura rerum omnium exhibentur miracula. Verùm egressa mens interpretationem naturæ, festinat legentium animos per totum orbem, veluti manu ducere.

A P P E N D I X.

Ignium &
caloris dif-
ferentia.

In hoc capite noranda est differentia inter calorem ignis, & calorem reliquorum calidorum corporum, item inrer ignem actu, & eum, qui potentia talis est: postremò inter ignem elementarem, & eum, qui ex conuenienti materia incenditur ad vsus humanos, & eum qui exhalationibus in aëre incenditur, vt Comerarum, facum, & reliquarum ignitarum impressionum, & eum qui in subterraneis meatibus ardet.

Ignis

Ignis elementaris est calidissimus & siccissimus omni humiditate destitutus, quæ quoquomodo ipsius calorem restinguere posset. eius materia est rarissima, ideo præ cæteris elementis minimum materiæ continet, & propter summam raritatem non multum lucis emittit. sed noster ignis impurius existit. alijs enim corporibus miscetur, & alienis qualitatibus afficitur. Cum enim ignis sit lenissimus & rarissimus, non potest retineri neque figi in vlllo loco, nisi vntuoso & cremabili nutrimento, quod ipsum ignem & crassiore & impuriorem reddit. si itaque materia, quæ ignem continet, fuerit aërea, tunc talis ignis vocatur flamma: si terrea, candens carbo. talia enim nutrimenta prohibent quo minus ignis euolet atque euanescat. Aër autem putus non potest esse alimentum ignis propter raritatem. cum enim ignis sit rarior, statim per ipsum euolat, neque figitur aut sistitur. sed si fuerit mixtus vaporibus & exhalationibus, ardet, & tale incendium efficit flammam. ergo flamma est ignis crassior & scæculentior puro igne, vnde etiam lucet propter spissitudinem. durat autem flamma tantisper, donec pabulum ipsius fuerit absumtum. sic enim ignis natura à Galeno libro primo, capite vndecimo de simplic. medic. facultatibus describitur, τὸ μὲν οὖν ἀπ' αὐτῶν ἀπὸ μαζίας αὐτῆς τι ἄμα καὶ διεμύεται ἀνδρῶν, οἷς τε τὰ βέλους αὐτὰ διένειται ῥαδίως καὶ καταβρῶν καὶ ληθῆναι καὶ μεταβάλλειν, καὶ οὐδὲ πῶς αὐτοῦ μὲνίσσας φύσιν, ἀμολαῖν πᾶντα, καὶ κρατοῦν τῆ πολλοῦ ζέουτος, &c.

Calor itaque ignis & calor reliquorum corporum longissimè inter sese distant, primò, quia ignium calor est in summo, aliorum corporum est contemperatus ipsis. Vnde nutrit, concoquit, fouet & gubernat corpora tam animalium quàm stirpium & plantarum. sed ignium calor destruit, quia propter summam raritatem illabitur in vniuersas partes, & humidum tam nutrimenta quàm radicale depascitur, vnde quicquid relinquitur, in cinerem & fauillas conuertitur. Pro diuersitate & dissimilitudine

materiæ subiectæ. dissimillimæ ignium formæ comparentur
 differentes luce, calore, forma & viribus. Vt cum materia
 cremabilis densa & compacta fuerit, flamma est rubicun-
 dior : si rara & sicca, flamma etiam pura & lucida : si rara &
 humida, turbidior flamma : si densa & humida, flamma ni-
 gricans & fumosa : si densa & sicca, flamma minus fumosa.
 Vapor enim ignis violentia à combustibili materia resolu-
 tus, flammam diuersis coloribus veluti pingit. Aliquando
 etiam aqua non extinguit ignem, sed oleum, quia materi-
 am quæ continet ignem, aqua non attingere potest, quia
 propter humiditatem nimis citò defluit. Oleum verò quia
 lentum & tenax existit, non ita labitur, & in certo loco fi-
 gitur, ubi poros obstruendo violentiam ignis compefcit :
 Sic prunæ cineribus testæ, ignem conseruant, quæ expositæ
 aëri, citò in cineres resoluuntur. cineres enim quia sunt ra-
 ri, non prohibent quo minus fumus per illos resoluatur, &
 tamen celerem resolutionē phibent, vnde ignis diu durat.

De differentia, quæ est inter ignem actū & potentia, est
 alterius loci disputatio. nam ignis in potentia non est ignis,
 ideo nec motum nec effectum ignis habet, nisi in actum de-
 ducatur. potentia enim nihil aliud est nisi principium pro-
 ductiuum alicuius effectus. sic ignis potentia est qui citò in
 actum deducitur, ita vt sit actus ignis, vt vina sublimata, in
 quibus calor plurimus mixtus est cum aqueo humido,
 quod cum fuerit resolutum, statim ignis remanet. sic cum
 plurimus calor miscetur cum substantia terrea, vt in sul-
 phure, puluere bombardico : resoluta enim terra, quæ
 motui ignis non repugnat, quia exigua est, reliquum est
 ignis actus. sed hæc non pertinent ad explicationem Plinij,
 itaq; omitemus.

De postrema differentia inter ignem Elementarem &
 nostrum ignem iam dictum est, quod ignis elementaris hæ-
 ret in materia prima, itaque est omnium purissimus & sub-
 tilissimus. ignis noster est summa caliditas & siccitas in re-
 liquis elementis : qui cum sit rarissimus, facillimè re-
 solui-

soluitur & amittitur. ita que ostensæ sunt viæ multiplices reparationis ipsius, à quo loco orditur Plinius in hoc capite, itaq; breuiter sententiam verborum Plinij explicabimus.

Expositio textus.

Orditur ab occupatione : Cum in natura rerum tot ignium seminaria existant, quæ sit quod vniuersus mundus non deflagrat, cum ignis præ cæteris elementis sit voracissimus, & ex parua scinrilla sæpe ingens incendium excitetur? amplificat occupationem ab ignibus cælestibus, qui iuncti terrenis & subterraneis, mirum est quod non maiora incendia excitant. nam de sententia Epicureorum Solem & stellas ignes in cælo flagrantés & lucentes esse censet. Humanos ignes vocat excitatos, accensos & alitos ab hominibus, quales sunt in caminis metallicis & vitrarijs. sic etiã ignes insiti naturæ lapidum, & lignorum, qui per attritionem eliciuntur. sed tales ignes non sunt actu, sed tantum potentia, quia frictione durorum corporum aër intermedius conuellitur, & veluti laceratur. Vnde etiam inflammatur, qui ignis cum fomentis aridis excipitur, iam actu ignis esse incipit. De speculis concauis, sphericis & angulosis diuersa est ratio, quia radius solaris cum reflectitur in aliquo corpore duro & polito siue glabro, tum fit veluti geminus. Vnde in loco reflexionis plurimum lucis & caloris imprimi, idq; eò magis, quo cum angulo incidentiæ breuiori spacio iungitur, & quanto plures radij & rectiores in vno puncto reflectuntur. id quod fit circa meridiem. in speculis autem cauis excipiuntur plures radij reflexi, qui directi in vnum aliquod punctum tam efficaciter in illud incidunt, vt etiam cremabilem materiam incendunt. quomodo autem huiusmodi specula concaua, spherica & angulosa ignem incendunt, legant studiosi in Optica Vitellionis lib. 9. propos. 37. & 38. Repetit hic etiam Plinius exempla quædam ex præcedenti capite. Aquarum Scantiarum meminit Caro

in præceptis agriculturæ. hanc flammam ait inualidam exire, quia in his flammis, cum è fundo primum emittuntur, aliqua vis est: cum altius sublata fuerint, existunt inualidæ. itaq; viret ibi fraxinus, & ab inualida flamma non læditur: itaq; æternò, hoc est, perpetuò viret: Sic & in Mutinensi agro exit, scilicet flamma, statis Vulcano diebus, hoc est, consecratjs. quasi dicat, in diebus festis Vulcani. In agro Sabino & Sidicino vnctus flagrat Japis: hoc est, si lapides vngantur aliqua pinguedine, tum incensi flagrant, vt ellychnia vncta. Est saxum ad oppidum Egnatiam in Salentinis, cui lignum superpositum, mox à flamma corripitur. In Lacinia Iunonis ara, quæ est prope Crotonem sub dio, hoc est, coelo sita absq; tecto. Quin & repentinis ignes existere, hoc est, excitari, quasi dicar, reperitur apud autores aliquando subito talia incendia excitari. De flamma, quæ Seruio Tullio dormienti ex capite emicuit, extar apud Liuium lib. 1: Eo tempore in regia prodigium visu euentuq; mirabile fuit, Puero dormienti, cui Seruio Tullio nomen fuit, caput arsisse ferunt multorum in conspectu. Hoc idem imitatus est Virgilius, de Iulo filio Aeneæ, Aene. 2.

Ecce leuis summo de vertice visus Iuli

Fundere lumen apex, tactuq; innoxia molli

Lambere flamma comas, & circum tempora pasci.

De L. Martio equite Romano, cui simili modo caput arsit concionanti apud milites, interfectis duobus Scipionibus fratribus P. & Gn. scribit Liuius lib. 5. deca. 3. circa finem: Apud omnes magnum nomen est Marcij ducis, & veræ gloriæ eius etiam miracula addunt. flammam ei concionanti visam è capite sine eius sensu, cum magno pauore circumstantium militum. Nostra ætate aliquoties eruperunt ex vtero mulieribus parturientibus vnâ cum infante flammæ, quæ circumstantes læserunt, matre & infante illæsis. Sed de his ignium miraculis in sequentibus libris copiosius & distinctius loquetur. nunc enim quadam mixtura rerum, hoc est, confuse, omnium rerum, hoc est, vniuersæ natu-

naturæ exhibentur miracula. Verùm egressa mens: noua est propositio sequentium librorum.

CAPVT CVIII.

DE TERRA, & terræ vniuersæ mensura,
longitudine & latitudine.

PArs nostra terrarum, de qua memoro, ambienti (vt dictum est) Oceano velut innatans, longissimè ab ortu ad occasum patet: hoc est, ab India ad Herculis columnas Gadibus sacratas, octuagesies quin- Longitu-
do terræ
8578000.
9813000. quies centena septuaginta octo M. pass. vt Artemidoro placet auctori. Vt verò Isidoro, nonagies octies centena & decem & octo M. Artemidorus adijcit amplius, à Gadibus circuitu sacri promontorij ad promontorium Artabrum, quo longissimè frons procurrit Hispaniæ octingenta M. nonagintaunum. Id mensuræ, duplici currit via. A Gange amne ostio- Longitu-
do terræ
dimensa
via per
mare. que eius, quo se in Eoum Oceanum effundit, per Indiam Parthyenemq; ad Myriandrum urbem Syriæ, in Issico sinu positam, quinquages bis centena, quindecim M. pass. Inde proxima nauigatione Cyprium insulam, Patara Lyciæ, Rhodum, Astypaleam, in Carpathio mari insulas, Laconicæ Tænarum, Lilybæum Siciliæ, Calarim Sardinia, tricies quater centena, quinquaginta M. Deinde Gades quatuordecies centena & quinquaginta M. pass. Quæ mensura vniuersa ab Eoo mari efficit octogies quinques centena, Lxxviit. M. pass.

Alia via quæ certior, itinere terreno maximè Via terre-
stris. patet, à Gange ad Euphratem amnem quinquages centena M. pass. Et xxxi. Inde Cappadociæ Me-

zaca c c . M. x l i i i i . Inde per Phrygiam, Cariam, Ephesum c c c c . M. pass. x c v i i i . Ab Epheso per Aegeum pelagus Delum ducenta M. Isthmum ducenta duodecim M. Deinde terra & mari Corinthiaco sinu. Patras Peloponnesi ducenta duo M. quingenti: Lencadem l x x x v i . milia quingenti: Coryram totidem: Acrocerania centum trigintaduo milia quingenti. Brundisium l x x x . sex milia quingenti. Romam c c c . milia l x . Ad Alpes vsq; Calcincomacum vicum d x v i i i . M. Per Galliam ad Pyrenæos montes Illiberim quingenta quinquaginta sex M. Ad Oceanum & Hispaniæ oram trecenta trigintaduo M. Traiectu Gadis septem milia quingenti. Quæ mensura Artemidori ratione efficit octuagies sexies centena octogintaquinq;.

Latitudo
terræ.

Alii, ter
centena
quinqua
gentia duo
M.

Latitudo autem terræ à meridiano situ ad Septentrionem, dimidio ferè minor colligitur, quinquagies quater centena sexaginta duo milia. Quo palàm fit, quantum & hinc vapor abstulerit, & illinc rigor. Neq; enim deesse arbitror terris, aut non esse globi formam, sed inhabitabilia vtrinq; incomperta esse. Hæc mensura currit à littore Aethiopici Oceani, quâ modò habitatur, ad Meroën d l . M. Inde Alexandriam duodecies centena milia quinquaginta. Rhodum quingenta octogintatria. Gnidū octogintaquatuor milia quingenti. Coum viginti quinque milia. Samū c . milia. Chium l x x x i i i i . Mitylenen l x v . milia. Tenedon x x v i i i . milia. Sigæum promontoriū x i i . milia quingenti. Os Ponti c c c x i i . milia quingenti. Carambin promontorium c c c l . Os Maëtidis c c c x i i . milia quingenti. Ostium Ta-

naïs

nais c c l x v . M. qui cursus compendijs maris brevior fieri potest l x x x i x . M. Ab ostio Tanais nihil modicum diligentissimi autores fecêre. Artemidorus vltiora incòperta existimauit, cum circa Tanaim Sarmatarum gentes degere fateretur ad Scythrentiones versas. Isidorus adiecit x i i . c . M. l . vsque ad Thulen, quæ coniectura diuinationis est. Ego non minore quàm proximè dicto spacio, Sarmatarum fines nosci intelligo. Et alioquin quantum esse debet, quod innumerabiles gentes subinde sedem mutantes capiat? Vnde vltiorem mensuram inhabitabilis plagæ multò esse maiorem arbitror. Nam & à Germania immensas insulas non pridem compertas, cognitum habeo. De longitudine ac latitudine hæc sunt, quæ digna memoratu putem.

Vniuersum autem hunc circuitum Eratosthenes, in omnium quidem literarum subtilitate, & in hac vtiq; præter cæteros solers, quem cunctis probari video, ducentorum quinquagintaduorum milium stadiûm prodidit. Quæ mensura, Romana computatione efficit trecenties quindecies centena milia pass. Improbum ausum: verum ita subtili argumentatione comprehensum, vt pudeat non credere. Hipparchus & in coarguendo eo, & in reliqua omni diligentia mirus, adiecit stadiorum paulò minus x x v . milia.

Ambius
vniuersæ
terræ.

A P P E N D I X .

In fine præcedentis capituli instituit nouam propositionem, quæ argumentum sequentium librorum complectitur, Mens egressa interpretationem naturæ, festinat legentium animos per totum orbem veluti manu ducere. Nunc

De postremo
elemento,
Terra.

verò explicationem huius propositionis inchoat, à descriptione ambitus vniuersæ terræ, tam secundum longitudinem quàm latitudinem, & colligit numerationem longitudinis ab ostio Gangis fluij vsq; ad Gades siue vsq; ad initium Oceani occidentalis. Metitur autem hanc longitudinem duobus itineribus, vno quod per tertiam ducit vsque ad intimum angulum maris Syriaci. Secundum verò iter per mare ab ostio Gangis vsq; ad Myriandrum urbem Syriæ, à Myriandro vsq; ad Sardiniam, à Sardinia ad Gades & ad fretum Herculeum.

Sciendum autem est, veteres aliter numerasse longitudes & latitudes terrarum quàm posteriores, vt Ptolemæus & Albategni. Veteres ab ortu numerarunt longitudinem ad occasum, Ptolemæus ordine inuerso ab occasu in ortum, idq; semper in æquinoctiali circulo. Veteres inchoarunt ab ostio Gangis, Ptolemæus & recentiores ab insulis fortunatis. Sic etiam latitudinē veteres collegerunt in meridiano ab vno polo versus alterum polotū, sed Ptolemæus ab æquinoctiali versus alterutrum polorum etiam in meridianis circulis. Initio itaq; Plinius in hoc capite de sententia Artemidori Cnidij & Isidori metitur longitudinem terræ duobus itineribus, altero terrestri, altero verò marino. atque hæc Artemidori sententia non multum à Ptolemæi sententia discrepat. existimo autem temporibus Artemidori minus terræ cognitum fuisse, quàm postea temporibus Ptolemæi, qui Artemidoro 105. ferè annis posterior fuit.

Est autē longitudo terræ habitabilis ex sententia Artemidori 8578000. passuū, vel ex Isidori 9818000. computata in æquinoctiali circulo vel in parallelo secundum rationem, quam habet ad magnum circulum. Respondent autem summæ Artemidori in magno circulo 98. grad. sed summæ Isidori respondent 112. gra. Vni autem gradui cælestis magni circuli respondent in terra 87500. passus vel secundum Ptolemæum 62500. stadia verò secundum Ptolemæum 500. secundum Eratosthenem verò 700.

Existi-

Existimo autem plerosque numeros in Plinio esse depravatos, itaque ordine exponam textum, & ostendam quomodo errata librariorum deprehendi, & quomodo in integrum aliquo modo restitui possint. Pars nostra terrarum, hoc est, ea pars terræ, quæ à nobis nota est, & quæ extra oceanum eminet, longissimè ab ortu ad occasum patet, eius longitudo porrigitur ab India ad Herculis columnas Gadibus sacratas, hoc est, ad loca quæ sunt iuxta Gades. Artemidorus adijcit, existimo esse aliud nomen & diuersum à priore. circuitu sacri promontorii, hoc est, cum circumitur sacrum promontorium usque ad promontorium Artabrum, pto Artabrorum, quod à Ptolemæo Nerium promontorium vocatur, videlicet eà pars Hispaniæ, quæ versus occasum quam longissimè in oceanum procurrit. Hanc terræ longitudinem ait currere duplici via, hoc est, licet ea metiri & terrestri & marino itinere.

Longitudinis superputatio.

Primum iter, quo longitudinem terræ metimur, est ab ostio Gangis per Indiam, Parthyenemque ad Myriandrum sitam in intimo angulo maris Syriaci, quod est quinquagies bis centena & quindecim milia passuum. Deinde à Myriandro pettexit integram longitudinem per iter marinum, & ait à Myriandro proxima navigatione ad Cyprum, & sic consequenter marino itinere per reliquas insulas usque ad Calarim Sardinie sunt tricies quater centena quinquaginta milia: deinde à Calari Gades usque, sunt quaterdecies (sic enim est legendum, non quatuor decies) centena & quinquaginta milia passuum, quæ mensura vniuersa ab Eoo mari efficit octogies quinquies centena septuaginta octo milia passuum. Sic itaque horum numerorum veritas examinetur.

| Loca. | Longitud. g. gra. | Minu. | differentia. |
|-----------|-------------------|-------|--------------|
| Gangis | 148 | 30 | 79 |
| Myriandri | 69 | 30 | 37 |
| Sardinie | 32 | 30 | 27 |
| Gadij | 5 | 10 | |

Diffe-

Differentia vniuersalis horum numerorum est 143. quæ multiplicata per 60. efficit octogies quinquies centena octoginta M. P. Particularis differentia, vt Gangis & Myriandri est 79. quæ multiplicata per 60. efficit quadragies septies centena & quadraginta M. P. Plinius habet quinquagies bis centena & quindecim milia passuum. haud dubiè incuria librariorum numeri transpositi sunt XLVIIICXLM. P. primum enim x adiecit sequenti num. primum v abiecit, deinde pro L scripsit v. itaq; iam legitur quinquagies pro quadragies, vt sit scriptura LIIICXVM. P. Differentia Myriandri & Sardinie est 37. quæ per 60. multiplicata efficitur XXCIICXX. M. P. Plin. habet XXXIIIIICL. M. P. Vnde constat, quod libarius ex superiori num. isti x præposuit, & ex v fecit duo, quæ huic nomen addidit. Differentia Sardinie & Gadij est 27. grad. hæc in 60 ducta producant xviicxx. M. P. Plinius habet xiiiiicL. M. P. Hæ tres differentie particulares in vnam collectæ summam, producant differentiam vniuersalem, vt iam dictum est.

Sequitur computatio longitudinis terræ secundum aliam viam. supra enim dixit, id mensuræ duplici currit via. prior ducta est per iter marinum, hæc ducitur per terram, quam etiam ait esse certiore. A Gange ad Euphratem, hoc est, ad urbem Samosatam, cuius longitudo 71. grad. & 30. min. sunt Lcxxx. M. P. quem numerum si examinare voluerimus, colligatur differentia, & illa mutetur in M. P. tunc patebit vtrum numeri in codice nostro sint mutili an integri. hic primus numerus est paulo minor vero. Inde Cappadocie Mazaca, hoc est, ad Mazaca à Samosatis sunt ccxliiii. M. P. Mazaca nominatur etiam Cæsarea, in qua Basilius fuit Episcopus, cuius longitudo apud Ptolemæum est 66. grad. & semissis. Inde per Phrygiam, Cariam Ephesum vsq; sunt cccxlviii. M. P. hoc est, quadragies centena nonaginta octo milia passuum. est autem longitudo Ephesi 57. grad. & 40. min. Ab Epheso per
Aegæum

Aegeum pelagus. Delum vsq; sunt c c. M. P. hoc est, ducenta milia passuum. Delī longitudo est 56. grad. A Delo Isthmum vsq; sunt c c x i i. M. P. Deinde terra, hoc est, per Isthmum & mari Corinthiaco sinu, Patras Peloponnesi, Corinthus habet longit. grad. 51. Patræ verò oppidum Achaiae habet longitūd. P. 48. grad. Sunt c c. duo M. D. Leucaden l x x x v i. M. D. sita est autem Leucas in sinu Ambracio, cuius longitudo est 48. grad. 30. min. Corcyram totidem, cuius longitudo est 45. grad. 40. min. Inde ad Acrœceraunia c x x x i i. M. D. longitudo est 44. grad. 30. min. Inde Brundisium l x x x v i. M. D. longitudo est 42. grad. 40. min. Inde Romam c c c l x. M. longitu. est 36. 40. min. A Roma ad Alpes vsq; Calcincomacum vicum sunt d x v i i i. M. Inde per Galliam ad Pyrenæos montes ad oppidum Narbonensis Galliae Illiberim, cuius longitudo est 19. grad. 30. min. d l v i. M. deinde ad Oceanum & Hispaniae oram c c c x x x i i. M. deinde per traiectum ad Gades, cuius longitudo est 5. grad. 20. min. sunt v i i. M. D. Quæ mensura Artemidori ratione efficit d x x x v i c l x x x v. M. P.

Latitudo autem terræ computatur à situ meridiano, hoc est, à meridie versus polum arcticum, quæ dimidio ferè minor colligitur quam longitudo. quo, hoc est, ex qua re manifestum sit, quantum & hinc versus meridiem vapor, hoc est, intensissimus Solis calor verticalis abstulerit. & illinc, videlicet versus septentrionem, nimium gelu. Hæc mensura currit à littore Aethiopici Oceani, hoc est, iuxta initium sinus Arabici versus meridiem, ad Meroën vsque d l. milib. Inde à Meroë Alexandriam sunt x i i c l m. P. Inde ad Rhodum d l x x x i i i. M. Inde Gnidum oppidū Carie 190 milia, & sic consequenter. addit autem illum cursum compendijs maris breviorē fieri posse, hoc est, si recta linea nauigetur. Ab ostio Tanais, ait, nihil modicum diligentissimi autores fecerunt, hoc est, Cum circa Tanaim Sarmatarum geutes degere fateretur, hoc est, quicquid est ter-

Latitudi-
nis supputa-
tio.

est terræ supra ostium Tanais, illa est Romanis hominibus incomperta, etiam nunc hodiè non satis nota sunt illa loca, certum autem est immensum spacium vltra Tanaim habitari, ex his enim locis maximæ inundationes gentium ad loca magis meridionalia factæ sunt, vt Vngarorum, Gothorum, Getarum, Polonorum, Alanorum, & aliarum gentium. Isidorus adiecit adhuc aliquot passuum milia, quia producit latitudinem ad insulam vsque Thulen. Ostia Tanais latitudinem habent 54. graduum, Thyle latitud. habet 63. graduum. differentia itaq; est 9. graduum, quibus in terra respondent D C C L X X V I I. M. D. passuum. Isidorum secutus est Marinus, cuius meminit Ptolem. lib. 1. Geogra. qui etiam terræ latitudinem ad Thylen producit in austrum, stadiorum videlicet triginta vnus milium ac quingentorum. Versus austrum verò ad tropicum vsq; Capricorni ac Agesymbam Aethiopiæ regnum. hanc Marini sententiam examinat Ptolemæus lib. 1. cap. 7. Gedgraph. Quod Plinius ait, à Germania immensas insulas paulò ante compertas, hoc est, supra Germaniam in Oceano septentrionali nuper cognitæ sunt immensæ insulæ, vt Britannia, Scandia, Gothia, & similes longè amplissimæ.

Ambitus
10000.

Sequitur postrema pars huius capituli, in qua colligit ambitum terreni globi. dimensa enim terra tam in longitudinem quam latitudinem, nunc ex Eratosthenis sententia ambitū colligit. Sunt autem, ut supra dictum est, duæ viæ, quæ ducunt quā proximè fieri potest, ad exactam noticiam vniuersæ terræ. Altera, quæ ex peregrinationibus situs & distantias singulorum locorum ostendit. altera verò quæ ex consideratione circuloꝝ cœlestium, item ortus & occasus stellarum, & eclipsium dissimilitudine itinerarias locorum distantias metitur. Ptolemæus ambas has vias coniungit, & indetabulam, quæ vniuersæ terræ ambitū complectitur, depingit. Hoc idem etiam ante Ptolemæum ab Eratosthene & Possidonio factum est, quorum sententiæ copiosius explicantur in libello Cleomedis περὶ κοσμοῦ διατάξεως.

είας, vbi sic inquit, οὐδὲ δὲ μεγέθους τῆς γῆς, πόλεις μὲν γεγενῆσσι δι-
 ξαι παρὰ τοῖς φυσικοῖς, βελτίους δὲ τῶν ἄλλων εἶσιν ἢ τὸ τοῦ ποσειδωνίου
 καὶ ἡ ἐρασιθέλου. αὐτὰ μὲν διὰ γεωμετρικῶς ἰσχύου δεικνύουσα τὸ μέ-
 γθος αὐτῆς. ἡ δὲ τοῦ ποσειδωνίου ἐστὶν ἀπλουσία, &c. Vtramq; or-
 dine exponam.

Possidonij ratio hæc est. Primum intervallum inter Rhodum & Alexandriam, quæ sitæ sunt sub eodem meri-
 diano, deprehēdit esse stadiorū 5000. postea in vtraq; vrbe
 observavit altitudinem Canopi supra horizontē, ac Rhodi
 invenit Canopum horizontem stringere, Alexandriæ verò
 supra horizontem elevari 48. parte meridiani, hoc est, gra-
 dibus $7\frac{1}{2}$. Inde habita differentia altitudinis Canopi in di-
 versis locis ratiocinatus est per regulam proportionum,
 ambitum vniuersæ terræ esse stadiorum 240000. hoc
 modo $7\frac{1}{2}$. grad. dant stadia 5000. Intervallum videlicet
 Rhodi & Alexandriæ, quantum dabunt 360. gra. vel mul-
 tiplicatis 5000. stadijs per 48. quod idem est, & provenit
 ambitus. Iam qui volet scire, quot stadia vni gradui secun-
 dum Possidonij sententiam respondeant, diuidat ambitum
 terrenum in stadijs per 360. grad. & habebit quæsitum,
 videlicet 6662. stadia.

Sententia
 Possidonij
 de ambitu
 terreno.

Eratosthenis ratio aliquanto difficilior est, sed priore
 non minus certa, quam ex diuersitate umbrarum, locorum
 sub eodem meridiano sitorum, colligit hoc modo. Primò,
 duorum locorum sub eodem meridiano positorum, Ale-
 xandriæ scilicet & Syenes distantiam per itinerariam pro-
 fectionem cognitam esse affirmat stadiorum 5000. Dein-
 de Syenem verticalem habitare tropicum Cancrī, ac So-
 lem in principio Cancrī constitutum nullam efficere um-
 bram, quod & Plinius supra cap. 73. affirmat. Alexandri-
 am autem propius ad septentrionem accedere, ideoq; um-
 bram aliquam, à radio Solis in gnomonem ipsius inciden-
 tem, excitari. Cum igitur radij Solis, siue ab vno puncto
 corporis Solaris, siue à diuersis in diuersas terræ partes iu-
 ciderint, sint paralleli, ppter Solis magnitudinem & maxi-
 mam


Sententia
 Eratosthe-
 nis

mam à terra remotionem, necesse est & radios Alexandriam & Syenem eodem temporis spacio transeuntes, parallelos esse. In parallelas autem rectas lineas, recta incidens linea, efficit angulos alternos per 29. primi Euclid. æquales. Igitur linea recta à gnomone Alexandrino producta usque ad centrum terræ, & radios Solis per utrumque locum transeuntes connectens, angulos efficit ad terræ centrum & mucronem gnomonis Alexandrini constitutos æquales: Quibus cum per ultimam sexti respondeant arcus æquales, cum circuli sunt æquales, vel arcus similes, cum circuli sunt inæquales, eadem erit proportio anguli constituti ad mucronem gnomonis Alexandrini, ad circumferentiam suam, quæ est proportio anguli constituti ad centrum terræ, ad meridianum terrestrem. Sed arcus anguli gnomonis est quinquagesima pars suæ circumferentiæ, ergo arcus interceptus inter Alexandriam & Syenem, qui obtenditur angulo constituto ad centrum terræ, est ad suam circumferentiam quinquagesima pars. Est autem arcus ille interceptus inter Alexandriam & Syenem per itinerariam profectiorem cognitus 5000. stadiorum. quare totus ambitus meridiani terrestris erit 250000. stadiorum, quæ mensura, inquit Plinius, Romana computatione efficit cccxv. M. P. nam Græci per stadia, Romani per passus numerant. Ita ut 500. stadijs respondeant dcccl. M. D. Improbum ausum, quasi dicat, has tantas res tam tenui & subtili supputatione velle complecti, longè superat omnem sensum. sed tamen hæc obseruationes cum experientia ita consentiunt, ut pudeat non credere.

Indicet. Addam autem huius subtilis argumentationis demonstrationem, ut facilius intelligi possit. Sit centrum terræ A, super quo describatur semicirculus P M L O, repræsentans Meridianum cœlestem. Describatur & alius circulus priore minor, qui repræsentet eundem meridianum in terra Q C B F. sumantur iam duo loca in meridiano terrestris, quorum alterum sit Syene in puncto B, alterum verò
Alexan-

Alexandria in puncto C, & agatur ex centro mundi A, per B, usque ad meridianum cœlestem linea perpendicularis A B D L, quæ in meridiano cœlesti in puncto L ostendet centrum Solis in principio Cancrî tempore meridiei constituti. Eritq; linea illa radius Solis in Syenem perpendiculariter incidens. Quare sine umbra transibit. Ab eodem etiam centro A, alia ducatur linea pro arbitrio usq; ad punctum E, quæ transeat meridianum terrestrem in puncto C. Deinde à linea B L abscindatur ipsi C E per 3. primi Euclidis æqualis linea B D. sintq; hæ æquales lineæ harum urbium gnomones, a centro E, intervallo verò C semicirculus describatur pro scapha scioterica I K, C H. Eodem modo centro D, intervallo verò D B, alius describatur circulus F B G. Hi semicirculi repræsentabunt circulos maximos horologiorum sciotericorum utriusq; loci. Iam ducatur per centrū E lineæ L D B A parallelus M E K N repræsentans radium Solis per mucronem gnomonis Alexandrini priori æquidistanter ductum, qui transeat semicirculum horologij scioterici Alexandrini in puncto K. Et quia obliquè incidit in gnomonem Alexandrinum, ideo ibi umbrā constituit, videlicet C K. Quia autē linea M E K N parallelus est lineæ L D B A, & in eas incidit E C A. Ideo anguli alterni constituti ad suorum circularū centra B A C & K E C, sunt æquales. Sed per ultimam sexti æqualibus angulis constitutis ad centra circularum æqualium, æquales respondent arcus, similibus verò similes. Arcus igitur B C anguli B A C constituti ad centrum terræ, similis est arcui C K anguli, constituti ad centrum horologij scioterici Alexandrini. Quæ igitur est proportio arcus K C ad totam suam circumferentiam, ea est proportio arcus meridiani intercepti inter Alexandriam & Syenem ad integrū meridianum. Sed prior deprehenditur esse quinquagesima pars sui circuli, quare & arcus meridiani est 50. pars sui circuli. Cognitum autem est per itinerariam profectiōem, arcum meridiani interceptū inter Alexandriam & Syenem

esse 5 000. stadiorum. Ergo si 50. partes meridiani multiplicentur per 5 000. stadia, respondentia vni parti quinquagesimæ, proueniet ambitus integri meridiani terrestris, videlicet 25 000. stadiorum.



Hæc est Eratosthenis ratio, quam ait Plinius esse ita subtilem argumentationem, ut pndeat non credere. Ponit autem Plinius maiorem summam stadiorum quàm Eratosthenes, quia singulis gradibus meridiani circuli attribuit 700. stadia completè, cum secundum Eratosthenem vni gradui tantum 69 $\frac{4}{5}$. stadia respondeant. Ptolemæus autem exactiorem secutus dimensionem, vni gradui tantum attribuit 500. stadia, ac constituit ipse ambitum terrenum stadiorum 18 000 0. miliarium verò 5400. attribuendo videlicet singulis miliaribus stadia 33 $\frac{1}{3}$. Eodem modo potest inueniri ambitus terræ in passibus. Vni enim gradui in cælo respondent secundum Artemidorum 87 500. passus. Iam per regulam detri statim scitur ambitus terreni orbis in mille passibus, videlicet 313 000 00. trecenties quindicies

decies centena milia passuum. In fine inquit : Hipparchus in coarguendo eo adijcit stadiorum paulò minus 25. milia, & ita secundum Hipparchum ambitus erit 277000. stadiorum. Hæc autem sententia non intelligenda est, quod aliqua sit ambiguitas aut incertitudo in hac ratione : constat enim certa ac indubitata circini ratione, sed alter vsus est minoribus stadijs, altet verò maioribus, & ita secundum Eratosthenem 700. stadia vni gradui respondent. Secundum Hipparchum verò 774. Neq; est aliqua in re diuersitas, sed tantum in numero, sicut hodie quidam maioribus, quidam verò minoribus miliaribus vtuntur, & secundum minora seu communia miliaria Germanica respondent vni gradui 15. secundum maiora verò 12. tantum.

CAPVT CIX.

Harmonica mundi ratio.

ALia Dionysodoro fides : neque enim subtraham exemplum vanitatis Græcæ maximum. Melius hic fuit, geometrica scientia nobilis. Senectæ diem obiit in patria. Funus duxere ei propinquæ, ad quas pertinebat hæreditas. Eæ cum secutis diebus iusta peragerent, inuenisse dicuntur in sepulchro epistolam, Dionysodori nomine ad superos scriptam. Peruenisse eum à sepulchro ad infimam terram : esseque eò stadiorum quadraginta duo milia. Nec defuere Geometræ, qui interpretarentur, significare epistolam à medio terrarum orbe missam, quò deorsum ab summo longissimum esset spacium, & idem pilæ medium. Ex quo consecuta computatio est, vt circuitu esse ducenta quingentaduo milia stadiorum pronuncjarent, Harmo-

nica ratio, quæ cogit rerum naturam sibi ipsam congruere, addit huic mensuræ stadia duodecim milia, terramq; nonagesimam sextam millesimam totius mundi partem facit.

A P P E N D I X.

Ex diamet-
ro ambi-
tum terræ
colligere
docet.

Hoc caput continet vtilem doctrinam de alia quadam ratione peruestigandæ quantitatæ terreni ambitus ex cognita diametro. Quemadmodum enim in superiori capite collegit terræ ambitum ex proportionem segmenti circuli cœlestis ad simile in terra spacium: ita in hoc capite idem colligit ex proportionem semidiametri ad totam circumferentiam, quæ est ex inuentione Archimedis sub sextupla scilicet quarta decima, hoc est, circumferentia continet semidiametrum sexies atque vnam quartamdecimam, hoc est, semidiameter per 6. multiplicata cum quarta decima eiusdem parte, circumferentiam circuli totam constituit. Quia verò Plinius semidiametrum notam scribit ex literis Heliodori à terræ centro perlatis, videlicet 42000. stadiorum, quæ multiplicata per 6. producant 252000. stadia, quem numerum supra quoq; dixit terræ ambitum continere. Neglexit autem in hac supputatione præcisionem; quia quarta decimam non adiecit. Idem facilius fieri potest ex integra diametro: Circumferentia enim se habet ad ipsam diametrum veluti 22. ad 7. diameter autem continet ex hypothese 84000. Ponatur ad regulam sicut 7. ad 22. ita 84000. ad circumferentiam, & pueniunt 264000. maior videlicet numerus quam Plinij, propter adiectam quartamdecimam, quam antea non subtraxit, vt vera ratio postulabat. Si igitur præcisè volueris puenire priorem numerum, colloca ad regulam tantum proportionem subtripulam, vt sicut se habent 7. ad 22. ita 84000. ad circumferentiam, & præcisè prouenient 252000. Eadem ratione potest sciri diameter ex cognita circumferentia, hoc

hoc modo, Diameter se habet ad circumferentiam in proportionē subtripla sesquiseptima, hoc est, sicut 22. ad 7. Ponatur ad regulam sicut 22. ad 7. ita 352000. ad diametrum, & prodibunt 80181 $\frac{2}{7}$. integra diameter. Eadem ratio est inquirendi diametrum in miliaribus. Nam sicut se habent 22. ad 7. ita se habet circumferentia in miliaribus inuenta, videlicet 5400. ad diametrum, & iuxta regulam proportionum proueniunt 17181 $\frac{2}{7}$. cuius dimidium ostendit semidiametrum 8591 $\frac{1}{7}$. miliarium.

Expositio textus.

Exponam ordine textum. Alia Dionysodoro fides, scilicet quàm fuit Artemidoro & Eratostheni: neque enim subtraham, hoc est, præteribo. Hic Dionysodorus fuit Melius. esseque id, hoc est, à superficie terræ ad centrum usque quò, hoc est, ad quod medium deorsum ab summo, hoc est, à superficie, longissimum esse spacium, & idem, scilicet, spacium esse pilæ, hoc est, totius terteni globi medium. ex quo consecuta supputatio est, ut circuitu esse ducenta quinquaginta duo milia stadiorum pronunciarent, hoc est, ex cognita semidiametro facile circuitus terreni globi deprehensus est, ex proportionē diametri ad circumferentiam, sed harmonica ratio, quæ cogit rerum naturam sibi ipsi congruere, hoc est, quæ monstrat exactiorem proportionem diametri ad circumferentiam, addit huic mensuræ stadia xii. M. propter rationem iam dictam. Terramque nonagesimam sextam millesimam totius mundi facit. hoc de diametris intelligendū est. Albategni enim Arabs cap. 50. tradit intervallum à terræ centro usque ad summam sphaeram Saturni sphaeræ octauæ contiguam, continere semidiametros terræ decies octies mille quadringentas & quadraginta unum: erit igitur diameter terræ ad diametrum sphaeræ Saturni decima octaua millesima pars. Cum igitur octaua sphaera, quæ est proxima supra sphaeram Saturni, sit tam

vaſta, nullo modo hoc dictum Plinij, de vaſtitate corporum cœli & terræ, intelligendum eſt, ſed tantum de diametrorum collatione, ita vt diameter terreni globi ſit nonageſima ſexta milleſima pars diametri octauæ ſphæræ, ſeu, vt ipſe vocat, mundi.

FINIS LIBRI SECVNDI PLINII,
cum commentarijs Iacobi Milichij, recognitis
ANNO 1557.

DE DISTANTIIS LOCORVM INVENIENDIS.

QVIA autem ad hanc Coſmographicam tractationem pertinet noſſe rationem numerandi diſtancias locorum, paucis eam quoq; complectar. Cumq; ſint duo uſitati modi, quorum prior locorum diſtancias numerat in rectis lineis, alter verò in ſphæricis, vtrunq; coniungam, præmiſſis prius definitionibus longitudinis & latitudinis.

Longitudo quid.

Eſt igitur longitudo loci arcus æquinoctialis ſeu parallelæ circuli interceptus inter meridianum fixum, qui tranſit per inſulas fortunatas, & meridianum alium ductum per zenith loci oblati. Etſi autem liberum fuit vnde cunq; initium longitudinum facere, tamen autores eò ab inſulis fortunatis, in occidente poſitis, inceperunt, quod loca occidentalia, propter crebram navigationem in illa loca, orientalibus fuerunt notiora. Terminus igitur à quo longitudinem numeramus, eſt meridianus, per inſulas illas occidentales tranſiens.

Terminus à quo longitudinum.

Latitudo quid

Terminus à quo latitudinum.

Latitudo verò loci eſt arcus meridiani per locum oblatum tranſeuntis, interceptus inter æquinoctialem & parallelum, qui per zenith eiſdem loci ducitur. Terminus igitur à quo latitudines numeramus, eſt æquinoctialis. Quare loca præciſè ſub æquinoctiali poſita, nullam habent latitudinem.

clinem. Sicut enim ille in medio inter septentrionem & meridiem cœlum cingit, nec ad alterutram partem magis inclinat, ita etiam loca ista ad neutram terræ partem propius accedunt, sed exactè in medio posita sunt. Quamprimum autem ab æquinoctiali ad alterutram partem inclinant, iam habere latitudinem dicuntur tot partium, quot ab æquinoctiali discedunt, seu quot gradibus alteruter ipsorum polus supra horizontem eleuatur. Declinatio enim æquinoctialis à puncto verticali cuiuscunque loci, semper æqualis est eiusdem loci eleuationi poli supra horizontem.

Sunt autem duo præcipuè obseruanda in numerandis distantijs. Prius, quæ sit locorum, quorum distantiam numerare cupimus, longitudo latitudoq; quarum vtranque ostendit Geographia Ptolemæi vel Appiani. Alterum, An loca differant sola longitudine, id est, sintne sub vno parallelo, sed diuersis meridianis posita, quod indicat alterutrius loci longitudo maior vel minor, & latitudo eadẽ. Longitudo enim maior signum est illum locum esse orientaliorem, minor verò locum esse occidentaliorem. An loca differant sola latitudine, hoc est, sintne sita sub eodem meridiano, sed diuersis parallelis, quod indicat alterutrius loci latitudo maior, aut minor. Quo enim latitudo maior est, eò longius locus ab æquinoctiali ad septentrionem accedit: quo verò minor, eò æquinoctiali propior existit. An verò vtroque, longitudine scilicet & latitudine, differant loca, hoc est, sitane sint sub diuersis parallelis ac meridianis, quod indicat differentia vtriusque, longitudinis videlicet & latitudinis.

Quando loca differant sola longitudine.

Quando sola latitudo differat loca.

Quando vtroque.

PRIMA REGULA, DE LOCIS

SOLA LATITUDINE differentibus.

Cum igitur loca differunt sola latitudine, multiplica gradus differentie per 15. miliaria, & minuta diuide per 4. ac

adducta priori numero, qui puenit ex multiplicatione graduum

duum & miliari, coniunge, & habebis locorum distantiam quæsitam. Vt Augusta habet longitud. 28. grad. 31. minut. latitud. 48. grad. 15. minut. Erfordia verò habet longitud. 28. grad. 30. minu. latitud. 51. grad. 10. minu. Quia igitur conueniunt longitudine, & differunt sola latitudine, sitæ sunt sub eodem Meridiano, sed sub diuersis parallelis, estq; differentia 2. grad. 55. min. Gradus igitur multiplicati per 15. & minuta diuisa per 4. ostendunt distantiam 43. miliarium & trium quartarum, id est. 24. stadiorum.

E X E M P L A R E G V L A E.

| | | | | |
|-------------|-----|-----|-----|-----|
| Lubecum | 28. | 20. | 54. | 48. |
| Norimberga | 28. | 20. | 47. | 44. |
| Bratislauia | 34. | 34. | 51. | 10. |
| Vienna | 34. | 36. | 47. | 44. |
| Cygneum | 29. | 52. | 50. | 46. |
| Ratisbona | 29. | 50. | 48. | 56. |

S E C V N D A R E G V L A , D E L O C I S

S O L A L O N G I T V D I N E D I F -
ferentibus.

An singulis gradibus differentie longitud. respondeant 15. miliaria, sicut gradibus latitudinis, Sed quia inæquales sunt: Nam quo propius ad æquinoctialem, qui omniarius, sicut nium parallelorum maximus est, accedunt, maiores: quo ut latitud. longius ab eodem recedunt, contractiores ac minores fiunt: Ideo non respondent omnium parallelorum gradibus 15. miliaria, sed tantum æquinoctialis, Reliquorum autem gradibus pauciora, pro proportionem distantie, quam habent ad æquinoctialem. Quia autem non omnes hanc proportionem inuenire possunt, ideo artifices numerarunt miliaria

liaria singulorum parallelorum gradib. respondentia, eaq̃
 incluserunt in sequentem tabulam, cuius in hac & in se-
 quenti vsus est. Cum igitur loca latitudine conueniunt, & Modus in-
 sola longitudine discrepant, cum gradibus latitudinis com- quirendi
 munis ingredi in tabellam, cuius iam facta mentio est, & distantiam
 è regione inuenies miliaria & minuta vni gradui eius paral- in locis
 leli, sub quo locus tuus situs est, respondentia. Si tamen differenti-
 gradibus latitudinis communis adhæserint minuta, quære bus sola
 ad illa partem proportionalem, vt fieri solet, eamq̃ priori longitudi-
 inuento adde. Vel si superant dimidium gradum, sume eo- ne.
 rum loco integrum gradum, & eum prioribus gradibus
 latitudinis communis adde: Vel negligere, si deficiunt à di-
 midio gradu, & ad reliquos gradus quære miliaria vni gra-
 dui respondentia: per quæ multiplicata differentiam longi-
 tudinalem, & productum ostendet distantiam locorū qua-
 sitam. Vt Tubinga habet longitudinem 26. grad. 23. minu. Exemplū.
 latitud. 48. grad. 38. min. Ingolstadtum verò habet longi-
 tudinem 29. grad. 6. min. latitud. 48. grad. 42. min. Dif-
 ferunt igitur sola longitudine, ac sita sunt sub eodem paral-
 lelo, sed sub diuersis meridianis, estq̃ differentia 2. grad.
 43. min. Ingredior itaq̃ cum latitudine communi, cui pro
 minutis adhærentibus, quia dimidium gradum superant,
 addo vnum gradum, in tabulam, & inuenio vni gradui re-
 spondere miliaria 9. min. 50. quæ multiplicata per diffe-
 rentiam longitudinis, ostendunt distantiam quaesitam mi-
 liarium 26. minutorum 43.

TABVLA CONTINENS GRADVS
 LONGITVDINIS EXTRA AEQVI-
 noctialem, conuersos in miliaria.

| Grad. | Mil. | Min. | Grad. | Mil. | Min. | Grad. | Mil. | Min. |
|-------|------|------|-------|------|------|-------|------|------|
| 1 | 14 | 59 | 31 | 12 | 51 | 61 | 7 | 16 |
| 2 | 14 | 59 | 32 | 12 | 43 | 62 | 7 | 2 |
| 3 | 14 | 58 | 33 | 12 | 35 | 63 | 6 | 48 |
| 4 | 14 | 58 | 34 | 12 | 26 | 64 | 6 | 34 |
| 5 | 14 | 56 | 35 | 12 | 17 | 65 | 6 | 20 |
| 6 | 14 | 55 | 36 | 12 | 8 | 66 | 6 | 6 |
| 7 | 14 | 53 | 37 | 11 | 59 | 67 | 5 | 52 |
| 8 | 14 | 51 | 38 | 11 | 49 | 68 | 5 | 37 |
| 9 | 14 | 48 | 39 | 11 | 39 | 69 | 5 | 23 |
| 10 | 14 | 46 | 40 | 11 | 29 | 70 | 5 | 8 |
| 11 | 14 | 43 | 41 | 11 | 19 | 71 | 4 | 53 |
| 12 | 14 | 40 | 42 | 11 | 9 | 72 | 4 | 38 |
| 13 | 14 | 37 | 43 | 10 | 58 | 73 | 4 | 23 |
| 14 | 14 | 33 | 44 | 10 | 47 | 74 | 4 | 8 |
| 15 | 14 | 29 | 45 | 10 | 36 | 75 | 3 | 53 |
| 16 | 14 | 25 | 46 | 10 | 25 | 76 | 3 | 38 |
| 17 | 14 | 21 | 47 | 10 | 14 | 77 | 3 | 22 |
| 18 | 14 | 16 | 48 | 10 | 2 | 78 | 3 | 7 |
| 19 | 14 | 11 | 49 | 9 | 50 | 79 | 2 | 51 |
| 20 | 14 | 6 | 50 | 9 | 38 | 80 | 2 | 36 |
| 21 | 14 | 0 | 51 | 9 | 26 | 81 | 2 | 21 |
| 22 | 13 | 54 | 52 | 9 | 14 | 82 | 2 | 5 |
| 23 | 13 | 48 | 53 | 9 | 2 | 83 | 2 | 50 |
| 24 | 13 | 42 | 54 | 8 | 49 | 84 | 1 | 34 |
| 25 | 13 | 36 | 55 | 8 | 36 | 85 | 1 | 18 |
| 26 | 13 | 29 | 56 | 8 | 23 | 86 | 1 | 3 |
| 27 | 13 | 22 | 57 | 8 | 10 | 87 | 0 | 47 |
| 28 | 13 | 15 | 58 | 7 | 57 | 88 | 0 | 31 |
| 29 | 13 | 7 | 59 | 7 | 43 | 89 | 0 | 10 |
| 30 | 12 | 59 | 60 | 7 | 30 | 90 | 0 | 0 |

EXEMPLA REGVLAR.

| | | | | |
|------------|-----|-----|-----|-----|
| Vicenna | 34. | 36. | 47. | 44. |
| Basilea | 24. | 22. | 47. | 41. |
| Dantif. | 39. | 2. | 54. | 54. |
| Lubec. | 28. | 30. | 54. | 48. |
| Vuiteberg. | 30. | 30. | 51. | 50. |
| Northuf. | 28. | 22. | 51. | 43. |

TERTIA REGVLA, DE LOCIS
LONGITVDINE ET LATITV-
dine differentibus.

I. Si loca & longitudine & latitudine differunt, primò inquisitis differentiis vtriusq; differentiam latitudinis mediam adde latitudini minori, & efficies latitudinem communem.

II. Cum hac latitudine communi ingredi priorē tabulam, & cum miliaribus è regione scriptis multiplica differentiam longitudinis.

III. Differentiam latitudinis semper multiplica per 15. miliaria.

IIII. Vtrunque numerum miliarium ex multiplicatione differentiarum longitudinis & latitudinis collectum, primò in se multiplica, deinde inuicem coniunge.

V. Ex numeris his inter se iunctis quære radicem quadratam, & habebis distantiam locorum.

Vt Hierusalem habet longitudinem 66. grad. 0. min. latitudinem 32. gr. 0. min. Nazareth verò habet longit. 67. gr. 0. min. latitudinem 33. gr. 0. min. Differentia vtriusq; est 1. gr. Latitudinis igitur differentiarum gradum dimidiū coniunge latitudini minori, & efficies latitudinem communem, cui in tabula præcedente respondent 12. milia. 39. min. quæ

Quæ multiplicata per differentiam, longitudi. videlicet 1. grad. totidem manent. Multiplicata verò in se produciunt 169. miliaria, 21. min. Differentiæ autem latitudinis gradus miliaria producit 15. quæ multiplicata in se constituunt 225. miliaria, quæ prioribus iuncta faciunt 394. milia. 21. min. ex quibus radix est miliarium 19. min. 44. Tantumq; est intervallum inter Hierusalem & Nazareth.

EXEMPLA REGVLÆ.

| | | | | |
|------------|----|----|----|----|
| Vuiteberga | 30 | 30 | 51 | 50 |
| Norimberga | 28 | 20 | 49 | 24 |
| Hierusalem | 66 | 0 | 32 | 0 |
| Vuiteberga | 30 | 30 | 51 | 50 |
| Carthago | 34 | 40 | 32 | 40 |
| Roma | 36 | 40 | 41 | 40 |
| Saba | 76 | 0 | 13 | 0 |
| Hierusalem | 66 | 0 | 32 | 0 |

Fundamen-
tum tertie
regule.

Hic est primus modus computandi distantias locorum per rectas lineas, cuius tertia regula locorum longitudine & latitudine differentium, sumta est ex penultima primi Euclidis. Meridiani enim & paralleli per loca oblata ducti vnâ cum linea tertia per transversum loca connectentes, & viam itinerariam ostendentes, triangulum constituunt rectangulum, cuius duo latera rectum angulum continentia nota sunt ex differentijs longitudinum & latitudinum. Tertium verò, recti scilicet anguli hypotenusâ, quæ itineri locorum respondet, incognitum est, & inquirendum ex duobus notis. Quia autem Euclides in penultima primi ostendit duorum laterum rectanguli trianguli, rectum angulum complectentium, quadrata æqualia esse quadrato descripto ex hypotenusâ rectum angulum subtendente, ideo gra-
dus

duſ differentię longitudinis & latitudinis conuerſi in miliaria, primum in ſe multiplicantur, poſtea coniunguntur, vt proueniat quadratum hypotenuſę, tandem extrahitur radix, quę oſtendit quantitatem hypotenuſę ſeu itineris locorum.

Sed quia hæc ratio inrerdum fallit, præſertim in locis, ubi magnę ſunt differentię, quod in rectis lineis diſtantiã inquiri: cum terra ſit globosa & figurę ſphæricę, ideo & alius modus traditur, & priore certior à Regiomontano in tabulis primi Mobilis, problemate 45. & ab Appiano in tabulis ſinum, pronunciato 72. quem breuiter priori coniungam. Nulla autem eſt differentia in modo inquirendi diſtantiã locorum ſola latitudine differentium, quare ad alia pergam.

PRIMA REGVLA LOCORVM SOLA LONGITVDINE DIFFERENTIVM.

1. Inquire complementum latitudinis communis, ſubtrahendo videlicet latitudinem communem à 90. grad. & differentiam longitudinis.

11. Quare vtriuſq; ſcilicet complementi latitud.com. & differentię longitudinis, ſinus rectos ex tabula ſinum.

111. Sinum rectum complementi multiplica per ſinum rectum differentię.

1111. Productum diuide per integrum ſinum, & quotientis arcum inuentum in tabulis ſinuũ, gradus videlicet multiplica per 15. & minuta diuide per 4. & productum prioribus miliaribus adijce, & habes quęſitum.

| | | | | |
|------------------------|----|----|--------|-----|
| Vienna | 34 | 36 | 47 | 44 |
| Baſilea | 24 | 22 | 47. | 41 |
| Complementum lat. com. | | | 42 | 19 |
| Differentia long. | | | 10 | 14. |
| Sinus complementi | | | 67322. | |
| Sinus different. | | | 17765. | |

Exemplũ.

Produ-

Productum ex multiplicatione sinus complementi in sinu differen. 1195975330. à quo quinque postremæ figuræ abieciæ, nam tot habet integer sinus, relinquunt 11959. Cuius arcus in tabulis sinuum quæsitus est grad. 6. min. 52. Gradus igitur multiplicati per 15. & minuta diuisa per 4. constituunt miliaria 103.

SECUNDA REGULA, DE LOCIS LONGITUDINE ET LATITV- dine diffetentibus.

Modus o-
peratio-
nis. 1. Inquire differentiam longitud. latitudinem maio-
rem, latitudinem minorem, complementum latitudinis mi-
noris, vna cum sinibus differentię long. latitudinis minoris,
complementi latitudinis minoris.

11. Multiplica sinum complementi latitud. minor. cum sinu differentię longitudinis, & productum diuide per integrum sinum, & habebis inuentum primum.

111. Huius inuenti primi quære in tabulis sinuum arcum, eius arcus complementum, complementi quæ sinum.

1111. Sinum latitudinis minoris multiplica per sinum totum, productum diuide per sinum complementi inuenti primi, quotientis arcum ex tabulis sinuum inuentum, subtrahe à latitudine maiore, & prodibit inuentum secundum.

v. Huius inuenti secundi inuestiga complementum, eiusque complementi sinum.

v1. Multiplica sinum complementi inuenti secundi per sinum complementi inuenti primi, & productum diuide per sinum integrum.

v11. Huius quotientis arcum subtrahe à nonaginta gradibus, & gradus relictos multiplica per 15. minuta verò diuide per 4. & quotientem prioribus miliatibus coniunge, & habebis locorum distantiam quæsitam. Vt:

| | | | | | |
|----------|------------|----|----|----|-----|
| Exemplū. | Hierusalem | 66 | 0 | 32 | 0 |
| | Vuiteberga | 30 | 30 | 51 | 50. |

Diffe-

| | | |
|---------------------------|--------|---------|
| Differentia longitudinis | 35 gr. | 30 min. |
| Latitudo maior. | 51 | 50 |
| Latitudo minor. | 32 | 0 |
| Complement. lati. minor. | 58 | 0 |
| Sinus differen. longi. | 58070 | |
| Sinus latitud. minoris | 52991 | |
| Sinus complemen. lat. mi. | 84804. | |

Multiplicatus igitur sinus complementi latitudinis minoris, per sinum differentie longitudinis, & productum diuisum per sinum integrum, producit inuentum primum 49246. cuius arcus est 29. grad. 30. Complementum inuenti primi 60. grad. 30. min. Sinus complementi inuenti primi 87035. Iam sinus latitudinis minoris multiplicatus per sinum integrum, & productum diuisum per sinum complementi inuenti primi, producit sinum 60884. Cuius arcus, videlicet 37. grad. 30. minu. subtractus a latitudine maiore, relinquit inuentum secundum, grad. 14. min. 30. Huius complementum est grad. 75. min. 40. Sinus verò complementi est 96887. qui multiplicatus per sinum complementi inuenti primi, ac productum diuisum per sinum integrum, producit sinum 84325. cuius arcus, videlicet 57. grad. 29. min. subtractus a 90. gradibus, relinquit arcum distantie Hierusalem & Vuitebergæ 32. grad. 31. min. gradus itaque multiplicati per 15. & minuta diuisa per 4. ostendunt distantiam Hierusalem & Vuitebergæ 488. miliarium.

Vt adolescentes habeant occasionem exercendi doctrinam Eclipsium, adiectæ sunt regulæ viles de ratione numerandarum & pingendarum eclipsium tam Solis quam Lunæ.

TABVLA, QVAE ECLIPSIVM
DOCTRINAM SVMMATIM
complectitur.

Eclipses

Eclipses
sunt aut

Solares, quæ fiunt cum
☉ Soli diametraliter
coniungi videtur, hoc
est, cum linea ex oculo
nostroeducta in ipsis
centris luminaria coniungit, aut non procul
à centris, suntque; vel

Lunares, quæ
fiunt quando
☾ Soli diam.
opponitur, tunc enim terra media impedit radios
Solares, quominus lunam
illustrare possint, suntque aut

Totalis cum
mora

Partialis,
sed diuersimodè:
cum enim
latitudo
luna

Totales, quando ☉ visibilis in ipsis nodis seu
interfectionibus via solaris & lunaris accidit.

Partiales, quando
☉ visibilis vtrinq;
intra 20 grad. &
min. 40. ab inter-
fect. septen. vel in-
tra gra. 11. & 22.
min. vtrinq; ab inter-
fectione meridia-
na contingit, sed
diuersimodè: Aut
enim obscuratur de
Sole

(Maior pars medietate,
quando latitudo Luna
visa minor est semidia.
Solis & Luna coniun-
ctis, tanto quanta est
semidia. luna visualis.

Medietas, cum latitudo
luna aequat semidia-
metrum Solis visuali.

Minor portio, cum la-
tudo Luna visualis
maior est semid. Solis.

Maxima, cum ☉ sit in ipsis nodis: tum
enim ☉ incurrens in umbram, quæ cor-
pore ipsius multò maior est, magnam in
eo moram facit.

Mediocri, cum ☉ latitudinem habuerit
minorem semidiametris umbræ & Luna
simul in lectis, tanto quanta est semidia-
meter ipsius visualis.

Exigua seu parua, cum latitudo Luna
visa aequat eius diametrum visualem.

Minor est semidiametro umbræ, sed ta-
men maior semidiametro Luna, plus me-
diate corporis eius obscurabitur.

Aequat semidiametrum umbræ, tunc
dimidium eius corpus obumbrabitur.

Maior semidia. umbræ, tunc minor pars
de corpore eius obscurabitur, tanto, quan-
to propius terminis interfec. qui ab vtra-
que intersec. 15. gr. distant, ☉ facta fuerit.

REGVLÆ NVMERANDARVM.

ECLIPSIVM LVNARIVM.

I. Inquire ad horam diei, in qua eclipsis futura est, locum verum Solis & Lunæ ex ephemeridibus.

II. Inquire semidiametrum Lunæ hoc modo, Motum horarium Lunæ, inquisitum ad diem in qua futura est eclipsis, multiplica per 47. productum diuide per 48. & prouenit diameter Lunæ, hanc patting per 2. & habebis semidiametrum.

III. Inuestiga semidiametrum umbræ hoc modo : Sole constituto in auge sui eccentrici, multiplica diametrum Lunæ iam inuentam per 13. productum diuide per 5. & prouenit diameter umbræ in loco transitus Lunæ.

Sed si extra auge sui eccentrici Sol fuerit, inquire loci Solis motum horarium, à quo subtrahes motum horarium Solis cum in auge sui eccentrici est, & relictum multiplica per 10. & quod ex hac multiplicatione prouenit subtrahes à diametro umbræ antea inuenta, & habebis diametrum umbræ, qua dimidiata prouenit semidiameter.

IIII. Semidiametros Lunæ & umbræ coniunge.

V. Inquire latitudinem Lunæ, hoc modo : Argumenti latitudinis Lunæ veri (quod ostendit subtractio motus veri capitis draconis, ad diem eclipsidis, à motu vero Lunæ, assumpto integro zodiaco, si aliàs subtractio fieri non possit) signa quære in tabula latitudinis Lunæ ephemeridib. præfixa, in fronte vel calce, gradus verò in latere sinistro descendendo, vel dextro ascendendo, & in angulo communi se offeret latitudo Lunæ vera cum suo titulo, si tamen gradibus arguienti minuta quædam adhæserint, duplici introitu vtendum erit, vt fieri solet.

VI. Hæc latitudo inuenta, si fuerit æqualis aggregato semidiametrorum, aut maior, Luna umbram vitabit : si minor, luna eclipsabitur : Subtrahes igitur eam ab aggregato semidiametrorum, & residuum serua ad partem.

vii. Per regulam proportionum inquire, quanta pars de corpore lunæ obfcuretur, hoc modo: Integram diametrum lunæ primò inuentam colloca primo loco, secundo loco 12. digitos. tertio loco residuum ex subtractione latitudinis lunæ & semidiametrorum, ad partem feruatam, & progredere secundum regulam proportionum, habebisq; quantitatem eclipsis futuræ.

T E M P V S D V R A T I O N I S H O C
modo inuenies.

- i. Aggregatum semidiametrorum quadra.
- ii. Quadrata etiam latitudinem lunæ.
- iii. Quadratum latitudinis lunæ subtrahe à quadrato semidiametrorum, & relinquitur iuxta doctrinam penultimæ primi Euclidis, tertij lateris, in quo luna à principio eclipsis vsq; ad eius medium mouetur, quadratum.
- iiii. Ex hoc quadrato extrahe radicem, & habes minuta casus.
- v. Minuta casus (resoluta in minorem denominationem, si alioqui diuisio fieri non posset) diuide per excessum motus horarij lunæ super motum horarium Solis, & prouenit tempus minutis casus respondens, id est, tempus mediæ eclipsis.

Arque hæc est ratio inquirendi durationem temporis, eclipsis lunæ parrialis seu totalis absque mora. Nam in totali cum mora, ad inueniendum tempus moræ, sic procedendum est.

- i. Post extractionem radicis ex tertio quadrato supra inuento, subtrahe semidiametrum lunæ à semidiametro umbræ, & relictum quadra.
- ii. Quadratum latitudinis subtrahe ab hoc quadrato iam inuento, & relinquetur quadratum moræ dimidiæ.
- iii. Radicem quadrati moræ dimidiæ subtrahe ex radice tertij lateris supra quæsitæ, & relinquetur minuta incidentiæ.

IIII. Minuta incidentiæ, & radicem quadrati motæ dimidiæ, singula seorsim diuide, vt antea, per excessum motus horarij lunæ super motum horarium Solis, & habebis tempus casus & moræ dimidiæ.

EXEMPLVM ECLIPSIS LVNARIS,
quæ facta est anno 1551. mense Februarij, die 20.
hora 7. min. 3. p. m.

Motus verus Solis 11. grad. 4. min. X.

Motus verus Lunæ 11. grad. 2. min. pp.

Motus lunæ horarius 37. min. 17. secun. qui multiplicatus per 47. & productum diuisum per 48. producit diametrum Lunæ 2190. secun.

Semidiameter lunæ 1095. secun.

Diameter lunæ multiplicata per 13. & productum diuisum per 5. produceret vmbre diametrum, si Sol esset in auge sui eccentrici secun. 5694. Verum cum Sol non sit in auge, aliter inquiritur diameter vmbre.

Motus horarius, Sole extra auge, hoc est, in signo ad diem Eclipsis constituto 2. min. 30. secun.

Motus horarius Solis existentis in auge 2. min. 22. sec.

Differentia 8. secun. quæ de multiplicata per 10. producit 80. secun. subtrahenda à diametro vmbre ante inuenta, & prouenit diameter vmbre ad locum transitus D 5614. secun.

Semidiameter vmbre 2807.

Aggregatum semidiametrorum lunæ & vmbre 3902. secun.

Verus motus lunæ 5. sig. 11. grad. 2. min.

Verus motus cap. drac. 5. sig. 16. grad. 0. min.

Arg. latitud. lunæ 11. sig. 25. grad. 2. min.

Latitudo Lunæ 0 grad. 21. min. Mer. asc. quæ cum sit minor aggregat. semidiamet. fiet eclipsis.

Relictum ex subtractione latitud. Dab aggreg. semidia.

1 2 44. mi.

44. min. 2. secun. quod iuxta regulam proportionum producit digitos de corpore lunæ obscuratos 14. cum 28. min.

Quadratum aggregati semidiam. 4229. min.

Quadrat. lat. lunæ 441.

Quadrat. tertij lat. 3788.

Radix quadrat. tertij lateris 61.

Semidiameter umbræ 2807.

Semidiameter Lunæ 1095.

Relictum 1712.

Quadratum relictæ 814.

Quadrat. lat. Lun. 441.

Quadrat. mor. dim. 373.

Radix quadrat. mor. dim. 19. quæ subtracta à radice tertij lateris supra inuenta, relinquit min. inciden. 42.

Excessus motus horarij Lunæ super motum horarium Solis, qui colligitur subtrahendo motum hor. ☉ à mot. hor. Lunæ, 34. min. 46. S. id est. sec. 2186.

Tempus motæ dimidiæ 31. min. 17. sc.

Tempus incidentiæ 1. ho. min. 9.

Dimidia duratio Eclipsis 1. ho. 40. min. 17. S.

Tempus integræ obscurat. 3. ho. 20. min. 34. S.

RATIO NUMERANDI ECLI-

PSIS SOLARES.

1. Inquire ad tempus conjunctionis verum, motum Solis verum, & argumentum Lunæ, quod ex tabulis resolutis quaeritur, sicut motus medij Planetarum.

11. Quære vetam Lunæ latitudinem, ut in præcedentibus regulis dictum est.

111. Inuestiga paralaxin seu diuersitatem aspectus Lunæ in latitudinem hoc modo: Cum vero loco Solis ingredi tabulam distantiae visibilis conjunctionis à vera, in tabulis Eclipsium, tuo climati inseruentem, sub signo veri loci Solis, & tempus conjunctionis quære in latere sinistro, sub titulo,

tulo, Tempus coniunctionis veræ à meridie, ante meridiem, si coniunctio ante Meridiem futura est, vel post, si coniunctio post meridiem est futura. Signum verò argumenti Lunæ quære in latere superiori transversali, & angulus communis offeret tibi diuersitatem aspectus in latitudine. Si tamen tempus coniunctionis non præcisè inueneris, duplici introitu, vt fieri solet, tibi intrandum. Sic etiam si grad. argumenti Lunæ & motui Solis aliqua adhæserint minuta.

111. Diuersitatem aspectus subtrahe à latitudine vera, & prouenit latitudo apparens, quæ seruanda est ad partem. v. Inquire semidiametrum Solis hoc modo: Motum Solis horarium multiplica per 66. productum diuide per 5. & prouenit diameter, quæ dimidiata producit semidiam.

v. Inquire etiam semidiam. lunæ, vt in præcedentibus regulis dictum est.

v. 1. Coniunge semidiametros Solis & Lunæ, cui aggregato si æqualis est latitudo lunæ visæ, vel maior, nulla potest eclipsis Solis fieri; sin minor, fiet aliqua.

v. 1. 1. Subtrahe latitudinem lunæ visam ab aggregato semidiametrorum Solis, & ex relicto quære digitos Eclipticos per regulam proportionum, vt in præcedentibus regulis dictum est. Reliqua nihil differunt ab eclipsi lunari partiali. Videlicet:

1. Aggregatum semidiametrorum Solis & Lunæ quadra.

11. Quadra etiam latitudinem Lunæ visam.

111. Subtrahe quadratum latitudinis Lunæ visæ à quadrato semidiametrorum, & relinquitur per penultimam primi Euclidis quadratum tertij lateris.

1111. Ex hoc quadrato extrahe radicem, & habebis minuta casus.

v. Diuide minuta casus per excessum motus horarij lunæ, super motum horarium Solis, & proueniet tempus minutis casus respondens, id est, quod respondet dimidiæ Eclipsis solaris durationi.

EXEMPLVM ECLIPSIS SOLARIS,
quæ facta est anno 1551. mense Augusto, die 13. hor. 2.
min. 12. quod est tempus verum, & ad meridianum
Vitebergensem reductum.

Motus verus Solis 16. grad. 43. min. pp.

Argumentum Lunæ 45. 27. gr. 51. min. 47. S.

Latitudo vera lunæ 0. gr. 57. min. Sep. ascen.

Diuerſitas aspectus 45. M. quæ subtracta à latitudine
lunæ veræ, relinquit latitudinem lunæ visam 12. M.

Motus Solis horarius 2. M. 25. S. qui multiplicatur per
66. & productum diuisum per 5. producit diametrum So-
lis 19. 14. sec. id est, 31. min. 54. sec.

Semidiameter ☉ 957. sec. id est, 15. min. 57. sec.

Motus horarius lunæ 36. min. 25. sec. hic multiplica per
47. & productum diuisum per 48. producit diamet. lunæ
2139. sec. id est, 35. min. 39. sec.

Semidiameter lunæ 1069 $\frac{1}{2}$. id est, 17. min. 49 $\frac{1}{2}$. sec.
quem coniungo cum semidiametro Solis, & fit aggregat.
semidiam. Solis & Lunæ 33. min. 46. à quo subtrahō latitu.
visam, quia multò minor est, & relinquuntur 21. min.
46. sec. ex hoc relicto iuxta regulam proportionum pro-
ueniunt digiti eclipsati 8. min. 18. S. 53.

Quadrat. aggregat. semidiam. 1124. min. 16. S.

Quadrat. latitud. ☾ 144.

Quadrat. tertij lateris 980.

Radix tertij lateris seu minut. casus 31.

Excessus motus horarij lunæ super motum horarium
☉ 34. min. quo diuisa minut. casus produciunt minuta tem-
poris 55. ferè.

Tempus integræ Eclipsis 1. hor. 50. M.

RATIO PINGENDI ECLIPSES.

i. Officio circini trahe in chartam circulum, cuius semidiameter respondeat partibus semidiametrorum Solis & Lunæ coniunctorum, vt A B. ⊙.

ii. Huius circuli partem sinistram habe pro ortu, dextram pro occasu, supremam pro Septentrione, infimam pro meridie, & circulum ipsum ab ortu in occasum dispece in duo æqualia, per lineam quæ repræsentat partem Eclipticæ, vt B, A, C.

iii. Seca hanc orthogonaliter in centro circuli per lineam quandam occultam, vt D, A, E.

iiii. Super centro circini describe alium quendam circulum, cuius semidiameter respondeat semidiametro Solis visuali, qui repræsentat Solis superficiem.

v. In linea occulta versus eam partem, ad quam latitudo Lunæ inclinatur, effice notam, à centro circuli distantem ad quantitatem latitud. Lunæ visæ ad principium Eclipsis, vt A, G.

vi. In eadem linea versus eandem partem aliam fac notam distantem à centro circuli, secundum quantitatem latitud. Lunæ visæ ad finem Eclipsis, vt A, F.

vii. Ab utraq; nota occultæ lineæ impressa, duc Eclipticæ parallelum, in diuersas ramen partes, videlicet à nota facta ad latitudinem principij Eclipsis versus occasum, ab altera verò versus ortum, vt lineæ G, H. & F, I.

viii. Puncta intersectionum, vbi hæ lineæ parallelæ extremum circulum interfecant, recta linea coniunge, quæ ostendit viam Lunæ à principio obscurationis, vsq; ad eius finem, vt linea H, K, I.

ix. Diuide hanc lineam bifariam, & in punctis intersectionum cum extremo circulo, ac in hoc medio puncto, secundum quantitatem semidiam. lunæ circumscribe circulos circumferent. corporis Lunæ, qui significant principium, medium, & finem Eclipsis, & iam absoluiisti picturam.

Ad hanc est ratio pingendi Eclipses lunares, nisi quod extremi circuli semidiamet. respondere debet aggregato D.

semidiametro vmbre & lune, interioris verò, semidiametro vmbre, & quod notæ principij & finis Eclipsis sumuntur à latitudine vera Lune quæ sita ad principium & finem.

EXEMPLVM ECLIPSIS
SOLARIS.


Aggregat. semidiam. Solis & Lune 33. min. 46. sec.
Semidiam. Solis visual. 15. min. 57. sec.
Latitud. Lune visa ad princip. Eclip. 12. min.
Latitud. Lune visa ad finem Eclip. 4. min.

EXEMPLVM ECLIPSIS
LUNARIS.


Aggreg. semidiam. vmbre & Lune 65. min.
Semidiam. vmbre 46. min. 47. sec.
Latitud. lune ad princip. Eclip. 0. gr. 21. min. mer. asc.
Latitud. ad finem Eclipsis 16. min.
Semidiameter Lune 18. min. 15. S.

ECLIP.

DE ECLIPSIBVS. 635
ECLIPSIS SOLIS.



r 5 Ecli-



M. AN-

FINIS.



M. ANTON. CASANOVA
MANTVAN.

*Plinius & Titan illustrant omnia, lucem
Ille dedit terris, artibus ille dedit.
Verus uterq; pater: Te propter, maxime Lari,
Iure se, ait, Soles orbis habere duos.*

A L I V D.

*Quid iuvat innumeris replevi scrinia libris,
Vnus pro cunctis P L I N I V S esse potest.*





INDEX PRÆCIPV- RVM MATERIARVM TEXTVS ET COMMENTARII.

A

| | | | |
|--|----------|---|-----------|
| A bsides orbium Planeta- rum | 158. 169 | Aquarum sapor | 581 |
| Aër | 36 | Aqua letales | 583 |
| Aëris regiones | 239 | Aquarum colores | 585 |
| Aërea meteora | 297 | Aquarum & ignium miracula | 588 |
| Aequinoctij perpetui in Sphæra recta causa | 218 | Arcus visionis stella | 155. 160. |
| Aequinoctium & solstitia in octa- vis partibus signorum | 219 | | 207 |
| Aestus maris | 533 | Arcus celestis | 374 |
| Aestuaria | 551 | Argumentum libri | 12 |
| Aethiopes | 482 | Ardentia semper loca | 591 |
| Aetna | 591 | Asphaltites | 573 |
| Altitudines planetarum | 169 | Aura & status quomodo a ven- to differant | 322. 324 |
| Ambitus terræ | 603. 608 | Aurum | 521. |
| Anaxagoras | 372 | B | |
| Anima cognata cælo | 270 | Bituminosi lacus | 573 |
| Anni quantitas | 69. 74 | Boreas | 328. &c. |
| Annus Lunæ | 794 | C | |
| Annus magnus | ibid. | Cacias | 328 |
| Antipodes an sint | 400 | Calor ignis, & reliquorum cor- porum differentia | 78. 596 |
| Antois | 403 | Canicula | 306 |
| Antipathia rerum | 366 | Causæ putredinis | 241 |
| Aqua | 36 | Chasma | 274 |
| Aquilo. Auster | 341 | Circuli celestes | 61 |
| Aquæ figura rotunda | 401. 405 | Clima | 471 |
| Aquæ erumpentes post terra- motum | 501 | Cali figura | 25 |
| Aquarum, fluminum & fontiu- um miracula | 561 | Cali motus | 27. 65 |
| Aquæ simplices aut mixtæ | 567 | Cali materia | 28. 30 |
| Aquæ lapidescentes | 574 | Cali orbium concentus | 29 |
| | | Cali color | 210 |
| | | Cali | |



| | | | |
|---------------------------------|----------|--|----------|
| <i>Cæli distantia à terra</i> | 236 | E | |
| <i>Cæli diuisio Hetruscorum</i> | 363 | | |
| <i>Colores stellarum</i> | 210 | <i>Eccentricus circulus</i> | 169. |
| <i>Colores nubium</i> | 389 | 72 | |
| <i>Cometa</i> | 245. 258 | <i>Echo</i> | 322 |
| <i>Corona circa Solem</i> | 279. 285 | <i>Eclipses luminum</i> | 109. 137 |
| <i>Crepitus armorum</i> | 370 | <i>Eclipses qui primi obseruantur</i> | 133 |
| <i>Crotomensium salubritas</i> | 532 | <i>Eclipsium tabula</i> | 626 |
| <i>Cuprum</i> | 523. | <i>Eclipses numerandi & pingendi ratio</i> | 628 |

D

| | | | |
|--|---------------|--|----------|
| <i>Dens quid</i> | 47 | <i>Eclipses probant terram esse rotundam</i> | 426 |
| <i>Dei officium</i> | 52 | <i>Elementa quid & quot</i> | 33 |
| <i>Dextrum, sinistrum in cælo</i> | 467 | <i>Elevatio poli</i> | 443. 457 |
| <i>Diametrorum Solis et lune proportio</i> | 119 | <i>Embolismalis annus</i> | 69 |
| <i>Diametri ad circumferentiam proportio</i> | 232. 236. 612 | <i>Ephemerides qui prius scripserit</i> | 134 |
| <i>Diametri apparentes luminarium</i> | 115 | <i>Epicyclorum usus</i> | 175 |
| <i>Dicæartius</i> | 400 | <i>Eretosthenes</i> | 603. 609 |
| <i>Dies longissimus & breuissimus ut supputandus</i> | 471 | <i>Euclides</i> | 451 |
| <i>Dies duplices, naturales & artificiales</i> | 477 | <i>Etesia</i> | 338 |
| <i>Dierum initia diuersa</i> | 477 | <i>Euripus</i> | 552 |
| <i>Dierum inequalitatis ratio</i> | 215. 220 | <i>Eurus</i> | 328 |
| <i>Dionysidori epistola ab inferis missa</i> | 612 | <i>Exhalatio</i> | 242. 298 |
| <i>Distantia stellarum à terra</i> | 223. 232 | F | |
| <i>Distantia Solis à terra</i> | 234 | <i>Faces in aëre</i> | 271 |
| <i>Distantia locorum quomodo numerande</i> | 613 | <i>Favonius</i> | 328 |
| | | <i>Ferrum</i> | 521 |
| | | <i>Flamma quid, & cur lucida</i> | 34. 597 |
| | | <i>Flamma lambens capita</i> | 600 |
| | | <i>Flatus ex specubus</i> | 324 |
| | | <i>Flatus repentini</i> | 346 |
| | | <i>Fluminum causa</i> | 91. 566 |
| | | <i>Flumi-</i> | |

| | | | |
|---|------|---|------|
| <i>Fluminum navigatio</i> | 411 | <i>Harmonia mundi</i> | 29 |
| <i>Fluvium & fontium miracula</i> | | <i>Harmonis Iouis fons</i> | 579 |
| 561. 565 | | <i>Harmonica mundi ratio</i> | 612 |
| <i>Fumina mari recondita</i> | 569 | <i>Heptachordum Pythagora</i> | |
| <i>Fontium causa</i> | 91. | 229 | |
| 566 | | <i>Hesperus</i> | 92 |
| <i>Fons Iouis & Solis</i> | 579 | <i>Hipparchus</i> | 269. |
| <i>Fortuna</i> | 49 | 133 | |
| <i>Prætor in tonitru</i> | 317 | <i>Horæ duplices</i> | 545 |
| <i>Fulgetrum</i> | 315 | <i>Horologia scioterica</i> | 438. |
| <i>Fulmina cur Ioni assignentur</i> | | 476 | |
| 22 | | <i>Hyades</i> | 301 |
| <i>Fulmina ut fiant</i> | 314 | | |
| <i>Fulmina ubi non cadant</i> | 351. | I | |
| 366 | | | |
| <i>Fulminum superstitiones</i> | 356. | <i>Iapyx ventus</i> | 331 |
| 363 | | <i>Ignis elementum</i> | 34 |
| <i>Fulmina evocata</i> | 359 | <i>Ignita peritæa</i> | 244 |
| | | <i>Ignis lambens capita</i> | 296. |
| G | | 600 | |
| <i>Gemma</i> | 524 | <i>Ignium & aquarum miracula</i> | |
| <i>Gentium diversitas in moribus</i> | | 588 | |
| & formis | 481 | <i>Ignes subterranei</i> | 592 |
| <i>Geometria seu mensuratio mundi</i> | 232 | <i>Ignium per se miracula</i> | 595 |
| <i>Gnomon & zodiacum</i> | 476 | <i>Ignis actu vel potentia</i> | 596 |
| <i>Grædus celestis quot stadia comprehendatur</i> | | <i>Ignis noster & elementaris differunt</i> | 597 |
| <i>Grando</i> | 386. | <i>Imbrium causa</i> | 312 |
| | | <i>Impressiones in aëre</i> | 239 |
| | | <i>Imagines cæli quot</i> | 308. |
| | | 311 | |
| H | | <i>Insula enata</i> | 506. |
| | | 509 | |
| <i>Halcyones</i> | 328 | <i>Insula continenti adiuncta</i> | |
| <i>Halitus</i> | 242. | 512 | |
| 298 | | <i>Insula fluctuantes</i> | 527 |
| <i>Halones</i> | 279 | <i>Iouis Harmonis fons</i> | 579 |
| | | <i>Ioni</i> | |

| | | | |
|--|------|--|-----|
| <i>Ioni cur fulmina assignentur</i> | 221 | <i>pareat à coniunctione</i> | 207 |
| <i>Iris</i> | 374. | <i>Luna potestas terrena & mari-</i> | |
| | K | <i>na</i> | 554 |
| <i>καλασθῆναι ὑμβρα</i> | 131 | <i>Luna sidus fœmineum, eiusq;</i> | |
| <i>καρῆται κακτοειδῆς</i> | 258 | <i>effectus</i> | 559 |
| <i>κίρκος</i> | 32 | <i>Lunaris annus</i> | 95 |
| <i>κίρκου καὶ ἀλδου differentia</i> | | <i>Lux quid</i> | 77. |
| 384 | | | |
| <i>καλασθῆναι καὶ κακτοειδῆς ὑμβρα</i> | | | |
| 131. | | | |

L

| | | | |
|--|----------|---------------------------------------|----------|
| <i>Lacus bituminosi</i> | 573 | <i>Macule Luna</i> | 107 |
| <i>Lactea via</i> | 108 | <i>Magnetis vis</i> | 366. 531 |
| <i>Lampades</i> | 269 | <i>Maltha</i> | 588 |
| <i>Lapides à metallis differunt</i> | | <i>Magnitudo Solis, luna ac terra</i> | |
| 521 | | 126, 225 | |
| <i>Lapides è caelo cadentes</i> | 371 | <i>Maris navigatio</i> | 411 |
| <i>Latitudo stellarum</i> | 176 | <i>Maria recedentia</i> | 502 |
| <i>Latitudo ortina</i> | 479 | <i>Maria infusa in terras</i> | 509. |
| <i>Latitudo terre</i> | 398. 604 | 514 | |
| <i>Locorum distantia quomodo nu-</i> | | <i>Mare mediterraneum</i> | 544 |
| <i>meranda</i> | 616 | <i>Maris astus</i> | 533 |
| <i>Longitudo & latitudo terre</i> | | <i>Maris miracula</i> | 553 |
| 398. 427. 604 | | <i>Mare cur salsum</i> | 556 |
| <i>Luminaria an deficere possint, si</i> | | <i>Mare vbi altissimum</i> | 561 |
| <i>ambo in horizonte sint</i> | 147 | <i>Metalla</i> | 520 |
| <i>Luna distantia a terra</i> | 28. | <i>Mercurius quantum à Sole dif-</i> | |
| 224. 235 | | <i>cedat</i> | 195 |
| <i>Luna natura & motus</i> | 96 | <i>Mensurarum nomina</i> | 233 |
| <i>Luna illuminatio, quævis et ma-</i> | | <i>Meteora</i> | 238 |
| <i>cula</i> | 100. 107 | <i>Mensis duplex</i> | 70 |
| <i>Luna quamdiu luceat post con-</i> | | <i>Miracula aquarum, fluminum</i> | |
| <i>iunctionem, & quando cre-</i> | | <i>& fontium</i> | 561 |
| <i>scat vel decrescat</i> | 149 | <i>Miracula terre</i> | 519 530 |
| <i>Luna cur citius veltardius ap-</i> | | <i>Montium altissimus</i> | 400 |
| | | <i>Montium concurfus</i> | 499 |
| | | <i>Monstra</i> | 276 |
| | | <i>Motus Solis inæqualis</i> | 173 |
| | | <i>Mot is</i> | |

M

Motus planetarum varia acci-
dentia & passiones 157.

169. 193

Motus terræ 485

Mundus an finitus & vnus 15.

21

Mundus an æternus 16

Mundus vnde dicatur 31. 32

Mundi figura sphaerica 25

Mundi motus 27

Mundi regiones 33

Mundi geometria seu mensura-

tio 232

Mundi harmonica ratio 612

Musica siderum cæli 228

N

Naphtha 590

Natura quid 16

Navigaciones 411

Nebula, Nix 386

Nox quid 109

Noctis utilitas 88

Nubes quomodo generentur

312

Nubium altitudo 234. 314

Nubium colores 389 390

O

Oceani motus duplex 536

Octauæ partes signorum zodia-

ci 218

Orbis terræ 397

Ortina latitudo 479

Ostrea 556

P

Palmus mensura 233

Paralleli, eorumque utilitas

471

Parelia 287

Parafelina 289

πῆλα & κελύα differunt 565

Periaci 403

περίτροι 451

πέτραι 93

Planeta vnde diffi 42

Planetarum motus 62. 157

Planetarum passiones 157.

193

Planetarum altitudines & ab-

sides 169

Planetarum motus collatio

201

Pluvia vt fiat 312

Pluvia prodigiosa 367

Poli eleuatio quomodo discenda

443. 457

Possidonij ambitus terræ 609

Procella 325. 347

Prodigia 276

Prodigiosi terræ motus 500

Prodromi venti 338

Progressio planetarum 190

Proportio Solis, lune ac terræ

125. 226

Pronidentia diuina 48. 52

Pruina 386

Pythagorica siderum Musica

228.

Q

| | | | |
|---|-----|-----------------------------|-----|
| Quatuor anni tempora | 218 | Sphararum ordo | 42 |
| Quartus dies à nouilunio | 344 | Sphæra recta & obliqua | 215 |
| Quadriennio redeunt eadē tem- pestates | 345 | Spiritus letales è specubus | 525 |

R

| | | | |
|------------------------------|---------|--|----------|
| Radiorum Solis natura | 76 | Stellas non ali vaporibus | 64. |
| Radiorum fractio & reflexio | 86. 281 | 78. 222 | |
| Reptentini status | 347 | Stellarum motus duo | 65 |
| Regiones mundi | 33 | Stellæ interdum conspectæ | 156 |
| Regressio planetarum | 190 | Stellarum color | 210 |
| Ros | 386 | Stellæ repente natæ | 243 |
| Rubedo matutina & vespertina | 390. | Stellæ circa Solem | 279 |
| | | Stellæ an scintillant | 293 |
| | | Stellæ Castores | 295 |
| | | Stellarum vires | 303. 309 |
| | | Stellæ quomodo agant in infe- riora | 304 |
| | | Statio planetarum | 190 |
| | | Stata tempestates | 301 |
| | | Sulpitius Gallus | 132 |
| | | Sympathia rerum | 366 |

S

| | |
|------------------------------|-------------|
| Salsedo vnde | 557 |
| Sapores aquarum | 582 |
| Saturnus | 62. 66. 183 |
| Sciutricum horologium | 476 |
| Scintillæ è stellis cadentes | 291 |
| seras | 290 |
| Sinistrum, dextrum in cælo | 467 |

| | |
|-------------------------|----------|
| Siderum intervalla | 213 |
| Siderum musica | 228 |
| Solis motus inæqualis | 173. |
| 214 | |
| Solis Encomion | 42. 44 |
| In Sole considerata | 70 |
| Solis distantia à terra | 28. 225. |
| 234 | |
| Solis decolorationes | 286 |
| Solis potestas | 556 |
| Specula cur ascendunt | 599 |

T

| | |
|--|----------|
| Tempestates prodigiosæ | 349 |
| Tempestates ex nubium colore predicendæ | 389-391 |
| Tempestates fortuitæ | 312 |
| Tempestatum causæ | 302. 307 |
| Tempus quid | 215 |
| Terra in medio quiescit | 33. |
| 39 | |
| Terræ proportio ad Solem & lunam | 126 |
| Terræ Encomion | 392 |
| Terræ | |

| | | | |
|---------------------------------------|----------------|---|---------------|
| <i>Terra figura ſphærica</i> | 397. | <i>Veneris motus</i> | 92 |
| 425 | | <i>Venus quantum à Sole diſce-</i> | |
| <i>Terra quantum inhabitetur</i> | | <i>dat</i> | 195 |
| 414 | | <i>Veneris Paphia templum</i> | 531 |
| <i>Terra eſt centrum vniuerſi</i> | 421 | <i>Ventorum generatio</i> | 318 |
| <i>Terra longitudo & latitudo</i> | | <i>Ventorum miracula</i> | 322. 325 |
| 601 | | <i>Ventorum numerus, qualitates</i> | |
| <i>Terra diameter</i> | 612 | <i>& tempora</i> | 328 |
| <i>Terramotus</i> | 485. 490. 498. | <i>Veterum diligentia</i> | 327 |
| 495 | | <i>Vergiliarum ortus</i> | 329 |
| <i>Terra miracula</i> | 501. 519. 530 | <i>Via lactea</i> | 108 |
| <i>Terrarum portenta</i> | 499 | <i>Viſio fit tripliciter</i> | 281 |
| <i>Terra enata ex aquis</i> | 502 | <i>Umbra quid</i> | 88. 118 |
| <i>Terra abſorpta</i> | 515 | <i>Umbra figura</i> | 109. 125. 130 |
| <i>Terra tremcentes</i> | 527 | <i>Umbra vtilitas</i> | 118 |
| <i>Thales Miſeſius</i> | 133 | <i>Umbra proportio ad gnomones</i> | |
| <i>Theamedes ſpecies Magnetis</i> | | 438. 476 | |
| 532 | | <i>Umrarum differentia</i> | 441. |
| <i>Thurma</i> | 563. 575 | 451 | |
| <i>Thyle</i> | 469. 475 | <i>Umbra nulla vbi & quando</i> | |
| <i>Tonitrua quomodo ſiant</i> | 315 | 463 | |
| <i>Tonus in Muſica</i> | 229 | <i>Urbes abſorpta</i> | 517 |
| <i>Trabes in aëre</i> | 273 | | |
| <i>Traiectiones</i> | 234. 271 | Z | |
| <i>Typhon. Turbo</i> | 348 | | |
| | | <i>Zephyrus</i> | 328 |
| V | | <i>Zodiaci circuli inuentio & ob-</i> | |
| | | <i>liquitas</i> | 61. 64. 132 |
| <i>Vaſtor quid</i> | 242. 298 | <i>Zone</i> | 417. |






L I P S I A E
IMPRIMEBAT IOHANNES
STRINMAN
T Y P I S V O E G E L I A N I S .

A N N O

M . D . L X X I I I .

















120863780



pk 223
v 59